



· BIBLIOTECA ·
· LVCCHESI · PALLI ·



Grande Lib. P.S.

~~11-1-35~~
27 I 34

III 27 I 34



20048
J O. G O T T L.

HEINECCII, JC.

POTENTISSIMO PRUSSORUM REGI
a Consiliis Sanctioribus, & Professoris
P. Ord.

E L E M E N T A
JURIS NATURÆ,

ET GENTIUM,

Commoda Auditoribus Methodo
adornata.

Editio nova & castigatio



V E N E T I I S,
EX TYPOGRAPHIA BALLEONIANA.
MDCCLXIV.

Superiorum Permissu, ac Privilegiis.

54.



CANDIDO LECTORI

S. P. D.

JO. GOTTL. HEINECCIUS :



UI adhuc in jurisprudentia civili, cum Romana, tum patria, illustranda non perfunctoriam operam collocasse mihi videor: jam persuaderi mihi passus sum, CANDIDE LE-

CTOR, ut etiam *JUS NATURÆ ET GENTIUM* brevi libello complecterer, & *enchiridion* illud in usum eorum, qui institutione mea utuntur, typis exscriptum, publicarem. Et rem sui fortassis periculi fecerunt amici, qui me consilio atque auctoritate sua ad concinnandum hunc libellum impulerunt. Quod enim ad me attinet, ita jam pridem occallui, ut non magnopere reformidem aliorum de me judicia, sed, sinceræ bene de communibus studiis merendi voluntatis mihi satis conscius, hæ ipsa conscientia me facile consoler. Sive enim opuscula mea in virorum bonorum, & rerum hujusmodi intelligentium, manus incidant: non est profecto,

quod verear, ne hoc consilium meum damnent: sive obrectatores ea oculis lustrare non dubitent: eorum judicia ergo non majoris facio, quam hominum, a lacu & furno redeuntium, quibus non possunt non omnia, quæ suis ipsi impuris manibus contrectant, sordere. Quare, missis his, ad id venio, quod magis ad rem pertinere arbitror, id est, ad consilium meum, instituti-que rationem, quiquis perspectis, quid ego præstiterim, quemque fructum tu ex hoc libello capere possis, satis intelliges. Nulla est philosophiæ practicæ disciplina, quæ vel rerum argumentorumque pondere, vel utilitatis ubertate, cum hac jurisprudentia naturali ulla ex parte sit comparanda, quippe cujus tanta est dignitas, tantusque in vita humana usus, ut iis, qui, illa neglecta, solis rerum abstractarum ac naturalium speculationibus ingenii aciem intendunt, jure merito occlames illa Helena apud Euripidem *in Hel. v. 928.*

Αἰσχρὸν, τὰ μὴ σε θεῖα πάντ' ἐξιδέναι,
 Τὰ τ' ὄντα, καὶ μὴ τὰ ὀδύνα μὴ εἰδέναι.
*Nam turpe id esset, quum scias hominum
 ac Deum*

Quod est, critque, justa te haud cognoscere.
 Sane ii, qui ad jurisprudentiæ civilis intelligentiam cogitationes suas ac studia conferunt, ii magnopere falluntur, si se operæ pretium, sine hac præstantissima scientia, sperant facturos. Nam si is demum ad veram ac solidam doctrinam rerumque scientiam pervenisse dicendus est, qui, quas perspectas habet, veritates, ex fonte, non ex
 im-

P R Æ F A T I O: V

impurioribus lacunis, hausit: jurisprudentiæ profecto nostræ non alius fons, aliaque scaturigo est, quam jus illud primævum, quod non didicimus, accepimus, legimus, verum e natura ipsa arripuimus, hausimus, expressimus, ad quod non docti, sed facti, non instituti, sed imbuti sumus, ut si quis maximam jurisprudentiæ Romanæ partem jus naturale, factis hominum adplicatum, dixerit, is me non admodum habiturus sit dissentientem. Vidit id incomparabilis philosophus, Epictetus, qui apud Arrianum *Diff. Epiæ. IV, 3.* eos, qui sapientiæ student, ad sempiternam illam legem divinam, tanquam ad limpidissimum fontem, non ad solos legum civilium rivulos, vocans, Οὐτοι, inquit, εἰσὶν οἱ ἐκείθεν ἀπεσταλμένοι νόμοι, ταῦτα διατάγματα· τέτων ἐξηγήτην δεῖ ἡρῶσαι, τέτοις ὑποταγμένων, ὡς τοῖς Μασσούρις, καὶ Κασσίου. Ha sunt inde, (a Deo,) ad nos missa leges, hæc præcepta: horum interpretem fieri oportet, his obedientem: non Massurii, aut Cassii legibus. Et Tullius postea de legibus II, 4. ubi ex instituto de legum justitiæque origine disserit: Hanc, inquit, video sapientissimorum fuisse sententiam, legem neque hominum ingeniis excogitatam, nec scitum esse aliquod populorum; sed æternum quiddam, quod universum mundum regeret imperandi prohibendique sapientia. Ita principem legem illam & ultimam, mentem esse dicebant, omnia ratione aut cogentis aut vetantis Dei: ex qua illa lex, quam dii humano generi dederunt, recte est laudata, est enim ratio mensque sapientis; ad jubendum & ad

deterrendum idonea. Addit, sibi a parvis ediscendum fuisse illud; *SIN JUS VOCAT*, id est, corpus illud XII. Tabularum; & hæc, aliaque jussa ac verita populorum, vim aliquam habere ad recte facta vocandi, & a pravis avocandi: quæ vis non modo senior sit, quam ætas populorum & civitatum, sed & æqualis illius coelum atque terras ruentis & regentis Dei. Quod ubi præclaris exemplis demonstravit, inde porro colligit, esse aliquam rationem, profectam a rerum natura, & ad recte faciendum impellentem, & a delicto avocantem, quæ non tunc denique incipiat lex esse, quam scripta sit, sed tunc, quum orta sit: ortam autem esse simul cum mente divina. Eam demum esse justitiam injustitiumque distinctionem: ad illam antiquissimam & principem naturam leges hominum dirigendas esse, quæ supplicio improbos adficiant, defendant ac tueantur bonos. Hæc illo loco Cicero, qui & alibi de officiis III, 17. hunc locum tractat, &, ubi discrimen juris gentium & civilis ostendit, prioris principia præne ex hominum memoria evanuisse, ac proinde jurisprudentiam Romanorum fere totam oblanguisse, graviter conqueritur. Ita enim intelligenda sunt verba viri prudentissimi sequentia: *Quod civile, non idem continuo gentium: quod autem gentium, idem civile esse debet. Sed nos veri juris, germanaque justitia solidam expressamque effigiem nullam tanemus: umbra & imaginibus utimur. Eas ipsas utinam sequeremur, feruntur quum ex optimis natura & veritatis exemplis:*

Quid

P R Æ F A T I O: vii

Quid vero aliud hic docet Cicero, quam quod nos non satis unquam doceri posse, identidem monemus, præclaram esse Romanorum jurisprudentiam, & ex optimis naturæ ipsiusque inferioris philosophiæ præceptis expressam, sed inanem eam tamen umbram, ac vita veluti destitutam imaginem futuram, nisi accedant veri juris germanæque iustitiæ principia, quæ, quia sola ab ipso Deo immortalī divinaque ratione proficiuntur, nullius hominis imperio suffragioque populi tolli atque abrogari possunt? Hæc vero si jungantur cum civili illa, quam jurisconsulti perpoliunt, sapientia: tunc demum illud nescio quid præclarum & singulare solet existere. Accedit, quod, si vel maxime ita comparata esset jurisprudentia Romana, nullo ut alio præsidio indigeret, totaque ex decemvirorum tabulis, aliisque legibus civilibus, tamquam exuberantissimo fonte, promanaret: ea tamen nihil auctoritatis habitura sit in definiendis integrarum gentium litibus & controversiis, quippe quæ inter se non alio jure, quam quod ipsa natura inter omnes homines peræque constituit, reguntur, jure, inquam, illo universali, quod in fœderibus, pactionibus, conditionibus populorum, exterorum regum, in universo denique belli jure & pacis versatur, quodque Cn. Pompejum & quum requiesceret, litteras, & quum rem gereret, rem ipsam docuisse, gloriatur Cicero pro L. Cornelio Balbo Cap. VI. Quare in quantum integræ gentes & respUBLICÆ præ privatis quibusdam hominibus eminent: tanto jus

naturæ & gentium est jure civili, quod inter privatos tantum cives viget, excellentius, ut de eo vere dici possit, quod, comparatis inter se Græcorum Romanorumque linguis, dixit Tullius pro Archia poeta *Cap. X. jus illud naturale ac gentium apud omnes gentes vigere; civile suis finibus, exiguis sane, contineri.* Qui jam vulgo glossatorum nomine veniunt, homines, diligentes illi quidem, nec juris civilis imperiti, at sæculi vitio barbari, non aliunde decidi oportere, existimabant, illas regum gentiumque controversias, quam ex diffusa illa juris Justiniani collectione, qua comprehensas leges si quis recte imbibisset, eum, tamquam ex tripode, de belli pacisque juribus oracula illico fundere posse, jactabant. Et sane id tam facile faciebant, quam pirum vulpes comest. Quoties enim quaestio incidebat de jure Imperatoris augustissimi in universum orbem, per quem olim Romani arma victricia circumtulcrant: sedes hujus doctrinæ erat iu *LEGE IX. DIG. DE LEGE RHOD. DE JACTU*, in qua, tamquam gemma quædam, fulgent verba illa Antonini Imperatoris: *Εγὼ μὲν τῷ κόσμῳ κύριος, ὁ νόμος τῆς θαλάσσης.* *Ego quidem mundi dominus: lex autem maris.* Si de jure belli disceptandum esset, feciales suos ablegabant ad titulos Digestorum de captivis & postliminio, & redemptis ab hostibus, de re militari, de castrensi peculio, de veteranis, de testamento militis, de bonorum possessione ex testamento militis, & in primis ad titulos insignes Codicis Justiniani, qui milita-

P R Æ F A T I O. ix

re possunt , vel non possunt , & de servis ,
ad militiam vel dignitatem adspirantibus ,
& ut nemo duplici militia , vel dignitate
& militia simul utatur , negotiatores ne mi-
lilent , de re militari , de castrensi peculio
militum & præfectianorum , de erogatione
militaris annonæ , de excoctione & trans-
latione militarium annonarum , de militari
veste , de metatis & epidemeticis , de sal-
gamo , similesque alios quamplurimos , in
quibus omnibus tantos jurium belli & pa-
cis thesauros reconditos esse , adseverabant ,
ut copia ipsa inopes redditura sit omnes ,
qui illis occupandis animum velint adpel-
lere . Quid si de foederibus , pactionibus
ac sponsonibus liberarum gentium esset re-
spondendum ? Quid vero ? Quasi non in
pandectis æque , ac codice fulgerent ver-
bosissimi tituli de pactis , de transactioni-
bus , de verborum obligationibus , de duo-
bus reis , de contrahendis stipulationibus ,
& similes : quos quisque , multis vigiliis
excussos , in succum & sanguinem conver-
terit , eum nihil existimabant ignorare , ni-
misque stupidum esse quærebantur illum ,
qui in ista rerum præstantissimarum farragi-
ne vel decisionem , vel argumentum legis ,
quod vocant , non illico reperiret . Sic &
de legatorum juribus disceptantes , nihil
desiderare posse contendebant , si in consi-
lium adhiberent titulos de legationibus .
De jure vero leges ferendi , magistratus
constituendi , poenas infligendi , exigendi
tributa & vectigalia , & similibus , omnia
jam in titulis de legibus , senatus consul-
tis ,

X P R Æ F A T I O .

tis , longa consuetudine , constitutionibus principum , de officio præfectorum prætorio , præfectorum urbi , & sequentibus , de poenis , bonis damnatorum , interdictis & relegatis , denique de publicanis , vectigalibus , & commissis , & similibus exhausta , & ad liquidum perducta esse , credere auditores sua fide jubebant . Quin si vel maxime ibi aliquid non satis explicatum alicui videatur : eum tamen scim non melius expleturum , putabant , quam si in subsidium adhibeat scripturam sacram , jus canonicum , pontificum decretales , & maxime diffusa illa philosophorum scholasticorum opera , in quibus omnibus & ille juris gentium vindex , Hugo Grotius , *prolegomen. §. XLVIII. & seq.* invenisse sibi visus est quamplurima , quæ ad jus illud naturæ & gentium illustrandum non parum adferant utilitatis . At , si dicendum quod res est , boni illi viri vix secum expendisse videntur , quam parum ponderis apud gentes , juris Romani ignaras , & a Christiana pietate alienas , habitura sint argumenta ex jure Justiniano , sacris pandectis , jure pontificio , Thomæ , Alberti Magni , S. Bonaventuræ , & aliorum operibus deprompta . Apud Plautum *Mostell. III. v. 29.* consultus a domino , Theuropide , Tranio servus , quid nunc faciendum censeat , quando ea omnia facta neget vicinus , quæ ipse retulisset ? lepide ac percallide respondet :

Egon' quid censeam ?

Cape , obsecro hercle te , cum eo una judicem .

Scd

*Sed eum , videro , ut capias , qui credat
mihi :*

*Tam facile vinces : quam vulpes pirum
comest .*

Idem ; vereor , ne postulent ii , qui se jura belli , pacis , fœderum , omnesque , quæ inter gentes intercedere possunt , controversias , vel ex legibus Romanis , vel ex jure pontificio , vel ex sacris veteris novique fœderis libris , vel denique ex vastis philosophorum scholasticorum commentariis , se definire velle pollicentur . Judices enim postulant eos , qui his libris sibi que eorum auctoritate fretis , credant , pollicenturque victoriam tam facilem , quam si vulpes pirum comedat . Quid vero si gens quædam cum Turcis , vel Sinensibus , vel Japonibus de violatis fœderum legibus expostulet ? His scilicet facile persuadebitur , juxta esse omnia , quæ non dicam jureconsulti aut pontifices Romani , vel Thomas Aquinas , sed ipsi prophetæ ac Apostoli scripserunt . At ego id eos , credo , non facilius consequuturos , ac Turcas , si Mahumedem ; aut Sinenses , si Confucium suum nobiscum judicem capere vellent . Ex eo vero profecto consequitur , ut aut omnes gentium rerumque publicarum controversiæ inter τὰ ἄπορα referendæ sint , aut in promptu esse oporteat præcepta vel leges , quas ipsa recta ratio vel Deus potius , rationis auctor , inter omnes gentes , quantumvis linguis ac regionibus distitas , constituerit , quibusque se populi omnes , qui non plane obrutuerint , obligari fateantur . Quum vero hæc ipsa non alia sint ,
quam

quam quæ juris naturæ ac gentium vocabulo designamus: quid quæso, utilius, quidque magis in omni vita frugiferum esse potest, quam præclara ista vereque divina præcepta ita percepta habere, ut iis non ad ostentationem, sed ad dijudicanda integrorum gentium civitatumque negotia, utaris? Quis præclare destituta juventute mereri neget eos, qui se illi duces ad tam incomparabilem scientiam profitentur? Denique quis non eos ipsam rectam rationem in exsilium agere velle dicat, qui operam omnem, in jure naturæ ac gentium collocatam, non modo infructuosam, sed & noxiam, & cum maximo juvenum detrimento conjunctam esse, clamant? Sed hæc quidem fortassis ad pudorem purgandum mihi sufficerent, si vel solus, vel inter primos, in hac perpolienda disciplina operam aliquam atque industriam collocassem. Jam vero quum jam pridem non modo æterna illa Grotii & Pufendorffii opera in omnium manibus versentur, sed & hodie nemo fere sit umbraticus doctor, quin aliquod meditationum suarum, ad hanc universalem jurisprudentiam pertinentium, specimen, tanquam evulsum splendidissimo palatio lapidem, circumferat: actum egisse videbor plerisque, & otium, quod melius transigi poterat, in adornando hoc libello male contrivisse, Enimvero hos meminisse velim, suum cuique esse judicium, &, quod uni supervacuum videtur, id aliis non modo utile, sed & necessarium, videri. Et sane qui in academiis erudiendæ juventuti operam navant,

ii re-

P R Æ F A T I O. xiii

ii reipsa quotidie experiuntur , quanto cum
 tædio conjuncta sit servitus , cui obnoxii
 sunt omnes , qui aliorum libellos enarrare
 coguntur , ac proinde nihil illis accidit mo-
 lestius , quam si alios duces sequi , & con-
 fidere jubeantur alieno ingenio . Sæpe enim
 talia sunt auctoris cujusdam , quem interpre-
 tandum suscipiunt , principia , qualia ipsi
 probare non possunt . Sæpe ille pleraque si-
 ne ordine etiam confuse pertractat , ut nihil
 sit in libello , quod veluti certam sedem ac
 fixum domicilium habeat , nihil , quod non
 æque facile alienissimo , ac suo loco , per-
 tractatum reperiatur . Aliquando contingit ,
 ut auctor , quem quis ducem elegit , in re-
 bus vel nugatoriis , vel *ἀπορροιστοῦσι* , ad-
 modum sit verbosus , magnoque conatu ma-
 ximas agat nugas ; in aliis , perquam scitu
 necessariis , tam brevis , ut eas saltu magis
 transilire , quam attingere videatur . Atque
 inde duo consequi necesse est , primum ut
 docentes multa , quæ auctor scripsit , re-
 fellere , rebus nihili cum tædio immorari ,
 plura ab eo omissa magno cum temporis
 dispendio supplere teneantur : alterum , ut
 discentes veluti per labyrinthum eo perdu-
 cti , quo via recta multo facilius pervenire
 potuissent , res , tam variis interruptas dispu-
 tationibus , suopte ingenio connectere ne-
 queant , atque ita præcipuo fructu , quem
 ex illis acroasibus capere debuissent , priven-
 tur . Id vero vel solum satis idoneam ratio-
 nem sufficit doctori , ut in docendo suis ,
 quam aliorum , libellis uti malit , adeoque
 & mihi prodesse debet , elementa hæc ju-
ris

xiv P R Æ F A T I O .

ris naturæ & gentium scribere auso, ne temere
 eum laborem suscepisse, aut post tot Homeras
 Iliada exorsus esse videar. Sed habere mihi
 visus sum & alias causas, quæ me ad scri-
 bendum non modo invitarent, sed & quo-
 dammodo impellerent. Quicumque adhuc
 in pulcherrima illa disciplina versati sunt,
 illi doctrinas suas vel nulli certo ac indubio
 principio superstruxerunt, veritates varias,
 easque utilissimas, veluti uno fasce, colle-
 gisse contenti, vel principia parum idonea
 admiserunt, vel ea denique tam longe ex
 subtilissimis, quas metaphysica suppeditat,
 notionibus petierunt, ut data veluti opera
 tenebris omnia involvere voluisse videantur.
 At ego, expensis omnibus, quæ huc fa-
 cere videntur, hanc feci summam cogita-
 tionum mearum, nullius disciplinæ philoso-
 phicæ evidentiora oportere esse principia,
 quam juris naturæ, & gentium, quippe
 quod Deus immortalis non solis eruditis,
 iisque, qui acutius reliquis vident, sed
 omnibus omnino hominibus, non modo
 perspectum, verum etiam eorum mentibus
 inscriptum esse voluit, Nullum vero reperi-
 ri principium evidentius, existimo, quam
 quod vir illustrissimus, SAMUEL L. DE COC-
 CEJIS, aulæ Regiæ Prussicæ Papinianus, tum
 adhuc admodum juvenis, pereruditæ disser-
 tationibus demonstravit, puta VOLUNTATEM
 DEI. Quamvis enim plerique hodie vete-
 rem illam scholasticorum doctrinam de na-
 turali actionum bonitate & justitia, a Pu-
 fendorffio tanto molimine profligatam, in
 lucem revocare malint; ego tamen per-
 spe-

spexisse mihi videor, esse quidem actiones in se & sua natura bonas: at justas illas dici non posse sine jure, nec jus intelligi sine lege, nec legem sine legislatoris voluntate concipi posse: adeoque bonitatem actionum naturalem posse illam quidem hominem, qui rectæ rationi, quam cupiditatibus suis obtemperare malit, obligatione quadam interna ad bene agendum impellere, verum non tamquam legem, sed tamquam consilium aliquod, quod qui non sequitur, imprudenter quidem, at non injuste, egisse videri potest. Sed non minus porro perspicue intelligere mihi visus sum, Deum voluisse, ut vero bono frueremur. Quod quum aliter consequi, quam per AMOREM, nemo possit: ex eo solo, tamquam limpidissimo fonte, totum jus naturæ & gentium prono alveo fluere, censeo, atque ita incido in harmoniam illam incomparabilem revelationis & rationis, quippe ab eodem benignissimo Numine profecturam. Nam & illa, amorem totius legis divinæ, quæ decalogo comprehenditur, summam, ἀναγκασαίωσιν, πλήρωμα, τέλος esse diserte docet, *Matth. XXII, 37. Luc. X, 27. Rom. XIII, 9. 1. Tim. 1, 5.* Non equidem ignoro, quid obverti soleat huic sententiæ, puta, amorem esse virtutem, ad quam nemo cogi, vel externa obligatione obstringi possit: ac proinde ex eo fonte officia quidem humanitatis, quæ & imperfecta vocant, non autem perfecta, promanare. Sed præterquam, quod decalogi leges, quæ procul dubio perfecta non minus, quam imperfecta, officia inculcant, ad AMOREM, tamquam

quam ad principium suum, ab ipso Servatore revocantur: luculenter videmur ostendisse, verum amorem non modo cum propensione alteri benefaciendi, sed & cum proposito, eum, quem amamus, non ledendi, eique omnia, quæ jure etiam perfecto debemus, tribuendi, conjunctum esse, & priorem AMOREM BENEFICENTIÆ, posteriorem JUSTITIÆ, commode posse adpellari, utrumque vero esse intelligendum, quoties ex amore universum jus naturæ & gentium derivatur. Ceterum ex AMORE fluere officia omnia erga Deum, nos ipsos, aliosque homines, eaque tum absoluta, tum hypothetica, re ipsa nos ostendisse, arbitramur. Nec aliam juris gentium originem esse, pater. Sive enim in statu naturali, sive in societate, vivant homines, ad tuendam vitam, sanitatem, substantiam, rem denique publicam, amore impelluntur, nec gens a gente quidquam exigere ex ulla ratione potest, nisi ex regulis amoris notissimis: Quod tibi vis fieri, id & aliis facito: itemque, quod tibi non vis fieri, alteri ne feceris. Immo ad ipsas ineundas societates nihil aliud impulit homines, quam amor tum sui, tum aliorum, quorum communi saluti talibus pactis consulere voluerunt. Habes, CANDIDE LECTOR, meditationum mearum summam, quibus me, ob illam rationis & fidei concordiam, magnopere delectari, non diffiteor, sed ita, ut eas obrudam nemini, neque ideo aliorum doctrinis quidquam detractum velim. Ipse etiam hic libellus, uti spero, ostendet, me nusquam id egisse,

se, ut aliis insultarem, sed ut meæ propo-
 nem, eaque vel firmarem argumentis, vel
 contra ea, quæ obverti illis posse viderentur,
 modeste vindicarem. Nullum scriptorem,
 cujus memini, paulo acerbius reprehendi,
 quamvis aliquando non defuisset occasio:
 quin eorum nomina plerumque dissimulare,
 quam aliquid, quod non dicam immode-
 stius, sed duriuscule scriptum videri posset,
 scribere malui. Methodo usus sum, Musis
 meis familiari, non mathematica quidem il-
 la, vel geometrica, sed naturali & perspi-
 cua, quam auditoribus commodissimam esse,
 re ipsa per tot annos expertus sum. Ope-
 ram dedi, ut omnia præcepta ex claris de-
 finitionibus, deductisque inde axiomatibus
 derivarem, eaque stilo, non ornato illo qui-
 dem, aut multis eloquentiæ luminibus di-
 stincto, quem hujusmodi libelli non desi-
 derant, sed puro tamen, quantum fieri po-
 tuit, & perspicuo proponerem. Plerisque
 paragraphis scholia subjunxi, in quibus mo-
 do doctrinas, in iis propositas, aliis argu-
 mentis firmavi, modo objectiones quasdam
 solvi, modo consensum veterum ac recentio-
 rum, ipsarumque sacrarum litterarum, osten-
 di, non quod turpi μεταβάσει εἰς ἄλλο γένος,
 juris naturæ & gentium præcepta ex aliis,
 quam suis ac domesticis principiis, deriva-
 re voluerim, sed quod ea & oblectare le-
 ctorem, & convincere possint, talia esse
 hujus disciplinæ præcepta, ut ea & vetè-
 res solo rationis ductu perspexerint, & ipsi
 sacri scriptores, divino adflatu, humano ge-
 neri inculcarint. Indicis conficiendi laborem
 filius

xviii P R Æ F A T I O .

filius in se suscepit , quem non male hoc officio functum esse , speramus . Sed quum spe longius procedere orationem , animadvertam , hic eam abrumpo , meque benevolentiae bonorum omnium , & tuæ maxime , CANDIDE LECTOR , vehementer etiam atque etiam commendo . Vale . Halæ Magdeb. ipsis Idibus Octobr. MDCCXXXVII.



ELENCLUS CAPITUM:

LIBER PRIMUS.

JUS NATURÆ.

- CAP. I. **D**E natura & constitutione juris
natura & gentium. pag. I.
- CAP. II. De actionum humanarum natura at-
que indole. 20.
- CAP. III. De norma actionum humanarum,
veroque juris naturalis principio. 46.
- CAP. IV. De adplicatione hujus norme ad
actiones, & emergente inde harum differen-
tia. 74.
- CAP. V. De officiis hominis erga Deum. 95.
- CAP. VI. De officiis hominis erga seipsum. 111.
- CAP. VII. De officiis erga alios absolutis, &
perfectis, speciatim de nemine ledendo. 141.
- CAP. VIII. De officiis erga alios imperfectis. 176.
- CAP. IX. De officiis erga alios hypotheticis,
& primo quidem, circa dominii adquisitio-
nem originariam. 190.
- CAP. X. De derivativis dominii acquisitioni-
bus, qua vivo priore domino fiunt. 224.
- CAP. XI. De derivativis acquisitionibus per
successionem, ex dispositione defuncti & ab
intestato. 242.
- CAP. XII. De juribus & officiis, qua ex do-
minio oriuntur. 261.
- CAP. XIII. De rerum, in dominio constitu-
tarum, commercio. 278.
- CAP. XIV. De Pactis. 353.
- CAP. XV. Quibus modis obligationes ex con-
tractibus solvantur. 357.

JUS GENTIUM.

- CAP. I. **D**E statu hominis naturali & sociali. pag. 367.
- CAP. II. De officiis, in societate conjugali observandis. 389
- CAP. III. De officiis, in societate parentum & liberorum observandis. 419.
- CAP. IV. De officiis, in societate herili observandis. 444.
- CAP. V. De societate composita, quam familiam vocamus, officiisque in illa observandis. 457.
- CAP. VI. De societatis civilis origine, forma & adfectionibus. 466.
- CAP. VII. De summa potestate, eamque adquirendi modis, 499.
- CAP. VIII. De juribus majestatis immanantibus, quidque circa ea justum sit. 521.
- CAP. IX. De juribus majestatis transeuntibus. 564.
- CAP. X. De officiis civium. 603.



E L E M E N T A
JURIS NATURÆ,
ET GENTIUM,

L I B E R P R I M U S .

J U S N A T U R Æ .

C A P U T P R I M U M .

*De Natura & Constitutione Juris Naturæ
& Gentium.*

§. I.



Uemadmodum omne id homini
BONUM esse dicimus, quod eum
conservat ac perficit; MALUM,
quod eundem destruit deterio-
remque reddit, (*Elem. phil. mor.*
§. CXLII.) ita & ACTIO BONA erit, quæcum-
que ad conservationem perfectionemque ho-
minis prodest; MALA, quæ destruit eundem,
ac imperfectiorem reddit.

Quid a-
ctio bona
& mala.

Hein. de Jur. Nat. & Gent.

A §. II.

§. II.

Quid
conserva-
tio . per-
fectio ,
destru-
tio &
imperfe-
ctio ?

CONSERVARE HOMINEM dicitur, quidquid ad
ejus durationem & continuationem status
præsentis aliquid confert: PERFICERE, quoad
ea omnia, quæ ad essentiam integritatem-
que ejus pertinent, quæque omnino gradus
admittunt, auget, atque amplificat. *) Ex
quo, quid NOS DESTRUERE AC IMPERFECTIO-
RES, vel DETERIORES reddere dicatur, facile
intelligitur.

* Eadem est perfectionis idea, quæ Simplicio
observata est, dum ad *Epist. Enchir. Cap.*
XXXIV, p. 175. scribit: *μὴ τὰ σφῶτα μόνα,*
καὶ τὰ μέσα ἔχειν, ἀλλὰ καὶ τὰ ἁγὰτα,
ἰδιωτῇ τῆς τελείτης. Non prima tantum &
media habere, sed extrema quoque, proprium
est PERFECTIONIS. Nec aliter Aristotel. Me-
taph. IV, 16. ubi licet varias vocabuli no-
tiones evolvat, ad eandem tamen ideam
omnes reducit.

§. III.

Homines
æque ma-
le, ac
bene age-
re pos-
sunt.

Quum ergo ea sit voluntatis humanæ in-
doles, ut semper adpetat bonum, malum-
que aversetur: (*Elem. phil. mor. §. XXIX.*)
hieri quidem 1) non potest, quin semper
actiones, quæ ad conservationem & perfe-
ctionem nostram pertinent, edere velimus,
ab iisque, quæ nos destruunt; vel imperfe-
ctiores reddunt, abhorreamus: at 2) quia
bonum & malum æque adparens, ac verum
esse potest, & bonum adparens verum ma-
lum; malum adparens verum bonum est:
Element. phil. mor. §. CXLIII.) sæpissime sa-
ne contingit, ut, quemadmodum Ixion nu-
bem pro Junone; ita nos bonum adparens
pro

pro vero adplectamur, malumque adparens pro vero aversemur, ac proinde 3) æque facile, male, ac bene agamus. *)

* Id denuo recte vidit Simplicius ad Epictet. Enchir. Cap. XXXIV. p. 184. ubi maximo opere laudat voluntatis libertatem, eamque vocat τὴν αὐτεξέστην αὐτοθελῆς καὶ αἰὲς βίαν ποτὶ μετὰ τὸ ἀλλοθὺς ἀγαθὸν αἰσινόμενον, ποτὶ δὲ τὸ φαινόμενον, liberam animi naturam, quæ suapte voluntate, & absque coactione alias verum bonum amplectitur, alias IMAGINARIUM.

S. IV.

Facultas ex duobus possibilibus alterutrum eligendi, adeoque bene vel male agendi potentia, vocatur LIBERTAS: ac proinde negari non potest, 4) dari actiones hominis bonas malasque liberas. Quumque omnia, quæ æque facile a tramite deflectere, ac viam rectam tenere possunt, norma, ad quam dirigantur, indigeant: consequens est, 5) ut & actiones humanæ liberæ ad normam quamdam componendæ sint. *)

Itaque actionum suarum norma indigent.

* Eodem modo ratiocinatur Epictetus apud Arian. Lib. II. Cap. XI. Πᾶντα καλῶς ἔχοντά δοκῶντα ὅπασι, καὶ πῶς δυνατὸν τὰ μαχρότερα καλῶς ἔχειν, καὶ ἀρκούντι τὸ δοκεῖν ἐκάστῳ πρὸς τὸ εἶναι ἔσθ' ἡ γὰρ ἐπὶ βαρύνει, καὶ μέτρον, καὶ τῇ ἰμφοῦσι ἀρκυμένη, ἀλλὰ κατὰ τὰ πρὸς ἐφ' ἐκάστῳ ὁρίσθ'· Εἰσαὐτὸν ἔν, ὅρσις κακῶν αἰσινόμενον τὸ δοκεῖν, καὶ πῶς οἷόν τι ὅτι κέρματα εἶναι καὶ αἰσινόμενα καὶ ἀναγκαῖα καὶ αἰσινόμενα; Omniaque recta esse existimas pro eo, ac cuique visa fuerint? At qui fieri potest, ut pugnantia inter se sint recta? Itaque ut aliquid recte se habet, satis non est, ita alicui visum esse, quum ut in gravibus quidem librandis mensurandisque re-

bus nudis visis sumus contenti, sed in omnibus
 REGULAM quamdam adhibeamus. An ergo in
 his, de quibus loquimur, REGULA nulla erit
 eminentior, quam quod nobis ita aliquid vi-
 deatur? Sed qui fieri potest, ut CERTA NOR-
 MA nulla sit vel pervestigari non possit, qua in
 vita humana nihil est magis necessarium?

§. V.

Et hanc
 quidem
 rectam,
 certam
 & con-
 stantem
 esse o-
 portet.

PER NORMAM hanc intelligimus evidens boni
 malique criterium. Neque ergo 6) illa re-
 cte suo fungeretur officio, nisi RECTA, CERTA
 & CONSTANS esset. Pone, rectam illam non
 esse: nec normatum recte se habebit. Pone,
 eandem non esse certam: non boni malive
 erit criterium. Si denique Lesbiam esse sibi-
 que non constare hanc normamingas: actio
 ad illam composita modo bona, modo ma-
 la est futura, ac proinde omnibus his casu-
 bus nec normæ nomine digna illa esse vido-
 bitur. *)

*) Adeo verum est, quod cecinit Lucret. de
 rer. nat. Lib. IV. v. 515.

*Si prava est regula prima,
 Normaue si fallax rectis regionibus evis,
 Et libella aliqua si ex parte claudicat hilum:
 Omnia mendose fieri atque obstipa, neces-
 sum est,
 Prava, cubantia, prona, supina atque ab-
 sona tecta,
 Jam ruere ut quidam videantur velle,
 ruantque,
 Proditæ judiciis fallacibus omnia primis.*

§. VI.

Nec non
 cum o-
 bligatio-
 ne con-
 iunctam,

Præterea 7) parum utilitatis homini attu-
 lerit hæc norma actionum, nisi ita sit com-
 parata, ut motivo aliquo, quod vocant, im-
 pel-

impellatur voluntas ad illam adhibendam. Quia enim numquam agit homo, ut non aliquid, quo impellatur ad agendum, simul animo obversetur: fane nec normam adhibebit, vel saltem parum sua interesse existimabit, adhibeat ne eam, nec ne, nisi motivo aliquo ad id impellatur. Quum veromotivorum nexum cum actione libera OBLIGATIONEM vocemus: consequens est, 8) ut normam actionum humanarum, si officio suo fungi debeat, oporteat esse obligatoriam.

§. VII.

Quandoquidem ergo obligatio est nexus motivorum cum actione libera: (§. VI.) illa motiva vel in ipsa actionum bonitate pravitatēque, vel in entis cujusdam, cujus imperium agnoscimus, actiones aliquas sub comminatione poenae prohibentis, præcipientisve, voluntatem consistunt. Priore ergo casu OBLIGATIO INTERNA: posteriore EXTERNA vocari solet. Vid. THOMAS. *fund. jur. nat. & gent. Lib. I. Cap. IV. §. LXI. sequ.* Illa ad actiones BONAS; hæc ad JUSTAS homines impellit. Utriusque vero correlatum quod vocant jus est. Si enim alter est obligatus: alteri jus est, vel facultas aliquid ab altero exigendi.

§. VIII.

Jam facile intelliges, 9) non sufficere homini normam, cum interna tantum obligatione conjunctam. Quum enim hæc obligatio bonitatem cum actione connectat, (§. VII.) adeoque hominem ad agendum ideo moveat, quod actio bona sit futura, at ita natura comparatum sit, ut bonum adparens sæpe pro vero amplectamur, (§. III. 2.) fie-

Quid & quotu-plex sit obligatio?

Non sufficere obligationem internam.

ri profecto non posset, quin norma, cum interna obligatione conjuncta, incerta futura sit; adeoque indigna, quæ normæ nomine veniat. (§. V.)

*) Non equidem negamus, speciem obligationis nobilissimam esse internam, quippe quam sapientes & probi viri sequuntur, secundum sententiam notissimam: *Oderunt peccare boni virtutis amore*. Quin veteres omnes vel eo maxime nomine laudarunt nascentis mundi homines, quod suapte ingenio, suæque sponte & sine lege, quæ iusta rectaque essent fecerint. Seneca *Epist. XC. Primi mortalium, & ex iis geniti, naturam intorrupte sequebantur, eamque habebant & ducem, & legem*. Add. Ovid. *Metamorph. Lib. I. v. 90.* Tacit. *Annal. III, 26.* Salust. *Catil. Cap. IX.* At sufficere illam negamus, quia quærimus jus naturale, improbis & bonis, stultis & sapientibus commune, ut si quos ratio continere in officio non possit, obligatio saltem externa, vel, quod eodem recidit, periculi metus efficiat,

Ne vaga præfiliat frenis natura remotis.
Horat. *Lib. II. Serm. sat. VII. v. 74.*

§. IX.

Opus ergo est externa, vel perfecta vel imperfecta. Si vero norma, cum interna obligatione conjuncta, incerta esset futura: opus omnino est 10) tali, quæ obligationem externam producat, atque in entis cujusdam, cujus imperium agnoscimus, voluntate consistat. Quum vero ens illud nos vel sine coactione ad virtutem vel honestatem obliget, vel actiones quasdam sub comminatione poenæ vel proposito præmio prohibeat præcipiatve, prior obligatio IMPERFECTA, posterior PERFECTA adpellatur. Denique 11) voluntas entis iure.

superioris actiones quasdam sub comminatione poenae prohibentis præcipientive, dicitur LEX, ac proinde 12) norma actionum humanarum liberarum, ad quas perfecte obligamur; consistit in legibus, earumque complexio ο κατ' ἐξοχὴν jus adpellatur.*)

*) Jus enim, quatenus pro norma actionum humanarum accipitur, est complexio omnium legum unius ejusdemque generis (*Elem. Inst. §. XXXIII.*) Itaque jus sine relatione ad legem vel obligationem externam concipi non posse, ipsa vocabuli origo satis ostendit. Est enim illud non a δῖος, uti sibi persuasit Menag. *Aman. Jur. Cap. XXXIX. p. 298.* nec a Jove, uti post Scip. Gent. *Orig. p. 270.* existimavit Grotius *prolegom. jur. belli & pac. §. XII.* sed a jubendo. Jura enim veteres jussa vel jussa vocabant. Festus: *Jusa, jura.* Add. Hieron. Magii *Var. Lect. IV. 1.* Similiter & Germanicum RECHT involvere notionem legis, juris rectorii, principii, dirigentis actiones humanas, pluribus ostendit Jo. Georg. VVachter. *Glossar. p. 1251.*

§. X.

Jam quum SUPERIUS procul dubio dicendum sit ens, a quo & existentia nostra, & essentia pendet, cujusque agnoscere tenemur IMPERIUM, quia & justam habet causam exigendi a nobis obsequium, & facultate pollet malum nobis repræsentandi, si fræna mordeamus, & voluntatem suam, quod huic imperio numquam renunciarit, nec renunciare umquam velit, argumentis luculentissimis ostendit: *) 13) ens istud superius, cujus imperium agnoscere tenemur, non aliud erit, quam DEUS o. m. adeoque 14) hic solus et-

Ejus legis non alius auctor esse potest quam Deus.

iam auctor dicendus juris illius, quod universo generi humano pro norma esse oportere, diximus.

*). Juxta obsequium exigendi causa procul dubio est non modo ipsa entis alicujus *perfectio & bonitas*, ceu visum est tum MOSI AMYRALDO *dissert. de jure Dei in res creatas*, tum olim DEMOCRITO, cujus est dictum notissimum: *φύσιν τὸ ἀρχεῖν οὐκ ἔστιν τῶν κτισμάτων*. *Natura evenit, ut, quod melius est, imperet*: Stob. *serm. XLVII. p. 323.* verum etiam *dependencia*. Quis enim negaverit, eum merito ab altero exigere obsequium, qui alteri *existentiæ ac conservationis causa* est? Jure ergo obsequium *exigit DEUS O. M. ἐν ᾧ ζῶμεν, καὶ κινῶμεθα, καὶ ἵσμεν*; *In quo vivimus, movemur & sumus. Act. XVII, 28.* Porro & malum nobis fræna mordentibus repræsentare posse Deum, ejus justitia & omnipotentia nos dubitare non patitur. (*Elem. phil. moral. §. CLXXXV. sequ.*) Denique si renuntiasset vel etiamnum renunciaret huic in homines aliasque res creatas imperio: hoc indignum esset ejus sapientia ac bonitate, siquidem satis novit, tamquam ens sapientissimum, nos sine ejus imperio ac ductu fore miserrimos, ut ens vero optimum non potest ens a se conditum, quod se ipsum gubernare nequit, deferere, ac summæ miseriæ objicere. Quod vero ejus sapientia bonitateque indignum est, id nec velle, nec posse intelligitur. Renunciare ergo imperio in homines & res creatas nec velle, nec posse intelligitur. Idque observandum est contra illustrem Leibnitium, qui quum vir illustrissimus, SAM. a COCCEIIS, singula dissertatione *de principio juris naturalis unico, vero & adequato*, Francof. MD.CXCIX. edita, solide demon-

monstrasset, non aliud fingi posse juris naturalis principium, quam voluntatem Dei; anno MDCC. in Ephemeridibus Hanoveranis, quæ monatliche auszüge vocabantur, mense Julio huic hypothefi inter alia objecit *Obs. VII. Si fingeretur, creaturam tantarum virium esse posse, ut a creatore semel producta, deinde non posset cogi: eam habendam fore pro manumissa, ut liberi possint eo pervenire potentia, ut a parentibus, a quibus generati sint, cogi non possint. Id enim fingere esset insanire, quum contradictionem involvat fictio rei creatæ finitæ tantarum virium, ut a creatore, ente infinito & omnipotente, cogi amplius non possit. Quales sunt & reliquæ illæ fictiones, quibus verissimæ doctrinæ absurditatem ostendere ibi conatur vir doctissimus, veluti, quod, si fingeretur, malum quemdam genium summam rerum potestatem habere, non ideo quod irresistibilis esset, defuturus ille sit malus esse, & injustus, & tyrannus. Fingi enim non potest, malum aliquem genium rerum potiri, si Deum infinitæ potentia existere credimus. Sin Deum existere negamus, nec malum genium, nec res creatas existere, salva recta ratione, concedemus. Magnum hoc profecto veritatis argumentum est, si convelli non possit propositio, nisi fictionibus, quæ contradictionem manifestam involvunt.*

§. XL

Quum ergo ex his omnibus adpareat, non aliud nos querere ius, quam quod Deus o. n. universo generi humano, tanquam normam actionum liberarum tradidit: (§. X. 13. 14.) consequens est, 15.) ut illud toti generi humano debeat innotescere. Quumque quidquid innotescit universo hu-

Net att-
ter ea ex
universo
generi
humano
innotescit,
quæ
per ra-
tionem.

mano generi, vel per *revelationem* aliquam, quam totum genus humanum pro vera ac divina agnoscit, vel per *rectam rationem* ei cognitum perspectumque esse oporteat, talis vero revelatio, quam omnes homines pro vera ac divina agnoscant, nec exstiterit umquam, nec hodie exstet: nemo non intelligit, 16) jus naturæ eas complecti leges, quæ per solam rectam rationem, universo generi humano communem, promulgatæ sint, ac proinde universo generi humano natura innotescant. *)

*) Hinc Cicero pro *Milone* Cap. IV. id jus vocat non scriptum, sed natum, quod non didicimus, accepimus; legimus, verum e natura ipsa arripimus, hausimus, expressimus, ad quod non docti, sed facti, non instituti, sed imbuti sumus. Immo & Apostolus, dum Rom. II, 14. ait, gentes legem scriptam Dei non habentes, ipsas sibi fuisse legem, atque ostendisse, τὸ ἔργον τῆ νόου, ἡγετοὶ ἐν ταῖς καρδίαις αὐτῶν. opus legis scriptum in cordibus suis, rationem redditurus, quomodo hoc jus illis innotuerit, statim subjicit: συμμαρτυροῦσι αὐτῷ τὴ συνείδησις, καὶ μεταξὺ ἀλλήλων ἡδὲ λογισμῶν, κατηγοροῦντων ἢ καὶ ἀπολογουμένων: una testimonium reddente eorum conscientia, & cogitationibus, sese mutuo accusantibus, aut etiam excusantibus. Quod sane aliter fieri non potest, quam per ratiocinationem, adeoque per rectam rationem. Communis sane omnibus hæc doctrina est, qui jus naturæ veluti ex compacto pro *dictamine rectæ rationis* habuerunt, si ab illis solis discefferis, qui justum aliquid esse natura plane negarunt, veluti Archelaus apud Laert. H, 16. Aristippus apud eundem II. 93. Carne-

Cap. I. De Nat. & Const. Jur. Nat. 11
 neades apud Lactant. *Inst. divin.* V, 14. & 19.
 Pyrrho apud Sext. *Empir. Hypot.* III, 24.
 immo ipse Aristoteles, quem ab hac sententia
 non admodum alienum fuisse, probat Menag.
ad Laert. VII, 128. p. 311.

§. XII.

Itaque JUS NATURÆ est complexio legum, Defini-
tio juris
naturæ
& juris-
pruden-
tiæ natu-
ralis vel
divinæ.
 ab ipso Deo immortalī generi humano per
 rectam rationem promulgatarum. Si vero il-
 lud, tamquam scientiam considerare malis,
 JURISPRUDENTIA illa naturalis erit habitus pra-
 cticus voluntatem supremi legislatoris ex re-
 cta ratione cognoscendi adplicandique qui-
 busvis speciebus obvenientibus. Quæ, quia
 in jure, a Deo immortalī profecto, enarran-
 do adplicandoque versatur, recte etiam JU-
 RISPRUDENTIA DIVINA dici potest.

§. XIII.

Quia ergo etiam hoc jus est complexio le- Divisio
in præ-
ceptivum
& per-
missivum.
 gum: (§. XII.) 17) omnia, quæ in leges ca-
 dunt, etiam in jus naturæ cadere animadver-
 timus, veluti *vetare, permittere, punire: l. 7.*
D. de legib. Quin ex eodem colligimus, 18)
 illud recte dividi in PERMISSIVUM, quod ho-
 mines universos ad alios in usu juris liberta-
 tisque suæ non turbandos: & PRÆCEPTIVUM,
 quod eosdem ad actiones bonas edendas,
 malasque omittendas obligat: itemque, 19)
 nullam circa jus *præceptivum* libertatem reli-
 ctam esse hominī, quum *permissivo* unusquis-
 que, cui quidquam permittitur, recte omni-
 no renunciaret. *)

*) Itaque JUS PERMISSIVUM regulam consti-
 tuit; JUS PRÆCEPTIVUM exceptionem. Omnia
 enim libertati hominis permittit Deus, quæ

non præcepit vel prohibuit. Sic e. g. quia sola arbore scientiæ boni & mali hominibus interdixisset Deus: recte omnino inferebant protoplasti, licere sibi fructibus reliquis omnibus vesci. *Gen. II, 2. 3.* Cessante enim legis obligatione, viget libertas. Nec tamen ideo negandum fuerit, obligationem conjunctam esse cum jure permissivo. Obligat enim universum genus humanum, ne quem usu libertatis suæ prohibeat. Sic ex. g. quia Deus hominibus omnibus permisit, ea, quæ nullius sunt, suis usibus applicare, & dominia rerum constituere: non possunt non injusta ac illicita esse furta, rapinæ, defraudationes, cetera.

§. XIV.

An jus
naturæ
futurum
fiet, si
non esset
Deus?

Et quandoquidem deinde jus naturæ ab ipso Deo immortali, tamquam supremo legislatore, proficiscitur, (§. XII.) consequens est, 20) ut, quamvis possit quis aliquando suo-
pte ingenio & sine lege *bene agere*, impellente illam obligatione interna, (§. VII.) it-
que 21) & homo, nullo religionis sensu im-
butus, quandoque faciat, eo, quod actionem, prælucente ratione, bonam sibi que utilem fore cognoverit: non tamen 22) ideo dicendum sit, atheum posse *juste agere*: (§. VII.) multoque minus, 23) etiamsi detur, quod sine impietate dari nequeat, non esse Deum, nec res humanas curare, tamen aliquod jus naturæ futurum esse.*) Vid. Grot. *prolog. jur. belli & pac. §. XI.*

*) Potius ergo juri naturæ veluti nervos incidunt, qui illud sine Deo concipiunt, & legem sibi sine legislatore fingunt. Omnes sane, qui paulo religiosius philosophari sunt, agnoverunt, & jus omne a Deo proficisci, & , si illum existerge neges, nihil jam am-
p'ius

plius iustum iniustumve fore. Ipse Deus O. M. ad iustitiam incitaturus Abrahamum: Ego, inquit, sum *אני ה' Deus sibi sufficiens vel omnipotens: ambula coram me: & esto integer. Gen. XVII, 1.* Et Apostolus Hebr. XI, 6. eum, qui ad Deum accedere velit, credere debere, ait, *ὅτι ἐστὶ, καὶ τοῖς ἐκζητούντων αὐτὸν μισθοδοτὴς γίνεται: esse Deum, & præmia largiri iis, qui ipsum requirant.* Immo & Cicero de nat. Deor. I, 2. Haud scio, inquit, an, pietate adversus Deos sublata, fides etiam & societas humani generis, & una excellentissima virtus, JUSTITIA tollatur.

§. XV.

Quumque hoc jus complectatur leges, per rectam rationem promulgatas, (§. XII.) recta vero ratio nobis sit facultas ratiocinandi, seu veritates alias ex aliis per necessariam concludendi rationem eliciendi: (Hist. phil. §. II.) facile patet, 24) cur hanc juris notitiam cordibus hominum esse inscriptam, dicat Apostolus. * Rom. II, 15. Tribuit enim hominibus facultatem vel potentiam de iusto iniustoque ratiocinandi: quæ, quum non semper ponat actum, 25) cur & infantibus a quibusdam vindicetur cognata quædam iusti iniusti que notitia, non obscurum est.

*) Elevant hujus phrascos emphasin Grot. ad Rom. II, 15. & Joan. Clericus Art. crit. Part. II. Sect. I. Cap. IV. §. X. qui illam nihil aliud innuere contendunt, quam quod lex facile sine magistro disci & memoria teneri possit, atque ideo multa accumulunt veterum loca, ubi *ἐγγράφειν δέλοις φρονῶν, γράφειν φρονῶν εἶω, δεξιφειν ἐν τῇ ψυχῇ*, nihil aliud significet, quam quod diximus. Sed his jam satis-

14 *Jur. Nat. & Gent. Lib. I.*
 satisfecit Jo. Franc. Bud. *Inst. Theol. mor.*
*Part. II. Cap. II. §. V. * ubi & Jo. Lockii*
sententiam accuratius examinavit.

§. XVI.

An ex
 sacris
 literis
 vel tra-
 ditione
 derivan-
 dum?

Ex eodem consequitur, 26) ut jus natu-
 ræ derivandum non sit ex sacris literis, nec
 27) ex legibus divinis positivis, veluti ex
 septem præceptis, quæ Noacho data esse,
 jactant Hebræi: * quamvis, quum idem sit
 revelationis, ac rectæ rationis auctor, facile
 largiamur, 28) non modo multa, quæ ra-
 tio dictitat, in sacris literis repeti, sed &
 29) miram esse utriusque juris consonan-
 tiam, nec 30.) quidquam Deum in sacris
 pandectis vel præcipere vel prohibere, quod
 juri per rectam rationem promulgato adver-
 setur.

*) Hebræi quomodo jus naturæ & gentium ex
 septem præceptis, Noacho datis, derivent,
 ex instituto ostendit Jo. Selden. *de jure nat.*
& gent. secundum disciplin. Hebræorum. Quam-
 vis vero illam Hebræorum de præceptis Noa-
 chidicis traditionem non omni fundamento
 destitui existimet laudatus Buddæus *Introd. ad*
hist. philos. Hebr. p. 14. & 15. tamen nec
 probari hodie potest, illa vere data esse Noa-
 cho, & si quædam eorum, quæ præcepta illa
 inculcant vel prohibent, hodie nota sunt Noa-
 chidarum posteris: ea illis non ex traditio-
 ne, sed ex recta ratione, innotuerunt, ac
 proinde non sunt leges positivæ, sed per re-
 ctam rationem promulgatæ.

§. XVII.

Porro ex eodem axioma intelligimus,
 31) jus naturæ non minus esse immutabi-
 le,

Jus natu-
 ræ im-
 mutab-
 le.

le, quam ipsam rectam rationem, quæ non potest non semper eadem suique similis esse: adeoque 32) nec Deum, qui non potest, quod non vult, quicquam contra legem illam sempiternam indulgere, multaue minus 33) ullum mortalium in illam quidquam sibi imperii adrogare posse: *)

*) Eleganter apud Lactant. *Instit. divin.* VI, 8. Cicero: *Huic legi nec obrogari fas est, neque derogari ex hac aliquid licet, neque tota abrogari potest. Nec vero aut per Senatum, aut per populum, solvi hac lege possumus. Neque est quærendus explanator, aut interpret eius alius. Nec erit alia lex Romæ, alia Athenis, alia nunc, alia posthac; sed & omnes gentes, & omni tempore, una lex continebit, unusque erit communis quasi magister, & imperator omnium, Deus, ille legis hujus inventor, disceptator, lator. Neque huic veritati refragatur Ulpianus l. 6. pr. D. de just. & jure, quam legem alibi satis exposuisse nobis videmur.*

§. XVIII.

Nec difficile jam erit, concipere JURIS NATURALIS & CIVILIS differentiam. Nam 34) illud ex recta ratione; hoc ex lege, sive viva voce, sive per scripturam promulgata, innotescit. 35) Illud tam late patet, ac ipsa recta ratio; hoc cuique civitati proprium est. §. 1. & 2. *Inst. de jure nat. gent. & civ.* 36.) Illud ad actiones natura bonas malasque, internas ac externas; hoc ad indifferentes & externas, quatenus salutis populi cuiusque vel reipublicæ attemperanda sunt, *) pertinet.

Ejus differentia a jure civili.

*) Cicero de Invent. I, 38. *Omnes leges ad*
com-

commodum reipublicæ referre oportet, & eas ex UTILITATE COMMUNI, non ex scriptione, quæ in literis est, interpretari. Ea enim virtute & sapientia majores nostri fuerunt, ut in legibus scribendis nihil sibi aliud, nisi SALUTEM atque UTILITATEM REIPUBLICÆ proponerent, neque enim ipsi, quod obesset, scribere volebant, & si scripsissent, quum esset intellectum, repudiatum iri legem, intelligebant. Nemo enim leges legum causa salvas esse vult, sed reipublicæ. Magnopere ergo falluntur, qui jus, quod naturale vocatur, ab utilitate profectum esse putant, veluti post Epicurum Horat. Serm. I, 3. cujus est πολυδύλκτον illud:

*Non natura potest justo secernere iniquum:
Sola est UTILITAS JUSTI prope MATER &
æqui.*

Verum est, nihil jure naturali præcipere Deum, tanquam ens sapientissimum optimumque, nisi quod sit utile: at non ideo aliquid præcipit, quod illud utile sit, sed quod voluntati suæ conveniat. Non ergo justum aliquid est, quia utile: sed utile, quia justum est. Nam ἀφίλεια φράξις μὴτὰ φύσιν, emolumentum est omnis actio naturæ consentanea, ut eleganter observat Marcus Antoninus Imp. εἰς ἑαυτὸν. VII, 74. Sed hunc errorem erudite profligant Grot. proleg. jur. belli & pac. §. XVI. Pufendorff. de jur. nat. & gent. II, 3. 10. & 11. & illustrissimus Sam. de Coccei. de princip. jur. nat. & gent. sect. II. §. IX. seq.

§. XIX.

Quamvis vero maxime inter se hæc jura differant: nullum tamen dubium est, 37) quin jus naturæ incredibilem utilitatem adferat

jusdem
mma
i jure
ivil u-
litas.

ferat iis, qui juri civili excolendo animum adpellunt, quum 38) & pleraque illius præcepta ipsum jus civile adoptet, iisque acriora poenarum vincula injiciat, l. 1. §. 1. D. de just. & jur. §. ult. Inst. eod. & 39) novas inde conclusiones eliciat, & 40) nunquam a jure civili & stricto sejungenda sit naturalis æquitas, ne summum jus in summam evadat injuriam.

§. XX.

Porro ex eo cognoscendi principium manifestum est, 41) hoc jure non alias res creata regi, quam homines, quos solos recte rationis prærogativa donavit summum Numen, ac proinde 42) manifesto falsam esse definitionem Ulpiani: *JUS NATURALE esse, quod natura omnia animalia docuerit*. l. 1. §. 3. D. de just. & jur. *)

Bruta
jure na-
turæ non
regantur.

*) Observavit hoc jam Hesiodus, cujus notissimus est locus oper. dier. v. 274. sequ.

Τόνδε γὰρ αἰθριόπῃσι νόμον δίδασκε Κρονίων.
Ἰχθύσι μετὰ καὶ θηροῖ καὶ ὀρνέοις πετεινοῖς,
Ἐθεῖν ἀνέλες, ἵππεϊ δὲ δίκην ἐστὶν ἐπ' αὐτοῖς.
Ἀνθρώποισι δ' ἔδωκε δίκην, ἣ πολλὸν ἀρείου.

Namque hanc hominibus legem posuit Saturnius.

Piscibus quidem, & feris, & avibus volucribus,

Se mutuo ut devorent, quandoquidem JUSTITIA CARENT,

Hominibus autem dedit justitiam, quæ multo optima est.

Neque rem expedit Jac. Cujac. in Not. prior. ad Instit. p. 8. Tom. I. dum scripsit, quæ bruta faciant incitatione naturali, ea si homines rationefaciant, jure gentium eos facere. Sic enim non ideo

ideo aliquid erat juris naturæ vel gentium , quod idem faciunt bruta animantia , sed quod homines id faciunt , prælucente recta ratione.

§. XXI.

Quid jus gentium? Quum præterea jus naturæ eas complectatur leges , quæ universo generi humano per rectam rationem sunt promulgatæ , (§. XII.) homines autem , vel singuli seorsum , vel , prout in certas societates coaluerunt , considerari possint : 43) jus , quo singulorum actiones reguntur, NATURALE; quod , quin in societatibus , & inter eas , justum injustumve sit , præcipit, JUS GENTIUM vocamus , adeoque 44) eadem juris utriusque sunt præcepta , eadem leges , quin immo JUS GENTIUM est ipsum jus naturale , viæ hominis sociali negotiisque societatum atque integrum gentium applicatum . *)

*) Itaque latius patet JUS NATURALE , quam JUS GENTIUM . Nihil enim recta ratio inter omnes gentes constituit , quod non & singuli observare certa ratione teneantur . At sunt quædam juris naturæ , quæ non æque commodè adplicantur integris gentibus : c. g. jura matrimonii , patriæ potestatis , cetera .

§. XXII.

In a jure natu- & diver- am fit? Ex quo colligimus , 45) jus naturæ a jure gentium nec principio cognoscendi , nec ipsis regulis , sed solo objecto , differre : adeoque 46) rationem eos fugere , qui nescio quod jus gentium , a jure naturæ diversum , sibi fingunt . 47) JUS GENTIUM POSITIVUM vel SECUNDARIUM , quod veteres commenti sunt , proprie huc non pertinere , quum nec a Deo

COD.

constitutum, nec per rectam rationem promulgatum, nec universo generi humano commune, nec denique immutabile sit. *)

*) Pleraque quæ ad jus gentium positivum referuntur, vel ex ipso jure naturæ, vel ex moribus, vel ex lege aliqua, pluribus gentibus communi, oriuntur. Ita jura legatorum plerique ex jure naturæ recte explicantur. Multa quoque inter se servabant Græci, quæ barbari insuper habebant, v. g. ut inducias dare victis: ad cadavera collenda. Postea mores Germanorum pœnæ omnibus gentibus communes facti sunt, uti recte observavit Grot. *de jure belli & pac. II, §. 1. 2.* Denique & inter Christianos mores quidam inoleverant, quorum apud posteros vix mansit vestigium. Leibnit. *Prefat. Cod. jur. gent. dipl. pag. VIII.* cujus & hæc est elegantissima observatio, quod multa, quæ olim Pontifex Romanus veluti in communi gentium Christianarum republica sanxerit, pro jure gentium communi sint habita. Quod elegante exemplo de usu balistarum adversus Christianos ex *cap. un. X. de sagittar.* illustrat Herr. *ad Pufendorf. de jur. nat. & gent. Lib. II. Cap. III. §. XXIII. litt. c.*

§. XXIII.

Itaque non inutile fuerit, jura hæc, quum Partitio ad eandem normam exigenda sint, hoc libello conjungere, illa tamen, quum & objecto & adplicatione differant, simul in tractatione distinguere, & utrumque jus seorsum eo expendere ordine, ut *librum opusculi priorem JURI NATURÆ; posteriorem JURI GENTIUM* destinemus.

*(De Actionum Humanarum Natura
atque Indole.*

§. XXIV.

Transi-
tio ad
tractatū
de actio-
nibus hu-
manis.

EX iis, quæ hæcenus de natura & confi-
tutione juris naturæ ac gentium diximus,
non obscurum esse existimamus, illud ad diri-
gendas HOMINUM ACTIONES pertinere, adeo-
que rem ipsam exigere, ut de earum natura
atque indole paulo accuratius agamus.

§. XXV.

Quid a-
ctio &
passio?
Quid a-
ctio in-
terna &
externa?

Varios in homine motus, variasque con-
tingere mutationes, ab ipsa rerum omnium
magistra, experientia, satis superque convinci-
mur. Quum vero motus nullus sine sufficiente
aliqua causa motrice fieri atque intelligi pos-
sit: motus quoque omnes, quos in homine
deprehendimus, causam aliquam sufficientem
habere, eamque vel *in ipso homine*, vel *ex-
tra eundem* esse oportet. Motum ergo, cu-
jus causa sufficiens in ipso homine est, ACTIO-
NEM: cujus causa extra eundem quærenda
est, PASSIONEM adpellamus. Quum vero mo-
tus iste, quem ACTIONEM vocamus, vel in co-
gitatione consistat, vel in corpore a voluntate
producatur, prior ACTIONIS INTERNE; poste-
rior EXTERNE nomine venit.

§. XXVI.

Passio-
nes quo-
multiplicis?

Passiones ergo quamvis non a nobis ipsis,
sed a causa extra nos posita, proficiantur, ac
catenus non sint in potestate nostra, sed sæpe-
numero & nobis invitis oriantur: aliquando
tamen veluti repelli possunt, atque impedi-
ri,

ri, si instructi simus viribus sufficientibus ad resistendum causæ, extra nos positæ, motumque hujusmodi in nobis excitaturæ. Contra ea etiam contingere potest, ut veluti adjuvemus hanc causam motricem, extra nos positam, ut motum hunc in nobis tanto facilius cie-re possit. *) Ex quo consequitur, ut passiones aliæ sint IN NOSTRA POTESTATE, aliæ NON SINT.

*) Omnia hæc exemplis luculentissimis facile possunt illustrari. Calefieri est passio. Ei aliquando resistere non possumus, si aere admodum calido iter facimus: aliquando possumus, si hieme procul a foco recedamus: aliquando illam veluti adjuvamus, quoties nempe propius accedimus ad ignem, ut tanto magis incalescamus. Calefieri ergo aliquando est in potestate nostra, aliquando non est.

§. XXVII.

Quum ergo jus naturæ circa actiones hominum liberas versetur: (§. IV.) consequens est, 1) ut illud non dirigat passiones, quæ non sunt in potestate nostra: 2) Ut, quamvis illud quædam sancire possit de passionibus, quatenus in potestate nostra sunt, non tamen tunc dirigat passiones, sed actiones liberas, quibus resistere vel subvenire possemus his passionibus, ostendatque quid nimirum sit officii nostri circa passiones illas vel impediendas, vel adjuvandas. *)

An & hæc
sub sint
directio-
ni nostræ

*) Ira sane iræ, quæ adficimur, leges præscribi non possunt: at actiones nostras dirigere lex potest, ut ne iræ fræna laxemus, ut resistamus principiis, ne illam ad impetum pervenire patiamur, ut actionem, fervente hac animi perturbatione, suspendamus, cetera.

Hæc

Hæc omittentem quis neget adversus legem peccare? Recte ergo, si quidquam aliud observavit Cicero *Tusc. Quæst. I, 3. animorum omnes morbos & perturbationes ex adspersione rationis evenire*, id est ex omissione eorum, quæ agenda suadet recta ratio, ne vehementioribus illis animi commotionibus succumbamus.

§. XXVIII.

An circa
illas ver-
setur jus
naturæ.

Itaque solas ACTIONES nostras dirigit jus naturæ. Quamvis vero hæc omnes causam sufficientem in ipso homine habeant: (§. XXV.) eadem tamen experientia docet, aliarum actionum nos nobis semper conscios, easque in potestate ac arbitrio nostro sitas, alias ita esse comparatas, ut ex dispositione quadam mechanica oriantur, ac proinde nec earum nobis conscii semper sumus, nec easdem in potestate nostra habeamus. *)

*) Sic in potestate nostra est, stare, sedere, an ambulare; loqui, an tacere; dare aliquid, ac nobis retinere malimus. Et harum omnium actionum, dum eas edimus, nobis conscii sumus. Contra per nos non stat, quo minus cor per *συστολήν* & *διαστολήν*, intestina motu peristaltico, sanguis per circulum moveantur. Quos motus sæpe nec sentimus, nec eos in nobis fieri, novimus. Paulo aliter hanc distinctionem accipiunt Stoici, quando *τὸ διπλὸν τὰ μετὰ ἐφ' ἡμῶν, καὶ δι' ἐκ ἐφ' ἡμῶν εἶναι*, quedam IN POTESTATE nostra ESSE, quedam NON ESSE, docent. Ad priora enim referunt opinionem, adpetitionem, desiderium, aversionem, uno verbo, quaslibet nostras actiones: ad posteriora corpus, possessionem, gloriam, principatum, quæcumque deinde nostra opera non sunt. Epictet. *Enchirid.*

Cap. Ie

Cap. I. Ac proinde rerum hæc est divisio ,
seu *ἡ διάνοια*, non actionum tantum.

§. XXIX.

Actiones, quarum nobis conscii semper sumus, quæque in potestate nostra ac arbitrio sunt, HUMANÆ vel MORALES; quarum nec conscii nostri sumus, nec arbitri, PHYSICÆ, vel NATURALES adpellantur. Quare illas LIBERAS; has NECESSARIAS esse, facile patet: atque inde merito inferitur, 3) humanas vel morales tantum actiones a jure naturali dirigi, (§. IV.) 4) non naturales, nisi quatenus, ut has vel adjuvamus, vel turbemus ac impediamus, in nostra potestate positum sit. *)

Actiones vel humanæ, vel naturales. Eas an dirigat jus naturæ.

*) Quamvis enim, ut paulo ante diximus, in circulum sanguinis, morumque cordis & intestinorum in se nihil nobis sit arbitrii: experientia tamen docet, posse nos illos motus non modo medicamentis & temperantia adjuvare, verum etiam eosdem, vel turbare ingluvie, vel ferro, venenis, aliisque modis plane sistere. Quis ergo dubitet, quin jus naturæ prohibere possit, quidquid motus illos naturales, unaque ipsam vitam, turbat vel abrumpit? Animadverterunt hoc ipsi veteres philosophi. Ersi enim plerique nescio quid laudabile facere existimabant eos, qui ultro sibi manus inferrent violentas: eleganter tamen Democritus apud Plutarch. de sanis. tuenda p. 135. *Εἰ τὸ σῶμα δικάσαιτο τῇ ψυχῇ κακώστερον, οὐκ αὖ αἰτλὴ ἀπειρηγείν.* Si corpus animam damni injuria dati accusaret, hanc, quin condemnetur, effugere non posse.

§. XXX.

Quum itaque actiones humanæ, morales, liberae, sint in potestate nostra atque arbitrio,

Principia actionum humanarum, in-

tellectus
& volun-
tas.

trio, (§. XXIX.) in potestate autem nostra sit, quidquid a voluntate nostra dirigitur: consequens est, 5) ut actiones humanæ, vel morales, ac liberæ a voluntate nostra dirigantur. Quumque nihil decernat voluntas, nisi ab intellectu ad adpetendum averfandumque excitata: *) mentio inde colligimus, 6) *intellectum* quoque ad edendas actiones humanas liberaſque concurrere, ac proinde 7) duo esse actionum humanarum ac liberarum principia, INTELLECTUM & VOLUNTATEM.

*) Voluntas enim est facultas boniformis, adeoque semper adpetit bonum, malumque averſatur. (*Elem. phil. mor. §. XXIX.*) Hinc nihil potest velle, nisi quod intellectus illi tamquam bonum, justum, utile, repræſentavit; nihil nolle, nisi quod idem intellectus illi tamquam malum, injustum, noxium, ostendit. Recte Simplicius ad *Epiſtet. Enchir. Cap. I. p. 8.* Δύλον δέ, ἐτι πυνθῆται μετὰ τὴν πρόληψιν, καὶ λογικῇ τις ἔσα γνώσει, καὶ αἰθρώπων κρίσις· ὅταν δὲ περὶ κακοῦ ἢ ἀγαθοῦ ἡμετέρῃ ὄντος ἢ δεικνύτος ἢ ἀπολύψης ἢ, ἀνακινῆται πάντως ἐκκλισις ἢ ὀρεξις, ἐπακολουθεῖ δὲ ἡ ὁρμή. ὀρεχθῆναι γὰρ δεῖ ἀπὸ τοῦ ἀπαρῶντος, καὶ ὅπως ὀρμῆσαι περιεσθῆναι τοῦ ὀρεκτοῦ, ἀποσχεθῆναι τὸ ἐκκλιτὸν, ἐπὶ ἐναντιόντι τοῦ ὀρεκτοῦ. Constat autem, OPINIONEM, quæ est cognitio quædam, a ratione gubernata, dignaque homine, antecedere. Quæ quum in eorum aliquo versatur, quod nobis bonum malumve est, aut esse videtur, omnino PROPENSIO aut AVERSATIO commoveatur, ADPETITIO sequitur. Prius enim quam adeptas rem desideratam, & amplectaris, aut eam declines, quæ est rei desideratæ contraria, vel averſeris, animo propendeas aut abhorreas, oportet.

§. XXXI.

INTELLECTUS est facultas mentis, res distincte percipiendi, dijudicandi, de iisque rectè ratiocinandi. Quæ facultas quando IMAGINATIONIS nomen adsumat, jam alibi, quantum iatis est, diximus. (*Elem. phil. rat. §. XII. & XIII.*)

Quid intellectus?

§. XXXII.

Quum ergo voluntas nihil possit adpetere vel averfari, nisi ab intellectu excitata: (§. XXX.) consequens est, 8) ut nec actionem tamquam justam edere, vel tamquam injustam averfari possit, nisi intellectus, eam cum lege comparando, idest, ratiocinando, distincte perceperit, illam justam injustamve esse, utque adeo 9) circa actiones morales opus sit ratiocinatione, qua earum justitiam injustitiamque distincte percipiamus.*

Sine ejus concursu actio non est moralis.

*) Hinc satis patet, jus naturæ non dirigere actiones infantum, quos ipse Deus negat discernere posse dextrum & sinistrum, *Joan. IV, 11.* bonum & malum, eligenda & rejicienda. *Jes. VII, 16.* multoque minus actiones furiosorum, mente captorum, morbo insaniensium, qui de justitia injustitiaque actionum ratiocinari non possunt. Recte ergo *Aristot. magn. mor. I. 34.* Quorum quis non est causa, sed ignorantia, ut delinquant: ob ea neutiquam injustus est. Est enimvero ejusmodi ignorantia naturalis, veluti quam nesciunt infantes patres cedunt. Hæc nimirum naturalis inscitia non facit, ut ab actione infantes dicantur injusti. Ipsa siquidem hæc faciendi causa est inscitia: neque ipsi sunt suæ causæ inscitie: ideo ne injusti quidem dicuntur.

§. XXXIII.

Ratiocinatio illa, vel facultas de justitia
Hein. de Jur. Nat. & Gent. B in- *Inde conscientia.*

injustitiaque actionum nostrarum ratiocinandi vocatur CONSCIENTIA, cujus naturam variasque species jam alibi explicavimus. (*Elem. philos. mor. §. XVIII. sequ.*) Attamen & hic quædam vel repetere, vel tanquam supplementa addere, nostra vel maximè interest.

§. XXXIV.

Quæ vera
est ratio-
cinatio
vel syllo-
gismus.

Quia ergo de justitia injustitiaque actionum nostrarum ratiocinatur conscientia, (§. XXXIII.) juste autem actiones vocantur contemplatione obligationis externæ, ex lege ortæ: (§. VII.) 10) conscientiam comparate inter se oportet *legem & factum*, id est, duas propositiones, ex iisque elicere tertiam. Quod quum fieri non possit, nisi per syllogismum: (*Elem. phil. rat. §. LXXVIII.*) consequens est, 11) ut omnis conscientiæ ratiocinatio sit syllogismus, eumque 12) semper absolvant LEX, ACTIO propria, & SENTENTIA, tanquam tres hujus syllogismi propositiones.*)

*) Ita comparata erat ratiocinatio Judæ τὴν παράδοξον. *Quisquis innocentem prodit sanguinem male agit. Id ego feci. Male ergo egi. Matth. XVII, 4.* Ubi prima propositio manifestat LEGEM; altera ipsam Judæ ACTIONEM; tertia SENTENTIAM complectitur. Nec aliud deprehendimus in mente nostra, quoties ratiocinantem in nobis persentiscimus conscientiam: ut adeo contra conscientiam philosophari videantur, qui conscientiam pro vapo sacerdotum terribulamento cum Tolando venditant.

§. XXXV.

Quum ergo conscientiæ syllogismus pro
con-

Ejus di-
visio in

conclusionem semper habeat sententiam, (§. XXXIV.) sententia autem omnis vel absolvat, vel condemnet, prout actio legi vel convenit, vel adversatur: 13) conscientiam, a qua quis absolvitur, BONAM; a qua condemnatur, MALAM vocamus. *) Quorum illa semper cum fiducia quadam, hæc, quum tuta omnia timeat, cum suspitione conjuncta est.

*) Hinc Paulus Apostolus Rom. II, 15. actus conscientie vocat λογισμὸς κατηγορητικός, ὃ ἐξ ἀποδορυμῆτος, cogitationes vel ratiocinationes ACCUSANTES vel EXCUSANTES, itemque Joanni Apostolo, 1. Epist. III, 21. integri vitæ scelerisque puri sunt ὅτι ἡ καρδιά αὐτῶν μὴ καταγινώσκει, quos cor suum non condemnat, contra flagitiorum sibi conscii γ. 20. ὅτι ἡ καρδιά αὐτῶν καταγινώσκει, quos cor suum condemnat. Quin & poetæ ita philosophantur, e quorum numero Juvenalis Sat. XII. γ. 2. seq.

Prima hæc est ultio, quod, se

JUDICE, nemo nocens ABSOLVITUR: improba quamvis

Gratia fallaci Prætoris viceris urna.

§. XXXVI.

Ratiocinari porro possumus 14) de actionibus tum FUTURIS, tum PRÆTERITIS, etiam In antecedentem & consequentem. perpetratis: ac proinde conscientia de nondum edita vel futura actione ratiocinans, ANTECEDENS; de præterita & jam perpetrata, CONSEQUENS adpellatur.

§. XXXVII.

Utroque casu conscientia actionem cum In quibusnam utraque reperitur? lege contendit. Quumque actionem futuram

ad legem vel voluntatem Dei componere non studeat, nisi cui est *incolium generoso pectus honesto*, seu qui animum vera virtute præmunivit: (*Elem. phil. mor. §. CCXVII.*) 15) conscientia *antecedens* non nisi in iis, qui veræ virtuti student,) 16) *consequens* etiam in sceleratissimis hominibus sese exserit. Sero enim sapiunt & Phryges.

17) Virtus semper conjuncta est cum studio indefesso inquirendi in voluntatem DEI. (*Elem. phil. moral. §. CCXVII, 2.*) Quo magis ergo quisque profecit in virtute, eo illud studium est ardentius. Atque inde fit, ut virtute ornatæ super iis quoque actionibus futuris, quæ aliis vel indifferentes, vel levioris videntur momenti, secum ratiocinentur, ac proinde iis tribuatur CONSCIENTIA TENERA, quæ & tuta quævis metuere aliquando videtur, haud absimilis oculo, qui ne atomum quidem incipientem sine sensu & dolore excipit. Eleganter Plutarch. *de profectu virt. sent. p. 85.* κρὸν, εἰ βέλαι, τὸ μὲν ἐν τῇ μικρῇ ὑγίαισθαι καὶ ἀεὶ τὴν πόλιν ἀρῆσθαι τοῖς εἰρημίοις σημεῖον ἢ μαρτυριῶν, ἀλλ' ἐξυλαβῆσθαι ἢ προσίχειν ἅπασιν. Id quoque, si lubet ad prædicta adjuuge signum non exiguum, quod rectè proficiens nullum (jam peccatum) EXIGUUM putat, sed omnia studiose vitat & cavet.

§. XXXVIII.

Ea est vel instigans, vel revocans, vel admonens. Præterea 16) quoties futuram actionem, contendimus cum lege, toties eam vel præceptam a Deo, vel prohibitam, vel permissam esse,prehendimus. 17) Primo casu conscientia nos ad agendum excitulat: 18) altero a peccando revocat: 19) tertio pruden-

Genter, & adhibita in consilium ratione, agendum esse, monet. Hinc 20) conscientiam in INSTIGANTEM, REVOCANTEM & ADMONENTEM recte diviseris: *)

*) Ita Moſen & Zipporam conscientia INSTIGABAT ad circumcidendum filium, quia iis in in memoriam revocabat præceptum divinum de circumciſione. *Exod. IV, 24.* Eadem conscientia Davidem REVOCABAT à cæde Nabalis, cuius jam ceperat conſilium, quia eum admonebat legis prohibitivæ: *ne occidiſto. 1. Sam. XXV, 32. ſeq.* Denique conscientia Paulum Apoſtolum ADMONEBAT, ne carne, quam Diis immolatam ſciret, veſceretur, & ut idem conſilium daret Corinthiis. Quamvis enim non ignoraret, Chriſtianos haud polui cibo & potu: prudenter tamen agendum eſſe, monebat conscientia, ne forte alii exemplo offenderentur. *1. Cor. X, 28. ſeq.* Et huc pertinent aurea verba *γ. 20. Πάντα μοι ἔξεσι, ἀλλ' ὃ πάντα συμφέρει* πάντα μοι ἔξεσι, ἀλλ' ὃ πάντα οἰκονομῶ. Omnia mihi licent: at non omnia profunt. Omnia mihi licent: at non omnia ædificant.*

§. XXXIX.

Quia porro conscientia eſt ratiocinatio; (§. XXXIII.) 21) eadem, quæ in ſyllogiſmum, etiam in conscientiam cadunt. Hinc, 22) quemadmodum ratiocinatio, ita & conscientia vel RECTA, vel ERRONEA eſt: & 23) ſicuti omnis ratiocinatio falſa vel in FORMA, vel in MATERIA, peccat: ita & conscientia errat, ſive falſa lex, falſæ actionis circumſtantix præmittantur, ſive ipſæ ratiocinandi regulæ non obſerventur. *)

Conscientia
porro vel
recta, vel
erronea.

*) Ut & hoc exemplis illustremus, in MATERIA errabant Judæi; dum se parentibus beneficia, salva religione, subtrahere posse existimabant, modo, quæ illis debebantur, Deo dicarent. Loco enim majoris propositionis præmittebant falsam legem: *Ὅς ἂν εἴη τῷ πατρί, ἢ τῇ μητρὶ, Δῶρον ἢ εἰς ἐξ ἐμῆ ἀφαιρῶν.* *Qui dicit patri aut matri: Donum est quocumque à me juxari posses, (cum inson-tem fore.)* *Matth. XV, 5. Marc. VII, 11.* In materia quoque errabat Abimelechus, dum se Saram, salva religione, in torum recepturum, sperabat. Falsam enim ponebat facti *πῦρσασιν*, se cum innupta rem habiturum. *Genes. XX, 2.* Denique errore in FORMA errabant Pharisei, dum ex lege de sabbatho eliciebant falsam conclusionem, quod omne opus, etiam quod vel imperiosa necessitas, vel charitas, & humanitas exigeret, eo die sit intermittendum. *Matth. XII, 10. seq.*

§. XL.

Itemque
vel cer-
ta, vel
probabi-
lis.

Porro cum in aliis ratiocinationibus, tum maxime in conscientia, contingit, ut modo ex certo aliquo principio, modo ex hypothesi, probabili illa quidem, at hypothesi tamen, ducatur argumentum. (*Elem. log. §. CXXX.*) Hinc 24) & conscientia modo CERTA est, quoties nimirum ex certa atque indubia lege; modo PROBABILIS, quoties ex probabili aliorum sententia ratiocinatur.*) Ex quo denovo consequitur, 25) ut, quemadmodum plures sunt gradus probabilitatis, (*Elem. log. §. CXXXVI. sequ.*) ita & conscientia modo magis, modo minus dici possit probabilis.

*) Non ergo conscientia PROBABILIS opponenda

da est RECTÆ, quia & probabilis aliquando recta esse potest. At potest tamen eadem falsa esse, quia quum ratiocinando decipi aliquando possumus sub specie certitudinis per paralogismos, id multo magis fieri potest sub specie probabilitatis per sophismata. (*Elem. leg. §. C. & CI.*) Ex quo consequitur, ut lubricum admodum sit dogma illud novorum casuistarum de probabilismo, seu conscientia probabili, a peccato excusante. Nisi enim pro norma actionum adsumere velis regulam Lesbianam: fieri non potest, ut satisfecisse tibi videaris officio, si agas secundum conscientiam probabilem, quæ nec recta semper, nec certa, nec constans est, (§. V.) maxime quum doctores illi probabilitatem ex aliorum opinionibus æstiment, Apostolus vero nos aliorum sententia in re tanti momenti stare prohibeat, dum inculcat præceptum: *ἕκαστος ἐν τῷ ἰδίῳ νοί πᾶρρησιάζω. Unusquisque in suo sensu plane certus esto. Rom. XIV, 5.*

§. XLI.

Quia vero, quod probabile est, æque falsum, ac verum esse potest, (§. XL. *) evenit aliquando, 26) ut animo nostro sese in utramque partem obijciant argumenta probabilia, ac proinde de re nondum liquida amplius deliberandum esse censeamus. Ea conscientia DUBIA; vel, si cura illa, quæ nos coquit, versatque in pectore fixa, paulo levioris momenti aliis videatur, SCRUPULOSA dici solet. *)

Quid conscientia dubia & scrupulosa?

*) Non male quidem ipsam dubitationem, quæ veluti in diversa trahit animum, SCRUPULOSA

PULUM vocat celeberrimus **VVolffius Eth. § LXXVI.** at vocabuli tamen notioni magis convenire videtur definitio nostra. Est enim **SCRUPULUS** lapillus, minimæ ille quidem molis, sed qui, incidens in calceum, pedem misere affligit. **Servius ad Æn. VI. v. 236.** **SCRUPUS** proprie est lapillus brevis, qui pressus sollicitudinem creat, unde etiam **SCRUPULUS** dictus. **Apulejus** scrupulum opponit graviori sollicitudini, quam lanceam vocare solet. Vid. **Scip. Gentil. ad Apulej. Apolog. pag. 150.**

§. XLII.

Quid libera, & minus libera?

Præterea contingere potest, 27) ut mens, prævis cupiditatibus in transversum acta, ac veluti servitute oppressa, de actionibus vix liberè ratiocinetur, sed potius propensionibus suis suffragari cogatur. (*Elem. phil. mor. §. XXIX.*) Quo fit, 28) ut in hoc servili statu ratiocinans conscientia **MINUS LIBERA**; ea contra, quæ se ex tristi illa servitute in libertatem vindicavit, **LIBERA** adpelletur. *) Quam distinctionem accuratius explicavit **VVolffius Ethic. §. LXXXIV.**

*) Hinc παράδοξον Stoicorum: ὅτι μόνος ὁ σοφὸς ἐλεύθερος, καὶ πᾶς ἄφρων δούλος, solum sapientem liberum, & omnem stultum servum esse. **Cicero Parad. V.** Qui se per virtutem in libertatem vindicavit, is spernit calcaturque vitia, magnoque animo clamat: Non sum imperata facturus, jugum non recipio: immo, quod majore virtute faciendum est, excusio. Non est molliendus animus. Si voluptati cessero, cedendum est dolori, cedendum labori, cedendum paupertati. Idem sibi juris in me esse vult & ambitio & ira. **Seneca Epist. LI. Ad quæ**

Cap. II. De Action. Hum. Nat. atq. Ind. 33
 quæ verba Lippius *Manuduct. ad philos. Stoic.*
Lib. III. Diss. XII. Ecce, inquit, quos dominos
 ille jam effugit? adde libidinem, avaritiam,
 alia vitia: turbam habebis, ut vero nomine
 dicam, tyrannorum. Miserum mancipium, qui
 his subijcitur! erectum & liberum, qui eva-
 sit! Quid vero libertatis superesse dixeris con-
 scientiæ, cui tot vitia pravæque cupiditates
 veluti nervos ac compedes injiciunt?

§. XLIII.

Nec minus ipsa experientia docemur, ho-
 mines aliquando suis vitiis ita veluti indor-
 miscere, ut nullo miseriæ suæ sensu adfician-
 tur, neque amplius de justitia injustitiæque
 actionum ratiocinetur conscientia. Quemad-
 modum itaque 29) illam tunc DORMITARE,
 vel, 30) si diuturna peccandi consuetudine
 occaluit, quasi CAUTERIO USTAM esse dici-
 mus: *) ita 31) eadem veluti EXPERGEFIERI
 videtur si quando homo calamitatibus vel pe-
 riculo aliquo excitatus, actiones suas ex-
 pendit paulo accuratius, & de earum justi-
 tia injustitiæque incipit ratiocinari.

Quid
 dormi-
 tans, ex-
 pergefa-
 cta, cau-
 terio
 usta?

*) Loquutio Paulina 1. *Tim. IV, 2.* eaquē
 ἡμπατικωτάτη. Quemadmodum enim caro,
 usta cauterio, omnem amittit sensum: ita
 mens, adsueta criminibus, non sentit mise-
 riam, quam alii non sine horrore contem-
 plantur; Sic idem Apostolus *Ephes. IV, 19.*
 homines hujusmodi vocat ἀναισθητοὺς, quasi
 qui dedoluerint: ubi notatu dignissima sunt,
 quæ adnotavit Theod. Beza.

§. XLIV.

Sua quemque conscientia aut condemnari
 aut absolvi, jam supra nos dicere meminimus.

Quid
 tranquil-
 la, re-
 mordens,

irrequie-
ta vel an-
xia?

(§. XXXV.) Quam vero absolutio non possit cum summa animi voluptate; condemnatio cum maxima aegritudine atque acerbissimo dolore non esse conjuncta: consequens est, 31) ut conscientia bona, eaque certa, plerumque sit TRANQUILLA, 32) mala REMORDENS, quam lanienam veteres Furiarum facibus æquiparare soliti sunt: *) ut denique 33) conscientia dubia plerumque simul sit IRREQUIETA & ANXIA, ut nesciat homo, quo se vertat. Enimvero illas adfectiones ad effectus potius conscientia, qui se in voluntate exerunt, quam ad ipsam pertinere conscientiam, facile unusquisque animadvertit.

*) Ita Cicero pro Sex. Rosc. Amer. Cap. XXIV.

Ceterum ipsi hi conscientia morsus argumento sunt luculentissimo, rationem fugere eos, qui cum Tolando lanienam istam ex metu supplicii, a republica imminetis, oriri existimant. Primò enim non privati tantum hisce Furiis dies noctesque agitati sunt, sed & ii, quos vel nascendi sors, vel fastigium imperii omni supplicio exemerat; veluti Nero apud Sueton. Cap. XXXIV. Deinde si credere malis, hunc quoque sibi timuisse a populo: non desunt exempla eorum, qui morti proximi, quamvis nullo futuri metu angerentur, se tamen ob delicta quædam occulta, nemini nique mortalium nota, vix ferre dolores conscientia, conquesti sunt: veluti Chilo Lacedæmonius, qui apud Gell. Noct. Att. I, 3. Ego quidem certe, inquit, in hoc tempore non fallo me, nihil quidquam est commissum a me, cujus memoria rei aliquid pariat aegritudinis, nisi profecto illud unum. Sed & Titi Cæsaris, jam animam agentis, dictum haud absimile exstat apud Sueton. Tit. Cap. X.

§ XLV.

§. XLV.

Ex quo facile intelligas, 34) quid de eorum sententia sentiendum sit, qui, pro interna actionum humanarum norma ac regula habendam esse conscientiam, existimant. Si enim norma, nisi sit recta, certa & constans, suum perdit officium: (§. V.) quis pro norma adsumeret ratiocinationem, quæ aliquando *erronea*; (§. XXXIX.) aliquando *probabilis* tantum; (§. XL.) aliquando *dubia*; (§. LXI.) quin sæpe pravis cupiditatibus oppressa est? (§. XLII.) Hinc 35) quamvis peccet omnino, qui agit contra certam vel probabilem conscientiam: non tamen 36) ideo recte statim & juste agere dicendus est, qui se egisse contendit secundum conscientiam. *)

An pro actionum humanarum norma sit conscientia?

*) Non ipsa conscientia norma est, sed normam applicat factis & speciebus obvenientibus. Hinc tutius actio omittitur, cujus de pravitate nos convictos arbitramur, quam aliquid agitur, quod justum & bonum esse nobis sine certa lege persuadet conscientia. Qui ergo conscientiam erroneam sequitur, eo ipso, quod hanc potius, quam legislatoris voluntatem, sequitur, peccat, aliquanto quidem excusatus, quam qui agit contra conscientiam, at peccat tamen. Quare ego quidem suffragari nolim sententiæ Limborchii, qui *Theol. Christ. Lib. V. Cap. II. §. VIII. seq.* etiam erroneam conscientiam sequendam esse contendit.

§. XLVI.

Ex quo porro colligimus, 37) dubia adhuc, & inter contrarias sententias misere fluctuante conscientia, suspendendam esse actionem tantis-
Conscientia adhuc dubia atque cur

suspens-
dendus?

tisper, dum res ad liquidum perducta sit. Quod 38) merito defendimus contra Ger. Gottl. Titium *Observat. XIX. ad Pufend. de offic. hom. & civ. Lib. I. cap. I. §. VI.* quod summa hæc est hominis protervia, si tam obfirmato animo aliquid agat, ut parum laboret de exploranda voluntate divina, idem omnino acturus, si vel maxime, id sibi a Deo interdictum esse, noverit. *)

*) Adposite Cicero *de Offic. I, 9.* *Quæcirca bene præcipiunt, qui vetant quidquam agere, quod dubites, æquum sit, an iniquum. Æquitas enim lucet ipsa per se, dubitatio cogitationem significat injuriæ.* Id est, qui dubitans de æquitate actionis tamen agit, eo ipso prodit animum injuriam faciendi Deo. Unde & Apostolus: *ὁ δὲ διακρίνων, ὁ ἀν φάτι, κατακρίνεται, ὅτι ἐκ τῆς πίστεως.* *Qui ambigit, si ediderit, condemnatus est, quia non cecit ex fide. Rom. XIV, 23.*

§. XLVII.

Imbecil-
itates in-
tellectus
ignorantia & er-
ror.

Itaque ex his, quæ hæcenus diximus, patet, 39) in adplicatione legis ad factum conscientię luminibus quam maxime officere IGNORANTIAM & ERROREM. Et per illam quidem simplicem cognitionis privationem; per hunc sive ideam, sive judicium, sive rationationem, a rei natura discrepantem, intelligimus. IGNORARE enim aliquis rem dicitur, cujus nulla omnino idea animo obversatur; ER-RARE, qui rei ideam concepit, sed vel ab ob-jecto discrepantem, vel obscuram, confusam atque inadæquatam. Et tunc fieri nequit, quin error, in legibus admissus, in judicia, atque inde in ipsas ratiocinationes sese diffundat.

§. XLVIII.

§. XLVIII.

At quum nec omnibus hominibus imposita sit obligatio veritates abstrusiores, ac veluti in Arcefilai puteo demersas, investigandi, & rerum quarundam ignoratio cum utilitate potius, quam detrimento, conjuncta esse videatur, *) immo sæpe ignorantes imprudentesque plus boni uno die faciant, quam scientes antea umquam: Terent. *Hecyr. V, 4. v. 39. sequ.* merito inde colligimus, 40) non omnem vel IGNORANTIAM, vel ERROREM, malum esse ac vituperabilem.

An omnis error & ignorantia culpari mereatur

*) Exemplo esse potest certorum scelerum, de quibus ne fari quidem licet, ignorantia, si tunc ignotorum nulla cupido est. Quis enim eam non pluribus exoptet, quum animum turpissimis cupiditatibus occludat, præstetque impervium? Sic sane Scythas eo nomine laudat Justinus *Histor. II, 2. quod in iis tanto plus profecerit VITIUM IGNORATIO, quam in Græcis cognitio virtutis.* Nec minus majores nostros miratur Quintilianus *Declam. IV.* ubi de impurissimo agens flagitio: NIL tale, inquit, NOVERE Germani, & sanctius apud Oceanum vivitur.

§. XLIX.

At quum nihil decernat voluntas, nisi ab intellectu ad adpetendum adversandumque excitata, ac proinde intellectus quoque ad edendas actiones humanas liberaeque concurrat: (§. XXX, 6.) consequens sane est, 41) ut non absint a reprehensione, qui in principiorum boni ac mali, justi injustique, quorum sibi cognitionem facile comparare potuissent, turpissima ignorance versantur, vel circa illa

Quæ ignorantie, ac quis error culpari mereatur sit?

errant, circa quæ errorem, si intendissent nervos, facile potuissent evitare.

§. I.

Ignoran-
tia, vel
vincibi-
lis, vel
invinci-
bilis, vel
volunta-
ria, vel
involun-
taria, vel
efficax,
vel con-
comitans.

Hinc variae ignorantiae atque erroris divi-
siones. Quatenus enim primo ignorantiam evi-
tare in nostra potestate est, vel non est: eate-
nus vel VINCIBILIS, vel INVINCIBILIS adpella-
tur. *) Quatenus quis illius causa est, vel non
est: eatenus vel VOLUNTARIA est, vel INVOLUN-
TARIA. Denique si quis aliquid egit, quod non
fuiſſet acturus, nisi ignorantia menti caliginem
offuſiſſet: ignorantia illa EFFICAX vocari so-
let: CONCOMITANS vero, si quid factum est,
quod factum fuiſſet, si vel maxime abfuiſſet
ignorantia. Quamobrem prioris argumentum
est poenitentia, posterioris facti illius, etiam
ex ignorantia admiſſi, adprobatio. Quæ o-
mnia ad errorem non minus, quam ignoran-
tiam, pertinere, nemo non intelligit.

*) Ignorantiam atque errorem INVINCIBILEM
eſſe ajunt vel IN SE, at non in sua causa,
vel IN SE ET SUA CAUSA SIMUL. Sic enim
ignorantia hominis temulenti in se quidem
invincibilis est, quamdiu durat suavis illa
insania: at non in sua causa, quia homini
licuiſſet non insanire. Contra peccata furioso-
rum ex ignorantia in se & sua causa invin-
cibili proficiſcuntur, quum nec ſciant emota
mente, quid agant, nec per eos omnino ſte-
terit, quo minus furerent. Vera ſunt hæc
omnia, nec uſu ſuo in doctrina de imputatio-
ne deſtituuntur: at prior tamen vix dici po-
teſt INVINCIBILIS, quum potuiſſet evitari, si
mens non læva fuiſſet. Rem optime explicat
Aristoteles Nicomacheor. III, 7. dum legem
memorans Pittaci, quæ ebriis peccantibus du-
pli-

Cap. II. De Action. Hum. Nat. atq. Ind. 39
 plicem pœnam irrogari jusserat, statim subji-
 cit: Τῶς μὲν δὲ οὖν διτλὴ τὰ ἐπιτίμια· ἢ γὰρ
 ἀρχὴ ἐν αὐτοῖς· κύριος γὰρ τῷ μὴ μεθυσθῆναι·
 τὸ δ' ἄπειν τῆς ἀγορίας. In ebrios. duplex
 pœna constituta est: principium enim in ipsis
 est. Nam situm in iis erat, ne ebrii fierent.
 Ebrietas autem causa inscientiæ est. De ipsa
 Pittaci lege videndi Diog. Laert. I, 76. & Plu-
 tarch. in Conviv. sept. sap. p. 155.

§. LI.

Progredimur ad alterum actionum humana- Quid vo-
 rum liberarumque principium, VOLUNTATEM, luntas?
 (§. XXX.) quæ est illa mentis nostræ facultas,
 qua adpetimus bonum, malumque averſamur.
 Ut adeo verissimum sit, intellectum circa ve-
 rum & falsum; voluntatem circa bonum &
 malum occupari. Nam & veritatis non ob
 aliam causam cupida est voluntas, quam qua-
 tenus bona est, nec falsum, quia falsum, sed
 quia simul malum est, averſatur.*)

*) Sic nemo sanus præscire cupit calamitates
 sibi imminentes, quia si vel maxime vera es-
 set hæc sciëntia, mentem tamen illa ante
 tempus vehementer excrucietur, & sic bona
 videri non posset. Contra fabularum cupidis-
 simi sunt pueri, quamvis eas fictas esse subol-
 faciant, quia eas vel ad componendos mo-
 res, vel ad animum saltem oblectandum com-
 paratas esse, intelligunt, easque proinde bo-
 nas esse existimant.

§. LII.

Ex ea ergo definitione colligimus, 42) non Ejus a-
 posse voluntatem quidquam adpetere, nisi tus &
 quod ei tamquam bonum ab intellectu sisti- natura.
 tur: nec 43) averſari, nisi quod ei tamquam
 ma-

malum ab eodem repræsentatur. 44) Quo magis quodque nobis bonum malumve videatur: eo vehementius nos illud adpetere vel averfari, ac proinde 45) contingere posse, ut minoris boni adpetitio vel minoris mali averfatio, proposito majore malo bonove, cohibeatur. 46) Averfationem non in sola adpetitionis privatione consistere, sed conjunctam esse cum aliquo positivo, *) quod *NOLUNTATEM* vel *RECLINATIONEM* vocat V. C. Henr. Köhler. *Exerc. jur. nat. §. CLXVII. sequ.*

*) Quemadmodum *J*Cri accurate distinguunt *non nolle & velle: l. 3. D. de reg. jur.* ita non minus discerni debent *non velle vel non adpetere, & nolle, seu averfari*. Multa sane non vult sapiens, a quibus tamen non omnino abhorret. Non adpetit immortalitatem, quam natura; non imperium, quod nascendi fors negavit: nec tamen res illas averfatur, sed magnas ac præclaras esse judicat. Non vult, quod non capit ejus conditio, quamvis ab eo non abhorreret, si caperet. Ita quamquam regnum nec voluit, nec adfectavit intentus operi diurno hortulumque sterilibus herbis repurgans Abdolominus, illud tamen nec noluit, nec adspernatus est, quum se regem saluare, regique vestis insignibus exornari, animadverteret. *Curt. de gest. Alex. IV, 3.*

§. LIIL.

Nec minus ex ea definitione patet, 47) hominem, quod ad voluntatem attinet, non modo *SPONTANEUS*, sed *LIBERE* agere. Quum enim *SPONTANEITAS* sit facultas se ipsum dirigendi ad certum & antea cognitum finem,

LIBER-

Ejusdem
spontaneitas &
libertas.

LIBERTAS vero facultas, ex duobus possibili-
libus alterutrum, prout e re videatur, eli-
gendi: utramque facultatem menti nostræ
inesse, vel ab ipsa experientia docemur.
Neque 48) obstat, hominem, quem virtus
nondum in veram libertatem vindicavit,
suis adfectibus cupiditatibusque adhuc servi-
re. Esse enim hæc obstacula ita comparata,
ut majore menti proposito bono malove re-
moveri superarique possint, jam supra mo-
nuimus. *) (§. LII. 45.)

*) Sic quantacumque in fure sit contrectandæ
rei alienæ cupiditas, ei tamen ille non suc-
cumberet; si tibi tanti criminis effecta, veluti
squallorem carceris, ergastulum, flagra, equu-
leum, ipsam denique furcam, poneret ob
oculos. Nec minus, qui voluptatibus atque
otio magnopere delectantur, ad honestiora
studia ac diligentiam sese illico inflammari
sentirent, si, adhibita in consilium ratione,
paulo expenderent accuratius, quanta sit do-
ctrinæ ac sapientiæ præstantia, quanta utili-
tas, quam incredibilis suavitas, & quam ir-
reparabile contra damnum cum inertia atque
ignorantia conjunctum sit. Rem omnem bre-
viter exprimit Epictetus apud Arrian. I, 17.
*Τίς ὁρμήν νικῆσαι δύναται, ἢ ἄλλαν ὁρμήν. Τίς δ'
ἔρξιν καὶ ἐκκλησίαν ἢ ἄλλαν ὁρμῆς καὶ ἐκκλησίαν. Ecquid-
nam adpetitionem vincere potest? Alia adpeti-
tio. Ecquidnam inclinationem ac propensionem?
Profecto alia inclinatio ac propensio. Id quod
eodem, quo nos usi sumus, furis exemplo il-
lustrat Simplic. ad Epictet. Enchir. Cap. I. p. 22.*

§. LIV.

Hinc 49) illi voluntatis humanæ liberta-
ti non officit constitutio corporis, quam

An eam
impediat
tempera-
mentum.

TEMPERAMENTUM vocant philosophi. (*Elem. phil. mor. §. LI. sequ.*) Quamvis enim mens a corpore diversimode adficiatur, (*ibid. §. XLV.*) & ad certa vitia reddatur proclivior: ista tamen determinatio non magis in coactione consistit, quam homo cogitur ad prodeambulandum, dum eum sudum coelumque serenius invitat. Quis enim negaverit, voluntatem omnia integra habere, illasque verni solis blanditias non impedire, quo minus e duabus causis, quarum una deambulationem suadet, altera dissuadet, praequantioris adfentiat?

§. LV.

An adfectus & mores?

Idem porro 50) dicendum videtur de AD-
FECTIBUS, id est, commotionibus voluntatis exrepresentatione boni malique oris. Quamvis enim mens, quod ad primum motum attingit, passive se habeat, reliqua tamen in ejus potestate sunt, puta, ut obstat principiis, ne motum istum adprobet, nec primam animi incitationem ad impetum pervenire patiat. Quod 51) & de MORIBUS, id est propensionibus, diuturna consuetudine firmatis, repetendum videtur. Tametsi enim & hi paulatim veluti in naturam abeunt, *quam si expellat furca, tamen usque revertet*: Horat. *Epist. I, 10. v. 24.* non tamen vel emendari non possunt, *) vel non vinci satim, si quis libertate sua uti velit.

*) Mores sunt propensiones & adfectus, diuturna consuetudine firmati. (*Elem. philos. moral. §. LXIX.*) Quod diuturna consuetudine adscivimus, id procul dubio desuetudine paulatim inumbrari atque aboleri potest, si

Cap. II. De Action. Hum. Nat. atq. Ind. 43
 ea in re tantum adhibere diligentiae velimus,
 quantum adhibuimus, dum illam primum
 contraximus. Quo pertinet elegans, quam
 jam Hertius ad Pufendorffium laudavit, sen-
 tentia Aristophanis in *Vespis*.

Τὸ γὰρ ἀποσῶναι χαλεπὸν
 φύσις, ὡς ἔχει τις αἰεί.
 Καὶ τοὶ πολλοὶ ταύτ' ἱπαθῶν
 ἐκλόντες γνῶμας ἑτέρας
 μεταβάλλουσι τὰς τρέφας.
 Usus quo fueris diu,
 Mutare ingenium, grave est.
 Multos invenias tamen,
 Qui mores moniti suos
 Mutarunt melioribus.

§. LVI.

Denique 52) *EXTERNA* vis tantum abest, An vis
externa?
 ut libertate sua privet voluntatem humanam,
 ut illa vel maxime argumento sit, eam esse
 liberam. Quamvis enim fieri possit, ut ali-
 quis vi prohibitus, quod vult, non agat:
 nulla tamen vi impediri poterit, quo minus
 quod vult, velit, vel compelli, ut quod
 non vult, velit: *) Immo si intellectus bo-
 num, quod actionem sequitur, tamquam
 majus malo imminente, repræsentet: nulla
 vis externa hominem ab eo, quod semel
 animo concepit, absterrebit, eumque *nec ul-
 lum ardor præva jubentium, nec vultus in-
 stantis tyranni mente quatiet solida*. Vid. il-
 lust. VVolfium *Metaphys.* §. DXXII.

*) Id quoque observavit Epictetus apud *Ar-
 rian.* I, 17. Postquam enim adpetitionem
 non nisi alia adpetitione vinci posse docuit:
 statim subjicit: Ἀν μὲν, φησὶ ἀριστά γε θανάτου,

φόβον ἀναγκάζει με· ἔ το ἀποταγόμενον, ἀλλ' ἔτι
δοκεῖ σοι κρείττον εἶναι ποιῆσαι τι τῶτων. ἢ ἀποθαι
νῆν. Πάλιν ἔν-τὸ σὸν σόγμα σὸ βιάγkασι, πα-
τίσειν ἀριτῆρσιν προαίρσιν. At, inquit quis,
qui mihi mortis proponit metum, me cogit.
Profecto non, quod imminet, incaussa est, sed
quia tibi satius videtur, aliquid eorum face-
re, quam mortem oppetere. Quare tua te opi-
nio coegit, id est, voluntas vicit voluntatem.

§. LVII.

Voluntas
vel ante-
cedens
vel con-
sequens.

Ex quo colligimus, 53) non rejiciendam
esse distinctionem voluntatis ANTECEDENTIS
& CONSEQUENTIS, quarum illa sine contem-
platione ἀπιστάσεων, quæ sese tempore actio-
nis exserere possunt, decernit: hæc actio-
nem circumstantiis, quæ sese tunc exserunt,
attemperare statuit. Quare 54) voluntas con-
sequens ab antecedente diversissima videtur,
quum tamen utraque sibi invicem non refra-
getur. Ita verum est, & pacem velle Deum,
& eundem bellum, certis positis circumstan-
tiis, non improbare.

§. LVIII.

Actiones
spontaneas,
invitas,
ultroneas,
coactas,
mixtas.

Præterea inde intelligitur, 55) SPONTA-
NEAS esse actiones, quæ proficiscuntur ex
mente, se ipsam ad certum finem, antea
cognitum, determinante: 56) INVITAS, quæ
a mente seipsam determinante non prove-
niunt. (§. LIII.) Porro 57) spontanearum
alias ULTRONEAS esse, ad quas patrandas
nulla hominem necessitas extrinsecus impu-
lit, alias 58) COACTAS, quas quis, tali ur-
gente necessitate, patravit: (§. LVI.) nihil
autem 59) causæ esse, cur addamus MIX-

TAS,

TAS, quippe quæ quum iidem, necessitate extrinsecus urgente, fiant, *coactis* quam commodissime accensentur.*)

*) MIXTAS actiones vocant, quas quidem patrare vult homo, sed ita, ut eas omittere mallet, nisi urgeret necessitas. Tale quid animadvertimus in iis, qui jactum faciunt imminente naufragio, de quibus Lucret. de rer. nat. Lib. II. v. 277.

Jamne vides igitur, quamquam vis externa multos

*Pellit, & invitos cogit procedere sæpe,
Præcipitesque rapit, tamen esse in pectore nostro*

Quiddam, quod contra pugnare obstareque possit?

Enimvero idem in omni actione coacta contingit. Nulla enim vis externa tanta esse potest, ut nos adigat ad volendum, quod nolumus, vel quod volumus, averſandum: (§. LVI.) adeoque omnis actio coacta mixta omnisque mixta coacta est. Quis vero probaret divisionem, cujus membra adeo non disjuncta sunt, ut potius unum de altero prædicetur? (Elem. log. §. XLVII, 2.)

§. LIX.

Hinc 60) verum quidem est, nullam actionem *invitam* esse voluntariam: (§. LVIII. 56) at 61) negari nequit, voluntarias esse actiones *coactas*, quia, quamvis non agere mallems, nisi nobis repræſentaretur malum atrocius, voluntas tamen hanc actionem vere decernit. Ex quo porro consequitur, 62) ut non male philosophati sint veteres jureconsulti, dum, COACTUM ETIAM VELLE, statuerunt. l. 21. §. 5. D. quod met. caus.

Actiones
invitæ
involun-
tariz:
coactæ
volunta-
riz sunt.

C A P U T III.

*De Norma Actionum Humanarum, veroque
Juris Naturalis Principio.*

§. LX.

Qualem
esse oportet
actionum
humanarum
normam?

NON ita comparatam esse naturam hominis, ut actionum liberatum norma ac regula carere possit, jam supra a nobis demonstratum est. (§. IV. sequ.) Ibidem vero ostendimus, illam normam esse desitutam, neque functuram officio suo, nisi & *recta*, *certa* ac *constans*, & cum *obligatione*, eaque non interna, sed *externa*, conjuncta sit. In talem vero normam, in quam hæ virtutes omnes manifesto cadant, jam paulo accuratius erit a nobis inquirendum.*)

*) Nolim vero confundas **NORMAM** actionum humanarum, & **PRINCIPIUM JURIS NATURALIS**. Illa enim est principium, quod *essendi* vocant philosophi, quodque nobis *principium obligationis* est. Per hoc intelligimus *cognoscendi principium*, id est, propositionem quamdam, ex qua, ad quid obligati simus, illico adpareat. Sunt hæc & in rebus publicis diversa. Nam *principium obligationis*, quæ civibus reipublicæ omnibus incumbit, est voluntas summæ in qualibet republica potestatis, eaque simul *norma* est, ad quam omnes & singuli actiones suas componere tenentur. At si quæras, unde cognosci atque intelligi possit illa summæ potestatis voluntas? ad leges re homines remittent, eæque adeo unum & adequatum erunt *cognoscendi principium*.

§. LXI.

Normam illam vel in nobis ipsis, vel ex-
tra

Ea non in
sed

tra nos, existere oportet. In nobis si reperiretur, illa non alia esse posset, quam vel intellectus, ac conscientia, vel ipsa voluntas nostra. At neutra mentis facultas semper recta, neutra certa, neutra constans atque immutabilis est. Ergo nec alterutra, nec utraque, normæ actionum humanarum officio recte fungetur. Ex quo sane consequitur, 1) ut norma illa actionum nostrarum non in nobis, sed extra nos, omnino quaerenda sit.

extra nos
quaerenda
est.

§. LXII.

Extra nos cum aliæ res creatæ, existunt, tum ipse rerum omnium auctor DEUS. Quum vero quaeramus actionum humanarum normam cum obligatione externa conjunctam, (§. IX.) & per rectam rationem universo generi humano promulgatam: (§. XI.) obligatio vero externa in entis cujusdam, cujus imperium agnoscimus, voluntate consistat, (§. IX, 10.) denique nullum sit ens, cujus imperium magis agnoscere teneamur, quam DEUS optimus maximus, (§. X.) isque solus etiam per rectam rationem, cujus ipse auctor est, aliquid promulgare possit: consequens est, 2) ut sola VOLUNTAS DEI sit norma actionum humanarum, omnisque naturalis obligationis, quin & omnis justitiæ, principium.*)

Et quidē
in volun-
tate Dei.

*) Incidimus itaque in sententiam viri illustrissimi, jam supra a nobis laudati, SAMUELIS a COCCHEIS, qui in laudatis dissertationibus (§. X.*) hoc principium non solum solidissimis rationibus demonstravit, sed & ab adversariorum stricturis erudite vindicavit,
in

in primis *Dissert. I. quest. II. §. VI. seq.* ubi §. XXXIV. p. 31. *seq.* etiam veterum, idem sentientium, testimonia quamplurima accumulatur, quorum maxime notabilia sunt Xenophontis, Sophoclis & Ciceronis, quæ, quum dissertationes illæ doctissimæ omnium manibus terantur, hic non repetimus.

§. LXIII.

Voluntas
Dei nor-
ma est re-
cta, cer-
ta, con-
stans, &
obligato-
ria.

Neque dubitari potest, 3) quin hæc norma RECTA sit, quum nihil velle possit ens infinite bonum ac sapiens, nisi quod vere bonum est: 4) quin eadem sit CERTISSIMA, quum omnibus per rationem innotescat: 5) quin sit CONSTANS, quia non magis mutari potest voluntas Dei, quam ipse Deus, & per quam illam promulgavit, recta ratio. Denique 6) quin sit OBLIGATORIA, quum & Deo justissimæ causæ sint, obsequium a nobis exigendi, & nullæ sint hominibus rationes, cur se illius imperio subtrahere vel velint, vel possint. (§. X.) Ex quo simul patet, 7) non omnem Dei voluntatem, sed obligatoriam tantum, pro norma actionum humanarum esse habendam. *)

*) Quam late pateat DEI VOLUNTAS, accuratius ab iis, qui theologiam naturalem tradunt, explicatur, inprimis a Ruuardo Andala *Theol. nat. Part. II. Cap. VIII. §. VI. seq.* & celeb. VVolfio *Theol. nat. Part. I. tot. Cap. III.* Sane quum voluntatis divinæ objectum sit primum ipse Deus, dum perfectiones suas amat, adprobat, in iis adquiescit, deinde universus mundus, quem vult esse, certis legibus moveri, conservari, tum omnia reliqua contingentia, præterita & futura: hic tantum intelligimus voluntatem Dei cir-

Cap. III. De Norma Action. Hum. &c. 49
ca. actiones rerum creatarum intelligentium ,
vel edendas , vel omittendas , eanique vocamus
OBLIGATORIAM .

§. LXIV.

Quum vero VOLUNTAS DEI OBLIGATORIA ,
 quam unicam actionum humanarum normam
 esse ostendimus , sit voluntas Dei circa actio-
 nes rerum creatarum intelligentium , vel eden-
 das , - vel omittendas : (§. LXIII. *) confe-
 quens est , 8) ut ea contemplatione hominis
 recte etiam vocetur LEX DIVINA , quippe quæ
 nihil aliud est , quam voluntas entis supre-
 mi , sub comminatione poenæ , vel proposito
 præmio , certas actiones vel præcipientis , vel
 prohibentis . (§. IX, II.) 9) Ut , quum &
 aliæ leges divinæ , per revelationem homini-
 bus promulgatæ , dentur , quas POSITIVAS vo-
 cant , hæ , quia natura homini innotescunt ,
 merito NATURALES adpellentur , & prout ali-
 quid præcipiunt , vel prohibent , vel permit-
 tunt , in AFFIRMATIVAS , NEGATIVAS & PERMIS-
 SIVAS recte dispescantur .

Eadem
 & lex
 dici po-
 test ra-
 tione ho-
 minum .

§. LXV.

Quumque hæc divina voluntas , seu lex
 divina naturalis , omnis justitiæ sit fons &
 principium : (§. LXIII, 2) sequitur 10) ut
 omnis actio , non modo humana , sed & di-
 vina , huic voluntati divinæ attemperata ju-
 STA sit , ac proinde 11) male huic doctrinæ
 opponatur , nullam fore Dei justitiam , si non
 aliud statuatur juris naturæ principium , quam
 DEI VOLUNTAS . *)

Ex vo-
 luntate
 Dei et-
 iam di-
 vina ju-
 stitia re-
 & po-
 test ex-
 plicari .

*) Exprobrare hoc viro illustrissimo , SAM. DE
 Hein. de Jur. Nat. & Gens. C COC.

COCCELLIS, non dubitavit auctor *Observationum Hanoveranarum Obs. VIII.* Periculosa etiam alix ex his dogmatibus consequuntur, qualia a quibusdam minus circumspecte jamdudum sunt jactata, veluti nullam esse ipsius Dei justitiam. Nam si jus est nihil aliud quam jussum creatoris, vel ejus, qui potentia sua cogere potest: manifestum est, in ipso Deo justitiæ rationes cessare, quum cogi nequeat, & posse cum jure damnare innocentem, beare sceleratum. Quibus admissis, in justitiæ consideratione restabit timor Dei, amor cessabit. Enimvero quum Deus nihil velit, nisi quod æquum & justum est: quidni ex voluntate Dei explicari posset etiam divina justitia? Cessat quidem circa Deum ratio jussus & coactionis, adeoque obligatio externa: sed eadem & in summis imperantibus cessat, quod attinet ad leges suas. Quamvis enim illis obstrictus non sit princeps, cui auctoritas est imperium: tamen eum dicimus JUSTUM, si suum cuique secundum leges suas tribuit. Quidni ergo & Deum ideo dicamus JUSTUM, quod hominibus jus suum secundum VOLUNTATEM, seu LEGEM SUAM tribuat? Homo ergo dicitur JUSTUS, qui VOLUNTATI DEI, per modum legis promulgatæ, obsequium præstat. Deus vero JUSTUS est, quia secundum VOLUNTATEM SUAM sine coactione & lege suum cuique tribuit. Nec periculum est, ne Deus damnet innocentem, sceleratum beet. Ita enim non ageret secundum voluntatem suam, qua nihil vult, nisi quod justum, æquum, & perfectione sua dignum est.

Differen-
tia nor-
mæ justi-
tiæ divi-
næ & hu-
manæ,

§. LXVI.

In eo tamen 12) maximum discrimen inter DIVINAM & HUMANAM intercedit justitiam, quod

quod quum in illa legis & coactionis ratio omnis cesset, (§. LXV. *) hæc involvat rationem legis & coactionis, (§. LXIV. 8.) ac proinde 13) voluntas divina, quatenus hominibus pro actionum norma est, conjuncta sit cum comminatione pœnæ, seu mali cujusdam, iis a Deo repræsentandi, qui, voluntati suæ non præstent obsequium. Quamvis 14) ea pœna etiam positiva *) non, ut in legibus humanis, certa & definita, sed plerumque indefinita sit, Deusque eam suæ sapientiæ ac justitiæ reservavit.

*) Qui omne malum passionis, quod malum sequitur actionem, & cum hac connectitur, pœnam adpellant, hi illam recte dividunt in NATURALEM & POSITIVAM. Clariss. Koehler. *Exercit. jur. natur. §. CCCLXII. seq.* Sed si per pœnam intelligas malum passionis, quod ipsa lex divina peccantibus comminatur: pœna positiva tantum pœnæ nomine *κρίσις* veniet. Naturalem & athei agnoscunt: positivam non nisi ii, qui & existere Deum, & rerum humanarum curam gerere, statuunt. Jamquamvis pœna positiva definita non sit: vel ipsa tamen recta ratio satis non convincit Deum non posse non hominibus & pœnas, & præmia rependere, prout actiones voluntati ejus vel non attemperent, vel attemperent. Id enim *ἀπὸ τοῦ* ex idea justitiæ divinæ fluit, & admissum est ab omnibus, qui in dubium non vocant divinam providentiam. Xenophon Memorab. Socr. I, 4. 16. *Οἷός τ' αἰ τῆς θεῆς τοῖς ἀνθρώποις δοῦναι ἰμφοῦσαι, ὡς ἰκανεῖ εἶναι ὅτι καὶ κακῶς ποιεῖν, εἰ μὴ δαυατοὶ ᾖσαν, καὶ ἀνθρώποις ἑκαταμυῖαι. καὶ πάντα χροῖον ἔδωκεν αἰ αἰσθάναι;* Num arbitraris, Deos hominibus opinionem indisuros fuisse, quod & beneficiis & pœ-

& panis adficere possint, si non revera id possent? & homines, perpetuo deceptos, horum nihil umquam sensisse?

§. LXVII.

Ut normam illam rite adplicemus, opus est certo jure naturæ cognoscendi principio.

At quum dubitari vix possit, quin norma actionum humanarum non alia esse possit, quam voluntas, vel lex Dei: (§. LXIII.) jam porro merito quaeritur, quo pacto illam quam facillime cognoscamus? Et sane dum eam per rectam rationem universo humano generi promulgatam esse, omnes fatentur, (§. XI, 16.) recta vero ratio nobis est facultas ratiocinandi, veritatesque alias ex aliis per necessariam concludendi rationem eliciendi: (§. XV.) facile patet, 15) dari aliquam veritatem vel propositionem, ex qua per necessariam concludendi rationem, quid voluntati Dei consentaneum, adeoque justum sit, elici possit, adeoque 16) esse oportere commune aliquod ac generale jus naturæ **COGNOSCENDI PRINCIPIUM.***)

*) Id quomodo ab ipsa norma differat, jam supra (§. LX. *) ostendimus. Quum vero principii vocabulum latius acceperit illustrissimus SAM. DE COCCIIIS: in *λογική* abijt, quidquid ei obvertit clarissimus Jac. Fridr. Ludovici. Quomodo enim illa voluntas Dei nobis innotescat, ipse vir illustrissimus *Diff. I. quest. III.* ostendere conatus est, adeoque manifesto distinxit *voluntatem Dei*, tamquam normam & principium essendi, quod vocant, juris naturæ, a *mediis intelligendi & probandi voluntatem Dei*, adeoque a principio cognoscendi.

§. LXVIII.

§. LXVIII.

Quumque omne cognoscendi principium ita comparatum esse oporteat, ut sit **VERUM**, Idque verum, evidens, adæquatum esse oportet. **EVIDENS** atque **ADÆQUATUM**, conequens est, 17) ut & juris naturæ principium debeat esse **VERUM**, ne si illud vel falsum sit, vel in nuda fictione consistat, tales etiam conclusiones ex illo eliciantur. 18) Ut idem **EVIDENS** esse oporteat, & 19) ita quidem, ut non modo a docto aliquo, sed & a quolibet plebejo, quippe qui æque, ac ille, ad obsequium juri naturali præstandum obstrictus est, perspicui atque intelligi possit. *) Denique 19) ut esse debeat **ADÆQUATUM**, omniaque officia tum hominum, tum civium, non modo Christianorum, sed & a Christiana pietate alienorum, inde prono alveo fluant.

*) Quemadmodum ergo suspectæ sunt justo subtiliores existentia DEI demonstrationes, quia illa veritas ita comparata esse dicitur, ut & plebejus quisque ad eam animo concipiendam obstrictus sit, ac proinde Apostolus eum palpando inveniri posse docet, quippe *ἡ μακρὰν ἀπὸ ἑνὸς ἑκάστου ἡμῶν ὑπάρχουσα*, non longe absentem ab unoquoque nostrum: *Act. XVII, 27.* ita vix suspicione caret subtile nimis juris naturalis principium, quum *ἀναπλόγηται* sint omnes, etiam indocti, & subtiliori philosophiæ non adsuæti, si contra jus naturæ peccaverint.

§. LXIX.

Itaque 20) juris naturalis principium querere non possumus in convenientia actionum hoc prius-
nostratum cum sanctitate Dei: quia, si vel Unde hoc principium non est

sanctitate
Dei quæ-
rendum, maxime largiamur, veram esse hanc propo-
sitionem, ea tamen nec evidens est, nec ita
comparata, ut omnia officia vel hominum,
vel civium, inde elici probarique possint. *)

*) Quam obscura enim sit sanctitatis divinæ
idea, sive eam in sensu theologico, sive in
juridico, accipias, jam ostenderunt Sam. Pu-
fendorff. *Specim. Controv. IV*, 4. Thomas. *Fun-
dam. jur. nat. & gent. I*, 6. 11. seq. Et quam
multa sunt officia, quorum ἀχρεΐων in Deo
non reperimus? e. g. gratus animus erga be-
nefactores, reverentia erga superiores, reddi-
tio crediti, similia.

§. LXX.

Nec in
ipsa a-
ctionum
humana-
rum ju-
stitia vel
injusti-
tia. Nec magis 21) sufficit propositio, id,
quod sua natura justum est, esse faciendum,
quod sua natura injustum, fugiendum. Quam-
vis enim jam supra a nobis concessum sit,
actiones quasdam in se suaque natura bonas,
vel malas, & ad illas amplectendas, has fu-
giendas, hominem intrinsecus obligari: (§.
VIII.) falsum tamen est, actionem ullam
intrinsecus & antecederet ad lege justam
esse. * (§. VII.) Ut jam non dicamus,
nec evidens esse hoc cognoscendi principium,
nec omnia hominis ac civis officia inde posse
derivari.

*) Ad actiones enim JUSTAS obligatione exter-
na impellimur. (§. VII.) Obligatio exter-
na consistit in entis, cujus imperium agnoscimus,
quodque actiones quasdam sub commi-
natione pœnæ prohibeat præcipiatque, vo-
luntate. (§. IX, 10.) Quum vero talis vo-
luntas sit LEX: (§. IX, 11.) nulla actio justa
in-

injustaque esse potest sine lege, adeoque non datur actio, intrinsecus & antecedenter ad legem justa, sed, quia legi convenit, ideo justa habetur, quemadmodum ideo injusta est actio, quod legi refragatur, & hinc omne peccatum *aiquix*, seu legis transgressio, vocatur I. Epist. Joann. III, 4.

§. LXXI.

Nemo porro 22) temere suffragabitur viris doctis, a quibus gentium vel omnium, vel humaniorum, consensus pro principio juris naturalis habitus est. Nam nec *verum* est id, in quo gentibus inter se convenit, etiam voluntati divinae convenire: *) nec omnibus *evidens* est ille gentium consensus, quippe ex multis veterum & recentiorum scriptorum testimoniis colligendus, nec tam *adequata* hæc videri potest propositio, ut omnia hominum civiumque officia inde pro no alveo fluant.

Nec in consensu omnium gentium.

*) Ita jus gentium voluntarium, quod vocat, probandum jam olim censuit Cic. *Tusc. Disp. I, 13. Omni in re consensio omnium gentium lex naturæ putanda est.* Eidem principio postea permultum tribuit Grot. *de jure belli & pac. prolegom. §. XL.* ubi de modo probandi jus naturæ & gentium ex instituto differens: *Usus sum, inquit, ad juris hujus probationem testimoniis philosophorum, historicorum, poetarum, postremo & oratorum, non quod illis indiscrete credendum sit, (solent enim sectæ argumento causæ servire:)* sed quod, ubi multi, diversis temporibus & locis, idem pro certo adfirmant, id ad causam universalem referri debeat: quæ in nostris questionibus alia esse non potest, quam aut recta illa-

io, ex naturæ principiis procedens, aut communis aliquis consensus. Illa jus naturæ indicat: hic jus gentium. Enimvero in multis mirum gentium pæne omnium consensum deprehendimus, quæ nemo juris naturæ vel gentium esse dixerit, veluti in πολυθεότητι, idololatria, sacrificiis, latrociniis, extra cujusque rempublicam licitis. κ. τ. λ. Deinde difficillime hic gentium consensus ostenditur, ipso fatente Grotio I, 1. 15. Latius autem patens est jus gentium, idest, quod gentium omnium, aut multarum, voluntate vim obligandi accepit. Multarum addidi, quia vix ullum jus reperitur, extra jus naturale, quod ipsum quoque gentium dici solet omnibus gentibus commune. Immo sæpe in una parte orbis terrarum est jus gentium, quod alibi non est, ut de captivitate ac postliminio suo loco dicemus. Quam multa ergo sunt officia, quæ ex consensu gentium demonstrari a nemine possunt?

§. LXXII.

Nec in
septem
Noachi
præcep-
tis.

Quemadmodum vero, qui jus naturæ vel gentium ex illa gentium consensione derivandum existimant, non modo principium minus verum, inevidens ac inadæquatum adsumunt, sed & simul μετέβασις εἰς ἄλλο γένος committunt, dum jus naturæ non ex ipsa natura, sed ex gentium traditione, derivare conantur: ita 23) iisdem vitiis laborare jus naturæ & gentium Hebræorum, quod ex præceptis Noachi vel premanare, vel probari posse existimant, jam supra, quantum factis est, ostendimus. (§. XVI.)

§. LXXIII.

Nec in
jure om-
nium in

Quid porro 24) dicamus de tota illa Tho. Hobbesii philosophia, quam tum in libello
de

de cive, tum in Leviathane, quem vocat, omnia,
vel studio pacis
externæ. proposuit? Dum enim vir ille doctus in statu naturali jus esse omnium in omnes esse docuit, nec *veram* posuit propositionem, nec *evidentem*, nec *adæquatam*, quum officia erga Deum & seipsum inde deduci nullo modo possint. Immo hoc ipso, dum se jus naturæ hoc modo explicaturum promittit, illud plane sustulit evertitque, ceu ostendit celeb. Henr. Coccei. *Diff. de jur. omn. in omnes*. Ex quo simul patet, 25) quid statuendum sit de altero principio, quærendam esse pacem externam, si haberi possit, sin id minus fieri possit, belli circumspectiunda esse auxilia. Nam & hic, veluti sub sipario, latitare Hobbesium, nemo non intelligit. *)

*) In primis vel maxime inevidens est hoc principium. Quid enim sibi vult illa limitatio: *Si haberi possit*? Quam facile ea, quocumque modo explicata, abutentur homines litigiosi, seque pace, invito altero, frui non potuisse conquerentur? exemplo lupi, qui sibi turbam ab agno aquam, caussabatur. Phædr. *Fab. I, 1*. Vere nescio qui cecinit:

*Sic nocet innocuo nocuus, caussamque nocenti
Invenit. Hæc regnant qualibet arte lupi.*

Observavit hoc illius principii vitium jam celeberrimus Thomas. *Fundam. jur. nat. & gent. I, 6. 18.*

§. LXXIV.

Magna *veritatis* pietatisque specie blanditur 26) principium VAL. ALBERTI, theologi Nec in
statu integritatis. & philosophi Lipsiensis de statu integritatis: quamvis ne id quidem *verum* esse, jam alii ostendunt.

ostenderint. Pufend. *Specim. controuv.* IV, 12. & Thomaf. *Jurisp. divin.* IV, 40. *sequ.* Sed si vel maxime largiamur, vere juris naturæ esse quæ statui illi primævæ integritatis conveniunt: quam *inevidens* non modo paganis, sed & ipsis Christianis, hoc sit principium nemo non intelligit. Denique quum ex illo principio explicari nequeat, quæ sint jura civitatis, belli, contractuum, similiaque plurima, quibus fortassis in statu illo felicissimo vix locus fuisset: quis *adequatum* esse hoc principium dixerit? *.)

*.) Quam pauca enim sint, quæ sacræ litteræ de imagine Dei statuque integritatis inculcant, res ipsa docet. De iis quoque, quæ nobis de eo statu revelata sunt, ipsi Christiani, ex quo in sectas discesserunt, quam maxime inter se dissentiunt. Quid dicamus de Judæis? quid de paganis ipsis priscis ac hodiernis? Servarunt illi fabulam de sæculo aureo, quam quidam ex traditione de statu paradisiaco natam existimant. Hi aliis commentis, quæ doctrinæ Christianæ de imagine Dei quodammodo familia sunt, delectantur, de quibus erudite suo more differit Petr. Dan. Huer. *Quæst. Alnetan.* II, 11. pag. 172. Sed quum hæc omnia non parum inter se discrepent: sane nec Christianus Judæo vel pagano, nec hi Christiano ulli persuadebunt, esse hoc vel illud juris naturæ, quod ipsi ex traditionibus vel revelationibus suis de statu integritatis vel paradisiaco derivarunt. Opus ergo est principio Christianis cum Judæis & paganis communi, quod non aliud profecto esse potest, quam qua omnes mortales præditos esse novimus, recta ratio.

Mirifice non modo GROTIUS & PUFENDORF-
FIO, sed & veteribus plerisque, *) placuit
principium socialitatis. Nec negari potest,
quod infra ex instituto demonstrabimus, ho-
mines jam ita esse comparatos, ut eos vive-
re oporteat socialiter. At 27.) falsum tamen
est, esse hoc totius juris naturæ principium,
verum, evidens atque adequatum. Qua in re
demonstranda quum otium nobis jam fecerit
vir illustrissimus atque excellentissimus S. M.
DE COCCEIIS *de princ. jur. nat. diff. I. quest. II.*
§. IX. *sequ.* id unum addimus, officia erga
Deum & nos ipsos pleraque locum esse ha-
bitura, si vel maxime homo solus, & extra
omnem societatem humanam, in hoc terra-
rum orbe viveret.

*) Societatis custodiam, tamquam verum justi-
tiæ fontem, jurisque naturalis principium jam
olim laudarunt Cicero *de Legib. I, 5. de Offic.*
I, 16. seq. Seneca *de Benefic. IV, 18.* Jamblich.
in Protrept. Cap. XX. & alii, quorum testi-
monia accumularunt Pufendorff. *de jure nat.*
& gent. II, 3. 15. & Jo. Henr. Boecler. *in Grot.*
prolegom. pag. 48. seq. Quamvis vero in hoc
principium & olim & nostra memoria plures
conenserint: inter eos tamen parum conveni-
re animadvertimus de ratione, cur ad socie-
tatis custodiam obstricti sint homines, alii
homines natura duce ad illam ferri, aliis jus-
su Dei O. M. illam colendam esse, aliis de-
nique ipsam necessitatem homines ad vitam
socialem compellere, statuentibus.

naturæ,
simili-
busque
hypothe-
sibus.

turalis principia, veluti 28) ordo naturalis, quem creator in condendo hoc terrarum orbe intendit, 29) utilitas humani generis, 30) theocratia moralis & similia. *) Sed ne illa quidem vel evidentia, vel adæquata esse, inter omnes constat. Quin in his quædam, non nisi adhibita cautione, tamquam vera admitti posse, nemo temere negaverit.

*) Ordinem illum naturæ post Sfort. Pallavicinum verum ac genuinum juris naturalis principium esse docuit Henr. Bodin. in *Diss. de jure mundi*, edita primum Rintel. anno MDCXC. recusa Halæ MDCXCVIII. sed ex instituto refutata a Cl. Thomasio de *fundam. definiendi causis. matr. hæc. recept. insufficient. §. XVIII. seq.* Utilitatem humani generis pro juris naturæ principio habuerunt tum celeberrimus Leibnitius, tum omnes, qui cum laudatissimo Thomasio commendarunt propositionem fundamentalem: Facienda esse omnia, quæ vitam hominis reddant & maxime diuturnam, & felicissimam, & evitanda ea, quæ vitam reddant infelicem, & mortem accelerent. Thomasi. *Fund. jur. nat. & gent. I, 6. 21.* Theocratiam quamdam moralem singulari dissertatione. Ultraj. MDCXCVII. edita, pro fundamento juris naturæ habuit Jo. Shure, Anglus, ex qua dissertatione, satis ingeniosa, quædam excerptit illustrissimus SAM. DE COCCÆI. de *princip. jure nat. & gent. diss. I. quæst. III. §. VIII.*

§. LXXVII.

Dei vo-
luntas se-
licitatem
nostram
intendit.

Ut ergo, quid nobis, rem omnem paulo accuratius expendentibus, in mentem venerit, perspicue ostendamus: primo omnium obser-

namus , 31) Deum , tamquam ens infinitæ sapientiæ ac bonitatis , nihil aliud velle , quam ut homines , quos condidit , vere felices sint ac beatissimi . Quum enim ipse tamquam ens perfectissimum nulla re indigeat : homines , qui soli ex rebus creatis , nobis notis , felicitatis capaces sunt , non suæ felicitatis causa condidit , sed , ut eos veræ felicitatis participes redderet . *)

*) Non quidem excludimus finem primarium , gloriam ipsius creatoris , suarumque perfectionum , quæ ex tot rebus quam sapientissime conditis clarissime elucent , manifestationem . Sed iste quidem finis est generalis , & ad totum hoc universum pertinet . Cel. VVolff. *von den Absichten der Dinge* , Cap. I. §. II. Cap. II. §. I. Speciatim hominem ad quem finem condiderit Deus , ex partibus essentialibus , quas ei dedit , est judicandum . Quemadmodum ergo *intellectum* accepit , ut Deum naturam , omneque verum bonum cognosceret , *voluntatem* , ut Deo veroque bono frueretur , *corpus* , ut varias actiones , quæ ad acquirendam conservandamque veram felicitatem pertinent , ederet : ita exinde manifesto patet , hominem ideo condidisse Deum , ut veram cum eo felicitatem communicaret .

§. LXXVIII.

Quum ergo hæc Dei voluntas sit , ut homines , quos condidit , vere felices ac beatissimi sint , (§. LXXVII.) voluntas vero Dei sit norma actionum humanarum liberarum , adeoque fons juris naturæ ac justitiæ : (§. LXII.) consequens est , 32) ut quum hu-

Ad eamque nos lege naturali obligat

ma-

mani legislatores, tamquam variarum rerum indigi, in ferendis legibus, non minus suam, quam civium suorum, utilitatem ob oculos habeant: Deus contra leges naturæ hominum causa condiderit, nec 33) iis quidquam intenderit aliud, quam ut homines vera felicitate perfruerentur. *)

*) Non vero ideo cum Carneade aliisque (§. LXXVI.) *solum utilitatem justi prope matrem & æqui esse* contendimus. Ita enim jus naturæ, ex sola utilitate natum, non esset obligatorium, quippe cui unusquisque, vel saltem totum humanum genus, jure renunciaret, ceu præclare docuit vir laudatissimus, Sam. de Cocceiis *diff. I. quest. II. §. IX. seq.* Sed quidquid veræ nostræ felicitatis causa secundum jus naturæ agimus, id omne agimus volente ac jubente Deo, adeoque ex obligatione, non modo interna, sed & externa, ac proinde tantum abest, ut renunciare quisquam suæ utilitati possit, ut potius non minus poenam mereatur, qui legem suo bono conditam violat, quam qui in republica contra legem omnium singulorumque civium bono latam, vel in ejus fraudem aliquid facit.

§. LXXIX.

Illa felicitas in frui-
tione
boni per
amorem
posita est,
adeoque
princi-
pium I.
N. est
amor.

Si ergo veram hominis felicitatem intendit Dei voluntas, ad eamque consequendam jus naturæ comparatum est: (§. LXXVIII.) vera vero felicitas in frui-
tione boni, mali-
que absentia consistit: (*Elem. phil. mor. §. CXXXVIII.*) consequens est, 34) ut & lege naturæ id intendat summum numen, ut vero bono perfruemur, malumque evitemus. Quan-
doqui-

doquidem vero bono perfrui non possumus ; nisi per AMOREM : (*Philos. mor. §. CXCVII.*) inde porro inferimus , 35) Deum nos obligare ad AMOREM , eumque 36) & principium juris naturæ , & 37) ejusdem veluti compendium esse . *)

*) En mirificum legis Divinæ revelatæ ac naturalis concentum . (§. XVI. 29.) Illius summam Servator his paucis comprehendit : *Diliges Dominum Deum tuum ex toto corde tuo, & ex tota anima tua, & ex omnibus viribus tuis, & ex omni mente & cogitatione tua : & proximum tuum sicut teipsum. Matth. XXII, 37. Luc. X, 27.* additque : *ἐν ταύταις δυσίς ἐντολαῖς ὅλος ὁ νόμος κρίνεται.* Ab istis duobus præceptis tota lex pendet . Queniamadmodum & Apostoli amorem alibi vocant *ἀγαπή* , summam legis , nec non *πλήρωμα νόμου* , legis impletionem . *Rom. XIII, 9. 10.* alibi *συνδεδεσµέναι τῆς τελειότητος* , vinculum perfectionis . *Col. III, 14.* alibi *τὸ τέλος τῆ παραγγελίας* , finem præcepti *I. Tim. I, 5.* Idem erga vera ratio docet , non aliud inculcans juris naturæ principium , quam amorem , quippe quo solo medio felicitate seu vero bono , quod Deus lege sua intendit perfruimur . Unde & Leibnit. præf. Tom. I. Cod. jur. gens. dipl. præmissa P. X. si numeres , justiciam charitatem sapientis definit.

§. LXXX.

AMOR nobis est appetitio boni , cum percepta ex ejus perfectione & felicitate delectatione conjuncta : ODIIUM averfatio mali , cum percepta ejus infelicitate voluptate conjuncta . Itaque , 38) quod amamus , ex ejus præstantia & felicitate voluptatem capimus , cam-

Quid
amor &
odium ?

eamque , quantum in nobis est , amplificare vel conservare connitimur. 39) Quod contra odio prosequimur , id infelicissimum potius , quam felix ac beatum , esse cupimus.

§. LXXXI.

Amor alteri ægre non facit.

Quum ergo quod amamus , ex ejus præstantia felicitateque voluptatem capiamus : (§. LXXX. 38.) per se patet , 40) amantem nihil ægre facere velle ei , quod amat : immo potius 41) dolorem inde concipere , si quis alius tale quid audeat . Quia enim qui ægre alicui facit , vel id fieri æquo animo patitur , voluptatem ex alterius infelicitate capit , voluptatem vero ex alterius infelicitate capere idem est , ac odisse , (§. LXXX.) denique simul amare , simul odisse , contradictionem involvunt , adeoque una consistere non possunt : (*Elem. phil. rat.* §. LXXI.) consequens est , ut & consistere non possint amare aliquid , & eidem ægre facere , vel ut id fiat , æquo animo pati .

§. LXXXII.

Inde amoris primus gradus , quem justitiam amorem vocamus.

Ægre alteri fit dupliciter , vel aliquid , quod eum infeliciorem , quam natura est , reddit , faciendo : vel felicitatem , quam jam habet , eidem intervertendo . Jam quum facientes aliquid , quod alterum reddit infeliciorem , quam natura est , sit *LÆDERE* ; intervertere alteri aliquid , quod jam sibi juste acquisivit , & ad ejus felicitatem pertinet , *SUUM ALICUI AUFERRE* vel *DENEGARE* : sequitur , 42) ut is quam maxime contra legem amoris peccet , qui alterum lædit , quodque ejus est , aufert , intervertit , ac denegat , 43) ut contra infimus sit amoris gradus neminem lædere , & suum cuique vel

tri-

tribuere, quod debetur, vel quod jam habet, relinquere: quem *) amoris gradum nos quidem vocamus AMOREM JUSTITIÆ.

*) Animadvertit hoc Seneca, dum *Epist. XCV.* ait: *Quantulum est ei NON NOCERE cui debeat prodesse?* Qui alteri non nocet, tantum non sceleratus est, nondum autem eo justitiæ genere legi amoris satisfacit, quæ, ut & proximus aliis, jubet, adeoque de virtute gloriari non potest. Unde & illustris Leibnit. in *præf. Cod. jur. gent. diplom. p. VII.* tres statuit juris naturæ gradus: *jus strictum*, quod neminem lædere, *aquitatem*, vel *charitatem*, quæ suum cuique tribuere, & *pietatem*, quæ omnem honestatem servare jubeat. At in gradu secundo ab eo discessionem facimus, quia & iis suum cuique tribuit, qui alteri, quod jure stricto debetur, tribuit, adeoque illud *suum cuique tribuere* non ad solam justitiæ distributivam referendum videtur.

§. LXXXIII.

Deinde ex eo, quod amans ex alterius felicitate voluptatem capit, (§. LXXX.) consequitur, 44) ut ei, quem amat, & illud libenter tribuat, quod jure stricto non debet, & tamen ad ejus felicitatem pertinere animadvertit, isque multo sublimior sit amoris gradus, quem nos AMOREM HUMANITATIS & BENEFICENTIÆ adpellamus.*) Quam vero facultatem discernendi ea, quæ ad nostram aliorumque felicitatem pertinent, SAPIENTIAM vocemus: facile patet, 45) hunc amorem humanitatis ac beneficentiæ directricem veluti habere debere sapientiam.

A quo differt alter gradus, quæ amorem humanitatis & beneficentiæ vocamus.

*) Et ita quidem differunt HUMANITAS & BENEFICENTIA, quod ex illa aliquid sine detrimento.

mento nostro tribuamus alteri, quod ei prout futurum animadvertimus; hæc nos subigat, ut ne nostris quidem rebus parcamus, ut utilitatem adferamus alteri, adeoque & cum detrimento nostro alteri prodesse studeamus. De priori Cicero de Offic. I, 16. *Omnia communia hominum videntur ea, quæ sunt generis ejus, quod, ab Ennio positum in una re, transferri in multas potest:*

Homo, qui erranti comiter monstrat viam,

Quasi lumen de suo lumine accendat, facit:

Nihilominus ipsi luceat, quum illi accenderit.

Una ex re satis præcipit, ut, quidquid sine detrimento possit commodari, id tribuatur vel ignoto.

Ex quo sunt illa communia: pati ab igne ignem capere, si qui velit: consilium fidele deliberanti dare: quæ sunt iis utilia, qui accipiunt, danti non molesta. De posteriore Seneca totum librum composuit, quem de beneficiis inscripsit.

§. LXXXIV.

Utriusque amoris differentia ratione obligationis.

Ceterum quum, qui AMOREM JUSTITIÆ alteri negat, sit sceleratus, contra, qui negat AMOREM HUMANITATIS & BENEFICENTIÆ, tantum virtutes non præstet, (§. LXXXII. *) ad virtutem vero cogi nemo possit, quum contra scelera poenis coerceri omnino oporteat: (§. IX.) facile patet, 46) ad AMOREM JUSTITIÆ homines cogi posse, non autem 47) ad AMOREM HUMANITATIS ac BENEFICENTIÆ. Quandoquidem vero obligatio, cum coactione conjuncta, PERFECTA; coactionis expers IMPERFECTA vocetur: (§. IX.) merito inde colligas, 48) ad *amorem justitiæ perfectæ*; ad *amorem humanitatis & beneficentiæ imperfectæ* tantum nos esse obligatos.

*) Qui obligationi perfectæ satisfaciunt, ad
le.

legem boni esse dicuntur Senecæ. Id vero exiguum quid esse docet alibi: a sapiente vero multo plus exigi, nempe ut amorem beneficentiæ ostendat, etiam ubi sese nihil jure stricto debere noverit, Multa, inquit, legem non habent, nec actionem, ad quæ consuetudo vitæ humanæ, lege omni valentior, dat adiutum. Nulla lex jubet amicorum secreta non eloqui; nulla lex fidem etiam inimico præstare. Quæ lex ad id præstandum, non quod alicui promissimus, alligat? Querar tamen cum eo, qui arcanum sermonem non continuerit, & fidem datam, nec servatam, indignabor. Sen. de benef. V, 21.

§. LXXXV.

Quum porro AMOR semper adpetat bonum, (*§. LXXX.*) id vero, quod tamquam bonum amplectimur, vel sit ens perfectius, vel nobis Amor quomodo ratione objecti differat? æquale, vel denique inferius ac minus præstans: primi generis amorem DEVOTIONIS vel OBEDIENTIÆ, secundi AMICITIÆ, tertii BENEVOLENTIÆ VOCAMUS. (*Elem. phil. mor. §. CC.*)

§. LXXXVI.

AMOR DEVOTIONIS vel OBEDIENTIÆ est amor Quid æ- entis præstantioris perfectiorisque, cujus præstantia ac felicitate ita delectamur, ut illud mor devotionis, vel obedientiæ, amicitia, & benevolentia? ideo omni veneratione atque obsequio prosequendum censeamus. AMOR AMICITIÆ amor entis nobis æqualis, cujus felicitate æque ac nostra delectamur. AMOR denique BENEVOLENTIÆ amor entis inferioris atque imperfectioris, cujus felicitate ita delectamur, ut illam servare, & quantum in ens istud cadit, amplificare studeamus.

§. LXXXVII.

§. LXXXVII.

Amoris,
devotionis & o-
bedientia in-
do-
les.

Ex quibus definitionibus colligimus, 49) non posse nos aliquid amore devotionis vel obedientia prosequi, nisi cujus de majore perfectione & superioritate convicti simus : 50) Nec amorem hunc locum habiturum, nisi ens, quo illo amplectimur, ita comparatum sit, ut amari a nobis velit. § 1) Eum amorem semper cum ea veneratione atque obedientia, quæ ente illo ejusque perfectionibus digna sit, conjunctum esse debere.*)

*) Est enim VENERATIO vel HONOR justa perfectionum, quæ alteri insunt, æstimatio, OBEDIENTIA, proclivitas mentis ad ea omnia, quæ alter tamquam superior a nobis jure exigere potest, facienda, & quæ fieri vetat, omittenda. Quum ergo & perfectionum & superioritatis gradus quamplurimi sint; etiam venerationis atque obedientia totidem gradus esse, &, quo major est entis perfectio ac sublimitas, eo majorem ei venerationem ac obedientiam exhiberi oportere, facile patet.

§. LXXXVIII.

Itemque
amoris
amicitia.

Præterea inde patet, 52) amorem amicitia ex æqualitate nasci. Æqualitas est vel NATURÆ, vel PERFECTIONUM. Hinc, illa quidem posita, 53) æqualia etiam amoris officia debentur: ac proinde 54) inter omnes natura æquales obtinere debent regulæ incomparabiles, *Quod tibi non vis fieri, alteri ne feceris: nec non* 55) *Quod vis tibi ab alio fieri, id aliis feceris. Matth. VII, 12. Luc. VI, 31. Tob. IV, 16.* quorum prior amoris justitia.

tia, posterior humanitatis ac beneficentia verum ac genuinum fundamentum est. Quia tamen, si vel maxime æqualis subjecti amantis & amati natura sit, alterum tamen vel perfectius, vel imperfectius esse solet: 56) fieri potest, ut hominem, tamquam nobis natura æqualem, amore amicitia, simulque, tamquam perfectiorem imperfectioremve, amore, vel devotionis & obedientia, vel benevolentia prosequi teneamur. *)

*) Sic quamvis princeps, tamquam superior venerationem atque obedientiam a nobis jure exigat: id tamen non prohibet, quo minus nobis officia, quæ ex æqualitate naturæ promanant, debeat, ex. gr. ut ne quem nostrum injuria occidat, nec illi damnum det injuria, nec contumelia nihil tale merium adficiat, denique ut id præstet, quod in Trajano laudat Plin. Paneg. Cap. II. ut non minus hominem se, quam hominibus præesse, meminerit.

§. LXXXIX.

Denique quum amor benevolentia entis imperfectioris felicitatem, quanta in illud cadit, servare atque amplificare studeat: (§. LXXXVI.) consequens est, 57) ut nec ens inferius, illumve, cui in illud jus est, lædere, aut jus ei denegare debeamus: 58) Ut illi benefacere teneamur, sed adhibita prudentia: adeoque 59) profusio, & quidquid potius, quam liberalitas & beneficentia, existimanda sit, cui ratio non constat,

§. XC.

Jam si entia, quæ nos circumstant, omnia paulo accuratius consideremus: non nisi Quot sint hujus amoris objecta?

tria reperimus, quibus amoris quædam officia præstare possimus, DEUM, rerum omnium conditorem, NOS ipsos, qui nobis sane sumus proximi, ac demique ALIOS HOMINES, quos nobis natura æquales esse, animadvertimus. Quod enim ad spiritus, veluti angelos, attinet, eorum naturam ratio sola non ita perspectam habet, ut iis certa a nobis officia deberi, intelligat. Brutis vero cum hominibus nulla est juris communio, *) adeoque ipsis nihil officii; sed Deo tantum, eorum conditori, id debemus, ne rebus ab eo creatis perverse utamur. Pufend. *de Jure nat. & gent.* IV, 3. 6.

*) Illam enim juris communionem, ceu infra patebit, ex pacto esse oporteret. At obligationis ex pacto tum activæ, tum passivæ, bruta prorsus incapacia sunt. Nec suffragari possumus Pythagoreis & Porphyrio in libris *περί ἀνιχῆς*, qui non solum sensum & memoriam, sed & mentem ratione præditam brutis tribuebant. Quatenus tamen homines adfectum quemdam in brutis animadvertunt, eatenus illis amorem quemdam benevolentiae reddunt, ut nec facultate sua in illis occidendis abutantur, & commodiorem eorum vita delectentur, ceu exemplo canum domesticorum deprehendimus. Eleganter Plutarch. in *Catone maj.* p. 339. Καίτοι χηρὸς πῦνα τ' δικαιοσύνης πλατυτέρην τὸ πόνον ὀρώγειν ἐπιλαμβάνεται. Νόμος μὲν γὰρ καὶ τῶ δίκαιον πρὸς ἀνθρώπους μόνον χρῆσθαι πεφύκαμεν, πρὸς δὲ θεοὺς καὶ χάριτας, ἐστὶν ὅσα καὶ μέχρι τῶ ἀλόγων ζώων. ὥσπερ γὰρ ἐκ πυγῆς πλεσίας ἀπορρεῖ τ' ἡμετέρετος. καὶ γὰρ ἱππων ἀπειρκόταται ὑπὸ πόνοι, τροφαί, καὶ κισσῶν καὶ σκυλακίας μόνον, ἀλλὰ καὶ γρηγορίαι τῶ Χρηστέῳ ἀρωγήκην. *Atque benignitatem videmus, quam*

quam iustitiæ, latiore patere campum. Legem enim & iustitiæ uti erga solos homines valeamus: beneficentiam & merita porrigimus nonnumquam & ad bruta animantia, quippe emanante, velut ex largo fonte, mansuetudine. Pertinent namque, equorum labore confectorum alimenta & canum non incunabula modo, sed & senectutis cura ad mitem hominem.

§. XCI.

Quum vero DEUM optimum maximum aliter concipere non possimus, quam tamquam ens perfectissimum, a quo omnis nostra pendet & existentia & conservatio, cuiusque de perfectione & superioritate, imo & de voluntate, ut a nobis ametur, convicti sumus: (§. LXXXVII.) sequitur 60) ut ei debeamus amorem DEVOTIONIS & OBEDIENTIE, qui quum dignus ente perfectissimo esse debeat, 61) primum se nobis sua sponte offert axioma, DEUS, TAMQUAM ENS PERFECTISSIMUM, ET A QUO TOTI PENDEMUS, OMNIBUS ANIMI VIRIBUS *) COLENDUS, EIQUE PREFECTISSIMUM AC INTERNUM QUOQUE OBSEQUIUM PRÆSTANDUM EST.

Axioma
primum
de amore
erga
Deum.

*) Quum enim venerationem, qua ens superius prosequimur, dignam illo esse oporteat: (§. LXXXVII.) non possumus non colligere, enti perfectissimo deberi venerationem summam. Quumque Deus non modo actiones externas, sed & ipsum animum nostrum, perfectissimum habeat: ei nos non externa tantum venerationis signa, verum etiam animum venerabundum, præstare debere, satis patet. Et hic quidem est cultus ille vel amor, quem sacræ litteræ exigunt, ἐν πολλῇ ἢ παρδία ἡμῶν, καὶ ἐν ἑλῇ τῇ ψυχῇ ἡμῶν, καὶ ἐν ἑλῇ τῇ δια-

δια-

διανία ἡμῶν, ex toto corde nostro, ex tota anima nostra, & ex tota mente nostra, Matth. XXII, 37. vel, quod Luc. X, 27. additur, ἐξ ὅλης τῆς ἰσχύος ἡμῶν, ex omnibus viribus nostris.

§. XCH.

Axioma
secundū
de amore
erga nos
iplos.

NOSTRUM IPSORUM amor non potest aliter esse comparatus, quam ut perfectione ac felicitate nostra delectemur. (§. LXXX.) Hinc ergo 62) ad perfectionem felicitatemque consequendam, & pro virili conservandam amplificandamque, obligamur, At quum quo ens est perfectius, eo majorem illi honorem atque obedientiam debeamus: (§. LXXXVII. * 63) cavendum est, ne nos ipsos magis, quam Deum, amemus, atque ita in *φιλαυτίαν* pravam degeneret amor iste nostri immodicus. Ex quo 64) alterum fluit axioma: HOMO NIHIL EORUM, QUÆ AD PERFECTI-
TIONEM FELICITATEMQUE ADSEQUENDAM, CONSERVANDAM, AMPLIFICANDAMQUE PERTINENT, PRÆTERMITTERE TENETUR, *) DUM ID SINE AMORIS DIVINI VIOLATIONE FIERI POSSIT.

*) Nam Deus hominem obligat ad boni fruitionem: (§. LXXIX.) adeoque ad felicitatem adipiscendam, conservandam, amplificandamque. Quum vero aliquando plura ei bona repræsententur, quorum unum altero præstantius est, (*Elem. phil. mor. §. CXLIX. seq.*) bonumque minus, quod nos fruitione majoris boni privat, pro malo habendum sit: (*Ibid. §. CLII, 12.*) nemo non videt, Deum nos obligasse ad id, quod ex bonis pluribus sit optimum, eligendum.

§. XCIII.

Axioma
tertium,

Quandoquidem porro homines omnes nobis

bis natura æquales sunt, illa vero naturæ de amore
 æqualitas æqualia etiam amoris officia exi- ^{erga al-}
 git: (§. LXXXVIII. 53) consequens est, 65) ^{lios.}
 ut alterius felicitate non minus quidem, at
 non magis, quam nostra, delectari, adeoque
 66) eum perinde, ac nos ipsos; 67) nos
 ipsos vero non minus, quam proximum, a-
 mare teneamur. Unde 68) tertium axioma:
 HOMO HOMINEM NON MINUS, QUAM SEIPSUM
 TENETUR AMARE, NEC ALTERI, QUOD SIBI FIE-
 RI NON VULT, FACERE, CONTRA ILLI FACERE
 OMNIA, QUÆ SIBI AB ALTERO FIERI CUPIT.

§. XCIV.

Ceterum genuinum hoc esse juris natura- ^{Principiū}
 lis principium, comparatis, quæ supra præ- ^{hoc ve-}
 misimus, principii cognoscendi requisitis, ^{rum, evi-}
 facile præstabimus. Nihil enim illo potest ^{dens ac}
 esse *verius*, quum ex ipsa voluntatis divi- ^{adæqua-}
 næ, naturæque humanæ indole fluat, & ^{tum est.}
 quo ego magnopere delector, in ipsis sa-
 cris litteris præsidium reperiatur. Nihil *eviden-*
tius, quum omnes, quæ illud ingrediun-
 tur, notiones ita sint comparatæ, ut ex
 sola recta ratione etiam ab homine littera-
 rum rudi, immo & a pagano, cognosci fa-
 cillime possint. Nihil denique magis *adæqua-*
tum, quum reipsa nos paulo post demon-
 straturos putemus, nullum esse vel hominis,
 vel civis, officium, quod non ex his prin-
 cipiis, tanquam ex uberrimo limpidissimo-
 que fonte, promanet.

CAPUT IV.

De Adplicatione hujus norma ad actiones, & emergente inde harum differentia.

§. XCV.

Conne-
xio.

Visa jam actionum humanarum liberarum indole, visa itidem norma, ad quam illæ exigendæ sint: proximum est, ut de APPLICATIONE HUIUS NORMÆ AD ACTIONES humanas & liberas quædam adjiciamus. Adplicatio legis ad factum dicitur IMPUTATIO, ac proinde de imputatione potissimum hoc capite erit differendum.

§. XCVI.

Imputa-
tio fit
per com-
paratio-
nem le-
gis & fa-
cti, ad-
coque
per ra-
tionalia-
tionem.

Quum ergo IMPUTATIO sit adplicatio legis ad factum, (§. LXXXV.) ea vero non aliter fieri possit, quam lege & facto, id est, duabus propositionibus, per syllogismum, inter se & cum tertia comparatis: consequens est, 1) UT IMPUTATIO sit syllogismus vel ratiocinatio, cujus majorem propositionem LEX; minorem ACTIO; conclusionem SENTENTIA absolvit. *)

*) IMPUTARE proprie est aliquid in alterius rationes, vel expensi tabulas referre. Senec. *Epist. VIII. Hoc non imputo in solum de tuo tibi.* Queniammodum ergo hoc fit, comparatis inter se acceptis, & in rem alicujus expensis: ita postea commodissimum visum est hoc vocabulum ad exprimendam illam legis ad facta adplicationem, quæ itidem fit instituta hujusmodi comparatione. Sic quum apud Livium I, 26. sororem occidisset Horatius, & quæstio oriretur, an lex de perduellione, ut ejus rei colligaris manibus velato-
que

que capite vel intra pomœrium vel extra pomœrium verberati, ex arbore infelici suspenderentur, ad atrocius illud ferocis juvenis factum sit adplicanda? Duumviri judicandæ perduellioni a Tullio Hostilio rege constituti, legem illam ad factum Horatii pertinere judicabant. Unde alter ex his: *P. Horati, inquit, tibi perduellionem judico, I licitor, colliga manus.* Provocante vero Horatio, ejusque patrociniū ipso patre suscipiente, populus reum absolvit. Duumviri itaque ita ratiocinabantur: *qui hominem sciens dolo malo obtruncat, is, tamquam perduellis, colligatis manibus, velatoque capite verberandus & ex arbore infelice suspendendus est.* En LEGEM! *P. Horatius, sororem gladio transfigens, hominem sciens, dolo malo, obtruncavit.* En FACTUM! *Est ergo tamquam perduellis, colligatis manibus, velato capite verberandus, & ex arbore infelice suspendendus.* En SENTENTIAM! At aliter rationes subducebat populus. Is enim, quum sororem illam, Curiatii sponsæ eadem flebiliter lugentem, hostilem animum erga patriam ostendisse existimaret: absolvens Horatius ita ratiocinabatur: *Qui hostem patriæ occidit, ab eo, tamquam a perduelle, non est sumendum supplicium.* En LEGEM! *P. Horatius sororem occidens, hostem patriæ occidit.* En FACTUM! *Ab eo ergo, tamquam a perduelle supplicium non est sumendum.* En SENTENTIAM, & eam quidem absolutoriam! Duumviri ergo factum illud imputabant P. Horatio; populus non imputabat.

§. XCVII.

Quandoquidem vero idem supra de CON- Quomodo differat a conscientia? SCIENTIA hominis observavimus, (§. XXXIV.) nec tamen hæc eadem cum IMPUTATIONE est:

est: 2.) merito notamus discrimen, quod inter CONSCIENTIAM & IMPUTATIONEM intercedit. Quemadmodum enim illa est ratiocinatio de justitia vel injustitia actionum *proprium*: ita hæc de *alienis* ratiocinatur, legemque cum illis contendit, Priore casu 3) ipse sibi quisque judex est, posteriore alius de actionibus nostris judicat, easque cum lege contendit.*)

*) Quum vero nec omnibus id officium incumbat, ut de aliorum actionibus judicent, & ea tamen sit naturæ humanæ labes, ut plerique sibi facile ignoscant, nec de exploranda propria conscientia admodum laborent, de aliorum vero nævis etiam levissimis illico urnam moveant: non mirum est, istud tamquam iniquum & improbum reprehendi non modo a Servatore, *Matth. VII, 1. Luc. VI, 37.* ejusque Apostolo, *Rom. II, 1. XIV, 4. 1. Cor. IV, 5.* verum etiam ab ipsis scriptoribus profanis, qui solam rectam rationem ducem sequuntur. Hinc lepida illa fabula de duabus peris, quarum altera, propriis repleta vitiis, homini post tergum; altera, alienis gravis, ante pectus suspensa sit, cui hanc interpretationem subjunxit Phædrus *Fab. IV, 9. v. 4.*

Hac re videri nostra mala non possumus:

Alii simul delinquant, censores sumus.

Similia veterum loca quamplurima Isaac Casaub. *ad Pers. pag. 340.* & viri docti ad Phædri illam fabellam collegerunt, quorum scrinia expilare nolumus.

S. XCVIII.

Imputatus aliquid in

Quemadmodum vero quælibet legis ad factum alienum applicatio IMPUTATIONIS nomine

ne venit: (§. XCVII.) ita 4) perinde est, foro vel divino, vel humano. sive actio nostra cum lege divina, sive cum humana comparetur, itemque 5) sive ipse Deus, sive homines, quorum ad officium pertinet, legem facta adplicent. Priorem imputationem vocabulo, moralistis recepto, vocamus IMPUTATIONEM IN FORO DIVINO, posteriorem IMPUTATIONEM IN FORO HUMANO. Inter utramque vero 6) permagnum illud discrimen intercedit, quod quum in hoc cogitationis poenam nemo patiatur, l. 18. D. de poen. Deus tamquam ens omniscium, & quod obsequium etiam internum jure suo exigit, (§. XCI.) & cogitationes legi adversas homini jure imputet.*)

*) Viderunt hoc & veteres philosophi, qui Deum non modo facta omnia hominum, sed & cujusvis cogitationes perspicere docebant, veluti Thales Milesius, Socrates, Platonici, Pythagoræi, & quicumque paulo sublimius de Deo philosophabantur. Eorum testimonia collegit Huet. in *Quest. Alnetan.* II, 2. 16. p. 111. seq. Hinc facile patet, quam ipsi rectæ rationi consentanea sit interpretatio legis Mosaicæ, quam dedit Servator noster *Matth. V, 22. 28.*

§. XCIX.

Quum porro lex, quæ factis hominum adplicatur, vel sub comminatione poenæ, Et tunc declaratur, hominem vel præmium, vel poenam meruisse. vel proposito præmio, aliquid præcipiat vel prohibeat: (§. LXIV.) inde merito colligimus, 7) IMPUTARE idem esse, ac declarare effectum, quem lex actioni adsignat, huic actioni competere. Effectus vero ille vocatur MERITUM, & POENA quidem, si effectus

ille actioni a lege propositus malus ; PRÆMIUM, si bonus sit. *)

*) *Premia* vero cum non debeat legislator, facile patet, actiones etiam justas in se non esse meritorias. Et huc pertinet insignis Christi sententia: *Omnia si feceritis, dicite: servi inutiles sumus, quia, quod facere debuimus, fecimus. Luc. XVII, 10.* Si tamen præmia promittit legislator, quod fecit Deus, dum leges naturæ non sui, sed hominum causa; præscripsit, eosque quam felicissimos esse voluit: (§. LXXVIII. 32. 33.) tunc quidem meritum dici possunt præmia ratione imputationis, non ratione legislatoris, qui ex mera gratia illa proposuit.

§. C.

Defini-
tio im-
putatio-
nis, de
eaque a-
xioma-
ta.

Itaque IMPUTATIO est ratiocinatio, quæ factum alienum omnesque ejus circumstantiæ cum lege sive divina, sive humana, comparantur, actionemque illam effectum, a lege propositum, sive bonum, sive malum, mereri, vel non mereri, declaratur. Ex qua definitione porro colligimus, 8) non posse ad liquidum perducì, sine actio aliqua imputanda, nec ne, nisi & LEGEM, & ipsius FACTI CIRCUMSTANTIAS omnes, perspectas habeamus, adeoque 9) unam sæpe *epistatou* totam rem mutare.

§. CI.

Ea sup-
ponit no-
ticiam &
interpre-
tationem
legis.

Quum ergo LEGEM perspectam esse oporteat ei, qui de actionum imputatione recte judicare vel ratiocinari cupit: (§. C. 8.) consequens est, 10.) ut & certum eum esse oporteat, legem aliquam existare, & 11) totam illam legem recte intelligere, adeoque

que 12) si verbis brevioribus vel obscurioribus concepta sit, *) eam rite INTERPRETARI, id est, mentem legislatoris ex ejus verbis aliisque signis distincte repræsentare debeat.

*) Itaque interpretatio ad jus naturæ proprie non pertinet, sed ad leges positivas, sive divinas, sive humanas. Quum enim interpretatio juridica sit distincta mentis legislatoris ex ejus verbis aliisque signis repræsentatio, (§. CI. 12.) jus naturæ vero non verbis conceptum, sed per ipsam rectam rationem promulgatum sit: (§. XI. 16.) sequitur sane, ut ex verbis aliisque signis mens summi legislatoris erui non possit, adeoque nec interpretationem illud jus admittat. Ipsa se sine interprete satis intelligit recta ratio. Arian. *Diss. Epist. I, 1. p. 4.* Ἡ δυνάμις ἡ λογικὴ μὲν αὐτὴ καὶ αὐτὴ κατανύσσεται περιλήπτει, ὥστε τὸ εἶναι, καὶ τί δυνάται, καὶ πόσον ἀξίον εἶναι ἐκείνου καὶ τὰς ἄλλας ἀπάσας. *Sola facultas ratiocinatrix, ipsa semetipsam intelligens, apprehendit, quid ipsa sit, & quid possit, & quanti sit pretii, se se ceteris facultatibus applicavit.*

§. CII.

Quandoquidem vero INTERPRES mentem legislatoris ex ejus verbis, aliisque signis distincte repræsentat, consequens est: 13) ut & ad propriam, & translatam verborum significationem, & 14) ad eorundem συνάρθρον seu nexum cum iis, quæ antecedunt vel consequuntur, & 15) ad ipsius rei naturam atque indolem, & denique vel maxime 16) ad legislatoris finem ac rationem, quæ illi ad ferendam legem impulit, attenden-

Ejus fun-
damentum.

dum sit, adeoque 17) illi & sapiant omnino, & mecum faciant, & Jove judicent æquo, qui rationem legis ejusdem animam esse profitentur. *) Vid. *præfat. nostram ad Elem. Pandect.*

*) Exemplum insigne, quo incredibilis hujus regulæ utilitas ostendi potest, ipse Servator noster dedit, dum reprehensus a Judæorum magistris, quod die sabbathi opera charitatis necessitatisque non intermittenda putaret, verum ostendit fontem interpretandi legem de sabbatho, & hinc dixit: *Τὸ σάββατον, διὰ τὸ αἰσχροπρεπὲς ἐγένετο, ἔχ' ὁ αἰσχροπρεπὲς διὰ τὸ σάββατον. Sabbathum hominis causa factum, non homo sabbathi causa.* *Marc. II, 27.* Ex qua sane ratione legis manifesto ac prono veluti alveo fluit, omnia opera, quæ hominis veram tranquillitatem pietatemque eo die turbant, non autem quæ ad ejus felicitatem ac conservationem pertinent, esse prohibita. Tolle hanc legis rationem, unam atque adæquatam, & certissimum erit, in ipsis legis verbis nihil esse, ex quibus incomparabilem illam Christi doctrinam colligere potuisses.

§. CIII.

Et variz
species.

Quum porro ratio legis ejusdem veluti anima sit: (§. CII, 17.) consequens est, 18) ut unica legis ratione prorsus & in universum cessante, etiam ipsam legem cessare oporteat: 19) Ut si ad certum casum illa non quadret, ob rationem legis iste a lege eximendus, idque fundamentum sit INTERIRETATIONIS RESTRICTIVÆ; ad quam & ÆQUITATEM, idest, facultatem correctricem ejus, in quo lex propter universalitatem deficit, recte

ſte retuleris. Grot. de *Æquit. indulg. & facilit.* Cap. I. num. 3. 20) Ut, ſi in caſum aliquem verba non quadrant, ratio tamen legis illi adplicari omnino poſſit, inde emergat INTERPRETATIO EXTENSIVA: denique, ut legis verbis ac ratione pari paſſu ambulantes, INTERPRETATIONI tantum DECLARATIVÆ locus ſit.*)

*) Ita *reſtrictive* Chriſtus interpretatur legem de ſabbatho: *extenſive* legem de adulterio & homicidio. *Matth. V.* Quod quum non facerent Phariſæi, male de impuratione actionum ratiocinabantur. Hinc Apoſtoliſ ſpicas ſabbatho vellentibus, & ipſi Servatori, ſabbatho ſananti, exprobrabant irreligioſum animum; eos vero, qui traditionibus Rabbidorum ſatisfaciebant, juſtos reputabant, ſi e. g. pocula diligenter eluerent, decimas penderent, ſtipem elargirentur pauperibus, in ediam ſæpius ferrent, quamvis & aliis multo gravioribus peccatis ſeſe polluerent, & id ipſum faſtus cauſa facerent.

§. CIV.

Præterea prout legem interpretatur vel ipſe *legiſlator*, vel *judex*, aliuſque, cujus ad officium pertinet, legem factò adplicare, vel *jurisperitus*: 21) eatenus illa interpretatio vel *authenticæ*, vel *uſualis*, vel *doctrinalis* adpellatur, ubi primæ fundamētum eſt *voluntas legiſlatoris*, alterius *uſus forenſis*, poſtremæ adplicatio regularum interpretationis, quales paullo ante (§. CII.) expoſuimus.*)

*) Hujus quoque triplicis interpretationis exempla ipſæ ſacræ litteræ ſuppeditant. Sic

quum Deus *Num. XXVII, 7.* legem condidisset, ut, non superstitie agnato, bona paterna ad filiam *ἐπίκληρον* devolverentur: ipse summus ille legislator legi suæ hoc postea adstruxit interpretando, ut filia ista *ἐπίκληρος* tribu sua non enuberet. *Num. XXXVI, 5. 6.* Quod est exemplum interpretationis *authenticæ*, quæ sæpe pro nova lege est. *Usualis* exemplum habemus *Ruth IV, 7.* ubi detractio calcei ejusque prosectio, quamvis initio tantum ad levitatum pertineret, *Deut. XXV, 7.* usu forensi & ad repudiationem hereditatis prolata dicitur, ubi erudita sunt, quæ de hoc usu forensi monuit Ant. Bynæus *de Calc. Hebr. Lib. II. Cap. VII.* Denique *doctrinalis* interpretationis exemplum dedit Esdras, de quo *Nehem. VIII, 13.*

§. CV.

Imputatur actio ejus auctori, vel causæ.

Quumque & facti circumstantias omnes perspectas habere deceat eum, qui de facti imputatione Jove æquo judicare velit, (§. C. 8.) præcipua vero circumstantia sit ipsa persona agens: merito inde colligimus, 22) ei, qui actionis alicujus auctor vel causa est, eam actionem jure imputari, contra 23) cessare imputationem, si quid factum, cujus ipse faciens nec causa, nec auctor est, præterquam 24) quod aliquando & aliorum merita aliis imputantur: quam imputationem 25) vulgo ex GRATIA vocare, alterique ex MERITO vel DEBITO opponere solent. *) Pufendorff. *de jur. nat. & gent. l. 9. 2.*

*) Et hæc nobilitatis gentilitiæ, immo & aliquando regnorum hereditariarum, origo est. Sic

Sic apud Germanos insignis nobilitas, aut magna patrum merita Principis dignationem etiam adolescentulis adsignabant. Tacit. de morib. Germ. Cap. XIII. Et de regais hereditariis Polyb. Histor. VI, 5. Ἀπὸ βασιλείας ἀλιδινῆς ἀρχὴ καὶ ῥήσις, ἢ γὰρ μόνον αὐτοῖς, ἀλλὰ καὶ τοῖς ἐκ τέτων, ὑπὲρ πολὺ διευκολύττουσι τὰς ἀρχάς, πιπείσμενοι, τὰς ἐκ τοιούτων γενομένας καὶ τραφίντας ὑπὸ τοιούτοις παρὰ πλείους ἔχει καὶ τὰς ἀριστείας. Hæc veri regni origo, hinc ortus. Non solum enim ipse, sed & soboli, per longum tempus imperium subditi conservant, persuasi, talibus viris prognatos, & a talibus educatos, animis quoque & voluntatibus pares eis futuros.

§. CVI.

Si ergo actio nulli imputatur, nisi ei, qui ejus causa vel auctor est, (§. CV, 22) homo vero causa ullius actionis dici nequit, quæ non humana est, idest, quæ non prælucente intellectu decernenteque voluntate editur: (§. XXX, 7.) facile patet, 26) nec passionibus actionesque naturales, nec 27) eventus a sola providentia divina profectos, nec 28) vitia corporis animique, nec 29) facta vel in furore atque insania, vel 30) in somno, vel 31) in ebrietate perpetrata, cuiquam imputari, nisi quatenus per agentem stetit, quo minus hujusmodi quid contingeret.* (§. XXVI. seq. XXIX. XLIX. seq.)

Anim
putentur
passio-
nes, a-
ctiones
natu-
rales, even-
tus for-
tuiti, fa-
cta in fu-
rore, so-
mno, e-
brietate
perpetra-
ta?

*) Sic homini imputatus impudentia, si quis circa actiones naturales decori sit negligens. Sic imputatur navarchæ naufragium, si male gubernando navem, in causa sit, ut ea pereat, quum alioquin verum omnino sit il-

¶ 4 *Jur. Nat. & Gent. Lib. I.*

Iud Taciti *Annal. XIV, 3. Quis adeo iniquus, ut sceleri adsignet, quod venti & stultus deliquerunt?* Sic & deformitas imputatur homini, qui nasum Veneri obtulit, quum alias vere & φιδωσιμῶς Phædrus *Fab. III, 11. v. 6.*

Sed quid fortunæ, stultie, delictum arguis?

Id demum est homini turpe, quod meritis pati.

Multo magis ergo homini, cui a puero proficiendi fuit occasio, ignorantia imputatur, quæ non imputatur homini agresti. Immo & somnia imputantur, quæ quis diurnis actionibus ac cogitationibus vigilans veluti provocavit. De quibus somniis, quæ veteres αἴνυια, teste Macrobio in *somn. Scip. I, 13.* vocabant recte Claudian. in *sextum consul.*

Honorii Aug. præfat. v. 1.

Omnia, quæ sensu voluntur vota diurno,

Pectore sopito, reddit amica quies.

Furto gaudet amans, permutat navita merces,

Et vigil elapsas querit avarus opes.

quibus gemina plura testimonia suo more collegit Casp. Bart. in *Notis pag. 714. seq.* Denique & ebrietatem voluntariam, actionesque in illo statu perpetratas, imputari posse homini, adeo extra omnem dubitationis aleam positum est, ut vel verbum addere nolim.

§. CVII.

An quæ
ex igno-
rantia &
errore
patrata.

Quod speciatim ad ignorantiam & errorem attinet, quum utraque intellectus imbecillitas vel INCULPABILIS sit, vel CULPABILIS, (§. XLVIII. XLIX.) hæc vel INVINCIBILIS, vel VINCIBILIS, itemque vel VOLUNTARIA, vel INVOLUNTARIA: (§. L.) ex eodem axiomate facile intelligitur, 32) ignorantiam *inculpabilem*, *invincibilem* & *involutariam* nemini jure imputari: teste autem 33) imputari actio-

actionem ex ignorantia culpabili, vincibili & voluntaria susceptam: idemque 34) & de errore esse tenendum: multoque minus 35) suam cuiquam ignorantiam vel errorem præsidio esse posse, si actio ipsa illicita, vel non in loco temporeque, vel modo illicito, parata sit, quia tunc non modo per agentem stetit, quo minus in ignoratione versaretur, vel ei error obreperet, verum etiam ille ad omittendam actionem omninò fuit obligatus. *)

*) Non ergo Judæ, incunsi Thamarem nulum, præsidio esse potuit ignorantia, quia in re illicita versabatur. *Genes. XXXVIII, 15. 16.* Nec excusatur, qui loco ac tempore non licito jaculis ludens, hominem ex ignorantia ferit, quia actio, nec loco, nec tempore, quo par erat, suscepta, in se illicita est. §. 4. *Instit. de leg. Aquil.* Nec denique injuria fit arborem juxta viam publicam vel vicinalem putanti, si ei cædes hominis imputetur, quam proclamando evitare potuisset. §. 5. *Instit. eod.* Hinc tale quid facientes apud Romanos olim proclamare solitos: CAVE, apud Athenienses: ΦΥΛΑΞΑΙ, ostendit Theod. Marci. ad §. 5. *Inst. eod.* Parum ergo æqua est sententia Arcopagitarum apud Aristotel. *Magn. moral. I, 17.* absolventium feminam, quæ adolescentem, oblato philtro, occiderat: διότι ex ἡκιστα προνοίας. ἰδὼκε μὴ γὰρ φιλία, διήμαρτο δὲ τέρει. quod non consulto & cogitato id fecisset; amoris enim causa dedisse, verum a proposito aberrasse. Quasi non in se illicitum esset, philtum conciliandi amoris causa offerre. Quanto rectius vero Paulus noster, l. 38. §. 5. D. de pæn. Qui abortionis aut abortivum poculum dant, esse dolo non faciant,

tamen quia mali exempli res est, humiliores in metallum, honestiores in insulam, amissa parte bonorum, relegantur: quod si eo mulier aut homo perierit, summo supplicio adficiuntur?

§. CVIII.

Specia-
tim ex
errore ju-
ris & fa-
cti?

Porro vel in *jure* erratur, quem errorem JURIS vocant; vel in *facto*, qui FACTI error dicitur. Ad hunc 36) pertinent regulæ paulo ante expositæ, (§. CVII.) quia facti circumstantia & prudentissimos fugere, ac proinde error hujusmodi *inculpabilis, invincibilis, involuntarius* esse potest. (§. CVII. 32) Ille verò, 37) in *jure naturali* admissus, non excusat, quia hoc jus unicuique per rectam rationem est promulgatum, nisi forte ætas, stupiditas, ipsiusque juris illius ratio paulo subtilior, mitiorem sententiam suadeat.*) Quod verò 38) ad *jus civile* attinet, illius ignorantia eatenus merito imputatur, quatenus illud & promulgatum est, & ita comparatum, ut in hominem hunc cadat ejus scientia.

- *) Quis enim juris naturæ peritiam accuratiorē amariùs exigit ab infantibus; infantiae proximis, surdis ac mutis, stupidis, inter bruta animantia educatis? Præterea, quamvis jus naturæ mentibus hominum veluti inscriptum inculptumque sit: illud tamen non aliter cognoscitur, quam per ratiocinationem de justo injustoque. (§. XV. 24.) Jam quum quædam juris naturalis præcepta ex principiis rectæ rationis *spontè* fluant; alia plurium propositionum nexum, ac integram argumentorum veluti catenam exigant: nemo dubitaverit, prioris generis præcepta facile

cile a quovis homine non plane stupido; posterioris difficilius, nec nisi ab ingenio exercitatore, intelligi. Hinc quævis Romani incestum aliquem juris gentium esse faterentur: l. 38. §. 2. D. ad L. Jul. de adult. l. 68. D. de ritu nupt. aliquando tamen in feminis masculisque eum mitius censuerunt puniendum, veluti si post divortium privignus cum noverca coisset, l. 38. §. 5. D. ad L. Jul. de adult. Cujus quidem rei non alia reddi potest ratio, quam quod non *amictus*, sed operosiore saltem ratiocinatione, incestus prohibitio ex juris naturæ principiis derivatur.

§. CIX.

Quum vero & VOLUNTATEM hominis liberam ad actionem, cujus ipse auctor & causa dicendus sit, concurrere oporteat, (§. XXX, 7) INVITÆ vero actiones ita comparatæ sint, ut a mente se ipsam determinante non proveniant: (§. LVIII, 56) consequens est, 39) ut nemini id, quod invitatus fecit, possit imputari: 40) Ut imputari contra possit quod quis *sponste*, multoque magis, 41) quod *ultero* fecit, immo & 42) quod quis *coactus* fecit, si jure suo usus sit is, qui illum coegit; non vero 43) si cui nullum jus cogendi tuerit, nec coactio, vi nondum adhibita, incubuerit obligatio aliquid faciendi.*)

An Actiones invitæ & coactæ?

*) Quævis enim & coactus velit: (§. LIX. 62.) tamen, quia correlata sunt *jus* & *obligatio*, quæ se mutuo ponunt & tollunt, (§. VII.) ac proinde deficiente *jure*, deficere etiam *obligationem* oportet: consequens est, ut, si uni non sit jus cogendi, nec alteri incumbat obligatio id præstandi, ad quod injuria co-

Etus est. Hinc ratum est promissum debitoris morosi, a magistratu, quamvis comminatione exsequutionis, extortum, quia magistratus, dum debitores morosos solvere cogit, jure suo utitur: at si latro cogit viatorem, ut certam pecuniæ summam promittat: quia latroni nullum cogendi jus est, in viatore quoque nulla potest esse obligatio id præstandi, quod quis coactus promisit. Huc pertinet notissimum epigramma Martialis *Epigram. XI, 59. v. 5.*

Quid si me tonsor, dum curva novacula supra est,

Tunc libertatem divitiisque roget?

Promittam, nec enim rogat illo tempore tonsor,

Latro rogat: res est imperiosa timor.

Sed fueris curva quum tuta novacula theca:

Frangam tonsori crura, manusque simul.

§. CX.

An quæ
urgente
tempera-
mento,
adfectu,
confue-
tudinē,
patran-
tur.

At quum voluntatis libertatem nec temperamentum, nec adfectus, nec mores diuturna adfuetudine firmati, nec ipsa vis externa impediunt: (§. LIV. sequ.) facile patet, 44) nec corporis constitutionem, quam fere propensio animi sequitur, nec 45) animi perturbationes, quantumvis vehementiores, nec 46) consuetudinem, quæ fere in alteram naturam degeneravit, impedire, quo minus actio, inde orta, possit agenti imputari, quamvis 47) aliquando in foro humano commiseratione dignus censeatur is, quem tristior adfectus, justusque dolor, in transversum egit.*)

*) Facilius enim, ceu aliquoties recte observa-
vit

vit Aristoteles, voluptati ac libidini, quam tristiori adfectui, resistit homo. Vide *Nicomacheior. III, 12. III, 15. VII, 7. Magn. moral. II, 6.* Idem observavit M. Antonin. *εἰς ἑαυτὸν. II, 10.* ut mireris, eundem Aristotelem, veluti sui oblitum, *Lib. II. ad Nicom. Cap. II.* & a se ipso dissentientem, scribere: *χαλεπώτερον εἶναι, ἢ δυνῆ μάχισθαι, ἢ θυμῷ. Difficilius esse voluptati repugnare, quam iræ:* quum tamen voluptate carere sit malum tantum *privativum*, & id quidem plerumque adparens tantum, dolorem sentire malum *positivum*, & sæpe quidem verum: quis non magis parricidium imputandum putet Neroni, quem nullus tristior adfectus, sed sola protervia, animique vecordia ad tantum scelus impulit, quam Orestæ, qui causam dicens cur Clytæmnestram occiderit, *οὐ μὲν γὰρ, inquit, ἠποδοῦσα λέκτρ' ἐμὸν πατρὸς, τέθνηκεν.* Nunc enim, quæ prodidit lectum mei patris, est interfecta. Euripid. *Orest. v. 937.*

§. CXI.

Ex quo porro non difficile intellectu fuerit, 48) quando excusatione aliqua dignus sit, qui fractus vi externa, cui & constantissimus animus facile cederet, aliquid commisit, quod legi adversatur? Si enim factum ita comparatum est, ut nullus favori necessitatis locus sit: frustra prætenditur necessitas. *) Quibus verò casibus omnis necessitatis favor cesset, paulo post accuratius disquirere licebit.

An vi externa excusatione dignus sit?

*) Sane si quid contra religionem & justitiam viro bono injungitur, tunc non cedendum esse cuicumque vi ac dolori, non modo sacræ litteræ docent, sed & ipsi, quod mireris,

ris, scriptores pagani agnoscunt, ex quibus
Juvenalis *Sat. VIII. v. 80.*

*Ambigua si quando citabere testis,
Incertaque rei Phalaris licet imperat, ut sis
Falsus, & admoto dicitur perjuriam tauro,
Summum crede nefas, animam præferre do-
lori,
Et propter vitam vivendi perdere causas.*

§. CXII.

An &
quomo-
do actio
impute-
tur caus-
sæ mora-
li?

Quoties intellectus & voluntas, & ipse
motus corporis physicus ad actionem concur-
runt, toties is, qui illam patravit, vocatur
CAUSSA actionis PHYSICA. Sin sola mens, si-
ne motu corporis physico: CAUSSA MORALIS
adpellatur. Quumque non alia sint actionum
humanarum principia, quam intellectus &
voluntas: (§. XXX.) inde colligimus, 49)
causæ morali actionem non minus imputari,
quam *physicæ*, si par utriusque ad actionem
concurfus sit, 50) immo magis, quam phy-
sicæ, si quis jubendo cogendoque alterum,
cui in obsequio gloria relicta est, ad agen-
dum induxerit, denique 51) minus, quam
physicæ, si quis consilio tantum vel appro-
batione concurrerit. *)

*) Hinc omnino utilissima est distinctio V. C.
Henr. Kochleri *Exerc. jur. nat. §. DVIII. seq.*
inter voluntatem *efficacem*, ubi conatus ad
producendum suspendendumve actum sufficit,
& *inefficacem*, ubi conatus ille non sufficit.
Quare si voluntas causæ moralis fuit efficax,
actio merito imputatur, & quo magis minus-
que efficax fuit, eo magis minusve imputa-
tur. Quis enim ex. gr. dubitet, quin patri
jubenti filium furari, hoc furtum magis im-
pu-

Cap. IV. De Adplic. hujus Normæ &c. 91
 putetur, quam extraneo, vel jubenti, vel
 suadenti?

§. CXIII.

Ad circumstantiam personæ, cujus in imputatione habetur ratio, (§. CV.) & qualitas, dignitas & conditio ejusdem pertinet, ac proinde nemo dubitaverit, 52) quin, pluribus personis ad eandem actionem concurrentibus, actio iusta minus, injusta magis putetur illi, quem cognatio, prudentia, officium, ætas, dignitas,*) vel ad bene agendum instigare, vel a male agendo revocare debuissent, quam 53) homini extraneo, stupido, nullo speciali vinculo obstricto, puero, vel adolescenti, denique in nulla dignitate constituto.

Personæ
 agentis
 conditio
 an quid
 faciat ad
 imputa-
 tionem?

*) Sic quidquid boni sit cognato, id veteres vocabant *officium*; quod extraneo, *beneficium*. Seneca de Benefic. III, 18. Magis ergo hoc, quam illud, imputatur. Contra procul dubio patri illata injuria magis imputanda est filio, quem ipsa pietas ab isto facinore revocare debebat, quam extraneo. Quis porro culpam quamcumque non magis imputet viro prudenti, & ejus rei perito, quam stupido & inexercitato, seni vel justæ saltem ætatis viro, quam adolescentulo, theologo, quam rerum sacrarum rudi, viro nobili, vel in eminentiore dignitate constituto, quam terræ filio, vel inhonestiori? Hieronym. in Ezech. II. *Grandis dignitas sacerdotum: sed major ruina, si peccant.* Salvian. Lib. IV. de gubern. Dei p. 118. *Criminosior culpa est, ubi honestior status. Si honoratior est persona peccantis, peccati quoque major invidia. Furtum in omni quidem est homine malum facinus, sed*
 quæ-

*damnabilis absque dubio senator furatur ;
quam infima persona . Et paucis interjectis :
Atrocius sub sancti nominis professione pecca-
mus . Ubi sublimior est prerogativa , major est
culpa . Et cui , quæso ignotum illud Juvenal-
is Sat. VIII. v. 140.*

*Omne animi vitium tanto conspectius in se
Crimen habet , quanto , qui peccat , major
habetur .*

§. CXIV.

Deficien-
te occa-
sione , o-
missio a-
ctionis
non im-
putatur .

Quum vero in imputatione non modo per-
sonæ , sed & reliquarum circumstantiarum
habenda sit ratio : (§. C. 8.) iste vero con-
cursus circumstantiarum objecti , loci , tem-
poris , viriumque sufficientium , OCCASIO VO-
cetur , sine qua aliquid fieri a nemine potest :
consequens est , § 4) ut non excusetur qui-
dem , quem ad peccandum invitat occasio :
*) nec § 5) qui occasionem bene agendi so-
cordia sua amittit : at § 6) nemini tamen im-
putanda sit ommissio actionis , si agendi occa-
sio defuerit .

*) Nam & vitanda peccandi occasio , & pu-
gnandum colluctandumque erat cum vitiorum
blandimentis . (*Elem. Phil. mor. §. CCXCI.
& CCXCIII.*) Id quod non facit , in culpa
est , si cupiditatibus succubuerit . Est ergo
actionis istius auctor & causa , ac proinde
illa ei jure imputatur . Misera ergo excusa-
tio illa Chærezæ apud Terent. *Eunuch. III, 5.
v. 56. An ego occisionem mihi ostentatam ,
tantam , tam brevem , tam optatam , tam in-
speratam , amitterem ?* Occasione enim se in-
vitari ad peccandum passus fuerat . Contra
quanta sit culpa , occasione bene agendi ma-
num non injicere , elegante parabola de ser-
vis ,

Cap. IV. De Adplic. hujus Normæ &c. 93
vis collybistis ostendit Servator sapientissimus
Marth. XXV, 14. seq.

§. CXV.

Multo minus itaque 57) omissio earum actionum, quæ per rerum naturam, vel 58) per leges, bonosque mores patrari non possunt, vel saltem, 59) ad quas edendas agens viribus destituitur, cuiquam rectè imputantur: nisi 60) quatenus quis vel vires, quibus pollebat, sua culpa detriverit, vel 61) ea, quæ fieri non posse præsciverat, temere vel sciens dolo malo promiserit.*)

Omissio
impossibilium
an
& quando
imputetur?

*) Hinc facile patet, cur obæratum, qui bona abligurivit, non excuset indigentia, quia nimirum sua culpa vires detrivit, & cur, qui alchymistarum sapientiam jactans, viris principibus aureos montes promisit, postea ubi fupum vendidisse deprehenditur, stellionatus damnetur, æque ac ille, qui dolo malo thesauros promisit, quale exemplum Cessellii Bassi est apud Tacit. *Annal.* XVI, 1.

§. CXVI.

Ceterum actiones, ita comparatæ cum norma, varias adsumunt denominationes; Si enim secundum omnes *οπιστάσεις* rectæ rationi, non cogenti, seu obligationi internæ (§. VII.) conformes sunt, BONÆ; sin vel in una altera circumstantia a recta ratione in unam alteramve partem deflectunt, MALÆ adpellantur, ex iisque definitionibus consequitur, 62) ut actionem & *materialiter*, & *formaliter*, eeu ut loquuntur philosophi, bonam esse oporteat, nisi *malis* debeat accenseri.*)

Quæ actiones
bonæ &
malæ?

*) Hinc Pharisæorum largitiones, jejunia, tota-

totaque vitæ austeritas non erant actiones bonæ, quamvis materialiter rectæ rationi conformes viderentur, quoniam non ex proposito rectæ rationi obsequendi, sed ex fastu & opinione meriti, tamquam ex fonte, promanabant. (*Elem. phil. mor. §. CCXXI, 7.*) Nimirum non bona tantum agenda sunt, sed & bene agendum, quidquid agas. Recte Philemon apud Stobæum *Serm. IX.* justum vocat,

Οὐδ' αἶ γι ταῦτα πάντα διατηρεῖ μόνον,
 Ἀλλ' ὅς, τις ἄδολον χρισίᾳ καὶ ἔχων φύσιν
 Ἐναὶ δίκαιος, καὶ ἡ δοκεῖν εἶναι θέλει.
 Non, quisque illa quolibet præstat modo,
 Sed qui, dolosi nescius fuci, integra
 Probitate justus esse, non credi, studet.

§. CXVII.

Quæ ju-
 stæ & in-
 justæ?

Deinde, si actiones cum lege contendas :
 eæ, quæ legi per omnia conveniunt, JUSTÆ;
 quæ vel in una, vel altera circumstantia, a
 lege discrepant, INJUSTÆ, itemque PECCATA
 vocantur. Unde facile intelligis, 63) cur
 omne peccatum in ἀνομία consistere, doceat
 Joannes 1. *Epist. III, 4.*

§. CXVIII.

Discrimen in-
 ter actio-
 nes ju-
 stas &
 honestas,
 injustas
 & inho-
 nestas.

Denique, quum lex, vel divina voluntas,
 nos ad *amorem* obstringat, (§. LXXIX, 35)
amor vero alius sit *justitia*, alius *humanitatis*
 & *beneficentia*: (§. LXXXII. sequ.) 64) actio,
 amor*i* justitiæ per omnia conveniens, JUSTA,
 ubi eodem vel minimum discrepans, INJUSTA,
 65) quæ ex amore humanitatis & beneficen-
 tiæ proficiscitur, HONESTA; quæ eidem adver-
 sat*ur*, INHONESTA, TURPIS, itemque INHUMA-
 NA adpellatur. Ex quo etiam, 66) quid in-
 ter-

Cap. IV. De Adplic. hujus Norma &c. 95
terfic inter JUSTITIAM EXPLETRICEM, ET ATTRI-
BUTRICEM, facillè intelligitur.

C A P U T V.

De officiis Hominis erga Deum.

§. CXIX.

Q Uæ adhuc præmittenda duximus, ea ad principia disciplinæ pulcherrimæ perti-
nent. Proximum est, ut ad ipsa, quæ jus
NATURE universo generi humano singulisque
præscribit, OFFICIA progrediamur. Quod enim
Græci philosophi τὸ δέον, & Stoici τὸ κατῳκον
vocabant: id postea Tullius, hanc sapientiæ
partem Latinis litteris illustraturus, non sine
delectu, adhibitoque amicorum consilio, pri-
mus OFFICIUM adpellasse videtur.*)

Transitio
ad do-
ctrinam
de ipsis
officiis.

*) Stoicos officium vocasse τὸ κατῳκον, eam-
que doctrinam apud illos non postremam
philosophiæ moralis partem constituisse, au-
ctor est Diogenes Laertius, qui non modo
Stoicorum de officiis dogmata præcipua bre-
viter & luculenter exposuit *Lib. VII. segm.*
108. seq. verum passim laudavit eorum li-
bros πρὸς τὸ κατῳκοντος, veluti Zenonis,
Lib. VII, 4. Cleanthis, *Cap. VII, 175.* Sphæ-
ri, *Lib. VII, 178.* quemadmodum & Chrysi-
pi librum ejusdem argumenti memorat Plu-
tarch. *de repugn. Stoic. p. 1045.* Panæti
Cicero *de offic. III, 2.* Possidonii idem *ad Attic.*
XVI, 11. Quorum exemplo quum & Cicero
similem librum Latine scripsisset: de Latina
sollicitus inscriptione, subductis rationibus
omnibus, non aliud vocabulum invenit com-
modius, quo τὸ κατῳκον Stoicorum exprime-
ret,

ret, quam OFFICIUM . Ita enim ille ad *At-
tic. XVI, 6. Quod de inscriptione quaerit* ,
non dubito , quin καθήκον officium sit , nisi
quid tu aliud . Sed inscriptio plenior DE OF-
FICIIS .

§. CXX.

Officii
definitio.

Per OFFICIUM vero intelligimus actionem ,
ex obligatione sive perfecta, sive imperfecta
legibus conformandam . Nec per omnia pro-
bare possumus definitionem Stoicam , quod
officium sit ὁ παραχρᾶν ἄλλοθεν τε ἔχει ἀπολο-
γισμόν , quod cur factum sit , probabilis ratio
reddi possit , vel ὅσον λόγος αἰρεῖ ποιεῖν , qua
ratio faciendā suaserit . *) Laert. VII, 107.
108. Cic. de Fin. III, 17.

*) Quum enim nihil temere fiat , cuius non
probabilis reddi possit ratio : quidquid sit ,
non modo ab hominibus , sed & a brutis
animantibus , id ad officium pertinebit . Et
ita sane rem intellexerunt ipsi Stoici , de
quibus Laert. VII, 107. πὲ καθήκον φασὶν καὶ
ἐπὶ τὰ φυτὰ , καὶ ζῷα διατείνει . ὁρᾶσθαι γὰρ κατὰ
τύπον καθήκοντα . Officium autem pertingere
ajunt ad plantas etiam & animantes . Notari
namque & in his officia . Itaque verum qui-
dem est , rationem habere oportere officiorum ,
sed eam quæ hominem impellat ad agendum ,
vel omittendum , non bruta , id est , obliga-
tionem . (§. VI.)

§. CXXI.

Ejusdem
indoles.

Quum ergo officium sit actio , legi con-
formanda : (§. CXX.) facile patet , 1.) offi-
cium concipi non posse sine lege , nec 2.) of-
ficium facere , qui sibi ipse , quod nulla lex
præcipit , imperet : 3.) cessare aliquid esse
offi-

officii, sublata, quæ illud antea præcipiebat, lege, ejusque ratione: 4) si quando lex certis tantum personis præscripta sit, sæpe contingere, ut duorum, qui faciunt idem, alter officio satisfecisse, alter contra officium egisse, dicatur.*)

*) Operæ pretium fuerit, has propositiones exemplis illustrare. Nemo dixerit, officium fecisse Originem, dum ipse sibi virilia ademit, sive ferro in se sævierit, ut refert Hieronym. *Epist. LXV.* sive, quod alii tradiderunt apud Epiphan. *Hær. LXIV,* 3. medicamentis sese evitarit. Neque enim ulla lex divina eam in rem exstat, ipseque postea factus est Origenes, se male interpretatum esse locum *Matth. XIX,* 12. Vide Huet. *Origeniana I,* 3. 13. p. 8. Nemo deinde negaverit, contra officium factum Christianum, qui vel circumcisionis legem accipere, vel Deum sacrificiis propitiare velit, quamvis utramque olim ad fidelium officium pertineret. *Gal. III,* 23. 25. *IV,* 3. 4. 5. *V,* 2. *Col. II,* 22. *Hebr. IX,* 9. 10. Denique si quis occupet officium judicis, quem sacro munere fungi oportebat, præter officium agit, & ἀνομιαν ποιεῖ, ut reus est, quum idem faciens iudex, quod officii est, faciat. *1. Petr. IV,* 15.

§. CXXII.

Quumque obligatio, ex qua quisque, quod officii est, facit, vel perfecta, vel imperfecta sit: (§. CXX.) 5) OFFICIUM quoque aliud PERFECTUM, aliud IMPERFECTUM esse oportet, quorum illud ex obligatione perfecta seu lege; hoc ex imperfecta, seu virtute, proficitur.*) (§. IX. 10.)

Divisio
in perfe-
ctum, &
imperfec-
tum.

*) Sic officia PERFECTA sunt neminem lædenda. *Klein. de Jur. Nat. & Gent.* E/ re,

re, servare pacta, damna data resarcire, & similia. IMPERFECTA, opis nostræ indigis subvenire, stipem elargiri pauperibus, errantibus comiter monstrare viam, rerum suarum incertis consilium dare, & quæ sunt hujus generis alia. Vide Cicer. *de Offic. III, 12. seq.*

§. CXXIII.

In natu-
raleChri-
stianum,
& civile.

Deinde quum norma officiorum sit lex, (§. CXXI. 1. 2.) lex vero vel *divina* vel *humana* sit, divina denique in *naturalem* & *positivam* dispesci possit: 6) totuplicia etiam erunt officia, quorum 7) illa, quæ ad legis divinæ naturalis normam componuntur, NATURALIA; 8) quæ legi divinæ positivæ attemperantur, CHRISTIANA; 9) quæ denique ex legis humanæ præscripto præstantur, CIVILIA adpellare licebit. *)

*) Ex. gr. NATURALIA officia sunt, Deum religiose colere, parentibus parere, vim atque injuriam a se propulsare, l. 2. l. 3. *D. de just. & jure*. Officia CHRISTIANA, se ipsum abnegare, crucem ferre, Christum imitari. CIVILIA, tributa pendere, contra pristinam formam non ædificare, solemnitates, quas leges in singulis actibus exigunt, adhibere, tempora fatalia in lite forensi observare, cetera,

§. CXXIV.

In offi-
cium er-
ga Deū,
nos i-
psos, &
alios ho-
mines,

Denique præcipua officiorum divisio ab ipso objecto proficiscitur. Quemadmodum enim tria sunt, quibus certa officia debemus, entia, DEUS, NOS IPSI, & ALII HOMINES: (§. XC.) 10) ita totidem sunt officiorum ge-

genera, quorum alia DEO O. M. ; alia NOBIS
IPSIS ; alia ALIIS HOMINIBUS præstanda sunt ,
de quibus jam suo ordine erit agendum.

§. CXLV.

Quod ad officia ERGA DEUM attinet, ea ex
Dei perfectionibus infinitis eruenda esse, jam
supra monuimus. (§. LXXXVII. § 1.) atque
inde collegimus, eum non alio amore, quam
DEVOTIONIS AC OBEDIENTIÆ prosequendum, ac
proinde, quam ens perfectissimum, a quo
toti pendemus, omnibus animi viribus co-
lendum, eique perfectissimum ac internum ob-
sequium præstandum esse. (§. XCI. § 1.)

Funda-
mentum
officio-
rum erga
Deum.

§. CXXVI.

Quum ergo omnia, quæ DEO O. M. debe-
mus, officia ex infinitis ejus perfectionibus
eruenda sint: (§. CXXV.) consequens est,
11) ut obstrictus sit homo ad notitiam Dei
ejusque perfectionum vivam non modo acqui-
rendam, sed & 12) quotidie magis magisque
amplificandam, & 13) ad majorem certitu-
dinis atque evidentix gradum evehendam.
Quod quum fieri possit tum meditatione ad-
sidua earum veritatum, quas ipsa recta ratio
suggerit, tum rerum creatarum contempla-
tione, tum insignium, quæ quotidie animad-
vertere possumus, sapientix providentiæque
divinæ argumentorum consideratione adcura-
tiore: nemo non videt, 14) ad omnia hæc
nos esse omnino obligatos, 15) eosque, qui
hæc cuivis obvia Deum investigandi mediæ
negligunt, si sanam mentem nacti sint, in
ignoratione; & si Deo ullam imperfectionem

Oblig-
atio ad
agnitio-
nem Dei.

tribuant, in errore inexcusabili versari. *)
(§. CVII. 33.)

*) Hinc & Apostolus τὸ γνωστὸν τοῦ Θεοῦ, id est quod de Deo cognosci potest, ipsis paganis manifestum esse testatur, quia τὰ ἀόρατα αὐτῶν seu invisibilia Dei jam inde a mundi primordiis ex rebus creatis innumerisque sempiternæ potentiae ac divinitatis argumentis intelligi ac pervideri potuerint, atque inde colligit, εἶναι αὐτὸς ἀπαροχρηστὸς, esse illos inexcusabiles. Rom. I, 20. Et unde quæso ille gentium omnium de Deo ejusque perfectionibus consensus, quem urgent Cicero *Quæst. Tusc.* I, 13. de nat. Deor. II, 2. Maxim. Tyr. *Diss. Platon.* XXXVIII. Ælian. *Var. Histor.* II, 31. Seneca *Epist.* CXVII. ? Quamvis enim consentiens illa gentium opinio non sit argumentum ἀποδεικτικόν, Deum existere : (§. LXXI. *) inde tamen luculenter demonstratur, quod scripserat Apostolus, γνωστὸν εἶναι τὸ γνωστὸν τοῦ Θεοῦ. Unde Cicero de Natur. Deor. II, 2. si quis dubitet ? an sit Deus, se haud sane intelligere, ait, cur non idem, sol sit, an nullus sit, dubitet.

§. CXXVII.

Et rectas
de eo
ejusque
perfectio-
nibus
senten-
tias.

Ex eodem patet, 16) ad officium nostrum pertinere, ut rectas de DEO sententias habeamus, *) eumque 17) & existere, & 18) rerum omnium auctorem ac conditorem esse, & 19) omnia sua providentia regere ac conservare, 20) rerum præcipue humanarum curam gerere, denique 21) eundem esse ens SIMPLEX, ÆTERNUM, INDEPENDENS, INCOMPREHENSIBILE, OMNIPRÆSENS, UNUM, INTELLIGENS, SAPIENTISSIMUM, PRÆCISUM, OMNISCIMUM, LIBERRIME VOLENS, OMNIPOTENS, VERAX, JUSTUM

ac

ac OPTIMUM, (*Elem. phil. mor. §. CLXXXII. sequ.*) non modo persuasi, sed & certo convicti sumus.

*) Recte Epictet. *Enchirid. Cap. XXXVIII.*
 Τῆς πρὶ τῆς θεῆς δισεβείας ἰδεῖν, ὅτι τὶ κυριώτα-
 τόν ἐκεῖνό ἐστιν ἰδεῖν ὑπολύψαι περὶ αὐτοῦ ἔχειν,
 ὡς ὄντων, ἢ διοικούντων τὰ ὅλα καλῶ καὶ δικαίως.
Religionis erga Deos immortales præcipuum il-
lud esse scio: rectas de iis habere opiniones,
ut sentias, & esse eos, & bene justeque ad-
ministrare universa. Et sane mirifice fallun-
 tur, qui solam probitatem vitæque integritatem
 totam religionem absolvere sibi persuadent,
 & perinde esse existimant, quid quisque
 de Deo & rebus divinis sentiat. Quum
 enim omnia erga Deum officia ex ejus perfectionibus
 eruenda sint: (§. CXXV.) qui fieri potest,
 ut quis Deum ea, qua par est, veneratione
 prosequatur, eique per omnia parendum esse,
 statuatur, qui vel ignorat ejus perfectiones,
 vel de iis perversissimas sententias imbibit? (§. XXX.)

§. CXXVIII.

Qui Deum, ejusque perfectiones, præfra-
 ste negat, IMPIUS; qui ei imperfectiones, a
 natura Dei abhorrentes, tribuit, vocabulo e
 sacris litteris deprompto, BLASPHEMUS adpel-
 latur. Quum ergo & qui perfectiones Dei
 non agnoscunt, quas cognoscere poterant
 in ignorance; & qui ei ullam imperfectionem
 tribuunt, in errore inexcusabili versentur:
 nemo dubitabit, 22) quin omnis IMPIE-
 TAS & BLASPHEMIA sit inexcusabilis; & 23)
 quin IMPII sint, ac ἀναπολόγητοι, qui Numen
 esse, vel illud universum hoc curare, obsti-

Omnis
 impietas
 & blas-
 phemia
 inexcus-
 abilis.

nato animo negant; 24) BLASPHEMI autem , quicumque paganorum cum Homero , aliis-
que poetis , plures Deos , eosque inter se li-
tigantes , adulteros , incestuosos , quin &
deformes , claudicantes , vulneribus confos-
sos , & muliebriter ejulantes , finxerunt , &
25) tam absurdas de Diis sententias non
modo verbis professi sunt , sed & 26) simu-
lacris horrendis , & 27) cæremoniis nefan-
dis ac turpissimis , hominum oculis expone-
re non dubitarunt . *)

*) Acriter merito hanc impietatem ac blasphemiam paganis exprobrarunt scriptores Christiani , apologiarum auctores veluti Justinus Martyr , Athenagoras , Theophilus Antiochenus , Tatianus , Hermias , Tertullianus , Cyprianus , Minucius Felix , Arnobius , Lactantius , Eusebius , Julius Firmicus Maternus , & alii . Quin , quod magis mireris , & ipsi pagani prudentiores hanc suorum hominum insaniam exagitarunt . Ne plura Luciani aliorumque veterum philosophorum testimonia hic adcumulem , unum adscribere juvabit locum Sophoclis , quem nobis servarunt Justinus Martyr *Parenes. de Græc.* p. 18. & *de monarchia Dei* p. 104. Euseb. *Præpar. Evang.* p. 348. & alii :

Εἷς τᾷς ἀληθείαις εἷς ἐστὶν θεός ,
Ὅς ὑμῶν τ' ἐτόξε , καὶ δαίαι μακρὰν ,
Πόντος τε χαροπὸν εἶδμα κατέμπε βίαις .
Θνητοὶ δὲ πολλοὶ καρδίαις πλακώμενοι ,
Ἰδυσάμεθα πημάτων παραψυχὰς
Θεῶν ἀγάλασ' ἐκ λίθων ἢ χαλκίων ,
ἢ χρυσεύκτων , ἢ ἐλεφαντίνων τύπων .
Θυσίας τε τύτοις , καὶ καλάς παυγύρεις
Τόλχεις , ἕως δισιβαῖν νομίζομεν .

Unum profectio Numen , unus est Deus ,

Quæ

*Qui condidit cælum, & solum terræ patens,
 Marisque fluctus, vimque ventorum gravem.
 Plerique nostrum mente sed capiti, Deum
 Simulacra nobis, ceu mali solatium,
 Cum saxea atque acerna consecravimus,
 Tum & aureas eburneasque imagines.
 Has victimis placamus: His festos dies
 Agimus; pios huc esse nos rati modo.*

Quis non miretur Sophoclem idem suis ex-
 probrantem, quod iisdem postea exprobat
 Apostolus Rom. I, 21. 22. 23.?

§. CXXIX.

Qui vivam perfectionum entis alicujus no- Obli-
gatio ad
gloriam
Dei pro-
vehendā.
 titiam sibi peperit, is non potest non iisdem
 unice ac mirifice delectari. Quumque qui
 entis cujusdam perfectionibus ipsi delectan-
 tur, nihil faciant reliqui, ut alii omnes illud
 eadem veneratione prosequantur: ad offi-
 cium sane nostrum pertinet, 28) ut & alii,
 Dei ejusque perfectionum ignari, tam præ-
 clara doctrina imbuantur, & 29) errantes
 reducantur in viam, & 30) impii, quoad
 ejus fieri potest, ad concipiendam summi Nu-
 minis reverentiam solidis demonstrationibus
 ac cohortationibus excitentur. *) Quod qui
 faciunt, ii 31) GLORIAM DEI, quantum in
 ipsis est, PROVEHERE vere dicuntur.

*) *Demonstrationibus* dicimus & *cohortationi-
 bus*, non poenis & suppliciis. Quam enim
 ignorantia & error sint vitia non volunta-
 ris, sed intellectus: iis vero non alia medi-
 cina parata sit, quam ut mens convincatur
 de veritate, sed eamque admittendam argu-
 menti inflammetur: facile patet, eos nec
 ignorantibus prodesse, nec errantes in viam

reducere, qui lege agi, ferrumque & flammam expediri jubent adversus atheos maxime quum jam inde ab antiquissimis temporibus plerumque atheorum vocabulo diffamati sint *σωφρόνες βιβιακόττε, & καθωρακόττε, ὀξύτερόν τε ἢ λειτῶν αἰδρώπων ἀμφὶ τὸ θεὸς πλαίλιω*, viri temperantur & modeste viventes, & reliquis hominibus ad pervidendam vulgarem circa Deos imposturam acutiores, uti loquitur Clemens Alex. in *Protrept.* pluribusque exemplis docuerunt viri docti, ut *Ælian. Var. Histor. II, 31.*

§. CXXX.

Itemque
ad amo-
rem Dei.

Quia, cui perspectæ sunt infinitæ Dei perfectiones, is illis non potest non magnopere delectari, (§. CXXIX.) adpetitio vero boni, cum percepta ex ejus perfectione & felicitate delectatione conjuncta, AMOR vocatur: (§. LXXX.) consequens est, 32) ut Deus sit amandus. Et quum, quo major est entis perfectio, vel sublimitas, eo majorem illi amorem ac venerationem debeamus: (§. LXXXVII. *) 33) Deus amandus erit amore perfectissimo, id est, uti scriptura monet, *ex toto corde, ex tota anima, & ex omnibus viribus. Matth. XXII. 37. Luc. X. 27.* Quia denique & bonitas Dei inter ejus perfectiones, (§. CXXVII. 21) Deus vero & in se, & ratione hominis bonus est: (*Elem. phil. mor.* §. CLXXXIX.) merito dixeris, 34) Deum ob utramque causam amandum esse. *)

*) Notum est, quid de amore Dei puro olim philosophati sint Epicurei & Sadducæi, & nostra memoria quidam mysticæ theologiæ paulo studiosiores, & in primis Franc. Sai-

Saignac de Fenelon, Archiepiscopus Cameracensis, cujus libellus, inscriptus *Explication des maximes des Saintes sur la vie intérieure* occasionem dedit controversiæ, cujus historiam jam alibi veluti in nucleo exhibuimus. (*Elem. phil. mor. §. CXCIX.* *) Sed quis Deum aliter concipiat, quam tamquam ens aliis quoque rebus creatis bonum? Quam inanis ergo sit illa de puro amore quæstio, immo quam periculosa, jam ostenderunt Leibnizius in *præf. prodromi & mantissæ Codicis jur. gent. diplom.* & VVolff. in *den vernünftigen gedanken vom thun und lassen des menschen §. DCLXXXVIII.*

§. CXXXI.

Inter perfectiones Dei etiam sunt omnipræsentia, & omniscientia. (§. CXXVII.) Has sibi ob oculos ponere non potest homo, 35) quin excitetur ad studium indefessum, omnia, quæ Deo placeant agendi, omniaque, quæ eidem displiceant, omittendi, quod studium vocamus OBSEQUIUM erga Deum. Et quum simul Deum non possit sibi non tamquam ens justissimum repræsentare: 36) quam maxime sollicitus erit, ne eum ullare offendat, aut quidquam dicat faciatve, quod conjunctum sit cum ejus ignominia, quove ejus indignationem adversus se provocet. Quam sollicitudinem vocamus TIMOREM DEI, & illud quidem FILIALEM, quia cum flagrantissimo amore est conjunctus. * (§. CXXX.)

Nec non ad obsequium & timorem Dei.

*) Itaque TIMOR FILIALIS cum amore; SERVILIS cum odio conjunctus, aut saltem ab amore sejunctus est. Quum ergo ad hominis officium pertineat non solum timere

Deum, verum etiam eundem flagrantissimo amore prosequi: (§. CXXX.) consequens est, ut jus naturæ exigat timorem FILIALEM non SERVILEM, qui & in homines sceleratissimos, quin & in malos genios, cadere potest.

§. CXXXII.

Itemque
ad vitan-
dam su-
perstitio-
nem.

Qui servili timore Deum metuit, is a timore Dei sejungit amorem ejusdem. (§. CXXXI. *) Quum vero amor in eo consistat, quod Dei perfectionibus unice delectemur: (§. CXXX.) 37) is, qui Deum, cujus perfectiones non perspicit, metuit, SUPERSTITIOSUS vocatur: *) ex eoque consequitur, 38) ut omnis superstitio, quippe quæ ex timore servili proficiscitur, (§. CXXXI.) viro probosita fugienda.

*) Est ergo SUPERSTITIO timor Dei, qui non ex perfectionum divinarum contemplatione, sed ex falsis de Deo conceptibus, proficiscitur. Idemque voluit Theophrastus *Charact.* p. 47. dum superstitionem vocat, *δεισιὰς ὅτις τὸ δαίμονιον*, meticulosum erga Numen adfectum. Per *δεισιὰς* enim, teste Casaubono in *Not.* intelligit metum alium ab eo, qui pios decet: per τὸ δαίμονιον & deos, & demones, & quidquid divinitatis esse particeps, male sane putavit antiquitas. Quum vero metus tam absurdus tum in interno adfectu consistere, tum actionibus externis sese prodere possit: priorem INTERNAM; posteriorem EXTERNAM, seu CULTUM SUPERSTITIOSUM vocamus.

§. CXXXIII.

Quum ergo omnis superstitio tum interna,

Fiusque
effectus.

na, tum externa, viro probò cane pejus & angue sit fugienda: (§. CXXXI.) 39) merito vir pius abhorret ab omni meticuloso adfectu erga res creatas, itemque 40) ab erroribus, quibus quis sibi Deum, tanquam ens avarum & donis facile placabile, fittit, præterea 41) a magia & divinationibus, 42) & cultibus fictitiis, denique 43) ab absurda opinione, Deum solo cultu externo, quamvis ab omni amore ac timore sejuncto, posse propitiari.*)

*) Sunt hæc præcipua capita, in quibus sese exserit superstitio, quippe ad quæ reliqua superstitionis effecta omnia referri possunt. Vid. Budd. de atheismo & superstit. Cap. VIII. & IX. Unde facile patet, quam inanis sit comparatio atheismi & superstitionis, quum utraque veræ pietati erga Deum æque adversetur, ut idem vir doctissimus adversus Petri Bælii sententiam pluribus ostendit *ibidem* Cap. IV. §. V. p. 346. seq. Nemo tamen negaverit, ex superstitione plurima maximaque incommoda redundare in rempublicam, ut non possis non mirari,

Quantum religio possit suasse malorum,
si per religionem intelligas timorem Dei,
ab omni recta ratione sejunctum, id est,
superstitionem. Quo in primis pertinet lectu dignissima Juvenalis *Satyra XV.* Nam sæpe contigit, quod ibi refert poeta v. 33. sequ.

Inter finitimos vetus atque antiqua simulas,
Immortale odium, & nunquam sanabile vul-
nus

Ardet adhuc Ombos & Tentyra. Summus
utrimque

Inde furor vulgo, quod numina vicinorum
E 6 Odit

Odit uterque locus, quum solos credat habendos

Esse Deos, quos ipse colit.

§. CXXXIV.

Et ad fiduciam in Deo collocandam.

Præterea, quum nemo de infinitis Dei perfectionibus possit cogitare, quin ejus omniscientiam, sapientiam, potentiam & bonitatem simul sibi repræsentet: (§. CXXVII.) fieri etiam non potest, 44) quin homo omnem fiduciam in Deo collocet, & 45) in ejus providentia unice adquiescat, quin & 46) quæcumque Deus de se statuerit, forti ac intrepido animo ferat, denique 47) nec, si bonis mala, vel malis bona eveniant, offendatur aut animum despondeat, sed 48) & mala ista sibi aliisque esse profutura, certo persuasus convictusque sit.

§. CXXXV.

Cultus Dei internus & externus.

Et in his quidem similibusque officiis cultus Dei INTERNUS consistit, per quem intelligimus amorem, timorem ac fiduciam, quibus Deum pura mente prosequimur. Quandoquidem vero ita natura comparatum est, ut adfectus in actiones externas erumpat: vix sincerus videretur cultus ille interior, nisi inde nasceretur EXTERNUS, *) qui in actionibus externis, ex amore, timore ac fiducia erga Deum profectis, consistit.

*) Equidem necessitatem cultus istius externi ex ratione posse demonstrari, quidam negarunt, partim quod hoc cultu non indigeat Deus, ceu recte viderit Demonax, philosophus apud Lucian. in *Demonaste* p. 861. Tomo I. dum accusatus impietatis, quod nul-

lum unquam sacrificium Minervæ obtulerit, responderit: ἡ δὲ γὰρ δεῖται αὐτῷ ᾧ παρ' ἐμῆ θυγατρὶ ὑποδύσασθαι. Neque enim illam oblatiſ a me ſacrificiis indigere, putabam: partim quod ſocietas humana vitæ tranquillitas, omiſſo cultu externo, non lædatur. Thomas. Jurispr. div. II, 1. II. ſeq. & introd. in Ethic. III, 37. ſeq. Sed nec cultu interno indiget Deus, quem tamen neceſſarium eſſe, nemo negaverit. Alterum vero argumentum facile corruiſt, ſi deſtruxeris πᾶν illud ψῦδος, quaſi nihil, niſi quod ex ſocialitate conſequitur, juris naturæ ſit. (§. LXXV.) Conferri tamen meretur Hochſtetter. Colleg. Pufendorff. Exerc. III, 38.

§. CXXXVI.

Quum ergo cultus Dei externus in actionibus externis ex amore, timore, ac fiducia erga Deum perfectiſ conſiſtat, (§. CXXXV.) amor vero non poſſit non efficere, ut cujus perfectione & felicitate unice delectamur, eum quoque verbis celebremus: officii noſtri erit, 49) de Deo ſemper honorifice, & cum reverentia loqui, 50) alios ſermonibus & actionibus noſtris ad eundem amorem accendere, 51) Deo hymnos canere, 52) nec ejus nomen temere jurando pejerandove, vel ſermonibus quibuſcumque futilibus, ignominia adficere.

Externus fluere debet ex amore Dei.

§. CXXXVII.

Ex timore Dei, obſequioque, quod enti illi perfectiſſimo debemus, (§. CXXXI.) merito colligimus, 53) præceptis ejus actiones noſtras etiam externas attemperandas, & 54) ſemper cogitandum eſſe, ubique præſentem adeſſe Deum, ac ipſas cogitationes noſtras,

Nec non ex timore Dei.

de-

nedum actiones externas, perspicere.*) Ex quo prono alveo fluet præceptum pulcherri-
mum, 55) cavendam esse omnem simulatio-
nem pietatis, quippe cum summa divini Nu-
minis injuria ac contemtu conjunctam.

*) Professus est sublimem illam doctrinam et-
iam Thales Milesius, qui interrogatus a non-
nemine, *εἰ λῦθοι θεὸν ἀνθρώπων ἀδικῶν*; num
lateat Deum homo injuste agens, respondit :
ἀλλ' ἔδὲ διακέρμενος, Immo ne cogitans quidem.
Clem. Alex. Strom. V. p. 594. Quis vero
Deum præsentem & spectantem omnia non re-
formidet ? Eleganter Epictetus apud Arian.
I. 4. *Ὡς δ' ὅταν κλείσῃτε τὰς θύρας, καὶ σκότος
ἔνδον ποιήσῃτε, μέμνηθε μεδίποτε λέγειν, ὅτι
μὲνοι ἐστὶ ἔδὲ ἐστὶ, ἀλλ' ὁ θεὸς ἔνδον ἐστὶ.* *Quam-
obrem, clausis januis ac valvis, quum in te-
nebris confederitis, nolite dicere, vos solos es-
se. Non enim estis. Non certe estis, sed Deus
intus est.* Magna ergo nobis incumbit neces-
sitas pietatis, quippe degentibus & sub oculis
Dei, omnia cernentis.

§. CXXXVÍI.

Denique
ex fidu-
cia in Deo
collocan-
da.

Denique qui fiduciam in Deo collocat,
(§. CXXXIV.) numquam intermittet 56) ca-
stas preces fundere, nihilque 57) faciet li-
bentius, quam ut, si occasio fuerit, publice
privatimque cum Deo, & de Deo, loqua-
tur. Ea enim sunt, quæ de cultu Dei exter-
no pereipit recta ratio. Ad ritus vero quod
attinet, quamvis 58) & ratio intelligat,
non posse cultum publicum commode expli-
cari, nisi certa loca, temporaque illi desti-
nentur, & 59) tanti momenti negotium o-
mnino exigit, ut omnia decore fiant: 60)
ipsas

ipsas tamen cæremonias illa nec præscribit, nec 61) improbat, si ita sint comparatæ, ut nobis in memoriam revocent ea, de quibus in cultu divino sit cogitandum. Cel. VVolff. vernunft gedancken vom thum und lassen. des mensch. §. CLXXVI. sequ.

C A P U T VI.

De Officiis Hominis erga seipsum.

§. CXXXIX.

PRæter Deum optimum maximum nihil homini seipso propius est, quippe cui ipsa natura tam tenerum sui amorem impressit, ut istum emotæ mentis esse existimemus, qui adversus se ipsum odium concipit, sibi ve male, quam bene, esse mavult. Nec injustus est ille SUI IPSIUS AMOR, dummodo ordinem non turbet. Est enim adfectus, quo quis perfectionibus suis ac felicitate delectatur, eaque bona conservare, & magis magisque quotidie amplificare studet. Quum vero Deus voluerit, ut existeremus, multasque nobis perfectiones eximias dederit, quin & mediæ ad veram felicitatem perveniendi nobis in promptu esse voluerit: voluit etiam proculdubio, ut conservemur, nostrasque perfectiones tueamur & amplificemus, veraque felicitate potiri studeamus, eaque delectemur, id est, ut nos amemus. (§. XCII.)

§. CXL.

Ex quo jam supra collegimus, (§. XCII. 64.) hominem nihil eorum, quæ ad perfectionem, felicitatemque adsequendam, con-

Homo obligatus est ad amandum seipsum.

Qualis iste sui ipsius amor?

ser-

servandam, amplificandamque pertinet, prætermittere teneri, dum id sine amoris divini violatione fieri possit.

*) Itaque hæc officia nobis non præstamus tantum, ut felices simul: (jam supra enim ostendimus, falli eos, quibus *sola est utilitas justæ prope mater & æqui*,) sed quia id Dei a nobis exigit voluntas, ut perfectionibus & felicitati nostræ studeamus. (§. LXXVII. seq.) Itaque ipsum, quod nobis debemus, officium consistit in studio perfectionis ac felicitatis nostræ: non autem studium illud est causa, quæ nos ad hoc officium impellit.

§. CXLI.

Quot
ejus ob-
jecta?

Quum ergo ex Dei O. M. voluntate homo obstrictus sit ad ea omnia, quæ ad perfectionem felicitatemque adsequendam, conservandam, amplificandamque pertinent, (§. CXL.) & homo non ex sola mente, sed & ex corpore constet, & utraque substantia ejus essentiam absolvat: (*Elem. phil. mor. §. XI.*) consequens est, 1) ut homo & MENTEM & CORPUS perficere, & 2) quia duæ sunt mentis facultates, INTELLECTUS & VOLUNTAS, (*Elem. phil. mor. §. XV.*) de utriusque perfectionibus adsequendis, conservandis, amplificandisque sollicitus esse debeat, adeoque 3) officia hominis erga seipsum partim ad totum HOMINEM perficiendum conservandumque, partim ad INTELLECTUM, partim ad VOLUNTATEM, partim denique ad CORPUS, STATUMQUE HOMINIS EXTERNUM pertineant.

*) Observandum hoc contra Socratis aliorumque

que veterum principia, qui corpus non partem esse hominis, sed ejus instrumentum tantum, res externas vero plane nihil ad hominem pertinere, existimabant. Sic Simplicius in *proam. comment. ad Epictet. p. 6.* Εἰ ἂν ὁ μὲν ἀνθρώπος ἀρχῇ τὸ σῶμα, τὸ δὲ σῶμα ἑαυτὸ ἐκ ἀρχῇ, δῆλον, ὅτι ἐκ ἐστὶν ὁ ἀνθρώπος σῶμα, ἀλλ' ἐστὶ τὸ σωματότερον, διὰ τὴν αἰτιάν. Quod si homo corpori imperat, ipsum vero corpus sibi non imperat, hominem corpus non esse, constat, ac ne utrumque quidem simul, eadem de causa. Et quibusdam interjectis. Οὐ τὸ σῶμα ἐπιμελείμεν, ἐκ ἀνθρώπου, ἐστὶ ἅδ' ὅντος· ἡμῶν ἐπιμελεῖται, ἀλλὰ τὰ ὄργανα ὁ δὲ περὶ χρήματα ἢ τὰ τοιαῦτα σπουδάζων, ὥστε ἀνθρώπου ἐπιμελεῖται, ὥστε ἀνθρώπου ὄργανα, ἀλλὰ ἅδ' τὰ ὄργανα. Qui corpus curat, non hominem, nec ea quæ sunt hominis, curat, sed instrumentum: qui vero pecuniæ & id genus aliis rebus studet, nec hominem curat, nec hominis instrumentum, sed ea, quæ ipsi instrumento servantur. Non sine strepitu talia jactabant veteres, quum sint dogmata non modo falsa & stolta, sed & pestilentissima.

§. CXLII.

Ex quibus porro colligimus, 4) non se- Officia
jungenda esse hæc officia, adeoque 4) nec erga se-
mentem, nec corpus negligi oportere: 6) ipsum
si tamen contingat, ut utrinque satisfieri non non sunt
possit, ex pluribus bonis vel perfectionibus, sejungen-
quas simul adsequi non possumus, non præ- da vel
stantissimam ac summe necessariam eligere, separan-
(§. XCIV. *) ac proinde, 7) quum mens da.
corpore sit multo præstantior, (*Elem. phil.*
mor. §. XIII.) perficiendæ menti nostræ tunc
magis, quam corpori, studere, at 8) neu-

tram tamen nostri partem plane negligere debere. *)

*) Itaque contra officium faciunt, qui ita curant corpus, ut mentem obbrutescere patiantur. Sed ii non magis satisfaciunt officio, qui doctrinae atque intellectus perficiendi studio ita immorantur libris, ut iis immorian- tur. Neutrum ergo officium negligendum, quamvis si quis e. g. studio theologico consecratus, non tantum sibi vel otii, vel sum- tum, superesse videat, ut studia quædam, quæ theologum alioquin ornant, nec tamen abscisse sunt necessaria, cum theologia con- jungat, is omnino recte & ordine facere vi- deatur, si id quod præstantius est, minus præstanti, necessarium minus necessario præ- ferendum existimet. Rem solide explicavit Cel. VVolff. *ibid.* §. CCXXV. seq.

§. CXLIII.

Homo vi-
tam ser-
vare, ac
mortem
evitare
tenetur.

Quod ad TOTUM HOMINEM attinet, ejus perfectio & felicitas in eo consistit, ut unio mentis & corporis maneat salva, quia divul- sis istis partibus, mens quidem, tamquam immortalis, superstes est, (*Elem. philos. mor.* §. XIII.) non autem homo. Quandoquidem vero homo VIVERE dicitur tantisper, dum unio illa mentis & corporis salva est; MORI vero, simul ac partes illæ essentielles a se in- vicem divelluntur: consequens est, 9) ut homo ad vitam conservandam, ac 10) pro- inde ad evitandam mortem, ad destructio- nem, omnino sit obligatus, nisi) mens, de præstantiore bono per mortem consequendo certa, mortem non quidem ulro eligit, sed

im-

imminentem sibi etiam animo forti ac intrepido obeat. * (§. CXLIV. *)

*) Itaque insaniisse dixeris Hegesiam *περὶ θανάτου*, qui hominem ad consciscendam sibi mortem obligatum esse, existimabat, idque tanto argumentorum adparatu persuadebat hominibus non magis sanis, ut catervatim se in mare projicerent. Cic. *Tusc. Quæst.* I, 34. *Valer. Max.* VIII, 9. Quum enim cum emotæ mentis esse, merito judicemus, qui sui ipsius concipit odium: (§. CXXXIX.) ea, quæ somniavit fecitque ille Hegesias,

Non sani esse hominis, non sanus juret Orestes,
maxime quum omnia referret ad voluptatem,
nec futuræ alicujus felicitatis spes atque expectatio vitam hanc illi acerbiorē mortemque suaviorem redderet. Contra nihil præter officium optabat Apostolus, dum cupiebat dissolvi, non martyres eo nomine erant reprehendendi, qui certa spe futuræ gloriæ freti: nullos cruciatus, nullumque supplicium pertimescebant, quia quod malum minus nos majori malo subducit, bonique præstantioris reddit participes, potius bonum, quam malum est. (*Elem. phil. mor.* §. CLII, 12. juncto §. CLI, 8.)

§. CXLIV.

Inde porro colligimus, 11) contra officium agere, qui ipsi sibi violentas manus inferunt. Quod & aliis modis facile potest demonstrari, veluti quod hujusmodi actio naturæ amoris & boni indoli repugnat, adeoque contradictionem involvit: (*Elem. phil. mor.* §. CLIII. *) quod mors hujusmodi voluntaria non potest consistere cum illa fiducia in Deo collocanda, mentisque adquiescen-

Ac proinde, mors voluntaria injusta est.

scientia in voluntate Dei, quas supra inter officia hominis erga Deum esse probavimus. (§. CXXXIV.) Sed adjicere jam juvabit hoc unum argumentum: Homo tenetur hominem amare, tamquam seipsum: ac proinde se ipsum, tamquam alios homines. (§. XCIII. 65. 66.) Atqui amor justitiæ non patitur, ut hominem occidamus. Idem ergo non patitur, ut nos ipsos occidamus. *)

*) Ast ita philosophandum cum iis, qui scientes & prudentes in se ipsos sæviunt: non cum iis, qui ex furore vel insania sibi inferunt manus. His actio tum tristis ne imputari quidem potest: (§. CVI. 29.) illis, quum sine causa tale quid fecisse videri nequeant, vel conscientia criminis, vel calamitatum, quibus excruciantur, magnitudo, vel metus diræ atque ignominiosæ mortis consilium tam truculentum extorquet. Quarum causarum prima manifesto non excusat, quum supersit medium, cum conscientia redeundi in gratiam. Reliquæ non destituuntur colore, quia ex duobus malis physicis merito minus videtur eligendum. (*Elem. phil. mor.* §. CLII. * 2.) Sed quum nec malum physicum sit mors voluntaria, sed morale, quod eligi non potest, & calamitas dolorque concipi vix possit, quem non adquiescentia in voluntate Dei lenire possit ac debeat: quin & plerumque furor non postremus sit, ne moriari, mori: *Martial. Epigr. II, 80.* ne his quidem casibus dici potest, suæ quemque vitæ mortisque esse arbitrum. *VVolf. Philos. moral. §. CCCLX. seq.*

§. CXLV.

Nec non
vitæ &

Ex iisdem axiomatibus, paulo ante
(§. CXLIII.)

(§. CXLIII.) explicatis, patet, 12) non minus contra officium facere, qui immodicis laboribus, vel 13) luxu & libidine, sibi mortem accelerant, vel 14) valetudinem parum curant: quique 15) nec necessitate, nec officio urgente, pericula ultro adeunt, eaque ratione ipsi sibi suo jumento malum arcessunt. *)

*) Quisquis enim actionis alicujus auctor vel causa est, ei actio illa jure imputatur. (§. CV. 22.) Quis vero dubitet, quin mortis suæ causa sit, qui se intolerabili labore exerceat? qui luxu & libidine vires corporis animique deterit prostratque, qui valetudinis nullam habet rationem, periculis manifestissimis sese præter necessitatem objicit? Quum ergo vel in foro humano ex lege Cornelia sicarius habeatur, non solum qui dolo malo occidit hominem, sed &, qui neci causam præbuit, l. 16. §. 8. D. de pan. l. 1. D. ad L. Corn. de sicar. quis dubitet, quin multo magis in foro divino reus propitidii futurus sit, qui sibi ipse mortis causam præbuit?

§. CXLVI.

INTELLECTUS humani perfectio procul dubio in cognitione veri & boni consistit. (Hist. philos. §. I.) Ad quam adsequendam, conservandam, amplificandam, quum homo sit obstrictus: (§. CXL.) consequens est, 16) ut unumquemque oporteat de adquirenda sibi mentis perspicacitate, facultateque verum & falsum, bonumque & malum discernendi laborare, 17) nullamque occasionem sive ex aliorum institutione, sive ex libris,

Officia
hominis
ratione
intellectus.
Cultura ejus
omnibus
communi-
nis.

libris, sive per experientiam, veritates utiles, præceptaque de bono & malo *) addiscendi prætermittere, & 18) si forte ejus sit conditionis, ut omnia, quæ utilia essent, addiscere non possit, eum vel saltim id, quod optimum maximeque necessarium est, tanto accuratius veluti in numerato habere debere. (§. CLXII. 6.)

*) Hæc cognitio omnibus peræque necessaria est, partim quod voluntas non potest adpetere, nisi quod intellectus sibi, tamquam bonum, repræsentavit, nec aversari, nisi quod illa tamquam malum agnovit: (§. XXX. 5.) partim quod imputantur actiones, etiam ex ignorantia admixtæ, quatenus legem & potuit & debuit homo perspectam habere. (§. CVIII. 37. 38.) Recte ergo Sophocles in *Antigone* v. 1321. *τολλέ τὸ φρονεῖν εἰς δαίμονας φῦτον ἡνέχαι.* Sapere ad beatitudinem præcipuum est.

§. CXLVII.

Et singulis propria.

Ex qua postrema propositione (CXLVI. 18.) porro consequitur, 19) ut, quemadmodum ad officia, adhuc recensita omnes peræque obligati sunt: ita 20) speciatim quisque ad eam intellectus culturam sit obstrictus, quæ ejus indoli ingenique viribus, nec non fini & vitæ conditioni conveniat, ac proinde 21) suam quisque indolem suasque vires accurate exploratas habere debeat, 22) vix quippe excusandus, si quod vitæ genus, cui minus idoneus sit, temere atque invita Minerva, vel ipse eligere, vel 23) aliis in potestate sua constitutis vel disciplinæ suæ creditis obtrudere non dubitarit. *)

*) Ita-

) Itaque cultura, ad quam obligati sumus, intellectus alia GENERALIS est, ad quam omnes homines peræque obligati sunt, de qua §. CXLVI. alia SPECIALIS, ad quam singuli tenentur, de qua hoc §. CXLVII. illius fundamentum est ratio, quam cum omnibus hominibus communem habemus, quamque pro virili perficere tenemur omnes: hujus vero cujusque indoles, id est, vires judicii, intellectus & memoriæ, quæ quum non apud omnes eadem, nec eodem gradu sint: non omnes homines ad idem vitæ genus idoneos esse, facile patet. Hinc porro colligimus, VOCATIONEM DIVINAM SPECIALEM, (si ab instinctu divino atque extraordinario discedamus,) nihil aliud esse, quam voluntatem Dei de certo vitæ genere ab homine eligendo, per dotes animi ac corporis ei concessas declaratam. De qua Persius Sat. III. v. 71.

Quem te Deus esse

*Jussit, & humana qua parte locatus es in re,
Disce.*

§. CXLVIII.

VOLUNTATIS perfectio consistit in adpetitione & fruitione boni, malique averfatione. Officia
ratione
volunta-
tis. Quumque bonum non adpetamus nisi cujus præstantiam intellectu prælucente perspeximus, nec aversemur, nisi quod tamquam malum cognovimus: (§. XXX. 5.) ex eo quoque merito colligimus, 22) non adquirendum nobis esse in qualicumque boni malique cognitione, sed operam dandam, ut ea viva sit, & efficax: 23) Non modo bonum qualecumque esse adpetendum, sed ex pluribus bonis præstantius magisque necessarium, 24) immo ne malum quidem aver-

fan-

sandum esse, quod nos majoris boni participes reddere possit: denique, 25) bonum summum præ aliis adpetendum, & reliquis bonis omnibus æquo animo carendum esse, si illo sine his potiri non possimus.*)

*) Hinc jam alibi ostendimus, falli eos, qui summam felicitatem, ad quam in hac vita conicimur, in fruitione omnium bonorum consistere existimant: veluti Platonem apud Ciceronem *Quæst. Acad. I, 6.* Id enim cum non cadat in hominem, nec in hujus vitæ conditionem: consequens est, ut saltim ad adsequendum bonum summum ac præstantissimum, quod τὴν ἀγαθὴν μίσην eleganter vocat Servator, *Luc. X, 42.* omne studium conferre teneamur. (*Elem. phil. moral. §. CXXXIX. seq.*)

§. CXLIX.

Voluntatis emendatio maxime necessaria.

Præterea, quum is, qui obligatus est ad finem, is & ad media sit obligatus: consequens est, 26) ut nihil eorum, quæ recta ratio præscribit, ad summam felicitatem contendentibus, & quæ alibi (*Elem. phil. mor. §. CCXLIX. seq.*) explicavimus pluribus, prætermittendum, sed 27) de emendanda mente 28) adfectibus ratione regendis,*) 29) vitiis denique magis magisque animo evellendis, dies noctesque serio cogitandum sit.

*) Sæpe enim soli illi animi impetus hominem ita in transversum agunt, ut sine suo excidat, & vel vera felicitate careat, vel tristitiam ejusdem faciat jacturam. Præterea generatim non faciet umquam officium, quisquis adfectus non habet in potestate, quip-

quippe qui ita pervertunt distorquentque animi iudicium, ut nihil recte & ordine fiat. (Elem. phil. mor. §. XXXV.) Papin. Stat. Thebaid. Lib. X. v. 626.

Ne frenos animo permitte calenti:

Da spacium, tenuemque moram, male cuncta ministrat.

Impetus.

Nimirum ratio ipsa, cui fræna traduntur, tamdiu potens est, quamdiu diducta est ab affectibus. Si miscuit se illis, & inquinavit, non potest continere, quos submovere potuisset. Commota enim semel, & concussa mens ei servis, a quo impellitur. Seneca de ira I, 7.

§. CL.

Superest corpus, cujus perfectio quum in eo consistat, ut omnes ejus partes ad motus necessarios idoneæ sint: ex hoc quoque consequitur, 30) ut obligati simus ad tuendam sanitatem, ac proinde 31) & in cibo potuque capiendo, & 32) in laboribus, & 33) in exercendo corpore omnia ad tuendam valetudinem, agilitatemque, & vires tanto majores acquirendas, referre, *) contra ea 34) omnem corporis destructionem & mutilationem membrorum a nobis, quantum fieri potest, amoliri teneamur.

Obligatio ad corpus perficiendum conservandumque.

*) Sed hic quoque status quisque sui & conditionis rationem habere tenetur. Aliud enim robur, aliam agilitatem, dexteritatemque requirimus in pugile, quam in fabro: alia omnia in fabro, quam in milite, alia in milite, quam in viro docto. Ex quo patet exercitationes quoque corporis non in omnes easdem cadere, adeoque prudentia hic opus esse, ut & finem quisque suum ob-

oculos habeat, & media se digna eligat. Quin & ætas discrimen facit. Senex, si sapit, non vires desiderat adolescentis, non plus, quam adolescens tauri aut elephanti, ait Cicerō Cat. maj. Cap. IX. Ac proinde & senis alia erit exercitatio, quam juvenis. Id. *ibid.* Cap. XI. Pugnandum tamquam contra morbum, sic contra senectutem. Habenda ratio valetudinis, utendum exercitationibus modicis, tantum cibi & potionis adhibendum, ut reficiantur vires, non opprimantur, cetera.

§. CLI.

Quatenus
homote-
neatur ad
faculta-
tes quæ-
rendæ?

At frustra hæc omnia urgentur, si quis ea paupertate prematur, ut sibi nec salubrem victus rationem imperare, nec laboris modum suo arbitrio statuere possit. Ac proinde 35) facile intelligitur, carere hominem non posse adparatu rerum, ad vitam statumque suum decore tuendum necessariorum: Qui adparatus quum FACULTATUM, vel, si adfluentior sit, opum vel DIVITIARUM nomine veniat: consequens est, 36) ut unusquisque obligatus sit ad tantas facultates, quantas justis mediis parandi occasio est, acquirendas, 37) justequē adquisitas conservandas, & 38) prudenter dispensandas. *)

*) Non ergo ideo probamus AVARITIAM, viti-
orum omnium pestilentissimum pariter ac
turpissimum. Avarus enim opes opum caus-
sa quærit, homo seipsum prudenter amans
vitæ decore agendæ causa. Illi nullum lu-
crum sordet, nec medium ullum corraden-
dæ pecuniæ tam turpe ac injustum est, quo
non utendum existimet Euclio, cui semper
si non in ore, at in mente, est illud πο-
λυπλοῦν πρ.

*O cives, cives, quærenda pecunia primum:
Virtus post nummos.*

Hic non corradit opes, sed occasione illas
iuste acquirendi injicit manum. Denique
quum avarus semper quærat, & inventis mi-
ser abstineat, & timeat uti: multo aliter ra-
tiones componit vir sapiens, cujus vox est
illa Horatii *Æpod. I. v. 31.*

*Haud paravero,
Quod aut avarus ut Chremes terra premam,
Discinctus aut perdam ut nepos.*

Prudenter ergo dispensat facultates, ne cogatur
aliena quadra vivere, vel alios pecunia
turpiter emungere, ne inimicis sit ludibrio,
ne creditores & improbi foeneratores limina
sua dies noctesque obsideant, ne desit, quo
amicos & indignos juvet, ne denique jam
mortuus a liberis, sua culpa mendicantibus,
jure accusetur. Quis vero hæc ad boni viri
officium pertinere neget?

§. CLII.

Ex quo facile pate, 39) quum finis sine Adeoque
mediis obtineri nequeat, nullum autem sit ad labo-
medium, facultates necessarias sibi parandi rem &
justius labore ac industria, unumquemque ad indu-
labores in eo, quod semel elegit, vitæ gene- striam.
re forti animo obeundos, omnemque adhiben-
dam diligentiam, esse obligatum, ac proinde
40) contra officium facere eum, qui ideo,
quod vitam ocio transigit, cum summa inopia
ac ignominiosa paupertate conflictatur, quum
contra 41) nemini imputari possit paupertas,
qui, quamvis nihil, quod suarum partium sit,
prætermittat, publica tamen vel privata cala-
mitate fortunis evolvitur, (§. CVI. 27.) vel

42) cui citra suam culpam nulla rem facienti occasio est. *) (§. CXIV, 56.)

*) Utrumque ergo ad boni viri pertinet officium, & occasionem aliquid acquirendi non dimittere e manibus, & honestam paupertatem æquo animo ferre. Utrumque præstitit Jobus, qui & opes honestis mediis quætere, & paupertatem ferre didicerat. Jungit utrumque officium & Horat. *Carm. III. 29. v. 53.* qui de fortuna volubili suo more conquestus: *Laudo, inquit, manentem. Si celeres quatit Pennas: resigno, quæ dedit, & mea Virtute me involvo, probamque Pauperiem sine dote quæro.*

§. CLIII.

Itemque
ad tuendam
&
amplificandam
existimationem.

Quum porro homo nihil eorum, quæ ad adsequendam, conservandam, amplificandamque felicitatem pertinent, prætermittere teneatur: (§. CXL.) nemo sane dubitabit, 43) quin ad felicitatem adsequendam, conservandam, amplificandamque, vel maxime pertineat EXISTIMATIO, quæ in benigno aliorum de virtute ac perfectionibus nostris judicio consistit. Cujus enim de virtute & perfectione omnes bene sentiunt: eum dignum felicitate judicant, ac proinde nihil eorum, quæ ad illam adsequendam, conservandam, amplificandamque pertinent, prætermittunt. Itaque *existimatio* medium erit adsequendæ, conservandæ, amplificandæque felicitatis, ex eoque sequitur, 44) ut uniuscujusque sit, servire famæ atque existimationi, *) & 45) publicis privatisque in rebus, quæ ratio præscri-

Cap. VI. De Officiis Hom. erga seipsum. 125
 scribit, præstare, denique 46) eam non modo præclaris actionibus tueri, sed & 47) si fieri possit, quotidie amplificare.

*) Quum vero hoc & eorum sit officium, qui nulla unquam turpi actione vel enormi facinore aliorum de se opinionem vel deminuerunt vel extrinxerunt: quanto magis ad id obligatos dixeris eos, quorum fortassis adolescentia vituperatione & odio non caruit, ut hanc labem eluant virtute, ac proinde famæ serviant? Exemplo esse potest Themistocles, de quo Cornelius Nep. *Cap. I. Quæ contumelia non fregit eum, sed erexit. Nam quum judicasset, sine summa industria non posse eam extinguere: totum se dedit republicæ, diligentius amicis FAMÆQUE SERVIENS. Quo factum est, ut brevi tempore illustraretur.* Sic Titum quoque Cæsarem, cujus animus in prima adolescentia veluti a seipso exerraverat, pudore ignominiaque metu a vitiis retractum esse, observat Sueton. *Tit. Cap. VII.* Alia exempla dabit Valer. Maxim. VI, 9. Macrobi. *Satur. II, 9.*

§. CLIV.

Quumque unusquisque ad officium pertineat, famam atque existimationem tueri, (§. CLIII. 46.) eam vero sæpe deminuant aliorum CALUMNIÆ, id est, mendaces de vitiis ac imperfectionibus nostris sermones: consequens est, 48) ut nihil, quod ad calumnias re ipsa & verbis refellendas pertinet, omittendum sit, 49) nisi forte illæ tam putidæ videantur, *) 50) vel auctor tam levis sit, ut eas generoso contentu vindicare præstet.

Et refellendas calumnias.

- *) Vocantur hæc MANIFESTÆ CALUMNIÆ , quas qui verbis operose refellendas existimat, nãis magno conatu maximas nugas agere velle videtur . Non magis illæ virum bonum terrent , quam latratus catellorum . Et qui eas effutit , is non alterius , sed suam , existimationem turpiter evertit . *Simplicius Comment. ad Epist. Cap. LXIV.* Οὐκ, εἰ τὸ, εἰ ἡμέρα ἐστίν, εἰς οὐρανὸν ὑπὲρ γῆς ἐστίν, ψῆδος τις ὑπὲρ ἀλάβοι, εἰ τὸ συμπεπλεγμένον βίβλαται· αὐτὸ γὰρ ἔχει ἢ εἰ αὐτὸ ἀλύθειαν· ἀλλ' εἰ ἀπατηθεὶς περὶ αὐτῶν, ἔγωγε ἢ, ὁ παρὰ τὸ καλῶς ἔχειν λοιδορῶν σε ἢ κακοποιῶν, αὐτὸς ἐστίν ὁ βεβλαμμένος, σὺ δὲ ἐδὲ βίβλαται, ἐδὲ πεπειθῆς τι κακόν· *Veluti: Si dies est, sol super terram versatur . Hoc si quis falsum putet, non ipsum connexum damnum facit, cui sua constat veritas, sed is, qui falsum de eo sentit . Sic etiam qui secus, ac decet, re conviciatur, aut malefacit, ipse est, cui noceatur, tibi vero ne nocitum quidem est, neque mali quidquam datum . Aliud tamen dicendum de CALUMNIA SPECIOSA, id est, ea, quæ cum aliqua probabilitate conjuncta est, & hinc non modo incautos, sed & prudentiores, fallere potest . Hanc enim qui justis modis non reprimat, nec pudorem purgat, is diffidere causæ suæ videbitur, ac proinde non satisfacit officio, quod existimationem & famam, quæ cum vita pari passu ambulat, pro virili tueri jubet .*

§. CLV.

An officia erga nos ipsos ob necessitatem præferenda officiis erga Deum?

Quamvis vero justissimus hic sit sui ipsius amor : nullum tamen dubium est , quin incidat in vitium, simul ac quis turbato amoris ordine, in seipsum vehementiore amore, quam in ens perfectissimum, puta DEUM, fertur (§. XCII. 63) Atque inde collegimus jam

Cap. VI. De officiis Hom. erga seipsum. 127
 jam supra, (§. CXL.) tum demum justam
 rationem habere omnia hæc officia erga nos
 ipsos, si ea cum amoris divini violatione
 non sint conjuncta. Ex quo facile patet, § 1)
 non semper verum esse, quod vulgo jactant,
*necessitatem non habere legem. **)

*) Ea regula nihil frequentius in ore hominum
 est, eaque ita vulgo utuntur, ac si ex tripode
 audita esset, & quasi nihil sit turpe &
 nefarium, quod excuset necessitas. Euripid.
in fragm. ex Hippolys. obtest.

Εἴ ποτέ γε θυμὸς, ἢ τὸ μὲν γε μὴ οἶβει.

Εἰ ποῖσι δεινὸς, ἢ ἀγαθίων πλείον.

Quoties periculum est, ex mea sententia

Necessitati debet & lex cedere.

Claudian. in Eutrop. Lib. II. v. 598.

Suprema pericula semper

Dant veniam culpæ.

Atqui si hoc abscisse verum esset, adversus
 se ipsos graviter peccassent martyres, qui,
 insuper habito illo necessitatis favore, nullo
 cruciatuum genere adduci se passi sunt, ut
 aliquantulum thuris flammæ injicerent: nec
 minus stolide egisset Josephus, qui vitæ li-
 bertatisque adire periculum, quam heræ libi-
 dini servire maluit. Quin nemo sanus vicio
 verteret militi fugam, si, imminente hoste,
 cui se resistere non posse animadvertit, sta-
 tionem deserere non dubitet. Plura exempla
 jam addere supervacuum esset, quum vel hæc
 satis ostendant, non usquequaque veram ac
 solidam esse hanc regulam.

§. CLVI.

Quum ergo regula hæc non semper, at Favor ne-
 aliquando tamen, officio suo fungatur: cessitatis
quod ha-

(§. CLV. 51) consequens est, 52) ut diversi casus distinguendi sint, quumque in hujusmodi actione, quam nobis imperiosa necessitas extorsit, nulla circumstantia alia rem variare possit, quam vel NECESSITAS ipsa, vel LEGIS natura, vel OFFICII, quod prætermittendum est, indoles: facile patet, 53) hæc tria paulo accuratius ac distinctius esse considerata, si quatenus necessitas habeat legem vel non habeat, explorare velimus.

§. CLVII.

beat fun-
damen-
tum.

Per NECESSITATEM hic intelligimus statum hominis, in quo legi sine periculo suo parere non potest. Quod periculum, quoties ad ipsam vitam pertinet, necessitas erit. EXTREMA, quoties ipsi vitæ non imminet, pro magnitudine periculi MAJOR, MINORVE adpellabitur. Ita & ABSOLUTA est necessitas, quæ evitari nullo alio modo potest, quam violata lege: RESPECTIVA, quam alius quidem, at non hic homo, qui jam in illa versatur, evitare posset.

Necessi-
tas quid
& quo-
tuplex?

*) Ita NECESSITAS EXTREMA imminet martyribus, quibus aut durissimum subeundum supplicium, aut Christo maledicendum erat. Non vero extrema erat necessitas, qua Christianos ad defectionem impellere conabatur Julianus ὁ πᾶρξλαύρας, dum eos abs litterarum studiis, honoribus, militia repellebat. ABSOLUTA erat necessitas, in qua versabatur Daniel, bestiis obijciendus, nisi preces intermisisset: RESPECTIVA, quacum conflictabatur David, dum ei aut fame pereundum, aut panibus sacris vescendum erat. Alius enim, qui sine præcipiti fuga iter fecisset, facile procul

Cap. VI. De Officiis Hom. erga seipsum. 129
cui dubio alium reperisset panem, quo expu-
gnasset inediam.

§. CLVIII.

Jam facile quisque animadvertet, 54) in ^{Quæ ne-} censum hic non modo venire necessitatem ^{cessitas}
EXTREMAM, sed & eam aliquando, in qua ^{favorem}
vita non periclitatur. Quum enim quædam ^{merca-}
sint calamitates ipsa morte acerbiores: quis ^{tur?}
dubitet, quin viro etiam constantissimo ter-
rorem injicere possint dolores intolerabiles;
orbitas oculorum, & similes ærumnæ? Præ-
terea quum ubi effugium patet aliud, ex
duobus malis physicis minimum eligendum
sit: (*Elem. phil. mor. §. CLII. **) consequens
est, 55) ut absoluta quidem necessitas favo-
rem mereatur, (§. CLVII.) 56.) respectiva-
rum demum, si quis non suo sibi jumento
hoc malum invenerit. *)

*) Si quis se ultro periculo offert, causa est
illius necessitatis, in qua versatur, ac proin-
de ipsi eventus potest imputari. (§. CV. 22.)
Cui actio imputatur, eum nihil excusat,
adeoque nec excusabit necessitas, si per eum
steterit, quo minus illa urgeretur. Hinc vix
favorem meruit necessitas, in quam se conje-
cerat quidam, qui propositum adversus Chri-
stianos edictum diripuit consciditque, statim-
que productus non modo tortus, sed & legi-
time coctus est, teste Lactancio *de mort. perse-*
quut. Cap. XIII. Si ergo in his constitutus
angustiis aliquid egisset adversus honestatem
& justitiam, tantum ut mortem & cruciatus
subterfugeret, quis negaverit, eum male
egisse? Exemplo esse potest Quintus quidam
cujus in Epistola de martyrio Polycarpi me-

meminit ecclesia Smyrnenſis, qui, quum ſpon-
te ſe obtuliſſet martyrio, & alios ad idem fa-
ciendum perpuliſſet, viſis beſtiis, per genium
Cæſaris juravit, nefandoque ſeſe polluit ſa-
crificio. Quare Smÿrnæi graviter monent :
Διὰ τὸ τοῦτο, ἀδελφοὶ οὐ ἐπαυνοῦμεν τὰς ἀποποιήſας
τὸ αὐτοῦ, ἵνα οὐκ ἔχῃς ἕως θανάτου τὸ διαγγεῖν.
Nos itaque, fratres, non probamus eos, qui
ultero accedunt, ac ſemet ipſos produnt, quum
aliter præcipiatur in Evangelio. Similia habes
apud Originem ad Jo. XI, 35. Tomo XXXI.

§. CLIX.

Leges hu-
manæ &
divinæ
affirma-
tivæ ad-
mittunt
exceptio-
nem ne-
ceſſitatis.

Lex porro quum vel DIVINA ſit, vel HU-
MANA, eaque vel AJENS, vel NEGANS, (§.
LXIV. 9.) homo vero, etſi ſummus impe-
rans, neminem obligare poſſit ad mortem
gratis ſubeundam : conſequens eſt, § 7) ut
leges HUMANÆ regulariter intelligendæ ſint
cum exceptione neceſſitatis.*) Idemque § 8)
dicendum videatur de DIVINIS AJENTIBUS, vel
ADFIRMATIVIS, quia nemini imputari poſſet
omifſio actionis, ſi agendi deſit occaſio,
(§. CXIV. § 6.) niſi forte § 9) actionis inter-
miſſio ita ſit comparata, ut tendat in ſummi
numinis injuriam, ſiquidem tunc lex ſimul
concurrit negativa, quod nihil faciendum ſit
in Dei ignominiam. (§. CXXXI. § 36.) Quo
referimus factum Danielis. *Dan. VI. 10.*

*) Omnia hæc liquida videntur. Homines
dum ſe imperio civili ſubjecerunt, in impe-
rantem contulerunt omnia, ſine quibus finis
civitatum obtineri non poſſet. Hinc & jus
vitæ & necis ei conceſſerunt, ac non pro-
miſcue, quia id fini civitatis refragaretur,
ſed

Cap. VI. De Officiis Hom. erga seipsum. 131
 sed tantum, si id exigat salus populi vel rei-
 publicæ. Itaque nec cives legibus suis obli-
 gare potest ad mortem gratis subeundam,
 sed eo tantum casu, si id exigat salus po-
 puli & reipublicæ: adeoque ejus leges regu-
 lariter intelligendæ sunt cum exceptione ne-
 cessitatis. Hinc eleganter Grotius *de jure*
belli & pac. I, 4. 7. n. 2. Ferri ab homini-
bus leges solent & debent cum sensu humanæ
imbecillitatis.

§. CLX.

Contra ea quod ad leges divinas **NEGAN** Non at-
TES attinet, illæ ad officia vel erga *ipsum* tem leges
Deum, vel erga *nos ipsos*, vel erga *alios ho-* divinæ
mines nos obstringunt, (§. XC. CXXIV.) negantes,
 Quæ ad officia erga ipsum Deum pertinent, quæ ad
 in se ita sunt comparata, ut sine ignominia officia er-
 Dei numquam intermitteri possint. Quum vero ga Deum
 ad ea omnia, quæ cum ignominia summi & nos ip-
 Naminis conjuncta sunt, omittenda simus ob- fos perti-
 stricti: (CXXXI. 36.) consequens est, 60) nent.
 ut nullus sit tantus necessitatis favor, qui
 hominem, leges divinas negativas de officiis
 erga Deum violaturum, posset excusare. *)
 Contra 61) si duo colliduntur officia erga
 nos ipsos, nihil tutius est, quam ut ex duo-
 bus malis physicis, quod minimum est, eli-
 gamus.

*) Hinc factum suum excusare non potest,
 qui quacumque necessitate adduci se passus
 est, ut in Deum esset blasphemus, idolis sa-
 crificaret, perjuriæ se pollueret. Quod &
 ipsi non negarunt scriptores profani, veluti
 Juvenalis, *Sat. VIII.*

Ambiguae si quando citabere testis

*Incertaque rei, Phalaris licet imperet, ut sis
Falsus, & admoto dicet perjuris tauro,
Summum crede nefas, animam praeferre pi-
dori,*

Et propter vitam vivendi perdere causas.

Quamvis vero excusare se nequeant, qui quid-
tale admiserunt, necessitati succumbentes :
non tamen permittit humanæ imbecillitatis
sensus, ut eorum vicem non dolëamus, quos
a constante proposito dimovit imperiosa hu-
jusmodi necessitas, quum noverimus, ipsi
Petro, Christum Servatorem neganti, datam
esse veniam, quando eum facti poenituit.
Matth. XXVI, 75.

§. CLXI.

Leges di-
vine a-
gentes de
officiis
erga a-
lios ad-
mittunt
favorem
necessita-
tis.

62) Quæ ad officia erga alios homines
pertinent, leges agentes favorem necessitatis
non respuere certissimum est, partim quod
omissio actionis imputari non potest, si de-
est agendi occasio, (§. CXIV. 56.) partim
quod amoris leges nos non obligant, ut al-
terius felicitate magis, quam nostra delecte-
mur, adeoque illum vehementius, quam nos
ipsos, amemus. (§. XCIV. 65.) Et eatenus
63) verum est illud : *Proximus egomet sum
mihi.* *)

*) Sic e.g. lex divina non obligat quemquam,
ut alium servet, ipseque pereat, vel ut ipse
esuriens, quod superest, panis frustulum al-
teri det. Id ne ipsa quidem sanctissima lex
amoris, quam sacræ litteræ Christianis incul-
cant, exigit. *II. Cor. VIII, 13.* Quare recte
Seneca de Benef. II, 15. *Dabo genus, sed ut
ipse non egeam : succurram perituro, sed ut
ipse non peream.* Nec aliud in animo habuere
scho-

scholastici doctores, dum fixerunt regulam:
Ordinata charitas incipit a se ipsa.

§. CLXII.

• PORRO NEGANTES leges de officiis erga alios An & ne-
gantes, si
necessi-
tas sit a
Deo?
 objecta a Deo necessitate, vel cum officiis
 de conservatione nostri ipsius, vel de perfe-
 ctione nostra ac felicitate tuenda amplifican-
 daque, colliduntur. Priore casu, quum al-
 terum non magis, quam nos, amare tenea-
 mur, (§. XCIV. 6.) 64.) procul dubio, in-
 cumbente nobis necessitate, quolibet hone-
 sta ratio est expediendi salutem, dumne per
 nos steterit, quo minus durum illud neces-
 sitatis telum declinarem, vel par sit om-
 nium conditio, quia æqualis adversus æqua-
 lem nullo favore utitur: (§. CLVIII. 56.)
 posteriore 65) satius est, nos perfectione
 aliqua vel felicitate carere, quam alterum
 perire, ut nos maiore perfectione vel feli-
 citate potiamur. *)

*) Nam perfectione aliqua vel felicitate ca-
 rere malum est physicum, si per nos non
 stetit, ut illa potiremur. At perdere alte-
 rum, malum est morale, quod semper ma-
 ius malo physico habendum est. Quum ve-
 ro ex duobus malis physicis eligendum sit
 minus, ac proinde ex concurrentibus malis
 physico & morali, physicum: (*Elem. phil.
 mor. §. CLII. **) non sanè peccabit, qui eo
 casu cum aliquo detrimento suo alium con-
 servare periculumque ab eo amoliri cupiat.
 Hinc quamvis non reprehendendus sit, qui
 in naufragio inhærens tabulæ, alterum ean-
 dem, utrique non sustenturam, adprehensu-
 rum depellit: inexcusabilis tamen omnino
 vide-

videretur, qui spe majoris felicitatis, amicum proderet, quam salva religione proderi non poterat.

§. CLXIII.

Si eadem
sit a ma-
litia ho-
minum?

Et hæc justam habent rationem, si ipsius Dei O. M. providentia ἀνέως contingat, ut in ea necessitate versemur. (§. CLXII.) Nam si a malitia hominum est illa calamitas; aut id illi agunt, ut pereamus, aut ut necessitatem peccandi nobis imponant. Priore casu, quum alium, nedum pravam, hominem vehementius, quam nos, amare non teneamur, (§. XCIV. 65.) 66) merito erit excusandus, qui alium, quam se perire malit. Posteriore 67) dira quævis potius erunt ferenda, quam ut quidquam, quod cum ignominia Dei conjunctum sit, admittamus.* (§. CXXXI. 6.)

*) Hinc si vita nostra incidat in insidias telaque latronum: quælibet honesta ratio est expediendi salutem, quia nulla nos obligat ratio, ut latrones potius, quam nos ipsos, servemus. At male sibi consuluisse Josephus, si vincula magis timuisset, quam adulterium, ad quod cum pellicere cupiebat uxor Putipharis. Latrones enim id agunt, ut pereamus: Putipharis uxor Josepho necessitatem peccandi imponere cupiebat.

§. CLXIV.

Monitum
de adpli-
catione
harum
regula-
rum ad
casus spe-
ciales.

His observatis regulis, quarum plerasque jam alii acute invenerunt, *) non difficile erit, de variis speciebus, quas RUFENDORF-
FIVS & alii proponunt, judicare, quamvis, si recte ponas calculum, multi fingantur casus,

fus, qui rarissime contingunt: plures, ubi omnia uno temporis momento transiguntur, intra quod vix de justia injustitiaque actionis suscipiendæ intermittendæve quidquam, adhibita in consilium ratione, statuere liceat. Nimirum cuivis, qui extra teli jactum est, quid factu opus sit, expensis in utramque partem rationibus, judicare non adeo difficile est, quum illi, qui in præsentissimo periculo versatur, in arena capiendum sit consilium. Ut non male de hujusmodi casibus usurpare possit illud poetæ:

Facile omnes, quum valemus, recta consilia agrotis damus,

Tu, si hic esses, aliter sentires.

Terent. Andr. I. I. v. 9. Ergo hic multa Dei potius judicio ac misericordiæ relinquere, quam ad vivum omnia refecare, præstiterit.

*) Proposuit jam has regulas, saltim plerasque, Thomaf. Jurispr. div. II, 2. 143. seq. non ex iisdem tamen, quibus nos hic utimur, principiis derivatas. At postea idem eas sequestratas e jure naturæ, & regulam unam revocatam voluit: omnes leges habere tacitam exceptionem necessitatis. Fundam. jur. nat. & gent. II, 19. †. Nobis nulla videtur ratio suadere, ut omittamus vel sequestremus exceptiones, quas ex ipsa recta ratione fluere, ea, quæ diximus, abunde ostendunt...

§. CLXV.

Sic nemo dubitaverit, 68.) quin necessitas excusatura sit hominem, quem in eo articulo fortunaprehendit, ut ei aut pereundum, aut membro aliquo carendum sit, si ense reciden-

At licet abscondere membrum vitæ servandæ causa?

cidendum putet membrum, ne pars sincera trahatur. Quum enim utrumque officium de servanda vita integritateque membrorum nobis ipsis debeamus, in his verò tutissimum sit, ex duobus malis physicis id, quod minimum est, eligere, (§. CLX. 61.) denique minus omnino malum sit; membro, quam vita, carere: quis neget, medium istud, vitam jactura membri alicujus redimendi esse justissimum? *)

*) At difficilior est quæstio, an hæc sit lex naturæ præceptiva, & is contra officium faciat, qui in ancipite isto periculo constitutus mori malit, quam dolores, quibus ferendis se imparem existimat, persentiscere? maxime quum non adeo certa spes sit, quæ de sectione illa concipitur, & non minus multi, qui hos cruciatus mira constantia pertulerunt, perire, quam servari, soleant? Sane senectus, imbecillitas corporis, morbi indoles, medicorum dissensus, ipsiusque chirurgi in hac encheiresi imperitia & ruditas, in tantillo temporis momento, facile subigent animum, ut medicinam illam ipsa morte acerbiores putet, & sine tam exquisitis doloribus mori, quam incertam salutem intolerabili cruciatu redimere, malit. Quare hic moniti paulo ante dati (§. CLXIV.) memores, *ἐπίχρη*, & rem Dei judicio & misericordiæ committere, quam de hominis in tanta necessitate constituti conscientia temere judicare malimus.

§. CLXVI.

An carne
humana
vesci fas
sit in ex-
trema fa-
me?

Nullum quoque dubium est, 69) quin, qui in extrema fame cibo quocumque, etiam carne mortuorum hominum, vitam misere tole-

tolerantur, excusandi sint: quum & hic collidentur bina officia, quæ nobis ipsis debemus, ac proinde ex duobus malis physicis, morte, & alimentis, alioquin detestabilibus, minimum omnino eligendum videatur, (§. CLX. 6.) At. 70) non excusandus, qui alterum obtruncat, ut ejus carne pastus miseram vitam extendat: quia, quantacumque sit longæ inediæ imperiosa necessitas, ea tamen jus non dat in vitam alterius, nec fas est, alteri eam eripere, ut ipsi conservemur, quia par hic est utriusque conditio ac necessitas. * (§. CLXII. 64.)

*) At quid si omnes, pari necessitate pressi, in unius mactationem consentientes rem sorti committant? Quo pertinet casus tristissimus de septem Britannis, quem ex Tulpii *Observ. medic.* I, 43. refert Casp. Ziegler. ad *Grot. de jure bell. & pac.* II, 1. 3. Nihil vero hic mutandum. Nemini enim in alterius vitam jus est. Et qui consentit in eadem sui ipsius æque peccat, ac qui se aliumve occidit. Nec debuit quisquam vitam suam tam vilipendere, ut ejus jactura alterius famem expleret. Nec reliqui etiam ideo in socium suum servire debuerunt, ut stomacho suo consulere: recte judicat Ziegler. *ibid.* p. 189. sequ. Quibus non usquequaque satisfacisse videtur Pufendorf. *de jure nat. & gent.* II, 6. 3.

§. CLXVII.

Aliud dicendum, 71) si quis naufragus apprehensa tabula, uni tantum suffectura, alterum, manus eidem injicientem, vi repellat, vel 72) aliqui in scapham insilientes, reliquos, quos scapha ferre non potest, præ-

An nau-
fragis a-
lios tabu-
la semel
adprehē-
ta, vel
scapha
semel

C.-

occupata,
de jicere
liceat?

cupitent. Utroque enim casu non est par utriusque conditio, quia qui tabulam apprehendit, quive jam scapham prius occuparunt, in possessione sunt, ac proinde jure suo ab aliis, quamvis cum eodem periculo luctantibus, privari nequeunt. Et quis non minus esse malum animadvertit, aliquos perire, quam omnes, majus bonum paucos, quam nullum fervari? *)

*) Ex quibus fundamentis & alter decidi poterit casus de militibus, in castrum vel urbem munitam confugientibus, aliosque, paulo tardiores, excludentibus, ne hostes una erumpant. Quale est factum Pandari, de quo Vigil. *Æn. IX. v. 722. sequ.* aliorumque, de quibus Freinshem. *ad Curt. IV, 16. 8.* Ubi tamen probe dispiciendum fuerit, extremam & absoluta sit necessitas, (CLVIII. 55.) an remotius adhuc periculum, & quod alia ratione, ex. gr. paucis hostibus admissis, & reliquis dimisso clathro submotis, evitari possit. Inde merito collaudanda Darii, Alexandrum fugientis, humanitas, qui suadentibus aliis, ut pontem Lyci fluminis rescinderet, *malle se, ait, insequentibus iter dare, quam auferre fugientibus.* Curt. IV, 16.

S. CLXVIII.

Nec 73) magis excusarim carnificem, vel alium quemcumque, qui hominem innocentem, proposito mortis supplicio, occidere jussus, parendum existimat, & imminenti supplicii periculum ad justam sibi excusationem sufficere credit. A malitia enim hominis est illa calamitas, qui id agit, ut necessitatem peccandi imponat carnifici. Quo casu

An carni-
ficem ex-
cuset ne-
cessitas,
proposita
morte in-
nocentem
occidere
jussum?

casu dira quævis potius ferenda, quam quidquam, quod cum ignominia Dei conjunctum sit, admittendum. *) (§. CLXIII. 67.)

*) Accedit, quod nihil agendum sit contra certam conscientiam: (§. XLV. 35.) hic vero ponatur species, quod carnifex certo sciat, scivendum sibi esse in innoxium caput. Quis ergo cum admissi criminis absolveret? Nec rem conficit distinctio Pufendorffii, utrum spiculatori hæc cædes imperetur tamquam actio propria, an mera alieni factio exsequutio. Quamvis enim ille posteriore casu cædem carnifici illi non magis imputari posse existimet, quam gladio aut securi: *Jur. nat. & gent. l. 5. 9. VIII, 1. 5. 6.* multum tamen interesse arbitramur inter gladium vel securum, tamquam res inanimatas, & hominem ratione præditum, cui tam injustam exsequuturo sententiam, ipsa conscientia reclamat.

§. CLXIX.

Contra ea 74) recte quis, imminente innocenti morte, fuga sibi consulturus, alium sibi obstantem submovet, quamvis se ei damnum illaturum suspicetur. Sive enim alter ex malitia iter fugienti intercludat: necessitas est a malitia hominis, isque id agit, ut fugiens pereat. Sive non nocendi consilio obstat: ab ipsius Dei providentia hæc necessitas fugienti objicitur. Utroque vero casu quælibet honesta ratio est expediendæ salutis. *) (§. CLXIII. 66. CLXII. 64.)

An fu-
gienti
obstan-
tem pro-
terere li-
ceat?

*) Nihil ergo moramur dissensum Alberti, *Comp. Jur. Nat. orthod. conform. Cap. III. §. XVII. sequ.* Argumentum enim, quo fretus in alia omnia sibi eundem existimat, quod
in

in statu integritatis occidere innocentem nefas fuerit, plane est ἀπορροισμύς, quia nec principium juris naturalis in statu integritatis quærendum est, (§. LXXIV.) nec in eo statu ullum concipi potest periculum, quod hae tristi fuga fuisset evitandum.

§. CLXX.

An in extrema necessitate res alienas contrectare vel perdere?

Idem dicendum videtur de casibus, 75) si quis res alienas in extrema necessitate, famis vel frigoris expellendi causa, contrectet: *) 76) vel si homines in extremo naufragii periculo, jactum alienarum mercium faciant. Quemadmodum enim priore casu necessitas est a malitia hominum, id agentium, ut famelicus, vel frigore obrigescent, omni humana ope destitutus pereat: (§. CLXIII. 66) ita posteriore inter duo mala physica eligitur minus, dum homines, imminente naufragio, vident, aut sibi cum rebus pereundum, aut mercium alienarum, a se jactandarum, æstimationem esse præstandam. (§. CLX. 61)

*) Qui hic dissentiunt, iis furti vocabulum imponit, quod tam grave existimant esse peccatum, ut nulla necessitate urgente quis ad illud compelli debeat. Sed quum ne homicidium quidem in casu necessitatis, puta in moderamine inculpatæ tutelæ, pro crimine imputent: cur magis imputarent furtum? Præterea quis furtum sine dolo malo, immo sine animo lucrum faciendi concipit? Denique quum paucarum rerum alienarum, quas furripere jussit imperiosa longæ inediae necessitas, æstimatio facile præstari possit ab hominibus, etiam mendicis, ubi se periculo expedierint: quis vitio illis vertat, quod non perire, quam rem æstimabilem animo resti-

tuen-

Cap. VI. De Officiis Hom. erga seipsum. 141
tuendi, domino intervertere maluerint. Add.
Cap. 3. X. de furt.

§. CLXXI.

Sed talia innumera vel fingi, vel in ipsis Conclu-
sio capi-
tis.
rerum argumentis occurrere possunt, ex qui-
bus quædam veræ sunt ἀπορα, & de quibus
facile in utramque partem disputari possit.
Sed ne obliti videamur ejus, quam ipsi pau-
lo ante dedimus, admonitionis, (§. CLXIV.)
plura addere jam nolumus, iis hanc curam
relinquentes, qui conscientijs dirigendis la-
borant.

C A P U T VII.

*De Officiis erga alios absolutis, & perfectis,
speciarim de nemine ladendo.*

§. CLXXII.

P Rogredimur jam ad OFFICIA ERGA ALIOS Officio-
rum erga
alios fun-
damen-
tum.
HOMINES, quorum fundamentum jam su-
pra in eo positum esse animadvertimus, quod
homo homini natura ÆQUALIS, ac proinde
eatenus amore amicitiae sit prosequendus.
(§. LXXXV. & LXXXVIII.) Quumque æqua-
litas naturæ æqualia etiam officia exigit: in-
de collegimus, HOMINEM HOMINEM NON MINUS,
QUAM SEIPSUM TENERI AMARE. (§. XCIII.)

§. CLXXIII.

Deinde amoris hujus duos esse gradus, Ea vel
perfecta,
vel im-
perfecta.
ostendimus, quorum alterum JUSTITIÆ, al-
terum HUMANITATIS & BENEFICENTIÆ adpel-
lavimus. (§. LXXXII. sequ.) Quum vero
prior in eo consistat, ut nihil quod infeli-
ciorem

ciozem alium faciat, agamus, ac proinde neminem lædamus, & cuique, quod suum est, tribuamus; posterior ut alterius perfectionem & felicitatem pro virili provehere atque amplificare studeamus, illique tribuamus & ea, quæ jure stricto & perfecto non debemus: (§. cit.) consequens est; 1) ut & officia, quæ alteri debemus, alia sint *justitia*, quæ PERFECTA; alia *humanitatis & beneficentia*, quæ IMPERFECTA vocamus.

§. CLXXIV.

Eorum
definitio-
nes.

Itaque OFFICIA PERFECTA sunt, ad quæ homo perfecte, & per modum coactionis, obligatus est, puta ut neminem lædat, & cuique, quod suum est, tribuat, IMPERFECTA, ad quæ imperfecte sine coactione, & ex ipsa virtute, obligamur, puta, ut alterius perfectionem ac felicitatem æque, ac nostram, pro virili amplificare studeamus.* (§. LXXXIV.)

*) Itaque officia PERFECTA nobis necessitatem imponunt, ne in alterum imperfectiorem infeliciozemque reddamus: IMPERFECTA monent, nos nondum veræ virtutis laudem adsequutos, nisi & alios perfectiores ac feliciores reddere, pro virili annitamur. Ea officia jam veteres jureconsulti accurate distinxerunt, veluti Paulus, dum *quædam voluntatis, & officii magis, quam necessitatis, esse*, scripsit l. 17. §. 3. D. *commodati*. Adde locum Senecæ, quem attulimus supra §. LXXXIV.*.

§. CLXXV.

Alia item
absoluta,
alia hy-
potheti-
ca.

Quandoquidem igitur, quod ad OFFICIA PERFECTA attinet: illa in eo posita sunt, ut

NEMI-

NEMINEM LÆDAMUS, & CUIQUE, QUOD SUUM EST TRIBUAMUS, (§. CLXXIV.) lædere autem est alterum infeliciores, quam natura est, reddere, (§. LXXXII.) suum denique aliquis dicere potest, quod iuste adquisivit: (§. cit.) sequitur sane, 2) ut obligatio ad neminem lædendum sit *connata*; ad suum cuique tribuendum, *adquisita*. Unde prius officium ABSOLUTUM; posterius, quod suum cuique tribui jubet, HYPOTHETICUM vocamus.*)

*) Itaque ABSOLUTUM officium nobis est, quod homo ab homine exigere potest nullo posito iure, quod per factum aliquod adquisiverit: HYPOTHETICUM, quod, demum posito aliquo iure, per factum adquisito, exigitur. Sic homo ab homine iure exigit, ne occidatur, nullumque ideo ponit factum, quo sibi hoc jus adquisiverit. At non posset quisquam iure conqueri de rebus sibi ab altero præreptis, nisi jus aliquod circa illas res, veluti dominium, facto adquisivisset. Itaque *neminem occidere* est officium absolutum; *furari noli* officium hypotheticum. Quod discrimen si non neglexisset *ὁ πᾶσι* Salmasius, de *usur.* Cap. IX. facile intellexisset, non fugisse rationem iureconsultos, qui *furtum admittere naturali iure prohibitum esse*, contendunt l. 1. §. 3. D. de *furt.* §. 2. Inst. de *obl. quæ ex delict.*

§. CLXXVI.

Quumque porro jus, quod circa rem aliquam adquisivimus, vel ex DOMINIO, vel ex PACTO seu CONVENTIONE proficiscatur: consequens est, 3) ut omnia officia HYPOTHETICA, vel ex DOMINIO, vel ex PACTO nascantur, adeoque 4) is commodissimus futurus

Quo ordine de his agendum?

turus sit tractationis nostræ ordo, ut primum de officiis PERFECTIS ABSOLUTIS, deinde de IMPERFECTIS, tum porro de HYPOTHETICIS, quæ ex DOMINIO, ac denique de iis, quæ ex PACTO oriuntur, paulo accuratius agamus. *Imperfecta enim hypotheticis* idco præmittenda putavimus, quia homines, frigescente demum atque oblanguescente humanitate, in- vecto dominio, patisque interpositis, consu- lere sibi cœperunt.

§. CLXXVII.

Homo
hominē,
ut sibi æ-
qualem,
tractare
debet.

Primo ergo omnium ponendum est, ho- minem homini esse natura æqualem, (§. CLXXII.) iisdem quippe cum altero parti- bus essentialibus constantem. Et quamvis al- teri præ altero perfectio aliqua veluti sortito obtigerit: diversos tamen perfectionis gra- dus nihil mutare circa hominis essentiam, sed unum æque esse hominem, ac alterum. Ex quo sequitur, 5) ut alter alterum; tam- quam æque hominem tractare, nec in rebus, quæ pluribus jure perfecto competunt, præ aliis prærogativam sine justa causa adfectare, adeoque 6) quod sibi fieri non vult, nec al- teri facere teneatur.* (§. LXXXVIII. § 4.)

*) Hæc regula tam est rectæ rationi consenta- nea, ut eam nec pagani ignorarint. Sal- tim eam sententiam in deliciis fuisse Alexan- dro Sévero Imp. auctor est Æl. Lampridius, *Cap. LI. Clamabatque sapiens, quod a quibus- dam, sive Judæis, sive Christianis audierat & tenebas, idque per præconem, quum aliquem emendaret, dici jubebat: QUOD TIBI FIERI NON VIS, ALTERI NE FECERIS. Quam sententiam usque*

usque adeo dilexit, ut & in palatio, & in publicis operibus, præscribi juberet, Probabile est, quod observavit Lampridius, Alexandrum hanc sententiam a Christianis accepisse. In sensu enim æjente totidem verbis habetur *Matth. VII, 12. Luc. VI, 31.* At inde non sequitur, ut non & ratio eam veritatem perspicere potuerit. Similia enim sunt apud *Simplicium ad Epict. Enchirid. Cap. XXXVII.*

§. CLXXVIII.

Quum ergo quod nobis fieri nolumus, nec alteri facere debeamus, (§. CLXXVII. 6.) nemo vero nostrum perfectione ac felicitate sua, quam jam natura habet, vel juste adquisivit, ab alio privati, vel res suas deteriores reddi, id est, lædi velit: (§. LXXXII.) consequens est, 7) ut & nos neminem imperfectiorem vel infeliciorem reddere, adeoque 8) & neminem lædere debeamus. Et quia ad felicitatem nostram ac perfectionem non modo CORPUS, sed & MENS præcipue, pertinet: 9) ad utramque hominis partem pertinere hoc præceptum, quin 10) læsionem mentis tanto esse corporis læsione graviolem, quanto mens ipsa corpore præstantior est, *Elem. phil. mor. §. XIV.*) facile intelligitur. *)

Ac proinde de nemo lædendus.

*) Hinc graviter Epictetus invehit in eos, qui id tantum damnum reputant, quo corpori rebusve suis aliquid decedit, non illud, quo mens redditur deterior. Οὐκ οὐκ, inquit, σωματικὸν ἐλάττωμα εἰς κλῆσιν, ἐκεῖ ἡ βλάβη. ὅπου εἰ καὶ παύσις, ὑδριμία βλάβη. ἔτι γὰρ καὶ κεφαλῇ ἀλγὴν ὁ ἐξαπατηθεὶς, ἢ ἀδικήσα, ἔτι καὶ ἀφ' αὐτοῦ ἔτι τὸ ἰσχύει, ἔτι καὶ

ἀρξὸν ἀποκτείν. ἡμεῖς δ' ἄλλο ἔργον εἰδείμεν ἢ ταῦτα. ἢ διαίρεσιν δὲ πότιον αἰδῆμον ἢ πιστὸν ἔξωθεν, ἢ αἰσχύωτον, ἢ ἀπιστον ἐν ἑργῶς διαφύμεθα. *Ubicumque in his, quæ ad corpus pertinent, possessionibus aliquid damni acceperimus, illico jacturam nos fecisse arbitramur: sed in voluntatis proposito quum detrimenta nobis eveniunt, nihilominus tamen, damnum nos accepisse nullum, censemus: quandoquidem ei, qui corrumpit alterum, aut corrumpitur, nec caput dolet, nec oculus, nec coxa, sed nec fundum amittit, atqui aliud nihil volumus, quam ista. Inter nos vero disceptatio nulla est, ne mediocris quidem, utrum satius sit, voluntatem habere pudicam, & fidelem, an vero impudicam, & infidelem. At-
rian. Diss. Epictet. II, 10.*

§. CLXXIX.

Nemo occidendus, nullius sanitati ac corpori damnum inferendum.

Totius hominis perfectio ac felicitas consistit in VITA, id est, in unione mentis & corporis, (§. CXLIII.) quæ quidem perfectio inter eas, quas a natura accepit, præstantissima, & reliquarum veluti fulcrum ac fundamentum est. Quum ergo alterum perfectione ac felicitate, quam a natura accepit, privare nefas sit; (§. CLXXVIII. 7.) nec nos ab altero vita privari velimus: perse patet, (§. CLXXVIII. 6.) 11) officii nostri esse, nec alium occidere, vel 12) ejus sanitati detrimentum inferre, vel 13) mortis aut morbi causam dare, vel 14.) eum citra jus, aut occidendi animo, periculo exponere.*)

*) Neque enim magis peccat, qui hominem, in quem sibi nihil imperii est, periculis obicit, quam qui jure atque imperio suo ita abu-

abuteretur, ut alterum, quem perire cupit, eo consilio exponat periculo. Sunt talia exempla apud Polyb. I, 9. Diod. Sic. Bibl. XIV, 73. XIX, 48. Justin. Hist. XII, 5. Curt. VII, 2. immo in ipsis sacris litteris, II. Sam. XI, 15. ubi & sequente Cap. XII, 9. ideo homicidium Davidi exprobratur a Nathane, quod Uriam eo animo, ut periret, in periculosissima statione collocari jussisset. Add. Pufend. de jure nat. & gent. VIII, 2. 4.

§. CLXXX.

Attamen, quum nemo teneatur alterum magis, quam seipsum, amare, (§. XCIV. 65.) & sæpe contingat, ut aut alicui ipsi, aut alteri, pereundum sit; consequens est, 15) ut eo casu, si quis nos adgrediatur, in ancipiti illo periculo quælibet sit honesta ratio expediendæ salutis, (§. CLXIII. 66.) adeoque 16) & cum eade repellere adgressorem liceat, dumne quis 17.) limites justæ defensionis excedat.

Nisi necessitas ipsa uti nos cogat moderamine inculpatae tutelæ.

§. CLXXXI.

Quinam vero sint justæ defensionis limites, nemini erit obscurum, qui absolutam præcipue necessitatem, id est, nullo alio modo evitabilem, (§. CLVII.) favorem mereri, meminerit. Ex hoc enim consequitur, 18) ut tum demum moderamini inculpatae tutelæ sit locus, si quis in absoluta necessitate, vel respectiva quidem, sed in quam sua culpa non inciderit, versetur. (§. CLVIII. 55. 56.) 19) Ut defunctus omni periculo, nullo amplius defensionis jure gaudeat. 20) Ut qui vel sine adgressoris læsione, vel leviori malo adgressori representato, pericu-

Ejus limites.

lum evitare potest, ei jus non fit, ad eadem temere provolandi, *) quum ex duobus malis physicis, id quod minimum est, malum eligendum esse, vel ipsa recta ratio nos doceat, (*Elem. philos. mor.* §. CLII. *)

*) Homo obligatus semper est ad eligendum id, quod est optimum. (§. XCII. *) Optimum ergo quum sit medium, quo facillime ac tutissime finem nostrum obtinemus: obligatos non esse oportet ad medium facillimum tutissimumque expediendæ salutis, adeoque ad evitandam alterius eadem, si aliud supersit periculo nos expediendi medium. Recte Theocrit. *Eidill.* XXIII.

Ὀλίγω πενίῃ κακῶ μέγα πόνος ἀναιρεῖται.

Par est, exiguo malo magnam litem tollere.

§. CLXXXIII.

Adversus
quos eo
uti possi-
mus?

His vero observatis principiis evidentissimis, nihil facilius est, quam ad quæstiones omnes, quæ de hoc moderamine inculpatæ tutelæ incidere possunt, respondere. Si enim quæras, adversus quos eo uti liceat? recte respondebis, 21) adversus omnes, per quos in periculum illud sine tua culpa adductus sis: (§. LXXXI. 18.) adeoque 22) & adversus furiosos, mente captos, itémque 23) eos, qui aliud invadere parantes, te per errorem invaserint. Uti enim præclare observavit Grotius *de jure belli & pac.* II. 1. 3. jus defensionis hic non nascitur ex peccato atque injustitia ejus, a quo intentatur periculum, sed a jure nostro periculum nobis intentatum propulsandi quovis modo, nec

Cap. VII. De Officiis erga alios &c. 149
 nec alterius vitam eo casu propriæ salutis
 antepponendi. *)

*) Et huc pertinet fabula Oedipi qui patrem
 se adgredientem invadentemque tuendi sui
 causa ignarus occiderat, quod factum ira
 purgat apud Sophoclem in Oedipo Colon. v.
 1032.

Εἴ γάρ μ' ὁμνήσαι μῦθον, ὣν σ' αἰσχροῦ.

Εἴ τις σε τ' δικάσει ὡτί κ' ἐνθάδε

Κτείνειν πασάς πινθαλίαι αἰ εἰ

Πατήρ σ' ὁ καίνων, ἢ τίς τι αἰ δίδως;

Δουκῶ μὲθ, εἴσπερ Ζεὺς φιλεῖ, τ' αἰτιον

Τίτοι αἰ ἐδὲ τευδικὸν περιβλέποις.

Τοιαῦτα μέντοι καὶ τοὺς εἰσέβλυω κακὰ,

Θιῶν ἀγόντων· οἷς ἐγὼ ἐδὲ τ' πατρί

Ψυχῇ αἰ ὅμοι Ζῶσαι αἰτιεῖται ἰμοί.

Unum enim responde mihi, quod in te interrogo,

Si quis te virum justum, statim hic

Opprimeren occidere vellet: quæresne,

Utrum pater is esset, qui te occideret, an

vero statim ulciscereres?

Existimo, si quidem vitam amares, aucto-
 rem cædis

Ulciscereres, neque, quid justum, circum-
 spiceres.

In talia mala & ego incidi,

Diis impellentibus, de quibus ne quidem
 patris

Anima, si reviviscat, mihi contradicturna
 esset.

§. CLXXXIII.

Nec minus inde discas, quamdiu illud jus ^{Spatium}
 sese adversus invasorem defendendi duret, ^{ejus in li-}
 Recte enim hic distinguunt doctores inter ^{bertate}
 eos, qui in statu naturali nulli magistratui, ^{naturali.}
 a quo defendi possent, subiecti vivunt, &c

qui cum aliis in civitatem coaluerunt. Quum enim in libertate illa naturali, nemo sit, a quo nobis de injuria caveri possit: 24) defendendi jus non potest non incipere ab eo tempore, quo in periculo esse coepimus, & durare tamdiu, quoad extra periculi aleam simus constituti. (§. CLXXXI. 18. 19.) Quandoquidem vero periculum nostrum incipit a tempore, quo alter hostilem animum adversus nos ostendit, & tantisper durat, dum illum animum hostilem nondum deposuit: 25) tamdiu etiam durare jus defendendi, manifestum est. *)

*) Atque hoc est fundamentum, quo universum jus belli nititur, ut alteri, qui hostilem adversus nos animum manifesto prodit, omnesque æquas pacis conditiones pertinaciter respuit, mala intentare tamdiu possimus, donec deposito hostili animo nobiscum redierit in gratiam. Quæ de re infra suo loco plura erunt dicenda.

§. CLXXXIV.

Et in statu civili. Quum contra in statu civili, civis, qui hostilem animum adversus civem prodit, minas spargit, insidiasve alteri struit, a magistratu possit coerceri: consequens est, 26) ut civis nec insidiantem sibi alterum opprimere, nec 27) periculo defunctus, vindictam, quam a superiore sperare potest, vi & armis petere possit; adeoque 28) tempus inculpatæ defensionis expediendæ angustis admodum finibus circumscriptum, cum ipso periculo incipiat, nec duret diutius, quam ipsum periculum. *)

*) Et

*) Et ita recte jureconfulti violentam defensionem quidem permittunt, sed non nisi in continenti. Ulpianus l. 3. §. 9. D. de vi & vi arm. Eum igitur, qui cum armis venit, possumus armis repellere, sed hoc confestim, non ex intervallo. Et alibi expressioribus verbis concedit Paulus, ut, qui lapidem, quum aliter se tueri non posset, in irruentem projecisset, non teneretur lege Aquilia, dum id evadendi duntaxat; non etiam ULCISCENDI causa, factum sit. l. 45. §. 4. D. ad leg. Aquil.

§. CLXXXV.

Præterea ex his principiis (§. CLXXXI. 20) facile intelliges, 29) non licere ei defensionem ad eadem usque adgressoris porrigere, qui de ejus impetu præmonitus, aut eundem in tempore conspicatus, domi se continere, aut 30) in tutiorem locum sese recipere, aut 31) vulnere, vel mutilatione aliqua ejusdem impetum cohibere potest, *) quamvis 32) ad fugam, ipso jam fervente conflictu, capeßendam, ob anceps illius periculum, nemo omnino obstrictus videatur, nisi forte tutum ipsi pateat perfugium. Pufendorff. de jur. nat. & gent. II, §. 13. Ubi tamen denuo monendum, 33) quum in statu civili tam breve sit defensionis tempus, ut in tanta animi perturbatione omnes evadendi vias circumspicere non liceat, merito non omnia tam amare exigenda, ac veluti ad vivum resecanda esse.

Modus
violente
defensio-
nis.

*) Multo minus ergo quis ad vim & eadem jure provolat, si alter ab adgressione desistit, ostenditque, se cum adversario in gratiam redire velle. Unde recte Aristides in *Leuætric.* I. observat, *Thebanis ad æqua omnia*

paratis, Lacedæmonis vero ultro tendentibus, bonam causam ab his ad illos transisse. Vid. Grot. de J. B. & P. II, 1. 18. Pufend. de jur. nat. & gent. II, 5. 19.

§. CLXXXVI.

Pro quibus rebus sit licita?

Denique inde non minus intelligi posse videtur, pro quibus rebus quis ad violentam illam defensionem sese accingere possit? Quum enim quædam sint calamitates, quæ homini aliquando ipsa morte videntur acerbiores, nec extrema tantum necessitas, sed & ea, quam salva vita ferre possumus, favorem mereatur: (§. CLVIII. 54.) consequens est, 34) ut, quæ pro vita, eadem pro sanitate, nec non 35) pro integritate corporis, immo & 36) pro pudicitia tuenda. *) nec non 37) pro magistratuum, parentum, liberorum, amicorum, sed & omnium aliorum, quos in periculo constitutos esse animadvertimus, defensione sint permissa.

*) At hic multi dissentiunt, veluti Augustinus *de libero arbitrio* I, 5. Thomas *Jurispr. div.* II, 2. 114. Buddæus *Theol. moral. Part. II. Cap. III. Sect. III. §. XX.* * ex ea ratione, quod pudicitia, tamquam virtus animi, eripi aut vi extorqueri nemini possit. Sed quamvis pudicitia mentis satis in tuto sit: attramen honestæ virgini ac matronæ non atrocior ulla videri potest injuria, quam stuprum violentum, maxime quum alteri prolem ex se excitare cogatur, & castitatis etiam externæ jactura sit irreparabilis. Quare recte Quintilian. *Declam. CCCXLIX. Puellam usque in eam injuriam traxisti, qua nihil gravius bella habent.* Quis ergo vitio vertat honestæ feminæ, si tam atrocem & intoler-

Cap. VII. De Officiis erga alios &c. 153
tolerabilem injuriam etiam cum stupratoris
interitu a se amoliri conetur?

§. CLXXXVII.

Paullo difficilior quæstio est, an & is, qui An. & pro
honore &
existima-
tione
tuenda?
pro honore atque existimatione tuenda, e. g.
pro amolienda alapa, ad eadem provolavit,
moderamine inculpatæ tutelæ usus esse videa-
tur? At quamvis nihil, si a vita discesseris,
existimatione sit præstabilis, & hinc sint,
qui hic quoque locum esse violentæ defen-
sioni, existiment: (vid. Grot. *de jure belli &
pac.* II, 1. 10) tamen, quia solum periculum
vitæ aliæque, quæ cum vitâ pari passu am-
bulant, amittendi jus nobis det utendi in-
culpatæ tutelæ moderamine, (§. CLXXXVI.)
existimatio vero & honor propter injuriam
non amittitur, immo potius in statu civili non
desunt legitima injuriam vindicandi media:
non possumus non 38) eorum suffragari sen-
tentiam, qui hic cessare jus violentæ defen-
sionis prudenter censent.

§. CLXXXVIII.

Quum porro officium erga alios absolutum Nemo
lædendus
ratione
intelle-
ctus.
de nemine lædendo ad MENTEM non minus,
quam ad corpus, pertineat, (§. CLXXXVIII.
9.) & mentis facultates sint INTELLECTUS &
VOLUNTAS: quod ad priorem attinet, nemo
temere negaverit, 39) eum graviter lædere
alterum, qui juvenem, vel alium minus acu-
tum, mendaciis ac sophismatibus in errorem
inducit, 40) eundem a veritate avertit, 41)
præjudicatisque opinionibus imbuat, immo &
is, 42) qui vel tædiosa docendi ratione, vel
adfectata severitate efficit, ut suæ disciplinæ

traditus ab omni veritatis ac sapientiæ studio
abhorreat. *)

*) Ira graviter omnino Maximilianum I. Imp.
læsit Petrus, postea Nonæ civitatis antistes,
de quo Cuspinian. p. 602. *Uti vero habilis
per ætatem ad litteras addiscendas fuit Ma-
ximilianus, magistro Petro traditus, aliquot
annis cum nobilium quorundam filiis contra-
bernalibus Latinas didicit litteras. Sed quum
ejus præceptor, solis dialecticis argutis do-
ctus, sophismata illi inculcare vellet, ad quæ
capessenda aptus non erat, sæpius atrociter ver-
beratus ab eo, magis ipse verberandus, quum
verbera servos deceant, non liberos, tandem
effecit, ut litteras magis odio haberet, quam
diligere. Mansit etiam alta mente repositum,
quantum detrimenti hoc ipso ceperit. Idem
enim auctor est Cuspinianus, idemtidem de
hoc fato suo graviter conquestum esse Maxi-
milianum, & aliquando inter prandendum,
multis adstantibus, dixisse: Si hodie præceptor
meus viveret Petrus, quamquam multa præce-
ptoribus debeamus, efficerem, ut se instituisse
me paniteret. Add. Ger. a Roo Lib. VIII. p. 288.*

§. CLXXXIX.

Necra-
tione vo-
luntatis.

Quumque non minus gravis sit læsio vo-
LUNTATIS, quæ CORRUPTIONIS nomine venit:
consequens est, 43) ut contra officium fa-
ciant, qui alterum corrumpunt, 44) ad vo-
luptates, libidines, aliaque vitia pelliciunt,
45) & vel verbis minus honestis, vel 46)
exemplis turpibus, animum deteriorem red-
dunt, vel denique, 47) quum eum a vitiis
prohibere, & in viam reducere possint de-
beantque, id vel place non, vel non ca,
qua

qua par est, animi contentione faciunt, sed, 48) quantum in ipsis est, peccantem adjuvare student.*)

*) Quam gravis & hæc sit læsio, satis intellexit Dionysius, tyrannus Siculus, qui quum ægre facere cuperet Dioni, quem in Peloponneso manum comparare, sibi que bellum facere conari, audiverat, filium ejus sic educari jussit, ut indulgendo turpissimis imbueretur cupiditatibus. Quamobrem pæro, priusquam pubes esset, scorta adducebantur, vino epulisque obruebatur, neque ullum tempus sobrio relinquebatur. Is deinde usque eo vitæ statum commutatum ferre non potuit, postquam in patriam rediit pater, (namque adpositi erant custodes, qui eum a pristino victu deducerent) ut se de superiore parte adium dejecerit, atque ita interierit. Corn. Nep. Dion. Cap. IV. Non ignota eadem ars Romanis adversus hostes suos, aut dubiæ fidei amicos, ceu docent exempla apud Tacit. *Histor. IV. 64. Agric. XXI.* Immo arcanum hoc tyrannicum esse, observat Forstner. in *Taciti Annal. Lib. I.* Utinam inde demum hunc fructum caperet ætas cerea in vitium flecti, monitoribus aspera, nullos se habere hostes magis infensos, quam eos, a quibus a veris virtutibus abducta ad mollem & luxuriosam vitam pellicitur: quin se tyrannis servire, dum se ab illis corrumpi patitur!

§. CXC.

CORPUS porto alterius quum non magis, quam mentem, lædere deceat: (§ CLXXVIII. 9) nefas sane est, 49) alterum verberibus, plagis, aliisque injuriis adficere, 50) vulnera infligere, 51) membris eorumve parte

Nec ratione corporis.

quem mutilare, 52) corpus alterius inedia, vinculis, tormentis, injuria excruciare, res, quibus ei ad conservandam suaviterque transigendam vitam opus est eripere, intervertere, deterioresque reddere, & si qua alia sunt, quibus usus corporis, quod sanum & integrum aliquis a natura acceperat, alterius dolo vel culpa redditur deterior. Quum enim ab his omnibus nos natura adeo abhorreamus, ut mors nobis minus, quam hæc injuriæ, acerba videri soleat: sane, quod fieri nobis nolumus, nec aliis faciendum esse satis unusquisque intelligit. *)

*) Et hinc esse videtur, quod pleræque antiquæ leges poenam talionis iis proponerent, qui membrum alterius rupissent. Vid. *Exod. XXI, 23. Lev. XXIV, 50. Gell. Noct. Att. XX, 1. Diod. Sic. Bibl. XII, 17.* Quamvis enim vix probabile sit, vel apud Hebræos, vel apud Romanos, juri illi talionis κατὰ τὸ πρῶτον locum fuisse: Joseph. *Antiq. Jud. IV, 7. Gell. ibid.* eo ipso tamen, justissimum esse, ostenderunt legislatores sapientissimi, illi, quod nolit, fieri, qui alteri, quod sibi fieri noluisset, fecerit.

§. CXCI.

Quod ad statum hominis attinet, ad hoc caput præcipue pertinet primo EXISTIMATIO, tum SIMPLEX, qua quis pro malo habetur, tum INTENSIVA, qua ob merita præ aliis gaudet. De opibus enim & facultatibus, quia sine dominis concipi non possunt, infra deum erit dicendi locus. Quum vero, quod ad famam atque existimationem attinet, aliquis lædi non possit nisi per CALUMNIAS, (§. CIIV.)

Nec factione existimationis.

(§. CLIV.) & dicta factaque, ad contumeliam ac ignominiam alicujus comparata, quæ INJURIAS vocamus: 53) ab utrisque abstinendum esse, eo minus obscurum est, quo ægrius eas fere solemus, ab aliis illatas.*)

*) Hinc recte Simplicius ad Epict. Enchirid. Cap. XXXVIII. p. 247. injurias & contumelias vocat *παρὰ φύσιν ἕκασ διαδίσει: τ' ἡυχῆς, ἢ νόου ἢ αἰσχύης, καὶ καλῶς τ' ἡυχῆς*, adfectiones animæ, naturæ contrarias, quin morbos probra, & vitium animarum. Quod vero naturæ mentis contrarium & in se malum est: illud consentaneum esse non potest juri naturæ, quod nos ad bonum obligat. (§. LXXVIII.)
§. CXCI.

Deinde & ratione PUDICITIÆ lædi potest Nec ratione pudicitiz. hominis status, quia, illa sive blanditiis sollicitata, sive vi prostrata, & existimatio detrimentum capit, & ipsæ turbantur familiæ. Quum ergo nemo lædendus sit: (§. CLXXVIII. 8) facile patet, 54) nullius pudicitiz struendas esse insidias, 55) omniaque stupra, tum violenta, tum 56) voluntaria, *) multoque magis 57) adulteria, & 58) reliquas nefandas ac intolerabiles injurias juri naturæ omnino repugnare.

*) Quamvis enim hic cessare videatur axioma: *Quod tibi non vis fieri, alteri ne feceris*, quum uterque consentiat, adeoque id, quod fit, sibi fieri velit: primo tamen generatim nemo sibi quidquam vult fieri, quo fiat infelicior. Infelicior vero fit, qui ad voluptates, libidines, aliaque vitia pellicitur, adeoque ratione voluntatis læditur. (§. CLXXXIX.) Deinde plerumque læduntur, & alii,

alii, veluti parentes, sponsi, cognati, ac saltem, quod ad hos attinet, manifesto stuprator violat axioma illud juris naturæ præcipuum: *Quod tibi non vis fieri, alteri ne feceris*. Denique qui stuprum feminae persuadet, is eam corrumpit. Quum vero nos, si sapimus, corrumpi nolimus: nec feminam illam corrumpere licet. Tantum ergo abest, ut excusanda sit illa alienæ pudicitia sollicitatio, ut eam quidam legesatores gravius puniendam existimarint, quam stuprum violentum, quod eos qui vim faciunt, odio haberi censuerunt, ab illis, quibus vis illata est: quum qui se insinuando persuadent, adeo animos pervertant, ut aliorum uxores sibi reddant benevolentiores, quam maritis, & universam domum suæ faciant potestatis, liberosque reddant incertos, maritorumne sint, an adulterorum. *Lylias Orat. I.*

§. CXCIH.

• Lædi aliquis potest cogitando, gestibus & verbis & factis.

Ex his vero, quæ adhuc diximus, satis intelligitur, 59) lædi aliquem posse actionibus tum *internis*, puta COGITATIONIBUS, ad alterius læsionem comparatis, tum *externis*, veluti GESTIBUS, VERBIS & FACTIS. (§. XVIII, 36) Hinc satis patet, 60) etiam odium, contemptum, invidiam, aliaque animi vitia juri naturæ adversari. * 61) Abstinendum quoque esse a gestibus, ex quibus odium, contemptus, invidia elucent, quique alterius animum perturbare possunt. 62) Multo gravissimam in foro humano esse læsionem, quæ in verbis factisque consistit.

*) Quia auctor juris naturæ est Deus *καὶ φύσις*, sane non minus ejus voluntatem violat, qui quid contra legis suæ præscriptum

cogitat, quam qui illam verbis factisque transgreditur: ac proinde jam supra jus naturæ ad actiones internas non minus, quam ad externas, pertinere observavimus. (§. XVIII. 36.) Deinde quum juris naturæ genuinum principium sit AMOR, (§. LXXIX, 37.) is vero non primario in actione externa, sed in adpetitione boni, cum percepta ex alterius perfectione & felicitate delectatione conjuncta, consistat: (§. LXXX.) non potest non juri naturæ repugnare etiam odium alterius, adeoque averfatio cum percepta ex alterius infelicitate atque imperfectione delectatione conjuncta, quamvis illa interna sit, & in sola cogitatione consistat. Hinc Servator noster, optimus legis divinæ, tum naturalis, tum positivæ, interpret, & actiones internas legis adversas damnat. *Matth. V, 22. 28.* Et hæc iis opponenda duximus, qui jus naturæ & gentium tantum ad actiones externas pertinere existimant.

§. CXCIV.

Quum vero & VERBIS, seu SERMONE, la-
di alter possit: (§. CXCIII. 62.) operæ pre-
tium fuerit, de officiis circa SERMONEM age-
re paulo accuratius. Tanta nimirum erga nos
est providi numinis clementia, ut non modo
mentem nobis dederit, quæ percipere, judi-
care, ratiocinari, adpetere item & adversa-
ri possit, suarumque cogitationum sibi sit
conscientia; sed & facultatem cum aliis com-
municandi animi sensa, ut & hi, quid cogi-
temus, velimus, nolimus, non ignorent.
Quamvis vero & bruta animantia hinnitu,
rugitu, murmure, boatu, latratu, similive
sono incondito animi sensa & affectus ob-
scu-

Sermo-
nem ho-
mo præ
brutis pe-
culiarem
habet.

scire & confuse prodere videamus : *) homini tamen id præterea divinitus datum est, ut, quid cogitet, clare & distincte eloqui, de eoque alterum certiores reddere possit.

*) Sic canis alio sono iram, alio dolorem, alio *quasi pariter*, alio alios affectus prodit : at quid speciatim cogitet, nec clare distincteque exprimit, nec ullo sono exprimere potest, quum tamen & canes, & pleraque animalia perfectiora iisdem præne organis loquendi, quibus homo gaudet, instructa sint. Quin quo imperfectius est animal, eo minus ullum sonum, quo animi sensa indicet, edit, veluti pisces, cochleæ, ostreae. Unde non potuisset Pythagoras magis cordatoribus omnibus debere ludibrium, quam dum se brutorum sermonem non modo intelligere, verum etiam cum iisdem colloqui posse, jactavit, seque hoc ipso vel fanatiei ingenii hominem, vel insignem impostorem esse, ostendit. Vid. Jamblich. *vit. Pythag. Cap. XIII.*

§. CXCV.

Quandoquidem ergo id, quod circa sermonem præ brutis peculiare habemus, in clara, & distincta cogitationum nostrarum communicatione cum aliis consistit, (§. CXCLII.) experientia porro docet, id nos consequi per sonos articulatos. * (id est) per sonos, per organa loquelæ tam diversimode modificatos, ut diversæ inde voces, quibus res omnes, earumque modos, statum, actiones & passiones denominare placuit, emergant. Quare SERMO est sonus articulatus, quo animi nostri sensa cum aliis clare & distincte communicamus.

*) At

Quid sermo ?

*) At ingenium humanum in eo non adquisivit, quod rebus omnibus certa ac distincta nomina imposuit, sed & alia invenit signa, quibus loco sermonis uteremur, si non esset eo utendi occasio. Sic enim invenimus modum, & cum absentibus animi nostri sensa per figuras litterarum, ita distincte communicandi, ut verba nostra non audiant, sed visu percipiant. Quod sane tam stupendum est *Opus*, ut quidam id ipsi Deo tribuere non dubitent. Est & modus veluti colloquendi per digitos, quem in Turcia ab elinguibus inventum, magnatibus ibi admodum familiarum esse, refert Ricaut *tableau de l'Empire Ottomanique* Cap. VII. p. 12. Ut jam non dicam de *oculiloquio* & *pediloquio*, de quibus singulares exstant Molleri Altorffensis *dissertationes*. Hæc omnia quamvis SERMONIS nomen non mereantur, tamen sunt loco sermonis, ac proinde, quod circa sermonem, idem & circa hæc signa justum est.

§. CXCVI.

Ex qua definitione satis patet, 63) sermonem nobis nec Dei, nec brutorum, 64) sed nostri aliorumque hominum causa datum esse, ac proinde 65) Deum velle, ut eo animi sensa, quatenus id amor, quem nobis imperavit, exigit, cum aliis communicemus, *) adeoque 66) ut ne sermone quidem nostro alios lædamus, sed 67) nostris aliorumque commodis etiam sermone nostro pro virili serviamus.

*) Recte nimirum ratiocinamur, sermonem non Dei causa nobis datum esse, quia Deus omnes cogitationes nostras, & sine ullo sermone nostro intelligat; nec brutorum causa, quæ sermo-

sermonem nostrum non tamquam sermonem ; sed tamquam alia , quibus adsueta sunt , signa percipiunt : adeoque nihil superesse , quam ut nos sermocinandi facultatem nostri aliorumque hominum causa primario accepisse statuamus. Nostri causa , non ut nobiscum cogitationes nostras communicemus , quippe quarum jam tum nobis scimus consci , sed ut alios reddamus certiores , quid nobis fieri velimus , & qua in re alios nobis utiles esse velimus . Aliorum causa , ut & his , quæ scire eorum interest , & quid illis utile futurum sit , indicare possimus . Quum ergo alii amandi sint æque ac nos ipsi , & quod nobis fieri volumus , id nec aliis faciendum sit : consequens sane est , ut neminem sermone nostro lædere , aliis vero pro virili prodesse teneamur .

§. CXCVII.

Verborum
notione
recepta
utendum.

Quum ergo ad animi sensa cum aliis communicanda comparatus sit sermo , (§. CXCVI. 65.) idque fiat per sonos articulatos , quibus res omnes , earumque modos , statum , actiones , passionisque denominare placuit : (§. CXCV.) consequens est , 68) ut colloquunturi verbis non aliam , quam quæ semel placuit , notionem tribuere , vel 69) si verbo insolito , aut notione minus vulgari utantur , mentem suam accurate explicare teneantur , nec 70) ægre ferre possint , si ceteroquin verba eo sensu , qui semel inter linguarum peritos obtinet , vel hoc tempore receptus est , accipiantur , si id verborum *συμψη* , aliæque circumstantiæ ferant .

Nemo
sermone
læden-
dus .

§. CXCVIII.

Quumque Deus velit , ut sermone animi sen-

fenſa, quatenus id amor exigit, cum aliis communicemus, (§. CXCVI, 65.) amor vero hic non patitur, ut alterum ſermone noſtro lædamus, (ib. 66.) denique lædere ſit, aliquid perfectionis felicitatiſve alteri detrahere: (§. LXXXII.) ſequitur ſane, 71) ut nihil, cujus notitiam jure perfecto imperfectione*) a nobis exigere alter poteſt, tacere: 72) nihil, quod falſum eſt, eo caſu eloqui, neque 73) quemquam ſermone in errorem inducere, vel ei ullum detrimentum adferre debeamus.

*) *Jus perfectum* eſt correlatum obligationis perfectæ, *imperfectum* imperfectæ. Prius exigit, ut neminem lædamus, ſuumque cuiſvis tribuamus: (§. CLXXIV.) adeoque toties a nobis veritatem jure perfecto a nobis exigere quis poteſt, quoties, illa diſſimulata, vel converſa in mendacium, vel adulterata ſaltem, a nobis læderetur: vel quoties ex pacto, ipſiusve negotii, quod nobis cum illo intercedit natura id illi debemus, ut veritatem eloquamur. Quumque poſterius nos ex virtute obliget ad alterius perfectionem ac felicitatem, æque, ac noſtram, pro virili amplificandam: facile patet, toties nos teneri ad veritatem aperte & ſine diſſimulatione eloquendam, quoties alterius perfectionem felicitatemque ſermone noſtro amplificare licet. Jus ergo alterius perfectum lædit, qui ſciens, alteri inſidias a percuffore ſtrui, id diſſimulat, vel illi plane perſuadet, percufforem, tamquam amicum, ſalutandi cauſa acceſſurum, itemque, qui ſuſcepta rerum alienarum cuſtodia, fures adeſſe ſciens diſſimulat, vel eos tamquam viatores apud ſe divertere, mentitur. Jus imperfectum alteri intervertit, qui

errante altero, negat, sibi rectam viam notam esse, vel ei plane viam aliam monstrat.

§. CXCIX.

Ladere
possumus
alterum
dissimu-
latione,
menda-
cio, de-
ceptione.

Qui tacet id, cujus notitiam alter jure perfecto vel imperfecto ab eo exigere potest, is DISSIMULAT. Qui eo casu eloquitur aliquid, quod falsum est, ut alteri detrimentum inferat, is MENTITUR. Qui denique alterum, cui mali quid facere cupit, in errorem inducit, eum DECIPERE alterum, dicimus. Ex quibus definitionibus, cum superiore paragra-pho comparatis, liquido patet, 74) tum dissimulationem, qualem descripsimus, tum 75) mendacium omne, tum 76) deceptionem, juri naturæ ac gentium repugnare.

§. CC.

Quando
vel tace-
re, vel
falsum
dicere,
vel ambi-
gue loqui
liceat?

Attamen quum ita comparatus sit, quem aliis debemus, amor, ut hos non majore, quam nos ipsos, sed pari amore prosequi teneamur: (§. XCIV, 65.) consequens est, 77) ut tacere liceat, si sermo noster alteri non profuturus, nobis vero aliisve detri-mentum aliquod adlaturus sit. 78) Ut & falsi quid dicere, & 79) sermone ambiguo uti non sit nefas, 80) si alteri nullum jus sit, veritatem a nobis exigendi, (§. CXCVIII.) 81) vel nos sermone aperto ei, cui hone-ste non possumus non respondere, nihil com-modi, nobis vero aliisve multum detrimen-ti essemus adlaturi, vel si denique 82) hu-jusmodi sermone ad alterum non modo ni-hil

hil detrimenti, sed & haud parum utilitatis, sit redundaturum; *)

*) Sic sane nemo vitio verterit mercatori, si a curioso interrogatus, quam dives sit, taceat, vel alio sermonem inflectat, per num. 77. Nec magis reprehensione videbitur dignus imperator, qui hostem vel sparso falso rumore, vel fama ambigua, decepit, quia hosti nullum neque perfectum, neque imperfectum jus est, veritatem ab hoste, tamquam hoste, exigendi, per num. 68. 79. 80. Porro Athanasii potius prudentiam laudaveris, quam accuses dolum, quod se fugientem persequentes ambiguo sermone ita detinuit, ut cum Athanasio se colloqui non intelligerent. Theodor. *Histor. Eccl.* 8. Sine periculo enim tacere non poterat, & sermo apertus persequentibus nihil utilitatis; Athanasio multum detrimenti attulisset. per num. 81. Denique nemo dubitat, non agere contra officium, qui, si id vel docentis conditio, vel captus auditoris exigere videatur, fabulis, fictionibus, parabolis, symbolis & aenigmatibus alios meliores reddere & veritatem sub hoc vehiculo aliis ingerere student, quum his prosint, nemini vero eo ipso noceant per n. 82.

§. CCL.

Ex quo colligimus merito, 83.) injustam esse omnem DISSIMULATIONEM, (§. CXCI. 14) non omnem TACITURNITATEM, per quam intelligimus reticentiam ejus, ad quod aperiendum alteri, nec perfecte, nec imperfecte obligamur. (§. CC. 77.) 84) Injustum esse omne MENDACIUM, (§. CXCI. 75.) non omne FALSILOQUIUM, (§. CC. 78. seq.) 25) In-

Quid taciturnitas, falsiloquium, fictio?

Injustam esse DECEPTIONEM alterius, (§. CXCI. 76) non autem SERMONEM ACUTUM & FICTUM. (§. CC. 79. sequ.) adeoque 86) hæc omnia, nisi judicio nostro decipi velimus, accurate esse distinguenda.*)

*.) Apud Græcos quodammodo ambiguum est vocabulum ψῦδος, quod & mendacium & falsiloquium significare potest. Pro mendacio enim accepit Demosthenes, dicere solitus, εἰδέν εἶναι, ὅ, τι μείζον αἰ ἀδικήσει τις, ἢ φόβον λέγων, nullam esse rem, qua gravius quis ledere possit, quam dicendis mendaciis. Pro falsiloquio Charicles, cujus fertur apophthegma: καλὸν πιστε εἶναι τὸ ψῦδος, ἔται ὠφέλην τοῖς λέγοντα, μὴδὲν καταβλάπτει τοῖς ἀκούοντα. Bonum esse aliquando falsiloquium, quum videlicet ita juvat eo utentes, ut interim audientes non ledat. Heliod. Æthiop. Lib. I. Cap. III. p. 52. At non ita ἐν τοῖς μέισων est vocabulum mendacium, quod, quum semper turpe atque detestabile vitium notet, a falsiloquio merito distinguitur. Quod & de reliquis, quæ hic conjunximus, vocabulis est observandum.

§. CCII.

Quid veritas & veracitas?

Idem observandum de VERITATE & VERACITATE. Quum enim is VERAX dicatur, qui veritatem sine dissimulatione eloquitur, quoties alteri eam ex nobis intelligendi perfectum imperfectumve jure est: consequens est, 87) ut VERACITAS semper in laude ponenda sit; contra 88) indifferens videatur, & mala non minus, ac bona esse possit VERITAS, quippe quæ in convenientia verborum signorumque externorum cum cogitationibus mentis con-

consistit, (Elem. phil. ration. §. XCIV.) siquidem 89) is non semper facit officium, qui omnes cogitationes suas aperit.*)

*) Notum illud Syracidis, *sapientis os in corde, stulto cor in ore esse*. Vera ergo dicit dives, qui thesauros suos furi prodit, nec tamen ideo ejus virtutem & veracitatem quicquam laudaverit: quum contra illi mendacium exprobrari non possit, si expiscante fure, tacuerit, aut sermonem alio inflexerit. (§. CC. *) Hinc illa Simonidis: *μὴδέ ποτε μὴ αὐτὸ μεταμελήται σιγήσαι, καὶ ἐξ ὀνόματι δὲ πολλὰ κτλ.*, numquam se penituisse silentii, sermonis saepenumero. Nec non hoc Thaletis: *οὐ τὰ πολλὰ ἢ πρὸς πρῶτον ἀποφανέσθαι δοῦναι*, non multa verba prudentis animi indicium esse. Et quæ sunt his similia.

§. CCIII.

Sermo, quo nos veritatem eloqui, vel falsi nihil dicere, serio confirmamus, dicitur ADSEVERATIO. Adseverationem, quæ sit invocato Deo tanquam vindice, JUSJURANDUM vocamus. Denique sermo, quo alteri fausta quævis a Deo precamur, BENEDICTIO, quo dira quævis adprecamur, MALEDICTIO, quo quis, exastuante ira, capiti suo dira imprecatur, EXSECRATIO solet adpellari.

Quid adseveratio, jusjurandum, benedictio, maledictio, exsecratio?

§. CCIV.

Quum ergo, qui aliquid adseverat, serio confirmet, se verum eloqui, nec falsum dicere, (§. CCIII.) id vero nemo sanus faciat, nisi qui suspicatur, pellucere mendacium, qualis suspicio conscientia malæ indicium est: (§. XXXV.) 90) nemo prudens adseverationibus temere & præter necessitatem,

Quando uti liceat adseverationibus.

tem, sed 91) tandemum utetur, si quis alter sine causa in dubium vocat ea, quæ dicit, & 92) nec aliter eum convincere potest, & 93) ejus tamen interest, sibi fidem haberi. Ex quo porto colligimus, 94) tanto magis eum agere contra officium, qui multis gravissimisque adseverationibus ad lændendum decipiendumque alterum utitur. *)

*) Quum enim alterum circumvenire & decipere, in se turpe ac contra officium sit: (§. CXCI. 76.) quid turpius atque injustius posset excogitari, quam decipere per adseverationes? Et huc pertinet Romanorum formula: UTI INTER BONOS BENE AGIER OPORTET, UTI NE PROPTER TE FIDEMVE TUAM CAPTUS FRAUDATUSVE SIEM. Cic. de offic. III. 16. Turpe enim est alterum capere & defraudare, & multo turpissimum capere & fraudare per fidem suam. Unde & famosum fuisse judicium fiduciæ, observat V. C. Franc. Car. Conradi de pacto fiduc. Exerc. II. §. IV.

§. CCV.

Quando benedictionibus? An & maledictionibus & execrationibus?

Quumque, cujus perfectione & felicitate delectamur, ei fausta quævis non minus, ac nobis ipsis, contingere velimus: 95) non iniquum sane erit, alteri benedicere, eique fausta quævis adprecari, dum id fiat serio, & ex amore, non ex consuetudine, & veluti dicis tantum causa. *) Contra ea 96) quum odium spirent maledictiones, eas esse injustissimas, nisi cum misericordia quis alteri denunciaret, quæ ejus furfuris hominibus ipse Deus jam interminatus sit. Denique 97) execrationes, quippe & amoris sui ipsius adversas, & ex desperatione & ira im-

mo

modica profectas, numquam esse excusandas: neque hic, dum ex recta ratione rem æstimamus, in censum venire debere exempla quædam heroica, quorum consideratio ad aliam cathedram videtur pertinere. —

*) Itaque pleræque faustæ acclamationes, quæ ex variis causis occurrunt solent, illustribus ac potentioribus viris, in adulationes abeunt. Immo aliquando sunt tanquam venenum, melle conditum, quoties eum, cui bene precantur, periisse mallent, vel vitæ ejus ac fortunæ struunt insidias. Hæc omnia quam non ex amore, sed odio, proficiscantur, contra jus naturæ esse, nemo negaverit.

§. CCVI.

Quod ad JUSJURANDUM attinet, quum per illud intelligatur adseveratio, Deo, tamquam vindice invocato, facta, (§. CCIII.) & ne ipsa quidem simplice adseveratione temere & promiscue utatur vir bonus. (§. CCIV.) 98) multo minus temere & sine necessitate utetur jurejurando, sed 99) tum demum, quando id vel a superiore, veluti iudice, vel ab alio deferatur, siquidem tunc vel ipse amor exigit, ut alterum de veritate reddamus certiores, eique suspensionem metumque falsitatis eximamus. Id vero 100) locum habet in omni jurejurando, adeoque 101) ne opus quidem est tot divisionibus in jusjurandum PROMISSORIUM, & ADSEPTORIUM, & hujus in TESTIMONIALE & LITIS DECISORIUM, *) quum eadem ubique regulæ obtineant.

*) Accedit, quod si rem expendamus paulo Hein. de Jur. Nat. & Gent. H ac-

accuratius, omne jusjurandum sit *promissorium*. Quisquis enim jurat, sive superiore, sive adversario deferente, ille promittit, se veritatem eloquuturum bona fide. Ceterum id interesse ajunt inter *PROMISSORIUM* & *ADSECTORIUM*, quod illud super facto futuro; hoc super præterito præstetur, quod posterius siquidem de facto alieno juratur, *TESTIMONIALE** si de proprio, *LITIS DECISORIUM*, & quidem, si a judice deferatur super facto ipso, vel *SUPPLETORIUM* vel *PURGATORIUM*; utrumque vero *NECESSARIUM*: si super quantitate obligationis, *JUSJURANDUM IN LITEM*; si super conscientia litigatoris, *JUSJURANDUM MALITIÆ* vel *CALUMNIÆ*, denique si pars parti jusjurandum extra judicium deferat, *VOLUNTARIUM*, si in judicio, *JUDICIALE* vocari solet. Enimvero hæc ex jurisprudentia magis Romana, quam ex naturali esse, vel inde patet, quod aliæ gentes, veluti Hebræi & Græci, eas divisiones non agnoverunt. Vid. *Codex Talmudicus* *רמבם* Tom. IV. edit. *Surenhus.* *Maimonid. de Jurejurando*, editus a *Diethmaro Lugd. Bapt. MDCCVI.* *Selden. de Synedr. Hebr. II, 11.* *Jac. Lydius de juramento.* Quibus addi possunt, quæ *Petitus*, aliique antiquitatum scriptores, de usu forensi jusjurandi apud Græcos passim commentati sunt,

§. CCVII.

Quumque a jurantibus Deus, tamquam vindex, invocetur; (§. CCIII.) consequens est, 102) ut in ludibrium abeat jusjurandum athei, nec leviter peccet, qui homini ejus commatis jusjurandum deferat. 103) Ut jusjurandum tum quod ad formulas, tum quod ad ritus attinet, cujusvis religioni sit *attem-*

Qui &
quomodo
de jura-
re de-
beant?

attemperandum, *) adeoque ne jurisjurandi quidem nomen mereatur adseveratio per res, quarum nulla mentem vincit religio. 104) Ut perjurii meritò det poenas, qui per falsos Deos pejeravit, immo 105) & atheus, qui dissimulato atheismo, per Deum pejeravit, tamquam qui alios decepit, jure puniatur.

*) Modo formula hujusmodi non simul tendat in ignominiam veri Dei, quippe quum actiones hujusmodi ne necessitas quidem extrema excuset. (§. CLX. 60.) Hinc experientia docet, jusjurandum, Judæo delatum, ejus religioni attemperari, quia formula illa nihil complectitur, quod in Dei veritatisve Christianæ ignominiam vergat. Contra dubitarim ego, an excusandus sit Judex Christianus, qui Mahumedanum apud se jurare jubeat *per Mahumedem, maximum Dei unius prophetam*, maxime, quum non sit talis Mahumedanorum religio, ut præstato per verum Deum, cæli terræque conditorem, jurejurando, non æque ad eloquendam veritatem adstringantur, ac si simul impostoris istius faciant mentionem.

§. CCVIII.

Ex eo porro, quod non ultro & temere, Cujus ex
sed, deferente altero, jurandum est, (§. mente
CCVL 99) colligimus, 106) jusjurandum interpre-
præstari in gratiam non jurantis, sed defe- candum
rentis, adeoque 107) illud ex ejus, non ex sit jusju-
jurantis, mente atque intentione esse expli- randum?
candum, ac proinde 108) absurdissimas esse
cavillationes illas, vel reservationes mentales, quas vocant, quibus homines improbi

jurisjurandi vim eludere conantur: 109) absurdissimas etiam interpretationes eorum, qui turpia vel absfona postulant ab iis, qui ultro jurarunt, alterum repulsam a se non laturum.*)

*) Quamvis enim multipliciter peccet, qui se tali jurejurando obstringit, primo quod ultro ac præter necessitatem, & nemine deferente, jurat: (§. CCVI. 98. 99.) deinde, quod in antecessum promittit, alterum non laturum repulsam, quum nondum præscire possit, qualia petiturus sit alter: denique quod hoc ipso se sine necessitate vel perjurii, vel temerarii jurisjurandi periculo exponit: non tamen hujusmodi jurejurando quisquam obstringitur ad id, quod juratus promittit, præstandum, si quid alter, quod factu impossibile, turpe, atque iniquum sit, petat. Quam enim sibi ipse detulerit jusjurandum; illud procul dubio ex ejus tantum mente ac consilio erit interpretandum. (§. CCVIII. 107.) Nemo vero, cui sana mens est, sese ad ea, quæ vel per naturam, vel per legem fieri non possunt, obstringere velle creditur. Peccavit ergo Herodes *Matth. XIV.* dum filia saltatrici jurejurando temerario promissit, se, quidquid esset petitura, daturum, ac multo graviore se scelere obstrinxit, dum ei petenti Joannis caput indulgere non dubitavit.

§. CCIX.

Effectus Ceterum quum jusjurandum sit adseveratio, *ejus & nata inde obligatio,* cum invocatione Dei tamquam vindicis, conjuncta: (§. CCIII.) consequens est, (§. CXXXI. 36.) 110) ut quisque obligatus sit ad jusjurandum religiose servandum. 111) Ut cavil-

villationibus iurijurando non satisfiat. *) Ut tamen 112) legi cedere debeat obligatio iurijurandi, adeoque 113) illud nullam obligationem producat, si quis se eo ad rem turpem, legibusve prohibitam, devinxerit, quamvis, 114) si legibus directe non refragetur jurata promissio, omnino quis teneatur, nisi dolo alterius malo deceptus, vel vi injusta adactus, jurarit. (§. CVII. §. CIX. 43.) Ex quo denique patet, 115) quid statuendum sit de canonistarum axioma: *omne iusjurandum esse servandum, quod sine sempiterna beatitudinis detrimento servari possit.*

*) Est vero satisfactio per CAVILLATIONEM, si quis verbis non menti deferentis satisfacit. Quod quam impium sit, facile patet. Qui per cavillationem satisfacit iurijurando, is alterum decipit. Decipere alterum in se injustum est, (§. CXCIX. 76.) & multo quidem injustius, si quis invocato summo numine, tamquam vindice decipiat. Hinc vero perjurium admisit Hatto, Archiepiscopus Moguntinus, dum Alberto Bambergensi pollicitus, se eum saluum reducturum in castellum, simulata fame, reduxit ad capiendum jentaculum, exsolutum se eo ipso ratus iurijurandi religione. Otto Frising. Chron. VI, 15. Marian. Scot. ad ann. DCCCCVIII. Miratur hanc Archipræsulis versutiam Ditmarus Merseb. Lib. I. ineunte, & recte miratur, quum ne Romani quidem sine censura ac nota dimiserint captivum, qui simili jurejurando astute hostes deceperat. Gell. Noct. Att. VII, 18. De eo recte Cic. de offic. III, 32. Liberatum se esse jurejurando interpretabatur. Non recte Fraus enim adstringit, non dissolvit perjurium. Fuit igitur ficta calliditas,

perversè imitata prudentiam . Itaque decrevit Senatus, ut ille veterator & callidus victus ad Annibalem duceretur.

§. CCX.

Qui læ-
dit, te-
netur ad
satisfa-
ctionem.

Sic satis demonstrasse nobis videmur, neminem nec verbis, nec factis, nec ipsa cogitatione, esse lædendum. Quum vero quicumque alterum infeliciorem reddit, LÆDERE dicatur: is vero vel maxime alterum reddat infelicem, qui, quod ei intulit, damnum non refarcit: consequens est, 116) ut, qui damnum dedit, ad illud refarciendum satisfaciendumque omnino sit obligatus. 117) Ut, qui satisfactionem illam alteri denegat, novam illi injuriam inferre, ac denuo illum lædere recte dicatur. *) 118) Ut si plures damnum dederint, circa satisfactionem idem observandum sit, quod supra de imputatione actionis a pluribus perpetratæ diximus (CXII. sequ.)

*) Obligationem hanc ad satisfactionem Aristoteles *Ethic. ad Nicom. V, 2.* ex contractu involuntario; Pufendorffius *de jur. nat. & gent. III, 2.* ex eo derivat, quod frustranea futura esset lex de nemine lædendo, nisi simul vellet legislator, ut damnum refarciretur. At nos ex ipso LÆSIONIS conceptu id officium elicimus. Non enim magis imperfectiores nos atque infeliciores reddit, qui quid nobis, quod nostrum est, intercipit & aufert, quam qui, quod interceptum & abstulit, non restituit, vel alio modo non satisfacit. Quum ergo nemo sit lædendus: nec reparatio damni vel satisfactio erit deneganda.

§. CCXI.

§. CCXI.

Per SATISFACTIONEM hic intelligimus præstationem ejus, quod lex a lædente exigit. Quid satisfactio; & quod duplex.

Duo autem lex quævis perfecta exigit, I) ut, quia facto suo quis alteri damnum dedit, id resarciatur. * II) Ut, quia & ipse legislator per denegatum obsequium læsus est, malum aliquod passionis ferat, quisquis alteri contra legem damnum intulit. Quamobrem 119) *satisfactio* semper & poenam, & reparationem damni, suo ambitu complectitur. Grot. de jure belli & pac. II, 17. 22. & 120) una alteram vel ideo non tollit, quod vitiositas actus, ob quam poena irrogatur, & damnum, quod resarciendum est, in omni delicto semper conjuncta sunt. Sed de POENA alibi erit dicendi locus.

*) Si damnum nullius facto illatum est, nemo etiam ad satisfactionem est obligatus, neque casus, a sola providentia divina profectus, ulli mortalium potest imputari. (§. CVI. 27.) Et inde sequitur, ut, si quis in rebus suis tale damnum passus sit, eum dominus ferre teneatur. Quod enim nemini imputare possumus: id ipsi ferre cogimur. Casum ergo, qui nemini imputari potest, ipse dominus ferre cogitur.

§. CCXII.

DAMNUM porro datum aut ita comparatum est, ut res omnis in pristinum locum restitui possit, aut ut factum infectum fieri nequeat. Quomodo præstanda?

Priore ergo casu 121) res ipsa exigit, ut res omnino in priorem statum restituatur, simulque 122) damnum quod læsus hoc ipso, quod eum re sua carere oportuit & 123)

quod pro recuperanda illa impensas facere coactus est, sensit, resarciatur. Posteriore, 124) ut æqua æstimatione in tantum, quantum fieri potest, læso præstetur indemnitas, & 125) ea in re non modo veri pretii, sed & adfectionis ratio merito habeatur. Quod exemplis homicidii, vulnerationis, mutilationis, adulterii, stupri, similiumque criminum illustrat Pufendorffius *de jur. nat. & gent. III, 1. 7. sequ.*

C A P U T VIII.

De Officiis erga alios imperfectis.

§. CCXIII.

Conne-
tionis
ratio.

ITa satis nobis demonstrasse videmur, neminem esse lædendum: quin & ostendisse, in quo constat alterius læsio. Jam ergo proximum esset, ut quomodo suum cuique tribuendum sit, eadem industria explicaremus, (§. CLXXV.) nisi hæc officia HYPOTHETICA ita essent comparata, ut sine imperfectorum natura & indole intelligi nequeant. (§. CLXXVI.) Quare consultissimum fuerit, tractationem hanc præmittere, attamen id iterum iterumque monere, ne πρότερον ὕστερον, i. e. crimen, ævi nostri Rhadamantis capitale, scientes dolo malo perpetrasse videamur.

Officio-
rum im-
perfecto-
rum fun-
damen-
tum &
divisio.

§. CCXIV.

Fons horum officiorum omnium est AMOR HUMANITATIS vel BENEFICENTIE, (§. LXXXIV.) quo ei, quem amamus, & id libenter tribuimus, quod ei non debemus jure stricto, & quod

& quod tamen ad ejus felicitatem pertinere animadvertimus. Quum vero HUMANITAS nos sine detrimento; BENEFICENTIA & cum detrimento aliis prodesse jubeat: (§. LXXXIII. *)
 1) OFFICIA etiam IMPERFECTA duorum generum esse, & in officia HUMANITATIS, vel INNOCENTIE UTILITATIS, & BENEFICENTIE, recte dispesci, patet. Utraque 2) ob multarum rerum necessarium indigentiam, tam sunt necessaria, ut homines sine iis vitam suaviter & commode traducere non possint.

§. CCXV.

Quum ergo & horum officiorum non alia esse possit norma, quam nostri ipsius amor, adeoque alios amare teneamur, tamquam nos ipsos: (§. XCIII. 66.) consequens est, 3) ut quod nobis fieri ab aliis volumus, id & aliis facere teneamur. (§. LXXXVIII. 55.) Unde & supra, dum certum principium, ad quod omnia, quæ aliis hominibus præstanda sunt, officia referri possint, præmisimus, invenimus regulam: HOMO HOMINEM NON MINUS, QUAM SEIPSUM, TENETUR AMARE, NEC ALTERI, QUOD SIBI NON VULT, FACERE; (unde officia perfecta deduximus,) CONTRA ILLA FACERE OMNIA, QUÆ SIBI AB ALTERO FIERI CUPIT. (§. XCIII. 68.) Unde officia omnia imperfecta, tum humanitatis, tum beneficentia prono alveo fluere, res ipsa docebit.

§. CCXVI.

Primo itaque nemo sibi vult ea denegari, quæ alter sine detrimento suo præstare potest. Ergo & alteri quisque talia liberaliter præstare tenetur. Inhumanissimum ergo di-

Obligatio ad officia, quæ sine detrimento præstatur.

merito, 4) qui alterum, quum possit, ope & consilio non juvat, vel ejus res non servat pro virili, 5) errantem non revocat in viam, 6) sitienti aquam profluentem, 7) algenti ignem, æstu languenti umbram, negat, vel 8) aliquid ab altero cum ejus incommodo exigit, quod facilius & sine suo alteriusque detrimento consequi posset. Quin 9) adeo levis ac tralatitia est hæc benignitas, ut sæpe per leges vel consuetudines officia hæc imperfecta in perfecta transire videamus. *)

*) Sic legibus cautum fuerat apud Athenienses, ut diris devoveretur, quisquis erranti non monstrasset viam. Hinc sententia Diphili: ἀγνοῖς, ἐν ταύτῃ ἀπαύτῃ, ἔτι ἐστίν, εἰ τίς μὲν ἐπάσκει * ὁπδὴν εἰδόν; An nescis, quod in exsecrationibus quoque sit, si quis rectam viam non ostenderit? Sic legibus quoque Romani caverant, ut quis alterum actione compellere posset ad rem exhibendam, qui sibi nec ex pacto ullo, nec ex delicto, esset obligatus. Ad consuetudinem vero provocat Latona apud Ovid. *Metamorph. VI. v. 349.*

Quid prohiberis aquas? usus communis aquarum est.

Et Seneca *Controv. I, I. iniquum est, collapsis manum non porrigere. Commune hoc jus generis humani est. Commune jus, id est, consuetudo, communi omnium gentium consensu recepta.*

§. CCXVII.

Nec non
ad ea,
quibus
abunda-
mus.

Ejusdem prope innoxie utilitatis est 10) præstatio rerum, quarum tanta nobis adfluentia est, ut eas sine notabili aliquo detrimen-

to cum aliis possimus communicare, itemque 11) earum rerum, quæ alioquin apud nos essent periturae, in aliorum utilitatem dispensatio: ut adeo 12) & illi valde inhumani sint, qui res tales corrumpunt, flammis absumunt, in mare projiciunt, in terra clam defodiunt, tantum ut nemo aliorum inde aliquid capiat utilitatis.*)

*) Est & hæc satis tralatitia humanitas, & veluti alter ejus gradus. Quemadmodum vero, qui cuiquam hæc officia denegant, valde inhumani sunt: ita iniqui actionum suarum æstimatores videntur, qui ideo maximas sibi gratias deberi existimant. Terent. Andr. II, 1. v. 31. *Neutiquam officium liberi esse hominis puto, quum is nihil promereat, postulare, in gratiæ adponi sibi.* Quis vero magnam rem præstitisse hospiti dixerit Calabrum, de quo Horat. Epist. I, 7. v. 14.

*Quo more piris vesci calaber jubet hospes.
Tu me fecisti locupletem. Vescere sodes.
Jam satis est, At tu quantumvis tolle. Benigne.*

*Non jurisa feres pueris munuscula parvis.
Tam teneor dono, quam si dimittor onustus.
Ut libet: hæc porcis hodie comedenda relinques.*

Prodigus & stultus donat, quæ spernit & odit.

Perquam inhumanus est, qui talia aliis indigentibus negat: non multo plus quam inhumanus, qui dum ea offert, tam beneficus sibi videtur, ut ideo alterum sibi perpetuo obstrictum habere debeat.

§. CCXVIII.

At quum talia aliis præstare teneamur ex Quid si
proxia no-

nobis: fu-
tura sit
humani-
tas?

amore, quo nos alios prosequi jubet Deus O. M. (§. CCXV.) nemo vero alterum se ipso magis amare teneatur: (§. XCIII. 65.) consequens est, 13) ut si his officiis nobis ipsis, vel amicis, non obfuturos esse, prævideamus, ea jure aliis denegemus. Quod quum vel maxime contingere possit in statu naturali, ubi nullus nos tutos præstat magistratus, si hostibus manifestis prodesse hoc modo non dubitemus: facile reddi potest ratio 14) cur in statu naturali hosti, quatenus hostili erga nos animo est, etiam innoxie utilitatis officia jure denegemus, 15) contra in statu civili eo obtentu nemo temere sine reprehensione utatur. *)

*) Sic in bello hostes jure prohibemus aequalitate, jure item corrumpimus comæatum, ne illis, nos invasuris, utilitatem præstet. Sed hæc omnia eatenus jure sunt, quatenus hostili in nos sunt animo. Alioquin enim, si nobis obesse non possunt, omnino humanitatis insignem ferunt laudem, qui & hostes, ex. gr. captivos, vel morbo decumbentes, sine insigni detrimento suo juvant. Quumque in statu civili non temere nobis nocere possit hostis, quem saltem magistratus auctoritas in ordinem cogere potest: inhumanus omnino est, & qui hosti, immo & scelerato homini, has innoxie utilitatis res subtrahit, quum hic misereri oporteat *ὃς ἢ πρὸς, ἀλλὰ ἢ ἀνθρώπων, εἰ μὴ ἢ ἀνθρώπων, ἀλλὰ τὸ ἀνθρώπων*, non mores, sed hominem, vel si non hominem, ac saltem humanitatem, uti recte vidit Aristoteles apud Diogen. Laert. V, 21. Quare vix excusanda est inhumanitas Atheniensium, qui Socratis accusatores ira adversati sunt, ut nec ignem

ignem iis accenderent, nec interrogantibus responderent, neque in balneo aqua uterentur eadem, donec illi odii impatientia sese suspenderent. Plutarch. de invid. & od. p. 538.

§. CCXIX.

Immo potius, quum amor, ex quo hæc officia proficiſcuntur, non ob alterius merita, sed ob æqualitatem naturæ, debeatur: Humanitas & inimicis debetur. (§. LXXXVIII.) facile patet, 16) & inimicis, non denegandas esse res, quibus abundamus, & quæ sine detrimento nostro præstari possunt, quin 17) tanto splendidiorem fore hanc humanitatem, quanto minus illa cum spe aliqua insignem gratiam ab hostibus ineundi conjuncta est. *)

*) Novimus hæc Christianis inculcari *Matth. V, 45. Luc. VI, 35.* iisdemque ob oculos poni exemplum ipsius Patris cœlestis, qui solem suum oriri facit super bonos & malos, & pluit super justos & injustos. Ac ejusdem veritatis ipsam rectam rationem, considerata humanæ naturæ æqualitate, non esse ignaram, vel inde pater, quod Socrates ex instituto profligavit vulgarem sententiam, amicis bene faciendum, male inimicis; teste Themistio *Orat. ad Valent. de bello vidlis*. Et quid excellentius ab homine, experte sacrarum litterarum, scribi potuit, quam illud Hieroclis in *aur. Pythag. carm. p. 69.* Διὸς ἡ λέγεται ὁρδὸς, ὡς ἐφείς ἐχθρὸς τῷ σπαραίῳ· ἡ μόνος ὁ ἀγαθὸς αἰτῇ φίλος εἰμὲν γὰρ τῷ ἀγαθῷ φίλος, ἐφεί τῷ κακῷ ἐχθρὸν τίθεται εἰ δὲ τῷ ἀρετῇ κηλοσμενῶν ζῆται πρὸς κοινῶν τῷ ἀγαθῷ ἐκ πάντων ἐκλέγεται μὲν μέγας ἡ ἐπὶ τῷ φίλῳς μέγας τῷ θεῷ, ὅς μισεῖ μὲν ἐδύναι αἰθρώτων, τῷ δὲ ἀγαθῷ διαφρόντως ἀσπάζεταιται. Unde fit etiam, ut recte dicatur, virum bo-

num odisse neminem, solumque bonum & amicum existere. Quum enim bonum diligit, non eum qui malus sit, putat inimicum. Sin autem virtute præditum queris ad societatem, ex omnibus eum diligit, qui probus sit, atque in amicitiae legibus Deum ipsum imitatur, qui nullum quidem solet odisse, sed eum potissimum, qui bonus est, amplecti & diligere.

§. CCXX.

Obser-
vandi ta-
men gra-
dus ne-
cessitudi-
nis.

At quum tamen amor ille humanitatis, ex quo hæc officia, tamquam ex fonte limpidissimo, promanant, directricem veluti habeat sapientiam, (§. LXXXIII. 45.) sapientia vero sit facultas, ea quæ ad nostram aliorumque felicitatem pertinent, discernendi: (§. eod.) inde colligimus, 18) non solum personarum, sed & necessitatis, qua alter premitur, habendam esse rationem, adeoque 19) in pari causa, si omnibus non possit satisfieri, plus humanitatis deberi viro bono, quam scelerato, 22) plus amico, quam inimico, 21) plus cognato & necessario, quam extraneo; *) 22) plus denique ei, qui magis, quam qui minus opis nostræ indiget. Et eatenus recte illustris LEIBNITIUS, justitiam amorem sapientis esse, statuit.

*) Hinc & Pythagoras certos amoris hujus gradus distinxit in aureo carm. v. 4. seq.

Τὸς τε γονεῖς τίμα, καὶ τ' ἀγγέλ' ἐκτετα-
ῖντας.

Τῶν δ' ἄλλων ἀριτῇ προσῶ φύλον, ἔστις ἀριστος.

Inde parentis honor sequitur: tum sanguinis ordo.

Post alii sunt, virtus ut maxima, amici.
Quam

Quam Pythagoræ sententiam præclare, ut solet, interpretatur Hierocles p. 49. seq.

§. CCXXI.

Sublimior est amoris gradus, quem supra **BENEFICENTIÆ** vocavimus, (§. CCXIV.) quia amor ille ita comparatus est, ut nos & cum aliquo detrimento aliis pro virili prodesse jubeat. Quum enim, quæ nobis fieri cupimus, ea, & aliis facere teneamur, (§. LXXXVIII. 55.) & sæpenumero incidant casus, ut infelicissimi nobis videremur, nisi alii nobis, quæ defunt, liberaliter elargiantur, tunc vero nemo temere sit, quin illa sibi præstari cupiat: consequens est, 23) ut his casibus aliis & cum detrimento ea, quæ illis deesse animadvertimus, liberaliter elargiamur.*)

Obligatio ad beneficentiam.

*) ELARGIRI vero dicimur, non quod commodamus, vel pro certa mercede concedimus, sed quod alteri sine spe vel restitutionis, vel retributionis, damus. Itaque si rem do, ut recipiam, vel, ut saltem mercedem feram: actus hic incidit in contractum. Sin do sine spe restitutionis vel retributionis: vera hæc beneficentia vel largitas est. Seneca de Benef. VI, 14. Illos ex toto præteribo, quorum mercenarium beneficium est, quod qui dat, non computat, cui, sed quanti daturus sit, quod undique in se conversum est. Vendit mihi aliquis frumentum, vivere non possum, nisi emero: sed non debeo vitam, quia emi. Nec quam necessarium fuerit, æstimo, sine quo victurus non fui: sed quam gratuitum, quod non habuissem, nisi emissem, in quo mercator non cogitavit, quantum auxilii adlaturus esset mihi, sed quantum lucrum sibi,

Quod

Quod emi, non debeo. Quamvis vero hamata non esse oporteat beneficia: nemo tamen benefacit alteri, quin hunc sibi ad amorem mutuum devincere velit. Ac proinde alter, qui beneficia accipit, eo ipso se tacite ad mutuum amorem omnino obstringit.

§. CCXXII.

Quid beneficentia? quid officiositas?

Itaque BENEFICIUM est, res vel actio, alteri profutura, quam ei sine spe restitutionis aut retributionis præstamus. Studium vero alteri talia præstandi BENEFICIENTIAM, vocamus: quemadmodum studium & promptitudinem, alteri ea cum obligatione restitutionis vel compensationis præstandi, quæ ipsi profunt, OFFICIOSITATEM adpellavit. Sidon. Apollin. *Carm. XXIII. v. 478.* Quamvis vero ea, quæ ita præstantur, *beneficiorum* nomine non veniant: magni tamen fieri omnino debent, & grato animo accipienda sunt, si vel majoris sint, quam ut mercedem admittant, vel ab eo, quem ad id præstandum non obligat officii ratio, præstentur.*)

*) Vidit & hoc Seneca *ibid. Cap. XV.* Isto modo, inquit, ne medico quidquam debere te, nisi mercedulam, dices: nec præceptori, quia aliquid numeraveris. Atque omnium horum apud nos magna charitas, magna reverentia est. Adversus hoc respondetur, quedam pluris esse, quam emuntur. Emis a medico rem inestimabilem, vitam ac valetudinem bonam: a bonarum artium præceptore studia liberalia, & animi cultum. Itaque his non rei pretium, sed operæ, solvitur: quod deserviunt, quod a rebus suis avvocati nobis vacant. Mercedem non meriti, sed occupationis suæ ferunt. Post-

Cap. VIII. De Officiis erga alios imperf. 185
 ea tamen & aliam rationem, cur & iis, qui
 talia præstant, gratum animum debeamus,
 reddit, dum *Cap. XVI.* ista subjungit. *Quid*
ergo? quare medico & præceptori plus quid-
dam debeo, nec adversus illos mercede defun-
gor? Quia ex medico & præceptore in amicum
transseunt, & nos non arte, quam vendunt,
obligant, sed benigna & familiari voluntate.

§. CCXXIII.

Quum ergo beneficentia sit studium ea, Benefi-
 quæ alteri profutura animadvertimus, præ- centia
 standi (§. CCXXII.) nemo non videt, 24 profici-
 ejus virtutis laudem sibi frustra adrogare eos, sci debet
 qui, ut ille servulus Terentianus, *Hecyr. V, 4.* ex volun-
v. 39. plus sæpe boni ignorantes impruden- tate aliis
 tesque faciunt, quam scientes antea umquam. utilita-
 (§. XLVIII.) vel 25 tem ad-]
 alteri benefaciunt, vel 26 ferendi.
 non alia ratione
 ad benefaciendum excitantur, quam quod id
 beneficium sibi magis, quam aliis, profutu-
 rum existiment. Ex quo porro patet, 27 in
 dijudicandis beneficiis animum magis & con-
 silium benefactoris, quam ipsum actum at-
 que effectum, esse æstimandum.*)

*) Ut exemplis illustremus has conclusiones :
 nemo dixerit, beneficio adfici alterum, cui
 rei ignari litteras, boni quid nunciantes,
 tradidimus: nec quem quis commendat,
 tantum ut alio loco sit, ipseque vacua do-
 minetur in aula: nec qui arbores suæ volu-
 ptatis causa plantavit, si umbra eatum &
 vicinus, præter ejus animi sententiam frua-
 tur. Huc pertinet elegans *fabella* Phæ-
 dri

dri I, 22. de mustela, ab homine prehensa, quæ, quum instantem effugere cupiens necem, rogaret, ut sibi parceretur, quum molestis mutibus purget domum, triste hoc tulerit responsum.

Faceres, si causa mei,

Gratum esses, & dedissem veniam supplici:

Nunc quia laboras, ut fruaris reliquiis,

Quæ sint resuri, simul & ipsos devores,

Noli imputare vanum beneficium mihi.

Hoc enim, ipso interpretante Phædro, in se dictum debent illi agnoscere, quorum privata servit utilis sibi, & meritum inane jaçant imprudentibus.

§. CCXXIV.

Beneficia
tamen sa-
pienter
dispen-
sanda *

Quumque ex amore hæc beneficia profici-
sci debeant, isque semper conjunctus sit cum
sapientia: (§. LXXXIII. 45.) facile pater,
28) profusionem, & quidvis potius, quam
liberalitatem, esse, cui ratio non constat:
nec 29) beneficiorum vocabulo digna videri,
quæcumque ex ambitione magis & ja-
ctantia, quam ex amore, vel 30) non in-
dignis, sed opulentioribus, *) immo 31) in-
dignis potius, quam viris bonis, vel quæ
denique, 32) turbato illo necessitudinum or-
dine, de quo supra quædam monuimus, (§.
CCXX.) præstantur.

*) Præterquam enim quod hæc beneficia præ-
ripiuntur indignis: plerumque etiam sunt ha-
mata & captatoria, ac proinde eo quoque
nomine merito indigna sunt beneficiorum vo-
cabulo. *Matth. V, 46. 47. Luc. VI, 32. seq.*
Præterea apud opulentiores, quidquid iis be-
neficii præstiteris, nec gratum est, nec bene-
ficii rationem habet. Hinc risisse Alexan-
dram

drum M. novimus beneficium, quum illi jus civitatis offerrent Corinthii, quamvis se id, præter Herculem & Alexandrum, nemini dedisse gloriarentur. Seneca de Benef. I, 13. Fieri tamen potest, ut hujusmodi beneficia excusent officium, beneficiorum ab aliquo antea perceptorum memoria, immo & civitatis, in qua versamur, mores, ac proinde Romæ, nemo vitio clienti vertere potuisset hujusmodi liberalitatem, quia jus illud patronatus, a Romulo institutum, exigebat etiam, ut patroni beneficerent clientes. Dionys. Halic. Lib. II. p. 84. Plutarch. Romul. p. 24. Polyb. Hist. VI. p. 459. Nec magis Persæ Regi suo offerentes dona & munera, ullius reprehensionem jure incurrerant, quum lex existeret, καί τις βασιλεὺς κατὰ τὴν αὐτοῦ δυνάμιν ἑκαστὸν ἀποσπείρειν, ut omnes Persæ Regi, singuli pro suis facultatibus, munera offerrent. Ælian. Var. Histor. I, 31. seq.

§. CCXXV.

Præterea ex eo, quod prodesse alteri debeant beneficia, (§. CCXXII.) non abs re colligere nobis videtur, 33) beneficia attemperanda esse cujuscunque conditioni & necessitatibus: adeoque 34) non esse beneficia, quæ alteri nullam adferant utilitatem. 35) multoque minus id nomen mereri, quæ cum manifesto alterius detrimento, vel saltem 36) cum maximo incommodo, conjuncta sunt. *)

*) Hinc beneficus non est, qui famelico gemmam, sitienci vestem preciosam, ægroto epulum offert, per n. 33. Nec minus id nomen meretur Bessus, qui catenas aureas Dario injecit. Curt. Lib. V. Cap. XII. per n. 34. 35. De-

Et alterius necessitati & conditioni attemperanda.

Denique Romanus ille, servatus inter proscriptos, ac deinde perpetuo circumductus ludibrioque habitus, recte exprobravit benefactori suo, *nihil se illi debere, si servaverit, ut haberet, quem ostenderet.* Seneca de Benef. II, 11. per n. 36.

§. CCXXVI.

Nec minus distinguendi gradus necessitudinis.

Quemadmodum vero amor ille humanitatis & beneficentiae, qui nos ad beneficia aliis praestanda inflammat, ne quidem inimicos negligi patitur: (§. CCXIX. 16.) ita facile unusquisque intelliget, 37) multo magis amandos esse, qui nobis, quantum in ipsis fuit, beneficia praestiterunt: adeoque 38) eos esse pessimos mortalium, ipsisque brutis ferociores, qui se ne beneficiis quidem ad concipiendum nostri amorem moveri patiuntur: quin 39) eosdem eo esse injustiores, quo minus negari potest, eos, acceptando beneficia, se ad mutuum benefactorum amorem obstrinxisse. (§. CCXXI. *)

§. CCXXVII.

Obligatio ad gratitudinem.

Amor erga benefactores vocatur GRATUS ANIMUS, vulgo GRATITUDO. Quamobrem quum unusquisque ad amandum eum, a quo beneficiis ornatus est, obstrictus sit: (§. CXXVI. 37.) consequens est, 40) ut unusquisque etiam obstrictus sit ad gratum animum benefactoribus quavis ratione ostendendum: 41) Id tamen officium imperfectum esse, adeoque 42) nec quemquam ad illud alteri exhibendum cogi, nec 43) ingratum actione forensi convenire posse, *) nisi leges civiles ejusmodi actionem diserte in-

Cap. VIII. De Officiis erga alios imperf. 189
invexerint. Quale quid de Persis tradidit
Xenophon *Cyropæd.* 1, 2. 7. p. 9. edit. Oxon.

*) Equidem vulgo distinguunt inter ingrati-
tudinem SIMPLICEM, cujus vitii reus est, qui
benefactori non benefacit, & PRÆGNANTEM,
si quis beneficia malefactoris atque injuriis pen-
sat. Et illam quidem extra legem civilium
pœnas, hanc pœna dignissimam esse, statuit
Pufendorff. *de jur. nat. & gent.* III, 3. 17.
Sed si dicendum quod res est, hoc quoque
casu non in ingratum animadvertitur, sed in
injuriousum, quippe pœnas daturum, etiam si
homini, nullis sibi beneficiis cognito, intulisset
injuriā. Quamvis facile largiamur, eo
gravius merito haberi delictum, cum turpissi-
mo isto animi ingrati vitio conjunctum.
Sic sane gravius merito animadvertitur in
eos, qui in parentes, educatores, patronos,
quam qui in extraneos, suere injurii.

§. CCXXVIII.

Quandoquidem vero *gratitudo est amor De ea*
erga benefactorem: (§. CCXXVII.) conse- *regulæ.*
quens est, 44) ut, delectari unumquemque
benefactoris sui perfectione & felicitate, &
45) ejus benevolentiam verbis ornare & præ-
dicare, quin & 46) beneficia beneficiis, non
iisdem quidem semper, at beneficiis tamen,
& officiis, quantum fieri potest, plurimis
pensare oporteat: ac proinde, 47) ut desint
vires, tamen & voluntatem gratum ostenden-
di animum magnopere esse laudandam,

§. CCXXIX.

Denique quum & cum detrimento nostro *Obligat*
prodesse, & sine spe restitutionis ac retribu- *ad offi-*
tio- *ciositatem*

tionis benefacere aliis teneamur: (§. CCXXI. 23.) consequens est, 48) ut multo minus alteri denegare debeamus, quæ sibi ille, certam restitutionem & retributionem spondens, præstari petit, adeoque 49) unusquisque obligatus sit ad studium illud alteri gratificandi, quod supra OFFICIOSITATEM vocavimus, (§. CCXXII.) dummodo 50) non manifestum sit, illam alios juvandi promptitudinem cum periculo ac detrimento nostro non fore conjunctam. (§. CCXXX. 65.)

C A P U T IX.

De Officiis erga alios Hypotheticis, & primo quidem, circa dominii acquisitionem Originariam.

§. CCXXX.

QUæ hæcenus disseruimus, ea partim ad Connexio. amorem JUSTITIÆ, partim ad eum, quem supra HUMANITATIS & BENEFICENTIÆ amorem adpellavimus, (§. LXXXIV.) pertinent. Ex hoc officia *imperfecta*, de quibus superiore capite disseruimus; ex illo *perfecta*, tamquam ex fonte, promanant. *Perfecta* in eo consistere diximus, ut primum neminem lædamus, (quod officium ABSOLUTUM vocavimus,) deinde, ut suam cuique tribuamus, quod nobis officium HYPOTHETICUM est. Quum igitur de illo *Cap. VII.* actum sit, de hoc jam erit eadem cura exponendum.

§. CCXXXI.

Quid
Suum?
dominii Suum proprie quisque vocat, quod in DOMINIO suo est. DOMINIUM vero vocamus jus, seu

feu facultatem alios usu rei alicujus exclu-
dendi.*) Ipsam detentionem rei, cujus usu
alios excludere statuimus, POSSESSIONEM ad-
pellare mos est. Ceterum jus nobis vindi-
camus, aut omnes præter nos; aut exceptis
quibusdam aliis personis, reliquas omnes u-
su alicujus rei excludendi. Priore casu res
in PROPRIETATE; posteriore in COMMUNIONE
POSITIVA esse dicitur, quæ vel ÆQUALIS est,
quando æquale omnibus jus in re com-
muni competit, vel INÆQUALIS, quando
alter altero plus minusve juris in illa ha-
bet. Itemque vel PERFECTA, quando omni-
bus in re communi jus perfectum est, vel
IMPERFECTA, quando nemini tale jus perfe-
ctum est, qualis est inter milites exercitus,
quibus certæ pecuniæ summx præmium a
principe destinatum. Si nec uni, nec pluri-
bus, jus animusve est, alios usu rei, non-
dum ab ullo possessæ, excludendi: res in
COMMUNIONE NEGATIVA est, quæ sola domi-
nio opponitur, quia tunc res in nullius do-
minio est constituta.

*) In hac sola facultate, usu alicujus rei alios
excludendi dominium consistere, palam est.
Omnia enim reliqua dominii effecta, quæ
alias in definitione dominii enumerari solent,
ita separari possunt a dominio, ut nihilomi-
nus quis maneat dominus. Sic e. g. faculta-
tem omnem ex re utilitatem percipiendi con-
stituto usufructu a proprietate separari, ani-
madvertimus, salvo dominio. Facultatem li-
bere de re disponendi non competere pupillis,
notum ac pervulgatum est. Et hos tamen do-
minos rerum suarum esse, nemo negaverit.

Un-

Unde Seneca de Benef. VII, 12. Non est argumentum, ideo aliquid tuum non esse, quia vendere non potes, quia consumere, quia mutare in deterius, aut melius. Tum enim est etiam, quod sub certa lege tuum est. Denique & facultatem vindicandi rem commodatam vel depositam a tertio possessore domino ademptam esse, observamus, multis locis, ubi obtinet juris regula: *Hand mus hand wahren*. Quum ergo definitionem id duntaxat ingredi debeat, quod ad rei essentiam ita pertinet, ut abesse nequeat, sublata vero facultate alios rei usu excludendi illico quis dominus esse definat: dubitari nequit, quin hæc sola domini definitionem absolvat. Idque velle existimo Arianum dissert. Epist. II, 2. dum dominum definit, & ἡ δὲ ὅτι ἀπὸ πρὸς τοὺς ἀλλοτρίους & ἀκλίνοισιν ἔχοντα ἐξουσίαν, qui, quæ alii expendenda fugiendaque censens, in potestate habet.

§. CCXXXII.

Jus hominum
in res
creatas.

Jam quum ipsa ratio nos convincat, Deum condidisse homines: (§. CXXVII. 18. sequ.) eundem sane voluisse etiam, ut existerent, manifestum est. Quumque qui finem cupit, is & media velle videatur: consequens est, 1) ut homines rebus omnibus, ad conservandam eorum existentiam necessariis, quas hæc tellus producit, uti frui voluerit. Præterea quum Deus hominem, animal præstantissimum insigni præreliquis amore prosequatur: (*Phil. mor. elem. §. CLXXX.*) dubitari profecto non potest, 2) quin & felicitate ac perfectione nostra delectetur, (§. LXXX.) adeoque & iis nos frui velit, quæ vitam nostram reddant perfectiorem, feliciorem,

rem, ac suaviorem, dummodo 3) rebus creatis non abutamur. * (§. XC.)

*) Dubitandum est a quibusdam, an & brutis, quæ sine dolore destrui, usibusque humanis adhiberi nequeunt, uti liceat ad vitam conservandam? Idque haud pauci negarunt, quod & injuriam his animantibus fieri existimarent, & brutorum non usus, sed abusus esse videretur, si quis, ut carne eorum vescatur, ea jugulare non dubitet: maxime quum & sine feralibus istis epulis vitam conservare possent homines. Addunt alii, esum carnis & minus salubrem esse, & homines efferratos reddere, idque in primis urfisse novimus Pythagoram, & postea Porphyrium in libris *πρὸ ἀποχρῆς*. Vid. Scheffer. de philos. Italica Cap. IX. Sed 1) tota illa hypothesis, quod injuria & brutis inferri possit, nititur alio errore de transmigratione animarum, seu *κυνὸν διαίτῃ ψυχῆς*, communi, quod nobiscum habeant, animæ jure, uti vocavit Pythagoras apud Diog. Laert. VIII, 13. quod explicaturus Empedocles apud eundem Laert. VIII, 77.

Ἡ δὲ γὰρ μοι ἐγὼ φροῦμαι κῆρος τε κέρτε,
Θάμνους τε οἰκωτός τε, καὶ ἐξ αἰλὸς ἔμπτους
ἰχθύς.

Nam, memini, fueram quondam puer, atque puella,

Plantæque, & ignitus piscis, pernixque volucris.

Add. Jamblich. vit. Pythag. XXIV. num. 108. Porphyr. vit. Pythag. p. 188. sequ. Sed falsum est, ullam nobis cum brutis esse juris communionem, (§. XC.) atque hinc falsum etiam, brutis fieri injuriam. 2) Non ideo abstinendum est a rebus, quia iis carere possumus, quia Deus nos non modo es-

Hein. de Jur. Nat. & Gent. I se,

se, sed suaviter vivere cupit. Nec is usus abusus est, qui Dei voluntati non refragatur. Denique 3) insalubritas illa, quam urgent, nec satis probata est, & procul dubio non a moderato carnis usu, sed ab ingluvie, & rerum creaturarum abusu, quem & ipsi damnatus, proficiscitur.

§. CCXXXIII.

Initio
omnia in
commu-
nitione
negativa
fuerunt.

Quum ergo Deus omnia, quæ ad conservandam suaviterque transigendam vitam humanam pertinent, utenda fruendaque dederit hominibus: (§. CCXXXII.) proculdubio etiam voluit, 4) ut nullus earum usu ab ullo excluderetur: adeoque 5) ex intentione Dei initio rerum omnia in negativa communione, adeoque 6) vere in nullius dominio fuerunt constituta. * (§. CCXXXI.)

*) Atque ita primævam hominum conditionem describunt non modo sacræ litteræ, *Genes. I, 28. 29.* verum etiam poetæ, qui & eo nomine laudarunt sæculum aureum, quod illo tempore, uti ait *Virgil. Georg. I. v. 125.*

nulli subigebant arva coloni,

*Nec signare quidem, aut partiri limite
campum*

*Fas erat: in medium quærebant: ipsaque
tellus*

Omnia liberius nullo poscente, ferebat.

Negant ergo tum ullos agrorum fines, ullos limites fuisse, rebus adhuc in medio positis, ac universi humani generis usibus ita relictis, ut nullus earum usu excludi potuerit.

§. CCXXXIV.

Sed ab
eo disce-
dere li-

Quod ipse Deus voluit, id voluit sapientissime, ac proinde illud sine summa necessitate

fitate mutari ab hominibus non debuit. Quum vero & leges divinæ adfirmativæ, qualis est illa, ut res omnes creatæ veluti in medio positæ omnium usibus pateant, exceptionem ob necessitatem admittant, (§. CLIX. 58.) in censum autem hic veniat non modo extrema necessitas, sed & illa quæ efficit, ut vitam suaviter ac commode transigere non possimus: (§. CLVIII. 54. §. CCXXXII. 2.) consequens est, 6) ut, urgente necessitate, homines a negativa illa communione discedere, adeoque 7) dominium, quod communioni illi opponitur, (§. CCXXXI.) introducere omnino potuerint.

§. CCXXXV.

Jam facile quidem patet, si intra paucos steterisset humanum genus, nulla circa primævam illam ac negativam rerum omnium communionem mutatione opus fuisse futurum, sufficiente quippe omnibus naturæ ubertate, ad vitam si non suaviter, at commode saltem, & qualiter qualiter tolerandam. At ex quo, per universum terrarum orbem dispersis, & in innumeras familias distractis hominibus, quædam res non sufficere omnibus coeperunt, quædam omnino ob insignem copiam suffecerunt: ipsa homines impulit necessitas, 8) ut in ea, quæ non omnibus sufficerent, dominium aliquod inducerent: (§. CCXXXIV. 7.) 9) solis inexhausti usus rebus, quas in dominio esse nulla jussit necessitas, nec non 10) rebus, nihil ad vitam conservandam suaviterque traducendam pertinentibus, in pristina communione negativa permanentibus. *)

cuit, urgente necessitate.

Quæ necessitas homines coegerit dominium introducere?

- *) Et hinc hujusmodi res communes esse jure naturali dixerunt jureconsulti. §. 1. *Inst. de rer. divis.* & quidem non ita, nisi publica, quæ in patrimonio sunt alicujus populi, sed ut ea, quæ primum a natura prodita sunt, & in nullius adhuc dominium pervenerunt, uti ait Neratius l. 14. pr. D. de adquir. rer. domin. Nimirum hæ res omnes, quamvis optimæ omnium ac pulcherrimæ, tamen ob insignem copiam in primæva illa ac negativa communione permanserunt. Hinc Petron. *Satyr. Cap. C.* *Quid non commune est, quod natura optimum fecit? Sol omnibus lucet. Luna, innumerabilibus comitata sideribus, etiam feras ducit ad pabulum. Quid aquis dici formosius potest? in publico tamen manant. Nec magis quisquam adfectat dominum in muscas, mures, glires, vermes, aliaque, quæ vel noxia humano generi, vel cum nulla saltem utilitate conjuncta sunt.*

§. CCXXXVI.

Institu-
tum hoc
non in-
justum
esse.

Sic ergo dominium, sublata negativa communione, invexit ipsa necessitas. Illud vero humani generis institutum 11) cum nullius injuria fuisse conjunctum, vel inde patet, quod in communione negativa nulli mortaliū sit jus alterum rerum usu excludendi, (§. CCXXXI.) adeoque cuivis licere oporteat, rem quamvis nullius ita sibi vindicare, ut deinceps nemini illius usum concedere cogatur, sed eam sibi detinere, suisque seponere usibus possit. *)

- *) Nam in quo alteri nullum jus animusque est, me usu rei excludendi, illud est nullius. At nullius esse desinit, simul ac eam usibus meis adhibere, ac jure a Deo mihi concello

uri

uti statui. (§. CCXXXII.) Nam quum is me lædere dicatur , qui me imperfectiorem infelicioremque reddere conatur : (§. CLXXVIII.) procul dubio & is me lædit , qui eo , quod vitæ servandæ suaviterque traducendæ causa semel mihi vindicavi , me privare non dubitat . Hinc idem hic contingit , quod de theatro , quamvis positive communi , ait Arianus *dissert. Epict. II, 4.* ἀγέ , τὸ δὲ θέατρον ἐν ἑστὶ κοινόν . ἥδ' οὐκ ἔστιν ὅτι ἔν καδίσουσιν , ἰλθὼν , αἰ σὺ φανῦ , ἐκβάλῃ σινα αὐτῷ . Age , commune nonne est theatrum omnium civium ? In eo vero , si confederint , e loco , si libet , aliquem eorum ejicito . Et Seneca , de Benef. VII, 12. Propterea non mentiar , si dicam me habere in equestribus locum . Sed quum in theatrum veni , si plena sunt equestria , & jure habeo locum illic , quia sedere mihi licet : & non habeo , quia ab his , quibuscum jus mihi loci commune est , occupatus est .

§. CCXXXVII.

Quum ergo homines , coacti necessitate , invexerint rerum dominium : (§. CCXXXV.) hoc vero vel in *communione* positiva , vel in *proprietate* consistat : (§. CCXXXI.) consequens est , 12) ut ex quo a communione negativa discessum , omnes res vel positive communes pluribus , vel singulis propriæ esse coeperint , & 13) communio quidem nata sit inde , quod plures eandem rem pro indiviso possidere , omnesque alios ejus usu excludere statuerunt : *) 14) proprietas vero vel initio statim ex rerum nullius *adprehensione* ac *possessione* , vel ex post facto ex *divisione* vel *cessione* rerum positive communium traxerit originem .

Ex eo
tempore
res vel
positive
commu-
nes , vel
propriæ .

- *) Id procul dubio initio statim factum, quum gentes & familiae in diversas terrarum partes secedere coeperunt. Tunc enim alia familia aliam regionem sibi communiter pro indiviso tantisper vindicavit, donec urgente necessitate res communes dividerent, vel ex pacto singulis, quantum indigerent, occupandi facultatem darent. Plurimum sane gentium, quae initio totas provincias communiter pro indiviso possederint, mentionem faciunt veteres, veluti Aboriginum Justin. XLIII, 1. Scytharum & Getarum, Horat. Carm. III, 24. Germanorum, Tacit. Germ. Cap. XXVI. incolarum insulae Liparæ, Panchæorum, & Vaccæorum Diod. Sic. Bibliothec. V, 9. & 45.

§. C CXXXVIII.

Cur a
commu-
nitione et
tiam po-
sitiva di-
scedendū
fuerit?

Et quidem, si tanta esset generis humani felicitas, ut omnes peræque virtutis amore flagrarent: sane neque dominio, neque patetis ullis, indigeremus, quia & nihil habentibus nihil tamen, quod ad conservandam suaviterque transigendam vitam pertinet, esset nobis defuturum. Quum enim tunc homo hominem, tamquam seipsum, amaturus, eique ultro facturus esset omnia, quæ sibi ab altero fieri cupit: quid opus esset dominio inter amicos, quorum omnia communia sunt? Enimvero; quum pro præsentē rerum humanarum indole vix sperandum sit, aliquam multitudinem virtutis adeo studiosam esse futuram, ut alterius utilitati non minus, quam suæ, serviat: facile pater, 15) communio- nem positivam naturæ hominum, qualis nunc est, non congruere, edoque eos, 16) cur

ab

Cap. IX. De Officiis erga alios hypoth. 199
ab ea quoque discederent, causas non pœ-
nitendas habuisse.*)

*) Quicumque sane communionem hujusmodi aliquando observatam memorant, ii simul homines illos fuisse eximia virtute præditos, posuerunt. Id sane jure dixeris de ecclesia Hierosolymitana. *Act. IV, 32.* Nec credibile fore suspicati sunt poetæ, quod de communionem illa inter homines aurei sæculi retulerunt, nisi simul illos fingerent virtutis ac honestatis studiosissimos fuisse, qui, uti ait *Ovid. Metamorph. I. v. 90.*

*vindice nullo,
Sponte sua, sine lege, fidem rectumque co-
lebant,*

Porro Scymnus Chius communem hujusmodi rerum omnium usum tribuit Scythis Nomadibus ultra Mæotin, sed eosdem simul vocat τὴν σφόδρα, βίονβονατος, gentem piissimam. Sed & a Pythagora institutam rerum communem ex justitia, tamquam ex fonte, promanasse, tradit Jamblich. *vit. Pythag. segm. CLXVII.* Refrigercente itaque virtute, pietate, justitia, etiam communioni non esse locum, facile unusquisque intelligit.

§. CCXXXIX.

Ex quo simul patet, quomodo inuenta sit rerum proprietas, & quot sint modi illam in certa re acquirendi. Res enim vel adhuc *extra dominium* est, vel jam *in alterius dominio* constituta. Si prius: tunc modos acquirendi cum Grotio vocamus *ORIGINALIOS*, quibus quum vel substantiam, in nullius dominio constitutam, adquiramus, vel quæ ei quacumque ratione accedunt, incrementa:

Qui sunt
modi ad-
quirendi
originali-
rii?

priorem acquisitionem OCCUPATIONEM, posteriorem ACCESSIONEM adpellamus.

§. CCXL.

Quinam
derivati-
vi.

Sin res jam in alterius dominio sunt: tunc vel in plurium *communione* sunt, vel in *proprietate* singulorum. (§. CCXXXI.) Priore casu res communes in proprietatem rediguntur per DIVISIONEM & CESSIONEM: posteriore per TRADITIONEM. Neque ullus est dominium acquirendi modus DERIVATIVUS, quin ad hos paucos quam commodissime referri possit.

§. CCXLI.

Quid
occupatio?
quid
res nullius?

OCCUPATIO est adprehensio possessionis rerum nullius. NULLIUS vero esse dicuntur res, in quibus vel nemini umquam alios usu istarum excludendi jus fuit, vel de quarum saltem domino nihil certi constare potest, vel in quibus denique possessor sese ultro jure alios usu earum excludendi abdicavit, quæ PRO DERELICTO HABITÆ dicuntur. Quum ergo in rebus nullius nulli sit jus alios earum usu excludendi: (§. XXXI.) consequens est, 17) ut quæ nullius sunt, merito cedant occupantibus, nec tamen 18) id intelligendum sit de rebus amissis, furtim vel vi surreptis, imminente naufragio jactis, per bruta ablatis, quæ neutro sensu res nullius dici possunt, quum & habuerint antea dominos, & hi dominio suo sese ultro numquam abdicarint. *)

*) Hinc recte de piscibus, a se in mari captis, philosophatur Gripus piscator apud Plantum *Rud. IV, 3. v. 32.* dum suos illos factos contendit, quod a nemine eorum usu jure excludi possit.

Ecquem

Cap. 18. De Officiis erga alios hypoth. 201

Esquem esse dices mari piscem meum?

*Quos quum capio, siquidem cepi, mei sunt:
habeo pro meis:*

*Nec MANU ADSERUNTUR, neque illic par-
tem quisquam postulat.*

*In foro palam omnes vendo pro meis ve-
nalibus.*

At pessime ille sibi ex eadem ratione vindi-
dicat vidulum, naufragio amissum, & a se
mari extractum, dum ait:

In manu non est mea,

*Ubi demisi rete atque hamum, quidquid
hæsit, extraho.*

*Meum, quod rete atque hami nacti sunt,
meum potissimum est.*

Cui recte v. 42. obvertit Trachalio:

Quid ais, impudens,

*Ausos etiam, comparare vidulum cum pi-
scibus?*

Eadem tandem res videtur?

§. CCXLII.

Quumque occupatio sit adprehensio pos-
sessionis rerum nullius, (§. CCXLI.) posses-
sio vero detentio rei, cujus usu alios exclu-
dere statuimus: (§. CCXXXI.) facile patet, Occupatio fit
animo &
corpore
simul.
19) occupationem animo & corpore simul
fieri, & 20) nec solum animum sufficere ad
rem occupandam, si alius suo jure uti velit,
nec 20) solam adprehensionem sine animo
alios usu rei excludendi: sæpe tamen 21)
tacita hominum conventionem pro adprehensio-
ne haberi declarationem animi sibi rem ha-
bendi, cum signis quibusdam, in sensus in-
currentibus, conjunctam. *)

* (Sic adprehendisse videtur prædii possessio-
nem, qui vacua possessione, non quidem

singulas glebas circumambulaverit, l. 3. §. 1. l. 48. D. & l. 2. C. de adq. vel omitt. poss. sed titulum adfixerit, festucam e janua, cespitem ex agro, ramusculum ex arbore exciderit, simulque testatum præsentibus fecerit, se id animo prædium sibi tamquam suum habendi facere. Quum vero ex conventionem tacita hæc signa effectum habeant: ea sane non sunt arbitraria, adeoque is, qui jaculum immisit urbi a civibus desertæ, non magis videtur occupasse urbem, quam venator feram, quam jaculo petitam, nec occidit, nec vulneravit. Atque inde decidi poterit lis Andriorum & Chalcidensium, de Acantho occupata inter se decertantium, illis urgentibus legati sui solertiam, qui quum se cursu a legato Chalcidensium superari animadverteret, jaculum portæ prior infixit: his contra nitentibus, urbesque jaculis occupari, negantibus, adeoque Acanthum sibi vel ideo vindicantibus, quod a legato suo prius effect introita. Historiam habes apud Plutarchum *Quest. Græc. XXX.*

§. CCXLIII.

Et qui-
dem vel
per uni-
versitatē
vel per
fundos.

Quum porro omnia, quæ nondum in ul-
lius dominio sunt, possint occupari: (§. CCXLL 17.) perinde profecto erit, si ve to-
ti terrarum tractus, dominio vacui, a pluri-
bus; si ve res singulares a singulis occupen-
tur. Et priorem quidem occupationem PER
UNIVERSITATEM; posteriorem PER FUNDOS fieri,
ait Grotius *de jure belli & pac. II, 2. 4.* Quia
vero, qui totum occupavit, singulas quoque
partes occupasse censetur: coniequens est,
22) ut in tractu terræ, a pluribus, veluti
populo, per universitatem occupato, nihil
omni-

omnino sit nullius, sed omnia, quæ illius ambitu continentur, si a singulis occupata non sint, ad populum universum, vel ad ejus rectorem, pertinere merito dicantur.*)

- *) Hinc in aliquo terræ tractu singuli possunt res singulares tamquam sibi proprias possidere, quum tamen totum territorium sit populi vel reipublicæ. Dio Chrysost. in Rhodiaca XXXI. ἡ χώρα τῆ πόλεως, ἀλλ' ἐδὲν ἦτον τῷ κειτνηφόρῳ ἕκαστος κυρίον, ἐστὶ τῷ ἑαυτῷ. *Territorium est civitatis: at nihilominus tamen possidentium quisque rerum suarum dominus est.* Plura eam in rem veterum loca adcumulavit Grotius de jure belli & pac. II, 3. 4.

§. CCXLIV.

Hinc nemo negaverit, 23) **VENATIONEM**, An feræ, **PISCATIONEM**, **AUCUPIUM** esse species occupationis non modo in locis desertis & dominio vacuis, verum etiam 24) in territoriis jam occupatis, sicubi tanta sit ferarum, piscium aut volucrum multitudo, ut sufficere omnibus videantur: (§. CCXXXV. 9.) at 25) non injuria tamen populum, si qua justa causa id suadere videatur, *) hæc animalia omnia, tamquam ἀδέσποτα, sibi vindicare, (§. CCXLIII. 24.) vel 26) eadem summo imperanti, tamquam ἐξαίρετον τι, assignare: eoque facto, 27) illum adversus amorem justitiæ agere, qui sibi jus venandi, jam ab alio acquisitum, temere adrogare non dubitet.

piscēs,
volucres
sint res
nullius.

- *) Plures hujusmodi causas, quamvis parum idoneas, adcumulavit Pufendorff. de jur. nat. & gent. IV, 6. 6. Maximi momenti est illa,

la, quod feræ, pisces & volucres non tum inexhausti ubique usus sunt, ut non metuendus sit tot specierum interitus, si venandi jus omnibus promiscue concederetur. (§. CCXXXV. 8.) Ex quo simul intelligere licet, cur nusquam terrarum homines venari & occidere prohibeantur animalia rapacia, truculenta, & humano generi noxia, quin alicubi præmia auferant, qui, oblaris eorum unguibus vel capitibus, fidem faciant magistratibus, se hujusmodi animalibus purgasse provinciam.

§. CCXLV.

In quibus animalibus venationi sit locus?

Ubicumque vero cuiquam venandi jusest: ipsa recta ratio satis unumquemque docebit, 28) venationem non pertinere ad animalia mansueta, quippe in dominio constituta, nec 29) ad manuefacta, quamdiu illa dominus possidet, vel animo recuperandi persequitur, vel, se ea derelinquere nolle, luculentis quibusdam signis ostendit. *) Immo 30) ne ad feras quidem bestias, vivariis, piscinis, alveariis, inclusas, sed 31) ad eas, quæ, ut eleganter scribit Cajus, *terra, mari, cælo capiuntur*, l. 1. §. 1. D. de adq. rer. dom.

*) Sic vix venationis obtentu excusabitur, qui cervum, crepundiis ornatum, quantumvis fugitivum, ceperit, si de domino constet. Nec magis ferendum putem, qui dominum, persequentem examen, area sua excludit, ut illo ipse potiatur: licet id justum visum fuerit jureconsultis Romanorum §. 14. *Inst. de rer. division.* Quamvis enim domino sit facultas, alios usu rei suæ excludendi: is tamen qui sui reperiturus ædes nostras ingreditur, non re nostra utitur, sed suam reperit.

petit. Et qui magis justum sit, examen suum persequentem ædibus & area excludere, quam domo abigere vicinum, gallinas turbatas, & in aream nostram avolantes, repetiturum? Itaque æquissima lex Platonis *Lib. VIII. de legibus*: Si aliena examina quis prosequitur, atque æra pulsans apes delectatione ad se trahit damnum resarciat.

§. CCXLVI.

Ceterum quum in occupatione præter animum alios usu rei excludendi, opus etiam sit adprehensione corporali: (§. CCXLII. 19.) consequens est, 31) ut non sufficiat sola vulneratio feræ bestię, multoque minus 32) animus, illam, ex vulnere casuram, sibi vindicandi, sed 33) præterea requiratur, ut ipsa a venante, eam persequente, vel viva capiatur laqueis, canibus, aliisque instrumentis venatoriis, vel jaculis conficiatur: 34) neutro autem facto, unicuique jus sit, vulneratam ab alio capiendi occidendive, quippe in nullius adhuc proprietatem ac dominium redactam.*)

Quando animalia fiant capientia?

*) Sed ea in re magna semper fuerunt sententiarum divortia, & hinc leges gentium diversissimæ. De Trebatii aliorumque jurisconsultorum dissensu videnda est l. 5. D. de acqu. rer. dom. Lex Salica tit. XXXV. §. IV. seq. ne excitatam quidem ab alterius canibus feram ab alio impune intercipi patitur. Lex Longob. Lib. I. tit. XXII. §. IV. & VI. hoc casu capienti armum cum septem costis, reliquam prædam vulneranti addicit. Has similesque veterum leges collegit Pufend. *ibid.* IV, 6. 10.

§. CCXLVII.

Ad huc
pertineat
occupatio
bellica?

Occupationis alteram speciem vulgo dicunt OCCUPATIONEM BELLICAM, qua personas æque ac res hostium, iusto bello captas, ipso gentium jure capientium fieri contendunt. l. 1. §. 1. D. de acqu. vel amitt. poss. Enimvero quemadmodum occupationi locus est tantum in rebus nullius, (§. CCXLI. 17.) res vero hostiles non aliter, quam per fictionem, *) personæ vero liberæ ne per fictionem quidem pro rebus nullius haberi possunt: (§. LXVIII. 17.) ita 34) occupationem bellicam nec ad modos acquirendi originarios; nec 35) ad occupationem pertinere, sed 36) ex alio fonte, puta ex ipso belli jure, derivandam esse, facile intelligitur.

*) Equidem Pufend. de jur. nat. & gent. IV, 6. 14. hanc fictionem ita explicat: *In bello res hostium in ordine ad alium hostem redduntur veluti dominio vacuæ: non quod hostes per bellum ipso jure rerum suarum domini esse definant, sed quia illorum dominium non obstat hosti, quo minus eas res auferre, sibi que habere possit. Sed ubi res redduntur veluti dominio vacuæ, ibi nemini est jus alios earum usu excludendi. (§. CCXXXI.) Hosti autem salvum semper est jus, hostem usu rerum suarum excludendi, nec ulli facit injuriam, dum pro servandis rebus suis, tamquam pro aris & focis, pugnat. Quis ergo, eas res dominio vacuas esse dixerit? Quæ quum ita sint: hostis res suas ab hoste captas amittit, non quod jus ipsi deest excludendi hostem, sed quod viribus, quibus hostis reprimi posset, destituitur.*

§. CCXLVIII.

§. CCXLVIII.

Rectius huc refertur **INVENTIO**, quippe quæ Inventio
rerum
nullius.
& ipsa in adprehensione rerum nullius consistit. Itaque nullum quidem est dubium, 37) quin res, in nullius adhuc redactæ dominium, vel pro derelictis habitæ, inventori cedant, qui eas cum animo sibi habendi primus adprehendit, ac proinde 38) juri naturali non consentanea sit lex Stagiritarum, Bibliensium & Atheniensium: ἀ μὴ ἔδω, μὴ ἀνέλη: *Qua non posuisti, ne tolle, nisi de rebus amissis intelligatur.* Ælian. Var. Hist. III. 45. IV. 1. Diog. Laert. I. 57. nec minus 39) erunt ii, qui rem inventam inventori, eique, qui eam tolli viderit, communem esse existimant: *) attamen 40) id jus non producendum sit ad res, quas populus sibi jure occupationis, per universitatem factæ, vindicavit, vel 41) summo imperanti, tamquam ἐξαίρετόν τι, cessit. Quod eum jure potuisse, supra jam vidimus. (§. CCXLIII. 23.)

*) Inoleverat olim mos, id, quod ab aliquo inveniretur in commune poscendi: quod fiebat formula **IN COMMUNE**, vel apud Græcos κοινὸν Ἐρμῆς, itemque κοινὸν τῷ Ἐρμῇ. De qua formula præter Erasimum in adagiis plura monent viri docti ad Phædr. Fab. V, 6. v. 3. Add. Plaut. Rudens. IV, 3. v. 72. seq. At quum, quæ nullius sunt, cedant occupanti, (§. CCXLI. 27.) nec in ejusmodi rebus ulli sit jus, alium usu earum excludendi: (§. CCXXXI.) is denique, qui solis oculis rem usurpavit, nec adprehendit, tamen occupasse non dicitur: (§. CCXLII. 20.) hunc etiam partem prædæ poscere non posse, nisi id leges civiles vel mores ac consuetudines ali-

ejus

208 *Jur. Nat. & Gent. Lib. I.*
cujus provinciæ permittant, facile adpa-
rer.

§. CCXLIX.

Et pro derelictis habita-
rum, ve-
luti the-
sauri.
Nec minus inde patet, 42) inventori ce-
dere res, ab hominibus sanæ mentis sui que
juris animo abdicandi dominium abjectas,
adeoque 43) & sparsa missilia, immo & 44)
THESAUROS, quorum de prioribus dominis
nullo certo argumento vel indicio constat,
casu fortuito inventos, nisi 45) & hos sibi
vindictet populus vel summus princeps. (§.
CCXLIII. 23.) Qua de re varias gentium le-
ges recensuerunt Grot. *de jure belli & pac.*
II. 8. 7. Pufend. *IV. 6. 13.* & ibi Hertius.
Ev. Otto *ad §. 29. Instit. de rer. divis. 46.*) Me-
rito tamen rationem etiam habendam domini
soli, utpote quem fructus ex solo suo quos-
cumque percipere, æquum est, *) ac proin-
de 47) recte, & plane ex regulis æquitatis
naturalis unum semissem thesauri, casu for-
tuito reperti, inventori, alterum domino soli
adjudicasse Hadrianum. Spartian. *in Hadriano*
Cap. XVIII. §. 39. Inst. de rer. divis.

*) Quod adeo verum est, ut hunc quædam
gentes inventori plane præferendum putarint,
veluti Hebræi, *Matth. XIII, 44.* Selden. *de ju-
re nat. & gent. sec. discipl. Hebr. VI, 4.* Syri,
Græci, quin & ex ipsi Romanis haud pau-
ci. Philostr. *Vit. Apollon. Tyan. II, 39. de vit.*
Sophist. II, 2. Plaut. *Trinum. I, 2. v. 141.*
l. 67. D. de rei vind. Ubi tamen inventori pars
cedit, nihil interesse videtur, mercede con-
ductus quis terram nostram foderit, an ope-
ras nobis haud locarit. Quamvis enim mer-
cenarii nobis operis conductis adquirant: id
tamen justam habere rationem non videtur,
si quis

si quis operas nobis non ad investigandos thesauros, sed ad cellam excavandam, vel simile opus locarit. V. A. Corn. van Bykersh. *Obs.* II, 4.

§. CCL.

Alter modus acquirendi dominium originarius est ACCESSIO, per quam jus ea, quæ substantiæ, nobis acquisitæ, accedunt, incrementa similiter nobis vindicandi intelligimus. Incrementum vero quum res nostræ capiant vel ipsius naturæ beneficio, vel industria nostra, vel natura industriaque nostra simul, accessio a jureconsultis accuratioribus in NATURALEM, INDUSTRIALEM, & MIXTAM recte dispescitur. *)

*) Sic naturæ solius beneficio debemus sceturam animalium, alluvionem, novam insulam, alveum derelictum. *Industriæ* nostræ novam speciem, rem rei nostræ adjunctam, adplumbatam, adferruminatam, intextam, adfusam vel admixtam, scripturam chartæ nostræ, picturam tabulæ nostræ illitam. Denique messem & autumnî dotes partim ubertati soli cœlique clementiæ, partim culturæ nostræ, adeoque & naturæ beneficio, & industriæ nostræ imputamus, ac proinde primi generis accessiones NATURALES; secundi INDUSTRIALES; tertii MIXTAS merito adpellamus. Quæ enim a nonnullis additur, FORTUITA ad occupationem rerum nullius rectius refertur.

§. CCLI.

Quod ad NATURALEM accessionem attinet, vel tale res nostra capit incrementum, cujus de Fundamenta accessionis naturalis.

de origine & priore domino nullo certo argumento constat, vel aliquid, quod jam in alterius dominio est, rei nostræ accedit. Priore casu, quum res illa, cujus de domino nihil certi constare potest, pro re nullius merito habeatur, (§. CCXLI.) nihil obstat, 48) quo minus hujusmodi incrementum cedat in accessionem rei nostræ, cui accessit, adeoque nobis adquiratur. At posteriore casu res habet dominum, qui alios usu rei suæ jure excludit. (§. CCXXXI.) atque inde merito inferimus, 49) hujusmodi rem, rei nostræ quacumque ratione adjunctam, nobis non magis adquiri, quam si ventus vehementior vestes lineas, a Titio in horto suo expansas, in aream nostram projecerit.*)

*) Nulla sane fingi potest ratio, quamobrem prior dominus, de quo satis constat, dominio rei suæ, adhuc exstantis ac superstitis, excidere debeat, quum nec suo se dominio unquam abdicarit, nec illud facto ullo in alterum transfulerit, nec ob solam calamitatem dominio suo quisquam jure privetur. Si quis ergo dominus manet rei, alterius rei casu quocumque adjunctæ: isti procul dubio adhuc jus est alterum rei usu excludendi, (§. CCXXXI.) adeoque, illo invito, huic adquiri non posse dominium, manifestum est.

§. CCLII.

Specia-
tim de
fectura
anima-
llum.

Ex his vero evidentissimis principiis (§. CCLI. 48. seq.) jam porro colligimus, 50) PARTUM cujus de origine non liquido constat, (quod plerumque fit in animalibus, immo & in hominibus, extra legitimum matrimo-
nium

nium natis,) ventrem tamquam accessorium sequi, idque *legi natura* non absurde tribuere Ulpianum, l. 24. D. de statu hom. Id tamen 51) vix æquum videtur, si de utroque parente constet, *) nisi forte 52) ad procreanda animalia communibus sumtibus alatur dignioris sexus animal, veluti bos communis, vel 53) dominus equum admissatium vel bovem pro certa mercede vicinis locare soleat.

*) Hinc saltem in servis hoc casu passim obtinet partitio vernarum, ita ut primus domino ventris, alter domino servi patris cedat, & sic servilem sobolem ambo domini per vires partiantur. Diximus ea de re *Elem. Jur. Germ. l. 1. 30.* ubi id jus & apud VVifigothos & apud Alamannos, & apud Bojos obtinuisse, ex *lege VVifigoth. X, 1. 17.* Goldastii *rer. Alam. Tom. II, charta II. & Aventin. Annal. Boic. Lib. VII, 14. 23. p. 708.* ostendimus.

§. CCLIII.

Nec minus facile erit intellectu, ad quem pertineat nova **INSULA**, sive in mari, sive in flumine nata. Quum enim de dominio particularum terræ, quæ demum in insulam coarserunt, constare non possit: (§. CCLI. 48.) consequens est, 54.) ut insula cedat in accessionem maris vel fluminis, *) ac proinde 55) si mare vel flumen in nullius dominio est, insula quoque sit nullius, ac proinde cedat occupantibus: 56) sin vero, quod plerumque fit, vel mare, vel flumen ad populum, ejusve rectorem pertinet: (§. CCLXIII. 23.) is quoque insulam illam merito sibi
vin.

De novis
insulis,
sive na-
tis, sive
factis.

vindicet. Denique quum res, cujus de dominio certo constat, non possit ulli per accessionem adquiri: (§. CCLI. 49.) fieri non potest, 57) ut dominus amittat agrum, quem flumen superius divergens, & inferius alveo suo junctum, in insulæ formam redegit. Quod & Jcti agnoverunt l. 7. §. 4. l. 30. §. 2. D. de adqu. rer. dom.

*) Itaque nulla ratio est, cur vicinis prædiis, & quidem vel in utraque ripa, si insula in medio flumine nata sit, vel in alterutra, cui propior est accrescere debeat nova insula: quod tamen plerisque Jctis placuisse novimus. §. 22. *Instit. de rer. divis. l. 7. §. 3. l. 29. l. 30. §. 1. D. de adqu. rer. dom.* Particulæ enim terræ, a cujus prædio avulsæ sint, non constat: & magis probabile est, eas ab agris superioribus, quam a vicinis avulsas esse. Quin aliquando ipsum flumen particulas, quæ deinde in insulam coalescunt, e fundo abrasas, secum vehit, teste Seneca *natur. quæst. I^æ, 9.* Sed fuit hæc sententia Cassii Longini, quam deinde sectatores ejus, tamquam ex compacto probarunt. Aggen Urbic. *de limit. agr. p. 57.* Eam vero more suo exploserunt Proculiani, quorum antesignanus, Labeo, apud Paulum l. 65. §. 4. D. de adqu. rer. dom. Si id, inquit, quod in publico innatum aut ædificatum est, publicum est: insula quoque, quæ in flumine PUBLICO nata est, PUBLICA esse debet.

§. CCLIV.

Nec non
de allu-
vione &
vis flumi-
ne.

Nec alia ALLUVIONUM, & terræ VI FLUMINIS avulsæ, ratio est. Quemadmodum enim, quod ad priorem attinet, de origine particularum, agro nostro paulatim adjectarum, cer-

certi quid constare non potest : (§. CCLI. 48.) ita nullum est dubium , 58) quin id quod agris nostris hoc modo accedit , nobis ; 59) quod agro publico , viæ publicæ adjicitur , publico cedere debeat . *) Contra ea quum in vi fluminis de domino terræ avulsæ satis constet : (§. CCLI. 49.) 60) ea jure naturali circa dominium nihil mutari , palam est , 61) nisi forte dominus terram hoc modo avulsam pro derelicta habere velit . Quod in civitatibus ex intermissa per tempus legitimam vindicatione colligi solet . §. 21. *Instir. de rer. divis. l. 7. §. 2. D. adqu. rer. dom.*

*) Et hoc fundamento nititur jureconsultorum & agri mensorum distinctio inter agros *arcifinios* , qui non alijs , quam naturalibus , limitibus finiuntur , & *limitatos* , quos ad certum perticarum pedumve numerum adsignantur . l. 16. D. de adqu. rer. dom. l. 1. §. 6. D. de flumin. De qua agriorum differentia vid. Isidor. Orig. XI, 13. *Auctores de limitib. p. 293. edit. Guil. Gossii*, Jo. Fr. Gronov. ad Gros. de jure belli & pac. II, 3. 16. num. 1. Quidquid enim inter agros limitatos & flumen interjacet , id vel publicum , vel alicui privato proprium esse , nemo non intelligit . Neutro autem casu agro limitato aliquid accedit .

§. CCLV.

Denique quod ad ALVEI MUTATIONEM attinet , si alveus derelictus , quantum constat , in nullius antea dominio fuit , ille 62) non potest vicinis , qui utrimque prædia habent , pro modo prædiorum adquiri , uti visum est

In alvei
mutatio-
ne &
inunda-
tione.

jureconsultis Romanis l. 7. §. 5. *D. de adq. rer. dom.* sed, quia de fluminis, cujus pars est alveus, dominio satis certo constat, (§. CCLI. 45.) 63) ille, tamquam pars fluminis ejusdem erit, cujus flumen fuit: quemadmodum 64) ex eadem ratione novus alveus, iterum derelictus, procul dubio non minus manet priorum dominorum, quam 65) ager *INUNDATUS*, si deinde aqua recesserit. *)

*) Aliud dixeris, si perpetua sit inundatio, ut jam mare sit, ut Troja fuit. Tunc enim res extincta videtur, quæ nullum nobis usum præstat, nec præstare unquam potest. Non entis vero, ejusque, quod nullum hominibus usum præstat, nullum est dominium, nulla proprietas. (§. CCXXXV. 10.) Ex quo sane consequitur, ut durissima sit eorum conditio, a quibus ob agros, mari vel flumine jam pridem absorptos, tributa, vectigalia & pensiones exiguntur, nisi forte culpa & negligentia sua in restituendis aggeribus meruerint, ut ita mulcentur, quamvis & hæc pœna satis immodica, immo durissima videatur. Quis enim tributis ac pensionibus oneret res, in quibus proprietas, ususfructus, possessio, & iter amissa sunt? l. 23. *D. quib. mod. usufr. amitt.* l. 3. §. 17. l. 30. §. 3. *D. de adq. possess.* l. 1. §. 9. *D. de itin. atque priv.*

§. CCLVI.

De accessione
industria-
li axio-
ma pri-
mum,

Progredimur ad accessionem *INDUSTRIALEM & MIXTAM*, de qua subtiliter admodum philosophati sunt jureconsulti. Nos ita statuimus: Si res utriusque voluntate junctæ sint, ne dubitari quidem potest, quin uterque fiat dominus pro rata, adeoque communio positiva inducatur. (§. CCXXXI.)

At

At hic de accessione, quæ altero invito facta, loquimur. Hic quum domino jus sit, omnes rei usu excludere: (§. CCXXXI.) procul dubio etiam prohibere potest, quo minus, quidquam rei suæ, se invito jungatur. Quin vero quod jungitur rei nostræ, vel eam inutilem aut deteriolem saltem, vel meliorem præstantiorumque reddat, is vero, qui res nostras deteriores reddit, nos lædat: (§. CLXXVIII.) consequens est, 66) ut qui res nostras quacumque accessione industriali deteriores vel plane inutiles reddidit, is, accepta re corrupta, ad omne damnum nobis resarciendum, quin, si dolo malo tale quid fecerit, simul ad poenam (§. CCXI. 119. seq.) teneatur.

§. CCLVII.

Sin res accessione quacumque industriali ad alios meliores præstantioresque redditæ sunt: tunc multum interesse videtur, possintne res sibi invicem junctæ, sine notabili dispendio separari, an non possint. Priore casu, quum utriusque materiæ vel rei domino jus sit, alterum usu rei suæ excludendi, (§. CCXXXI.) id vero aliter exitum habere non possit, quam rebus separatis: consequens est, 67) ut eo casu res junctæ statim separandæ, suumque cuique tribuendum sit: 68) posteriore autem casu res junctæ alterutri ad dicantur, condemnando simul ad ætimationem rei alienæ alteri, quem re sua carere oportet, *) poenamque, si in maiâ fide sit, præstandam. (§. CCXI. 319. seq.)

Axiomata secundum & tertium.

*) Quisquis enim res alterius, quibus illi ad con-

conservandam suaviterque transigendam vitam opus est, intervertit, is non lædit. (§. CXC. 52.) Qui nos lædit, ad satisfactionem tenetur; (§. CCX.) ea, quum eo casu, ubi factum infectum fieri nequit, in præstanda justa rei æstimatione consistat: (§. CCXII. 124.) consequens est, ut is, qui alterius rem intervertere, sibi que habere cupit, justam ejus æstimationem præstare teneatur. Unde simul æquissimam esse patet regulam *πλουθρίωντος*, neminem debere cum alterius damno sine ratione locupletiores fieri velle.

§. CCLVIII.

Nec non
quædam
& sequē-
tia,

Quum vero posteriore casu res junctæ alterutri addicendæ sint, (§. CCLVII. 68) consequens est, ut causam justam, cur alteruter alteri præferendus sit, esse oporteat, (§. C-LXXVII. 5.) ea vero quum non alia esse possit, quam alterutrius rei præstantia, quam sæpius raritate & adfectione, quam usu, æstimamus: merito inde colligimus, 69) non semper procedere regulam: *accessorium sequi suum principale*: cujus absurditatem in pictura ipse Justinianus, & ante eum Cajus, agnovit §. 34. *Instit. de rer. divis. l. 9. §. 2. D. de adq. rer. dom.* sed 70) res junctas addicendas esse illi, cujus res ob raritatem, adfectionem, operas, curam, & culturam majus pretium admittunt, *) eumque 71) alteri ad præstandam æstimationem damnandum, 72) nisi ei tanti non sit res sua, ut non pretium recipere, quam offerre alteri, malit.

*) Veteres jurisconsultos hic non certa aliqua

qua ratione naturali niti, & hinc diversis admodum viis incedere jam observavit V. C. Jo. Barbeyrac. ad Pufendorff. de offic. hom. & civ. I, 12. 7. Primus confusa distinguere, ac in ordinem redigere conatus est vir acris & recti judicii, Christ. Thomas. dissertatione singulari, de pretio adfectionis in res fungibiles non cadente, Hal. MDCCI, 4. ubi ad eadem principia Cap. III. §. XXXVIII. seq. doctrinas juris Romani de accessione industriali accurate examinavit.

§. CCLIX.

Hinc facile patet, quid sentiendum sit de SPECIFICATIONE, qua nova forma in alterius materiam introducit. Quum enim plerumque in materiam nulla cadat adfectio, in formam, ob artificium, vel maxime cadat, (§. CCLVIII. 70.) 73) nova species merito addicenda fuerit specificanti, *) ad justam tamen pretii æstimationem, & si sciens dolo malo id fecerit, in poenam condemnando: (§. CCLVI. 66.) Thomas. dissert. laudata Cap. III. §. XLIII. sequ. quamvis 74) ex eadem ratione omnino præferendus materiæ dominus, si hæc rarior, & pluris sit quam forma, quæ alterius opera accessi: e. g. si quis ex alterius electro, vel ære Corinthiaco, signum vel vas confecerit, isque tunc 75) obligatus sit ad mercedem pro opera, si specificans in bona fide fuerit, præstendam.

*) Nihil ergo solidi inest distinctioni, qua rem impeditissimam expedire voluit Justinianus §. 25. Inst. de rer. divis. possitne videlicet nova species ad materiam reduci, nec ne.

Nulla enim est idonea ratio, cur priore casu dominus materiæ, posteriori specificans præferendus sit, maxime quum sæpe materia, demta forma, parum magni momenti futura sit. Vide Pufend. *de jur. nat. & gent.* IV, 7. 10. Immo aliquando centuplo plus pretii inest speciei, quam materiæ, ex qua illa confecta est. Quia vero tunc domino materiæ speciem ideo addiceret, quod ad priorem materiam reduci possit. At quum facilius præstetur æstimatio tabularum, quam ipsius navis, ex illis confectæ, quis ideo tabularum domino navem adjudicet, quod hæc ad priorem materiam reduci possit? Sane hoc casu, si navis vetus alterius tabulis resecta sit, principium nostrum sequitur Julianus *l. 61. D. de rei vind.* quamvis procul dubio res in priorem formam reduci possit, etiamsi nova navis ex alienis tabulis facta sit, *l. 26. pr. D. de adq. rer. dom.*

§. CCLX.

Circa
adiun-
ctionem
& spe-
ciatim
inclusio-
nem, ad-
ferrumi-
nationē,
adplum-
baturam
intextu-
ram.

Deinde accessionis industrialis species haud postrema est ADJUNCTIO, quando rei nostræ aliena, siye per inclusionem, siye per adferruminationem, adplumbatamve, siye per intexturam, inædificationem, scripturam, picturamque adjungitur. Et quidem, quum INCLUSIO ita plerumque sit comparata, ut res junctæ facile, & citra notabile dispendium, separari possint, eo vero casu res separari, & suam cuique tribui, æquum sit; (§. CC-LVII. 67.) nulla profecto ratio est; 76) cur non illi, cujus auro gemma inclusa est, aurum; domino gemmæ gemma reddi debeat. Nec 77) de adferruminatione, adplumbatura, & intextura aliter sentiendum videtur, si res

si res citra notabile dispendium separari possint : alias 78) merito præferri jungentem existimamus, quia alterius materia raro pretium aliquod adfectionis admittit. * (§. CCLVIII. 70.)

*) Accedit, quod sæpe incommodum futurum sit domino materiæ, si eam cum accessione retinere, pretiumque rei adjunctæ solvere jubetur, maxime si re ista ob statum, ætatem, aliasque circumstantias uti non possit, e. g. si quis plebeji vestii latum clavum, vel plurimum auri adfuisset. Res sane tunc, quod ad usum attinet, vere deterior, id est, illi inutilis facta est. Qui vero res nostras quacunque accessione industriali deteriores vel plane inutiles reddidit, is, accepta re corrupta, ad omne damnum nobis resarciendum, quin, si dolo malo tale quid fecerit, simul ad poenam tenetur. (§. CCLVI. 66.)

§. CCLXI.

Si quis ex aliena materia in suo solo bona fide Circa in-
ædifica-
tionem. **ÆDIFICAVIT**, & totum ædificium ex tignis ligneis constat : 79) nulla est ratio, cur, errore paulo maturius animadverso, solvi non possint tigna juncta, dominoque reddi. *) (§. CCLVII. 67.) Sin ex solido lapide quis ædificarit, vel tigna exempta inutilia futura essent domino : 80) æquisimum erit, ut ædicator, si justam æstimationem materiæ, poenamque insuper ob dolum malum præstiterit, dominium ædificii consequatur. (§. CCLVII. 68. §. CCLVIII. 80.) Sin quis aliena materia in suo solo ædificarit, 81) ædificium, quod sine notabili

dispendio solvi potest, itidem dissolvendum :
 (§. CCLVII. 67.) vel 82) domino soli ,
 quod pretium adfectionis admittit , erit ad-
 judicandum , (§. CCLVIII. 70.) nisi 83)
 ædificium plane inutile futurum esset domino
 soli , quo casu ædificans , ædificio sibi reten-
 to , soli æstimationem , & si in mala fide sit ,
 pœnam præstare tenebitur . (§. CCLVI. 66.)

*) Ratio enim , cur tignum junctum solvi ve-
 ruerint decemviri , ne scilicet urbes ruinis de-
 formentur , l. 6. D. ad exhib. l. 7. §. 10. D.
 de acqu. rer. dom. l. 1. D. de tign. juncto ,
 mere civilis est , & in recta ratione præsidium
 plane nullum reperit . Hinc multæ gentes ,
 quæ non solido lapide , sed trabibus tabulis-
 que ad extruenda ædificia utebantur , ædifi-
 cium hoc similibusque casibus dirui , tigna-
 que avehi non modo siverunt , sed & legibus
 præceperunt . Vid. *Jus prov. Sax. II, 53.* &
 quæ ea de re monuimus in *Elem. jur. Germ.*
II, 3. 66. Quibus jam addimus dispositionem
legis Longob. I, 27. 1.

§. CCLXII.

Circa scripturam & picturam. Minus difficilis est quæstio de scriptura
 & pictura . Quum enim ea , in quæ nulla
 cadit affectio alteri , in cujus rem illa ca-
 dit , relinquenda sint , (§. CCLVIII. 70.) &
 in scripturam picturamque adfectio plerum-
 que , in tabulam & chartam numquam ca-
 dat : consequens est , 84) ut scripturæ tunc
 charta , & picturæ tabula cedere debeat , si
 scribens pingensque earum æstimationem præ-
 stare velit . *) Et si vel maxime nec scriptu-
 ra , nec pictura adfectionem admittat , vel
 uti

Cap. IX. De Officiis erga alios hypoth. 221
 uti si quis chartæ meæ res nugatorias inscripserit, vel in tabula meâ cucurbitas pinxerit: 85) nihilominus tamen & hoc casu scriptor, pictorque ineptus, re sibi accepta, ad pretium chartæ tabulæve præstandum tenebitur ob axioma primum. (§. CCLVI. 66.)

*) Mirum ergo est, jureconsultos Romanos, quorum quidam id in pictura observarunt, non idem observasse in scriptura. Quasi magis ferendum sit, scripturam viri docti cedere in accessionem vilissimæ chartæ, quam Apellis aut Parrhasii absolutissimum opus cedere in accessionem vilissimæ tabulæ. Præterea dum in ædificationi scripturam comparant jureconsulti: §. 23. *Inst. de rer. divis. l. 9. D. de acqu. rer. dom.* itidem merito quæriveris, cur non eidem comparationi locus sit in pictura? itemque quæ similitudo fingi possit soli, cui alter ædificium, me invito, imposuit, & chartæ, cui aliquid inscripsit? Illo ægre, immo sæpenumero non sine maximo dispendio caremus: hanc nihili facimus, si vel æstimationem, vel tantundem chartam ejusdem bonitatis, recipiamus. Poetica hæc est similitudo, a forma scribendi desumpta, ob quam & Latini scriptores EXARARE LITTERAS pro scribere dixerunt. Sed hujusmodi similitudo duarum rerum, non statim debet easdem circa utramque decisiones in jurisprudentia producere.

§. CCLXIII

Denique, quod ad CONFUSIONEM materialium liquidarum, & COMMIXTIONEM siccarum attinet, quamvis de utriusque discrimine subtiliter admodum disputent jureconsulti.

Circa confusionem & commixtionem.

l. 23. §. 5. D. de rei vind. res tamen eodem redit. Si enim 86) res utriusque voluntate vel confusæ vel commixtæ sunt: materia communis, ac proinde inter utrumque pro quantitate qualitateque materiæ dividenda erit. (§. CCLVI.) Sin, altero invito, facta sit confusio vel commixtio: tunc 87) materia nullius usus confundenti miscentie erit adjudicanda,isque damnandus alteri ad æstimationem pœnamve, si in dolo malo versatus sit, præstandam. (§. CCLVI. 66.) Si tamen 88) alter partem materiæ, quam pretium accipere malit, nullum est dubium, quin communionem, in quam initio invitatus incidit, adprobet, eique adeo pars rata materiæ communis denegari nequeat. *)

*) Nam & subsequuta adprobatio pro consensu est, quamvis minus, quam jussus & consensus, imputetur. (§. CXII. 51.) Hinc, si ex fortuita contusione vel συγχύσει metallorum nostrorum & aurifabri insignis prodiiisset materia, quale fuit, quod olim post incendium Corinthiacum primum visum ajunt, æs Corinthiacum: nihil profecto nobis ob stare crediderim, quo minus partem ex materia communi petamus. Quam enim communis futura esset, si nobis consentientibus esset conflata, (§. CCLVI.) adprobatio autem pro consensu sit: (§. CXII. 51.) nulla profecto ratio est, cur non & ob approbationem fiat communis, ut partem pro rata nobis possimus vindicare.

§. CCLXIV.

*Circa ac-
cessionem*

Denique nec aliis principiis opus est cir-

ca

CA SATIONEM & PLANTATIONEM, quas supra ^{mixtas,}
ad ACCESSIONES MIXTAS retulimus. (§. CCL.) ^{fationem,}
Nam 89) plantæ & arbores, antequam coa- ^{& plan-}
luerunt, procul dubio citra notabile dispen- ^{tationem.}
dium separari, adeoque a domino jure vin-
dicari possunt. (§. CCLVII. 67.) Contra
90) illæ, quæ jam coaluerunt, necnon 91)
fementa in agro sparsa quum commodè sepa-
rari a fundo non possint, nec tamen pretium
adfectionis admittant; domino soli adquirun-
tur, præstita æstimatione tum arborum semi-
numve, tum impensarum in culturam facta-
rum, (§. CCLVIII. 70. sequ.) nisi 92) po-
steriore casu soli dominus messem pro justa
pensione ei, qui agrum suum conseruit, re-
linquere malit.*)

*) Cujus rei justas ac idoneas causas habere
potest dominus agri. Ut ecce, si agrum alter
male coluerit, maleque conseruerit, ut messem
parum uberem expectare liceat. Tunc
sane domino inutilis esse posset messis, ad-
eoque pro illo militaret axioma primum.
(§. CCLVI. 66.)

§. CCLXV.

Postremo quod ad ARBOREM in confinio
positam attinet, is qui illam plantat, in id ^{Circa}
consentit, ut ramorum pars super vicini ^{fructus}
aream propendeat: & vicinus, qui, dum al- ^{arboris}
terum usu areæ suæ excludere posset, id ^{in confi-}
non facit, itidem in id consentit. Quum er- ^{nio posi-}
go accessio, utriusque consensu facta, rem
reddat communem: (§. CCLVI.) conse-
quens est, 93) ut arbor talis sit utrique
communis, pro indiviso quidem, quamdiu

stat in confinio, pro diviso, simul, ac erūtā est, ac proinde 94) priore casu fructus & folia, 95) posteriore ipsa ligna pro rata inter utrumque vicinum merito dividantur. *)

*) Hanc simplicitatem majores nostri prætulerunt juris Romani subtilitatibus de alimentis, quæ per radices attrahant arbores, ipsamque paulatim mutent earum substantiam. l. 26. §. 2. *D. de acqu. rer. dom.* Germanicæ enim originis gentes magis ramorum, quam radicum, habuisse rationem, ostendimus in *Elem. jur. Germ.* II, §. 69.

C A P U T X.

De Derivativis dominii acquisitionibus, quæ vivo priore domino fiunt.

§. CCLXVI.

Transi-
tio ad
adquisi-
tiones
derivati-
vas.

Semel acquisito dominio, aliquando mutatio quædam contingit, ut alius in re quadam adquirat vel proprietatem, vel dominium, quum antea horum nihil haberet. Has ADQUISITIONES nos supra DERIVATIVAS adpellavimus. (§. CCXL.) Jam quum res, in qua proprietatem adquirimus, antea *communis*; in qua dominium primum consequimur, antea alicui *propria* fuerit: quoties ex re communi partem nostram accipimus propriam, toties DIVISIONEM, quoties totam soli adquirimus, CESSIONEM; *) quoties denique res alterius propria, eo volente, in nostrum dominium transit, TRADITIONEM fieri dicimus.

*) Pau-

- *) Paulo latius quidem alias patet vocabuli **CESSIONIS** notio, ut omnem juris vel actionis translationem in alterum significet. Enimvero quum tunc fere sub *traditione* comprehendi possit, hic paulo arctioribus limitibus circumscribimus significationem vocabuli, ut sit *translatio juris ac dominiis, pluribus communis, in unum ex sociis, reliquorum consensu, facta*. Hinc si e. g. coheredes nomen aliquod hereditarium totum in unum ex coheredibus transcribunt, **CESSISSE** illi hoc nomen dicuntur.

§. CCLXVII.

Omnibus his casibus id, quod antea nostrum fuit, vel totum, vel pro parte, nostrum esse desinit, & in alterius dominium vel proprietatem transit: id quod vocamus **ALIENATIONEM**, eaque, si ex anteriore adquirentis jure proficiscitur, **NECESSARIA**; si de novo, consentiente utriusque voluntate, discernitur, **VOLUNTARIA** adpellatur.*) Utraque vero efficit, ut alius in alterius locum, adcoque & in jus circa illam rem, & onera cum illa conjuncta succedat. Sic & alienatio, quæ a nulla circumstantia suspendit translationem dominiis, **PURA**; quæ suspendit, **CONDITIONALIS** dicitur.

Per eas fit alienatio vel necessaria, vel voluntaria, vel pura, vel condicionalis.

- *) Sic e. g. necessaria est alienatio rei communis, quæ fit, socio ad divisionem provocante, quia socio, urgenti divisionem, in ea jam antea jus fuit. Necessaria item alienatio rei alicui oppignoratae, quippe quæ itidem fit ob jus, creditori in illa re antea constitutum. Contra voluntaria est alienatio ædium, quas is, qui alibi Lares positurus est, vendit, & in quibus nemini omnino

quidquam juris est. Ita explicanda est divisio, quam & Romana jurisprudentia agnoscit. l. 1. D. de fund. dot. l. 2. §. 1. D. de rebus eorum, qui sub tut. l. 13. l. 14. D. fam. ercisc. & alibi passim.

§. CCLXVIII.

Eaque
vel in
præsens,
vel in fu-
turum.

Quum ergo voluntaria alienatio aliter, quam utroque consentiente, fieri ac intelligi non possit: consentire vero liceat in alienationem tum PRÆSENTEM, ut dominium nostrum in alterum, vivis nobis, transferatur, tum FUTURAM, ut quis post fata demum nostra possessionem rerum nostrarum omnino consequatur, denique ille consensus in futuram alienationem vel VERUS sit, vel ex FINE & INTENTIONE hominis colligatur: *) ex prioris successio testamentaria; ex posteriore intestatorum derivari solet. Jam de alienatione præsentis, sequente capite de futura exit disserendum.

*) Ad alienationem ergo futuram referimus eam, quando post mortem demum bonorum nostrorum possessio ad heredes omnino devolvitur. Id si sit, nobis vivis id VERE volentibus, voluntas hæc vocatur testamentum, ipsaque successio testamentaria audit. Sin ex fine atque intentione morientis colligitur, illum hereditatem in hos potius, quam in alios translatam voluisse, est hæc successio ab intestato. Jam utrique successionis obstat videtur, quod nemo possit aliquid velle in illud tempus, quo velle amplius nequeat, nec alienationem fieri hoc modo posse a viro, quia nec jus, nec dominium in heredes vivus transferat, nec a mortuo, quia hic, quia ipse non habeat, in alium transferre

Cap. X. De Derivativis dominii adquis. 227
 nequeat. Unde & testamenti factionem juris naturalis esse negant plures viri doctissimi, veluti Merill. *Obs.* VI, 25. Thomas. *Not. ad tit. Inst. de test. ord.* p. 173. Gothofr. de Coccei. *diss. de testam. princ. Part. I. §. XXII. seq.* Quorum argumenta si vera morientium voluntati, i. e. testamentis, obstant, multo magis obstabunt præsuntæ, ex qua successionem ab intestato repetunt, adeoque tota illa, quam hic inculcamus, ALIENATIO FUTURA εἰς ἀποζυγιον erit. Sed uti facile largimur, hæc argumenta penitus evertere testamenti factionem, qualis jure Romano prodita est: Vid. *exerc. nostr. de testam. jure Germ. arch. lim. circumscripta §. III.* ita non obstant dispositionibus de futura successione omnibus. Et de his vero quousque secundum rectam rationem porrigantur, capite sequente dicemus.

§. CCLXIX.

Ad proprietatem a communione fit transitus per DIVISIONEM, (§. CCLXVI.) quæ est assignatio partis, cuivis sociorum ex toto positive communi competentis. Quum enim socius usu rei communis alios omnes, præter socios excludere possit: (§. CCXXXI.) consequens est, 1) ut unusquisque sociorum usum rei, pro parte ad se pertinente, petere, adeoque 2) ad divisionem provocare possit; quin ut 3) eo minus audiendi sint reliqui, hanc divisionem impedituri, quo minus præsentis generis humani conditioni convenit positiva communio. *) (§. CCXXXVIII.)

Quid divisio, & cur ad eam cuivis provocare liceat?

*) Quum enim communio illa consistere tantum possit inter homines eximia virtute præditos, ac proinde refrigescente charitate ac

justitia, statim una oblanguescere illam oporteat: (§. CCXXXVIII. *) qui fieri posset, ut nostris temporibus diu duraret communio? Quis sociorum non invidet socio? quis rem communem tam diligenter curat, ac propriam? quis non alterum, aliquid, in rem communem quod sit, acturum, non impedit? quis reliquis partem lucri intervertere non studet? Inde mille jurgia, ceu ex instituto adversus communionem Platoniam demonstravit Aristot. *Polit.* II, 2. Ut adeo recte Romani societatem ac communionem matrem dixerint discordiarum, ac proinde cuius sociorum dederint facultatem ad divisionem provocandi. l. 77. §. 2. D. de legat. 2.

§. CCLXX.

Quomodo fiat, sive res dividua, sive individua sit? Res porro communis vel DIVIDUA est facile, vel INDIVIDUA, quæ vel ob rei naturam, vel legibus aut moribus obstantibus, in partes scindi non potest. Provocante ergo socio ad divisionem rei, sua natura *dividua*, 4) nihil est æquius, quam ut tot fiant partes, quot sunt socii, resque sorti divisionis committatur. *Individua* autem res 5) vel uni sociorum, qui solvendo est, plurimumve licitatur, quemve ætas, vel fors reliquis prætulit, relinquenda, ceterisque præstita æstimatione, satisfaciendum, vel 6) optimis conditionibus vendenda, pretiumque inter singulos pro rata dividendum, vel 7) ejus denique usus singulis per vices concedendus est. *)

*) Sic sorti rem in dividenda Palæstina commisisse novimus Hebræos, eamque in partes scidisse, quod provincia ratione tribuum esset divi-

dividua. Contra inter fratres coheredes sæpe contingit, ut unus prædium individuum, vel volentibus reliquis, vel sorte adjudicante, certo pretio emat, & ex reliquis partem quisque pretii accipiat. Quin eodem casu sæpe contingit, ut si nullus coheredum tam sit bene numatus, ut reliquis satisfacere posse videatur, prædium extraneo optimis conditionibus vendant, pretiumque inter se dividant. Denique alternum rei communis usum, quem alicubi vocant *die Muschirung*, aliquando fratribus illustribus placuisse, observant Dieter. in *Contin. Thesauri Besold.* voce *Muschirung*. p. 417. VVehner. *Obs. pract.* *ibid.* p. 370. Exemplum insignè in domo Saxonica habes apud Muller. in *Sacchss. amal.* p. 203.

§. CCLXXI.

Ceterum quum in re communi vel par omnium jus sit, vel alter altero plus minusve juris habere soleat: (§. CCXXXI.) facile patet, 8) divisionem vel **ÆQUELEM** vel **IN-ÆQUELEM** esse, & 9) in priore omnes ad partes æquales, 10) in posteriore ad inæquales vocari. Quia vero ipsa naturalis hominum æqualitas id ab unoquoque exigit, ne in iis, quæ jure perfecto pluribus competunt, præ altero prærogativam sine justa causa adfectet: (§. CLXXVII. 5.) nemo non intelligit, 10) divisionem in dubio in æquales partes fieri debere, nec 11) quemquam sibi poscere debere præcipuum, nisi jus suum luculenter probare possit. *)

Æqualitas quæ observanda in divisionum rerum perfecte communium.

*) Tale jus poscendi *ἐξαιρῶν, τι* potest alicui competere ex lege, ex pacto, & ex ultima prio-

prioris possessoris voluntate, non autem ex majore vi & potentia, quam tamen, tamquam justam prerogativæ inter dividentes causam, admittere videtur Hobbesius, *de cive III, 15. seq.* quamque ipse satis incommode vocat *sortem naturalem*. Enimvero sic nulla foret ratio, cur non æquissima dici possit divisio a leone facta apud Phædx. *Fab. I, 5.* qui prædam particurus inter venationis socios:

*Ego, inquit, primam tollo, nominor quia leo:
Secundam, quia sum fortis, tribuetis mihi:
Tum, quia plus valeo, me sequetur tertia:
Malo adficietur, si quis quartam tetigerit.
Sic totam prædam sola improbitas abstulit.*

Hanc divisionem quisquis æquam & justam dixerit: næ illam & Hobbesii sortem naturalem probaturum, confidimus.

§. CCLXXII.

An & in
divisio-
re rerum
imperfe-
cte com-
munium
ea obser-
vanda?

Sed hæc quidem regulæ ad communionem PERFECTAM pertinent. Præter illam & IMPERFECTA datur; quoties nulli sociorum in re communi jus perfectum est. (§. CCXXXI.) Quum vero ita res ex alterius benevolentia pluribus fiat communis: consequens est, 12) ut tunc in hujus arbitrio sit, æquales partes facere, an 13) pro qualitate meriti uni plus, alteri minus tribuere malit, *) injustissima- que proinde 14) sit querela ejus, qui alterum minoris meriti hominem sibi æquiparatum esse clamat, *Matth. XX, 12.* vel 15) qui ipse sibi de suis meritis judicium temere adrogat, vel 16) beneficia, uni vel alteri concessa, ad exemplum trahenda, existimat.

*) Et

- *) Et hæc est illa *justitia distributiva* vel *δυσμετρικὴ*, comes earum virtutum, quæ aliis hominibus utilitatem adferunt, ut liberalitatis, misericordiæ, providentiæ rectricis. Grot. *de jure belli & pac.* I, 1. 8. 1. qui & hanc justiciam non semper observare proportionem comparatam, quam geometricam vocant, adeoque hanc Aristotelis doctrinam esse eorum genere, quæ sæpe locum habent, non semper, recte observat n. II. Nec Grotii sententiam evertit Pufend. *de jur. nat. & gent.* I, 7. 9. quippe qui loquitur de distributione eorum, quæ pluribus bene merentibus jure perfecto, veluti ex pacto vel promisso, debentur. Tunc verum omnino est, quod scribit Arrian. *Epist.* III, 17. Νόμος τῶτος φυσικὸς, & κρείττονα τῆ χειρόνος πλέον ἔχειν, ἐν ᾧ κρείττων ἔστιν. *Ea naturæ lex est, meliorem in eo, quo sit melior, meliore conditione esse illa, qui sit deterior.* At in iis quæ ex sola benevolentia proficiuntur, vix hæc naturæ lex urgeri potest: nec de injuria conqueri poterant veterani, quos idem Hadrianus se invicem in balneo defricare jusserat, qui aliquot diebus ante unum ex illis, membra marmoribus atterentem, servis & sumtibus donaverat, Spartian. *Hadr. Cap. XVII.* quia beneficia non sunt ad exemplum trahenda.

§. CCLXXIII.

Si res communis uni sociorum a reliquis tota attribuitur, ea vocatur *cessio*. Quare, Quid cessio rei communis? quum ita unus in reliquorum omnium locum succedat: consequens est, 17) ut & in eorundem jura circa eam rem, nec non 18) in onera & incommoda, cum illa conjuncta, succedat. (§. CCLXVII.) Quin ex eo-

eodem recte intulerunt jureconsulti Romani;
19) easdem omnino exceptiones opponi pos-
se cessionario, quibus adversus cedentem
locus fuisset futurus. *l. 5. G. de hered. vel
al. vend.*

§. CCLXXIV.

Obliga-
tio socio-
rum ad
evictio-
nem so-
cio præ-
standam.

Quum denique, siue *dividatur* res com-
munis, siue uni sociorum tota *cedatur*, id
videatur agi, ut ii, qui rem per divisionem
vel cessionem accipiunt, ejus dominium, ad-
eoque facultatem, alios rei istius usu exclu-
dendi, consequantur: (§. CCXXXI.) per
se patet, 20) utroque casu socios efficere
debere, ut ei, in quem res translata est, il-
lam habere liceat, adeoque 21) illos huic
ad præstandam evictionem, & 22) si ab
alio jure & sine culpa possessoris evicta sit,
ad omne damnum resarciendum obstrictos es-
se, 23) dummodo suas portiones salvas ha-
beant, & 24) alteri res titulo oneroso ob-
venerit. *)

*) Ita doctrina de EVICTIONIBUS, quæ & in
traditionibus locum invenit, ex ipsa æquitate
naturali fluit, quamvis ei multa, non tam
de novo adstruxerit, quam illustrationis caus-
sa addiderit jus civile, quæ ad ejus formam,
& effectum pertinent, ex. gr. dum requirit,
ut quis suo nomine rem in alterum transtule-
rit, ut possessor litem auctori in tempore de-
nunciarit, ut res ex causa contractum ante-
cedente, & quidem non vi majore, sed ju-
re, evicta sit, cetera. Hæc omnia enim ex
iisdem, quæ præmissimus, principiis prono
alveo fluere, nemo non intelligit.

§. CCLXXV.

Traditio
quid? &

Progredimur ad TRADITIONEM, qua domi-
nus,

mus, qui jus & animum alienandi habet, dominium in alium, illud ex justa causa accipientem, transfert. *Dominium*, dico. Quamvis enim jus Romanum ipsam rem, ejusque possessionem, transferri jubeat, nec prius ullum fere jus in illa re nasci patiatur: l. 20. C. de pass. vix tamen probabile est, hanc subtilitatem probare jus naturæ & gentium, *) uti recte observant Grot. de jure belli & pac. II, 6. I, 2. II, 8. 25. & Pufendorff. de jure nat. & gent. IV, 9. 6. quum, ipsis fatentibus jureconsultis, nihil tam conveniens sit naturali æquitati, quam voluntatem domini, volentis rem suam in alium transferre, ratam haberi. §. 40. Inst. de rer. divis. l. 9. D. de adqu. rer. dom. Ex quo colligimus, 25) omnem voluntatem domini de dominio rei suæ in alterum transferendo, sive expresse declaratam, sive ex certis signis elicitam, pro traditione esse, dominiumque in alterum valide transferre.

an ad
transfe-
rendam
dominiū
necessa-
riū?

*) Immo ne ipsi quidem Romani idem olim promiscue exegisse videntur. Traditio enim erat tantum rerum nec Mancipi, Ulpian. Tit. XIX, 7. veluti prædiorum provincialium. Simplific. inter rei agrar. script. p. 76. Res Mancipi plene alienabantur per æs & libram, ita, ut facto nexu & Mancipio illico transiret dominium. Varro de lingua Lat. IV. Ex eo ergo tempore demum inter Romanos hoc jus invaluit, ut dominium sine traditione, vel possessionis datione non transiret, ex quo rerum Mancipi & nec Mancipi, dominique Quiritarii & bonitarii discrimen sustulit Justinianus l. un. C. de nudo jure Quirit. toll. & l. un. C. de usucap. transform.

Quomodo fiat?

Quum ergo omnis voluntas domini de dominio rei suæ in alterum transfundo pro traditione sit, dominiumque in alterum valide transferat: (§. CCLXXV. 25.) consequens est, ut 26) perinde sit, siue qui absens rem verbis litterisve intervenientibus, siue 27) præsens de manu in manum, siue 28) per inductionem in rem, siue 29) per longam brevemque manum, siue 30) adhibito certo symbolo, inter homines alicujus provinciæ receptio, (§. CCXLII. 2.) tradat. *) 31) Ut nihil obstat, quo minus & jus siue traditione, siue quasi traditione in alium transferri possit.

*) Equidem traditio illa symbolica ne ipsis quid in Romanis erat ignota, ceu patet ex l. 1. §. pen. D. de acqu. poss. l. 9. §. 6. D. de acqu. rer. dom. l. 74. D. de cont. emt. Ac multo acutiores hac in re fuerunt Germanicæ originis gentes, quæ in traditionibus & investituris res fere quascunque pro arbitrio, at præcipue tamen festucam, baculum, culmum, cespitem, arbusculam, chirothecam, & similes res adhibebant. Vid. *Elem. nostra jur. Germ. II. 3. 74. seq.* Quo. & SCOTATIO Danica pertinet, c. 2. X. de consuet. de qua ex instituto Strauch. *Amanit. jur. can. ecl. V. & Gundlingiana Part. VII. diff. IV.*

§. CCLXXVII.

Quis per eam transferre possit dominium?

Quum vero dominus tantum tradere possit, qui jus alienandi habet: (§. CCLXXV.) consequens est, 32) ut nullus fu- nus sit effectus traditionis, ab eo factæ, qui vel propter legem, vel ob conventionem, vel aliam quan-

quamcumque causam, alienare nequit, 33) multoque minus valitura sit traditio, a non domino facta, quum, quod quisque jus non habet, illud in alium transferre nequeat. *) 34) Ut contra. perinde sit, si ipse dominus rem tradat, si ejus voluntate, mandato vel approbatione alius.

*) Attamen hujusmodi traditio, alteri ignorantia facta, hunc facit bonæ fidei possessorem, donec verus dominus superveniens rem suam vindicet. Hunc vero, quid circa rem restituendam observare, quos fructus retinere, quosve restituere oporteat: multis repertis regulis, ostendere conantur. Grot. de jure belli & pac. II, 10. Pufendorf. de jur. nat. & gent. IV, 13. 6. seq. Nos infra suo loco ea de re agemus ex instituto, (§. CCCXII. seq.) & omnia redire ostendemus ad duas regulas: I) Bonæ fidei possessorem tantisper, dum de vero domino non constat, loco domini esse, ac proinde iisdem juribus uti, quibus dominus uteretur. II) Supervenienti domino eundem rem existentem una cum fructibus existentibus, & si res non existeret, tantum, in quantum factus sit locupletior, restituere teneri.

§. CCLXXVIII.

Quumque ex justa causa fieri alienationem oporteat; (§. CCLXXV.) ipsa res unum quemque monebit, 35) intelligi causam, quæ ad transferendum dominium sufficiat, adeoque 36) non transire dominium, si cui res ex commodato, deposito, locato tradatur, multo minus 37) si tradatur precario, vel ex alio titulo, pro tradentis arbitrio revocabili. 38) Immo ne quamlibet quidem justam

Traditione non ex omni causa transferatur dominium.

justam causam sufficere, si is, cui res traditur, alteri ex pacto non satisfecerit.*)

*) Ubi enim ita fit alienatio, ut alter aliquid præstet: ibi *conditionalis* est alienatio. Quæ quum translationem dominii suspendat: (§. CCLXVII.) consequens est, ut, altero non præstante id, quod promisit, non transferatur dominium, adeoque invalida sit traditio. Hinc Romani venditas res traditasque non aliter emptori adquiri statuebant, quam soluto pretio, vel satisfactione alio modo præstita. §. 41. *Instit. de rer. divis.* Hinc illa Varronis *de re rust.* II, 2. *Grex venditus dominum non mutat, nisi sit es adnumeratum.* Quinctiliani *Decl. CCCXXXVI.* *Quo jure vindicare potes eam rem, cujus pretium non dedisti?* Tertull. *de penitentia Cap. VI.* *Ineptum est, pretium non exhibere: ad mercem manus mittere.*

§. CCLXXIX.

Nec semper quis eo animo & consilio rem tradit.

Præterea traditurum rem suam, id animo alienandi transferendique dominii facere debere, diximus. (§. CCLXXV.) Ex quo patet, 39) nullam esse traditionem, ab infantibus, furiosis, mente captis, similibusque personis, quæ, quid rei geratur, non intelligere præsumuntur, factam: nec 40) per eam transire dominium, si dominus commodandi, deponendi, oppignorandi similive consilio rem alicui dederit: quin 41) posse sibi unumquemque in re sua jus aliquod, quod non transferatur, excipere ac reservare, eoque casu 42) tantum transmitti, quantum is, qui alienat, transmittere voluit.

§. CCLXXX.

§. CCLXXX.

Origo
dominii
minus
pleni.

Ex quo facile intelligitur, 43) unde natum sit DOMINIUM MINUS PLENUM. Quum enim per illud nihil aliud intelligamus, quam dominium, cujus effectus inter duos dominos inæqualiter divisi sunt: admodum probabile est, illius originem repetendam esse a traditione cum exceptione, vel reservatione partis cujusdam domini facta. Quo facto, 44) binos dominos ejusdem rei esse oportet, quorum alteri 45) jus acquiritur, utilitatem omnem ex re percipiendi, aliosque fructuum utilitatumque usu & perceptione excludendi; alteri 46) facultas vel circa dispositionem de illa re concurrendi, vel aliquid exigendi, ex quo de agnitione domini constet, nascitur. *)

*) Posteriorius domini minus pleni genus jure-consulti mediæ ævi vocarunt DIRECTUM, prius UTILE: minus eleganter quidem, sed vocabulis jam semel in schola ac foro receptis. Unde iis repudium dare intempestivum videretur. Posses tamen alterum dominum SUPERIOREM vel MAJOREM, alterum INFERIOREM vel MINOREM vocare, exemplo Romanorum, qui patremfamilias herum majorem; filiosfamilias heros minores adpellabant. Plaut. Cap. III, 5. v. 50. Trinum. II, 2. 53. Asinar. II, 2. 66.

§. CCLXXXI.

Quum ita comparatum sit dominium utile, ut major dominus sibi facultatem aliquam, vel circa dispositionem concurrendi, vel aliquid, ex quo de agnitione domini constet, exigendi, reservet: (§ CCLXXX. 46.)

Ejus va-
riæ spe-
cies.

con-

consequens est, 47) ut , quamvis innumera esse possint dominii minus pleni genera , & 38) res hic præcipue redeat ad conventionem partium : tamen 49) si quis sibi a possessore rei traditæ stipuletur fidelitatem , & servitia , & ne res sine suo consensu alienetur , inde nascatur FEUDUM , 50) si canonem annuum , in agnitionem dominii solvendum ; JUS EMPHYTEUTICUM ; *) si denique 51) solarium , pro superficie in solo , nobis reservato , præstandum , JUS SUPERFICIER : quæ præcipua & apud plerasque gentes notissima sunt dominii utilis genera .

*) JURIS EMPHYTEUTICARII exemplum *Genes. XLVII, 26. seq.* reperit Josephus *Antiq. Jud. II, 7.* quamvis agros Ægyptiorum censuales potius factos esse , existimet Hert. *ad Pufend. jur. nat. & gent. IV, 8. 3.* Sed si in eo ponit discrimen agrorum emphyteuticorum & censiticorum , quod in illis possessori utile , in his plenum dominium competat : luculenter sane probari potest , dominii partem competisse Pharaonibus . Eo enim pertinent verba Josephi Patriarchæ *Gen. XLVII, 23. Vos hodie agrosque vestros Pharaoni emi.* JURIS SUPERFICIERII exemplum illustre atque insigne est apud Justin. *Hist. XVIII, 5.* DE FEUDORUM origine certant viri docti , & adhuc sub judice lis est , quamvis commune Europæis fere omnibus factum sit hoc institutum . Ceterum multa alia esse apud originis Germ. gentes dominii minus pleni genera , ostendimus in *Elem. jur. Germ. II, 2. 33. seq.*

§. CCLXXXII.

Quid servitus ,
quidque Si 52) non res ipsa ejusve dominium , sed
usus aliquis , traditur , ei , qui hunc accipit ,
in

in re aliena acquiritur **SERVITUS**, & quidem circa eam
justum? 53) si is usus ad utentis personam vitamque restringitur, **PERSONALIS**, sin 54.) ipsi utentis prædio adeoque & omnibus in illo successoribus, ejus conceditur, **REALIS** vel **PRÆDIALIS**. Quum ergo omnibus his casibus tantum juris transferatur, quantum transferri is, qui alienavit, voluit: (§. CCLXXIX. 42.) sequitur, 55) ut & hic res redeat ad conventionem partium, adeoque 56) juris mere positivi sint tantum non omnia, quæ juris auctores de servitutibus satis subtiliter constituerunt. *)

*) Quo pertinent doctrinæ notissimæ; quod servitus consistat in patiendo vel non faciendo, non in faciendo: quod sit individua, quod causam ejus esse oporteat perpetuam, quod, quia utendum fruendum sit salva rei substantia, usufructus ne in area quidem subsistat: quod insigne sit discrimen inter usumfructum, usum, habitationem, operas servorum, quod quædam hujusmodi jura non usu & capitis deminutione amittantur, quædam non amittantur. Omnia enim hæc ita comparata sunt, ut nec recta ratio ea abscisse exigat, nec quidquam obstat, quo minus pactis & conventionibus mutari aliterque definiri possit.

§. CCLXXXIII.

Aliquando res ita traditur a domino creditori, ut saluum quidem tradenti sit dominium, creditor tamen rem in securitatem crediti possideat: tunc 57) constitui dicitur **JUS PIGNORIS**, vel 58) si id ea fiat lege, ut creditor simul utilitatem ex pignore fructuoso percipiat in vicem usurarum, **JUS ANTICHRE-** Quid jus
pignoris
& hypo-
thecæ,
quidque
circa ut-
rumque
justum
sit?
TICUM.

TICUM. Denique 59) si creditori jus pignoris in re quadam sine traditione constituitur: id *HYPOTHECAM* vocamus. Quemadmodum ergo 60) prioribus casibus creditori fas est, rem oppignoratam, non soluto debito, non modo retinere, verum etiam 61) distrahere, & ex pretio, quæ sibi debentur, deducere, ita 62) posteriore eidem in hypotheca possessionem in securitatem crediti persequi, & illam tunc itidem, usque dum nomen expungatur, retinere, vel distrahere licet.

§. CCLXXXIII.

Quomodo traditio-
ne do-
minium
transeat
in acci-
pientem.

Denique traditione rei dominium transferri diximus in accipientem. (§. CCLXXV.) ACCIPERE vero aliquid videmur vel VERE, quoties consensum nostrum, quod rem traditam nostram fieri velimus, vel verbis, vel factis testamur, vel ex PRÆSUMPTIONE, quoties ex ipsa rei indole non potest non judicari, alterum rem, quam quis traditurus est, non adspernaturum. Similiter & TRADERE potest, voluntate transferendi vel expresse declarata, vel ex certis signis elicitæ. (§. CCLXXV. 25) Quale certissimum signum in primis suggerit finis & intentio ejus, qui quid adquisivit, adquisitumque tanta cura servavit ac tuitus est, *)

*) Adquirentium vero suæque magna cura administrantium hominum finis atque intentio semper est, non modo ne sibi quid desit, sed & ut suis bene sit, maxime se mortuis, & nulla re amplius indigentibus. Unde Euripides in *Medea* v. 1098.

Οἷσι δὲ τέκνων ἔστιν ἐν οἴκῳ
Ἐλευκρὸν δάσκημ' ἑσπεῖα μελέτῃ

Κατα-

Κατατρυχωμένους ἅπαντα χρόνον .

Πρώτον μὲν, ἔπειν θρίψαι καλῶς,

Βιότον δ' ἐπὶ θέν λείψαι τέκνοις .

Sed quibus in adibus est liberorum

Dulce germen, eos video curis

Confici omni tempore,

Primum quidem, quo pacto bene ipsos edu-
cent.

Et unde VICTUM relinquant liberis.

Et in Iphigen. in Aulide. v. 917.

Λεινὸν τὸ τέκτειν, καὶ φέρει φίλτρον μέγα,

Πᾶσιν τε κινὸν ᾧδ' ὑπεκράμειν τέκνων .

Res est vehemens parare, & adfert ingens
desiderium;

Communeque omnibus est, ut LABORENT PRO
LIBERIS:

Si liberi desint, reliquis cognatis, necessariis
ac amicis non magis consultum velle, quam
extraneis, ipsa experientia satis superque
docet.

§. CCLXXXV.

Quum itaque cuivis, rerum suarum do-
mino, liceat, easdem in alios transferre,
(§. CCLXXV.) eaque translatio fieri possit
quibuscumque conditionibus: (§. CCLXXVII.)
consequens est, 63) ut fieri etiam possit
ea lege, ut aliter quidem dominium, at pos-
sessionem usumque denuum post tradentis
mortem consequatur. Quæ quidem volun-
tas, quin & vere declarari, & ex fine
adquirentis, tamquam signo certissimo, eli-
ci possit, neutro vero casu vera & expres-
sa alterius acceptione opus sit: (§. CC-
LXXXIV.) 64) priore casu illa TESTA-
MENTI vel ULTIMÆ VOLUNTATIS nomine ve-
nit; 65) posteriore SUCCESSIONIS AB INTE-

Transi-
tio ad
succes-
sionem
ex testa-
mento &
ab inte-
stato.

STATO genuinum ac solidissimum fundamentum est. De utraque jam ex instituto erit agendum.

C A P U T XI.

De derivativis acquisitionibus per successionem ex dispositione defuncti, & ab intestato.

§. CCLXXXVI.

Quid jureconsulti
testamentum?

TESTAMENTUM ex conceptu jureconsultorum est sollemnis declaratio voluntatis de universa hereditate, omnique jure, quod testator tempore mortis habiturus est, post ejus mortem in alium transiture. Ideoque vivo testatore nihil juris in heredem transit, immo ne spes quidem tam certa, ut ea decollare non possit: sed testatori, dum anima est, prius consilium damnare, rescissisque ac ruptis prioribus tabulis, vel novas facere, vel intestato decedere licet.*)

*) Hinc notissima juris axiomata: voluntatem hominis esse ambulatoriam usque ad mortem: ultimas tantum ceras ratas esse debere, quæ morte firmantur, vel, uti *Quintil. Decl. CCCVIII.* loquitur, *illud tantum valere testamentum, post quod nullum testamentum sit*: ac proinde neminem paganum cum duobus testamentis decedere posse, & quæ sunt ejus generis alia. *l. 4. D. de alim. leg. l. 32. §. 2. D. de donat. int. vir. & ux.* Quin et usque porrigitur hæc testamentum mutandi licentia, ut illam nec clausula derogatoria, nec adiectio prioribus tabulis jurejurando, sibi adimere posse testatorem, contendant. *l. 2. D. de leg. 2. Grot. de jure belli & pac.*

Cap. XI. De Derivativis acquisit. &c. 243
pac. II, 13. 19. Leyser. Medit. ad Pand. Spec.
XLIII. n. VI. & VII.

§. CCLXXXVII.

Enimvero hujusmodi testamentum non esse juris naturæ, facile unusquisque intelligit. Quamvis enim solemnitates actui tam serio, totque exposito hominum fraudibus, adhiberi, facile patiatur recta ratio: contradictionem tamen implicare videtur, hominem aliquid velle in illud tempus, quo velle non possit, & dominium rerum suarum tum demum in alium translatum cupere, quando ipse non amplius earum sit dominus. Quod sane tam a recta ratione alienum est, ut ipsi Romani non nisi meris fictionibus *) tantam contradictionem tolli posse faterentur.

Tale non
esse juris
naturæ
probat
argumen-
to pri-
mo.

*) Quum enim nec testator, de rebus suis disponens, aliquid cum herede agat, nec heredi, quando acquirit, cum testatore quidquam sit negotii, adeoque neutro casu jus aliquod ab illo ad hunc transire possit: plura fingenda fuerunt a jureconsultis, in fingendo, ingeniosissimis, ut *ἀνύστα* hæc consistere quodammodo viderentur. Hinc fingebant, idem esse momentum testamenti fictionis cum momento mortis, idem quoque esse momentum mortis cum momento additionis, quippe quod per fictionem ad momentum illud mortis retraherent, l. 1. C. de ss. eccl. l. 54. D. de acqu. vel amitt. hered. l. 193. D. de reg. jur. Porro hereditatem jacentem non esse nullius, sed defuncti personam repræsentare, §. 2. Inst. de hered. inst. l. 31. §. ult. D. eod. l. 34. D. de adq. rer. dom. Ant. Dadin. Alteserra de Fict. jur. tract. IV.

§. CCLXXXVIII.

Itemque
secundo. Accedit, quod vix excogitari possit ratio,
cur superstites mortuorum voluntatem pro lege
habere teneantur, maxime, quum horum,
quacumque eorum sit conditio, vix interesse
possit, Dio an Theon eorum bonis fruatur: *)
immo saepe ex odio atque invidia magis,
quam ex vero amore, proficiscantur suprema
illa morientium judicia, ut mortuorum sal-
tim his casibus magis interesse videatur, exi-
tum non habere voluntates suas, quam illas
a superstibus religiose fervari. Vid. Diff.
nostr. de testamentisact. jure Germ. arct. lim.
circumsc. §. V.

*) Hinc eleganter Seneca de Benef. IV. II.
Non quidquam cura sanctiore componimus,
quam QUOD AD NOS NON PERTINET. Quem-
admodum enim gravissimus hic auctor supre-
ma illa hominum judicia ad homines pertine-
re negat, ita eodem sensu Quintil. Declam.
CCCVIII. illa vocat voluntatem ultra mortem.
Quum ergo jura ne vivum quidem alteri
quidquam stipulari patiantur, nisi stipulan-
tis interfit: §. 4. Instit. de inutil. stip. qui,
quaeso, fieri potuit, ut iidem Romanorum
jureconsulti ratas esse vellent voluntates mor-
tuorum de bonis tertio alicui concedendis,
quum mortuorum non interesset? Immorta-
les equidem esse hominum mentes, (quod
urgere animadvertimus celeberrimum G. G.
Leibnit. nov. method. jurispr. p. 56.) facile
largimur, sed inde non sequitur, ut men-
tes, corporum vinculis exsolutæ, rerum
olim suarum dominium retineant, multo mi-

Cap. XI. De Derivativis adquisit. &c. 245
minus, ut ulla rerum illarum cura tangantur:

Id cinerem & Manes credis curare sepul-
cos?
Virgil. *Æneid. IV. v. 92.*

§. CCLXXXIX.

Quum ergo jus naturæ vix probet testamentifactionem, qualem adhuc ex principiis juris Romani descripsimus, i. e. ut eam eleganter definit Ulpianus *Tir. XX. 1. mentis nostra justam contestationem, in id solemniter factam, ut post mortem nostram valeat*: (§. CCLXXXVI. seq.) consequens est, 1) ut & similes aliarum gentium mores non magis probet, adeoque 2) & Græcorum; barbarorumque testamenta ejusdem generis non magis sint juris naturæ ac gentium, quam illa Romanorum; *) ac proinde 3) nulla pœne gens magis simplicitati juris naturalis accommodarit mores suos, quam Germani, *apud quos heredes successoresque sui cuique liberi, & NULLUM TESTAMENTUM.* Tacit. *de mor. Germ. Cap. XX.*

Quod & de reli-
quarum
gentium
testamen-
tis dicen-
dum.

*) Similem enim testamenti factionem, quæ in voluntate unilateralis consistit, & qua de eo, quod post mortem demum fieri debeat, disponitur, etiam apud Atheniensesprehendimus a temporibus Solonis: Plutarch. *in Solone p. 90.* apud Lacedæmonios a temporibus Epitadei ephori: Plutarch. *in Ægid. & Cleom. p. 797.* & apud alios Græcos, quos hac in re unum idemque omnes statuere, tradit Isocrat. *in Æginet. p. 778.* Exstant & testamenta similia Ægyptiorum veluti Ptolomæi Regis, apud Cæsarem *de bello*

civ. III, 20. Hirt. de bello Alex. Cap. V. Attali, Regis Pergamenorum, de quo Flor. Hist. II, 20. Hieronis Siculi, de quo Liv. XXIV, 4. denique ipsorum Hebræorum, de quorum testamenti factio videndus Selden. de success. ad leg. Hebr. Cap. XXIV. Sed eam non esse antiquam, verum a magistrorum interpretationis originem debere, cum aliis argumentis, tum & eo potissimum probari potest, quod ne vocabulum quidem, quo testamentum designarent, in sua lingua repere- rint, ac proinde illud Græce adpellare co- acti sint ייתקי id est, διαδύλω. Vid. Diss. nostra de testamentis. jure Germ. arch. lim. circumsc. §. VI.

§. CCXC.

Nec non
de testa-
mento,
quod
Grotius
commen-
tus est.

Quæ quum ita sint, aliam plane TESTA-
MENTI definitionem commentus est Grotius
de jure belli & pac. II. 6. §. ult. illudque es-
se ait *alienationem in mortis eventum, ante*
eam revocabilem, retento interim jure possiden-
di ac fruendi. Sed uti ea definitio non qua-
drat illi rei, quam vulgo testamentum ad-
pellamus, sed multis modis falsa est: Ziegl.
ad Grot. II. 6. fin. Pufend. *de jur. nat. & gent.*
IV. 10. 2. Illustr. Jo. Gottofr. de Coccei. ibid.
§. IV. seq. ita non sequitur, 4) ut ideo ju-
ris naturæ sit testamenti factio, quia illud
jus non improbet alienationem in mortis
eventum, ante eam revocabilem, cum reten-
tione possessionis & ususfructus conjunctam.

§. CCXCI.

Qualis
dispositio
de

Attamen quum argumenta, quæ adhuc ex-
plicavimus, omnia testamentifactionem qui-
dem

dem Romanam penitus evertant, at non proinde obstant dispositionibus omnibus de futura successione: (§. CCLXVIII. *) merito jam quæritur, quænam illæ sint, quæ jure naturæ adprobentur? Responsum cape. Non aliæ, quam pacta, quibus vel homines morientes ipsam possessionem cum dominio rerum suarum in alios transferunt, vel sani illis jus succedendi in casum mortis attribuunt. Quoniam enim, quod nostrum est, non modo in præsens, sed & in futurum alienare liceat: (§. CCLXVIII.) 5) licebit etiam de substantia nostra, sive in præsens, sive in futurum mortis eventum, in alterum transferrenda, pacisci. *)

hereditare jure naturæ licita?

* (Et hinc antiquissimi mortalium vix aliter de bonis suis, quam hoc modo disponebant. Sic Abrahamus liberis destitutus, bona sua destinaverat Eleazari procuratori suo, Genes. XV, 3. procul dubio per mortis causa donationem, seu pactum aliud successorium. Idem deinde, mortua Sara uxore, susceptis e Cethura liberis partem bonorum suorum vivus & sanus per donationem inter vivos contulit, reliqua omnia Isaac dedit. Gen. XXV, 5. 6. Sed & Cyrum, morientem, præfenti Cambysi, filio natu majori, regnum, alteri natu minori, Tanaoxati, Medorum, Armeniorum & Cadusiorum satrapias tradidisse, refert Xenoph. Cyrop. VIII, 7. 3. Divisionis & donationis, inter liberos a parentibus, imminente morte factæ, mentionem fieri videmus. Gen. XLVIII, 22. Deut. XXI, 16. 17. 1. Reg. I. 35. Syriac. XXXIII, 24. & apud Francos huc pertinent exempla apud Marculf. Form. I, 12. II, 7.

§. CCXCII.

Pacta
successo-
ria quæ
valeant?

Quum ergo cuilibet liceat de substantia sua in alium sive in præsens, sive in futurum mortis eventum transferenda pacisci: (§. CCXCI. 5.) consequens est, 6) ut nihil causæ sit, cur juri naturæ refragari existime-
mus pacta successoria. *) 7) Ut potius il-
la jure optimo maximo valere debeant, sive reciproca sint, sive ex uno tantum latere ob-
ligatoria: itemque 8) sive acquisita, sive conservativa, sive renunciativa: nam 9) dis-
positiva paciscentes quidem, non vero eum,
cujus de hereditate disponitur, obstringere,
vel ex eo patet, quod hic nihil de suo pa-
ctus est. (§. CCLXXXI. 5.)

*) Illa equidem non probat jus Romanum,
sed bonis moribus adversari, plenaque tri-
stissimi eventus esse, clamat *l. ult. C. de pact.*
sed ratio de voto captandæ mortis non in
hæc pacta magis cadit, quam in mortis
caussa donationes, quas tamen Romani jure
valere pariuntur. Neque tristissimus ille,
quem Roma aliquando vidit, eventus argu-
mento est, bonis moribus repugnare hæc pa-
cta successoria, quum nec testamentum, nec
ullum aliud institutum humanum, ita com-
paratum sit, ut abuti illo non possint homi-
nes improbi.

§. CCXCIII.

Quomo-
do quis
de here-
ditate
disponere
possit?

Præterea quum traditionum ea sit indoles,
ut unusquisque sibi in re sua jus aliquod,
quod non transferatur, excipere ac reservare
possit, adeoque eo casu tantum transmitta-
tur, quantum is, qui alienat, transmittere

voluit : (§. CCLXXIX. 41. sequ.) sequitur, 10) ut in arbitrio domini sit , possessionemne simul in heredem pactitium transferre velit , an jus tantum , hereditatem se mortuo occupandi , itemque , 11) utrum jus irrevocabile , an revocabile dare malit , *) denique 12) pure , sub conditione , an in diem , 13) ex asse , an pro parte alterum sibi heredem dicere malit : ut adeo 14) non sit *naturalis pugna* causæ testati & intestati , uti sibi persuasit Pomponius l. 7. D. de reg. jur.

*) Sic jus irrevocabile in filios e Kethura transtulerat Abrahamus, Gen. XXV, 6. revocabile contra in Piræum Telemachus apud Homerum *Odiss. P. v. 77.*

Πείραί εἰ γὰρ τ' ἰδῶμι , ἔπος ἔσαι τὰδ' ἔργα ,
Εἴκειν ἐμὲ μνηστῆρις ἀγλῶρις ἐν μεγάροις
Ἀλθρή κτῶναρτις πατρίϊα πάντα δάσσινται .
Αὐτὸν ἔχοντα σὺ βέλομαι , ἱπαυρέωμι , ἥτινα
ἦνδ' εἰ .

Εἰ δὲ κ' ἐγὼ τέτοισι φόβον , καὶ κῆρα φυθίσσω ,
Δὲ τότε μοι χαίρῃσι φερεῖν πρὸς δώματα χαίρων .

Piræa, incertus quoniam rerum exitus harum est,

*Si tacite incautum stolidi me forte necare
Morte proci poterunt , & opes vexare paternas :*

*Hæc ego te malo , quam eorum quempriam ,
habere :*

*Sin ego eos justa meritos adfecero clade :
Tum mihi tu lato reddes illa omnia lætus .*

§. CCXCIV.

Quum præterea aliquid accipi possit non modo vero sed & ex presumptione , quoties

An heres accipere tenetur

destina-
tam sibi
heredi-
tatem.

ex ipsa rei indole non potest non judicari, alterum rem, quam quis traditurus est, non adspernaturum. (§. CCLXXXIV.) consequens est, 15) ut jure naturæ perinde sit, præsens quis consensum declaret, an ob absentiam rem accipere verbis nequeat, quum regulariter vix verendum sit, ne molesta alteri futura sit illa liberalitas, *) maxime si lucrosam esse constet hereditatem, illi destinatam. 16) Ut tamen inter utrumque casum id intersit, quod priore validum & irrevocabile jus nanciscatur heres, nisi facultatem revocandi dominus diserte sibi reservavit : 17) posteriore ante sequutam acceptationem semper sit revocandi licentia ; itemque, 18) quod qui consensum declaravit heres, acceptam semel hereditatem repudiare nequeat, 19) is, cujus consensus præsumitur, eam sibi delatam suo arbitrio vel adire vel repudiare possit.

- *) Totam hanc doctrinam mirifice illustravit perillustis academix nostræ cancellarius, Musarumque mearum amantissimus collega, Jo. Petrus a Ludevvig, dissertatione erudite scripta, *de differentiis juris Romani & Germanici in donationibus, & barbari adnexu acceptatione*. Hal. MDCCXXI. ubi naturam atque indolem donationis, nec jus Justinianum, nec canonicum, nec Germanicum illam acceptationem verbis aliisque signis factam requirere, non sine magno rerum insignium adparatu demonstravit, omniaque quæ obverti poterant, argumenta solide præligavit, ut mirum non sit, quosdam levioris armaturæ milites vellicare hoc vallum,

Cap. X'. De derivativis adquisit. &c. 251
lum, quam iusta oppugnatione evertere,
maluisse.

§. CCXC.

Si ergo vere velle potest rerum suarum dominus, ut ille, se mortuo, in alterum transferantur: (§. CCXCI. sequ.) nulla sane ratio suadere videtur, ut voluntati ex ejus fine & intentione præsumptæ non tantundem, ac certis verbis signisve expressæ, tribuatur. (§. CCLXVIII.) Jam supra vero ostendimus, finem atque intentionem aliquid adquirentium, suasque res administrantium, non esse, ut illæ, se mortuis, quasi pro derelictis habitæ cuivis occupanti cedant: sed ut suis, quos amat, quorumque felicitate delectatur, profint. (§. CCLXXXIV.) Ex eo vero meritò colligimus, 20) successionem eis præ reliquis deberi, quorum in gratiam mortuus bona sua præcipue adquisiverit, servaretque tanta cura ac sollicitudine. *)

Fundamentum successionis ab intestato.

*) Quod adeo verum est, ut nulla re magis angī ac veluti excruciarī soleant homines, quam si, se mortuis, bona ad homines sibi parum probatos perventura, sciant, jamque

*Sæx domo capta cupidus superstes,
imminens lecti spoliis, & ipsum
Computet ignem.*

Uc verissimum sit, quod ex Pindari Olymp. X. huc retulit Pufendorff. de jure nat. & gent. IV, II. 1. πῶτος ὁ λαχὼν πρῶτα ἵπακτον ἀλλότριον θιάσκειται συγγνώματος. Divitiæ, sortitiæ dominum adscititium alienum, morienti sunt odiosissima.

§. CCXCVI.

De ea a-
xiomata.

Quia tamen hoc non est officium, cum obligatione perfecta conjunctum, adeoque species potius humanitatis, quæ personarum ac necessitudinum habet rationem, ac proinde cognatis plus, quam extraneis, tribuit: (§. CCXX. 21.) merito statuimus, 21) cognatos extraneos omnes a successione excludere, & 22) ex ipsis cognatis remotioribus præferendos esse propiores: 23) horum denique plures ejusdem lineæ ac gradus simul ad hereditatem merito vocandos. *)

*) Quamvis enim non semper verum sit, cognatos cognatis, quam extraneos, esse cariores, immo potius fratrum quoque gratia aliquando rarior videatur: tamen, quum si eadem fuisset defuncti sententia, nihil illi obstitisset, quo minus de hereditate sua disponeret, aliique, quem magis amabat, eam relinqueret, (§. CCXCI. 5.) ille vero sine ejusmodi dispositione decedere maluerit: non potest non existimari, eum bona sua non invidisse cognatis, quos ipsa veluti naturalis adfectio ad successionem vocat. Ceterum propior aliquis judicandus est non modo *ratione gradus*, verum etiam *ratione lineæ*. Adfectionem enim maximam cadere in lineam descendentem, & hæc deficiente, in ascendentem: denique, neutra superstiti, in collateralem, recte observavit Aristot. *ad Nicomach. VIII, 12.* Hinc nepotes quamvis secundo gradu propiores sunt parente, proavus, quamvis tertio gradu, propior fratre, cetera.

§. CCXCVII.

Successio
liberioris.

Quum ergo ex ipsis cognatis remotiores
ex-

excludantur a propioribus , (§. CCXCVI. 22.) vix autem ulli propiores cuiquam existimari possint , quam liberi parentibus : 24) hi merito reliquis omnibus in hereditate parentum præferuntur , & quidem 25) sine sexus & 26) ætatis discrimine . *) Quod enim quibusdam locis masculi feminis , primogeniti natu minoribus , præferuntur : illud , quia inter æquales inæqualem divisionem ponit , ex lege civili , vel pacto , vel alia dispositione , adeoque non ex jure naturæ esse , facile intelligitur . (§. CCLXXI. 10. seq. & *)

*) Si tamen res in se individua sit : non est dubium , quin ea ceteris paribus primogenito ea lege jure relinquatur , ut reliquis fratribus sororibusque satisfaciatur . (§. CCLXX. 5.) Talis res individua quum præcipue sit imperium vel regnum : in eo insignis primogenitorum prærogativa esse solet . Eleganter Cyrus apud Xenoph. *Cyrop. VIII, 7. 3.* Δὲ δὲ καὶ ἡ βασιλείαν μὲν ἴδον σαφηνίσαντα καταλιπεῖν , ὥς αὐτὴ μὴ ἀμφίλογος γινώμῃ πράγματα ἑμὴν παράσχη . ἐγὼ δὲ νῦν φιλῶ μὴ ἀμφοτέρους ὑμᾶς ὁμοίως , ὡς παῖδες . τὸ δὲ προβαλόν , καὶ προηγεῖσθαι , ἐφ' ὅ , τι αὐτὸ καιρὸν δοκῇ εἶναι , τῆ το προσάπτω τοῦ πατέρος γινώσκω καὶ πλεονέχει κατὰ τὸ εἶκος ἐμπείρω . Est autem mihi declarandum hoc quoque , cui regnum relinquam , ne id , relictum in ambiguo , negotia vobis faceffat . Complector equidem , filii , pari utrumque vestrum benevolentia : verum & consilio providere , & ducis officio fungi , quacumque in re tempus & usus postulet , eum jubeo , qui NATU MAJOR est , & usum rerum majorem de consentanea quadam ratione habet . Quamvis ergo par regum in liberos adfectio esse possit : ipsa
tamen

tamen regni indoles exigere semper visa est ,
 ut filiabus filii , & inter hos maximus natu
 minoribus , in imperio præferretur , adeo ut
 hoc νομιζόμενον ἀπὸς πάντων ἀνθρώπων , tamquam
 lege inter omnes homines constitutum esse , con
 tendat Herodot. *Lib. VII. p. 242.* & , si quid
 contra fiat , id contra *jus gentium* factum es
 se , dixerint veteres . Vide Justin. *Hist. XII,*
2. XXIV, 3. Liv. XL, 9.

§. CCXCVIII.

Patri re-
 gulariter
 soli legi-
 timi suc-
 cedunt ;
 matri &
 illegiti-
 mi.

Quum ergo liberi reliquis omnibus in he-
 reditate parentum merito præferantur , (§.
 CCXCVII. 24.) idque ex præsumpta paren-
 tum voluntate colligi posse videatur : (§.
 CCXCV. 20.) coniequens est , 27) ut cer-
 to etiam constare debeat , esse aliquem ex
 liberorum numero . Quod quum ratione pa-
 tris vix certum esse possit , nisi ex justo ma-
 trimonio : inde porro colligimus , 28) patri
 liberos tantum legitimos , etiam postumos ,
 non illegitimos , & vulgo quæsitos ; 29) ma-
 tri omnes promiscue succedere : quamvis 30)
 & illegitimis patrem prospicere posse dispo-
 sitione sua , nemo temere sit negaturus .

§. CCXCIX.

Nepotes
 quomo-
 do suc-
 cedant
 cum li-
 beris pri-
 mi gra-
 dus .

Præterea ex eadem voluntate parentum
 (§. CCXCV. 20.) colligi posse videtur , 31)
 successionem descendantium non modo ad
 primi , sed & ad ulteriorum graduum libe-
 ros , porrigi : adeoque 22) nepotes neptes-
 que non minus , quam filios filiasque , ad
 hereditatem admitti , & quidem , 33) non
 solum si inter homines esse desierint primi
 gradus liberi , verum etiam , 34) si illi cum
 his

his concurrant: ut adeo 35) æquitati naturali quam maxime consentaneum esse videatur jus repræsentationis, quo liberi ulteriorum graduum locum parentum suorum subeunt, eorumque portionem accipiunt.*)

*) Et hoc est fundamentum successionis liberorum primi gradus *in capita*; ulteriorum *in stirpes*. Hanc vero æquitati naturali quam maxime consentaneam esse, vel inde patet, quod alias, si in capita omnes succederent, superstitem liberorum conditio per fratris vel sororis mortem deterior, nepotum per parentum mortem melior fieret, adeoque nulla inter eos futura esset æqualitas. Nam si pater esset centenarius, liberosque haberet quatuor, singuli acciperent viginti quinque aureos. Jam finge, unum ex his quatuor liberis turbato naturæ ordine, ante patrem decessisse, relictis ex se nepotibus septem. Tunc sane, si singuli succederent in capita, unusquisque acciperet decem aureos: atque ita ob mortem fratris tres liberi primi gradus amisissent aureos quadraginta quinque, nepotesque septem ob præmaturum parentis obitum tantundem lucrati essent. Quum vero non possit ulla reddi ratio, cur mors fratris superstilibus fratribus vel sororibus aliquid ex paterna hereditate deminuere, nepotibusque ex eo aliquid adjicere debeat: nulla quoque reddi potest ratio, cur æqualiter utrique admittendi sint in capita.

§. CCC.

Ex eadem porro regula, quod ex pluribus cognatis propiores præferendi sint remotioribus, (§. CCXCVI. 22.) fluit, 36) nepotes,

Quomodo si soli existant?

tes, etiamsi soli sint, merito tamen præferendos esse & avi parentibus, quamvis gradu propioribus, & ejusdem fratribus & sororibus, quamvis gradu paribus. Propiorem enim aliquem judicaturum esse non tantum ratione gradus, sed & maxime ratione linear, jam supra observavimus. (§. CCXCVI. *) Ceterum 37) nepotesne æquitas naturalis hoc casu in capita, an in stirpes ad hereditatem avitam vocet ex iis, quæ ad superiorem paragraphum in scholio notavimus, intellectu non admodum difficile videtur. *)

*) Nulla enim & hic reddi potest ratio, cur ob præmaturum parentum excessum unius stirpis deterior, alterius melior conditio fieri debeat. Quod fieri tamen oporteret, si nepotes soli superstites in capita admitterentur. Finge enim centenarium amisisse quatuor filios, at ex primo unum, ex secundo binos, ex tertio tres, ex quarto quatuor nepotes superstites esse: si filii supervixissent, singuli accepissent viginti quinque aureos, tantundemque quisque ad filios transmississet. At si jam, iis præmortuis, nepotes in capita admitterentur, singuli acciperent decem, adeoque unus nepos ex primo filio jacturam faceret aureorum quindecim, duo ex secundo, quinque: tres porro ex tertio quinque, quatuor reliqui ex quarto quindecim lucrarentur. Quod quum absolum fit: absolum quoque est, nepotes hoc casu in capita succedere.

§. CCCI.

Successio
adscen-
dentium,

Quum, deficiente linea descendentium, proxima sit, altera in qua adscendentium vel progeni-

Cap. XI. De Derivativis adquisit. &c. 257
 genitorum series describitur : (§. CCXCVI. *)
 merito inde colligimus , 38) his luctuosam
 liberorum hereditatem præ aliis deferri , *) &
 39) ita quidem ut propior gradu excludat
 remotiores , 40) ejusdem gradus simul ad-
 mittatur, nec hic 41) jus naturæ justam sug-
 gerat rationem , cur inter plures ejusdem gra-
 dus secundum lineas partienda sit liberorum
 hereditas : ut adeo 42) hæc similiaque potius
 jure civili definienda videantur.

*) Quod adeo rectæ rationi videtur consen-
 taneum , ut quum lex divina ad successio-
 nem primum vocet filios , his deficientibus
 filias , tum fratres , & postea patruos : pa-
 rentum autem nullam habere rationem vi-
 deatur , Num. XXVII, 8. seq. Philo tamen
 de vita Moysi Lib. III. p. 689. illud ex recta
 ratione supplendum esse moneat . Πάντων γάρ
 βυνδυαίς ὑπολαβεῖν, ὅτι πατρὸς ἀδελφῶν νόμων κλη-
 ρον ἀδελφίδε, διὰ τὴν πρὸς τὸν πατέρα συγγί-
 νειαν, αὐτὸν ἀφείλετο τὸν πατέρα τῆς διαδοχῆς.
 ἀλλ' ἐπειδὴ ὁ νόμος φύσει ἐστὶ κληρονομεῖσθαι τὴν
 οὐσίαν ὑπὸ παῖδαν, ἀλλὰ μὴ τέτυτες κληρονομεῖν,
 τὸ μὴ ἀποδοκταῖν ἢ παλίμνημον ἐσύχασιν, ἵνα
 μὴ πᾶτερ ἢ μήτηρ προσοδύδωαι δοκῶσι τὰ ἐπὶ
 ἀκυρότητι τέκνους ἀπαρადόρητα πένδη, πλαγίως
 δ' αὐτοὺς ἐκάλει τοῖς θεοῖς ἐφίει, ἵνα ἢ ἀμφω-
 τέρων, σοχάσθαι, ἢ τῷ ὀρίποντος, ἢ τῷ μὴ ἔ-
 ὑπὶ αἰσθητοῦ ἀλλοτριωθῶσι. Stultum enim foret, cre-
 dere, patrio cecedi hereditatem fratris filii,
 ut patris cognato : ipsi vero patri eam aufer-
 ri. Verum, quia lex naturæ jubet filios pa-
 rentibus heredes succedere, non parentes filiis :
 (ubi jus naturæ a Philone procul dubio
 pro naturæ ordine accipitur ,) hoc , ut
 ominosum , & piis votis contrarium , tacuit,
 ne pater materque viderentur lucrari ex im-
 muni.

maturis filiorum moribus & luctu inconsolabili: oblique tamen ipsos vocavit ad jus, quod permittit patruis, ut & decorum servaretur, & bona manerent in familia. Nec aliter philosophantur Talmudici, quorum doctrinam de successione adscendentium accurate exposuit Setdenus de success. in bona def. ad leges Heb. Cap. XII.

§. CCCIII.

Successio
collate-
ralium.

Denique ex eadem, quam sæpius laudavimus, regula (§. CCXCVI. 22.) sequitur, 43) ut, deficientibus etiam adscendentibus, ex linea obliqua, vel collaterali proximi gradu proximi ad successionem esse videantur, nec 44) ratio ulla suadeat, ut inter collaterales locus sit juri representationis, *) multoque minus, 45) ut vel duplicitas vinculi, vel 46) bonorum origo discrimen faciat. 46) Ut plures ejusdem gradus & hoc casu hereditatem inter se æqua lance dividant: nec 47) quidquam intersit, quota generatione defuncto cognati sint, quum in hujus arbitrio fuerit, si remotiores facultatibus suis beate noluiſſet, heredem alium dicere.

*) Quum enim successio iis præ reliquis debeat, quorum in gratiam mortuus bona sua præcipue adquisivit, tantaque cura ac sollicitudine servavit, (§. CCXCV. 20.) & experientia doceat, amorem erga descendentes remotiores si non vehementiorem, saltem non minorem esse solere, ac erga propiores: recte inferre nobis videmur, avos nepotibus nihil, quod eorum parentibus debebatur, detractum velle, ac proinde ex præsumpta eorum voluntate eos in parentum suorum
jura

jura succedere debere. Contra ea experientia eadem docet, in linea collateralis adfectionem fere singulis gradibus decrescere, ac proinde non sequi, ut e. g. fratris filius eodem loco sit apud patrum, ac frater. Hinc & fratrum filios cum fratribus in successione concurrere debere, nulla ratio suadet.

§. CCCIII.

Et huc usque successionem cognatorum agnoscit recta ratio. Quia tamen hæc omnia magis juris naturæ permissivi, quam præceptivi esse, facile unusquisque intelligit: nemo facile negaverit, 48) multa hic permessa esse legislatoribus, ut & de plerisque casibus dubiis certi quid statuere, & 49) leges suas reipublicæ fini atque utilitati accommodare possint. (§. XVIII. 36.) Atque inde facile reddi potest ratio, 50) cur & conjugi superstiti prospectum velint legislatores, & 51) in nullò poene juris articulo magis discrepent diversarum provinciarum, quin & municipiorum, leges & statuta, quam in hoc de intestatorum successione.

§. CCCIV.

Quandoquidem porro totum hoc succedendi jus ex voluntate præsumpta nascitur, (§. CCLXXXV. 65.) is vero cujus consensus præsumitur, hereditatem suo arbitrio vel adire, vel repudiare potest. (§. CCXCIV. 19.) nemo non videt, 52) jus naturæ ignorare heredes necessarios, *) adeoque 53) neminem esse heredem ab intestato ipso jure, sed 54) talem fieri consensu, sive per verba, sive per facta declarato.

Multa hic relicta arbitrio legislatorum.

An heredes quidam necessarii?

*) Id.

*) Idque & inde demonstratur, quod rationem, ob quam jurisperiti Romani heredes quosdam *necessarios*, alios *suos & necessarios*, alios *voluntarios & extraneos* dixerunt, recta ratio plane ignorat. Primo enim hæc heredum qualitas & differentia præcipue ad heredes testamentarios, quos jus naturæ ignorare diximus, (§. CCLXXXVII. seq.) pertinet, quia ab intestato nullus succedit servus, heres *necessarius*. Deinde testamentum Romanis erat instar legis privatorum. Testatorem autem legem quidem ferre posse existimabant suis, id est, servis & liberis, quibus veluti in obsequio relicta erat gloria, non autem extraneis, potestati testatoris non subjectis. Hinc illos heredes dicebant *necessarios*, hos *voluntarios*. (*Elem. sec. ord. Inst. §. DLXXXV. sequ.*) Enimvero quum hæc omnia ignoret jus naturæ: illud etiam hanc heredum differentiam ignorare, tam certum est, quam quod certissimum.

§. CCCV.

Heres
quomodo
in defun-
cti jura &
obliga-
tiones
succedat?

Ceterum, ubi quis semel succedere alteri statuit, nihil æquius est, quam ut, qui in locum succedit, etiam in jura illius ac onera successisse censeatur. (§. CCLXVII.) Ex quo consequitur, § 5) ut heres, sive ex vera dispositione defuncti, sive ex præsumpta ejusdem voluntate succedat, omnia ejusdem jura, quæ morte non extincta sunt, adquirat, at § 6) nec conqueri possit, si & ejusdem obligationibus, quantum bona sufficiunt, satisfacere cogatur. *)

*) Non ergo in solidum. Quum enim non alia causa sit, cur heres, quod defunctus ex emto vel conducto debuit, præstare, & nomen

nomen illius expungere teneatur, quam quod bona ejus consequutus est: nulla excogitari potest ratio, cur ultra vires hereditatis teneatur. Præterea rigor ille juris Romani, quo heres in omnes defuncti obligationes succedit, nititur fictione, quod heres cum defuncto pro una persona habeatur. l. 12. D. *usufr. cap. l. 14. C. de usufr. Nuovell. XLVIII. præf. Ant. Dadin. Alteserra de Fiction. jur. tract. I. Cap. XX. p. 48.* Quam fictionem quum ignoret. jus naturæ, illud etiam id, quod inde consequitur, ignorare, manifestum est.

C A P U T XII.

De Juribus & officiis, qua ex dominio oriuntur.

§. CCCVI.

DOMINIUM est jus alios omnes rei alicujus usu excludendi. (§. CCXXXI.) Alios vero dum excludimus rei usu: ipsi, nobis solis ea utendi jus esse, contendimus. Inde 1) primum oritur domini effectum, LIBERA de re sua DISPOSITIO, id est, rem quibuslibet usibus adhibendi, immo & abutendi, suoque libitu alienandi facultas. Deinde, cujus rei usu alios excludere possumus, illam eo animo detinemus, adeoque 2) inter effecta domini est etiam POSSESSIO. Denique & tunc alios rei nostræ usu excludimus, quando ab alio possessam repetimus. Rem vero suam, ab alio possessam, repetere quum idem sit, ac VINDICARE: consequens est, 3) ut inter nobilissimos domini effectus etiam sit jus rem a quocumque VINDICANDI. *) III.

*) Omnia

Triples
dominii
effectus.

- *) Omnia hæc dominii effecta agnoscit jus Romanum. Quod enim Cajus l. 2. D. si a par. quis man. scribit, iniquum esse, ingenuis hominibus non esse liberam rerum suarum alienationem, id ad LIBERAM DISPOSITIONEM pertinet. Ita & ex jure POSSIDENDI, soli domino competente, colligit Paulus l. 3. §. 5. D. de adqu. vel amitt. possess. plures eandem rem in solidum possidere non posse, & contra naturam esse, ut quum ego aliquid teneam, tu quoque id tenere videaris: quin non magis eandem possessionem apud duos esse posse, quam ut tu stare videaris in eo loco, in quo ego sto, vel, in quo ego sedeo, tu sedere videaris. De REI VINDICATIONE, quippe præcipua, quæ ex dominio nascitur, actione omnia nota ac pervulgata sunt. Hinc inter βίματα παράδοξα est, quod dominus tigni, illud tamen junctum vindicare non possit. §. 29. Inst. de rer. divis.

§. CCCVII.

Hinc domino est facultas omnem ex re utilitatem percipiendi.

Quum ergo is, cui LIBERA rerum suarum DISPOSITIO est, gaudeat facultate, illas quibuscumque usibus adhibendi: (§. CCCVI. 1.) consequens est, 4) ut & ex ipsa earum substantia, & 5) ex accessionibus atque incrementis, quatenus illa domino adquiruntur, (§. CCL. seq.) omnem utilitatem capere, ac proinde 6) & fructus suos facere, & vel consumere eosdem, vel communicare cum aliis, vel quocumque titulo in quoscumque transferre possit. Quin quum sæpe ingenii solertia & diligentiore cultura amplificari possint fructus, & annui proventus: 7) nihil impedit dominum, quo minus rei faciem immutare, eamque hoc modo

modo utiliore reddere possit , *) dumne alteri hoc ipso jus suum intervertat.

*) Soli domino hanc facultatem competere , argumento esse potest jus usufructuarii , usufructuarii , commodatarii , conductoris , quod quia in re non propria , sed aliena sese exserit , hanc facultatem rem pro lubitu mutandi ambitu suo non complectitur , quantumvis nemo horum sic , quin jure gaudeat , fructus percipiendi . Communis ergo domino cum aliis potest esse facultas fructus percipiendi , ac facultas rei , e. g. fundi , faciem immutandi soli domino propria est , nec eam sibi vindicare potest usufructuarius , commodatarius vel conductor , nisi permittente domino .

§. CCCVIII.

Quumque & abutendi facultas sit domino , (§. CCLVI. 1.) idest , rem utendo consumendi , vel rem & fructum disperdendi : Donat. ad Terent. Andr. prolog. v. 5. consequens est , 8) ut & destruere domino liceat rem , dominio suo subjectam , & 9) eandem corrumpere , modo 10) id non fiat eo consilio , ut alius inde detrimentum capiat . *) Quamvis enim talis rerum nostrarum , quæ aliis prodesse possent , corruptio amoris humanitatis repugnet , & jus alterius imperfectum lædat ; (§. CCXVII. 11.) non tamen ideo justitiam explettricem violat , qui , jure suo usus , rebus suis abutitur , easve , nulla urgente necessitate , corrumpit .

Itemque
rem suam
destruendi &
corrumpendi.

*) Si quis enim eo consilio rem suam corrumpit , ut alter inde detrimentum capiat : id facit animo alterum lædendi , ac sequuto eventu alteram reipsa lædit . Quum vero pri-

primum & absolutum juris naturalis præceptum violat, qui alterum lædit: (§. CLXXVIII. 8.) consequens est, ut & contra jus naturæ agat, qui res suas corrumpit, ut alter inde detrimentum capiat. Et huc pertinet facinus domini, flores horti sui veneno inficientis, ut vicini apes inde perirent. *Quintil. Declam. XIII.*

§. CCCIX.

Nec non
eamdem
alienan-
di.

Quia denique libera illa disponendi facultas, quam domino competere diximus, jus etiam alienandi complectitur: (§. CCCVI. 1.) facile intelligitur, 11) dominum & dominio suo sese abdicare; & 12) illud tum in futurum, tum 13) in præsens, sub quacumque conditione in alium transferre, & quidvis alteri commodi concedere, quin & 14) jus qualecumque alii in re sua concedere, ac proinde 15) dominium utile, usumfructum, hypothecam, pignus, suo arbitrio constituere alteri posse, dummodo 16) ei id agenti nec lex, nec pactio, nec alia firmior dispositio obstat.

§. CCCX.

Possessio-
nem por-
ro adpre-
hendendi
& reti-
nendi.

Quandoquidem porro & possessio inter effecta domini est: (§. CCCVI. 2.) facile patet, 17) dominum & adprehendere rei suæ possessionem, & 18) eam adversus quemcumque tueri, ideoque 19) & vim vi repellere posse. 20) Nihil quoque interesse, si quis ipse per se, si per alium possideat: immo 21) semel acquisitam possessionem procul dubio & solo animo ab absente retineri tantisper, dum alius eam nondum adprehendit. *)

*) Pos-

- *) Possessio enim est detentio rei , cujus usu alios excludere statuimus . (§. CCXXXI.)
 Quandiu ergo alios excludere rei usu statui-
 mus , tandiu rem nondum pro derelicta ha-
 buimus . (§. CCXLI.) Ergo res hujusmodi
 non est nullius , nec adeo nullius jus compe-
 rit eam occupandi . In qua re vero nulli jus
 occupandi est , ejus ego possessionem procul
 dubio & absens solo animo retineo .

§. CCCXI.

Denique quum & jus VINDICANDI interef- Jus deni-
que vin-
dicandi.
 fectus dominii sit : (§. CCCVI. 3.) fieri non
 potest , 22) quin hoc jure nostro uti possimus
 adversus quemcumque rei nostræ possessorem ,
 nec , 23) quod ad rei restitutionem attinet ,
 quidquam intersit , bona fide , an mala , ille
 rem nostram detineat , itemque 24) notus
 ille nobis , an ignotus sit , quia ab eo non
 ob factum aliquod rem reposcimus , sed rem ,
 in quam nobis jus est , repetimus . Præterea
 quum 25) rem suam vindicare & repetere ,
 non sit eam de novo redimere : facile patet ,
 dominum , rem suam vindicantem , non esse
 ad restituendum pretium obstrictum , quamvis
 26) æquitas non patiatur , ut ille cum al-
 terius damno fiat locupletior , (§. CCLVII.)
 & impensas necessarias ac utiles , a possessore
 in rem erogatas , restituere detrectet .

- *) Quo procul dubio pertinent etiam impen-
 sæ , sine quibus ne ipse quidem dominus
 rem suam a raptoribus recuperaturus fuisset ,
 maxime si eo animo rem redemit pos-
 sessor , ut eam domino restitueret . Pufend.
Jur. nat. & Gent. IV, 12. 13. ad quem lo-
Hein. de Jur. Nat. & Gent. M cum

cum elegans exemplum ex *Famiani Stradae Decad. I. de bell. Belg. Lib. VII. ad ann. MDCLXXII.* attulit *Hartius*. Quum enim *Antuerpienses* mercatores merces pretiosissimas plusquam centum millium, ab *Hispano* milite in urbe *Mechliniensi* direptas, exsoluto *XX. millium* pretio, redemissent: domini illas, reddita ea summa, receperunt, quippe non minore dispendio res suas recuperaturi, si vel maxime jure experiri voluissent.

§. CCCXII.

Quatenus & accessiones & fructus sibi vindicet dominus.

Quum vero is, cujus res ipsa in dominio est, etiam, accessiones & fructus omnes inde redeuntēs, jure sibi vindicare possit: (§. CCCVII. 4. merito quaeritur, an bonae fidei possessor omnes accessiones, omnesque fructus; ex re aliena perceptos, quin & omne lucrum, domino, rem suam vindicanti, restituerē teneatur? Nos paucis rem ita concipimus. Qui bona fide iustoque titulo rem possidet, quamdiu de vero domino non constat, facultate gaudet, omnes res, a se possessae, usu excludendi. Qui vero hoc jure gaudet, 27) eum loco domini esse, (§. CCXXXI.) ac proinde 28) iisdem juribus, ac ipsum dominum, frui, nemo dubitaverit. At quia tamen non est verus dominus, qui rem alienam bona fide possidet, 29) nulla sane ratio est, cur cum veri domini damno velit fieri locupletior, quemadmodum 30) nulla ratio est, cur dominus fructus non exstantes, quos cura industriaque sua non produxit, sibi vindicare velit.*)

*) Accessio enim naturalis, cujus de domino non

non constat, pro re nullius habetur, (§. CCXLI.) adeoque cedit occupanti. Quum ergo fructus occupaverit bonæ fidei possessor, qui eos, omni adhibita cura & cultura, produxit: huic cur isti eripiendi sint, nulla est ratio. Et hinc non absurde jus Justinianum ait: *naturali ratione placuisse, fructus, quos PERCEPIT, bonæ fidei possessoris esse pro cultura & cura.* §. 35. *Inst. de rer. divis.* Nec alia ratio est fructuum civilium. Quia enim itidem, dum percepti sunt, de vero eorum domino non consistit, & dominus intereare, ex qua provenerunt, nullam curam habuit: ii quoque ad bonæ fidei possessorem merito pertinent, quamdiu verus dominus non supervenit.

§. CCCXIII.

Quum ergo neuter debeat cum alterius ^{Accessio- nes & fructus debentur domino.} damno fieri locupletior: (§. CCCXII. 20. seq.) consequens est, 31) ut domino, vindicanti rem suam, etiam restituendæ sint accessiones, quippe quarum de domino jam constat, adeoque 32) etiam fructus exstantes, & pendentes, recte petat dominus, *) 33) deductis tamen prius impensis, in illos factis, quia dominus fieret locupletior cum bonæ fidei possessoris damno, si fructus, quorum curam nullam suscepit, sibi vindicare non dubitaret.

*) Concedit id Grotius *de jure belli & pac.* II, 8. 23. & II, 10. 4. sed non nisi de fructibus naturalibus. Enim vero quum & industriales sint fundi accessio, & talis quidem, cujus de domino jam satis constat: vix excogitari potest ratio, cur eos sibi vindicare velit bonæ fidei possessor. Impensa-

rum tamen restitutionem nullo colore detrectare potest dominus, quia alias peteret fructus, quos cura atque industria sua non produxit. (§. CCCXII. 30.) Unde Hebræi σκληρὸν & αἰσχροὺς αἰθροῦς, *durum & austerum hominem*, loquutione proverbiali descripserunt, θηρίζοντα, ὅπου ἔκ τ' ἐσπερι, & σιωάζοντα, ἔθιν ἢ δισκόρπισι, *qui metat, ubi non severit, colligatque, ubi non sparserit. Matth. XXV, 24. Luc. XIX, 21.*

§. CCCXIV.

Percepti
& consummi-
ti b. f.
possessor
ri.

Quumque accessio naturalis, cujus de domino non constat, tamquam res nullius occupanti cedat, neque de fructibus civilibus aliud sit statuendum: (§. CCCXII. *) consequens est, 34) ut fructus percepti merito relinquendi sint bonæ fidei possessori, qui culturam & curam adhibuit, nisi 35) iis factus sit locupletior.* (§. CCCXII. 29.)

*) Sequuntur hoc principium jureconsulti in hereditatis petitione. l. 25. §. 11. & §. 15. l. 36. §. 4. l. 40. §. 1. D. de hered. petit. Contra in rei vindicatione fructus perceptos indistincte addicunt bonæ fidei possessori, nec quidquam interesse putant, locupletior iis factus sit, nec ne. l. 4. §. 2. D. fin. regund. l. 48. pr. D. de adqu. rer. dom. Sed ratio discriminis plane civilis est, nec ex recta ratione potest derivari. In hereditatis enim petitione, tamquam universali judicio, pretium succedere dicitur in locum rei, non in judiciis singularibus. Jus naturale autem hæc procul dubio non distinguit: ac proinde æquissimum est, perceptos fructus, quibus quis locupletior factus, indistincte vero domino restitui.

Quod

Quod & in foro hodie observari, testatur
Stryk *Us. hod. Digest. VI, 1. 12.*

§. CCCXV.

Ex iisdem regulis, quod bonæ fidei pos-
fessor pro domino est, nec tamen cum alterius
damno fieri debet locupletior, (§. CCCXII.
27. 29.) inferimus, 36) eum, si rem bona
fide consumserit, non magis domino ad re-
stitutionem obligatum esse, quam, 37) si
res apud eum casu perierit; Teneri tamen
eundem, 38) si rem nullo, vel minore pre-
tium adquisitam, carius vendiderit, quia sic
cum alterius damno fieret locupletior, si lu-
crum sibi retinere vellet: contra 39) cessare
hanc obligationem, si dominus jam rei suæ
æstimationem fuerit ab alio consequutus, par-
tim quia tunc bonæ fidei possessor locuple-
tior quidem factus est, sed non cum domini-
damno, partim quod dominus non de lucro
captando, sed de damno vitando, certare
debet.

An b. f.
possessor
rei con-
sumptæ,
pereun-
tis, vel
alienatæ
æstima-
tionem
præstet?

§. CCCXVI.

Quia denique hæc omnia tantum ad bo-
næ fidei possessorem pertinent: Contra malæ
fidei possessores nec loco domini sunt, nec
illo colore, quod de vero domino sibi non
constiterit, uti possunt, adeoque omnes ra-
tiones, cur aliquid ex re vel fructibus lu-
crari debeant, cessant: facile patet, 40) eos
abscisse ac restitutionem non modo rerum ex-
stantium, sed & justii pretii consumptarum &
alienatarum, multoque magis 41) ad fru-
ctuum omnium, quos vel perceperunt, vel
percipere saltim potuerunt, æstimationem

Quid
malæ fi-
dei pos-
sessor re-
stituere
teneatur?

270 *Jur. Nat. & Gent. Lib. I.*
ræstandam, esse obligatos, simulque 42)
casum omnem ferre debere. *)

*) Quamvis enim casus nemini imputeretur regulariter: (§. CVI. 27.) ea tamen regula non valet, si per agentem steterit, quo minus tale quid contingeret, (Ibid. n. 31.) quia tunc non casus, sed simul culpa adest. Jam malæ fidei possessor poterat ac debebat rem suam domino restituere, idque si fecisset, per eum steterit, quo minus res apud se periret. Itaque & casum ferre tenetur. Unde recte jureconsulti prædonem & furem casum ferre debere ajunt, *quia semper in mora sint. l. 8. §. 1. D. de condict. furt.*

§. CCCXVII.

Effectus
dominii
aliquando
restrin-
guntur
per leges
civiles.

Et hæc quidem sunt jura, quæ ex rerum dominio prono veluti alveo fluunt. Quum vero juris civilis sit, actiones indifferentes salutis cujusque populi & reipublicæ attemperare, (§. XVIII. 36.) reipublicæ autem ple- rumque expediat, ne quis re sua male utatur: §. 2. *Inst. de his qui sui vel alieni jur. sunt*, non mirum est, 43) dominium aliquando arctioribus limitibus circumscribi a rectoribus civitatum, ac proinde 44) aliquando liberam dispositionem, aliquando 45) jus possessionem adprehendendi, aliquando 46) jus vindicandi dominis vel plane adimi, vel non nisi cum aliqua restrictione concedi. *)

*) Sic animadvertimus, leges civiles liberam rerum dispositionem adimere pupillis, furiosis, prodigis, minoribus. Eadem legatarium, quantumvis dominium, rei legatæ possessionem adprehendere non patiuntur, & adver-

adversus eum, qui suo arbitratu illam occupavit, heredi dant interdictionem QUOD LEGATORUM *tot. tit. D. quod legat.* Denique notum est, eum, cujus tigna alter junxit, quamvis dominium materiæ non amittat, non tamen tigna juncta posse vindicare per leges XII. tabularum. §. 29. *Inst. de rer. divis. l. 7. D. de acqu. rer. dom.* Adeo nullus fere est dominii effectus, quem semper & ubique omnibus saluum & integrum esse patiuntur leges civiles, si aliud exigere videatur salus reipublicæ, quam sibi supremam legem merito statuunt imperantes, iis in rebus, quæ ad jus naturæ permissivum pertinent. Quum enim juri naturæ permissivo unusquisque recte renunciet: (§. XIII. 10.) ei etiam renunciare potuit populus, qui in civitatem coaruit, eique re ipsa renunciavit, dum summæ potestatis legibus voluntatem suam submitit.

§. CCCXVIII.

Quumque & domino, tum inter vivos, Aliquando per
tum mortis causa, de rebus suis disponere pisa &
liceat, (§. CCLXVIII.) & tunc tantum ad dispositio-
alterum transmittatur, quantum is, qui alienat, transmittere voluit: (§. CCLXXIX. 42.)
facile patet, 47) etiam pacto & dispositione prioris domini restringi posse dominii effectus, *) & tunc 48) plura sibi adrogare non posse possessorem, quam a priore domino accepit, nisi 49) is, cujus in favorem restrictio illa facta est, ultro juri suo renunciet, vel 50) is plane in rerum natura esse desinat, vel 51) jus suum ex justa causa amittat.

*) Ita aliquando dispositione prioris domini restrictioribus limitibus circumscribitur jus om-

nem utilitatem e re sua percipiendi, si alteri in illa ususfructus, servitus, antichresis constituitur. (§. CCLXXXII. seq.) Aliquando libertas disponendi, destruendi, alienandi domino eripitur: si illi tantum dominium utile conceditur, (§. CCLXXXIX. seq.) vel si res fideicommisso oneratur, cetera. Constituto porro usufructu, etiam jus possidendi, quod domino alias denegari non potest, restringitur, quemadmodum dominio utili alicui concessio, domino superiori vel directo nec rem possidendi, nec, quod ad dominium utile attingit, vindicandi jus est.

§. CCCXIX.

Dominus
neminem
in usu
rei suæ
injuria
impedi-
re, vel ei
damnum
inferre
debere.

Et hætenus quidem de JURIBUS, quæ ex dominio oriuntur, quantum satis est, diximus. Quum vero correlata sit, JUS & OBLIGATIO, ac proinde, posito jure, ponatur obligatio: (§. VII.) consequens est, 52) ut quot sunt effectus domini ratione domini, totidem aliis incumbant obligationes erga dominum. Quia ergo domino LIBERA esse debet de rebus suis dispositio: (§. CCCVI. 1.) 53) INJURIAM illi faciunt, qui eum in disponendo, fructibusve percipiendis impediunt. * 54) DAMNUM vero dant, qui quid rerum ejus fructuumque & accessionum corrumpunt. Quinque, qui, quod ad alterius felicitatem perfectionemque pertinet, alteri intervenire vel corrumpere non dubitat, eundem procul dubio lædat, (§. LXXXII.) nemo autem lædendus sit: (§. CLXXVIII. 8.) merito inferimus, 55) nemini per impedimentum liberæ dispositioni ejus obiectum faciendam esse injuriam: 56) nemini damnum dandum, ac pro-

proinde 57) si quid ejus generis factum sit; auctorem injuriæ damnive merito & ad refarciendum damnum, & ad pœnam teneri.

*) INJURIAM enim & JCti Romani non solum vocant omnem contumeliam, verbis vel factis alicui illatam, verum etiam illud factum, quo quis alterum re publica vel sua uti prohibet, vel in re aliena sibi liberam quamdam dispositionem adrogat. Hinc injuriarum ex lege Cornelia tenetur, qui cujus domum vi introiit, l. 5. pr. D. de injur. qui quem prohibuit in mari piscari, vel evecticulum, quod Græce *σαλύν* dicitur, ducere, vel in publicum lavare, vel in cavea publica sedere, vel in quo alio loco agere, sedere, conversari non passus sit, vel qui nobis RE NOSTRA UTI non permiserit. l. 13. §. 7. D. eod.

§. CCCXX.

Quandoquidem deinde & POSSESSIO ad effectus domini vel jura domini pertinet: (§. CCCVI. 2.) consequens est, 58) ut nostrum sit rem quemque suam quiete possidere pati, neque 59) cuiquam invito possessionem vel directe, vel indirecte, eripere. 60) Ut, si quem tale quid fecisse probari possit, ille, tamquam lædens, non solum ad omne damnum refarciendum, sed & ad pœnam, quam commertuit, subeundam obstrictus sit. (§. CCXI.)

Nec ejus possessionem directe vel indirecte intervenire.

§. CCCXXI.

DIRECTE quis alterius possessionem intervertit vel per vim apertam, vel per ablationem clandestinam. Posterius factum vocatur

Directe id fit per furtum, rapinam

dejectio-
nem vio-
lentam. catur FURTUM, prius, si in re mobili admit-
tatur, RAPINA, si in immobili, vis vel vio-
LENTA DEJECTIO. FURTUM ergo est ablatio
clandestina rei alienæ, inscio & invito do-
mino, lucrificiendi causa *) facta: RAPINA
ablatio violenta rei alienæ mobilis, invito
domino, & lucri faciendi causa, facta: vis
denique dejectio alterius violenta de posses-
sione rei immobilis.

*) Si enim contumeliæ causa quid auferatur,
erit INJURIA, si, ut res corrumpatur; DA-
MNUM. Sic apud Homerum *Iliad. A. v. 214.*
Minerva Chryseida Achilli auferri ait ὄψρος
εἵρενα, *contumeliæ causa*. Injuria ergo fuit,
non furtum vel rapina. Damnum potius de-
disse, quam furatus esse dicitur, qui, ut ait
Horatius, *Serm. I, 3. v. 116.*

Teneros caules alieni infregeris horti.

Denique verum furtum procul dubio fecit
Cacus, qui

*Quatuor a stabulis præstanti corpore tauros
Avertit, totidem forma superante juvenecas,
Atque hos, ne qua forent pedibus vestigia
rectis,*

*Cauda in speluncam tractos, versisque viarum
Indiciis, raptos saxo occultabat opaco.*

Virgil. *Æn. VIII, v. 207. seq.* Ceterum quam-
vis veteres & rerum immobilium furtum fie-
ri posse statuerunt: (vid. l. 38. D. de *usurp. &*
usuacap. Gell. *Noct. Att. XI. 18.* Plin. *Hist.*
nat. II, 68. Gronov. *Observ. I, 4. p. 42. seq.*)
incommoda tamen, nec admodum recepta est
hæc vocabuli notio, adeoque ab illa merito
abstinemus.

§. CCCXII.

Sed & INDIRECTE interverti potest alterius
pos-

rius possessio, si quis verbis factis que fraudu-
lenti efficit, ut alter possessione sua exci-
dat, id quod DEFRAUDATIONEM vocamus. fraudatio-
nem.
Quum ergo & hoc modo quis lædatur, nec
tamen quod sibi quisque fieri non vult, id
alteri facere debeat: (§. CLXXVII. 6.) per
se patet, 61) non minore quam fures vel
raptores, crimine se obstringere, qui verbo-
rum insidiis alterum rebus suis emungunt, *)
vel 62) termino moto, falsorum ponderum
& mensurarum usu, alii que hujusmodi factis
dolosus, ex alterius patrimonio quidquam
avertere non dubitant.

*) Conveniunt enim hæc crimina sine, dum &
fur, & raptor, & defraudator id agunt, ut
alios rebus suis spolient. Conveniunt causa
impulsiva, puta dolo malo. Conveniunt effe-
ctu, dum omnibus his factis alius fit paupe-
rior. Quin aliquando defraudator vel in eo
fure ac raptore deterior est, quod amicos
maxime sub amicitiae specie circumvenit, ac
proinde multo difficilior nobis ab eo, quam
a fure vel raptore, cavemus. Recte ergo hæc
crimina conjungit incomparabilis morum ma-
gister, Euripides in *Helenia* v. 909. dum scri-
bit: Μισὲν ἰθὺς ἂν βίαν τὰ κτήνη δὲ κτάναι
καὶ βίαι παῖτας, ἐκ ἐκ ἀρπαγῆς. ἰατίος δ' οὐ
πλῆτος ἐς ἀδικίαν τις ὄν. O sit Dens vim, &
paria labore quemlibet possidere jubet, non ra-
pto vivere. Repudianda injusta & turpis opu-
lencia. Ad quam injustam turpemque opu-
lenciam vel maxime pertinere id omne, quo
quis alios dolo malo emunxit, nemo ne-
gaverit.

§. CCCXXIII.

Postremum, quod domino in re sua com-

petit, JUS VINDICANDI non potest non pro-
ducere obligationem, REM alienam vero DO-
MINO RESTITUENDI. Ex ea vero colligimus,
63) unumquemque, ad quem res aliena et-
iam sine crimine pervenit, operam dare de-
bere, ut illa in domini potestatem redeat,
*) adeoque 64) rem istam non occultandam
celandamque, sed 65) indicium ejus publi-
ce faciendum esse, ut dominus, ostensis do-
minii argumentis, eam repetere possit: *Deut.*
XXII. 1. sequ. l. 43. §. 4. D. de furt. multoque
magis 66) promptum esse debere possessio-
rem, ad rem restituendam, si ipse dominus
eam requirat, vel publice per præconem ja-
tutam suam denunciaret. Ubi tamen utroque
casu 67) ipsa æquitas suadet, partim ne
illa restitutio bonæ fidei possessoris impensis
fiat, partim, 68) ne hic ex re aliena fiat
locupletior. (§. CCCXII. 29.)

*) Attamen & hæc obligatio, ad rem vero
domino restituendam, non semper locum
potest habere, quum aliquando ipsa *recta ra-
tio* illam restitutionem dissuadeat, aliquando
leges civiles possessorem ea restituendi obli-
gatione solvant. Prioris exemplum dabit fu-
riosus reposcens gladium, a se depositum,
de quo Seneca *de Benef. IV, 10.* Cicero *de
offic. I, 10. III, 25.* Similia exempla attulit
Ambros. *de offic. I. ult.* Ad posteriorem ex-
ceptionem pertinet USUCAPIO & PRÆSCRI-
PTIO. Eam enim ignorare jus naturæ, tam
certum videtur, quam quod certissimum.
Nam tempus, quod in sola relatione consi-
stet, dominium suapte natura nec dare cui-
quam, nec adimere potest. Quumque jam
supra ostenderimus, non aliter transire in al-
terum

terum dominium rei nostræ, ac per traditionem: facile patet, nec quemquam sine facto domini illud adquirere, nec ipsum dominum istud sine facto suo amittere posse. Itaque legibus civilibus originem debent usucapio & præscriptio, quæ utramque bono publico introduxerunt, l. 1. D. de usurp. & usuc. partim ut finis esset sollicitudinis & periculi litium, Cic. pro Cæcin. Cap. XXVI. partim ut homines negligentiores ad res suas eo maturius vindicandas impellerentur, si meliorem vigilantium, quam dormitantium, conditionem esse, animadverterent. Quamvis ergo vero scripserit Isocrates in Archidam. p. 234. οὐκ τὰς κτήσεις, ἢ τὰς ιδίας, ἢ τὰς κοινὰς, ἐν ἱσχυροῦσι πολλὸς χρόνος, κυρίως ἢ πατρῴως ἀτακτοῖς εἶναι νομίζουσι, possessiones siue privatas, siue publicas, præscriptione longi temporis & confirmari, & patrimonii loco habenda esse, persuasum esse omnibus: non tamen sequitur, ut quod persuasum est pluribus, illico pro juris naturalis præcepto habendum sit. Quod ideo monere visum est, ne quis miretur, nos in explicanda doctrina de dominio nullam plane usucapionis & præscriptionis rationem habuisse.

§. CCCXXIV.

Ceterum, 69) si non adpareat verus dominus, qui rem repossit, illa nullius esse intelligitur, (§. CCXLI.) ac proinde 70) merito cedit bonæ fidei possessori. * (§. eod. 17.) Et quamvis ii, qui id sibi negotii credunt solum dari, ut hominum conscientias consiliis & præceptis regant, suadere soleant, ut res, quorum de dominio non constat, in pauperum usum dispensentur: 70) non

Præterea
quam si
verus
dominus
non ad-
pareat.

non tamen ideo injustus dici poterit, qui jure suo usus, rem illam, moraliter dominio vacuam, sibi retinere statuit. Vid. Nic. Burgund. *ad Consu. Flandr. Lib. II. n. 1.*

*) Accedit quod solus dominus gaudet jure, alios rei suæ usu excludendi. Quum ergo dominus non adpareat: nulli alii talis excludendi facultas est, ac proinde nihil obstat, quominus bonæ fidei possessor rem sibi retineat. Enimvero quia plerisque locis res dominio vacuas alicujus momenti sibi vindicat populus vel princeps: (§. CCXLII. 22.) per se patet, bonæ fidei possessorem iis locis, ubi hujusmodi jus inolevit, res alienas, quarum de domino non constat, offerre civitatum rectoribus, ab iisque ~~plurimorum~~ expectare debere. Grot. *de jure belli & pac. II. 10. 11.*

C A P U T XIII.

De rerum, in dominio constitutarum, commercio.

§. CCCXXV.

Cur re-
bus plu-
ribus in-
digere
homines
coepe-
runt?

EX quo a communione negativa discesum, dominiumque introductum est: homines res utiles ita sibi vindicare coeperunt, ut deinceps nemini earum usum concedere cogerentur, sed eas sibi detinere, suisque seponere usibus possent, (§. CCXXXVI.) Ex eo vero id consequi oportuit, 1) ut non eadem omnium hominum facultates essent, sed 2) alii quibusdam rebus abundarent, quibus alii indigerent maxime: adeoque 3) alter vel ex alterius adparatu, vel ejusdem opera id, quod sibi deerat, suppleret. Immo,

mo, quum non omnia proferat omnis tellus: *) 4) ipsa necessitas homines coegit, ut ea, quibus abundarent, quæque sua arte ac opera produxissent, aliis indulgerent; aliaque, quibus ipsi carerent, sibi acquirerent. Quod dum fecerunt, COMMERCIA inter se instituere dicti sunt.

*) Huc pertinet elegans observatio Virgilii Georg. I. v. 54.

Hic segetes, illic veniunt felicius uva:

Arbores sætus alibi, atque injussa virescunt

Gramina: nonne vides, croceos ut Tmolus odores,

India mittit ebur, molles sua thura Sabæi?

At Chalybes nudi ferrum, virosque Pontus

Castorea, Eliadum palmas Epiros equarum &

Continuo has leges æternaque fœdera certis

Imposuit natura locis: quo tempore primum

Dentalion vacuum lapides jactavit in orbem.

Quibus genuina sunt, quæ latius idem poeta

cecinit Lib. II. Georg. v. 109. sequ. quæque

observarunt Varro de re rustica I. 23. & Ovid.

de arte am. IV. v. 758. & in primis Seneca

Epist. LXXXVII. qui, adducto illo laudato Vir-

gilii loco ex libro georgicon secundo, addit:

Ista in regiones descripta sunt, ut necessarium

mortalibus esset inter ipsos COMMERCIIUM, si

invicem aliis ab alio aliquid peteret. Eam-

dem commerciorum originem urget Aristot.

Nicomach. V. 8. Polit. I. 6.

§. CCCXXVI.

Jam equidem si omnes homines virtutis studio tenerentur, non esset, profecto, quod ullus inopiam metueret. Quis enim tunc dubitaret, quin ea, quibus ipse abundet, indi-

Necessitas commercii.

gis liberaliter sint elargienda? (§. CCXXI. 23.) Enimvero, quum jam pridem refrixerit amicitiae amor, eoque saeculo vivamus, quo *virtus laudatur, & alget*, 5) de eo commercii genere cogitandum fuit, quo alter non modo sola humanitate & beneficentia, sed perfecta obligatione, ad rerum utilium, quibus indigemus, dominium, in nos transferendum, nosve operis suis juvandos, obstrictus esset.

§. CCCXXVII.

Illud aliter insitui non potuit, quam per contractus.

Itaque per COMMERCIIUM intelligimus communicationem rerum operarumve necessariorum atque utilium cum aliis, earum indigis, non ex sola humanitate & beneficentia, sed ex obligatione perfecta, perfectam. Quum vero per commercia vel operæ præstentur, vel dominium & possessio transferatur, ea vero obligatio nemini inscio ac invito sit extorquenda: (§. CCCXX. 59.) consequens est, 6) ut commercium requirat utriusque consensum. Eum porro duorum consensum de rebus necessariis operisve, inter se non ex sola humanitate, sed ex obligatione perfecta, communicandis, quum CONTRACTUM vocare soleamus; facile intelligitur, 7) commercia non aliter, quam intervenientibus contractibus, explicari posse. *)

*) Recte hoc observavit Isocrat. *Excerpt. advers. Callimach. p. 742.* Σιώθηκαι ποσάυτῳ ἔχουσι δωάμεν, ὅτι τὰ πλεῖστα τῷ βίῳ ἢ τοῖς ἔλλοις, ἢ τοῖς βαρβάροις, διὰ σιωθηκῶν εἶναι. Ταῦται γὰρ πισθόντες, ὡς ἀλλήλους ἀφικνέμεθα, ἢ ποιεῖμεθα, ὧν ἕκαστοι τυγχάνωμεν δεινῶν. μετὰ τούτων ἢ τὰ συμβόλαια τὰ πρὸς ἡμᾶς αὐτοὺς πρῶ-

πορίμεθα, καὶ τὰς ἰδίαις ἐχθραῖς, καὶ τὴν πρὸς πολέμους διαλύμεθα. τὰ τὰ μὲν κοινὰ πάντες ἀνθρώποι διατιθέμεν χρωόμεν. In pactis tanta vis est, ut pleraque res tum Græcorum, tum barbarorum, ex pactis & conventis transigantur. His enim freti convenimus, & COMMERCIA agitamus. Per hæc inter nos contrahimus: per hæc cum privatas inimicitias, tum communia bella, componimus. Hoc uno, tamquam communi bono, homines omnes uti non desistimus.

§. CCCXXVIII.

Quum ergo commercia in communicatione rerum operarumve necessariarum cum aliis, earum indigis, consistant, eaque communicatio non ex sola humanitate & beneficentia, sed ex jure perfecto proficiscatur: (§. CCCXXVII.) 8) rarius perfecto continget, ut quis res operasque suas cum aliis gratis communicare vel possit, vel velit, sed unusquisque potius 9) aliquid sibi ab altero rependi velit, quod ipsi tantundem videatur, ac res, vel opera, cum illo communicanda. Itaque 10) qui res suas operasve inter se commutare volunt, non possunt non eas inter se comparare, eaque comparatio 11) non aliter fieri potest, quam quantitate, per quam æqualitas obtineretur, rebus operisve singulis attributa. Quumque quantitas illa rebus operisve attributa, secundum quam illæ inter se comparari possunt, sit PRETIUM: consequens est, 12) ut commercia & contractus plerique sine rerum pretio vix intelligantur. *)

Eorum plerique rerum operarumque pretium ponunt.

*) Hinc eleganter Græci non modo pacta & con-

contractus, verum etiam commercia vocantur *συμβολαίς*, *σύμβολα συμβόλαια & συμβόλαια κοινικά*, ἀπὸ τοῦ συμβάλλειν, a comparando vel conferendo. Qui enim res operasve inter se commutaturi sunt, ii eas inter se comparant, dum suæ quisque rei vel operæ certam quantitatem tribuit, atque ita reperit rationem vel proportionem, quam inter se habeant. Sic ex. gr. si ponamus, rationem auri ad argentum esse undecuplam: utrique metallo tribuimus quantitatem moralem vel pretium. Eoque facto nihil facilius est, quam metalla ista inter se, servata æqualitate commutare. Ceterum plerosque, non omnes contractus rerum pretium ponere dicimus. Sunt enim quidam gratuiti: ac proinde recte contractus dividuntur in ONEROSOS, quando æquale utrimque onus est, BENEFICOS, ubi alter alteri se ad aliquid gratis præstandum obstringit, & ALEAM CONTINENTES, in quibus ita dominatur fortuna, ut quod præstatur, alter modo gratis, modo titulo oneroso accipiat.

§. CCCXXIX.

Quod est
vel vul-
gare, vel
eminens.

Comparatio illa instituitur vel inter res operasque singulas: vel adsumitur communis quædam mensura, quacum reliquæ res operasque omnes comparantur. Si prius fit: 13) inde oritur PRETIUM VULGARE, quod singulis rebus operisque tribuimus. Sin posterius: 14) PRETIUM hoc vocatur EMINENS, quia illo omnia, quæ in commercio sunt, tamquam communi quâdam mensura, æstimamus: *) quale apud nos est pecunia. In utroque vero 15) procul dubio requiritur æqualitas rei operasve & pretii.

*) Hinc

) Hinc recte Aristoteles Nicom. IX. 1. num-
mum definit: *καὶνὸν μέτρον, ὅπῃς δὲ δὴ πάντα
αἰσθέρηται; καὶ ὃ μετρεῖται*: communem mensu-
ram; ad quam omnia referuntur, quaque men-
surantur omnia. Unde recte nummo omnia
venalia esse dicuntur, quæcumque sunt in
commercio. Id tantum reprehensione dignum,
quod homines & ea, quæ non sunt in com-
mercio, nummis æstimare & vendere solent,
veluti justiciam, pudicitiam, ipsamque con-
scientiam. Et hoc ipsum est, in quod inve-
hantur poetæ. Horat. Sem. II. 3. v. 94.

*Omnis enim res,
Virtus fama, decus, divina humanaque,
pulchris*

*Divitiis parent: quas qui construxerit, ille
Clarus erit, fortis, justus, sapiensve etiam,
& rex,*

Et quidquid voles.

Propert. III. 10.

*Aurea nunc vere sunt sæcula, plurimus auro
Venit honos, auro conciliatur amor.*

*Auro pulsa fides, auro venalia jura,
Aurum lex sequitur, mox sine lege pudor.*

Similia passim apud veteres, veluti apud Pe-
tron. Satyr. Cap. CXXXVII. & olim apud Me-
nandrum, cujus elegantissima hæc superest
sententia de divite:

*Ἐξαι ὅ-τι βύλεις, πάντα σοὶ γίνονται,
Ἀγροί, οἰκίαι, θηράποντες, ἀργυρήματα,
Φίλοι, δικάσαι, μάρτυρες, μόνον δίδου.
Αὐτὸς γὰρ ἔχεις πᾶς βίης ὑπερίτας.*

*Opta modo, quidquid volueris: omnia eve-
nient.*

*Ager, domus, medici, supellex argentea,
Amici, judices, testes dederis modo.*

Quin & deos ipsos ministros facile habebis.

§. CCCXXX.

Quomodo vul-
gare de-
finiendū
sit?

Et initio quidem pretium tantum VULGARE hominibus innotuisse, vel inde patet, quod eminens sine plurium consensu constitui non potuit. At vulgare quisque rebus operisque suis suo arbitratu imposuit. Quum tamen id eo fine ac consilio fiat, ut illis quisque ea, quæ sibi desunt, comparare possit: (§. CCCXXV. 3.) consequens est, 15) ut in imponendo rebus operisque pretio ratio habenda sit aliorum, a quibus aliquid adquirere cupimus, adeoque 16) tanti æstimanda sit res operave nostra, ut, hos eas tanto pretio comparare sibi velle, probabile sit. *)

*) Nam si fingamus, Arabes thus & aromata sua tanti æstimare, ut pro centenis frumenti medimnis non nisi unam drachmam dare velint: nec ipsi pro thure & aromatibus frumentum accipient, quia nemo erit, qui conditione tam iniqua frumentum permutare velit; nec alii sibi comparare poterunt aromata, adeoque impediuntur hoc modo commercia, quorum tamen causa inventum est rerum operarumque pretium. Quum ergo talia oporteat esse media, qualis est finis: consequens est, ut pretium ita definiendum sit, ut commercia intercedere possint inter homines, adeoque in illo constituendo ratio haberi debeat aliorum, a quibus & ipsi aliquid adquirere volumus.

§. CCCXXXI.

Quarum-
nam cir-
cumstan-
tiarum in
eo defi-

Quum itaque tanti æstimandæ sint res operæque nostræ, quanti eas alterum, a quo quid adquirere cupimus, sibi comparaturum, probabile est: (§. CCCXXX. 16.) facile unus-

unusquisque intelligit, 17) pretium rerum aliquando intendere alterius necessitatem & indigentiam, * 18) aliquando rei ipsius raritatem: Immo 19) rationem etiam habendam esse artificii, 20) ipsius rei præstantiæ, 21) operæ & expensarum, in illam facturum, 22) periculi, ejus causa subeundi, 23) denique eorum, qui re vel opera indigent, multitudinis, vel paucitatis, aliarumque ejusdem generis *περὶ αἰτίας*.

niendo
habenda
si: ratio?

*) Verum quidem, est, non ea semper, quæ maxime necessaria sunt, maximi pretii haberi, rem ita dirigente divina providentia, ut illa, quibus non facile caremus, ubique obvia sint, & illa tantum, quæ nec corpus, nec natura desiderat, difficilius rariusque reperiantur, uti recte philosophatur Vitruv. *Architect. VIII. præf.* Attamen si necessitas cum inopia conjuncta est, ex. gr. si magna ubique est frugum sterilitas, pretium earum magis magisque intendi, ipsa satis docet experientia. Ac proinde tunc vere evenit, quod ait Quintilianus *Declam. XII. in magna inopia, quidquid emi potest, vile est.* Exemplum insignis vidit Ægyptus in septennali illa sterilitate *Genes. XLVII, 14. seq.*

§. CCCXXXII.

Obverti nobis posset, solere homines suis rebus attribuire pretium immensum, vel multo majus certe, quam quo alter sibi illas comparare velit, siue auctor illas faciat pretiosas, siue raritas, siue factum insigne, quod illæ nobis revocant in memoriam. Enimvero quum nos jam de officiis in commercio observandis, agamus, in hoc

Quid:
pretium?
adfectio-
nis?

VERO

vero pretii illius ordinarie non habeatur ratio, sed tantum in damnis refarciendis: * (§. CCXII. 125.) facile intelliges, 24) cur id pretium regulam nostram non evertat.

*) Adfectio enim ista ita comparata est, ut in alterum transire nequeat, adeoque & nihil hunc movere possit, cur rem illam sibi ideo majore pretio comparare velit, quod ea possessori jucundum quid in memoriam revocarit. Sed id ordinarie tantum verum est. Alioquin enim contingit aliquando, ut in commercio ne id quidem pretium plane insuper habeatur, 1) si communis sit rei adfectio ob auctorem vel artificem, a quo confecta est, vel ob insignem raritatem vel pulchritudinem: Hinc Phidiae signum vel elaboratior Apellis vel Parrhasii tabula, quia omnium adfectionem mereri videbantur, majori, quam vulgari, pretio veniebant. 2) Si major sit adquirentis, quam possidentis adfectio, ex. gr. si res mea alterius rem insigniter reddere possit meliorem, ac proinde is optet, uti ille apud Horat. *Serm. II. 6.*

O si angulus ille

Proximus accedat, qui nunc denormat agellum!

§. CCCXXXIII.

Cur pretii emittens invenit?

Quum vero commercia ideo inter homines instituantur, ut alter ex alterius adparatu, vel ejusdem opera, id, quod sibi deest, suppleat, (§. CCXXVI. 3.) & pretium quoque non ob aliam causam excogitarint homines, quam ut in commutandis rebus ac operis æqualitas obtineretur: (§. CCCXXVIII. 11.) non potuit non sapius con-

contingere, 25) ut nec semper alteri superesset, quod deesset alteri, & 26) sæpe alter id, quod alter dare vellet, adspiciatur, & 27) ipsarum rerum, quas inter se permutare vellent, tam lubrica, atque incerta esset æstimatio, ut non posset non alteruter damni incurrere periculum, quin & 28) aliquando ipsæ res commutandæ tam magnæ molis essent, ut nec commode in loca dista transferri, nec in itinere commode custodiri possent. Quæ incommoda, quum aliter evitari non possent: 29) ipsa demum necessitas invexit pretium aliquod, eminens, quod & reciperetur ab omnibus, & in quo mutua inter rem & pretium relatio facillime posset reperiri. *).

*) Id ipsum observavit Paulus JC. l. i. pr. D. de contr. emt. dum emtionis venditionis originem ita describit: *Origo emendi vendendique a permutationibus capit. Olim enim non ita erat nummus, neque aliud merx, aliud pretium; sed unusquisque secundum necessitatem temporum ac rerum utilibus inutilia permutabat, quando plerumque evenit, ut, quod alteri superest, alteri desit. Sed quia non semper & facile conveniebat, ut, quum tu haberes, quod ego desiderarem, invicem haberem, quod tu accipere velles: electa materia est, cujus publica ac perpetua æstimatio difficultatibus permutationum aequalitate quantitatis subveniret, eaque materia, forma publica percussa, usum dominiumque non tam ex substantia præbet, quam ex quantitate, nec ultra MERX utrumque, sed alterum PRETIUM vocatur. Similia habet Aristotel. Ethic. ad Nicom. V, 8. & Pol. I, 6. quæ loca erudite*

dicte exposuit Jac. Perizon. *de are gravi* §. II. p. 6. *seq.* quemadmodum Pauli testimonium Duaren. *Disp. anniv.* 1, 6.

§. CCCXXXIII.

Ejus re-
quisita.

Idem finis nummi, vel pretii eminentis, id exegit, 30) ut materia, nec nimis rara, 31) nec vulgo obvia, 32) nec usu ac pretio destituta, *) nec 33) difficulter in quasvis partes divisibilis, 34) nec justo fragilior, 35) nec quæ difficilior custodiri, vel 36) agere in quemvis locum transferri posset, eligeretur: quia si rara nimis esset, non sufficeret hominibus: si vulgo obvia, nullius pretii esset: si pretio destitueretur, non reciperetur ab omnibus: si non in quasvis æquales partes dividi posset, non obtineretur in commercio æqualitas: si fragilior esset, vel usu detereretur, possessores paulatim redderentur pauperiores: denique si nec commode custodiretur, & difficulter in quemvis locum transferretur, idem maneret incommodum, quod commercia ante inventum nummi usum difficiliora reddidisse, diximus. (§. CCCXXXII.)

*) Quare recte observavit Aristoteles *Nicomacheor. V, 8.* nummum esse οὐκ ἔγγυς, ἀλλὰ δὲν τὸ νόμισμα φέροντι ἀγαθὰ λαβεῖν, veluti fidejussorem, quem qui secum ferat, quævis venialia accipere posset. Hinc vero præclare colligit Pufendorff. *de jure nat. & gent. V, 1. 13.* nisi nemo fidejussorem accipiat, nisi virum spectatæ fides, & locupletem, in vili autem homine parum cautionis esse putetur: ita pro re ubique occurrente, puta pro manipulo terræ aut arenæ, neminem rem suam permutaturum,

Cap. XIII. De rerum in dom. const. com. 289
turum, quæ ipsi magno labore ac industria
fuerit comparata.

§. CCCXXXV.

Quæ virtutes omnes, quum in nullam Cur ad
id adhi-
bita me-
talia no-
bilia?
aliam materiam, quam in metalla pretiosio-
ra, cadant, puta aurum, argentum, & æs :
37) hæc metalla huic usui adhiberi, & in-
de 38) nummos variæ quantitatis ac ponde-
ris cudi, plerisque gentibus cultioribus com-
modissimum visum est. Quin 39) si quibus
alii materiæ qualicumque pretium aliquod
eminens attribuire placuit : *) id, vel ur-
gente necessitate & pecuniæ inopia, factum
est, eo consilio, ut cives, defuncti pericu-
lo, pro pecunia illa *συμβαλικά* solidum num-
mum reciperent, vel 40) pecunia ista tan-
tum in una gente functa est pretii eminentis
vice, nec commerciis, inter plures diversas-
que gentes conciliandis, fuit idonea.

*) Sic Carthaginensibus pro nummo erat ne-
scio quid, pelliculæ exiguæ illigatum, &
publice obsignatum, *Æschin. dial. de di-
vitiis. Cap. XXIV. p. 78. edit. Petri Horrei*.
Lacedæmoniis pondus ferri, & quidem inu-
tilis. Idem *ibid. p. 80. Plutarch. Lycurg.*
p. 51. Aliis gentibus pro auro, argento &
ære conchas, *Leo Afr. Lib. VII.* aliis grana
& baccas, aliis massas salis, adhibere pla-
cuit. *Pufendorff. de jur. nat. & gent. V, 1. 13.*
De corio, papiro, plumbo, aliisque rebus,
in calamitate publica, maxime obsessis urbi-
bus, pro pecunia expensis, ut recentiora,
nostrique ævi exempla prætermittamus, vi-
dendus *Polyæn. Stratagem. III, 10. 1. & ibi*
Masui. p. 274. Sen. de benef. V, 14. Enim-
vero, uti quisquilæ illæ, quibus barbari
Hein. de Jur. Nat. & Gent. N pro

gis liberaliter sint elargienda? (§. CCXXI. 23.) Enimvero, quum jam pridem refrixerit amicitiae amor, eoque saeculo vivamus, quo *virtus laudatur, & alget*, 5) de eo commercii genere cogitandum fuit, quo alter non modo sola humanitate & beneficentia, sed perfecta obligatione, ad rerum utilium, quibus indigemus, dominium, in nos transferendum, nosve operis suis juvandos, obstrictus esset.

§. CCCXXVII.

Illud aliter insti-
tui non
potuit,
quam
per con-
tractus.

Itaque per COMMERCIIUM intelligimus communicationem rerum operarumve necessaria-
rum atque utilium cum aliis, earum indigis,
non ex sola humanitate & beneficentia, sed
ex obligatione perfecta, perfectam. Quum
vero per commercia vel operæ præstentur,
vel dominium & possessio transferatur, ea
vero obligatio nemini inscio ac invito sit ex-
torquenda: (§. CCCXX. 59.) consequens est,
6) ut commercium requirat utriusque consen-
sum. Eum porro duorum consensum de re-
bus necessariis operisve, inter se non ex so-
la humanitate, sed ex obligatione perfecta,
communicandis, quum CONTRACTUM vocare
soleamus; facile intelligitur, 7) commercia
non aliter, quam intervenientibus contracti-
bus, explicari posse. *)

*) Recte hoc observavit Isocrat. *Excerpt. ad-
vers. Callimach. p. 742.* Σωθῆναι ποσάτων
ἔχουσι δυνάμει, ὥς τὰ πλεῖστα τῷ βίῳ καὶ τοῖς
ἐλλοσι, καὶ τοῖς βαρβάραις, διὰ σωθῆναι εἶναι.
Ταύται γὰρ πισθύνουσιν, ὡς ἀλλήλους ἀφικνύμεθα,
καὶ ποιεῖσθαι, ὡς ἑκάστοις συγκαταμὲν δεινόμεναι. μετα-
τάτων καὶ τὰ συμβέλλουσα τὰ πρὸς ἡμᾶς αὐτῶν
πρῶτα.

πολέμιδα, καὶ τὰς ἰδίας ἐχθράς, καὶ τὴν κοινὴν πολέμου διαλυόμεθα* τὸ τῶ μὲν κοινῶ πάντες ἀνθρώποι διαλυῶμεν χιῶμεν. In pactis tanta vis est, ut pleraque res tum Græcorum, tum barbarorum, ex pactis & conventis transigantur. His enim freti convenimus, & COMMERCIA agitamur. Per hæc inter nos contrahimus: per hæc cum privatas inimicitias, tum communia bella, componimus. Hoc uno, tamquam communi bono, homines omnes uti non desistimus.

§. CCCXXVIII.

Quum ergo commercia in communicatione rerum operarumve necessariarum cum aliis, earum indigis, consistant, eaque communicatio non ex sola humanitate & beneficentia, sed ex jure perfecto proficiscatur: (§. CCCXXVII.) 8) rarius profecto continget, ut quis res operasque suas cum aliis gratis communicare vel possit, vel velit, sed unusquisque potius 9) aliquid sibi ab altero rependi velit, quod ipsi tantundem videatur, ac res, vel opera, cum illo communicanda. Itaque 10) qui res suas operasve inter se commutare volunt, non possunt non eas inter se comparare, eaque comparatio 11) non aliter fieri potest, quam quantitate, per quam æqualitas obtineretur, rebus operisve singulis attributa. Quumque quantitas illa rebus operisve attributa, secundum quam illæ inter se comparari possunt, sit PRETIUM: consequens est, 12) ut commercia & contractus plerique sine rerum pretio vix intelligantur. *)

Eorū
plerique
rerum
oparū
que pre-
tium po-
nunt.

*) Hinc eleganter Græci non modo pacta & con-

contractus, verum etiam commercia vocantur *συμβολαίς*, *σύμβολα συμβόλαια & συμβόλαια κοινοικά*, *ἀπὸ τῶ συμβάλλειν*, a comparando vel conferendo. Qui enim res operasve inter se commutaturi sunt, ii eas inter se comparant, dum suæ quisque rei vel operæ certam quantitatem tribuit, atque ita reperit rationem vel proportionem, quam inter se habeant. Sic ex. gr. si ponamus, rationem auri ad argentum esse undecuplam: utrique metallo tribuimus quantitatem moralem vel pretium. Eoque facto nihil facilius est, quam metalla ista inter se, servata æqualitate commutare. Ceterum plerosque, non omnes contractus rerum pretium ponere dicimus. Sunt enim quidam gratuiti: ac proinde recte contractus dividuntur in ONEROSOS, quando æquale utrimque onus est, BENEFICOS, ubi alter alteri se ad aliquid gratis præstandum obstringit, & ALEAM CONTINENTES, in quibus ita dominatur fortuna, ut quod præstatur, alter modo gratis, modo titulo oneroso accipiat.

§. CCCXXIX.

Quod est vel vulgare, vel eminens. Comparatio illa instituitur vel inter res operasque singulas: vel adsumitur communis quædam mensura, quacum reliquæ res operasque omnes comparantur. Si prius fit: 13) inde oritur PRETIUM VULGARE, quod singulis rebus operisque tribuimus. Sin posterius: 14) PRETIUM hoc vocatur EMINENS, quia illo omnia, quæ in commercio sunt, tamquam communi quadam mensura, æstimamus: *) quale apud nos est pecunia. In utroque vero 15) procul dubio requiritur æqualitas rei operasve & pretii.

*) Hinc

) Hinc recte Aristoteles Nicom. IX. 1. num-
 mum definit: μέτρον μέτρον, ὅς ἐστι πάντα
 ἀναφίρεται, ὃ δὲ μετρεῖται. communem mensu-
 ram; ad quam omnia referuntur, quaque men-
 surantur omnia. Unde recte nummo omnia
 venalia esse dicuntur, quæcumque sunt in
 commercio. Id tantum reprehensione dignum,
 quod homines & ea, quæ non sunt in com-
 mercio, nummis æstimare & vendere solent,
 veluti justiciam, pudicitiam, ipsamque con-
 scientiam. Et hoc ipsum est, in quod inve-
 huntur poetæ. Horat. Sem. II. 3. v. 94.

Omnis enim res,
 Virtus fama, decus, divina humanaque,
 pulcris
 Divitiis parent: quas qui construxerit, ille
 Clarus erit, fortis, justus, sapiensve etiam,
 & rex,
 Et quidquid volet.

Propert. III. 10.

Aurea nunc vere sunt secula, plurimus auro
 Venit honos, auro conciliatur amor.
 Auro pulsa fides, auro venalia jura,
 Aurum lex sequitur, mox sine lege pudor.

Similia passim apud veteres, veluti apud Pe-
 tron. Satyr. Cap. CXXXVII. & olim apud Me-
 nandrum, cujus elegantissima hæc superest
 sententia de divite:

Εὐχαι ὧ τι βύλεις, πάντα σοὶ χηρύνονται,
 Ἀργούς, οἰκίαι, θηράποντες, ἀργυράματα,
 Φίλοι, δικασταί, μάρτυρες, μένον δίδου.
 Αὐτὸς γὰρ ὄψεις τῆς θύης ὑπερέτας.
 Opta modo, quidquid volueris: omnia eva-
 nient.

Ager, domus, medici, supellex argentea,
 Amici, judices, testes dederis modo.
 Quin & deos ipsos ministros facile habebis.

Quomodo vul-
gare defini-
endū sit?

Et initio quidem pretium tantum VULGARE hominibus innotuisse, vel inde patet, quod eminens sine plurium consensu constitui non potuit. At vulgare quisque rebus operisque suis suo arbitratu imposuit. Quum tamen id eo fine ac consilio fiat, ut illis quisque ea, quæ sibi desunt, comparare possit: (§. CCCXXV. 3.) consequens est, 15) ut in imponendo rebus operisque pretio ratio habenda sit aliorum, a quibus aliquid acquirere cupimus, adeoque 16) tanti æstimanda sit res operave nostra, ut, hos eas tanto pretio comparare sibi velle, probabile sit. *)

*) Nam si fingamus, Arabes thus & aromata sua tanti æstimare, ut pro centenis frumenti medimnis non nisi unam drachmam dare velint: nec ipsi pro thure & aromatibus frumentum accipient, quia nemo erit, qui conditione tam iniqua frumentum permutare velit: nec alii sibi comparare poterunt aromata, adeoque impediuntur hoc modo commercia, quorum tamen causa inventum est rerum operarumque pretium. Quum ergo talia oporteat esse media, qualis est finis: consequens est, ut pretium ita definiendum sit, ut commercia intercedere possint inter homines, adeoque in illo constituendo ratio haberi debeat aliorum, a quibus & ipsi aliquid acquirere volumus.

§. CCCXXXI.

Quarumnam circumstan-
tiarum in
eo defi-

Quum itaque tanti æstimandæ sint res operæque nostræ, quanti eas alterum, a quo quid acquirere cupimus, sibi comparaturum, probabile est: (§. CCCXXX. 16.) facile unus-

unusquisque intelligit, 17) pretium rerum aliquando intendere alterius necessitatem & indigentiam, * 18) aliquando rei ipsius raritatem: Immo 19) rationem etiam habendam esse artificii, 20) ipsius rei præstantiæ, 21) operæ & expensarum, in illam facturum, 22) periculi, ejus causa subeundi, 23) denique eorum, qui re vel opera indigent, multitudinis, vel paucitatis, aliarumque ejusdem generis *περὶ αἰτίας*.

*) Verum quidem, est, non ea semper, quæ maxime necessaria sunt, maximi pretii haberi, rem ita dirigente divina providentia, ut illa, quibus non facile caremus, ubique obvia sint, & illa tantum, quæ nec corpus, nec natura desiderat, difficilius rariusque reperiantur, uti recte philosophatur Vitruv. *Architect. VIII. præf.* Attamen si necessitas cum inopia conjuncta est, ex, gr. si magna ubique est frugum sterilitas, pretium earum magis magisque intendi, ipsa satis docet experientia. Ac proinde tunc vere evenit, quod ait Quintilianus *Declam. XII. in magna inopia, quidquid emi potest, vile est.* Exemplum insignis vidit Ægyptus in septennali illa sterilitate *Genes. XLVII, 14. seq.*

§. CCCXXXII.

Obverti nobis posset, solere homines suis rebus attribuire pretium immensum, vel multo majus certe, quam quo alter sibi illas comparare velit, siue auctor illas faciat pretiosas, siue raritas, siue factum insigne, quod illæ nobis revocant in memoriam. Enimvero quum nos jam de officiis in commercio observandis, agamus, in hoc

Quid pretium et affectio- nis?

vero

vero pretii illius ordinarie non habeatur ratio, sed tantum in damnis refarciendis: * (§. CCXII. 125.) facile intelliges, 24) cur id pretium regulam nostram non evertat.

*) Adfectio enim ista ita comparata est, ut in alterum transire nequeat, adeoque & nihil hunc movere possit, cur rem illam sibi ideo majore pretio comparare velit, quod ea possessori jucundum quid in memoriam revocarit. Sed id ordinarie tantum verum est. Alioquin enim contingit aliquando, ut in commercio ne id quidem pretium plane insuper habeatur, 1) si communis sit rei adfectio ob auctorem vel artificem, a quo confecta est, vel ob insignem raritatem vel pulchritudinem: Hinc Phidiae signum vel elaboratior Apellis vel Parrhasii tabula, quia omnium adfectionem mereri videbantur, majori, quam vulgari, pretio veniebant. 2) Si major sit adquirentis, quam possidentis adfectio, ex. gr. si res mea alterius rem insigniter reddere possit meliorem, ac proinde is optet, uti ille apud Horat. *Serm. II. 6.*

O si angulus ille

Proximus accedat, qui nunc denormat agellum!

§. CCCXXXIII.

Cur pretii emittens inveniam?

Quum vero commercia ideo inter homines instituantur, ut alter ex alterius adparatu, vel ejusdem opera, id, quod sibi deest, suppleat, (§. CCXXVI. 3.) & pretium quoque non ob aliam causam excogitarint homines, quam ut in commutandis rebus ac operis æqualitas obtineretur: (§. CCCXXVIII. 11.) non potuit non sæpius con-

contingere, 25) ut nec semper alteri superes-
set, quod deesset alteri, & 26) sæpe al-
ter id, quod alter dare vellet, adspiciate-
tur, & 27) ipsarum rerum, quas inter se
permutare vellent, tam lubrica, atque incer-
ta esset æstimatio, ut non posset non alteru-
ter damni incurrere periculum, quin & 28)
aliquando ipsæ res commutandæ tam magnæ
molis essent, ut nec commode in loca disti-
ta transferri, nec in itinere commode custo-
diri possent. Quæ incommoda, quum aliter
evitari non possent: 29) ipsa demum neces-
sitas invexit pretium aliquod eminens, quod
& reciperetur ab omnibus, & in quo mu-
tua inter rem & pretium relatio facillime
posset reperiri. *)

*) Id ipsum observavit Paulus JC. l. 1. pr. D.
de contr. emt. dum emtionis venditionis ori-
ginem ita describit: *Origo emendi venden-
diq; a permutationibus capis. Olim enim
non ita erat nummus, neque aliud merx, aliud
pretium: sed unusquisque secundum necessita-
tem temporum ac rerum utilibus inutilia per-
mutabat, quando plerumque evenit, ut, quod
alteri superest, alteri desit. Sed quia non sem-
per & facile conveniebat, ut, quum tu ha-
beres, quod ego desiderarem, invicem habe-
rem, quod tu accipere velles: electa materia
est, cujus publica ac perpetua æstimatio dif-
ficultatibus permutationum equalitate quanti-
tatis subveniret, eaque materia, forma pu-
blica percussa, usum dominiumque non tam
ex substantia præbet, quam ex quantitate,
nec ultra MERX utrumque, sed alterum PRE-
TIUM vocatur. Similia habet Aristotel. Ethic.
ad Nicom. V, 8. & Pol. I, 6. quæ loca eru-
dite*

Cap. XIII. De rerum in dom. const. com. 289
turum, quæ ipsi magno labore ac industria
fuerit comparata.

§. CCCXXXV.

Quæ virtutes omnes, quum in nullam
aliam materiam, quam in metalla pretiosio-
ra, cadant, puta aurum, argentum, & æs :
37) hæc metalla huic usui adhiberi, & in-
de 38) nummos variæ quantitatis ac ponde-
ris cudi, plerisque gentibus cultioribus com-
modissimum visum est. Quin 39) si quibus
alii materiæ qualicumque pretium aliquod
eminens attribuire placuit : *) id, vel ur-
gente necessitate & pecuniæ inopia, factum
est, eo consilio, ut cives, defuncti pericu-
lo, pro pecunia illa *συμβαλῆναι* solidum num-
mum reciperent, vel 40) pecunia ista tan-
tum in una gente functa est pretii eminentis
vice, nec commerciis, inter plures diversas-
que gentes conciliandis, fuit idonea.

Cur ad
id adhi-
bita me-
talia no-
bilia?

*) Sic Carthaginensibus pro nummo erat ne-
scio quid, pelliculæ exiguæ illigatum, &
publice obsignatum, *Æschin. dial. de di-
vitiis. Cap. XXIV. p. 78. edit. Petri Horrei*.
Lacedæmoniis pondus ferri, & quidem inu-
tilis. Idem *ibid. p. 80. Plutarch. Lycurg.*
p. 51. Aliis gentibus pro auro, argento &
ære conchas, *Leo Afr. Lib. VII.* aliis granæ
& baccas, aliis massas salis, adhibere pla-
cuit. *Pufendorff. de jur. nat. & gent. V, 1. 13.*
De corio, papiro, plumbo, aliisque rebus,
in calamitate publica, maxime obsessis urbi-
bus, pro pecunia expensis, ut recentiora,
nostrique ævi exempla prætermittamus, vi-
dendus *Polyæn. Stratagem. III, 10. 1. & ibi*
Masui. p. 274. *Sen. de benef. V, 14.* Enim-
vero, uti quisquilæ illæ, quibus barbari
Hein. de Jur. Nat. & Gent. N pro

pro nummis utuntur, non nisi minoris commercii inter cives ejusdem reipublicæ explicandis idoneæ sunt: ita moneta *συμβολικὴ*, in calamitate publica adhibita, vere est loco tesserarum, vel chirographarum, quæ summi imperantes defuncti periculo, parata pecunia se redempturos, pollicentur. Ita enim apud Polynæum Timotheus persuasit mercatoribus, ut ipsius sigillo pro numismate uterentur, *ἀπαλασσομένους δὲ τὴ σφραγίδα τῷ ἀργύρῳ ἐλασμεύειν*, & ut reddentes sigillum, argentum reciperent.

§. CCCXXXVI.

Quantum pretii statuendum sit nummis?

Quamvis vero pretium nummi definire sit summi imperantis, ceu infra suo loco pluribus demonstrabimus: tamen, uti in pretio vulgari ratio habenda est aliorum, a quibus quid adquirere cupimus. (§. CCCXXX. 15.) ita facile patet, 41) pecuniæ quoque tale assignandum esse pretium, quod alias gentes, quibuscum nobis commercia sunt, non adspiciantur probabile est, adeoque 42) sequendam esse rationem unius metalli ad aliud, quam pleræque gentes vicinæ cultiores probare solent, nisi vel alios deterrere, quo minus nobiscum commercium habere audeant, vel ipsi insigne detrimentum pati velimus. *)

*) Si enim nummis nostris pretium justo majus statuimus, aut exteri nobiscum commercii quid habere dubitabunt; aut mercium suarum pretium, pro ratione valoris interni monetae nostræ, intendunt. Sin minore pretio nummos nostros expendimus, quam gentes vicinæ: nihil certius continget, quam

XIO. Initio enim 44) non aliter, quam vice-
 rerum, commercia exercebant mortales, seu
 merces suas operasve inter se permutabant,
 ac proinde 45) permutationes sunt genus
 contractuum antiquissimum, quod 46) &
 multo post retinuerunt gentes omnes, non mo-
 do quæ auro, argento, æri nullum statuerunt
 pretium, *) sed & quæ jam pridem pecuniæ
 usum habuerunt.

*) Id de majoribus nostris refert Tacitus de
morib. Germ. Cap. V. qui tamen observat,
 jam suo tempore Germanos Romanis provin-
 ciis viciniore, aliquam pecuniæ cupiditatem
 concepis-
 se. Idem de Scythiis memoriæ pro-
 didit Justinus *Hist. II, 2.* de Satarchis, Scy-
 thiæ Europææ populo, Pompon. Mela de *fitu*
orbis II, 1. de Hispanis Strabo *Geogr. III. p. 233.*
 Sed & hodie idem institutum servant Lapo-
 nes, Samoedæ, populique Asiæ, Africæ &
 Americæ quamplurimi, idque de populis
 barbaris eo minus mirandum, quod & in-
 vento prius nummo, & Græci & Romani
 diutissime non alio contractu, quam permu-
 tatione, uterentur. De Græcis notissimum
 est exemplum apud Homerum *Iliad. v. 7. 482.*
 de Romanis videndus Plinius *Hist. nat. XVIII,*
3. XXXIII, 1.

§. CCCXXXVIII.

Quid & Est ergo PERMUTATIO rei nostræ pro re al-
 quotu- terius datio. Quod quum dupliciter fieri pos-
 plex per sit, primum, ut neutra res æstimetur certum-
 mutatio? ve ei statuatur pretium: deinde ut utriusque
 pretii ineatur ratio: sequitur, 47) ut per-
 mutatio prior recte vocetur SIMPLEX, poste-
 rior ÆSTIMATORIA, & hinc 48) illa dona-
 tioni reciprocæ: hæc 49) emtioni venditio-
 ni

ni quodammodo similis sit, l. 1. C. de permut. l. 1. §. 1. D. de contr. emt. quamvis 50) priorem ideo diversum a permutatione negotium esse, statuat Pufend. de offic. hom. & civ. l. 15. 8. quod in ea, ut æqualitas observetur, necessum non sit: quum tamen 51) nec in permutatione simplici observanda sit æqualitas. *)

*) In hac enim uterque contrahentium rem non suam, sed alienam; non iusto, quod alii statuerent, pretio, sed ex adfectione sua, æstimat, adeoque nulla est rerum, sed adfectionis tantum, æqualitas. Quoties enim major est adquirentis, quam possidentis, adfectio, toties & in commerciis rationem haberi pretii adfectionis, diximus (§. CCCXXXII. * 2.) Exemplo esse potest commercium Glauci & Diomedis apud Homer. Iliad. β. 7. 236. permutantium arma armis.

Χρῖστα χαλκῶν, ἑκατὸμβοὶ ἑνναβύων.
Aurea æreis, centena novenariis.

De qua permutatione eleganter Maximus Tyrius Dissert. Platon. XXIII. Οὐδὲν γὰρ ἔτε πρὸ ταβίντι χρυτὸς πλείων, ἔτε πρὸ ἀδαζαβύα οὐ χαλκὸς ἑλλαπτόν· ἀλλὰ ἀμφοτέρως καλῶς ἔχει ἑκάτερος ἐν πρὸ αἰσῶ τ' ὕλης, ἰσισασίᾳ τῇ γνώμῃ δοδίντα. Neque plus habuit, quia aurum accepit, neque minus, cui æs traditum est. Verum cum utroque præclare actum: quum illa materia inæqualitas æqualitate propositi, quo alter dedit alteri, compensata esset.

§. CCCXXXIX.

Quia ergo permutatio SIMPLEX donationi Quid iur. sum cit.
reciproca quodammodo similis, nec in ea ca per.

tionem
simpli-
cem?

necessario observanda est aequalitas : (§. CCCXXXVIII. 47. 51.) facile intelligitur , 52) neutrum contrahentium de latione conqueri posse , nisi 53) alterius vis , vel dolus , accesserit , (§. CCCXXII. 61. CCCXXI.) nec 54) ob lationem irritum esse contractum , præterquam si is , qui rem pretiosiores vi- liore permutat , non gaudeat libera de rebus suis disponendis facultate , (§. CCCXVII. seq.) si vel maxime 55) res ipsa , quam quis hoc modo jactavit , ita sit comparata , ut non sine turpitudine possit alienari , nisi forte 56) in pari turpitudine ipse quoque accipiens versetur . *)

*) Hinc dubitari posset : an in foro rata futu- ra fuisset permutatio Jacobi & Esavi , quo- rum hic *primogenitura* , seu *primogenitura jura* , pro pulte turpiter vendidit . *Genes. XXV, 29. seq.* Quamvis enim reprehensione dignissi- mus sit Esavus , qui prærogativam , sibi a Deo O. M. concessam , flocci fecit , ac ille proinde ab Apostolo jure vocetur *hæreticus* , *Hebr. XII, 6.* tamen non minus turpiter egis- se dixeris Jacobum , qui ex fame fratris fru- ctum capturus , cum hoc insigni jure defrau- davit . (§. CCCXXII. 61.) Quod enim Esa- vus sine crimine vendere non potuit , id nec sine noxa a fratre emere potuit frater , cujus potius erat fratrem ab ea stultitia absterre- re , non ejus abuti stultitia . Sed multa ejus generis ob rationem typicam admiranda sunt , quæ , si ad regulas rectæ rationis exigantur , vix defendas .

Quid
circa
stimatoriam?

§. CCCXL.

Contra ea , quod ad ESTIMATORIAM atti-
net

net permutationem, quum in ea utriusque pretii ratio ineatur, (§. CCCXXXVIII.) fieri non potest, 57) quin utrinque observanda sit æqualitas, & 58) neuter alterum lædere debeat, neque adeo 59) rata sit permutatio, si alteruter circumventus sit, nisi 60) tam levis momenti sit læsio, nulla ut ejus ratio habenda videatur. *)

*) Pretium enim rerum *vulgare* est duplex, LEGITIMUM alteram, alterum CONVENTIONALE, quorum illud lege vel superiorum arbitratu, hoc conventionem vel consensu contrahentium definitur. Quum ergo illud certum sit, & veluti in puncto consistat, hoc, tanquam incertum, latitudinem aliquam admittat: priore casu læsus ille recte intelligitur, qui vel minimam partem pretii salvam non habet, posteriore alicujus momenti esse oportet damnum, ob quod negotium subsistere non debeat in foro humano. *Quid enim interest, inquit Seneca de benefic. VI, 15. quanti sit res, quum de pretio inter eminentem & vendentem convenerit? Pretium cujusque rei pro tempore est. Quum bene ista laudaveris, tanti sunt, quanto pluris venire non possunt.* Hinc in civitatibus animadvertimus, tantum ob læsionem enormem, qualis jure Romano est, quo contrahens ultra dimidium pretium læditur, contractus rescindi. l. 2. C. de resc. vendit.

§. CCCXLI.

At 61) non res tantum permutabant homines: sed & operas vel pro operis, vel pro aliis rebus, sive promittebant, sive, sibi stipulabantur: Unde 62) nati contractus

Contractus do ut facias facio ut des, & facio ut facias.

CIAS, quorum eadem est natura atque indoles, ac permutationis, ut adeo 63) dubitari non possit, quin & hi sint vel SIMPLICES, vel ÆSTIMATORII, (§. CCCXXXVIII.) & hinc 64) omnia, quæ de permutatione SIMPLICE & ÆSTIMATORIA diximus, (§. CCCXXXIX. sequ.) etiam de hisce contractibus sint observanda. Aut enim operæ ad rem operasve alterius certo æstimantur pretio: quod negotium *pactum reddenda vicissitudinis* non ineleganter vocat Ammian. Marcell. *Hist. XVI. 10.* aut sine æstimatione rei operarumve aliquid pro re vel opera fit daturve. *) Ubi 65) priore casu servanda æqualitas, & damnum alicujus momenti refarciendum est: 66) posteriore omnis querela de læsione quantacumque merito cessat.

*) Tale fuit promissum Agamemnonis apud Homerum *Iliad. Lib. X. v. 120. seq.* qui Achillem Briseidis jactura offensum placaturus, ejus operas contra Trojanos redimere volebat oblati septem tripodibus, decem auris talentis, leberibus viginti, duodecim generosissimis equis, septem feminis pulcherissimis, inter quas & Briseis, vi abducta, addito promisso, delata Troja, Achillem non modo prædæ maximam partem avecturum, sed & unam ex filiabus, quam ipse electurus esset, uxorem ducturum, cum dote septem urbium. Ex quo patet, sæpe aliquem sibi stipulatum ab altero esse operas inæstimabiles, & pro iis promississe, quidquid alteri quam gratissimum fore existimaret, nulla habita ratione æqualitatis.

§. CCCXLII.

Sunt & alii contractus, quibus ante num-

num inventum commercia explicari potuerunt, nimirum omnes gratuiti, quibus id egerunt homines, ut quæ sibi jure imperfecto, vel ex amore humanitatis & beneficentiæ, debebantur, in posterum jure perfecto deberentur. Talis est contractus COMMODATI. Quum enim ad officiositatem obstricti sumus: (§. CCXXVIII. 48.) obstricti etiam sumus, ad rei nostræ non fungibilis usum alteri, qui eo indiget, cum obligatione restitutionis præstandum, id est, ad rem COMMODANDAM. *) Quum vero, refrigerante amore, sperari vix queat, alterum id sua sponte facturum: (§. CCCXXVI.) 67) ipsa necessitas homines adegit ad inveniendum contractum, quo alii ad rei suæ usum iis hoc modo præstandum jure perfecto obligarentur.

*) Itaque COMMODATUM nobis est obligatio perfecta ad usum rei nostræ, alteri sub conditione restitutionis in specie gratis præstandum. Ex eoque patet, jure naturali commodatum vix differre a precario, inter quæ tamen jure civili aliqua differentia est. Facile etiam inde decidi poterit quæstio, utrum commodatum a solo contrahentium consensu, an a rei traditione suam substantiam capiat? Quamvis enim jure naturali & solus consensus de usu, rei alteri præstando, obliget: (§. CCCXXVII. 6.) nondum tamen commodatum est, quia is, cui hic promissum ad rem, quam nondum accepit, in specie restituendam nondum est obligatus, sed *pactum de commodando*. Inter hæc vero reipsa discrimen esse, vel inde patet, quod ex commodato obligatur commodatarius ad rem re-

stituendam, ex pacto autem de commodando promittens vel commodaturus, ad rei usum præstandum, adeoque diversæ obligationes ex illis negotiis nascuntur.

§. CCCXLIII.

Officia
commo-
dataril.

Quia ergo gratis, at sub conditione eam in specie restituendi, rei usus præstatur: (§. CCCXLII. *) commodatarii est, 68) rem non modo non aliis usibus, quam ad quos eam concessit dominus, adhibere, sed & 69) eamdem summa cum sollicitudine ac diligentia servare: ac proinde 70) usu finito, vel domino eam revocante, eam in specie reddere, simulque 71) omne damnum, culpa sua datum resarcire, 72) non autem præstare casum fortuitum, nisi illum ultro in se receperit: * (§. CVI. 27.) nec 73) impensas in eam factas repetere, nisi tantæ sint, ut mercedem, pro ea locata solvendam, excedant.

*) Primus equidem Grotius de jure belli & pac. II, 12. 13. distinguit, resne apud dominum similiter peritura fuisset, an non, & posteriore saltem casu damnum a commodatario ferendum esse, existimat, cujus sententiam etiam sequuntur Pufend. de jur. nat. & gent. V, 4. 6. & Mornac. ad l. 1. C. commod. Enimvero, quom casus fortuiti & eventus, a sola providentia divina profecti, nemini imputentur: (§. CVI. 27.) ii sane nec commodatario imputari possunt. Nec obstat lex divina Exod. XXII, 14. seq. Neque enim illa aliter intelligi potest, quam de culpa commodatarii interveniente. Vid. Jo. Clerici Commentus. in Exod. p. 110.

§. CCCXLIV.

§. CCCXLIV.

Deinde humanitatis amor unumquemque obligat, ut alterius res pro virili sua parte servare studeat. (§. CCCXVI. 4.) Quum vero & id tantum ab altero jure imperfecto exigere possimus: 74) sæpe nostra interest, ut rerumstrarum, apud alios depositarum, custodiam, ex obligatione perfecta præstandam, nobis stipulemur: eoque consilio 75) inventus est contractus DEPOSITI, per quem intelligimus obligationem perfectam ad res nostras, depositarii fidei commissas, gratis custodiendas, & , quodcumque nobis placuerit, in specie restituendas. *)

Contra-
tus de-
positi.

*) Eo contractu veteres nihil habuere sanctius, quia deponens summam fiduciam in depositarii fide ac diligentia collocat, nihilque excogitari potest turpius, quam amicum ab amico amicitiae obtentu falli ac decipi. (§. CCCXXII. *) Hinc insignis depositi religio non modo apud Hebræos, de quibus *Exod. XXII, 7. seq. & Joseph. Antiqu. Jud. IV, 8. 38.* verum etiam apud Græcos, & reliquos paganos, ceu docet exemplum Glaucci apud Herodotum VI, 87. & Juvenalem *sat. XIII.* qui ideo v. 15. *sacrum* vocat depositum. Hinc non mirum, dira quævis veteres prædixisse illis, qui depositum abnegare non dubitent, quin & eisdem infamia notasse, nec minore poena, quam fures, dignos judicasse. Quædam hanc in rem dicere meminimus Gundlingium in *Gundlingianis Part. II. dissert. VIII.*

§. CCCCXLV.

Ex illa vero DEPOSITI definitione (§. Officia
CCCCXLIV. 75.) patet, 76) depositarium deposita-
ril.

teneri ad accuratam rei depositæ custodiam: nec 77) eam vel involucro aut vinculis exuere, vel 78) sine domini consensu usibus suis adhibere posse: 79) re vero consentiente domino mota, depositum in aliud contractus genus, veluti in mutuum, vel commodatum transire. Denique 80) depositarium obligatum esse ad rem domino, quodcumque illam reposcit, restituendam, nisi aliud suadeat recta ratio: (§. CCCXXIII. *) ac proinde 81) non modo ad æstimationem præstandam, verum etiam in poenam merito condemnandum esse, qui depositum, in primis miserabile, *) sciens, dolo malo, abnegaverit.

*) Quia enim in imputatione ratio habetur circumstantiarum: (§. CXIII. 52.) merito hoc facinus tanto deterius habetur, quo inhumanior ille dicendus est, qui non modo conceptam de se spem amici ruperit destituit, & amicum sub amicitia & fidei obtentu decipit, (§. CCCXXII. *) verum etiam afflictio addere afflictionem non dubitat. Et hoc ipsum graviter urget Hecuba adversus Polyxestorem, qui, Ilio exciso, Polydorum, Priami filium, occiderat, ut auro deposito potiretur. Vid. Eurip. *Hecub.* v. 1210. seq.

§. CCCXLVI.

Contra-
ctus man-
dati &
negotio-
rum ge-
nitionis.

Denique idem humanitatis amor merito impellere unumquemque deberet, ut alterum, non minus, ac seipsum, ope juvaret. (§. CCXXI. 4.) Quum vero ne id quidem certo ab altero expectare liceat: 82) opus fuit contractu, quo illum perfecte obligaremus ad negotia nostra, quæ ipsi commisi-

mus,

Cap. XIII. De rerum in dom. const. com. 301
mus, gratis & diligenter expedienda. *)
Quem contractum 83) MANDATUM vocari vi-
demus, quemadmodum 84) is, qui nego-
tia, sibi non commissa, ignorante domino,
gratis ultroque expedit, NEGOTIA GERERE di-
citur.

*) Vera ergo ac solida est observatio Noodtii
Probabil. I, 12. mandatum olim non perfe-
ctam produxisse obligationem, sed ex amici-
tiæ humanitatisque legibus obstrictum fuisse
mandatarium, ad negotia, suæ fidei com-
missa, diligenter curanda: ejus autem fidei
symbolum fuisse *manus dationem*, qua alter
alteri rem committere solebat. Unde & ipsum
contractum MANDATI nomen accepisse, pro-
babile est. *Isidor. Orig. IV, 4.* Exempla obla-
tæ mandatariis dextræ dabant *Plaut. Captiv.*
II, 3. 82. ubi adolescens:

*Hac per DEXTRAM tuam, te DEXTERA re-
tinens manu,
Obsecro, infidelior mihi ne suas, quam ego
sum tibi.*

Et Terent. *Heaut. III, 1. v. 84.*

*Cedo DEXTERAM: porro te idem oro, ut fa-
cias, Chreme.*

Olim ergo totum hoc negotium solo pudore
magis, quam legibus, continebatur, donec,
repescente paulatim charitate, ipsa necessitas
suaderet, ut in contractum deduceretur hoc
negotium, & sic mandatario perfecta impo-
neretur negotium diligenter expediendi obli-
gatio. Quod & de reliquis contractibus gra-
uitis est observandum.

§. CCCXLVII.

Quum ergo mandatarius negotium alie-
num, Mandatarii officia.

num, fidei suæ COMMISSUM, suscipiat, (§. CCCXLVI. 82.) quid vero, & quantum alii committere quis velit, in dominii arbitrio positum sit: facile patet, 85) mandantem vel certis limitibus circumscribere mandatarium, vel 86) ei liberam potestatem, omnia suo arbitratu agendi, dare, vel saltem 87) per modum consilii ei suggerere posse, quid fieri velit. Ubi 88) primo casu mandatarium fines mandati transilire non posse, 89) altero eundem dolum tantum præstare, 90) tertio vero mandatum etiam per æqui. ollens recte expedire, nemo est, quin intelligat. Sed & 91) omnibus his casibus mandatarium ad rationes administrationis vel gestionis reddendas, 92) omnemque diligentiam præstandam, obligatum esse, vel ex ipsa hujus negotii natura ac indole colligimus. *)

*)) *Eo pertinet insignis locus Ciceronis pro Q. Rosc. Cap. XXXVII. Quod recipis mandatum, si aut neglecturus, aut ad commodum suum conversurus es? Cur mihi te offers, ac meis commodis obstas? Recede de medio: per alium transigam. Suscipis onus officii, quod te putas sustinere posse: quod minime videtur grave iis, qui minime ipsi leves sunt. Ergo idcirco turpis hæc culpa est, quod duas res sanctissimas violas, AMICITIAM & FIDEM. Nam neque mandat quisquam fere, nisi amico, neque credit ei, nisi quem fidelem putat. Perdissimum est igitur hominis, simul & amicitiam dissolvere, & fallere eum, qui læsus non esset, nisi credidisset.*

Nec non
negotio-
rum ge-
stor.

§. CCCXLVIII.

Sed & NEGOTIORUM GESTOR, dum nego-
tium

rium alterius, sibi a nemine commissum, ultro & gratis suscipit, (§. CCCXLVI. 84.) 93) hoc ipso facto suo *) se obligat tum ad utiliter gerendum, tum 94) ad omnem, quam negotium admittit, diligentiam præstandam, adeoque 95) etiam ad reddendas rationes, & 96) damna omnia, si qua ejus dolo vel culpa data sint, resarcienda.

*) Qui facti auctor & causa est, ei omnes ejus effectus merito imputantur. (§. CV. 22.) Quum ergo auctor hujusmodi administrationis sit negotiorum gestor, qui alterius negotia, nemine committente vel urgente, ultro suscepit : (§. CCCLXXXVI. 84.) ei etiam merito imputantur omnia, quæ ex administratione rerum alienarum consequuntur. Acqui consequentia administrationis sunt rationum redditio & damni, dolo vel culpa dati, emendatio. Itaque negotiorum gestor ad reddendas rationes, damnaque, siue dolo malo, siue culpa sua, data resarcienda obligatus est. Atque ita nihil attinet, obligationem hanc ex consensu quodam ficto vel præsumto cum jureconsultis derivare, quum negotiorum gestor facto suo se ad hæc omnia tacite quidem, ac vere tamen, obstrinxerit.

§. CCCXLIX.

Et hi quidem sunt contractus, qui & non- Officia
dum invento eminenti rerum omnium pretio, commo-
locum habuerunt, & de quibus id unum ad- dantis,
huc monemus, quod, quum tribus postre- deponen-
mis contractibus se quis obliget ad aliquid tis, man-
gratis dandum faciendumque, non vero, ad dantis,
damnum in alterius gratiam devorandum, cujus ne-
97) in illis nemini officium suum damno- gotia ge-
sum sta.

sum esse oporteat, adeoque 98) & commodans commodatario impenſas non modicas, (§. CCCXLIII.) & 99) deponens depositario quaſcumque neceſſarias, & 100) mandans mandatario, & 101) dominus negotiorum geſtori neceſſarias & utiles reſtituere, ſimulque hi omnes 102) damna, quæ commodatarius, depositarius, mandatarius & negotiorum geſtor ſine culpa ſua propter rem negotiave aliena ſenſerunt, *) reſarcire teneantur.

*) Dicimus, ea damna eſſe reſarcienda, quæ mandatarius *propter* negotium alienum ſenſerit. Non enim ſufficit, eum occasione ſuſcepti negotii aliquid damni caſu fortuito paſſum eſſe: quia quum caſum nemo præſtet, eum nec mandans præſtare tenetur. Hinc ſi mandatarius, dnm mandatum expedit, a latronibus ſpoliatus, vel difficili morbo implicatus fuerit: damnum, quod divina providentia ita dirigente, paſſus eſt, imputare non poterit mandanti. *Nam hæc magis caſibus fortuitis, quam mandato, imputari oportet,* inquit Paulus l. 26. §. 6. D. mandati. Vid. Grot. de jure belli & pac. II, 14. 13. Aliud tamen ſtatuendum eſſe putant de legato, qui Principis imperio, publicorum negotiorum cauſa, peregre abire juſſus eſt, quem, quia in obſequio ei gloria reſecta erat, merito indemnem a republica præſtandum eſſe, cenſent. Vid. Hubert. Eunom. ad l. 26. D. mand. Puſend. Jur. nat. & gent. V, 4. Hert. de lytro II, 10.

§. CCCL.

Contra-
tus, qui

Progredimur jam ad alterum genus contra-

tractuum, qui invento demum nummo locum habere potuerunt, quales præcipue sunt EM-
TIO VENDITIO & LOCATIO CONDUCTIO. *Illa* invento demum nummo locum habuerunt em-
tio, ven-
ditio &
locatio condu-
ctio.
est contractus de re pro certo pretio traden-
da. *Hæc* contractus de usu rei vel operis pro
certa mercede præstandis. Quemadmodum
vero PRETIUM EMTIONIS est æstimatio ipsius
rei, pecuniaria, ita MERCES vocatur æstima-
tio pecuniaria usus rei, vel operarum: ex
iisque definitionibus patet, 103) emtionem
venditionem & locationem conductionem sem-
per hodie requirere pecuniam numeratam,
104) eoque ipso hos contractus a permuta-
tione, & contractibus *do ut des, do ut fa-
cias, facio ut des, & facio ut facias* distin-
gui: * 105) inter se ipsos tamen illos ma-
xime convenire, & omnia fere communia
habere.

*) Quamvis enim permutatio æstimatoria em-
tioni venditioni, quodammodo similis sit :
(§. CCCXXXVIII. 48.) reipsa tamen ab ea
differt, quod in venditione intercedat nume-
rata pecunia, in permutatione æstimatoria
res pro re. detur. Unde facile patet, quid
sentendum sit de veteri Sabinianorum & Pro-
culianorum controversia, pretiumne in emtio-
ne venditione in sola pecunia numerata, an
& in aliis rebus consistere possit? de qua præ-
ter viros doctos ad §. 2. *Inst. de emt. vend.*
videndus V. C. Gottf. Mascov. *de sect. Sabin.*
& *Procul.* IX, 10. 1. *seq.*

§. CCCLL

Quum ergo EMTIONE VENDITIONE id aga-
tur, ut res tradatur pro certo pretio: (§. lis quali-
tates in-
dicare te-
netur. CCCLL.) consequens est, 106) ut emtori
eque,

Venditor
emtori
rei ven-
tur.

æque, ac venditori, rem seu mercem notam esse oporteat, ac proinde 107) non modo venditor ejus qualitates, vitia, oneraque, quæ in oculos, sensusque reliquos non incurrunt, emptori indicare, *) verum etiam 108) pati teneatur, ut hic rem lustret oculis, aliisque modis exploret: Ut adeo 109) rerum, quæ ad gustum veneunt, venditio non prius perfecta sit, quam facta sit degustatio, 110) rerum reliquarum, quæ exploratione indigent, non prius, quam facta sit exploratio, quum, si de ullo, sane de hoc contractu oneroso verum sit, quod dixit Euripides *Cyclope v. 137. ὅως ἐμπόλημτοι ἀρέπει. Lux contrahibus convenit.*

*) Sunt vitia & qualitates, quæ incurrunt in oculos, quæque indicari supervacuum esset, quum, si quis in re fallitur, is cæcitatæ suæ ac negligentæ poenam merito ferat: quo pertinet lis M. Marii Gratidiani cum C. Sergio Orata, apud Ciceron. *de offic. III, 16.* At leges Romanæ, ut homines sibi invicem hoc officium eo certius præstarent, statuerunt, ut in venditionibus ea etiam, quæ nota essent venditori, vitia dicerentur, isque reticentiæ poenam ferrer, qui quidquam dissimularet. Nam, quum ex duodecim tabulis satis esset, ea præstari, quæ essent lingua nuncupata, quæ qui inficiatus esset, dupli poena subiret: a jureconsultis etiam reticentiæ poena est constituta. Quidquid enim est & prædiorum vitii, id statuerunt, si venditor sciret, nisi nominatim dictum esset, præstari oportere. Cic. *de offic. III, 16.* qui & alibi *Cap. XII.* disputat, si vir bonus Alexandria Rhodum magnum frumenti numerum advexerit in Rhodiorum inopia & fame, summaque

que annonæ caritate, si idem sciat, complures mercatores Alexandria solvisse, navesque in cursu frumento onustas, petentes Rhodum, viderit: dicturusne id sit Rhodiis, an silentio suum quamplurimo venditurus? De qua quaestione videndi etiam Grot. de jure belli & pac. II, 12. §. seq. Pufend. de jure nat. & gent. V, 3. 4.

§. CCCLII.

Ex eodem patet, 111) in emptione venditione aequalitatem servandam rei & pretii, in hoc neuter
(§. CCCXXIX. 15.) adeoque 112) lationem contra-
omnem merito esse emendandam, sive illa du la-
113) alterutrius dolo ac vi, sive justo er- dendus.
rori,*) debeat originem, quamvis 114) & hic merito repetendum sit, quod supra monuimus, lationem alicujus momenti esse debere, quum & hic pretium non consistat in puncto, sed latitudinem aliquam admittat, nimisque calidum videatur, ob quodlibet levissimum damnum negotium rescindere, libetisque infinitis portam veluti aperire. (§. CCCLX. *)

*) Si nimirum inculpabilis, invincibilis vel involuntarius sit error. (§. CVII. 32.) Alias enim si quis rem nec satis exploratam, nec visam, certo pretio emit: error nocere debet erranti, nisi venditor illum dolo circumvenerit, (quod Labanem Jacobo, uxorem ementi, fecisse novimus: Genes. XXIX, 23.) quia merito poenas dat erroris, qui, nisi nimis supina fuisset negligentia, non errare potuisset. Hinc recte Germani de hominibus, tam supine negligentibus, jactant adagium: *Vber die augen niche auffhut, der ihne den heutel auff.*

§. CCCLIII.

Quem
penes sit
pericu-
lum &
commo-
dum rei
venditæ
ante tra-
ditionē.

Disputari solet de PERICULO & COMMODO REI VENDITÆ, nec tum traditæ, statimne illud ad emptorem transeat, simulac de re & pretio conventum, an ante traditionem penes venditorem maneat? Equidem, quid jure Romano ea de re cautum fuerit, nemo ignorat: nec quisquam a nobis exiget, ut de ratione istius decisionis multa hic dicamus. Nobis, de jure naturæ nunc sollicitis, extra omnem dubitationis aleam positum videtur, 115) casum ferre dominum: (§. CCXL*) at nec minus certum esse arbitramur, 116) non esse merum casum, qui ex alterius mora vel culpa provenit, adeoque, qui facto suo alteri damnum dedit, ad illud refarciendum omnino esse obligatum. (§. CCXI. 1.) Ex quibus sequitur, 117) ut, quia emptor jure naturæ sine traditione fit dominus, (§. CCLXXV.) periculum, perfecta emptione venditione, statim transeat ad emptorem, nisi 118) venditor vel in mora tradendi, vel culpæ alicujus reus sit.*)

*) Similis fere, sed paulo obscurior, est philosophia Pufendorffii de *jur. nat. & gent.* V, §. 3. distinguentis, utrum certus traditioni dies præfixus sit, nec ne, &, si præfixus sit, illene jam elapsus sit, nec ne. Æquissimum enim illi videtur, ut ante elapsum terminum res sit periculo venditoris: elapso vero termino, ob mora eadem emptori pereat. Enimvero, quum emptor jure naturæ & sine traditione fieri possit dominus, &, elapso termino, non semper venditor in mora sit, sed aliquando & penes emptorem culpa illa esse possit: nos generatim emptori periculum

lum attribuimus, cujus in arbitrio fuisset, rem eam, soluto pretio, statim accipere. Sin vero ille ex sua parte adimplevit contractus leges, vel eas implere paratus est: venditor, qui in mora tradendi est, periculum merito sustinet, siue certus traditioni terminus præfixus fuerit, siue non fuerit.

§. CCCLIV.

Quum ergo emtor sine traditione statim fiat dominus, ac proinde periculum ferat: (§. CCCLIII. 117.) consequens est, 119) ut vera quidem sit doctrina-jurconsultorum de periculo rei venditæ, sed ea cum reliquis juris Romani principiis male cohæreat, quia, dominium sine traditione ad emtorem transire negant. 120) Ut quum domino jus sit & fructus & accessiones commodaque reliqua ex re sua percipiendi, (§. CCCVII. 4. seq.) eidem etiam commoda rei venditæ competant. 121) Ut tamen id tunc demum procedat, si emtor venditori de pretio quocumque modo satisfecerit; *) siquidem alias simul haberet rem, simul pretium, adeoque cum alieno damno sine justa causa fieret locupletior. (§. CCXLVII.)

Juris Romani dispositio an æquitate naturali conveniat?

*) Satisfecisse autem de pretio videtur, non solum, qui illud repræsentavit, sed &, cujus fidem sequutus est venditor, v. g. usuras sibi in singulos annos stipulatus. Hinc quamvis simplicissimum contractuum genus videatur illud, quando, soluto pretio, illico res vendita traditur, i. e. si Græca fide inter se mercantur homines, quod commercii genus solum in republica sua tolerare voluit

luit Plato *de Legib. Lib. XI.* pro hac tamen rerum conditione vix sperandum est, id semper fieri posse, & ipsa experientia docet, commercia magis fide, quam mercatores vocant *den credit*, quam rei pecuniæque commutatione, constare.

§. CCCLV.

Quando
vendito-
ris fit pe-
riculum?

Quandoquidem vero venditori, qui in mora tradendi, culpæve alicujus reus est, res merito perit: (§. CCCLIII. 118.) facile unusquisque intelligit, 121) emptorem a periculo immunem esse, si venditor, illi offerenti pretium, vacuam rei venditæ possessionem tradere vel nolit, vel non possit, itemque 123) si probetur, venditoris culpa, vel negligentia factum esse, ut res vendita, vel tota, vel pro parte, periret.

§. CCCLVI.

Venditor
emptori
debet e-
victionem.

Emptio venditio porro fit eo consilio, ut res pro certo pretio tradatur, (§. CCCL.) & animo quidem, dominium in alterum transferendi. (§. CCLXXVIII. 35.) Quum vero, qui rei dominium titulo oneroso, veluti pro certo pretio, in alterum transtulit, ad præstandam evictionem fit obligatus: (§. CCLXXIV.) 124) etiam venditor emptori tenebitur ad præstandam EVICTIONEM, si res ab hoc ex causa contractum antecedente evicta sit, non autem 125) si post venditionem demum aliquid evenerit, cujus causa quis re sua privaretur, nec 126) si casu, vel vi majore, res ei sit erepta. *)

*) Sane & quæ vi majore contingunt, casu contingere videntur. Quandoquidem ergo
ca-

casum, perfectio jam contractus emtionis venditionis, fert dominus; (§. CCCLIII, 117.) etiam, re vendita casu vel vi majore sibi erepta, damnum deorare, nec a quoquam petere evictionem potest. Ceterum nullum est dubium, quin quemadmodum alia pacta, quæ huic contractui accedunt, rata esse oportet: ita & convenire inter se possint emtor & venditor, ne quis evictionis nomine præstetur, sed res sit emptoris periculo, quale pactum virginis venditioni adjicit Sagaristio apud Plaut. in Persa IV, 4. v. 40.

Præius dico: hanc MANCUPIO nemo tibi dabit, jam scis? DO. Scio.

§. CCCLVII.

Quia porro emptio venditio est contractus, (§. CCCL.) contractus vero duorum consensum requirit: (§. CCCXXVII. 6.) facile patet, 127) in emtione venditione omnia redire ad consensum, adeoque 128) ei quæliacumque pacta, modo non improba ac fraudulenta, adjici posse, veluti 129) ADDITIONEM IN DIEM, 130) LEGEM COMMISSORIAM, 131) PACTUM DE RETROVENDENDO, 132) itemque PROTOMISEOS, 133) de EVICTIONE non præstanda, 134) de POENA in casum penitentiae præstanda, & si qua sunt ejus generis alia. *)

Huic contractus qui quævis pacta recte adjiciuntur.

*) Definitiones horum pactorum ex ipso jure civili nota sunt: ADDICTIO IN DIEM est pactum de emtione venditione vel perficienda, si intra certum diem nemo plus obtulerit, vel jam perfecta rescindenda, si quis intra istud tempus plus, nec prior emtor tantundem obtulerit. LEX COMMISSORIA pactum, quo venditor, rem inemptam fore, caver,

cavet, si pretium ante certum diem non solvatur. Exemplum est apud Corn. Nep. *in vita Attici Cap. VIII.* PACTUM DE RETROVENDENDO conventio de re vendita, pretio ante vel post certum diem, vel quandocumque restituro, venditori reddenda. Qualis est venditio apud Liv. XXXI, 13. & Julium Capitolin. *in Marco Cap. XVII.* Pactum *apertissimas* conventio de re iterum venali venditori potissimum ejusve posteris tantumdem pretium, quod alii offerunt solventibus, vendenda. Reliquorum pactorum natura & indoles ex ipsis vocabulis facile intelligitur.

§. CCCLVIII.

Nec non
exceptio-
nes, con-
ditiones
dies.

Ex eodem axioma colligimus, 135) licere venditori in venditione sibi aliquid EXCIPERE, 136) utrique vero contrahenti CONDITIONEM quamcumque, quæ honestati bonisque moribus non repugnat, itemque 137) DIEM, ante quem res tradenda, pretiumve solvendum sit, adjicere, *) quin 138) & ita convenire, ut pretio ab emptore nondum soluto, dominium tantisper penes venditorem maneat, vel 139) ut emtor, pretii parte sub usurarum lege secum retenta, de evictione securus præstetur, 140) ut accessoria cum re principali veneant, 141) ut fixa vincla quædam tollere liceat, 142) ut res vendita conditori pro certa mercede locetur, cetera.

*) Quin & ipsa venditio ad certum diem ita fieri potest, ut circumacto tempore, pactione definito, res vendita ad venditorem ejusve heredes revertatur, nec emtor reposcere possit pretium. Exemplo Anglorum, sæpe prædia sua hac lege vendentium, id probant Pu-

§. CCCLIX.

Præterea & id inde inferimus, 143) quod, Emptio
per au-
ctionem,
sub ha-
sta, per
averfio-
nem
spei.
 quamvis emptio venditio alioquin requirat
 æqualitatem, (§. CCCLII. III.) utriusque
 tamen contrahentis consensu conveniri possit
 de ejus generis emtionibus venditionibus,
 quæ ob inæqualitatem quantamcumque non
 rescinduntur. Tales sunt 144) AUCTION, quan-
 do pretium non a venditore indicatur, sed
 ab emptoribus, licitando certantibus, defini-
 tur: 145) EMPTIO SUB HASTA, quippe quæ
 nihil aliud est, quam auctio solemnior, &
 auctoritate publica instituta, 146) EMPTIO
 PER AVERSIONEM, quando res disparis pretii,
 vel incertæ mensuræ, non singulatim, sed
 conjunctim, æstimatæ, emuntur, denique
 147) EMPTIO SPEI, quo & ollam fortunæ,
 similiaque negotia, retuleris, quando quis
 pro re vel quantitate, adhuc incerta, ac ex
 eventu demum certa futura, certum pretium
 solvit. In quibus contractibus omnibus quum
 æqualitas non requiratur: (n. 143.) conse-
 quens profecto est, 148) ut neuter contra-
 hentium hic de læsione conqueri possit, nisi
 vel dolus alterutrius intercesserit, vel de re,
 quam eventus offert, a contrahentibus non
 fuerit cogitatum. *)

*) Et inde decidenda erat lis inter juvenes
 Milesios, qui jactum retis emerant, & pi-
 scatores Coos, qui illum vendiderant, &
 postea mari extraxerant tripodem aureum.
 Equidem, utrisque sibi hunc insperatum
 Hein. de Jur. Nat. & Gent. O the-

thesaurum adferentibus, neutris eum addixit Apollo, absurdeque pronunciavit:

Ἐκγόνη Μιλήτις τρίποδος περί φοῖβον ἱμετᾶς;
 Τίς σοφίῃ παῖτων ἀρῶτεα, τέττε τρίποδ' αὐτῶ.
De tripode ex Phæbo quæris, Milesia pu-
bes?

Huic tripodem addico, cui sit sapientia pri-
ma.

Laert. I. 28. Val. Max. IV, 1. Sed satis constat, tripodem, si de domino non constiterit, fuisse piscatorum. (§. CCCXXIV. 69. 70.)

Nec obstabat profecto contractus, cum adolescentibus Milesiis initus, quippe qui sibi non tripodas aureos, de quibus neutri contrahentium cogitaverant, sed pisces, quos capturi essent, fuerant stipulati. Conf. l. 8. §. 1. D. de contr. emt. l. 11. §. ult. & l. 12. D. de aff. emt.

§. CCCLX.

Locatio
 etiam
 condu-
 ctio, in-
 vento de-
 mum pre-
 tio emi-
 nente,
 locum
 habuit.

Alter contractus, qui invento demum nummo vel pretio eminente, locum inter mortales habuit, est LOCATIO CONDUCTIO. (§. CCCL.) Quamvis enim jure Romano in locatione prædiorum rusticorum, quippe fructuosorum, etiam pars fructuum, quam *quantam* vocant, *) mercedis vice fungatur, l. 21. C. loc. cond. sic vero hic contractus, etiam ante inventum pretium eminens, locum habere potuerit: nulla tamen est ratio, cur non potius ad contractum DO UT DES referri possit illud negotium, quum tunc rei usus non cum nummo, tamquam pretio eminente, sed cum pretii vulgari fructuum comparetur, adeoque contingere possit, ut, quia fructuum non eadem semper æstimatio est, sed illa pro sterilitate uberrateque anni modo inten-

di-

Cap. XIII. De rerum in dom. const. com. 315
ditur, modo remittitur, uno anno locator, al-
tero conductor, lædatur.

*) Si enim prædii dominus sibi pro mercede
partem quotam stipuletur: id negotium so-
cietatis naturam induere, ex ipsa societatis
definitione, quam infra dabimus, satis con-
stabit. Ceterum locationem prædii fructuosi
pro parte quanta fructuum a locationis con-
ductionis natura plane degenerare, vel inde
pater, quod quum hæc sit contractus one-
rosus, in eoque requiratur æqualitas,
(§. CCCXXIX. 15.) hic tamen illa vix ob-
tineri possit. Nam si mihi pro prædii usu in
sexennium, in singulos annos stipulet triginta
medimnos tritici, totidemque siliginis: fieri
potest, ut in hujus anni ubertate, vilescen-
teque annonæ, merces sit mediocris, & usui
prædii proportionata, insequente anno ob ster-
ilitatem difficultatemque annonæ immodica.
Et hinc jam antea monuimus, locationem
conductionem semper requirere pecuniam nu-
meratam. (§. CCCL. 103.)

§. CCCLXI.

Quia ergo locatio conductio est contra-
ctus de rei usu vel operis pro certa merce-
de præstandis: (§. CCCL.) consequens est,
149) ut locator conductori debeat rei usum
operasve conventas præstare, adeoque, 150)
si vel illius culpa, vel casu, contingat, ut
conductor re uti; vel ipse operas promissas
præstare non possit, merito etiam pro rata
cesset promissa merces, *) immo 151) lo-
cator aliquando ad id, quod interest, pos-
sit conveniri, idemque sit dicendum, 152)
si locator conductorem; nondum finita lo-
catio-

Officia
locato-
ris.

catione, sine justa causa expellere non dubitat.

*) Hanc æquitatem omnes veteres agnoverunt, veluti Sesostris, Rex Ægyptiorum, qui, si cui de agro vis fluminis aliquid abraisset, pensionem pro rata minui jubebat. Herodot. *Lib. 2. p. 81. edit. Steph.* Nec minus æquitatem ea in re servabant Romani, teste Polybio *Hist. VI, 15.* & in his Cæsar, teste Suetonio *Cap. XX.* Attamen intellectu facile est, hic quoque damnum intelligi, non modicum, sed gravius, quum sæpe illud majore commodo & maxime in prædiis fructuosis, plerumque unius anni sterilitas ubertate alterius pensetur, & incivile sit, lucro quovis frui velle conductorem, damnum vero etiam levius illum ferre nolle.

§. CCCLXII.

Itemque
condu-
ctoris.

Similiter & conductoris est, 153) mercedem conventam justo tempore solvere, 154) re, quam utendum accepit, quippe aliena, & in specie reddenda, boni viri arbitrato uti, 155) damnum sua culpa datum resarcire, nec 156) rem, nondum finito locationis tempore, deferere, nisi justæ causæ, veluti hostium incurio, metus pestis, similesque casus conductori id consilii extorqueant. Quum enim a locatore jure exigat, ut res ipsi integra & salva tradatur, ut indemnis præstetur, neque ante tempus expellatur: (§. CCCLXI. 150. sequ.) æquissimum est, ut quod ipse sibi vult vel non vult fieri, id & alteri faciat, vel non faciat, (§. LXXXVIII. 154. seq.) maxime quum & in hoc contractu,

ctu, tamquam oneroso, merito servanda sit æqualitas. (§. CCCXXIX. 15.)

§. CCCLXIV.

Ceterum quum consensu constet hoc negotium, (§. CCCXXVII. 6.) facile patet, 157) huic quoque contractui adjici posse qualiacumque pacta, quæ bonis moribus haud repugnant. *) 158) Eum tum pure, tum sub conditione, tum in diem, recte initi. Quumque consensus etiam tacitus verus consensus sit: merito inde colligimus, 159) jure optimo maximo valere etiam RELOCATIO- NEM TACITAM, si, elapso tempore, neuter contractui renunciavit: & tunc 160) æquissi- mum esse, ut iisdem legibus & conditioni- bus facta intelligatur relocatio, quas uterque contrahentium antea in ipsa locatione probavit.

De pã-
dis huic
contra-
ctui ad-
jectis &
reloca-
tione ta-
cita.

*) Hinc sæpe iis legibus locantur prædia, ut in negotio isto parum ex natura locationis conductionis supersit. Hinc locationes perpetuæ. Hinc irregulares, quibus simul domi- nium & periculum in conductorem devolvitur, qualem cum Saufejo contractam esse narrat Alfenus Varus lege elegantissima 31. *D. locati*, præclare illustrata a V. A. Corn. van Bynkershoek *Obs. VIII, 1. seq.* Nec ab- similis est contractus, Germanis non ignotus, quem *SOCIDÆ* vocant, de quo post Taboris *singularem differt.* nos quoque diximus *Elem. Jur. Germ. II, 14. §. 105.*

§. CCCLXIV.

Et hi quidem sunt contractus, quos in- vento demum pretio eminente, locum habe- re cœpisse, diximus. Sequuntur illi, qui

Inter
contra-
ctus qui
& ante,
& post
inven-

rum nū-
mum lo-
cum ha-
buerunt:
est mu-
tum.

& nondum invento nummo, & illo jam in-
vento, locum habere potuerunt. Eorum fa-
miliam dūcit contractus. *MURUS*, per quem
intelligimus. præstationem rerum fungibilium,
ea lege factam, ut tantundem quandoque in
eodem genere restituatur. *) Quum enim
non solum pecunia, sed & qualibet res fun-
gibilis, credi hoc modo possit: manifestum
est, 161) hunc contractum, etiam antequam
homines pecuniam, tamquam communem re-
rum mensuram, invexerint, locum habuisse,
& hodie esse frequentissimum.

*) RES VERO FUNGIBILES VOCAMUS, quas ad-
numerare, admetiri, & adpendere solemus.
Earum vero hæc indoles est, 1) ut nullus
illarum sine abusu, vel consumptione usus sit,
itemque 2) ut solutionem recipiant per fun-
ctionem, tam in genere, quam in specie.
l. 2. §. 1. D. de reb. cred. id est, ut si de-
beant centum aureos, solutum sibi esse fatea-
tur creditor, siue eosdem, quos mihi adnu-
meravit, siue centum alios ejusdem generis,
reddiderim. Ex quo simul patet, quid nobis
sit REM REDDERE IN EODEM GENERE, nempe
tantundem, tum ratione quantitatis, tum
ratione qualitatis reddere. Inde vero nova
sequitur rerum fungibilium proprietas, nem-
pe 3) quod in iis tantundem sit idem,
nec 4) cæ res (uti recte observavit Thomas.
dis. de pretio adfect. in res fung. non cad.)
recipiant pretium adfectionis, nisi sint rarissi-
mæ & tantundem in eodem genere non faci-
le reperiat. Sic quamvis Romæ vinum Fa-
lernum esset res fungibilis: adfectio tamen
cadebat in Trimalcionis *vinum Opimianum an-
norum centum*, cujus meminit Petron. *Arbit.*
Satyr. Cap. XXXIV.

§. CCCLXV.

Quum itaque in mutuo ea lege debitori præstetur res fungibilis, ut tantundem quandoque in eodem genere reddatur: (§. CCCLXIV.) consequens est, 162) ut debitori detur facultas rebus illis, sibi creditis, abutendi, adeoque 163) creditor se jure debitorem aliosque usu rerum illarum excludendi abdicarit, illudque sub conditione tantundem recipiendi in debitorem transfulerit. Quum vero jus illud, alios usu rerum excludendi, sit dominium: (§. CCXXI.) inde porro colligimus, 164) mutuum esse alienationem, rerumque creditarum dominium in debitorem omnino transire. *)

In debitorem transferatur rei creditæ dominium.

*) Notum est, quos fluctus in simpulo moverit Alexius a Massalia, id est, Claudius Salmasius, ut jureconsultos, hanc thesin defendentes, ludibrio exponeret. Sed tela ejus, ex jure civili deprompta, tam fortiter retuderunt, aliaque multo insigniora in illum detorserunt VVissenbachius, Fabrotus, alique viri doctissimi, ut causa hodie perorata videatur. Sed hæc fundamenta ostendunt, ne rectam quidem rationem refragari jureconsultorum sententiæ, vel Salmasio favere. Verum quidem est, quantitatem non alienare creditorem, quippe quam sibi salvam esse cupit, dum, ut tantundem in eodem genere reddatur, cavet: at specierum traditarum & dominium & periculum ad debitorem procul dubio transit, ceu ipse demum Salmasius, ad iacitas redactus ab adversariis, fateri coactus est.

§. CCCLXVI.

Ex eadem definitione colligimus, 165)

Debitoris obligatio.

debitorem obligatum esse ad tantumdem, non modo ratione quantitatis, sed & qualitatis reddendum, adeoque 166) si pecunia fuerit credita, ejusque valor internus postea vel auctus, vel imminutus fuerit, merito rationem habendam esse temporis, quo contractus initus est, atque hinc forti tantum decedere debere, quantum postea valoris nummo accessit, vel tantum accedere, quantum pretii nummo decessit. Præterea 167) debitorem non debere in mora solvendi esse, nec 168) eum ab hac obligatione, vel rei fungibilis, quam a creditore acceperat, interitu, vel ullo casu fortuito liberari. *)

*) Quum enim dominium rei fungibilis creditæ transferatur in debitorem, (§. CCCLXV. 164.) casum vero ferre teneatur dominus: (§. CCXI. *) fieri non potest, ut debitor liberetur, si v. g. vinum sibi creditum in acceum abiisse, pecuniamve creditam furto subtractam esse, vel alio casu interiisse, conquerratur. Multo minus ergo debitorem, qui solvendo non est, excusabit paupertas, si vel nequitia sua disperdiderit bona, vel otio torpens, fucorum instar, alienis opibus vivere, & res, ab alio non sine sudore partas, turpiter abligurire non dubitarit. Est enim hoc hominum genus pestilentissimum, & ad nefanda quævis facinora perpetranda profligatum, siquidem fieri non potest, ut aliena non adpetant, qui dilapidarunt sua. Quo pertinet oratio Catilinæ apud Sallust. *Catil. Cap. XX.*

§. CCCLXII.

Ceterum, quamvis hic contractus sua natura non minus, quam commodatum, sit gra-

gratuitus: mos tamen, tepescente jam charitate hominum, invaluit, ut creditores sibi præmium aliquod pro sorte concessa a debitoribus stipularentur, quod si in parte fortis quora singulis annis, mensibusve præstanda, consistit, USURA vel FOENUS adpellatur, quamvis posterius vocabulum sæpenumero in malam partem pro mordacibus usuris, quibus debitorem aliquando ad incitas redigunt creditores, accipiatur. De his vero usuris vetus hæc, & a multis viris doctissimis agitata est quæstio, easne a debitoribus recte sibi stipulentur creditores, an jus naturæ illis refragetur? *)

*) Non est quod hic verbosius agamus de hujus controversiæ, quæ superiore sæculo in Belgio recruduit, historia. Orium nobis fecerunt celeberrimus Noodtius de fœnore & usuris I, 4. seq. Martinus Schook-Exercitat. var. p. 430. seq. & Thomas. Not. ad Lancellos. IV, 7. not. 275. p. 2024. seq. qui postremus & occasionem hujus controversiæ, & alterutrius sententiæ patronos, diligenter recenset. Fatendum tamen est, plerosque viros doctos, qui de hac quæstione scripserunt, magis de jure divino positivo, quam de naturali, fuisse sollicitos, adeoque hujus juris studiosos non multum utilitatis ex plerorumque lectione capturos.

§. CCCLXVIII.

Enimvero quum I) injustum non sit, cum aliis res non gratis communicare, sed mercedem aliquam exigere; (§. CCCXXVIII. 8.) deinde II) alter, alterius rebus abutens, aliquando insigne lucrum faciat, creditor

Quid adfirmandum.

vero interea re sua, sæpe non sine damno & incommodo, careat, neminem vero cum alterius damno locupletiolem fieri oporteat: (§. CCLVII.) præterea III) maximum periculum subeat, qui debitori res suas ea lege concedit, ut iis abuti possit, adeoque non absurdum sit, creditorem ab hoc mercedem aliquam pro magnitudine periculi exigere: (§. CCCXXXI. 22.) rectissime inde colligere nobis videtur, 169) rectæ rationi in se non repugnare pactum usurarium, cum eo initum, qui ex pecunia nostra lucrum insigne facere potest: *) & quamvis 170) usuræ quantitas definienda sit pro ratione lucri, quod probabiliter ex sorte capere posse videtur debitor: tamen 171) non iniquum esse, eam pro periculi magnitudine, raritate pecuniæ, similibusque circumstantiis, intendi, (§. CCCXXXI. 22.) ceu exemplum *fœnoris nautici* ostendit.

- *) Cui doctrinæ frustra alii obvertunt, 1) nummum esse rem sterilem, adeoque inde usuras, quasi *νόσος*, seu foetum, non posse exigere. Est enim nummus res sterilis physice, non civiliter, quia sæpe per commercia pecunia quis alterum tantum, immo multo plus, lucratur. *Matth. XXV, 16. 17. 2*) Commodatum esse gratuitum: ergo & mutuum tale esse debere. Commodans enim, rei non fungibilis usum alicui concedens, minus incommodi ac periculi sentit, quam creditor, dum rei fungibilis dominium cum facultate ea abutendi in debitorem transfert. 3) Ipsum Deum usuraria pacta prohibuisse *Exod. XXII, 25. Lev. XXV, 37. Psalm. XV, 5. Luc. VI, 34. seq.* Conventiones enim usurarias

Cap. XIII. De rerum in dom. const. com. 323

rias Deus tantum proscripserat ex republica
Hebræorum catenus, ut Israelita ab Israelita
illas exigere non posset: eas autem inter Israe-
litas & extraneos diserte permiserat *Deut.*
XXIII, 19. 20. Jus naturæ autem inter con-
tribules & extraneos nihil statuit discriminis.
Conf. Jo. Selden. *de jur. natur. & gent. VI,*
10. Jo. Cleric. *ad Exod. XXII, 25. p. 112.*

§. CCCLXIX.

Alter contractus ejus generis est **PIGNUS**, Quid pi-
gnus, hy-
potheca,
pignus
antichre-
ticum?
per quod intelligimus obligationem ad rem
creditori in securitatem crediti tradendam.
Si enim res, maxime immobilis, non tradi-
tur, sed tamen creditori in illa constituitur
jus, illam, si nomen non expunctum fuerit,
occupandi, negotium illud, quod inter cre-
ditorem & debitorem intercessi, **HYPOTHECA**
adpellatur. Denique si placuerit, ut fructus
rei, in securitatem crediti traditæ, creditur
vice usurarum percipiat: conventio hæc **PAC-
TI ANTICHRETICI** nomine venit.

§. CCCLXX.

Itaque ex definitione **PIGNORIS** patet, 172) Quid ju-
stum cir-
ca pi-
gnus?
rem oppignoratam debere esse in bonis de-
bitoris, adeoque 173) fraudem animadver-
sione dignissimam esse ejus, qui rem alie-
nam, veluti commodatam, depositam, loca-
tam, pignori supponit. 174) Creditoris es-
se, pignore, si usu deterius fieri possit, non
uti, sed 175) illud non minore diligentia,
quam res proprias, custodire, & 176) so-
luto debito, debitori restituere. Denique,
quum regulariter casum ferat dominus: (§.
CCXI. *) consequens est, 177) ut & pi-
gno.

gnoris periculum penes debitorem maneat ;
isque , 178) pignore casu fortuito pereun-
te , ad solvendum , quod debet , nihilominus
fit obligatus . *)

*) Jure equidem Germanico mediæ ævi , ca-
su intereunte pignore , debitor ab obligatio-
ne solvendi debitum liberatus erat . Jus
prov. Sax. III, §. *Stierbt ein pferd , oder ein
rich in der versatzung , ohne jenes schuld ,
der das unter ihm hatte , bevreiset er das ,
und thar auch dazu schverren , er gilt es ihm
nicht , er hat aberg sein geld verlohren , da es
ihm vor versatzt stund , ihr gelubde stunde
dann anders* . Quibus gemina sunt in Spec.
Suev. Cap. CCXLIII. Aliquando & pacto spe-
ciali cavebatur , ut periculum esset penes cre-
ditorem , quale est apud Pontan. *Hist. Dan.
Lib. IX. ad ann. MCCCCXI*. Sed uti id ex
singulari Germanorum principio , quod credi-
tor dominium pignoris consequeretur , flue-
bat , de quo nos *Elem. jur. Germ. Lib. II, 11.
§. 319. seq.* ita rationes nostræ in ipso para-
grapho adlatæ non ferunt , ut hæc juri natu-
rali attribuamus .

§. CCCLXXI.

Quid Deinde ex HYPOTHECÆ definitione (§.
circa hy- CCCLXIX.) colligimus , 179) eam vix con-
pothe- sistere posse in rebus mobilibus , quas debi-
cam ? tor , inscio creditore , facile alienare , & in
extraneum transferre posset , sed 180) in im-
mobilibus maxime , veluti fundis , ædibus ,
urbibus & territoriis : *) nec non 181) in
universitatibus rerum mobilium diffusioribus ,
quæ non æque facile e loco in locum trans-
feruntur , veluti bibliothecis numerosioribus ,
inmo 182) etiam in juribus , si inde infi-
gnis

gnis utilitas ad possessorem redundare possit. 183) Quidquid vero hoc modo oppignortum sit creditori, in eo illi jus merito durare, in quemcumque res ipsa translata sit: quum alias sine effectui futura esset hypothecæ constitutio.

*) Addimus hæc ob verba Pufendorffii de jure nat. & gent. V. 10. 16. *Inter eos, qui in libertate naturali invicem vivunt, nude hypothecæ sunt inutiles. Nam ubi ultro debitor solvere renuerit, vi utique & armis erit invadenda possessio hypothecæ. Atqui etiam citra adsignationem hypothecæ inter tales qualibet bona debitoris invadere licebat. Sed non desunt exempla hypothecarum hujusmodi & inter liberas gentes constitutarum, qualia collegit Hett. ad hunc locum p. 738. seq. qui & ad rationem Pufendorffii eleganter respondet, posse hujus hypothecæ insignem usum esse, si urbs ita oppignorata ad tertium pervenerit. Ceterum facile largimur, non temere contentas fore liberas gentes hujusmodi simplice hypotheca, sed saltem sibi stipulaturâs jus præsidii in urbibus oppignoratis, quod anno MDLXXXV. fecisse novimus Elisabetham, Angliæ Reginam, quum ei Belgæ Ullsingam, Ramkenium & Brillam oppignorassent. Em. Meteran. Rer. Belg. Lib. XIII. & Anna-listæ Belg. reliqui ad hunc ann.*

§. CCCLXXII.

Denique ex FACTI ANTICHRETICI definitione (§. CCCLXIX.) adparet, 184) ei pacto tantum locum esse in oppignoratione rerum fructuosarum: quumque fructus vice usurarum sint, 185) eos non notabiliter excede-

Quid circa pactum antichreticum?

re debere usurarum modum, quem supra æquitati convenientissimum esse, diximus. 186) Casum hic quoque non ferre creditorem, nisi aliud conventum sit, ac proinde, 187) si ob sterilitatem calamitatemve publicam tantum non percipere potuerit creditor, quantum ei usurarum nomine debebatur, illud debitorem merito aliunde supplere debere.

§. CCCLXXIII.

Communia ha-
rum con-
ventio-
num.

Omnibus vero his contractibus commune est, 188) quod, quia in securitatem crediti incuntur, (§. CCCLXIX.) creditori jus sit pignus & hypothecam ob moram debitoris distrahendi, &, deducta sorte, cum usuris, reliquum tantum pretium restituendi debitori: nisi 189) adjecta sit *LEX COMMISSORIA*, id est, pactum de re oppignorata, si intra certum tempus non reluatur, creditori pro sorte & usuris relinquenda. Quamvis enim id pactum improbet leges Romanæ recentiores, *) *l. un. C. Theodos. de commissor. rescind. l. ult. C. de pact. pign.* idque jure fieri potuerit, ob creditorum quorundam avaritiam: non tamen inde sequitur, ut & jus naturæ, quod domino alienationem rerum suarum sub quocumque conditione permittit, (§. CCCIX. 13.) improbet hujusmodi pactum, a quo ne principes quidem & gentes liberas abstinuisse, exemplis variis demonstravit laudatus Hert. *ad Pufend.* V. 10. 14. p. 737.

*) Veteres enim leges, strictius inhærentes simpliciteri juris naturalis, nihil habent, quod huic *PACTO COMMISSORIO* adversetur. Immo libe-

libera adhuc republica illud pro licito habitum esse, probat locus Ciceronis *Epist. ad famil. XIII, 56.* ab eodem Hertio, & ante eum a Jac. Gothofredo ad *l. un. C. Theod. de commiss. resc.* adlatus: *Philotes Alabandensis utroque Cluvio dedit: hæc commissæ sunt.* Sed mira creditorum asperitas, quæ miseri debitores, pignora debito pretiosiora sub hac condikione dare coacti, ad incitas redigebantur, demum subegit principes, ut hoc pactum, cum maximo debitorum detrimento conjunctum, legibus severissimis proferberent.

§. CCCLXXIV.

Tertius, qui & ante inventum nummum, & postea, locum habere potuit, contractus est FIDEJUSSIO, id est, obligatio ad id, quod tertius debet, in subsidium solvendum. Si quis enim, se pro altero non in subsidium soluturum, constituit, sed una cum alio in solidum sese obligat, REUS, & obligatio utriusque CORREALIS vocatur. Denique qui alterum, consentiente creditore, obligatione liberat, eamque in se totam, suscipit, is EXPROMISSOR adpellatur. Qui contractus omnes æque, ac pignoris in securitatem creditorum excogitati sunt, & frigescentis inter homines amoris ac fidei argumentum præbent locupletissimum. *)

Quid fidejussio, obligatio correalis & expromissio?

*) Si enim tantus esset inter homines amor, quantum esse oportebat: nec creditor diffideret debitori, nec debitor de creditore defraudando vel cogitationem animi subire pateretur: & sic nec pignora, nec fidejussores, nec correos, nec expromissores, quisquam exigeret. Dum vero hodie tam oculatæ

latæ sunt manus, ut, nisi quod vident, nihil omnino credant: argumentum hoc est humanæ perfidiæ, repescentisque amoris luculentissimum. Observavit id jam Seneca, qui de *Benefic. III, 15*. Utinam, inquit, nulla stipulatio emtorem venditori obligare! nec pacta conventaque impressis signis custodirentur! fides potius illa servaret, & æquum colens animus! Sed necessaria optimis præstulerunt, & cogere fidem, quam spectare, malunt. Adhibentur ab utraque parte testes: ille per tabulas plurima nomina, interpositis parariis facit. Ille non est interrogatione contentus, nisi rem sua manu tenuit. O turpem humano generi FRAUDIS AC NEQUITIÆ PUBLICÆ CONFESSIONEM! Annulis nostris plus, quam animis, creditur.

§. CCCLXXV.

Pro quibus rebus fidei jubere liceat?

Ceterum ex FIDEJUSSIOIS definitione (§. CCCLXXIV.) patet, 190) fidejussoribus, quam alterius obligationi in subsidium accedant, non esse locum, nisi id, quod debetur, ita sit comparatum, ut a quovis æque commode, ac ab ipso debitore principali, præstari possit: adeoque 191) ipsi rectæ rationi adversari fidejussiones pro capitis damnis, quamvis eas veteres quædam gentes admiserint: *) nec 192) quidquam obstat, quo minus, si multa expiari possit crimen, alius pro alio intercedat, seque multam pro reo soluturum, in subsidium constituat.

*) De Græcis res certa est ex variis exemplis, quæ jam collegit Pufendorff. de *jur. nat. & gent. V, 10. 12*. Esse & statuta, quæ vadium usum probent, ostendit laudatus Hert. ad *Pufend. ibid. p. 735*. Dum vero alii hujusmodi

modi obligationem fidejussoriam defendi posse existimant exemplis sacris Gen. XLII, 37. XLIII, 9. 1. Reg. XX, 39. eos omnino fugit ratio. Obligationem Rubenis stolidam esse, unusquisque intelligit, maxime quum non suum, sed innocentum liberorum capita veluti oppignoret, & quidem non pro reo capitalis criminis: sed pro Benjamin fratris reditu ex Ægypto. Unde vix probabile est, Jacobum virum pium & prudentem conditionem accepisse. Jadas quidem fidejubet, sed non pro capitis damnato, nec vitam oppignorat. Denique 1. Reg. XX, 39. nemo vitam pro reo obligat, sed custodia captivi illi demandatur, sub capitis periculo. Ut hinc manifestum sit, hanc veterum consuetudinem in sacris litteris non reperire præsidium.

§. CCCLXXVI.

Quod ad obligationem fidejussorum attinet, ex eadem definitione (§. CCCLXXIV.) patet, 193) eos se obligasse ad idem, quod creditor a debitore jure exigere potest, adeoque 194) iniquum esse, plus sibi fidejussoribus, quam a debitore, stipulari creditorem: 195) obligationem fidejussorum esse subsidiariam, ac proinde 196) jure naturali illos non indigere singulari BENEFICIO ORDINIS vel EXCUSSIONIS, sed 197) tum demum conveniri posse, si satis constet, debitorem principalem solvendo non esse: *) 198) Plures fidejussores, qui pro iisdem personis iisdemque rebus intercesserunt, merito pro rata tantum teneri, nisi se ultro & diserte in solidum obligarint: atque hinc 199) NE BENEFICIUM quidem DIVISIONIS illis jure natu-

Obligatio fidejussorum

re esse necessarium, quippe pro rata obligatis, 200) nisi forte confidejussores solvendo non sint, idque fidejussor ignorare non potuerit.

*) Contraria quidem fuit gentium multarum sententia, nimirum fidejussorem & ante debitorem principalem conveniri posse. De Hebræis vid. *Prov. XX, 16. XVII, 18.* De Græcis notum illud Thaletis: *Εγγυα, παρὰ δ' ἄντι. sponde, & noxa præsta erit.* Denique & Germanorum fertur vetus parœmia: *Den burgen müß man vürger.* Conf. *Schilt. Exerc. XLVIII, 21.* Sed & Romanis idem rigor placuit, donec Justinianus beneficium ordinis vel excussionis invexit *Novella IV.* Enimvero quum fidejussor non nisi in subsidium alterius obligationi accesserit, & si ipse illico conveniretur, inter fidejussorem, reum & expromissorem nihil esset discriminis futurum: ipsa recta ratio docet, illum teneri in subsidium, nec ante debitorem principalem esse conveniendum, *Cic. Epist. ad Attic. XVI, 15. Sponsores adpellare, videtur habere quamdam δυνάμιν.*

§. CCCLXXVII.

Obligatio cor-
zeorum. Quum porro, RES se alteri in solidum obligent: (§. CCCLXXIV.) facile patet, 201) creditoris in arbitrio esse, ab utro exigere velit solutionem, * 202) uno vero expungente nomen, alterum liberari, sed tantum ratione creditoris, cui, quod debebatur, solutum est, 203) non ratione correi, qui dum pro correo solvit, ejus negotia gessit, (§. CCCXLVI.) adeoque omnino indemnis ab altero præstandus est. (§. CCCXLIX. 102.)

*) Non

- *) Non ergo hic locus est divisioni obligationis. Quia tamen, si uterque reus solvendo est, & uterque facile potest interpellari, nulla justa causa est, cur unum urgere, totamque summam ab eo solo. extorquere velit creditor: ipsa eum humanitas, non adeo amare jus suum persequi, sed reum utrumque urgere jubet. Neque enim patitur humanitas, ut aliquid ab altero cum ejus incommodo exigamus, quod facilius & sine nostro alteriusque detrimento consequi possemus. (§. CCXVI. 8.)

§. CCCLXXVIII.

Denique ex EXPROMISSORIS definitione (§. ^{Ac denique expromissorum.} CCCLXXIV.) colligimus, 204) ejus eandem esse obligationem, ac ipsius debitoris principalis, adeo, ut 205) hic expromissione cum consensu creditoris facta liberetur, ac proinde 206) expromissor nec ordinem vel debitoris excussionem urgere, nec 207) creditor, si ab expromissore suum servare non potest, ad debitorem principalem, quem semel liberavit, recurrere possit, sed ab expromissore, cujus fidem sequutus est, id, quod sibi debetur, simpliciter expectare cogatur.

§. CCCLXXIX.

Proximus est contractus SOCIETATIS, quem ^{Contractus societatis.} non minus ante inventum nummum, quam postea, locum invenisse, vel ex eo intelligitur, quod nihil aliud est, quam lucri, ex collatis rebus vel operis provenientis, damnique inde emergentis, inter plures communicatio. *) Res vero atque operas æque

ante inventum nummum, ac postea, communicari potuisse, nemo temere dubitabit.

*) Itaque hic agimus de communione, sociorum consensu inita. Consensus vero quum vel expressus sit, vel tacitus, & hic idem, quod ille, operetur: (§. CCLXXV. 25.) consequens est, ut & societas tacito consensu, id est, facto, contrahi possit. Hert. *diff. de societate facto cont.* Prout vero, vel omnia bona, vel quædam tantum, vel res quædam singulares operæve, conferuntur, societas vel UNIVERSALIS, vel GENERALIS, vel SINGULARIS soleat adpellari. *Universalem & generalem*, aleam quodammodo continere, in singulari æqualitatem observandam esse, recte monuit Grot. *de jure belli & pac. II, 12. 24.*

§. CCCLXX.

Quid justum in societate universalis & generali.

Quum ergo in societate UNIVERSALI universi, in GENERALI quædam bona communia sint, ita tamen, ut hic contractus quodammodo aleam contineat: (§. CCCLXXIX. *) consequens est, 208) ut lucrum quidem & damnum inter socios hos commune sit: at 209) collatio tamen admodum inæqualis esse possit, nec 210) habeat socius, quod conqueratur, si, exigentibus necessitatibus, unus socius, qui minus contulit, altero plus expendat: immo, quin 211) socius contractum ab altero æs alienum pro rata exsolvere debeat, eo minus videtur dubitandum, quo magis expediti juris est, & lucri ab uno facti alterum esse participem, eumque, qui commodum e re sentit, merito & incommoda ferre debere.

§. CCCLXXXI.

§. CCCLXXXI.

Contra quum in societate SINGULARI merito observanda sit æqualitas, (§. CCCLXXX. *) ^{Quid in singulari?} ea vero in collatione non semper observeretur: sequitur sane, 212) ut æqualitas illa in dividendo lucro, & damno non possit esse *arithmetica*, sed *geometrica*, *) adeoque, 213) qui plus rerum operarumve in commune contulit, tanto plus lucri damnique ferre debeat, quanto alter minus contulit. Quandoquidem tamen in suis rebus quisque alteri qualecumque commodum concedere potest: (§. CCCIX. 13.) nemo negaverit, 214) posse socios pactionibus inter se aliud statuere, & in dividendo lucro damnoque vel æqualitatem arithmeticam, vel 215) qualemcumque inæqualitatem probare, dummodo non 216) dolo unius ex sociis hoc negotium degeneret in societatem leoninam. *Phædr. Fab. l. 1, 6.*

*) Sunt qui hic æqualitatem arithmeticam, tanquam inter fratres, servandam esse statuunt, & ita interpretantur *l. 6. l. 29. l. 30. D. pro soc.* aliosque juris Romani locos. *Connan. Comment. jur. civ. VII, 19. §.* Hub. *Prælect. ad tit. Inst. de societ.* Sed quum fictionem redolet illa sociorum fraternitas, adeoque in jure naturæ ejus ratio haberi nequeat, & præterea hic lucrum ex rebus operisque, in commune collatis, proveniat: nihil æquius profecto est, quam ut lucrum damnumque pro rata rei operæque collatæ dividatur. Recte *Aristot. ad Nicom. VIII, 16.* *Ἐν χρημάτων κοινωνίᾳ πλείον λαμβάνουσιν οἱ συμβαλλόμενοι πλείον.* *In pecuniarum communionem plura accipiunt, qui plura contulerunt.*

§. CCCLXXXII.

§. CCCLXXXII.

An socio Denique observandum, quum hæc socie-
 liceat, tas consensu, vel per modum conventionis
 altero in- contrahatur, (§. CCCLXXIX. *) 217) ex
 vito, so- juris naturalis principiis vix deduci posse re-
 cietate gulam juris Romani, ex societate cuius ex-
 excedere. cedere licere, dummodo id non intempesti-
 ve & in alterius fraudem fiat: *) sed po-
 rius 218) rem omnem redire ad legem con-
 ventionis, & hinc, si perpetuam societatem
 inire placuit, eam debere esse perpetuam,
 sin temporalem, temporalem; nisi quod,
 219) si alter sociorum injuriosus, damno-
 susve sit, vel leges contractus manifesto vio-
 let, æquissimum videtur, socio facultatem
 esse debere, & ante tempus constitutum
 societati renunciandi.

*) Quod vel ex ipsis rationibus, quibus vete-
 res juris conditores uruntur, liquido pro-
 bari potest. Modo enim hanc reddunt ra-
 tionem, quod communio sit mater discor-
 diarum: *l. 77. §. 20. D. de legat. II.* modo,
 quod naturale vitium sit, negligi id, quod
 communiter possideatur: *l. 2. C. quando &*
quib. quarta pars, quibus tertiam rationem
 addunt nonnulli, quod personæ, quam so-
 cium adsciscimus, qualitas & industria eli-
 gatur, adeoque si spei non respondeat socii
 fides & diligentia, socio merito saluum esse
 oporteat societati renunciandi arbitrium.
 Enimvero non minores sæpe discordias exci-
 rant emptio venditio & locatio conductio, in
 quibus tamen negant, locum esse pœnitenti-
 æ. Et non minus aliquando negliguntur
 ædes, aliis locatæ, quam communes, &
 tamen ideo contractum ante tempus abrum-
 pere

pere non licet. Denique &, qui operas conducit, personæ qualitatem & industriam eligere solet, & tamen contractum ante tempus finire nequit. Si ergo de reliquis contractibus valet regula: *Sicut initio libera potestas unicuique est habendi, vel non habendi contractus: ita renunciare semel constitutæ obligationi, adversario non consentiente, nemo potest: l. 5. C. de obl. & art. quidni etiam de societate idem omnino dici posset?*

§. CCCLXXXIII.

Subjicimus DONATIONEM, per quam intelligimus promissum de re nostra in alterum gratis transferenda. Ex ea vero definitione facile patet, 220) eam non modo pure, sed & sub quacunque conditione, adeoque 221) sub conditione etiam mortis donatoris, vel ejus contemplatione fieri posse, adeoque 222) recte dividi in DONATIONEM INTER VIVOS, & MORTIS CAUSSA. 223) Rem inter vivos donatam merito esse tradendam, nec 224) donatori eam revocandi superesse arbitrium. Denique ex iis, quæ supra diximus, colligi potest. 224) donatarium, re evicta, a donatore petere non posse evictionis præstationem, (§. CCLXXIV. 24.) & 225) donatori ad gratum animum quavis occasione verbis factisque testandum omnino esse obligatum. (§. CCXXII. 40.)

§. CCCLXXXIV.

Denique de omnibus generatim contractibus adhuc monendum est, 226) illos, qui consistunt in consensu, (§. CCCXXVII,) ab iis esse ineundos, qui vel a natura, vel a legibus, consentire non prohibentur. 227)

Quid iustum circa donationem.

Corrolaria quædam de contractibus in genere.

De-

Deinde, quia contractus commercii causa inventi sunt, (§. CCCXXVII.) contrahendum quoque esse de rebus, quæ honeste, & permittentibus legibus, in commercio esse possunt: ac proinde 228) nullum valere contractum de rebus turpibus, impossibilibus, rebus per leges commercio exemptis, quamvis 228) quum res pleræque non natura, sed legibus positivis commercio eximantur, eæ etiam contractus permittere possit super rebus, super quibus aliarum gentium legibus & moribus contrahere non liceret. *)

*) Exemplo esse possunt cadavera. Ea oppignorare apud nos procul dubio & inutile esset, & pro contractu turpissimo haberetur. Contra apud Ægyptios lex permittebat cadavera parentum condita oppignorare, & ei, qui, illis neglectis, non expunxerat nomen, honesta sepultura negabatur. Diodor. Sicul. *libl. 1, 93.* Contra natura inhonesta est oppignoratio uxorum, liberorumque, quod in regno Begu permittitur, quia illa non potest non plena esse tristissimi eventus. Unde & creditorem relegatione dignum judicabant Romani, qui sciens filiumfamilias pignori a patre acceperat. *l. 5. D. quæ res pign.*

CAPUT XIV.

De Pallis.

§. CCCLXXXV.

Quamvis inter PACTA & CONTRACTUS jure naturæ nihil sit discriminis, dum utrumque negotium utriusque consensu capit substantiam: dici tamen potest, CONTRACTUS ex vetere loquendi consuetudine ad rerum operarumvè commercium; (§. CCCXXVII. 6.) pacta ad alias res, factave, quæ in commercio esse non solent, pertinere.*) Sic ex gr. quamvis homines ingenui utriusque sexus non sint in commercio; inter eos tamen convenire solet de nuptiis, vel in futurum, vel in præsentem, celebrandis, isque consensus tum sponsalitiis, tum nuptialis PACTORUM nomine recte venit.

Quæ sit
pactorum
& contra-
ctuum
differen-
tia?

*) Agnovit id discrimen etiam Pufendorfius de jure nat. & gent. V, 2. 4. Et quamvis scriptores Romani, quia alio sensu accipiunt vocabula, aliudque discrimen pactorum & contractuum statuunt, non semper verbo contrahere utantur de rebus, quæ in commercio; pacisci de rebus factisque, extra commercium positis, veluti dum dicunt contrahere nuptias, l. 22. D. de rit. nupt. pacisci ab aliquo nummos: Val. Max. IX, 4. 2. nomen tamen CONTRACTUS vix aliter accipiunt, quam de conventionem super rebus, quæ in commercio sunt. Quod adeo verum est, ut ideo jureconsulti contra Donell. Comm. jur. XIII, 18. negent, nuptias esse contractum, qui ineatur de personis & in-
Hein. de Jur. Nat. & Gent. P di-

dividua vitæ consuetudine, quæ non sint in commercio. Nihil ergo obstat, quo minus nos hoc *pactorum & contractuum* discrimen admittamus.

§. CCCLXXXVI.

Cur po-
sta sint
necessa-
ria?

Nimirum quum homines suaviter & com-
mode vivere non possint, nisi sibi invicem
præstent officia, quæ supra *HUMANITATIS &
BENEFICENTIÆ* diximus, (§. CCXIV. 2.) &
ita tamen inter homines jam pridem refrixe-
rit amor, ut de eorum humanitate & benefi-
centia confidere non possimus, (§. CCCXXVI.)
denique illa officia sint imperfecta, & invi-
tis extorqueri nequeant: (§. CXXII. *) con-
sequens est, 1) ut non alia sit ea certo con-
sequendi ratio, quam consensus alterius.
Qui consensus duorum pluriumve in idem
placitum de dando aliquo vel faciendo, quod
alias vel plane non, vel tantum ex lege hu-
manitatis & beneficentiæ debetur, quum vo-
cetur *PACTUM*: 2) ea, quæ nobis ab aliis da-
ri fierive jurè perfecto cupimus, nobis *PACI-*
ser debemus. *)

*) Exemplo esse poterunt Abrahamus & Abi-
melechus. Ipsa sana lex humanitatis & be-
neficentiæ utrumque jubebat benigne adversus
se invicem agere, & maxime Abrahamum,
virum virtutis studiosissimum, plurimisque
ab Abimelecho beneficiis ornatum, ipsa re-
cta ratio ad grati animi memoriam obliga-
bat: & tamen uterque sibi ab altero amici-
tiam & benignitatem pactum esse, legimus
Gen. XXI, 23. seq. Ita sæpe veteres alios pa-
ctis obligabant ad præstandum id, ad quod
hi

hi jam antea ex legibus humanitatis ac benevolentiae erant obligati.

§. CCCLXXXVII.

Nec dubitari potest, 3) quin pacta servanda sint. Quum enim, qui aliquid promittit, mentem suam de dando aliquo faciendove sive verbis, sive aliis signis prodatur, verbis vero ita utendum sit, ne alter decipiatur: (§. CXCVI. 67.) consequens est, ut & a paciscentibus omnem fraudem omneque abesse oporteat mendacium, adeoque standum sit promissis pactisque omnibus, deliberato animo initis, & hinc 4) nihil debeat fide data esse sanctius, 5) nihil perfidia detestabilius. *)

Ea servanda esse, probatur argumento primo.

*) Quemadmodum enim pactis quodammodo subvenimus indigentiae nostrae, idque agimus paciscentes cum aliis, ut nobis officia humanitatis & beneficentiae, quae alias a plerisque frustra speraremus, praestent: ita facile patet, iis solis inter se genus humanum contineri. Ergo tanto perfidiosus est, magisque nefarium, fidem frangere, quae continet vitam. Cic. pro Q. Roscio Comado Cap. VI. Hinc semper generosum visum est τοῦ ἀφιδίς τόμα, os verax, vel, ut rem eloquitur Euripides in Iphig. in Taur. γ. 1064.

Καλόν τε γλῶσσι, ὅτε πίστι παρῇ.

Pulchrum est lingua, cui adest fides.

§. CCCLXXXVIII.

Accedit & altera ratio, cui non minus ponderis inesse, facile unusquisque largietur, Itemque secundo. Quum enim officiorum omnium, quae alteri debemus, communis veluti fons & scaturigo sit amor justitiae, (§. CLXXIII. 1.) is-

que nos subigere debeat, ut, quod nobis fieri nolumus, id nec alteri faciamus, (§. CLXXVII. 6.) nemo denique sit mortalium, qui pactis & promissis ab altero decipi velit: denuo sequitur, ut nec nos cuiquam pactionibus & promissis illudere, eumque propter fidem nostram defraudare debeamus, adeoque pacta omnino sint servanda. *)

*) Non hic utimur argumento, quod nec societas civilis servari possit, nisi sancta hominibus esset religio. Quamvis enim hoc argumento recte probetur pactorum fideique inter homines necessitas, eamque Cicero de offic. II, 11. & inde eleganter demonstrarit, quod *ne illi quidem, qui maleficio & scelere pascuntur, possint sine illa particula justitiae, id est, sine pactis, vivere*: ex hac tamen socialitate non esse originem obligationis hujus repetendam, jam supra ostendimus. (§. LXXV.) Itaque binas has rationes, quas hoc & antecedente aphorismis exposuimus, ex principio nostro AMORIS derivare maluimus,

§. CCCLXXXIX.

Quocu-
plicia
pacta?

Ceterum pacta vel *μονόπλευρα*, seu UNILATERALIA sunt, vel *δίπλευρα* seu BILATERALIA. Illis unus tantum alteri; his ambo sibi mutuo aliquid promittunt, adeoque posterioribus tacita inest conditio, unum praestitutum, quod promiserit, si & alter ex sua parte pacto satisfactus sit. Deinde utraque sunt vel OBLIGATORIA, quibus nova obligatio vel alterutrius, vel utriusque partis, constituitur, vel LIBERATORIA, quibus obligationes, antea constitutae, tolluntur, vel MIXTA, quibus

bus & obligationes prioresholluntur, & novæ pro arbitrio pacifcentium constituuntur, quales in primis NOVATIONES, & TRANSACTIONES de causis dubiis esse, nemo non intelligit. Sed horum omnium eadem est ratio, puta, 5) ut summa fide & quam religiosissime servanda sint, 6) si vel maxime non eo consilio aliquid promiserit alteruter, ut obligati velit. *)

*) Observandum hoc est, contra illos, qui aliam promissionem PERFECTAM, aliam IMPERFECTAM esse statuunt, & illam quidem definiunt, quando non solum promittens obligari vult, sed & simul jus in alterum confert, ut rem promissam veluti debitam plene a se poscere queat: hanc vero, quando obligari quidem vult, qui promisit, ut tamen alteri jus non sit ad exigendum. Quo referunt promissionem: *Ego destinavi, hoc tibi dare, & peto, ut mihi credas*, itemque pollicitationes virorum potentum aut gratiosorum, quibus alicui commendationem vel suffragium spondent. Grot. *Jur. bell. & pac.* II, 2. 2. Pufendorff. *Jur. nat. & gent.* III, 5. 5. Sed 1) sæpe tales promissiones non sunt pacta, sed dicta tantum, vel adseverationes, quas a pactis ipsi distinguunt Grotius & Pufendorffius, immo aliquando non pacta sunt, sed præparationes ad pacta, quas vulgo tractatus adpellant. 2) Res est pæne contradictoria, aliquem promittere velle, & alii tamen nolle jus ad exigendum dare. Quod nescio, an tale sit commentum, quo omnia pacta & promissa turpiter eludi possent, exemplo Mediolanensium, qui increpati de perjurio, respondebant: *Juravimus quidem, sed juramentum attendere non*

promissimus. Quod referens Radevicus de *ge-*
stis Friderici 1. Lib. II. Cap. XXV. Digna,
 inquit, *responsio*, ut *moribus oratio consona-*
ret, & , qui *prave ac perfide vivere & facere*
consueverant, aliter, ac *perfide & prave*, lo-
 qui non potuissent, ut *vitam flagitiosam sermo*
inlotus comitaretur. Denique 3) si imperfe-
 ctæ plerumque sunt hujusmodi potentum pro-
 missiones ratione exactionis, non ideo illico,
 quod ad obligationem attinet, pro imperfe-
 ctis habendæ sunt.

§. CCCXC.

jure na-
 turæ &
 nuda per-
 fectæ ob-
 bligant.

Ex quo porro colligimus, 7) nihil jure
 naturali interesse inter pactum & stipulatio-
 nem, adeoque 8) falli Franc. Connanum
Comment. 1. 6. qui, Romanorum commen-
 daturus *Διομίας*, etiam jure naturæ ex pro-
 missis, quamdiu stent intra terminos simpli-
 cis conventionis, & in *συνάλλαγμα* non trans-
 eant, jus perfectum oriri negat. Quemad-
 modum enim ejus argumenta jam satis pro-
 fligarunt Grot. *de jure belli & pac. II. 2. 1.*
 & Pufend. *Jur. nat. & gent. III. 5. 9.* ita
 nos addimus, Connanum minus magnifice de
 naturali pactorum obligatione sentire, quam
 ipsos Romanos, quippe qui pactis nudis
 vim perfectæ obligandi numquam detraxe-
 runt, quamvis actionem ex iis, ob singula-
 res rationes, denegarent. *)

*) Ex Romanorum sententiâ obligabatur, et-
 iam qui nudo pacto aliquid promiserat, eum-
 que, qui fidem fefellerat, illi non minus
 perfidum purabant, quam aliæ gentes. Quin
 non imperfectam esse existimabant hanc obli-
 gationem, quæ ex pactis nudis oriebatur,
 sed

sed perfectam, siquidem ratione illius locus erat compensationi, l. 6. D. de compens. constituto, l. 1. §. pen. de pecun. const. novationi, l. 1. fin. D. de novat. fidejussoribus & pignoribus, l. 5. D. de pign. exceptioni, l. 7. §. 5. l. 45. D. de pact. l. 10. l. 21. l. 28. C. eod. Unde &, quod a promittente per errorem fuerat solutum, conditione indebiti repeti non poterat l. 19. D. de cond. ind. Quorum pleraque ita sunt comparata, ut in obligationem imperfectam vix cadant. Solam negabant ACTIONEM, quia civilem invenerant modum, quo paciscentes uri jusserant, puta stipulationem. Eam qui negligebant, perilsorie egisse videbantur. Quemadmodum ergo multis locis leges ex oppignoratione rerum immobilium non dant actionem, nisi pignus apud acta sit constitutum, nec tamen ideo pignori obligationem perfectam detrahunt, quippe quæ aliis modis sese exserit: ita nec de Romanis statuendum est, eos pacta noluisse perfectam obligationem producere, quia actionem inde oriri noluerint.

§. CCCXCI.

Quum vero pactum sit duorum pluriumve in idem placitum consensus, (§. CCCLXXXVI.) Pacta expressa & tacta.
 CONSENSUS verò duarum pluriumve voluntatum in eandem rem easdemque circumstantias conspiratio: consequens est, 9) ut ille consensus tamquam internus externo aliquo signo declarandus sit. Qualia signa, quum sint verba, sive ore prolata, sive litteris consignata, & facta, & illa consensus expressi; hæc tacti præbeant argumentum: (§. CCCLXXXIV.) facile patet, 10) perinde esse, sive expresso, sive tacito consensu, aliqui

paciscantur, dum tale sit factum, ex quo consensus in eam rem, de communi humani generis vel gentis cujusdam, sententia colligi soleat. *) Immo 11) aliquando consensum recte colligi ex ipsa negotii natura, si illud tale sit, ut non possit non judicari, alterum non dissentire. (§. CCLXXXIV.)

*) Hinc & nunc sufficere, recte statuunt jura nostra: l. 52. §. ult. D. de obl. & act. Quintilian. *Declam. CCXLVII.* nec non patientiam, immo & silentium, l. 51. pr. D. locati, l. 11. §. 4. 7. D. de interr. in jure fac. & alibi passim. Quod admittimus omnino, nisi alia fuerit probabilis ratio, cur quis, dissentiens licet, tacere, quam dissensum verbis factisve testari, maluerit, ex. gr. si filius familias, truculentiam patris veritus, interrogatus, an Mæviam, a qua maxime abhorret, ducere velit? taceat: non illico consensisse videbitur. Quid si enim, patre dicente: *Abi domum, & suspende te*, præ stupore tacuisset filius? an ideo consensisse diceretur?

§. CCCXCII.

Pacisci quoniam possint, vel non possint? Quumque consensus sit duarum voluntatum in eandem rem easdemque circumstantiis conspiratio, (§. CCCXCI.) voluntas vero nihil possit vel adpetere, vel averfari, nisi ab intellectu excitata: (§. XXX.) sequitur, 12) ut pacisci valide nequeant, quicumque rectæ rationis usu destituuntur, adeoque nullius momenti sint pacta furiosorum, nisi dilucido intervallo distinguatur furor, nec non 13) infantum & eorum omnium, quos ob lubricum ætatis rem non intellige-

re, probabile est, 14) præterea ægrotorum, quorum animos morbi vehementia perturbat, immo 15) & maxime ebriorum, licet voluntaria fuerit promittentium ebrietas, *) nec 16) eorum, qui jocantes aliquid promiserunt, sibiue sunt ab altero stipulati.

*) Quamvis enim alias tunc demum agenti non imputetur actio, ex ebrietate perpetrata, si per eum non steterit, quo minus hujusmodi quid contingeret, (§. CVI. 31.) per eum autem, qui ultra suavem illam insaniam sibi attraxit, omnino steterit, ne pacisceretur, quum actio ex ebrietate profecta involuntaria quidem sit in se, sed non in sua causa: (§. L. *) hic tamen aliud statuendum, & gradus ebrietatis distinguendi sunt. Aut enim modica fuit, aut summa hominis aliquid promittentis ebrietas. Si modica: non ita caliginem illa offudit intellectui, ut nesciret, cui vel quidnam promitteret, adeoque hujusmodi promissio omnino obligat. Sin summa: non potuit non illa incurrere in sensus, ac proinde alter, qui cum illo pactus est, vel in manifesto dolo fuit, vel sibi saltem imputare debet, quod cum homine vino sepulto ac semicomni rem seriam suscipere & pacisci non dubitavit. Itaque nulla est ratio, cur ei jus esse debeat, promissum, discussa alterius crapula, exigendi.

§. CCCXCIII.

Ex eodem porro axiomate colligimus, 17) An uñse
inutile esse pactum, ex ignorantia vel erro-
re initum, si vitium hoc intellectus sit cul-
pabile, vincibile, ac voluntarium: (§. CVII. fit pactu
ex igno-
rantia,
vel erro-
re ini-
tum? 33.) non, 18) si ita comparata sit res, ut
p s & pru-

Deinde, quia contractus commercii causa inventi sunt, (§. CCCXXVII.) contrahendum quoque esse de rebus, quæ honeste, & permittentibus legibus, in commercio esse possunt: ac proinde 228) nullum valere contractum de rebus turpibus, impossibilibus, rebus per leges commercio exemptis, quamvis 228) quum res pleræque non natura, sed legibus positivis commercio eximantur, eæ etiam contractus permittere possit super rebus, super quibus aliarum gentium legibus & moribus contrahere non liceret. *)

*) Exemplo esse possunt cadavera. Ea oppignorare apud nos procul dubio & inutile esset, & pro contractu turpissimo haberetur. Contra apud Ægyptios lex permittebat cadavera parentum condita oppignorare, & ei, qui, illis neglectis, non expunxerat nomen, honesta sepultura negabatur. Diodor. Sicul. *Bibl. 1, 93.* Contra natura inhonesta est oppignoratio uxorum, liberorumque, quod in regno Begu permittitur, quia illa non potest non plena esse tristissimi eventus. Unde & creditorem relegatione dignum judicabant Romani, qui sciens filiumfamilias pignori a patre acceperat, *l. 5. D. qua res pign.*

C A P U T XIV.

De Pactis.

§. CCCLXXXV.

QUAMVIS inter PACTA & CONTRACTUS jure naturæ nihil sit discriminis, dum utrumque negotium utriusque consensu capit substantiam: dici tamen potest, CONTRACTUS ex vetere loquendi consuetudine ad rerum operarumve commercium; (§. CCCXXVII. 6.) pacta ad alias res, factave, quæ in commercio esse non solent, pertinere.*) Sic ex. gr. quamvis homines ingenui utriusque sexus non sint in commercio; inter eos tamen convenire solet de nuptiis, vel in futurum, vel in præfenti, celebrandis, isque consensus tum sponsalitiis, tum nuptialis PACTORUM nomine recte venit.

Quæ sit
pactorum
& contra-
ctuum
differen-
tia?

*) Agnovit id discrimen etiam Pufendorffius de jure nat. & gent. V, 2. 4. Et quamvis scriptores Romani, quia alio sensu accipiunt vocabula, aliudque discrimen pactorum & contractuum statuunt, non semper verbo contrahere utantur de rebus, quæ in commercio; pacisci de rebus factisque, extra commercium positis, veluti dum dicunt contrahere nuptias, l. 22. D. de ritu nupt. pacisci ab aliquo nummos: Val. Max. IX, 4. 2. nomen tamen CONTRACTUS vix aliter accipiunt, quam de conventionem super rebus, quæ in commercio sunt. Quod adeo verum est, ut ideo jureconsulci contra Donell. Comm. jur. XIII, 18. negent, nuptias esse contractum, qui ineatur de personis & in Hein. de Jur. Nat. & Gent. P di-

dividua vitæ consuetudine, quæ non sint in commercio. Nihil ergo obstat, quo minus nos hoc *pactorum & contractuum* discrimen admittamus.

§. CCCLXXXVI.

Cur pe-
cta sint
necessa-
ria?

Nimirum quum homines suaviter & com-
mode vivere non possint, nisi sibi invicem
præstent officia, quæ supra *HUMANITATIS &
BENEFICENTIÆ* diximus, (§. CCXIV. 2.) &
ita tamen inter homines jam pridem reffixe-
rit amor, ut de eorum humanitate & benefi-
centia confidere non possimus, (§. CCCXXVI.)
denique illa officia sint imperfecta, & invi-
tis extorqueri nequeant: (§. CXXII. *) con-
sequens est, 1) ut non alia sit ea certo con-
sequendi ratio, quam consensus alterius.
Qui consensus duorum pluriumve in idem
placitum de dando aliquo vel faciendo, quod
alias vel plane non, vel tantum ex lege hu-
manitatis & beneficentiæ debetur, quum vo-
cetur *PACTUM*: 2) ea, quæ nobis ab aliis da-
ri fierive jure perfecto cupimus, nobis raci-
ser debemus. *)

*) Exemplo esse poterunt Abrahamus & Abi-
meleclus. Ipsa sana lex humanitatis & be-
nificentiæ utrumque jubebat benigne adversus
se invicem agere, & maxime Abrahamum,
virum virtutis studiosissimum, plurimisque
ab Abimelecho beneficiis ornatum, ipsa re-
cta ratio ad grati animi memoriam obliga-
bat: & tamen uterque sibi ab altero amici-
tiam & benignitatem pactum esse, legimus
Gen. XXI, 23. seq. Ita sæpe veteres alios pa-
ctis obligabant ad præstandum id, ad quod

hi

hi jam antea ex legibus humanitatis ac benevolentiae erant obligati.

§. CCCLXXXVII.

Nec dubitari potest, 3) quin pacta servanda sint. Quum enim, qui aliquid promittit, mentem suam de dando aliquo faciendove sive verbis, sive aliis signis prodatur, verbis vero ita utendum sit, ne alter decipiatur: (§. CXCVI. 67.) consequens est, ut & a paciscentibus omnem fraudem omneque abesse oporteat mendacium, adeoque standum sit promissis pactisque omnibus, deliberato animo initis, & hinc 4) nihil debeat fide data esse sanctius, 5) nihil perfidia detestabilius. *)

Ea servanda esse, probatur argumento primo.

*) Quemadmodum enim pactis quodammodo subvenimus indigentiae nostrae, idque agimus paciscentes cum aliis, ut nobis officia humanitatis & beneficentiae, quae alias a plerisque frustra speraremus, praestent: ita facile patet, iis solis inter se genus humanum contineri. Ergo tanto perfidiosus est, magisque nefarium, fidem frangere, quae continet vitam. Cic. pro Q. Roscio Comedo Cap. VI. Hinc semper generosum visum est τοῦ ἀψευδὸς λόγου, os verax, vel, ut rem eloquitur Euripides in Iphig. in Taur. v. 1064.

Καλὸν τε γλῶσσι, ὅταν πῖσις παρῇ.

Pulchrum est lingua, cui adest fides.

§. CCCLXXXVIII.

Accedit & altera ratio, cui non minus ponderis inesse, facile unusquisque largietur. Quum enim officiorum omnium, quae alteri debemus, communis veluti fons & scaturigo sit amor iustitiae, (§. CLXXIII. 1.) il-

Itemque secundo.

que nos subigere debeat, ut, quod nobis fieri nolumus, id nec alteri faciamus, (§. CLXXVII. 6.) nemo denique sit mortalium, qui pactis & promissis ab altero decipi velit: denuo sequitur, ut nec nos cuiquam pactationibus & promissis illudere, eumque propter fidem nostram defraudare debeamus, adeoque pacta omnino sint servanda. *)

*) Non hic utimur argumento, quod nec societas civilis servari possit, nisi sancta hominibus esset religio. Quamvis enim hoc argumento recte probetur pactorum fideique inter homines necessitas, eamque Cicero de offic. II, 11. & inde eleganter demonstrarit, quod *ne illi quidem, qui maleficio & scelere pascuntur, possint sine illa particula justitiae, id est, sine pactis, vivere*: ex hac tamen socialitate non esse originem obligationis hujus repetendam, jam supra ostendimus. (§. LXXV.) Itaque binas has rationes, quas hoc & antecedente aphorismis exposuimus, ex principio nostro AMORIS derivare maluimus,

§. CCCLXXXIX.

Ceterum pacta vel *μονόπλευρα*, seu UNILATERALIA sunt, vel *δίπλευρα* seu BILATERALIA. Illis unus tantum alteri; his ambo sibi mutuo aliquid promittunt, adeoque posterioribus tacita inest conditio, unum praestitutum, quod promiserit, si & alter ex sua parte pacto satisfactus sit. Deinde utraque sunt vel OBLIGATORIA, quibus nova obligatio vel alterutrius, vel utriusque partis, constituitur, vel LIBERATORIA, quibus obligationes, antea constitutae, tolluntur, vel MIXTA, quibus

Quotuplicitia
pacta?

bus & obligationes priores tolluntur, & novæ pro arbitrio paciscentium constituuntur, quales in primis NOVATIONES, & TRANSACTIONES de causis dubiis esse, nemo non intelligit. Sed horum omnium eadem est ratio, puta, 5) ut summa fide & quam religiosissime servanda sint, 6) si vel maxime non eo consilio aliquid promiserit alteruter, ut obligati velit. *)

*) Observandum hoc est, contra illos, qui aliam promissionem PERFECTAM, aliam IMPERFECTAM esse statuunt, & illam quidem definiunt, quando non solum promittens obligari vult, sed & simul jus in alterum confert, ut rem promissam veluti debitam plene a se poscere queat: hanc vero, quando obligari quidem vult, qui promisit, ut tamen alteri jus non sit ad exigendum. Quo referunt promissionem: *Ego destinavi, hoc tibi dare, & peto, ut mihi credas*, itemque pollicitationes virorum potentum aut gratiosorum, quibus alicui commendationem vel suffragium spondent. Grot. Jur. bell. & pac. II, 2. 2. Pufendorff. Jur. nat. & gent. III, 5. 5. Sed 1) sæpe tales promissiones non sunt pacta, sed dicta tantum, vel adseverationes, quas a pactis ipsi distinguunt Grotius & Pufendorffius, immo aliquando non pacta sunt, sed præparationes ad pacta, quas vulgo tractatus adpellitant. 2) Res est pæne contradictoria, aliquem promittere velle, & alii tamen nolle jus ad exigendum dare. Quod nescio, an tale sit commentum, quo omnia pacta & promissa turpiter eludi possent, exemplo Mediolanensium, qui increpati de perjurio, respondebant: *Juravimus quidem, sed juramentum attendere non*

promissimus. Quod referens Radevicus de *gestis Friderici I. Lib. II. Cap. XXV.* Digna, inquit, responsio, ut moribus oratio consonaret, & , qui prave ac perfide vivere & facere consueverant, aliter, ac perfide & prave, loqui non potuissent, ut vitam flagitiosam sermo inlotus comitaretur. Denique 3) si imperfectæ plerumque sunt hujusmodi potentum promissiones ratione exactiōis, non ideo illico, quod ad obligationem attinet, pro imperfectis habendæ sunt.

§. CCCXC.

*Jure natura
&
nuda perfectæ
obligant.*

Ex quo porro colligimus, 7) nihil jure naturali interesse inter pactum & stipulationem, adeoque 8) falli Franc. Connanum *Comment. 1. 6.* qui, Romanorum commendaturus *ἑνωμίας*, etiam jure naturæ ex promissis, quamdiu stent intra terminos simplicis conventionis, & in *συνάλλαγμα* non transcant, jus perfectum oriri negat. Quemadmodum enim ejus argumenta jam satis profligarunt Grot. *de jure belli & pac. II. 2. 1.* & Pufend. *Jur. nat. & gent. III. 5. 9.* ita nos addimus, Connanum minus magnifice de naturali pactorum obligatione sentire, quam ipsos Romanos, quippe qui pactis nudis vim perfectæ obligandi numquam detraxerunt, quamvis actionem ex iis, ob singulares rationes, denegarent. *)

*) Ex Romanorum sententiâ obligabatur, etiam qui nudo pacto aliquid promiserat, eumque, qui fidem fefellerat, illi non minus perfidum putabant, quam aliæ gentes. Quin non imperfectam esse existimabant hanc obligationem, quæ ex pactis nudis oriebatur, sed

sed perfectam, siquidem ratione illius locus erat compensationi, *l. 6. D. de compens. constituto, l. 1. §. pen. de pecun. const. novationi, l. 1. fin. D. de novat. fidejussoribus & pignoribus, l. 5. D. de pign. exceptioni, l. 7. §. 5. l. 45. D. de pact. l. 10. l. 21. l. 28. C. eod.* Unde &, quod a promittente per errorem fuerat solutum, conditione indebiti repeti non poterat *l. 19. D. de cond. ind.* Quorum pleraque ita sunt comparata, ut in obligationem imperfectam vix cadant. Solam negabant ACTIONEM, quia civilem invenerant modum, quo paciscentes uti jusserant, puta stipulationem. Eam qui negligebant, peritiosiorie egisse videbantur. Quemadmodum ergo multis locis leges ex oppignoratione rerum immobilium non dant actionem, nisi pignus apud actum sit constitutum, nec tamen ideo pignori obligationem perfectam detrahunt, quippe quæ aliis modis sese exserit: ita nec de Romanis statuendum est, eos pacta noluisse perfectam obligationem producere, quia actionem inde oriri noluerint.

§. CCCXCI.

Quin vero pactum sit duorum pluriumve in idem placitum consensus, (§. CCCLXXXVI.) Pacta expressa & tacta.
 CONSENSUS verò duarum pluriumve voluntatum in eandem rem easdemque circumstantias conspiratio: consequens est, 9) ut ille consensus tamquam internus externo aliquo signo declarandus sit. Qualia signa, quum sint *verba*, sive ore prolata, sive litteris consignata, & *facta*, & illa consensus expressi; hæc tacti præbeant argumentum: (§. CCCLXXXIV.) facile patet, 10) perinde esse, sive expresso, sive tacito consensu, aliqui

re, probabile est, 14) præterea ægrotorum, quorum animos morbi vehementia perturbat, immo 15) & maxime ebriorum, licet voluntaria fuerit promittentium ebrietas, *) nec 16) eorum, qui jocantes aliquid promiserunt, sibiue sunt ab altero stipulati.

*) Quamvis enim alias tunc demum agenti non imputetur actio, ex ebrietate perpetrata, si per eum non steterit, quo minus hujusmodi quid contingeret, (§. CVI. 31.) per eum autem, qui ultra suavem illam insaniam sibi attraxit, omnino steterit, ne pacisceretur, quum actio ex ebrietate profecta involuntaria quidem sit in se, sed non in sua causa: (§. L. *) hic tamen aliud statuendum, & gradus ebrietatis distinguendi sunt. Aut enim modica fuit, aut summa hominis aliquid promittentis ebrietas. Si modica: non ita caliginem illa offudit intellectui, ut nesciret, cui vel quidnam promitteret, adeoque hujusmodi promissio omnino obligat. Sin summa: non potuit non illa incurrere in sensus, ac proinde alter, qui cum illo pactus est, vel in manifesto dolo fuit, vel sibi saltem imputare debet, quod cum homine vino sepulto at semisomni rem seriam suscipere & pacisci non dubitarit. Itaque nulla est ratio, cur ei jus esse debeat, promissum, discussa alterius crapula, exigendi.

§. CCCXCIII.

Ex eodem porro axioma colligimus, 17) An utile inutile esse pactum, ex ignorantia vel errore initum, si vitium hoc intellectus sit culpabile, vincibile, ac voluntarium: (§. CVII. 33.) non, 18) si ita comparata sit res, ut

An utile sit pactum ex ignorantia, vel errore initum?

& prudentissimum possit fallere, (§. CVIII. 36) veluti 19) si de diversis personis rebus-
ve-senserint stipulator & promissor, vel 20)
si alteruter erraverit circa personam, vel rem
ipsam, vel 21) circa eas circumstantias,
quæ non facile sciri potuerunt, & quarum
si conscius fuisset promittens, numquam ita
esset pactus. *)

*) His observatis regulis omnes species, quæ
in ipsis rerum argumentis occurrere possunt,
facile explicantur. Sic non valebit pactum, si
qui se ducturum promisit virginem, quæ præ-
gnans postea adpareat, quia hac in re falli
potuit etiam prudentissimus: *per n. 18.* nec
sponsalia ullius momenti erunt, si cui Tullia
nuptias adfectanti, nomen vero ignoranti,
Afrania per errorem spondeatur, quia, quum
de diversis personis senserint, non consense-
runt in idem placitum, *per n. 19. & 20.*
Denique si desponsam Tulliam epilepticam
esse, vel alio tetro morbo laborare, postea
adpareat: ne eo quidem casu sponsus tenebi-
tur, quia erravit circa *περίστασις*, quæ a spon-
so tam facile explorari non potuit, & quæ
tamen cognita, illum has adfectaturum nu-
ptias fuisse, vix verosimile est. *per num. 21.*

§. CCCXCIV.

An dolo
malo eli-
citum?

Multo minus ergo 22) valebit pactum, ad
quod quis dolo alterius inductus, vel 23)
in quo dolo istius malo circumscriptus læ-
susque est, quia consensisse non potest vide-
ri, cujus menti veluti præstigias alter obje-
cit, ut rem vel personam, de qua pactus
est, sibi multo aliter conciperet, ac eam post-
ea reipsa deprehendit. *) Contra 24) nul-
la

la est ratio, cur irritum esse debeat pactum, ad quod tertius alterutrum pacifcentium, altero inscio, pellexit, quamvis 25) doli itari nequeat, quin is, cujus dolo factum est, ut ita pacifcerentur, læsis ad resarciendum damnum sit obligatus.

*) Hinc nemo dixerit jure naturæ ratas esse debuisse nuptias Jacobi cum Lia, quas manifeste dolo conciliaverat Labanus, *Genes. XXIX, 22.* Neque mos gentis, quo facti turpitudinem velare conatus est Labanus, cum a dolo excusare, vel Jacobum obligare potuit, ut sibi a socero malitiosissimo tam proterve illudi pateretur. Nam nec obligatoria procul dubio fuit illa consuetudo, & si pro lege habita fuisset, id prædictum esse oportebat, neque debebat Labanus Rachelem petenti Jacobo promittere, sed eum peregrinum, & consuetudinum Syriacarum ignarum, præmonere, sororem, natu minorem ante majorem despondere, moribus patriis nefas esse. Omnia ergo miris fraudibus hic implicata fuerunt, nec ea rata fuissent procul dubio, nisi Jacobo peregrino satius visum fuisset, concoquere injuriam, sibi a socero illatam, quam in ambiguam litem descendere.

§. CCCXCV.

Quumque & vis & metus quam maxime obstant consensui, nec imputari ulli possit, quod quis coactus fecit, si cogenti nullum jus cogendi fuerit, (§. CIX, 43.) facile patet, 26) non obligari promittentem aliquid latroni, aliive vim injuste facienti, 27) Ratam contra esse promissionem, factam ei,

Anvi, 8
metu extortum?

qui dum alterum coegit, jure suo est usus :
 28) multoque minus dubitari posse de validitate pacti, si non ipse, cui quid promissum, sed tertius, hoc ignorante, vim adhibuerit, vel causam ineundi pacti dederit,
 *) nec non, 29) si coactus postea rem ratam habuerit, quia tunc non ex voluntate priore, vi & metu extorta, sed ex posteriore ultronea obligatur. (§. CIX. 41.)

*) Quum enim cesset imputatio, si quid factum sit, cujus quis nec causa nec auctor est, (§. CV. 23.) hic vero is, cui quid promissum est, non sit auctor violentiæ, quæ alter ad promittendum est adactus: illi etiam vim non posse imputari palam est. Sic ex. gr. si quis imminente a latronibus vel prædonibus maritimis periculo, præsidium sibi mercede satis luculenta conduxerit, frustra ille comitibus illis itineris, mercedem flagitantibus, reponeret, se metu latronum promississe. *Quid enim illorum refert, an conductor coactus sit, si a locatoribus coactus non sit? Horum culpam esse oportet, ut horum pena sit: recte inquit M. Seneca Controv. IV, 27.*

§. CCCXCVI.

Consensus pacti-
 scientium
 debet esse mu-
 tuus.]

Quandoquidem porro pactum in duorum pluriumve in idem placitum consensu consistit: (§. CCCLXXXVI.) facile patet, 30) id non modo in pactis bilateralibus, sed & in unilateralibus, justissimam habere rationem: adeoque 31) promittentem non teneri, nisi alter, sibi gratam esse rem promissam, ostenderit. Quod tamen 32) aliquando merito præsumitur, tum ex statu ejus, cui quid promissum, tum 33) ex ipsius rei, quæ

pro-

promittitur, indole, tum 34) ex antecedente rogatione, dummodo hoc postremo casu idem, quod rogaverat alter, promissum sit.

§. CCCXCVII.

Quia præterea pacta ineuntur de aliquo præstando, (§. CCCLXXXVI.) præstari vero nequeunt impossibilia, adeoque eorum omissio nemini imputatur: (§. CXV. 59.) consequens est, 35) ut pacta de rebus absolute impossibilibus inutilia sint, nullaque inde nascatur obligatio, nisi 36) tempore initi pacti res in potestate promittentis fuerit, isque postea vires, quibus pollebat, sua culpa detriverit, vel 37) aliquis rem non absolute impossibilem, quam tamen sibi impossibilem esse satis noverat, dolo malo promiserit. (§. CXV. 60. sequ.)

An rata sint pacta de rebus impossibilibus?

§. CCCXC VIII.

Quumque ἐκ τῶν ἀδυνάτων sint non modo, quæ per rerum naturam, sed & quæ per leges bonosque mores, fieri non possunt: (§. CXV. 58.) nemo non intelligit, 38) inutilia quoque esse pacta ac promissa, quibus leges justitiæ humanitatisque refragantur: nec non 39) quæ decorum, pietatem, verecundiam, lædunt, quæque adeo nos ne facere quidem posse, credendum est, uti recte, & vere φιλοσοφικῶς, scribit Papinianus l. 15. D. de cond. instis. 40.) Non obligari quemquam promisso, quo se ad patrandum delictum obstrinxit: nec 41) illum, qui se alteri ad præmium delicti dandum obligavit, eo nomine teneri; ac proinde 42) omnia pacta de rebus turpibus ac inhonestis inita, five

An de rebus turpibus?

350 *Jur. Nat. & Gent. Lib. I.*
five unilateralia, five bilateralia, nullius momenti esse. *)

*) Manifesto enim contradictorium est, jus naturæ adfistere pactis, etiam juri naturæ contrariis: itemque prohibere illud ira pacisci, & tamen præcipere, ut pacto satisfiat, pactum denique nullum esse, & tamen effectum sortiri. Itaque sine perfidiæ labe ab hujusmodi pacto disceditur, quod sine summo scelere impleri non potest. Nec fidei laudem fert, qui præstat, quod sine scelere præstari non potest. Recte proinde Dejaniræ, silentium sibi stipulatæ, respondet nutrix apud Senecam tragædum in *Hercule Oeteo Act. II. v. 480.*

*Præstare, fateor, posse me tacitam fidem,
Si scelere careat, interim scelus est fides.*

§. CCCXCIX.

An servandum promissum cum alterius detrimento conjunctum? Ex quo porro colligimus, 43) non obligari quemquam ad præstanda promissa, quorum præstationem cum alterius detrimento manifesto conjunctam esse, animadvertit, 44) licet vel maxime alter perire velit, promissumque urgeat. Quum enim lædere alterum jure naturæ prohibeamur, (§. CLXXVIII. 7.) de iis vero, quæ juri naturæ refragantur, pacisci nemo possit: (§. CCCXCVIII. 38.) non potest etiam pactum qualecunque, quo alter læditur, valere, & 45) qui fidem sic præstitit volenti & urgenti, non minus poena dignus est, ac qui invitum & repugnantem læsit. *)

*) Nec opponi huic doctrinæ potest, volenti non fieri injuriam. Ei enim regulæ non esse locum, si velle non liceat, jam supra ostendimus.

dimus. Velle autem non licet ea, quæ Deus vel per rectam rationem, vel per revelationem, prohibuit. Hinc quamvis Saulus, rex, vulneratus adolescentem supplex rogasset, ut se gladio transfigeret: tantum tamen abest, ut id impune ferret, ut Davidem eum, tamquam regicidam confessum, confestim obtruncari juberet. II. Sam. I, 15. 16.

§. CCCC.

Quia porro paciscimur de iis, quæ nobis ab altero dari fierique jure perfecto cupimus, (§. CCCLXXXVI.) dari autem vel fieri non possunt ea, quæ alterius dominio arbitriove subjecta sunt: recte negamus 46) quemquam utiliter promittere res, factave aliena, nisi mandante domino; immo 47) ne proprias quidem res, in quibus jam alteri antiquiore pacto jus aliquod quæsitum est. 48) Obligari quidem eum ad omnem diligentiam adhibendam, qui se operam daturum promisit, ut alius det-faciatve: *) immo & 49) ad id, quod interest, si se rem alteri confectam daturum, receperit, 50) non autem ei, cui quis rem factumve tertii promisit, jus esse rem illam factumve a tertio exigendi. Vid. Hert. de obl. alijm datur. facturumve.

Eſſe quæ
paſſorum
de rebus
factisve
alienis.

Idem in
alio

*) Quum enim plus, quam operam suam diligentiamque, non promiserit: nec plus ab eo exigere poterit is, qui sibi illam pactus est. Et generationum quoties quis sibi aliquid stipularus est, quod in alterius potestate absolute non esse præscivit, vel præscire potuit: toties promittens, præstita omni diligentia, liberatur. Eleganter id observat Seneca de benefic. VII, 13. Quædam ejus condiciones sunt, ut effectum præstare debens: quibusdam pro
esse-

effectus est, omnia attentasse, ut efficerent. Si omnia fecit, ut sanaret, peregit medicus partes suas. Etiam damnato reo, oratori constat eloquentiae officium, si omni arte usus est. Laus imperatori, etiam victo, & duci redditur, si & prudentia & industria, & fortitudo muneribus suis functa est.

§. CCCC.I.

*Paſum
& pure,
& ſub
conditio-
ne, & ex
die vel
in diem
recte hui-
us: non
tamen
ſub con-
ditiōe
impoſſi-
bili.*

Ex eodem, quod datio vel factum, quod promittitur, ab utriusque consensu pender, (§. CCCLXXXVI.) sua sponte sequitur, 51) ut in paciscentium arbitrio sit, PURE, AN SUB CONDITIONE, AN IN DIEM, VEL EX DIE pacisci velint, easque circumstantias a paciscentibus accurate esse observandas, dum, 52) quod ad conditionem attinet, illa effectum pacti ab incerto eventu vere suspendat, id est, dummodo vere sit CONDITIO. Ex quo patet, 53) id quod sub *condicione impossibili*, quam vocant, promissum est, non debere, quum nec hoc additamentum conditionis nomen mereatur, *) & ii, qui, quod fieri non posse praesciverant, promiserunt stipulative sunt, aut jocati, aut insanivisse, ac priore casu pacisci noluisse, posteriore non potuisse, censeantur. (§. CCCXCII. 12. 16.)

*) Est enim CONDITIO certa quaedam circumstantia, a paciscentibus expressa, a qua pacti effectus suspenditur, tamquam ab incerto eventu. Quum ergo impossibilis, quam vocant, conditio non exprimat incertum eventum, sed, quem non existurum, certissimum est: sequitur, ut nec suspendat pacti effectum, adeoque non sit conditio. Cavillabatur ergo Miltiades, qui urbis deditionem a

Lemniis ex pacto postulabat, quod domo profectus, vento Aquilone Lemnum pervenisset. Nepos *Miltiad. Cap. I. & II.* Lemnii enim Athenas intellexerant: nec aliter Lemniorum verba capere poterat Miltiades, qui eo tempore nusquam, nisi Athenis, domum habebat. Conditio ergo erat impossibilis, quæ, quum existere numquam posset, pactum reddebat irritum, maxime quum illuisse Lemnios Miltiadi, & irridentes hoc dixisse, adeoque jocosos esse, facile intelligere poruisset Miltiades.

§. CCCCII.

Quum vero, & quæ rectæ rationi, legibus, bonisque moribus adversa sunt, *ἐκ τῶν ἀδυνάτων* esse censeantur, (§. CXV. 58.) id vero, quod sub conditione impossibili promissum est, non debeatur, (§. CCCC. 53.) quin generatim de rebus turpibus pacisci non liceat: (§. CCCXCVIII. 40.) inde merito colligimus, 54) turpes etiam inhonestasque conditiones vitare pactum, *) eumque, 55) qui sub hujusmodi conditione promisit, illam adimplere non teneri: 56) si vero adimpleta sit, utrumque paciscentem poenas merito dare, & promittentem quidem, quod delictum perpetravit, alterum, quod talem ferendo conditionem, pro causa istius facinoris morali merito habetur. (§. CXII. 49.)

Multo
minus
sub tur-
pi.

- *) Ex singulari ratione Romani conditiones, tum physice, tum moraliter impossibiles, pro non adscriptis esse voluerunt in ultimis voluntatibus. §. 10. *Inst. de her. inst. l. 1. l. 19. D. de condit. inst. l. 8. & l. 20. D. de condit. & dem.* Quemadmodum enim absurdum videbatur, testatori indulgeri, ut in actu

actu tam gravi & serio, heredi illudere, nunquamque agere posset: ita nec heredi fraudi esse debebat ommissio actionis impossibilis, in quam numquam consensisset. (§. CXV. 59.) Et hinc legata accepturi nihilominus ex jure Romano fuissent ab Eumolpo honorati, apud Petron. *Sat. Cap. XCI.* si vel maxime non adimplessent conditionem: *Omnes, qui in testamento meo legata habent, prater liberos meos, hac conditione percipient, quæ dedi: si corpus meum in partes conciderint, & adstante populo, comederint.* At quum ex nostra sententia non alias ultimas voluntates agnoscat jus naturæ, quam quæ per modum pacti sunt: (§. CCXCI. 5.) nihil obstat, quo minus, quæ de pactis, sub impossibili vel turpi conditione initis, diximus, (§. CCCCI. & CCCCII.) etiam de ultimis voluntatibus valere debere dicamus: ut adeo absurda dicenda sit Thebanorum lex, quæ conditionem adimpleri jussit ridiculam, ut heres captator mortuam testatricem nudam, & oleo unctam, humeris suis efferreret,
*Scilicet elabi si posset mortua, credo,
 Quo nimium insisterat viventi.*
 Vid. Horat. *Serm. II, 5.*

§. CCCCIII.

An liceat
 per alios
 promittere &
 pascisci?

Quia porro & per modum mandati, & per negotiorum gestionem, cuivis licet alterius utilitatem promovere, eumque ope sua juvare, (§. CCCXLVI.) non possumus non inferre, 57) perinde esse, si ipse quis pascatur promittatve, si ejus mandato alius. Quum vero negotiorum gestor tantum ad utiliter gerendum obligatus sit, (§. CCCXLVIII.) non vero utiliter gerat, qui de alieno liberalis, aliquid sine consensu
 do-

domini promittit : (§. CCCC. 46.) confe-
quens est, 58) ut liceat quidem negotiorum
gestori alteri stipulari, adeoque 59) æquitati
naturali parum conveniens videatur regula
juris Romani: *neminem posse alteri, nisi cu-
jus juri subiectus sit, stipulari* : §. 4. *Inst. de
inur. stip.* non tamen 60) pro absente &
ignorante promittere, & talis promissio do-
minum plane non obstringat.

§. CCCC.V.

Denique quum ineunte hoc capite a nobis
observatum sit, inter pacta & contractus jure
naturæ nihil esse discriminis, siquidem utrum-
que negotium utriusque consensu capit sub-
stantiam: (§. CCCLXXXV.) facile patet,
61) omnes regulas, quas hoc capite vidi-
mus, non minus ad contractus, quam ad pa-
cta, pertinere, nec 62) male illum ratiocina-
ri, qui a natura pactorum ad contractuum in-
dolem eruendam ducit argumentum.

Quæ de
pactis di-
cta, etiam
ad con-
tractus
pertinēt.

CAPUT XV.

*Quibus modis obligationes ex contractibus
pactisque solvuntur.*

§. CCCC.VI.

Pacta summa FIDE & quam religiosissime
servanda esse, nihilque data FIDE debe-
re esse sanctius, supra demonstrare nos me-
minimus. (§. CCCLXXXVII. sequ.) FIDES
vero hic nobis nihil aliud est, quam pro-
missionum pactorumque impletio: adeoque
verè Cicero *de offic.* 1. 6. quamvis parum ac-

Axioma-
ta gene-
ralia de
modis
solvendi
obligationem.

curate ad grammaticorum regulas, FIDEM adpellaram, ait, quia fiat, quod dictum est. Ex quo colligimus, 1) tum deinum paciscentes finem suum adsequutos, quando pacti legibus satisfactum, idque, quod dictum, factum sit, 2) sine autem hoc obtentu, (qui ex philosophorum sententia primum in intentione, & postremum in exsequutione est, vel ita comparato, ut obtineri numquam possit, (§. CCCXCVII. 35.) ipsam quoque obligationem, ex pacto promissive natam, cessare oportere. *)

*) Jure quidem Romano distinguitur inter modos, quibus IPSO JURE, & quibus OPE EXCEPTIONIS tollitur obligatio. Quoties enim factis aliquo paciscentium perimitur obligatio, veluti solutione, in solum datione, acceptilatione, ceteris: toties ipso jure illa exspirasse; si contra propter æquitatem eliditur, per exceptionem sublata dicitur. Quamvis vero nec otiosam existimemus illam jureconsultorum distinctionem, nec eandem omni ratione destitui contendamus: (quam in rem præclara sunt, quæ disputavit celeberrimus Henr. Coccejus *diff. de eo, quod sit ipso jure.*) eam tamen ignorare jus naturæ rectamque rationem, facile nobis largientur ii, quibus explorata est Romanorum res judiciaria, ratioque, quæ illos ad excogitandam hanc distinctionem permovit.

§. CCCCVII.

[Modus
primus
solutio.
A quo
fieri de-
beat?

Quum itaque cesset obligatio, ex pacto promissive nata, quando pacti legibus satisfactum, idque, quod dictum, factum est: (§. CCCCVI. 1. 2.) consequens est, 3) ut illa

illa cefset, facta SOLUTIONE, quippe quæ nihil aliud est, quam naturalis præstatio ejus, quod in obligatione est, illi, cui quis ex promisso obligatur, facta. Quemadmodum vero 4) ei, cui solvendum, perinde est, a quo sibi solvatur, dummodo vel rem ipsam, quæ debetur, vel, si res fungibilis in obligatione sit, tantundem accipiat, (§. CCCLXIV. * 3.) quum ita naturaliter illi præstetur, quod in obligatione est: ita ex eadem ratione facile patet, 5) alio se ad pacti implementationem offerente, non liberari paciscentem, si quid, quod vicariam alterius præstationem, non admittit, promissum sit. *)

*) Id toties contingit, quoties personæ qualitas vel industria aliquos ad paciscendum impulit. Hinc si Titia ex pacto sponsalicio obligata esset ad nuptias cum Sempronio contrahendas: ea sane non liberaretur, si vel maxime Sulpicia parata esset ad pactum pro Titia implendum, quia Sempronius Titiae qualitates, virtutem, ætatem, formam, frugalitatem, elegit, adeoque ei non perinde est, quæ sibi nubat. Contra commodatario perinde est, siue librum commodatum a commodatario, siue a tertio quodam, quocum ipsi nihil negotii fuit, recipiat: creditoris quoque non refert, utrum a debitore, an a tertio, etiam ignoto sibi homine, sortem usurasve accipiat: quia utrique hoc modo naturaliter præstatur, quod in obligatione est.

§. CCCCVIII.

Ex eodem principio colligimus, 6) præstandam esse vel eandem speciem, si alteri ^{Quid, & cui solvendum sit?} usus tantum vel custodia rei non fungibilis

concessa: vel 7) idem genus , seu tantumdem: , si res fungibilis alteri abutenda data sit . 8) Creditori invito non obtrudendum esse aliud pro alio , multoque minus 9) eum cogendum esse , ut partem pro toto accipiat , vel 10) tardius , aliove loco , quam legibus contractus cautum est , solvi sibi patiatur : *) quia omnibus his casibus tunc non præstaretur naturaliter , quod in obligatione est . (§. CCCVII. 3.) Præterea ex eodem patet , 11) non alii solvendum esse , quam creditori , dummodo leges illum solutionem accipere patiantur , vel 12) ei , cui ille nomen cessit , vel 13) cur solvi mandavit , quum alias præstetur quidem , quod in obligatione est , sed non ei , cui ex promisso obligatus est debitor . (§. CCCCVII. 3.)

*) Quamvis enim sæpe debitori aliquid indulgeri jubeat necessitas , sæpe & leges humanitatis subigere debeant creditorem , ut aliquid de rigore juris remittat : nos tamen hic de jure loquimur . Hoc pacta & contractus summa fide servari jubet . *Fides autem* , recte observante Cicerone *de offic. II, 24. nulla esse potest , nisi sit necessaria solutio rerum creditarum .*

§. CCCXC.

Modus
secundus
compensatio .

Deinde , quia cessat obligatio ex pacto , quoties ejus legibus satisfactum , idque , quod dictum , factum est , (§. CCCCVI. 1. 2.) in rebus vero fungibilibus tantumdem pro eodem habetur : (§. CCCLXIV. * 3.) consequens est . 14) ut & COMPENSATIONE collatur obligatio , quippe qua nihil aliud est , quam mutui debiti & crediti , quorum utrumque

que certam æstimationem habet, inter se contributio. *)

*) Accedit & alia ratio. Quum enim ei solum esse dicamus, qui habet, quod in obligatione est, (§. CCCCVII. 3.) is vero, cui res fungibilis debebatur, eam habeat, si tantumdem acceperit: (§. CCCLXIII. * 3.) sequitur, ut ei, qui ex hujusmodi obligatione quovis modo tantumdem accepit, solum esse videatur, ac proinde COMPENSATIO nihil aliud sit, quum solutio brevi manu facta. Ut adeo æquissimum sit, compensationis eundem esse effectum, ac solutionis. Quod recte viderunt majores nostri, dum dicere soliti sunt: *Abrechnen seyso gut, als zahlen.*

§. CCCCX.

Ex ea vero definitione patet, 15) compensationi non esse locum, nisi inter eos, qui sibi mutuo debent, ac proinde 16) frustra veluti in solum alteri invito obtrudi, quod nobis a tertio debetur. 17) Compensationi locum esse in rebus fungibilibus, quæ, quum regulariter pretium adfectionis non admittant, certam semper habent æstimationem, non autem 18) compensari posse speciem cum specie, nec 19) diversum genus cum diverso genere, nec 20) præstationes personales cum præstationibus similibus, quia hæc omnia & adfectionem admittunt, & incertæ sunt æstimationis. 21) Denique compensationem quantitatum etiam inæqualium admitti, ad summam concurrentem, quamvis & recta ratio videat, 22) ab eo non postulari æquum, qui liquidum cum illiquido compensari velit. *)

Quid circa illam justum sit.

*) Mul-

- *) Multo minus ergo recte compensatur debitum liquidum cum eo, quod alter vi injusta non fecerit injuriam, quia hic plane deficit mutua obligatio. Lepida ergo, si qua alia, fuit compensatio, qua creditoribus suis satisfecit Vitellius apud Dion. Cass. *Hist. Lib. LXV. p. 735.* Quum enim hi, proficiscenti in Germaniam, Vitellio injecissent manus, cumque vix, datis fidejussoribus, dimisissent: hic, occupato imperio, illos latitantes requisivit, sublataeque esse compensatione obligationes, dixit, quin & chirographa sibi reddi jussit, interferens causam, *ἡ σωτηρία σφίσι ἐκ τοῦ ἐφελόμην ἀποδιδόναι.* salutem se illis pro credita pecunia reddidisse. Quasi & id imputare viatori possit latro, quod, quum jugulare potuisset, incruenta spolia detraxerit.

§. CCCCXI.

Tertius
modus,
condona-
tio.

Quum porro & illi satisfactum sit, procul dubio, qui nihil a debitore exigere cupit, & quisque se jure suo, quod in favorem sui invecum est, recte se abdicet: (§. XIII. 19.) consequens est, 23) ut & CONDONATIONE vel REMISSIONE quævis solvatur obligatio, per quam quippe intelligimus renunciationem creditoris, qua se jure suo exigendi debitum ultro abdicat. Quumque perinde sit, siue quis animi sententiam verbis, siue factis, aliisque signis, declaret: (§. CXCV. *) 24) perinde etiam esse patet, siue verbis acceptum quis ferat, siue factis, veluti redditione, vel combustionem, vel laceratione chirographi, 25) dummodo de contraria mente, aliove consilio creditoris, non constet, vel 26) chirographum non a credito-

ditore, sed ab alio injusso, vel 27) casu fortuito potius, quam voluntate creditoris, laceratum combustumve esse, liquido probari possit. *)

*) Sic recte remissa sibi esse tributa aliaque debita fiscalia, dicere poterant Romani, quod eo consilio chirographa & rationes omnes publice combussisset Hadrianus Imp, ut hac stupenda liberalitate civium Romanorum animos sibi devinceret. Spartian. *Hadr. Cap. VI.* Absurde vero idem sibi persuaderet debitor, cui ideo chirographum reddidit creditor, ut alia ac meliore forma conciperetur, vel cujus chirographum, orto incendio, conflagravit. Ex quo etiam facile reddideris rationem, cur semper iniquissimum visum sit, populum Romanum, obæratum, NOVAS TABULAS postulare, id est, a magistratibus, vel turbulenti ingenii tribunis, remissionem æris alieni flagitare. Ita enim condonatio non proficiscebatur a creditoribus, sed a magistratibus, de alieno liberalibus, & quorum potius erat jus dicere creditoribus, quam, iis invitis, debitores liberare. Pessimi rem exempli primum a Sulla repertam, fuerunt *Liv. Epit. Lib. LXXXVIII.* Idem deinde Catilinam, idem ipsum populum a Cæsare expectasse, constat, quamvis tunc spe sua exciderint homines turbulentissimi. *Sallust. Catil. Cap. XXI.* Cæsar de bello civ. III, 1. *Suet. Jul. Cap. XLII.* *Plutarchi Solon. p. 86.*

§. CCCCXII.

Quum porro unusquisque jure suo se abdicare, & alteri, quod sibi debet, remittere possit: (§. CCCX. 23.) sequitur pro-

Quartus
mutuus
disse

Hein. de Jur. Nat. & Gent.

Q fe-

fecto, 27) ut & uterque obligationem bilateralem mutuo consensu tollere possit, maxime quum nihil sit tam naturale, quam eodem modo quidque dissolvi, quo colligatum est. l. 35. D. de reg. jur. 28) Ut tamen is modus solvendi obligationem locum non habeat, si leges positivæ negotium aliquod, semel contractum, indissolubile esse jubeant. Quale hodie ubique inter Christianos esse matrimonium, quod olim apud Romanos bona utriusque gratia impune solvebatur, nemo ignorat.

§. CCCCXIII.

An & alterutrus
perfidia
solvatur
obligatio?

Quia vero mutuo tantum consensu tolli potest bilateralis obligatio: (§. CCCCXII. 27.) 29) unius sane voluntas illam non tollit, adeoque 30) alterutrus partis perfidia non abrumpt obligationem, ceu visum est Grotio de jure belli & pac. III, 19. 14. & Pufendorffio de jure nat. & gent. V, II. 9. Nam 31) & ipse, qui fidem non præstat, obligatus manet, quum se sua voluntate obligatione exsolvere non possit: (per concl. 29.) & alteri jus est, illum ad implendum pactum cogendi; quamvis 32) si hic jure suo uti nolit, *) procul dubio cesset utriusque obligatio, quippe jam utriusque consensu sublata. (§. CCCCXII. 27.)

*) Potest autem id unusquisque, si alter pactum adimplere nolit. Omni enim bilateralis negotio tacita inest conditio, unum præstaturum, quod promiserit, si & alter ex sua parte pacto sit satisfactorius. (§. CCCLXXIX.) Si ergo hic pacto non satisfecit, deficit conditio, a qua suspensa est obligatio: (§. CCCCI.

Cap. XV. *Quibus modis obligationes &c.* 363
 (§. CCCCI. 12.) adeoque & ipsa alterius
 obligatio cessat.

§. CCCCXIV.

Quandoquidem porro qualemcumque pa- Quintus
& sextus
modus ,
lapsus
tempo-
ris , &
defectus
conditio-
nis .
cto circumstantiam addere licet , eæque cir-
cumstantiæ a paciscentibus accurate sunt ob-
servandæ : (§. CCCCI. 51.) facile intelligi-
tur , 33) obligatione ex die concepta , id ,
quod promissum est , non prius , quam ve-
niente die , peti posse : 34) si in diem pro-
missum sit , veniente illo die , obligationem
ipso jure perimi ; *) 35) conditione porro ,
a cujus eventu pacti effectus suspensus est ,
non existente , obligationem ex eadem ratio-
ne tolli , 36) nisi quis ad adimplendam con-
ditionem paratus , ab ipso paciscente , vel
37) a tertio , sine quo adimpleri non potuit ,
sit prohibitus .

*) Itaque denuo fori Romani subtilitates re-
dolet regula jureconsultorum Romanorum ,
ex contractu stricti juris non posse ad tempus
deberi , adeoque obligationem hujusmodi ,
in certam diem conceptam , perpetuari , nisi
quod creditor ultra tempus constitutum ali-
quid petens exceptione doli mali repelli pos-
sit . §. 3. *Inst. de verb. oblig. l. 4. pr. D. de*
serv. l. 44. §. 1. D. de obl. & act. Sunt hæ
tricæ fori Romani , quas si quis in jure na-
turæ quæreret , næ ille mihi magno conatu
maximas nugas agere videretur .

§. CCCCXV.

Sunt porro obligationes , quæ contempla- Septi-
mus .
mors .
tione cujusdam personæ , ejusque qualita-
tum , contrahuntur . Hæ ergo quum ita sint

Q 2

com-

comparatæ , ut vicariam præstationem non admittant . (§. CCCCVII. 5. *) nemo non videt , 38) eas non transire posse ad heredes & successores , adeoque 39) MORTE promittentis exspirare , quale quid in obligatione dispensatorum , mandatariorumque observamus . Non autem 40) hunc modum solvendi obligationem pertinere ad obligationes reliquas , quæ ex bonis possunt adimpleri , 41) quippe quas , tamquam vicariam præstationem admittentes , & ad heredes transferri , æquissimum esse , jam supra demonstravimus . (§. CCCV. 56.)

§. CCCCXVI.

Octavus,
status
mutatio

Eadem est ratio , si contemplatione certi cujusdam status ad aliquid præstandum finis obligati . Perinde enim est , ac si sub conditione , si duret ille status , promissum esset . Quum ergo , deficiente conditione , & obligatio cesset : (§. CCCCIX. 35.) sequitur sane , 42) ut & mutato statu obligatio , in illo statu unice fundata , cesset , adeoque 43) qui administratorio nomine contraxit , finita administratione , non amplius teneatur . *l. ult. D. de instir. alt. l. 26. C. de adm. tut.* Quod tamen 44) de sola obligatione , quæ ex pacto vel lege positiva oritur , non de illa , quam ipsa naturalis ratio hominibus imponit , intelligendum esse , facile intelligitur . *)

*) Sic officia specialia , quæ consul civitati debet , quia ex pacto sunt , cessant , simulac ille consul esse definit . Sed & officia filiifamilias , quatenus ex lege positiva sunt , cessant , simul ac filius patria potestate exiit . Ex eo enim tempore patri non amplius ad-
qui-

Cap. XV. Quibus modis obligationes &c. 365

quirit, nec usumfructum bonorum adventitiorum moribus nostris debet. At officia, quæ liberis ipsa naturalis ratio imponit, veluti obsequium, reverentia, gratus animus, etiam soluta per emancipationem patria potestate, durant, nec parentibus, quorum e manu exceſſerunt liberi, sine injuria denegantur.

§. CCCCXVII.

Quandoquidem porro obligatio cessat, si finis ita sit comparatus, ut obtineri numquam possit: (§. CCCCVI. 2.) fieri non potest, 45) quin is, qui speciem promiserit, illa casu pereunte, liberetur, nisi forte 46) eam æstimato, vel 47) tamquam in solutum promiserit, nec 48) prior obligatio per novationem expresse sublata sit. Præterea quum neminem excuset impossibilitas, qui in culpa vel mora est: (§. CXV. 60.) facile patet, 49) periculum rei, promissæ ferre, qui in mora vel culpa est, adeoque 50) ea omnia, quæ supra de periculo rei venditæ diximus, (§. CCCLIII. seq.) hic esse repetenda.

Nonus,
rei inter-
ritus.

§. CCCCXVIII.

Denique quum & per alium solvere, (§. CCCCVII. 4.) & obligationem alteri remittere, (§. CCCCXI. 23.) & ab ea communi consensu discedere, novamque introducere liceat, quod postremum conventionis genus supra *pactum mixtum* vocavimus: (§. CCCLXXXIX. sequitur, 51) ut quisque alteri priorem obligationem remittere, novamque ejus loco recipere possit, quod negotium NOVATIONEM, &, si de rebus dubiis

Decimus,
novatio
& dele-
gatio.

& litigiosis contrahatur, TRANSACTIONEM vocamus. 52) Ut creditor debitori & ea lege remittere possit debitum, ut pro eo alius, quem ipse idoneum judicat, substituatur: quod speciatim vocant DELEGATIONEM. 53) Ut novationem disertis verbis, vel signis evidentissimis, 54) delegationem vero, simul consentientibus omnibus, qui ad negotium illud concurrunt, fieri oporteat. Ut denique 55) multum intersit inter *delegationem* & *cessionem*, qua creditor actionem adversus debitorem, hoc etiam inscio & invito, in alterum transfert.



LIBER SECUNDUS.

JUS GENTIUM.

CAPUT PRIMUM.

De Statu Hominis Naturali, & Sociali.

§. I.

HActenus JUS NATURÆ, quo singulorum actiones reguntur, expendimus. Proximo est, ut, promissi memores, etiam JUS GENTIUM, ad principia sua revocatum, veluti in nucleo exhibeamus: (Lib. I. §. XXIII.) Quum vero JUS GENTIUM sit ipsum jus naturale, vitæ hominis sociali, negotiisque societatum & integrarum gentium adplicatum: (Lib. I. §. XXI. 44.) illius indolem perspicere sine distincta STATUM & SOCIETATUM notione non posse; facile patet.

§. II.

STATUS generatim est qualitas, per quam res unaquæque limitatur: adeoque qualitates, per quas ipse homo limitatur, recte vocantur STATUS HOMINIS. Quemadmodum vero jam vires animi & corporis ab ipso Deo, hominum conditore, jam actiones eorum liberæ per legem limitantur: ita priorem hominum statum PHYSICUM; *) posteriorem MORALEM adpellamus. Quum itaque jam de jure gentium acturi simus, quod in actionibus liberis dirigendis versatur: nemo non in-

Quid status hominum physicus & moralis?

telliget, statum hominis non *physicum*, sed *moralem*, directe ad nos pertinere.

- *) Sic ex limitationibus illis, ab ipso rerum conditore profectis, est, quod alii sint *masculi*, alii *feminae*, alii *corpus recte formatum*, alii *monstruosum*; alii *validum & robustum*, alii *languidum ac debile*; alii *formosum*, alii *deforme* acceperunt: aliis *ingenium perspicax & ad omnia factum*; aliis *hebes*, ac *ineptissimum*; aliis *pene nullum* contigit. Quæ quidem omnia ad statum hominis *PHYSICUM*, quem *jureconsulti naturalem* vocant, pertinere, res ipsa docet. Contra actiones hominis liberæ per leges aliter limitantur, si quis sit *maritus*, quam si *in calibatu* vivat, aliter, si *parentis*, aliter si *filii familias*, aliter, si *domini*, aliter si *servi* personam gerat. Quare hæc omnia ad statum hominis *MORALEM*, qui *jureconsultis civilis* est, referenda sunt, quamvis paulo latius pateat *status MORALIS*, quam *jureconsultorum civilis*, ad quem tantum *status libertatis, civitatis, & familiæ* referri possent.

§. III.

Quid status naturalis & adventitius? STATUS porro ille *MORALIS*, secundum quem homines quam maxime distinguuntur, vel illis connatus est, vel ab aliquo ejus facto pendet. Prior vocatur *NATURALIS*; posterior *ADVENTITIUS*. Itaque nobis *STATUS NATURALIS* est qualitas vel conditio, homini ab ipsa natura, sine facto ejus, imposita, in qua liberæ ejus actiones, prout id natura illius status exigit, lege naturali limitantur. STATUS contra *ADVENTITIUS* qualitas vel conditio, quam homo sibi facto suo eligit, in qua liberæ ejus actiones, prout id ejus status in-

doles

Cap. 1. De statu homin. natur. & soc. 369
doles & conservatio exigit, lege limitantur. *)

*) Et ex illa limitatione contingit, ut uterque STATUS & jura certa hominibus tribuat, & certa iisdem officia imponat. Sic singularia jura atque officia competunt iis, qui in statu naturali vivunt, alia maritis & uxoribus, alia patribus filiisque familias, alia dominis servisque, alia civibus. Et hinc eodem redit definitio status Pufendorffii de offic. hom. & civ. II, l. I. STATUM in genere esse illam conditionem, in qua homines constituti intelliguntur ad certum genus actionum obeundum, quem etiam peculiaria fere jura comitantur.

§. IV.

Non ergo hic 1) statum NATURALEM opponimus statui brutorum, quæ diversa a brutis natura magis ad statum physicum, quam morale, pertinet: * (§. II.) nec 2) statui naturali repugnanti, qualem sibi statum servorum fingebant jureconsulti: §. 2. Inst. de jure pers. sed 3) statui sociali & civili, quippe quorum utrumque facto suo sibi aliisque imponunt homines, & quorum uterque vere est adventitius. (§. III.) Hic vero qualis fuerit, jam paullo accuratius, adhibita in consilium ratione, erit considerandum, quum unusquisque inde sit perspecturus rationem, cur homines plerique, relicto illo statu naturali, sibi alios, quamvis cum variis molestiis conjunctos, adsciverint.

Naturalis status hic non opponitur statui brutorum, nec contra naturali.

*) Equidem & ex hoc hominum statu, in quo a creatore sunt constituti, dum eos extrema præ ceteris animalia esse voluit, officia

quædam elicit Pufendorff. *ibid.* §. III. veluti quod homo debeat auctorem sui agnoscere, colere, & ipsius opera admirari, ac diversa plane ratione a brutis vitam suam exigere. Quale quid & Simplicio ad *Epiſtet.* Cap. LXXIX. p. 331. in mente venisse videtur, dum precatur Deum, ὑπομνησθῆναι τὸ κατὰ φύσιν ἡμῶν ἔξωθεν παρὰ αὐτῶν * ut recordari se faciat nobilitatis, qua ille nos homines dignatus sit. Sed ad hæc omnia similiaque officia non ideo, quod aliquid eximium præ brutis accepimus, sed ex voluntate Dei O. M. omnis justitiæ fonte (*Lib. I. §. LXII. 2.*) obligamur, ac proinde illa supra ex hoc limpidissimo fonte a nobis jam sunt derivata. (*Lib. I. §. CXXVI. §. CXLIX.*)

§. V.

Est ille
status æ-
qualita-
tis.

Observavimus jam supra, (*Lib. I. §. LXXXVIII. 52.*) omnes homines, quamvis alter altero perfectior imperfectiorque esse possit, natura tamen sibi invicem esse æquales. Et quis, quæso, id in dubium vocet, quum omnes iisdem partibus essentialibus, puta mente & corpore, consent? Ex eo vero sequitur, 4) ut status naturalis sit status æqualitatis, ac proinde 5) eorum, qui in illo vivunt, nemo altero vel superior sit, vel inferior, &, quod consequi inde necesse est, 6) nec imperio, nec subjectioni 7) immo nec ulli dignitatum discrimini in illo locus sit: adeoque recte scripserit Ulpianus: *Quod ad jus naturale attinet, omnes homines æquales sunt.* l. 32. D. de reg. jur. Addantur l. 4. D. de just. & jur. l. 12. §. 3. D. de accusat. l. 64. D. de condiſt. indeb. *)

*) Mu-

*) Mutuatos hæc jureconsultos esse a Stoicis , observat Merillius *Obserr.* I, 15. Et passim sane similes Stoicorum sententiæ exstant apud Arrian. *diff. Epictet.* I, 13. & Senecam *Epist.* XLVII. & de *benef.* III, 22. quas ipse laudavit Merillius . Enimvero commune potius omnibus philosophis & poetis fuit hoc principium , quod non potuerunt non adoptare , quicumque naturam hominis paulo attentius sunt contemplati . Huc sane pertinet illud Euripidis in *Hecuba* v. 291.

Νόμος δ' ἐν ὅμιν τοῖς τ' ἐλευθέροις ἴσος

Καὶ τοῖσι δούλοις αἵματος κείταί περὶ.

Lex enim vobis & liberis æqua

Et de servili sanguine natis lata est.

nec non fragmentum Varronis apud Nonium Marcell. II, 98. *Natura in humanis omnia sunt paria* : ut alia aliorum ejusdem sententiæ testimonia nunc prætermittamus, quorum sane complura hic accumulare liceret, si jam id ageremus.

§. VI.

Quumque in statu naturali, ut inter æqua- Itemque
les, nec imperio, nec subjectioni locus sit : liberta-
(§. V. 6.) consequens est, 8) ut status na- tis.
turalis sit status libertatis, *) in eoque 9)
nec subjectioni politicæ, nec, quæ jure gen-
tium introducta est, servituti locus fuerit .
10) Ut in eo statu exsulare oporteat leges
positivas humanas, itemque 11) magistra-
tus, 12) poenas, & 13) quidquid sine al-
terius præ altero prærogativa potestateve in-
telligi non potest.

*) LIBERTAS nobis est facultas omnia agen-
di suo arbitrio, & in suam utilitatem . Ea
vel POLITICA seu CIVILIS est, quando quis
suse-

superiorem non agnoscit, cujus arbitrio, & in cujus utilitatem quid agere vel omittere teneatur: vel JURIS GENTIUM, quæ gaudent, qui in nullius domini potestate sunt, nec ejus arbitrio & in ejusdem utilitatem omnia agere coguntur. Priori ergo libertati, quam politicam vocavimus, SUBJECTIO; posteriori, quam juris gentium esse diximus, SERVITUS opponitur. Addidit illustris Thomafius in *Not. ad Inst. pag. 13.* tertiam libertatis speciem, puta NATURALEM, quæ §. 2. *Inst. de jure pers.* definitur. Sed quum ea, ipso faciente viro doctissimo, oppositum non habeat, & magis ad statum hominis physicum, quam moralem referenda sit: ejus hic nulla habenda erit ratio.

§. VII.

Quia vero in statu illo & leges positivas humanas, & magistratus, & poenas, ideo exulare oportebat, quod omnes homines essent inter se æquales, (§. VI. 10. sequ.) ea vero ratio non cadit in jus illud sempiternum, ab ipso Deo immortali constitutum: satis patet, 14) hominum actiones & in statu naturali lege naturali regi, 15) eosque, qui in illo vivunt, non minus, quam nos, qui status adventitios adscivimus, ad Deum colendum, eique obtemperandum, 16) ad se ipsos amandos, conservandos, perficiendos, 17) alios denique homines, tamquam se ipsos, diligendos, 18) neminem lædendum, 19) suum cuique tribuendum, quin & 19) ad omnia humanitatis ac beneficentiæ officia aliis præstanda, esse obligatos.*)

*) Habes hic præcipuum argumentum, quo jam supra hypothesein Pufendorffii de societate,

In eo tamen vi- gere oportuit jus natu- ræ.

tate, juris naturalis fonte ac scaturigine, profligavimus. (Lib. I. §. LXXV. 27.) Ponit vir doctus, jus naturæ esse ex custodia socialitatis, ad societatem vero homines ipsa necessitate esse impulsos. At officia erga Deum & seipsum præstare tenebatur homo etiam si solus in hac terrarum orbe viveret: aliis quoque hominibus obligatus erat ad omnia officia justitiæ, humanitatis, & beneficentiæ præstanda, etiam si cum his nullo societatis vinculo fuisset conjunctus, sed quisque suas sibi res seorsum habuisset. Quo ergo colore vir doctus ex societate repetere potuit jus, quod maximam partem & sine statu sociali inter homines locum fuisset habiturum?

§. IX.

Ex quo simul intelligitur, 20) quam absurde HOBBSIUS omne jus ex pacto deriveret, ac proinde 21) hominibus in statu naturali viventibus jus in omnes & omnia tribuat, vel, 22) quod perinde est, omne jus naturæ ex statu naturali veluti proscribat & in exilium agat: (Lib. I. §. LXXIII.) & 23) non minus rationem fugere scriptores Veteres, dum talem sibi finxerunt statum naturalem, in quo viventes homines parum discreparint a brutis, quippe nullo juris vinculo inter se colligati. *)

Ac proinde in eo statu non fuit jus omnibus in omnes, nec iste status fecit ex hominibus brutum.

*) Ita statum naturalem describit Cicero pro P. Sextio cap. XLII. *Quis vestrum ignorat, ita naturam rerum tulisse, ut quodam tempore homines nondum neque NATURALI, neque civili JURE descripto, fusi per agros ac dispersi vagarentur, tantumque haberent, quantum manu ac viribus per eadem ac vulnera eripere aut retinere potuissent? Atque inter hanc*

vitam, perpolitam humanitate, & illam immanem, nihil tamen interest, quam jus atque vis. Et Horat. Serm. I, 3. v. 99. seq.

*Quum processissent primis animalia terris
Mutuum & turpe pecus: glandem atque cubilia propter*

*Unguibus & pugnis, dein fustibus, atque
ita porro*

*Pugnabant armis, quæ post fabricaverat
usus.*

Donec verba, quibus voces sensusque notarent,

*Nominaque invenere, dehinc absistere bello,
Oppida caperunt munire, & condere LEGES,
Ne quis fur esset, neu latro, neu quis
adulter.*

Similia passim habent veteres, quæ operose collegit Pufendorff. *de jur. nat. & gent. II, 2. 2.* Sed fictio hæc est, & quidem parum verosimilis. Quamvis enim facile largiamur, in statu illo naturali valde obbrutescere potuisse humanum genus, idque in integris gentibus & hodie fieri animadvertamus, & olim factum esse, memoriæ prodiderint scriptores, veluti de Hunnis Ammianus Marcellin. *Hist. XXXI, 2.* inde tamen non sequitur, ut in statu naturali juris naturæ cognitio & obligatio plane nulla fuerit.

§. X.

In status
naturali
omnibus
est jus
belli.

Quumque, ubi acriora legum vincula, magistratuum potestas, & poenæ exsulant, quod in statu naturali fieri diximus, (§. VI. 10. sequ.) ibi & oppressis nullum, nisi in seipsis, præsidium esse possit: consequens est, 24) ut in statu naturali cu vis sit jus, omnem vim atque injuriam vi propulsandi, 25) idque, quod alter jure perfecto debebat, vi extor-

extorquendi: non autem 26) alterum cogendi ad officia humanitatis ac beneficentiæ præstanda, * (Lib. I. §. LXXXIV. 47. nisi 27) vel hic se ad ea præstanda pacto ultro obstrinxisset, (Lib. I. §. CCCLXXXVI. 2.) vel 28) extrema necessitas aliquem adegisset, ut res alienas contrectaret, easque in suos usus converteret, (Lib. I. §. CLXX. 75.) 29) maxime si talia essent officia, quæ ab altero, nisi inhumanissimus fuisset, sine aliquo detrimento suo potuissent præstari. (Lib. I. §. CCVL. 4. sequ.)

*) Non ergo excusari potuisset vis Davidis, quam minabatur Nabali, officia beneficentiæ sibi deneganti, si vel maxime ille in statu naturali vixisset. *I. Sam. XXV, 21. 22.* Non enim aliunde obligatus erat Nabal, quantumvis stolidissimus, ad comitatum Davidi gratis submitendum, quam ex lege gratitudinis. Ad eam vero cogi neminem posse, jam supra observavimus, nisi ingratitudo sit prægnans & cum injuria conjuncta. (Lib. I. §. CCXXVII. 42. *) Extrema vero necessitas vim quidem excusasset, non autem vindictam, quam anhelabat Davides, quum Nabal nondum ei, comitatum auferenti, restitisset, sed tantum eum denegasset perenti, quod eum jure suo facere potuisse, maxime de justitia causæ non omnino convictum, nemo non intelligit.

§. XI.

Quum denique & in statu naturali ad officia humanitatis ac beneficentiæ cogi nemo posset, adeoque ei opus esset pactis, qui certus de illorum præstatione esse veller: Præcipue vero in hoc statu pactis opus erat.

(§. X.

(§. X. 26. sequ.) sequitur, 30) ut & in statu illo omnia, quæ tum de officio paciscendum, tum de jure commercii & de contractibus diximus, locum habuerint, vel habere saltim potuerint: quin 31) sæpe homines & illa, quæ jure perfecto deberentur, pactis intervenientibus, a debitoribus sibi stipulari debuerint, adeoque 32) nullum fortius fuerit vinculum, quo homines in isto statu continerentur, quam pactorum religio, 33) eoque laxato ruptove, statim labasci ac rumpi oportuerit amicitiam.

§. XII.

Aut tanta
sit hujus
status
miseria,
quanta
vulgo ja-
ctatus?

Quibus positis, facile intelligitur, 34) quantumvis ab Hobbesio, ipsoque Pufendorfio, hic status, tamquam miserrimus depingatur, pleraque tamen, quæ in illo desiderant, ac horrent, non tam ipsi statui, quam hominum malitiæ esse tribuenda: 35) ob quædam etiam perperam reprehendi hunc statum, veluti ob solitudinem, inopiam, famis, frigorisque periculum, ruditatem, virium propriarum imbecillitatem, ac bella inter homines perpetua, quum 36) ea omnia in statu naturali non minus, quam in civili, potuissent evitari, si homines rectam rationem sequi voluissent, *) & 37) in statu civili æque difficulter, ac in naturali evitentur, si homines rationem sequi nolint. Titius *Obs. ad Pufend. de offic. hom. & civ. II. 1. 9.*

*) *Solitudo* enim non concipi potest, nisi inter paucos & brevi tempore. *Inopia, fames, frigus* non magis premere potuerunt homines in statu naturali, quam in civili, quum
nihil

nihil obstitit, quo minus & res necessarias occuparent, & commercia æque commode, ac in civitatibus, instituerent, & nondum nota esset illa dignitatum inæqualitas, quæ luxuriam, matrem inopiæ, peperit. Ruditati ac ignorantiae medemur per culturam rectæ rationis. Cur vero rationem non æque excolere potuissent homines, in statu naturali, quam in civili, viventes? At plerumque candor vitæque simplicitas pro barbarie; adfectatum elegantiae studium pro cultiore vita venditur. Præterea quum & hodie virium propriarum imbecillitati non aliter medeamur, quam per pacta & fœdera: quidni idem in statu naturali fieri potuisset? Denique si bellum inter status naturalis incommoda referendum est: nihil sane præcipuum habebit status civilis, quippe quo factum est, ut quum olim singuli cum paucorum periculo vires inter se periclitarentur, hodie integræ gentes cum myriadum interitu in se invicem sæviant. Eat nunc aliquis, & statum naturalem civili deteriorem esse, dicat, quum hic iisdem, quibus ille; ille pæne non iisdem, quibus hic, incommodis fuerit obnoxius.

§. XIII.

Itaque non eximia quædam status naturalis miseria, (§. XII.) sed partim spes majoris securitatis commoditatisque, partim ipsa hominum malitia effecit, ut in societates coalescerent: ceu paulo post erit dicendi locus. Quumque in statu naturali non fortius sit vinculum, quo homines contineantur, quam pacta & conventiones: (§. XI. 32.) consequens est, 38.) ut pactis vel conven-

Quamobrem homines illi paulatim statum socialem præstulerint?

tionibus constitutæ sint societates. Quumque pauciores facilius, quam multi, in unum placitum consentire soleant: 39) in societates primum simpliciores, deinde & in magis compositas, paulatim coaluisse homines, opinabile est. *)

*) Idque & ipsa historia sacra satis confirmat. Primum enim Adamum & Evam in societatem matrimonialem, omnium simplicissimam, coisse, notum est ex *Gen. II, 22.* Inde mox nati liberi, *Genes. IV, 1. 2.* adeoque exorta est nova societas, paulo magis composita, inter parentes & liberos: Servi tum concipi non possunt, nisi dixeris, protoplastos ipsos liberos vel nepotes suos in servitutem redegisse. Immo quum Noachus tantum cum uxore, filiis & nuribus servatus in arca legatur: *Genes. VI, 18.* probabile sane est, tunc temporis saltem pios nondum familias servorum aluisse: quum contra de Caini posteris ob locum *Genes. VI, 4.* dubitari vix possit, quin homines alios oppreserint, & in servitutem redegerint. Denique & civitatis, societatis omnium maxime compositæ, vestigium jam *Genes. IV, 17.* reperimus. Ut adeo certissimum videatur a societatibus simplicissimis progressum paulatim factum esse ad magis compositas, & ab his ad maxime compositam, quæ civitatis vel reip. nomine venire solet.

§. XIV.

Quid societas, & status socialis,

Et hic quidem per SOCIETATEM intelligimus consensum duorum pluriumve in eundem finem; eademque media, quæ ad finem illum obtinendum sunt necessaria. Quamdiu

liu ergo ille consensus durat, tamdiu durat
ocietas: simul ac ii, qui antea in eundem
inem eademque media consenserant, suum
quisque finem intendit, soluta censetur illa
ocietas, & res quisque suas sibi habere in-
cipit. *) Unde & STATUS, in quo duran-
te societate vivunt homines, SOCIALIS voca-
ri solet.

*) Quod non ita accipi velimus, ac si unius
dissensu statim & pactum, quo inita est socie-
tas, irritum sit, quod supra jam refellimus:
(§. CCCLXXXII. 217.) sed quod iste a
reliquis non amplius, tanquam socius possit
considerari, qui cum reliquis nec in eundem
finem, nec in eadem media conspirat, eum-
que animum suum signis luculentis testatur.
Hinc manet quidem reliquis ex illa conven-
tione jus, alterum ad servanda promissa ad-
implendasque leges conventionis, vel, si id
fieri non possit, ad resarciendum damnum,
præstandumque, quod interest, adigendi: ac
is non potest socius amplius dici, cui non
amplius competit socii definitio, ex quo vin-
culum illud, quod socios continet, tam ne-
farie abruptum.

§. XV.

Quandoquidem ergo quælibet societas ad
certum finem tendit, (§. XIV.) fines vero
diversissimi sunt: sequitur profecto, 40) ut
& societatum esse possint diversissima gene-
ra, adeoque, 41) si finis justus licitusque
sit, etiam societas JUSTA & LICITA; sin ille
injustus ac illicitus, hæc quoque INJUSTA
& ILLICITA merito habeatur: (Lib. I. §.
CCCXCVIII. 38.) ac proinde turpissimæ
sunt societates latronum, piratarum, darda-
nario-

Societas
tes ratio-
ne suis
diversif-
simæ.

nariorum, & similes. 47) Ut societates omnes finibus discernantur, *) quumque ex fine de mediis judicandum sit, 43) jura officiaque sociorum ex ipso societatis fine merito sint aestimanda.

*) Sic vidimus supra contractum societatis, cujus finis erat commune lucrum. (Lib. I. §. CCCLXXIX.) Alius vero est finis societatis matrimonialis, alius parentum & liberorum, alius dominorum & servorum, alius denique maxime illius societatis civilis, quam vocamus rempublicam. Quot ergo sunt fines, totidem diversas societatis, & quot societates, totidem fines esse oportet. Huc pertinet insignis locus, quo Aristoteles auspicatur opus *Politicum* I. 1. *Ἐπειδὴ πᾶσαι κοινωνίαι ὁμῶς ἀγαθὲ τινα βίαιον αἰσχυρίαι, τὸ γὰρ εἶναι δακνόντος ἀγαθὲ χάρις πάντα πράττειν καί τι, δῆλον, οἷς πᾶσαι μὲν ἀγαθὲ τινα συχάζονται.* Quia omnem communionem boni alicujus causa constitutam, videmus: (ejus enim, quod videtur bonum esse, gratia omnes omnia agunt,) perspicuum est, omnes bonum aliquod propositum habere.

§. XVI.

Itemque rationem consensu vel ultroneæ, vel coactæ. Quumque sine consensu non intelligatur societas: (§. XIV.) hic vero vel sit ultroneus, vel vi extortus, quem coactum adpellamus, & rati habitatione convalescere posse, supra ostendimus: (Lib. I. §. CCCXLV. 29.) consequens est, 44) ut & societatum alia sint ULTRONEÆ, alia COACTÆ, nec 45) has ideo statim injustas dicendas esse, quod earum origo vitiosa fuerit, si postea ii, qui coacti societati dederunt nomen, expresse vel tacite

Cap. I. De statu homin. natur. & soc. 381
e (Lib. I. §. CCCLXXXI. 10.) rem ratam
buerint. *)

) Sic rata inter Romanos & Sabinas, inter-
que Benjamins & Siloitarum filios *Judic.*
XXI, 21. sequ. erat societas matrimonialis,
quamvis initium ejusdem ob vim injustam
esset vitiosum, quia postea ipsæ raptæ rem
ratam habuerunt, neque dirimi voluerunt,
male licet conciliata matrimonia. *Dionys.*
Halicarn. Antiq. Rom. Lib. II. p. 110. Sic &
coacta plerumque inter dominos & mancipia,
bello capta, erat societas: & tamen aliquan-
do dominorum humanitas & mansuetudo ef-
ficiebat, ut non inviti servirent, idque serio
dicerent, quod apud *Plautum Cap. II. v. 21.*
aliquis dolose ait:

*Quamquam non fuit multum molesta servitus:
Nec mihi secus erat, quam si essem familia-
ris filius.*

Conf. Exod. XXI, 5.

§. XVII.

Præterea quum consensus alius sit expres-
sus, alius tacitus, qui ex facto colligitur, qua-
lis est etiam patientia: (*Lib. I. §. CCCXCI.*
10.) sequitur, 46) ut & societates vel ex-
PRESSO, vel TACITO, consensu ineantur, &
47) perinde sit, ac si consensissent, qui post-
ea cum aliis in societate vivunt, ad eum-
dem finem consilia cogitationesque suas con-
ferunt, mediis quoque iidem, ac alii, ad
finem illum adsequendum necessariis, utun-
tur. Quin, quum aliquando ex ipsa rei na-
tura, alterum consensisse judicemus: (*Lib. I.*
§. CCCXCI. 11) 48) etiam ex PRESUMPTO
consensu aliquando nasci societatem, satis
intelligitur. *)

Eadem
consensu
vel ex-
presso,
vel taci-
to, vel
presump-
to, con-
stituitur.

*) Ta-

*) Talis est societas inter parentes & liberos. Tantum enim abest, ut hi diserte consenserint in hanc societatem, eo tempore, quo in illam pervenerunt, ut tum ne consentire quidem potuerint. Et quamvis postea rei paulo intelligentiores, consentire possent, si vellent: tantum tamen abest, ut omnes hunc consensum verbis factisve testentur, ut plures dissentiant, frænæque mordere non dubitent. Nihilominus tamen ideo non dirimitur societas, quia ipsa liberorum educatio hanc societatem requirit, præsumiturque, liberos non nolle posse cum parentibus in societate vivere, sine qua ipsi nec conservari, nec commode educari possent.

§. XVIII.

Aliz por-
ro sim-
plices,
aliz con-
positæ.

Aliquando contingit, ut non solum singuli homines, sed & totæ societates eundem finem intendant, eademque media sibi ad adsequendum communem finem necessaria esse, intelligant. Quum ergo consensus in communem finem, eademque media sit societas: (§. XIV.) consequens est, 49) ut non modo singuli, sed & integræ societates, in societatem coire possint, adeoque 50) societates sint vel SIMPLICES, quas homines singuli, vel COMPOSITÆ, quas societates simpliciores ineunt, quæ tunc tanquam socii considerantur. Quin 51) ex eadem ratione patet, societates etiam jam tum compositas coalescere posse in majores, & maxime compositas, atque 52) ita fieri, ut societates quædam ex multis hominum non millibus sed myriadibus, consistent. *)

*) Il-

Illustrat hæc omnia experientia. Simpli-
 simæ societates sunt conjugum, parentum
 liberorum, dominorum & servorum. Ex
 s. societatibus omnibus, inter se consocia-
 s, nascitur societas composita major, quam
 vocamus FAMILIAM. Ex multis familiis con-
 ciatis PAGI, VICI, URBES; ex pluribus pa-
 s, vicis, urbibus integræ CIVITATES vel
 REPUBLICÆ; ex pluribus rebus publicis sy-
 EMATA CIVITATUM vel respublicæ Achaicæ
 sistunt. Vide Cicer. de offic. I, 17. Nimi-
 m si minores simplicioresque societates non
 efficiunt fini adsequendo, ex plurium con-
 ciatione majores & magis compositas nasci,
 cesse est. Hinc bene observat Justinus Hist.

I. inito. intra suam cuique patriam regna-
 ita esse, idemque testantur exempla Cha-
 næorum, Phœnicum, Græcorum, Gallo-
 m, Germanorum, Britannorum, quorum
 ovincias olim in plurima regna, pluresque
 vitates, scissas fuisse, ex Genes. XIV, 1. Jos.
 II, 7. Jud. I, 7. Strabone Geogr. XVI. p. 519.
 isque scriptoribus constat. Sed paulatim
 res civitates, vi oppressæ, majorem cum
 is civitatem constituere cœperant: aliæ,
 minente a vicinis periculo, fœdere junctæ
 systema aliquod rerumpublicarum majus
 aluerunt. Ita Amphictyonum concordia
 dorum potentiam concussit, & Achajæ
 , alioquin satis exiguæ, solo sociorum
 sensu valuerunt. Vid. Jo. Henr. Boecler.
 concilio Amphictyonum.

§. XIX.

enique qui in unum finem eademque Aliæ de-
 a consentiunt, vel æquales sunt, vel nique æ-
 uales. 53. Illi tamquam pares media, quales;
 communem finem adsequendum necessa- aliz in-
 ria, æquales.

ria, communi consensu inveniunt, adeoque
 54) inde nascitur societas *ÆQUALIS*: In his
 55) uni pluribusve id negotii datur, ut de
 fine mediisque, ad finem adsequendum ne-
 cessariis, soli dispiciant, & tunc 56) ea so-
 cietas est *INEQUALIS*, quam & *RECTORIAM*
 vocant. Res ipsa autem & ingenii humani
 indoles unumquemque convincet, 57) quo
 major est societas, eo minus fieri posse, ut
 tanta sociorum multitudo media necessaria
 communi consensu & suffragio inveniat, ad-
 eoque, 58) quo major est societas, eo ma-
 gis eam esse debere rectoriam ac inæqua-
 lem. *)

*) Hinc experientia docet, quo majora sunt
 imperia, eo minus juxta illa consistere liber-
 tatem, & gliscente nimis imperio, prolatif-
 que civitatis finibus, sæpe ipsam necessitatem
 subigere homines, libertatis alioquin amantif-
 simos, ut adductius regi se patiantur. In ma-
 gna enim, at libera & æquali societate, quia
 pars major meliorem vincit, non possunt non
 sæpe prava consilia capi; fieri etiam vix pot-
 est, ut non procax libertas civitatem mi-
 sceat, sociique in plures factiones distrahan-
 tur. Tunc vero *discordantis patriæ* plerumque
non aliud remedium est, quam ut ab uno re-
gatur, ceu de republica Romana, jam ab
 Augusto occupata, judicabant prudentiores
 apud Tacit. *Annal. I, 9.*

§. XX.

Omnis societas est una persona moralis. Ceterum cujuscunque generis sit socie-
 tas, ex ipsa definitione patet, eam ad ad-
 sequendum eundem finem, eademque adhi-
 benda media, esse comparatam. (§. XIV.)
 Quum

Quum vero consentire in eundem finem , eademque media non possint , nisi qui idem volunt , nec idem velle possint , nisi qui finem bonum , mediaque fini accommodata esse , intelligunt : (Lib. I. §. XXXII. 8.) consequens est , 59) ut singularum societatum concipienda sit una voluntas , unusque intellectus , adeoque 60) singulæ veluti unam personam , quam ad differentiam supposito- rum physicorum *moralem* vocamus , consti- tuant. *)

*) Sic Cicero *de Offic. I.* 17. observat , per omnem amicitiam , adeoque & societatem , ex pluribus fieri unum , idque ideo , quod omnes unum & idem sentiant . Add. *Casi- lin. IV.* 7. At luculentissime Apulejus *de habit. doct. Plat. Tib. II.* p. 25. *Civitatem* esse , ait , conjunctionem inter se hominum plu- rimorum , in quibus sint regentes alii , alii deteriores , conjuncti inter se concordia , atque inde sibi opem atque auxilium deferentes , iisdem legibus , rectis tamen officia sua tem- perantes , unamque civitatem iisdem moribus illam futuram , & EADEM VELLE atque EA- DEM NOLLE incolarum mentes adsueverunt . Ceterum naturam personæ moralis discas ex Senecæ *Epist. CII.* itemque ex l. 30. *D. de usurpat. & usucap.*

§. XXI.

Si vero unaquaque civitas veluti unam personam constituit : (§. XX. 60.) consequens est , 61) ut & iisdem legibus , ac homines singuli , vel personæ physicæ , regantur , *) adeoque 62) officia omnia , quæ jus naturæ hominibus singulis præscribit , a societatibus

Ergo ea- dem so- cietatum jura & obliga- tiones sunt , ac singulo- rum ho- minum .

Hein. de Jur. Nat. & Gent. R quo-

quoque , tum majoribus , tum minoribus , religiose sint observanda. 63) Ut contra , quæ personis singulis competunt , jura etiam societatibus competant , & socii res juraque , quæ ad societatem pertinent , communia habeant ; immo 64) & adfectiones personarum & corporum non incommode tribuantur societatibus , adeoque 65) illæ eleganti satis metaphora & VIVERE , & ÆGROTARE , immo & MORI & INTERIRE dicantur . Vid. Koehler. *Spec. jur. gent. I. §. XX. sequ.*

*) Hoc ipso confirmatur , quod jam supra ostendimus , JUS GENTIUM nihil aliud esse , quam ipsum jus naturæ vitæ hominis sociali , negotiisque societatum & integratum gentium applicatum . (Lib. I. §. XXI. 44.) Et recte jus gentium *jus naturale societatum* vocat laudatus Koehler. *ibid.* §. XXIV. Ex quo simul patet , quam male ii-subducant rationes , qui societates majores , veluti imperia & resp. ab obligatione juris naturalis veluti absolvunt , omniaque justa putant imperantibus , quæ illis vel resp. conducant . Unde merito execrandum illud Cæsaris apud Ciceronem *de offic. III, 21.*

Si violandum est jus , regnandi gratia

Violandum est , aliis rebus pietatem colas .

Plura de pestilentissimo hoc pseudopolitico-
rum principio dixit Herr. *Polit. pad. §. XIII.*
p. 22. seq.

§. XXII.

Sociorum
obligatio
ratione
societa-
tis , & so-
cietatis

Ex eodem principio merito colligimus ,
65) unumquemque socium obligatum esse
ad actiones suas communi societatis fini at-
temperandas , adeoque 66) illum injuriam
face-

facere sociis-, qui ex eorum incommodo fructum capit, vel 67) aliquid agit, quod finis societatis adversatur, vel 68) reliquos socios lædit, ac proinde nec injuriam illi fieri, si & ad resarciendum damnum, & 69) ad officia socii in posterum accuratius observanda, malo quodam passionis, quod prænam vocant, adigatur, (Lib. I. §. CCXL. 120.) Denique 70) non posse vitio verti socio, si vel socium, tam male conciliatum, a se segreget, vel 71) ipse excedat societate, in qua nec finis communis, nec mediorum, ad hunc finem necessariorum, ratio habetur.

§. XXIII.

Denique ex eodem principio patet, 72) societatem quidem NEMINEM LÆDERE, & 73) suum cuique TRIBUERE; non tamen 74) alterius privati, vel alterius societatis, utilitatem suæ antepondere debere. Quum enim quælibet societas unam personam moralem constituat, (§. XX. 60.) eique idem jus, quod singulis personis physicis competat, (§. XXI. 63.) nulla autem persona physica alteram magis, quam seipsam amare, (Lib. I. §. XCIV. 65.) vel ei officia humanitatis, quæ sibi, vel amicis, noxia futura sint, præstare teneatur: (Lib. I. §. CCXVIII. 13.) etiam societas alteri hujusmodi officia cum detrimento suo præstare, vel utilitatem alienam propriæ antepondere, non tenetur. *)

ius ratio-
ne socie-
rum,

Ratione
aliorum.

*) Ita inhumanos non dixeris unius societatis mercatoriae contribules, si alteri societati, vel privato, monopolium concedere nolint. Id enim cum manifesto totius societatis suæ detrimento esset conjunctum.

Nec quisquam justum piumque bellum gef-
fisse dixerit Cimbros, Teutones, Helvetios,
qui novas quæsituri sedes, quasi jure quodam
suo postulabant, ut Romani illis loco cede-
rent, certosque terræ tractus, quos ipsi oc-
cuparent, adsignarent. Id enim sine maxi-
mo propriæ reip. detrimento illis concedere
non poterant Romani. *Quas enim terras da-
ret populus, agrariis legibus intra se dimica-
turus?* inquit Florus III, 3. Et Tencteris at-
que Uispetibus, similia petentibus, recte
respondit Cæsar: *Nullos in Gallia vacare
agros, qui dari tantæ præsertim multitudinis
sine injuria possint.* Cæsar de bello Gall. IV, 8.

§. XXIV.

Ratione
societa-
tum ma-
jorum.

Similiter demonstrari potest, 75) in com-
positis societatibus minorum utilitatem majo-
rum fini non repugnare, immo eandem ce-
dere debere utilitati majorum. Quia enim
minores societates tunc considerantur tam-
quam singuli focii, (§. XVII. 50.) focii ve-
ro singuli in unum eundemque finem com-
munem eademque media consentire, (§.
XIV.) nec propriam utilitatem fini commu-
ni societatis anteponeere tenentur: (§. XXII.
66.) etiam minores societates, quæ in ma-
jorem, magisque compositam societatem coa-
luerunt, nihil, quod majori illi societati ma-
nifesto refragetur, agere, salva justitia, pos-
sunt. *)

*) Sic familiæ non parum prodesse immu-
nitas a tributis & muneribus quibuscumque
personalibus. At quia hæc utilitas societa-
tis simplicioris cum detrimento majoris,
puta reipublicæ, esset conjuncta: nemo hu-
jus

si rectores dixerit injuriam facere familiae ; si immunitatem flagitanti repulsam det: quum contra reprehensionem prudentum procul dubio incurrant principes & magistratus , qui singulis hominibus familiisve consulturi , nervos reip. incidere non dubitant . Hinc quum Nero dubitaret , an cuncta vestigalia omitti juberet , idque pulcherrimum donum generi mortalium daret : *impetum ejus attinuere senatores* , DISSOLUTIONEM IMPERII dicendo , *fructus* , quibus respublica sustineretur , *diminuerentur* . Tacit. *Annal.* XIII, 50.

§. XXV.

Postremo quum in societatibus sociorum De officiis sociorum axiomata generalia officia ex ipso cujusque societatis aestimanda sint , (§. XV. 43.) satis patet , esse hanc veluti omnium legum , quibus societates continentur , summam : AD OMNIA EA AGENDA OBSTRICITOS ESSE SOCIOS , QUIBUS FINIS , QUEM SOCIETAS INTENDIT , PERSEQUI NEQUEAT : CONTRA 77) EA OMNIA , QUAE FINI SOCIETATIS ADVERSENTUR , OMITTENDAE : adeoque 78) recte dici , societatis esseque salutem supremam sociorum legem debere .

C A P U T II.

officiis societatis conjugalis observandis .

§. XXVI.

Elle Deum , ut genus humanum propagetur , eorumque numerus , qui quod Conjugalium est societas licita R 4 tidie

& simpli-
cissima.

ridie debitum naturæ reddunt, nova prole
suppleatur, *) vel inde patet, quod alias
finis, quem ille in producendo genere hu-
mano intendit, non obtineretur. (Lib. I. §.
LXXVII. 31.) Qui ergo illum finem ob ocu-
los habent, finem bonum intendunt, simul-
que media, per quæ ille finis obtineri po-
test, adhibere tenentur. Quum vero obti-
neri finis ille non possit, nisi masculus &
femina in concubitum consentiant: conse-
quens est, 1) ut conjugium sit societas,
(§. XIV.) eaque, 2) quia ad finem bonum
& Deo gratum comparata est, licita & ho-
nesta, (§. XV. 41.) & 3) quia ex paucif-
simis hominibus diversi sexus constat, sim-
plicissima dicenda sit. (§. XVIII. 50.)

*) Hinc Græci societatem conjugalem recte
vocarunt ἡ συγγενεὶς αἰχμή τοῦ ἀνδρὸς καὶ γυναικὸς, exor-
dialem reliquarum societatum, & quasi quod-
dam generis humani seminarium, quia sine
ea genus humanum fuisset unius ætatis, uti
de populo Romano ab uxoribus destituto lo-
quitur Florus *Hist. I, 1.* Rem plane φιλοσοφικῶς
expressit Seneca tragicædus in *Hippolyto* v. 466.

*Providit ille maximus mundi parens,
Quum tam rapaces cerneret fati manus,
Ut damna semper sobole repararet nova.
Excedat, agetum, rebus humanis Venus,
Quæ supplet ac restituit exhaustum genus:
Orbis jacebit squallido turpis situs.*

Et paucis interiectis v. 478.

*Celibem vitam probet
Sterilis juvenis: hoc erit, quidquid videt,
Unius ævi turba, & in semet ruet.*

§. XXVII.

Quum tamen finis Dei, tamquam aucto-
ris

Fius finis
modo

s humani generis , non solum in eo consistat , ut homines existant , sed & ut vera felicitatis sint participes : (Lib. I. §. LXXVII. 1.) sequitur , 4) ut non solum procreantur , sed & ita educanda sit soboles , ne possit in inutilia terræ pondera , quam in idonea membra humani generis , adolescat . Quumque officium istud educandi sobolem uni incumbere possit , quam parentibus , quibus ipse Deus ideo tenerrimum ejus amoris impressit : *) merito inde colligimus , 5) eos non modo procreationem sobolis , sed etiam commodam ejusdem educationem , tamquam finem matrimonii , sibi ob oculos ponere debere , adeoque 6) genuinum conjugii finem esse PROCREATIONEM COMMUNIQUE EDUCATIONEM SOBOLIS .

procreatio, sed & educatio sobolis .

7) Adeo ipse naturalis stimulus parentes ad liberorum suorum educationem hortatur , observante Justiniano l. un. §. 5. C. de rei uxor. act. immo non homines tantum , sed & ipsa bruta animalia , quæ curam fœtus non abjungere , prius animadvertimus , quam ipse vitium quærere , seque adversus aliorum animalium injurias defendere possit . Quum ergo Deus , tamquam ens sapientissimus , nihil omnino frustra faciat , & hic instinctus quem in hominibus brutisque deprehendimus , non alium finem habere possit , quam ut illo parentes ad educandam curandamque sobolem impellantur : illam curam nobis demandare voluisse Deum , tam certum est , quam quod certissimum . Recte ergo Euripides in Medea v. 1098 ,

Οἷσι δὲ τέκνων ἔστιν ἐν οἴκῳ,
Γλυκερὸν βλάστημ', ἰσομή μελέτη

κατατροχοῦμεν τὸν ἅπαντα χρόνον .

Πρῶτον μὲν , ὅπως θρίψωσι καλῶς ,

Βίτον θ' ὑπὸ θῆν λείψαι τέκνους .

Sed quibus in ædibus est liberorum

Dulce germen , eos , video , curis

Confici omni tempore :

Primum quidem quo pacto illos bene educant ,

Et unde victum relinquant liberis .

§. XXVIII.

Definitio
conjugii,
de eoque
axioma-
ta.

Itaque CONJUGIUM est societas simplex personarum diversi sexus , procreandæ educandæque sobolis causa inita . Ex eaque definitione patet , 7) nuptias contrahi non posse sine personarum utriusque sexus consensu . (§. XIV.) 8) Ad ea omnia obstructos esse conjuges , sine quibus procreatio commodaque educatio soboli obtineri nequit , * 9) eaque omnia omittenda , quæ huic conjugii fini adversantur . (§. XXV. 76. 77.)

*) Sane enim aliquando fatius esset , non procreare liberos , quam procreatos male educare . Leve hoc generis humani dispendium est , si non omnibus annis idem sit proventus hominum . At maximum sæpe detrimentum illud capit ex uno vel altero homine , nato in generis sui dedecus , quia institutione bona , commodaque educatione caruit . Quam infelix fuit humanum genus , quod uno Nerone fuit numerosius ? Recte & graviter Juvenalis Sat. XIV. v. 70.

Gratum est , quod patriæ civem populoque dedisti ,

Si facis , ut patriæ sit idoneus , utilis agris ,

Utilis & bellorum & pacis rebus agendis .

Plurimum enim intererit , quibus artibus ,

& quibus hunc tu

Mori-

§. XXIX.

Quia ergo nuptiæ sine consensu contrahi non possunt : (XXVIII. 7.) facile patet , Nuptias faciunt consentientes .
10) ratas non esse nuptias inter raptorem & raptam , (Lib. I. §. CIX. 43.) nisi vi rapta ex postfacto ultro consenserit : * (§. XVI.) nec magis 11) eas consistere , si alterutri vis atrocior facta , (ibid.) vel 12) dolo malo aliquis implicatus sit nuptiis , a quibus , si abfuisset dolus , omnino abhorruisset . (Lib. I. §. LVII. 53.) Quamvis vero consensus hic conjugum nuptialis omnino sit necessarius : quia tamen societas non est , ubi quis in finem tantum , non item in media , consensit , 13) solum consensum in finem futurum jure naturæ nondum efficere nuptias , sed 14) consensum præsentem in ipsam communicationem corporum requiri , arbitramur .

*) Dummodo vera antea vis adhibita fuerit . Sæpe enim olim vim gratam experiebantur virgines , non quod nollent alicui nubere , sed ne velle , & ruere in virorum amplexus viderentur . Morem hunc jam antiquissimis temporibus inolevisse , testatur Romulus apud Dionys. Halicarn. *Antiq. Roman.* II. p. 100. ubi apud Sabinas raptum , suo imperio factum , ita excusat : ἐν ἑφ' ὅβρις ἔ' ἀρπαγῇ , ἀλλ' ἐπὶ γάμῳ γαρμύλῳ . ἐλλοιπόντε καὶ ἀρχαῖον ἀποφαίωται τὸ ἔδος , καὶ τρόπον συπαίτων καθ' ἑς συνάπτεται γάμῳ ταῖς γυναικὶν ἐπιφανέσασιν . Raptum hunc non ad contumeliam , sed ad conjugium pertinere morem hunc Græcorum esse

antiquissimum, & qui maximum decus adferat expetitis ad nuptias mulieribus. Idem & aliarum gentium moribus probatum esse, novimus, quasi honestius esset, virginem rapi, quam ultro in manum viri convenire. Hanc vero vim, mulieribus male repugnantibus illatam, non adversari consensui, facile unusquisque animadvertit.

§. XXX.

Quæ differentia sit consensus sponsalium & nuptialis?

Ex quo simul patet, 15) consensum in futuras nuptias potius SPONSALIORUM, quam CONJUGII, nomine venire, adeoque 16) subtiliorem esse canonistarum distinctiunculam inter sponsalia DE PRÆSENTI & DE FUTURO, quam ut ea ex recta ratione possit defendi. Quia tamen sponsalia sunt pactum, pactaque omnia jure naturæ perfecte obligant: (Lib. I. §. CCCLXXXVII. sequ.) nemo dubitaverit, 17) quin & sponsalia sint adimplenda, *) nisi 18) ea, quibus & alia pacta vitari observavimus, (Lib. I. §. CCCXCII. sequ.) vel animorum dissimilitudo, vel aliæ justæ causæ, dirimi potius hoc pactum, quam per male conciliatum infelicissimis auspiciis jungi, suadeant.

- *) Mira ergo dispositio juris Romanorum, ut sponsalibus neutra pars perfecte obligetur. Quum enim reliqui Latini inde saltem actionem ex sponsu darent, ad id, quod interesset, pactum hoc non fuisse servatum: Gell. *Noct. Att. IV. 4.* Romani quemque suo arbitrio & impune renunciare conditioni, statuebant. l. 1. C. de sponsal. l. 2. C. de repud. Sed cum ipsis conjugibus summa esset divertendi libertas: fieri vix poterat, ut vinculum,

Cap. II. De officiis in soc. conjug. observ. 395
 culum, quod sponsum sponsamque continet,
 firmitus existimarent: ac proinde non potue-
 runt non & repudia apud eos esse liberrima.

§. XXXI.

Quumque finis matrimonii sit procreatio Habilitas
 commodaque educatio sobolis, (§. XXVII. conju-
 6.) eaque omnia, sine quibus hic finis ob- gum ra-
 tineri non potest, facienda, quæ illi adver- tione æ-
 santur, omittenda sint: (§. XXVIII. 8. 9.) tatis.
 sequitur sane, 19) ut, qui ad nuptias ad-
 pellunt animum, ea ætate esse debeant, ut
 sperari possit, eos & procreationi sobolis,
 & ejusdem educationi sufficere, & hinc 20)
 merito arcendi sint infantes, immo 21) &
 adolescentes, quorum nondum est, vel tantus
 vigor, ut genus humanum nova vegetaque
 sobole augere, *) vel tanta virtus & pru-
 dentia, ut & alimenta uxori liberisque pa-
 rare, & eorum actiones, pro eo, ac decet,
 regere possint. *)

*) Hinc ea in re plerisque legislatores pru-
 dentia superavit Lycurgus. Quum enim is
 vulgo juvenum ac juvenularum nuptias
 quammaxime probari, animadverteret:
 ipse, teste Xenophonte *de rep. Laced. Cap.*
I. §. 6. ἀποταύσας τὴν ὁπότε βέλωντο ἑκάστου
 γυναικα ἀγῶναι, ἵταξεν, ἐν ἀκμῇς ἡδὲ σωματικῶν
 τῆς γῆρας ποιῆσαι, ἢ τῷτο συμφέροι τῇ διχογία
 νομίζων. *potestate ademit, ne quisvis uxores*
ducerent, quum ipsis lubitum esset, jussit,
ut, dum vigerent corpora, matrimonia con-
traherent: idque non minus ad rectam pro-
creandi rationem conducere putabat. Deinde
quum plerique parentes ad procreandam,

quam educandam sobolem sint aptiores: Lycurgus hanc curam publicam esse voluit: omnibusque Laconum adolescentibus præfecit: αἶθρα ἐξ ἧς αἱ μέγισται ἀχαιὶ καθίστανται, ὅς δ' ἂν καὶ παιδονόμος καλεῖται. τῦτον δὲ κύριον ἐπὶ νῆτα καὶ ἀθροίζειν τοὺς παῖδας, καὶ ἐπισκοπεῖντα, εἴ τις παδουργόη, ἰσχυρῶς κολλάζειν. virum ex illorum numero, qui summus magistratus obeunt, cui paedonomi est inditum nomen, cuique plenam potestatem colligendi pueros concessit, & eosdem puniendi graviter, inspectanti, an quis nequiter agat. Vid. Xenoph. *ibid.* Cap. II. §. 2. Digna profecto res, quam non negligerent aliæ respublicæ.

§. XXXII.

An & senes nuptias recte contrahant?

Ex quo facile intellectu est, quid judicandum sit de senum nuptiis. Quemadmodum enim 22) ob indissolubilitatem hujus societatis, de qua paullo post dicendi locus erit, non divellendi sunt conjuges, qui in illo statu consenuerunt, 23) tolerandumque etiam videtur matrimonium viri declivioris ætatis, sed adhuc vegeti, cum muliere juvene, quum adhuc sperare liceat, par illud finem matrimonii adsequuturum; ita 24) nemo sanus probaverit nuptias senis cum senæ, vel 25) adolescentuli cum anu effoeta ac decrepita, quale per male compositum sine turpissima impudicitia nec in finem, nec in media matrimonii, consentire potest. *)

*) Quid enim turpius, quid impudentius fingi potest femina, quæ, quum sint tres capilli, quatuorque dentes, gaudet octoginta nuptiis vivere post mortes, virumque demens cineribus

Cap. II. De officiis in soc. conjung. observ. 397
 bus suis querit prurire? uti loquitur Mar-
 tial. Epigr. III, 93. Tolerantur in civitati-
 bus hujusmodi nuptiæ, quæ nuptiarum nomen
 vix tuentur, quia, judice Quintiliano
 Declam. CCCVI. quædam & nubendi impudi-
 citia est. Eleganter, uti solet, de hujusmodi
 matrimonio Pufendorffius de jure nat. &
 gent. VI, 1. 25. Quæ matrimonia fortasse non
 incommode vocare possis HONORARIA: eo sen-
 su, quo honorarii quandoque dicuntur, quibus
 titulus muneris sine functione datur. Apud
 Suetonium Ner. Cap. XXXV. uxoria ornamenta
 vocantur, eo sensu, quo triumphalia ornamen-
 ta dici sueverunt.

§. XXXIII.

Multo minus ergo 26) iis permittendum
 : matrimonium, quos vel ipsa natura, vel An spa-
dones &
eunuchi?
) hominum malitia, potentia procreandi
 bolem privavit, adeoque 28) impudicissi-
 e sunt non modo eunochorum, sed & spa-
 num nuptiæ, quamvis eas exemplis non
 rete, satis constet, *) nisi 29) occulta &
 certa sit masculi impotentia sterilitasve fe-
 næ, nec omnis spes curationis evanuerit,
 erque conjux hoc Catone contentus esse,
 meliora sperare, velit.

) Absurda ergo matrimonia spadonum apud
 Ægyptios, de quibus Grot. ad Deut. XXIII, 2.
 Absurda itidem eunuchorum apud Turcas,
 de quibus Ricaut dans l'etat present de l'em-
 pire Otoman. II, 21. Et tamen inter ipsos Chri-
 stianos, quod mireris, disceptatum novi-
 mus, licitumne sit castrato uxorem ducere?
 Qua de quæstione singularis exstat libellus
 Hieronymi Delphini de eunuchi conjugio,
 quod ipse lepidè vocat die Capaunen-heyrath,
 recu-

recursus *Jenæ MDCCXXXVII.* Id vero merito retuleris inter portenta sæculi ; de quibus jam sua ætate *Juvenalis Sat. I. v. 22.*

*Quum tener uxorem ducat spado, Mævia
Tuscum*

*Figat aprum, & nuda teneat venabula
mamma:*

Difficile est, satyram non scribere.

§. XXXIV.

An om-
nes natu-
ra habi-
les obli-
gati sint
ad mari-
monium?

Quamvis vero ex eodem principio recte colligere liceat, 30) eos easque, qui quæve obtinendo matrimonii fini se satis idoneas idoneasque esse, animadvertunt, recte & ordine facere, si matrimonium contrahant: non tamen 31) talis est obligatio ad ineundum matrimonium, ut is contra jus naturæ egisse videatur, qui castum cælibatum inauspicato præferre matrimonio statuit.*) Quum enim nemini imputanda sit omissio actionis, si agendi defuerit occasio, (*Lib. I. §. CXIV. § 6.*) & sæpe contingat, ut tum res ipsa, tum tempus, locus aliæque circumstantiæ turbent consilium contrahendi matrimonium, adeoque illud ineundi desit occasio: vitio sane tunc ei verti non potest cælibatus, cui divina providentia conditionem honestam non obtulit.

*) Est hæc sententia Judæorum, quam ex eorum magistris pluribus describit *Jo. Selden. jur. nat. & gent. secund. discipl. Hebr. V, 3,* Neque enim illud recte probant ex loco *Genes. I, 38.* qui non legem, sed benedictionem divinam, comprehendit. Et absurdum est, illos, qui cælibatum ex justa causa præferunt matrimonio, coargui, quod ge-
neri

neri humano male consulant, quasi ideo interituro sit genus humanum, si unus vel alter ex justa causa ad nuptias non adpellat animum. Hinc parum memores præceptorum Pauli Apostoli, 1. Corinth. VII. esse videntur ii, qui ex Christianis pedibus in illam Judæorum sententiam ire non dubitant.

§. XXXV.

At id tam certum est, quam quod certissimum, quum medium sit propter finem, adque concubitus propter procreationem educationemque liberorum, omniaque, quæ huic i adversantur sint omittenda, (§. XXVIII.) 32) graviter peccare omnes, qui medio, quod Deus ad certum finem destinavit, utuntur ad explendam tantum libidinem, eoque 33) omnem nefandam Venerem, am scire non proficit, 34) omnia adulte- & 35) stupra, 36) omnes furtivos amos, qui insuper cum maxima aliorum injuncti sunt; denique 37) omnes fornicationes æque, ac 38) quæstum nefandum & 39) lenocinium rectæ rationi omnino adversari: neque adeo 40) aliud esse propagandi supplendique generis humani legitimum medium, præter societatem conjugalem, quam adhuc descripsimus. *)

Extra
matrimo-
nium ve-
titum om-
ne ge-
nus libi-
dinis.

Omnes enim hæ impurissimæ commixtiones non sunt procreandæ sobolis causa, sed ii, qui his libidinibus indulgent, potius hunc finem, quantum in ipsis est, impedire student. Et si vel maxime natura hoc prævum illorum consilium alio vertit, ut

ut soboles, etiam invitis parentibus, nascatur: his tamen alter finis, puta educatio, ejusdem, minime omnium ob oculos est, & maxime patri, qui prolem, tamquam incertam & vulgo quæsitam, plerumque negligit. Ex quo deinde plerumque sequitur, ut infelicissimi hi liberi ad omne scelus adolescant, & generi humano oneri potius sint, quam ornamento. Quod quum omnino prohibendum sit: facile patet, non injuste agere magistratus, qui & adulteros & stupatores ad suppeditanda liberis alimenta; & hos, si feminas, injecta spe matrimonii, ad stuprum pellexerint, etiam ad ducendas stupratas adigunt.

§. XXXVI.

An πο-
λυγαμία
& com-
munio
uorum
sit licita?

Ob eandem causam 41) πολυγαμία, id est, unius feminæ cum pluribus viris conjunctionem, rectæ rationi omnino refragari, adeoque & 42) communionem uorum, quam in republica sua Platonem civibus permisisse, ajunt, plane esse reprobendam liquet. Aristot. *Polit. II, 2.* Quum enim utroque casu incerta futura sit paterna prolis origo, eaque incertitudo commodam liberorum educationem vel maxime impediat (§.XXXV.*) tantum abest, ut foedas has commixtiones probet recta ratio, ut ne ii quidem populi, quos alioquin πολυγαμία, id est, unius viri cum pluribus uxoribus conjugium, permisisse constat, ulli feminæ facultatem dederint, cum pluribus maritis uno eodemque tempore in manum conveniendi. *)

*) Non igitur acutius Papirius Prætextatus elu-

eludere potuisset curiositatem matris, quid rei magnæ in senatu eo die consultatum esset, paulo compressius ac violentius sciscitantis, quam dum actum in senatu dixit: *utrum videretur utilius magisque e republica esse, unusne ut duas uxores haberet, an ut una apud duos nupta esset?* Quum enim nuli in mentem venisset, alterutrum legibus permittendum esse: matronæ Romanæ, a matre Prætextati de periculo monitæ, postero die nudare animi sententiam non durarunt, adeuntes amplissimum ordinem, & non sine lacrymis orantes, *una potius duobus nupta fieret, quam ut uni due.* Gell. Not. Attic. I, 23. Sed tantum abest, ut πολυγαμίαι, tolerarint Romani, ut ne barbari quidem eam unquam admiserint, quamvis promiscuum usum uxorum aliqui probarent, veluti Taprobanenses, Ichthyophagi, Sylophagi, Nomades, Garamantes, Troloidyæ, Agathyrsi, Gindani, Britanni, de quibus videndus Pufendorff. de Jur. nat. & ent. VI, 15.

§. XXXVII.

Paullo altioris indaginis est quæstio, an *πολυγαμία*, seu unius mariti cum pluribus tribus connubium, jus naturæ permittat? que enim I) hujusmodi conjugium vel creationem sobolis impedit, vel II) efficit, ut proles incerta videatur. Præterea III) multæ gentes, ipseque Dei populus, probarunt hanc cum pluribus uxoribus etatem, & sibi non infelices visi sunt, & plures feminas domum duxerunt; ut non dicamus, IV) Turcarum, aliorum populorum orientalium, exempla argumen-

Argumē-
ta pro
πολυγα-
μίᾳ.

mento esse, non pejus se habere liberorum procreationem atque educationem, si unus plures, quam si unam quisque domum ducat: itemque V) sæpe vel mariti vigorem, vel uxoris intolerabiles mores, vel ejusdem sterilitatem, vel ipsius reipublicæ salutem, aliasque justas causas videri suadere, ut polygamia simultanea monogamiæ præferatur. *)

*) Eo redeunt præcipua, quibus polygamie patroni utuntur, argumenta, ex sola ratione deprompta. Quæ enim ex scriptura sacra addunt, ea huc non pertinent. Magno argumentorum utriusque generis adparatu causam hanc egerunt Huldericus Neobulus, de cujus libro *de digamia* videndus Sæckend. *Hist. Lutheran. III, 79. Addit. III. litt. x. pag. 281.* Bernardinus Ochinus, ex instituto refutatus a Theod. Beza libro *de polygamia* & Jo. Gerardo de *conj. §. CCVII.* Jo. Lyserus, qui sub fictis Theophili Alethæi, Vinc. Athanasii, Gottl. VVahrmundi nominibus latitans, plures libellos ea de re sparsit in vulgus, de quibus fufius egit Vinc. Placcius *Theatr. pseudonym. num. 97. 277. 2867.* Adversus eum calammum strinxerunt Jo. Brunsimannus, Jo. Musæus, Dickmannus, Feltmannus, Gesenius, ac in Pufendorffium injurius, Jo. Meyerus, & alii. Denique polygamie patrociniū suscepit vir, quem studia sua, melioribus litteris consecrata, hoc ingenii foetu interrompere non decebat, Daphnæus Arcuarius, in libro Germanice scripto *von Ehe-sachen*: ut jam non dicamus de novissima controversia, quæ nuper a jureconsulto Dantiscano, majore fortassis ecclesiæ damno, quam fructu,

ſtu, excitata, plures libellos criſticos pepe-
rit, quos, utpote ubivis obvios, recensere
hic nihil attinet.

§. XXXVIII.

Enimvero quum conjugum ſit, ea omnia, Eare&æ
rationi
non con-
venit.
& conjugii fini adverſantur, omittere, (§.
VIII. 9.) fini vero illi, quia conjugium
ſocietas, vel maxime adverſetur diſcordia
ea finem & media, (ibid.) denique illa
cordia eo minus evitetur, quo major eſt
pietas: * (§. XIX. 57.) merito colligimus,
) πολυγαμία, quoque rectæ rationi mi-
us convenire, quam unius cum una matri-
monium, & proinde 44) quum natura nos
liget, ut ex pluribus bonis id, quod opti-
mum eſt, eligamus, (Lib. I. §. XCII. *)
pius nos ad monogamiam, quam ad poly-
gamiam eligendam eſſe obligatos.

Hoc tam certum eſt, quam quod certifi-
cimum. Plures unius viri uxores invidia,
zelotypia, æmulatio, & mille aliæ cauſſæ
quotidie collidunt. Jam enim mulier mulie-
ri venuſtiori, juvenculæ, fœcundiori, ma-
iſque amabili; jam plures earum marito,
nam vel alteram ſibi præferenti; jam ex-
em alterius liberis erectioris ingeniî, vel
atri paulo charioribus, ſuccenſent. In hoc
ero inteſtino bello quæ poſſet locum ha-
ere concordia? quis conſenſus in educa-
tionem tam diſſortium liberorum? Viderunt
jam triſtia exempla familiæ Abrahami & Ja-
obi, quum in iis floreret virtus & pietas.
Genef. XVI, 5. XXI, 9. ſeq. XXIX, 30. ſeq.
XXX, 1. ſeq. Quid non evenire poſſe credi-
mus

mus aliis, qui pro mulieribus probis & modestis Medæas vel furias aliquot domi alerent?

§. XXXIX.

Respon-
sio ad ar-
gumenta
Primum,
secundū
& ter-
tium,

Nec tanti sunt rationes, paullo ante recensitæ, ut earum causa deferere velimus vadium. Ponamus, I. procreationem sobolis non impediri *πολυγαμία*, at tanto magis impeditur finis alter, puta, commoda liberorum educatio, (§. XXXVIII. *) quæ a procreatione non est sejungenda. (§. XXVII.) II. Quamvis proles etiam in *πολυγαμία* certa sit: hæc tamen certitudo non impedit, quo minus quælibet mater suis tantum liberis faveat, reliquarum prolem odio plus quam Vatiniano prosequatur, vel eam saltim novercalibus instigationibus patri exosam reddere studeat. III. Populis orientalibus, quibus clima ferventius, ipsaque naturalis lascivia *πολυγαμίαν* persuasit, facile opponi possunt tot gentes humaniores, quibus eadem displicuit. Nec mos Judæorum pro norma est, quum ipse Servator ea omnia, quæ a primæva Dei institutione discrepent, *) in Judæis tolerata magis, quam adprobata a Deo esse, doceat, *ὅτις ἔσκληροκαρδίαν αὐτοῖς*. propter duriciem cordis eorum. *Matth. XIX, 8.*

*) Nulla autem ostendi potest ratio, cur in quæstione de divortiorum licentia magis ad primævam matrimonii institutionem respiciendum sit, quam ubi de *πολυγαμία*, disputatur. Immo ab ipso divortio, quod Servator primævæ institutioni refragari, ac proinde *παρὰ τὸν λόγον πορείας* illicitum esse docet,

Cap. II. De officiis in soc. conjug. observ. 405
 tet, recte ducimus argumentum ad prohibi-
 tionem *πολυγαμίας*. Si enim is, qui, repu-
 liata injuste priore uxore, aliam ducit,
 adulterii reus est: multo magis adulterii reus
 erit, qui constante matrimonio uxori aliam
 superinducit, quia ratio, a Christo addu-
 ta, quod nempe Deus, instituens matri-
 monium, voluerit, *ut duo sint caro una*,
Matth. XIX, 5. non minus polygamiae, quam
 divorcio, obstat.

§. XL.

ijusdem commatis & reliqua sunt argu-
 ta, in quibus polygamiae adsertores causae
 suae praesidium quaerunt. Nam IV. quae de
 carum aliorumque populorum orientalium
 citate, tranquillitateque domestica ja-
 nt, partim annalibus eorum, ipsique ex-
 entiae repugnant, partim iis medius obti-
 tur, quae naturae atque indoli societatis
 rimonialis plane repugnant.*) Et quid,
 so, V. incredibile est, quam uni non
 cere unam? quid incertius, quam eum,
 invereconda vel immodesta obtigit uxor,
 tam, quam illi superinducit, verecundio-
 modestioremque; vel cui jam infæcunda
 i est, alteram fecundiorum habiturum?
 d si pro una furia duas tresve inveniat?
 o totum hoc argumentum non nisi iis
 ius ponderis esse videbitur, quibus
la est utilitas iusti prope mater & equi,
st, qui falsum juris naturae & gentium
ipium pro vero adoptant. (Lib. I. §.
 VIII. *)

Nec non
 ad quar-
 tum &
 quintum

Notum est, orientales populos, qui plu-
 res

res uxores alunt, easdem gynæceo, tantumquam carceri perpetuo inclusas habere, nec meliorem earum, quam ancillarum, pati esse conditionem. Hinc Aristotel. *Polit. I. 2.* *δι τῶν βαρβάρων τὸ δούλον καὶ δούλῳ καὶ αὐτῶν ἔχει τάξιν.* *Apud barbaros autem femina & servus eundem ordinem habent.* Adde de Persis insignem locum Plutarchi in *Themistocl. pag. 125.* Præsto iis est eunuchus aliquis, qui illas custodiat, & ab omni aliorum hominum consuetudine plane avertat. Liberi etiam, maxime dignioris sexus, raro matris, plerumque autem eunuchi alicujus, vel servi, disciplinæ traduntur. Quæ omnia an naturæ hujus societatis convenient, facile intelliget quisquis uxorem vitæ fortunæque sociam, non captivam, non ancillam, esse debere, cogitaverit.

§. XLI.

An jus
naturæ
certos
gradus
prohi-
beat?

Non minus difficilis est quæstio, an ex juris naturæ præscripto & sanguini habendus sit honor, adeoque nuptias & cognatio, & adfinitas impediatur? Enimvero quum matrimonii fini adversari non videatur hujusmodi conjunctio: (§. XXVIII. 8. 9.) satis constare arbitror, 45) eam ex hac causâ juri naturæ haud adversari. Attamen quia nuptiæ, inter adscendentes & descendentes contractæ, cum maxima turpissimaque respectuum, qui inter has personas intercedunt, confusione conjunctæ sunt: 46) ipsa recta ratio, illas omnino inhonestas esse, agnoscit, & 47) eatenus Jæsi Romani non malè statuerunt, hunc esse incestum juris gentium. *) l. 38. §. 2. D. ad leg. Jul. de adult. quia & 48)

in

Cap. II. De officiis in soc. conjug. observ. 407
inea collateralis nuptiis inter proximos co-
tos cognatasque pudorem impedimento
, existimarunt . l. 68. D. de ritu nupr.

Quum enim natura probare non possit
contradictoria , tales vero veræ sint obliga-
ones uxoris & matris , patris & fratris ,
matris & sororis , quæ in una persona vix
consistere sine summa confusione possunt ;
et possunt hæ nuptiæ consistere , quibus
in respectus in una eademque persona ma-
nifesto confunduntur , veluti in nuptiis Her-
i & Marullæ , de quibus vetus epigram-
a :

*Herfilius hic jaceo , mecum Marulla quie-
scis :*

*Quæ soror , & genitrix , quæ mihi sponsa
fuit .*

*Me pater e natu genuit : mihi jungitur il-
la :*

Sic soror & conjux , sic fuit illa parens .
Sunt hæc sane ita comparata , ut & paganis
propia viderentur , ex quorum numero Ovi-
us *Metam. X. v. 9.* Myrrham ita loquen-
tem inducit :

*Tunc soror nati , genitrixque vocabere fra-
tris ?*

*Nec , quod confundas & jura & nomina ,
sentis ?*

Inter collaterales confusio tanta non metuen-
da , at confusio tamen quædam respectuum
obligationum evitari non potest , si eadem
soror , eadem uxor sit . Hinc honestius pu-
nus , has quoque nuptias non permitti ,
si eas absoluta excuset necessitas . Et sic fa-
cite reddideris rationem , cur Adami liberi
& incestus crimine inter se contraxerint nu-
cas , quum incestuosi procul dubio hodie
cendi sint , qui eorum exemplum imitari
non

non dubitarent. Pertinet enim hæc graduum prohibitio ad officia erga alios, quorum ea est natura & indoles, ut, si necessitas ab ipso Deo objiciatur, quælibet sit honesta ratio expediendæ salutis. (*Lib. I. §. CLXII. 64.*)

§. XLII.

An ritus
& sole-
mnitates
nuptiales
probet ?

Quum porro omnes commixtiones extra matrimonium, quippe ad solam explendam libidinem comparatæ, rectæ rationi adversentur, nec aliud legitimum sit genus humanum propagandi medium, quam societas conjugalitatis: (*§. XXXV.*) consequens est, 49) ut & ipsorum conjugum, & liberorum inde natorum intersit, animum hanc societatem contrahendi signo quodam externo testatum fieri, justamque uxorem a concubina, maritum a stupratore vel concubinario, liberos legitimos ab illegitimis discerni. Quod quum commodius fieri non possit, quam si nuptiæ publicæ & solemniter contrahantur: facile reddideris rationem, 50) cur omnes pæne gentes, certos ritus nuptiales, arbitrarios illos quidem, ast ad declarandum consensum nuptialem, officiaque conjugum significanda idoneos, adhibendos existimarint. *)

*) Nulla pæne fuit gens tam barbara, quæ non ritus quosdam adhibuerit in contrahendis nuptiis, multoque magis gentes humaniores, veluti Hebræi, Græci, Romani hujusmodi solemnitatibus utendum putarunt, de quibus tanto adparatu agunt viri docti, qui antiquitates Hebræorum, Græcorum, Romanorum, aliarumque gentium ex instituto

uto descripserunt, ut propositi immemor
 esse viderer, si de ritibus illis vel verbum ad-
 lendum putarem. Id tantum moneo; Ro-
 manos, oblanguescente paulatim vetere illa
 disciplina, eo demum devenisse, ut nullum
 æne ritum amplius adhiberent, eoque fa-
 tum esse, ut sæpenumero dubitaretur, ju-
 æne uxoris, an concubinæ locum in ædi-
 us teneat femina, idque aliquando ex in-
 rumentis dotalibus, §. ult. Instit. de nupt.
 liquando ex ipsa fœminarum conditione qua-
 tateque adfectionis esset dijudicandum.

24. D. de ritu nupt. l. 31. pr. D. de do-
 at. Quam facile vero supersedissent his quæ-
 tionibus, si more majorum certo ritu contra-
 ssent nuptias?

§. XLIII.

De officiis utriusque conjugis omnia sunt
 & perspicua. Quum enim natura hujus
 statis requirat consensum, (§. XXXIII. 7.)
 ero sine amore ac concordia sperari ne-
 it: consequens est, 51) ut conjuges
 io amore sese complecti, 52) & non
 o communem rem familiarem *) con-
 i consilio administrare & curare, sed &
 alter alteri pro virili adjumento esse,
 o & 54) communem utramque fortu-
 habere, in primis vero 55) in libero-
 educatione ope & consilio se invicem
 e debeant.

Officia
 conju-
 gum mu-
 tua, quæ
 ex natu-
 ra pacti
 fluunt.

Equidem an communio illa bonorum,
 rtuo alterutro conjugē, effectum habere,
 quanta pars substantiæ communis supersti-
 quanta defuncti heredibus, obvenire de-
 t, vel pactis, vel legibus, definiendum
 Iesn. de Jur. Nat. & Gent. S est.

est. Constante tamen matrimonio communia omnia habere conjuges, etiam recta ratio agnoscit. Quum enim socii ob unitatem voluntatis sint una persona, (§. XX. 60.) ac proinde res & jura, quæ ad societatem pertinent, communia habeant: (§. XXI. 63.) manifestum est, idem etiam inter conjuges observandum esse, adeo, ut & Romani, quamvis, excrecente in manum conventionne, ab usu recederet illa *κοινωνία ἀναίτων χρημάτων τε καὶ ἰσχύος*, omnium bonorum & sacrorum communio, quam inter conjuges esse voluerat Romulus, teste Dionysio Halicarn. *Antiq. Rom. Lib. II. p. 95.* tamen communem utrique conjugii bonorum usum esse statuerent *l. 1. D. rer. amot. l. 5. C. de crim. expil. hered.* Ex quo facile patet, cur Modestinus, retenta vetere definitione, nuptias, quales & sua ætate erant, dixerint *conjunctionem maris & feminae, consortium omnis vitæ, divinique & humani juris communicationem l. 1. D. de ritu nupt.*

§. XLIV.

Itemque
quæ ex
fine ma-
trimony
nii.)

Et hæc quidem communia sint utriusque conjugis officia, quæ ex consensus ac societatis natura prono alveo fluunt. Ex fine porro matrimonii (§. XXVII. 6.) colligimus, 56) conjuges merito cohabitare, sibi que solis 57) invicem corporis usum præbere, adcoque 58) ab adulteriis, aliisque furtivis impuris que amoribus, abstinere, * 59) liberos pari amore complecti, nec 60) alterum alterius curam & sollicitudinem, qualiberos commodè educare cupit, inutilem atque infructuosam reddere debere.

*) Sunt, qui hoc officium tantum ad uxorem,

rem, non item ad maritum pertinere existimant, ex ea ratione, quod eo neglecto, incertitudo prolis uxori non sit metuenda. Enimvero uti omnino vetita est commixtio, qua fit, ut incerta sit origo sobolis: ita non sequitur, ut licitus sit congressus, ex quo illa incertitudo non sit metuenda. (§. XXXIX. 11.) Vid. Gundlingii *dist. an major a feminis, quam a viris, castitas requiratur*. Nos ex regula principali justitiæ naturalis hoc argumentum ducimus: Quod sibi quisque non vult fieri, id nec alteri facere debet. (Lib. I. §. CLXXVII. 6.) At maritus non vult, ut uxor alterum majore amore, quantumvis innoxio, quam se complectatur, vel ulli alii, quam sibi, corporis usuram præbeat: Hinc ad idem officium obstrictus est maritus. Recte itaque Chrysostom. *homil. XIX. in I. Cor. VII. In aliis sit prærogativa viri, non in pudicitia*. Et Gregor. Nazianzenus: *Πῶς ἀπαιτεῖς, ἔκ ἀντιρρήσεως; Quo jure exiges, quod non rependis?* Add. Lactant. *Instit. div. VI. 3.* Hieronym. *ad Ocean. & can. 20. Caus. XXXII. quæst. V.* Quamvis uxoris impudicitiam fini matrimonii magis, quam viri incastitatem, repugnare, facile largiamur.

§. XLV.

Satis porro manifestum est, imperfectam admodum fore hanc societatem, si tam esset equalis, ut penes neutrum conjugem aliqua negotia communia dirigendi, facultas relinquatur, quia in plerisque contingere posset, ut in eligendis mediis quammaxime dissentirent, adeoque, quum inter duos ne numeris quidem suffragiorum vincere possit, res non habeat exitum. Quamvis vero tunc pruden-

An Maritus in Uxorem aliquod imperium sit?

dentius consilium præferendum videatur (Lib. I. §. XCII. *) tamen quia æque incertum futurum esset, uter conjugum magis altero sapiat, merito ad id, quod plerumque fit, attendendum, adeoque 61) marito aliqua prærogativa concedenda erit circa negotia, quæ ad societatis communis salutem utilitatemque pertinent. *) (§. XXVIII. 8.)

*) Quum enim ad ea omnia obstricti sint conjuges, sine quibus procreatio commodaque educatio sobolis obtineri nequit: (§. XXVIII. 8.) obstricti etiam erunt ad alterutrum prærogativam ferendam, sine qua sperandus non esset in eadem media consensus. Quia vero in societate inter pares prærogativa illa merito debetur prudentiori, eique, cui plus oneris incumbit, is vetò in societate conjugali, ut plurimum est maritus: uxor obstricta erit, ad prærogativam mariti ferendam. *Martial. Epigr. VIII, 12.*

Inferior matrona suo sit, Prisce, marito:

Non aliter fuerint femina virque parez.

Et *Plutarch. conjugal. præcept. p. 139.* Ὅσπιν αἱ φωνῆς δύο σύμφωνοι λεγούσι, τῷ βαρυτέρῃ γίνεται τὸ μέλος, ἔτω πᾶσα φωνὴ ἐν εἰκόφ συμφωνίᾳ πράττεται μὲν ὑπ' ἀμφοτέρων ὁμιλουμένων, ἐπιφαίνει δὲ ἢ τῷ αἰσρὸς ἡγεμονίᾳ, ἢ ἡ ἀραιήτιν. *Sicut quum sumuntur duæ consonæ voces, cantus graviore adscribitur: ita in familia recte instituta omnes res quidem geruntur consensu conjugum, viri tamen vel IMPERIUM vel CONSILIUM eluces.*

§. XLVI.

Ejus indoles,

Quum vero ea prærogativa, marito concessa, non nisi ad negotia, quæ ad societatis

tis salutem utilitatemque pertinent, porrigatur : (§. XLV. 61.) consequens est , 62) ut illa maritalis potestas degenerare non debeat in imperium herile, quale apud barbaros plerisque invaluisse, jam supra observavimus, (§. XL. *) nec adeo 63) consistere in jure vitæ & necis, quod leges quorundam populorum maritis indulserunt, Gell. X. 23. Tacit. *Annal.* XIII. 32. Cæs. *de bell. Gall.* VI, 19. Tacit. *de mor. Germ.* Cap. XIX. multoque minus 64) in jure uxores aliis vel vendundi, vel commodandi, a quo more ii populi, apud quos uxores tanquam res in commercio fuerunt, ipsique Romani non abhorruerunt. Plutarch. *in Catone* p. 770. Tacit. *Annal.* V. 1. Dio Cass. *Hist. Lib.* XLVIII. p. 384. sed 65) in facultate uxorum actiones prudente consilio regendi, 66) easdem defendendi, 67) immodestas modice, & pro conjugum conditione & dignitate castigandi, * (§. XXII. 69.) immo & 68) ob causas graviores, de quibus paullo post erit dicendi locus, matrimonio mulctandi. (§. XXII. 70.)

*) Dico castigationem illam conditioni dignitatisque utriusque conjugis debere accommodari. Quum enim conjuges, tanquam focii, sint veluti una persona: (§. XX. 60.) ignominiosa castigatio uxoris cum ipsius viri ignominia est conjuncta. Quia vero unumquemque decet existimationem suam pro virili conservare: (Lib. I. §. CLIII. 44.) contra officium faciet maritus, si uxorem contra dignitatem tractando, & illius & sui ipsius existimationem lædit. Unde elegans Ger-

manorum parcemia : *V*er sich die nase abschneidet, schandet se in angeſicht . Eleganter virorum hujusmodi imprudentum disciplinam reprehendit Plutarch. in præcept. conjugal. p. 139. Οἱ τοῖς ἵπποις ἐφάμεσθαι μὴ δυνάμεναι, δὲ ἀδίνεσθαι ἢ μαλακίᾳ, αὐτοὺς ἐκείνους ἀκλόζοντες, ἢ ὑποπίπτειν διδάσκουσιν . ἔπος ἐνιοι ἤν λαβόντων ὄλῃς ἢ πλεσίᾳ γυνῆρας, ἐχ. ἑαυτοὺς ποῦσε βελτίους, ἀλλ' ἐκείνας περιολέσιν, ὡς μάλλον ἀρξέοντες ταπεινῶν γυναικῶν . Δεῖ δὲ, ὥσπερ ἵππου τὸ μέγιστον φυλάττοντα, καὶ τὸ ἀξίωμα τ' ἑωαικός, χρῆσθαι τῇ χαλῇ . *Qui ob imbecillitatem aut mollitiem non possunt insilire in equos, illos condoces faciunt, ut se submittant, ac ingeniunt . Eodem modo quidam, ducendo nobiles & opulentas uxores, non sese meliores reddunt, sed uxores deprimunt, ut humilibus facilius imperare possint, quum oporteat, ratione habita, ut magnitudinis in equo, ita DIGNITATIS IN MULIERE, freno uti .*

§. XLVII.

An id jus
mariti
pacto
mutari
possit ?

Quia vero hæc prærogativa marito ob præsumtam dumtaxat majorem prudentiam & onera matrimonii, ei incumbentia, debetur, (§. XLV. *) & sæpe tamen contingit, ut virilis animi femina viro ingenii minus perspicacis ; opulentior pauperi, regina privato nubere cogatur : 69) omnibus his casibus pacto sibi prærogativam illam stipulari posse feminam, *) nemo negaverit, exempla quoque docent, 70) reginas, nuptas principi, cui nihil in uxoris regno imperii est, priores in societate etiam conjugali partes tenere, nisi 71) uxor, regni heres, ipsum imperium in maritum transcribere majit, sola dignitate contenta .

*) Sic

*) Sic sane quod referunt Aristotel. *Polit. V, 11.* & Sophocl. in *Oedipo Colon. v. 354.* apud Ægyptios uxorem imperare marito, id ex pacto esse, docet Diodor. *Sicul. Biblioth. 3, 27.* De reginæ marito, quæ dici possunt, omnia jam occupavit doctissimus Jo. Philipp. Palthenjus dissertatione singulari, edita Gryphisu. MDCCVII. ubi & varia, quæ huc pertinent, pacta dotalia, & natas inde controversias illustres accuratius explicavit. In primis notabile est exemplum Jacobi Boduelli, Ducis Orcadum, qui ducturus Mariam, Scotorum Reginam, conceptis verbis juravit, se nullam inde præcellentiam, aut supremi gradus fastigium spectare, sed id unum, ut perinde Regina, atque adhuc fecerit, quoad viveret, pareret atque inserviret. Buchanan. *rer. Scot. Hist. Lib. XV. p. 674.* Ad ea, quæ ex jure divino positivo *Genes. III, 16. I. Cor. XI, 7. I. Tim. II, 11. Eph. V, 23. Coloss. III, 18. I. Petr. III, 1.* his omnibus opponi solent, plura regessit laudatus Palthenius *ibid. §. XXX. sequ.* quæ tamen nos, alio plane innixi fundamento, in medio relinquimus.

§. XLVIII.

Quum vero ordinarie maritus priores in societate connubiali partes teneat: (§. XLV. 61.) non potest etiam detrectare officium 72) alendi uxorem & liberos, 73) oneraque matrimonii ferendi: quamvis 74) quia communes sunt liberi, communisque rei familiaris cura utrique incumbit, (§. XLIII. 52.) merito & uxor partem istorum onerum, quantum opes ejus ferunt, in se suscipiat, eaque 75) procul dubio sit origo dotium apud Græcos

Mariti
officium
in feren-
dis ma-
trimonii
oneribus.

& Romanos, quas & illæ uxores adferebant maritis, quæ ab hereditate parentum non excludebantur.*)

*) Apud reliquas plerasque gentes ideo dotem accipiebant feminæ, ne plane exfortes essent bonorum paternorum, quippe alias a successione exclusæ. Idem iis temporibus obtinebat apud Romanos, quibus lex Voconia nondum exoleverat. At dotare tamen Romani solebant filias, etiam antequam lata esset lex Voconia, itemque, ea jam subversa, faciebant, quamvis hereditatem paternam maternamque æqualiter cum fratribus dividerent. Rem omnem eleganter exposuit Jac. Perizon. *differt. de lege Voconia*, nostris auspiciis recusa Halæ MDCCXXII. Hinc ipsi Romanorum jureconsulti dotem ad ferenda matrimonii onera dari, fatentur. *l. 7. pr. l. 56. §. 1. l. 76. fin. D. de jure dot. l. 20. C. eod.*

§. XLIX.

Matri-
monium
quatenus
indisso-
lubile;
fit.

Denique quum omnia omittenda sint, quæ matrimonii finem impediunt, (§. XXVIII. 9.) educatio vero liberorum, quæ non minus, quam procreatio eorumdem, finis matrimonii est, perpetuam conjugum societatem requirant: facile patet, 76) ei fini omnino adversari divortiorum licentiam, qualis apud plerasque gentes olim invaluerat. At quia tamen 77) intollerabiles alterutrius conjugis mores hunc finem magis impediunt, quam divortium, & 78) socio, cui tam injuriosus socius obtigit, non possit vitio viti, si illum abs se segreget: (§. XXII. 70.) divortium etiam non illicitum censemus, quoties alie-

alteruter conjux ita se gerit, ut finis matrimonii obtineri nequeat.*) Postremo 79) soluta quocumque legitimo modo hac societate, alterum ad secunda vota transire posse, eo minus dubitari potest, quo minus socio, soluta societate, jus est, alterum impediendi, quo minus novam societatem cum alio contrahere possit.

*) Huc ergo referimus non modo adulterium & malitiosam desertionem, quas causas & jus divinum iustas esse docet: *Math. V, 32. XIX, 9. I. Cor. VII, 15.* sed & omnes, quæ impedimento sunt, quo minus finem matrimonii adsequi liceat. Equidem an loquutio Christi *παρέκτος λόγος πορνείας*. *Math. V, 32.* idem significet, quod *rem turpitudinis* vocavit Moyses, *Deut. XXIV, 1.* adeoque tam laxa sit vocabuli *πορνεία* notio, ac visum est Seldeno *Ux. Hebr. III, 23. & 31.* nos quidem in medio relinquimus, certo persuasi, non idem esse *πορνεία* & *λόγος πορνείας*. *λόγος* enim pro ratione vel conditione rei accipi notum est, uti in formula notissima: *τὸ αὐτὸν λόγον ἔχει*. ejusdem sunt conditionis, vel eandem rationem habent, *Syneps. Epist. ad Joannem: Νυνὶ δὲ τὰ ἀμαρτήματα λόγον ἔχει πρὸς τὰς αἰετλότες κηλίδας*. Peccata vero ejusdem NATURÆ sunt, vel, peccatorum EADEM RATIO EST, ac macularum, quæ elui nequeunt. Hoc sensu accepto vocabulo, sensus erit, non aliam divortii causam sufficientem esse, quam quæ similis adulterio, ejusdemque cum hoc naturæ sit, vel, quod perinde est, quæ cum fine matrimonii non minus pugnet, quam adulterium.

S. L.

Quamvis vero hæc omnia ipsa recta ratio Quis statuerit

S 5

tio

tuerit

fit de
matri-
monii
imperfe-
ctis.

tio exigere videatur in societate conjugali : facile tamen unusquisque intelligit, 80) unum officium altero magis minusve finem matrimonii attingere, adeoque 81) non statim societatem inter masculum & foeminam matrimonium esse desinere, si quid per pacta mutetur. Quamobrem 82) matrimonium, licet imperfectum, est, quod sine solemnitate, clam, liberorum tamen quærendorum educandorumque causa, contrahitur, *) 83) nec non cui accedit *lex morganatica*, immo & 84) *putativum*, de quo singulari dissertatione egit Jo. Nic. Hertius : quamvis 85) in imperantium sit arbitrio, quem hujusmodi conjunctioni effectum in civitate tribuere velint.

- *) Hunc pertinet matrimonium, quod vocant *mariage de conscience* : immo & concubinatus, qualis apud Romanos obtinuit, de quo plura diximus in *commentario ad legem Jul. & Papiam, Lib. II. Cap. IV.* Neque enim aliter, quam dignitate, ab uxore legitima differebat concubina, quippe cum pellice non confundenda. Unde & *inaequale conjugium* vocatur concubinatus, l. 3. *C. de natur. lib.* Contra ne imperfecti quidem matrimonii nomen meretur illud, quod barbare vocant *ad talacho, emancibado, casato di media carta*, quod ea lege contrahitur, ut vir, prole positus, feminam illico a se segregare, vel uxor, prægnans, maritum pro lubitu deferere possit, qualia Amazonum matrimonia fuisse, memorizæ prodiderunt veteres, quamvis de veritate rei non abs re dubitet Arrianus in *expedit. Alexandri M. Lib. VII. p. 291. seq.* Conf. Sam. Petiti *Diss. de Amazoni-*

Cap. II. De officiis in soc. conjug. observ. 419
 zonibus, & Casp. Sagitt. Exercit. ad Justin.
 Hist. II, 4. Quid enim hoc aliud est, quam
 exire matrimonii causa, nubere divortii caus-
 sa? Seneca de Benef. III, 6. Quid magis ad-
 versari dixeris educationi liberorum, quam
 nuptias contrahentibus pro fine esse debere,
 supra monuimus?

C A P U T III.

De Officiis, in Societate parentum
 & liberorum observandis.

§. LI.

EX conjunctione maris & feminæ, de qua superiore capite disseruimus, nascuntur LIBERI, qui tantisper cum parentibus in societate vivunt, dum ipsi novas familias constituent, & e parentum manu potestateque exeant. Quamvis enim liberi, quando in hoc orbis theatrum prodeunt, nec expresse, nec tacite, in hanc societatem consentire possint: tamen, quia & ex præsumto consensu aliquando nasci potest societas, si ex ipsa rei natura, alterum consensisse, judicamus, (§. XVII. 48.) ipsa vero liberorum adhuc infantum conditio requirit, ut cum aliis in societate vivant: (§. eod. *) 1) nihil obstat, quominus parentes liberosque in eundem finem, eademque media consentire, adeoque 2) dari SOCIETATEM INTER PARENTES LIBEROSQUE, statuamus. (§. XIV.)

Transi-
tio ad so-
cietatem
paren-
tum &
libero-
rum.

§. LII.

Nimirum, quum liberi, adhuc infantes, immo & pueri atque adolescentes, non sint ea ingenii perspicacia præditi, ut ipsi vel

Hjus fi-
nis com-
moda li-
berorum
educatio.

de alimentis sibi prospicere, vel, quomodo actiones suas ad rectæ rationis normam componere debeant, dijudicare possint: 3) Deus sane, qui eos exsistere voluit, etiam aliis curam demandasse, intelligitur, tenellos illos homunculos educandi. Quumque 4) ideo incredibilem ænorem erga liberos infecerit parentibus, non solum hominibus, verum etiam brutis animantibus, ut de hoc officio admonerentur, (§. XXVII.) hique præterea sobolis procreandæ educandæve causâ societatem inierint, aut saltem hunc finem unice ob oculos habere debuerint: * (§. eod.) consequens est, 5) ut id officium primario incumbat parenti utrique, adeoque 6) societatis inter parentes & liberos finis non alius sit, quam COMMODA HORUM EDUCATIO.

*) Quamvis ergo contingere possit, ut homines diversi sexus non liberorum quærendorum, sed solius libidinis causâ, congregiantur: tamen ideo hac obligatione non liberantur, quod alium sibi finem proposuerunt. Quum enim omnes impuræ commixtiones extra matrimonium rectæ rationi adversentur: (§. XXXV.) non refert, quem finem ante oculos habeant parentes, sed quem habere debeant, nec in cujusquam potestate est, juri præceptivo, quod hunc finem statuit, renunciare. (Lib. I. §. XIII. 19.)

§. LIII.

Hæc ob- 25 Quia ergo finis hujus societatis est com-
tinere ne- moda sobolis procreatæ educatio, (§. LII.)
quit sine ea vero sine actionum directione consistere
potestate

ne-

nequit : consequens est , 7) ut parentibus liceat liberorum actiones dirigere , *) ac proinde 8) iis competat POTESTAS in liberos , adeoque 9) hæc societas omnino sit inæqualis & rectoria . Quemadmodum vero ex fine cujusque societatis officia sociorum sunt æstimanda : (§. XV. 43.) ita 10) & hæc PARENTUM POTESTAS ex fine æstimanda est , adeoque 11) est jus , parentibus competens , ea omnia agendi , sine quibus liberorum actiones ad obtinendum hujus societatis finem dirigi non possent .

parenti-
bus com-
petente .

*) Habes ergo originem potestatis illius , qui parentes jure naturæ in liberos utuntur . Vult Deus , ut liberi existant , id est ; ut & conserventur , & feliciter vivant . (Lib. I. §. LXXVII. seq.) Conservari & felices esse non possunt , nisi commode educantur . (§. LII.) Educari commode nequeunt , nisi eorum actiones dirigantur . Vult ergo Deus , ut ab iis , qui liberos educant , eorum actiones dirigantur . Quumque jus dirigendi actiones liberorum sit potestas in liberos : (§. LIII. 11.) voluit sane , ut parentes potestatem in liberos exerceant . Facessere ergo jubemus Hobbesium *de cive* IX, 3. hanc potestatem ex occupatione derivantem . Nec Pufendorffius satisfacit , qui *Lib. VI. de jur. nat. & gent. Cap. II. §. IV.* eam partim ex vitæ socialis natura , partim ex præsumpto liberorum consensu , explicare voluit . Consensus enim præsumtus in societatem hanc , quem ipsi agnoscimus , fundamento aliquo niti debet , quod non aliud esse potest , quam hoc , quod patulo ante exposuimus .

§. LIV.

Potestas
hæc pe-
nes utri-
que pa-
rentem
est.

Quumque hoc officium communes liberos educandi utrique parenti incumbat: (§. LII. 5.) consequens est, 12) ut & potestas hæc utrique sit communis, adeoque 13) ex jure gentium repeti non possit patria illa potestas, soli patri propria, quam jus Romanum inculcat. Attamen quum patris, tamquam mariti, in ipsa societate conjugali regulariter primæ sint partes: (§. XLV. 61.) facile est ad existimandum, 14) dissentientibus parentibus; paternæ magis, quam maternæ; voluntatis habendam esse rationem, nisi 15) pater aliquid, quod manifesto turpe, liberisque noxium sit, jubeat. Ad id enim, tamquam moraliter impossibile, nec matrem nec liberos obstringi, facile est ad existimandum.

§. LV.

Immo &
in avos,
avias, co-
gnatos,
tutores,
nutrito-
res, ado-
pantes,
transit.

Quia præterea officium educandi liberos, ex quo hæc potestas nascitur, aliquando præ mortuis parentibus, vel avi aviæve, quos pietas excitat, vel cognati occupant: aliquando ipsi parentes id aliis, ad hoc exsequendum magis idoneis, demandant: aliquando extraneus quidam id sibi, a parentibus cedi, ultro poscit: sequitur, 16) ut hæc potestas, quatenus in facultate actiones liberorum dirigendi consistit, tunc & AVIS, COGNATISVE, 27) & NUTRITORIBUS & PÆDAGOGIS, & 18) iis, qui quæve *) alienos liberos ADOPTANT, vel 19) in TUTELAM recipiunt, denegari nequeat, adeoque 20) hi omnes ea potestate eatenus uti possint, quatenus eam suscepta ab iis cura educationis exigere videtur.

*) Ado-

*) ADOPTIONEM ergo jus naturæ non improbare statuimus, sed ex alia ratione, quam ex qua eam Romani derivarunt. Quum enim liberi apud eos essent in patria potestate, id est, in dominio juris Quiritium: l. 1. D. de rei vind. inde colligebant, patrem liberòs æque, ac alias res mancipi, in dominio sub constitutas, posse alienare, & mancipare. Et hinc adoptiones fiebant per mancipationes & cessiones in jure, ceu alibi ostendimus. Porro adoptate poterant soli masculi, non feminae, nisi ex indulgentia principis in solatium liberorum amissorum: §. 10. Inst. l. 5. C. de adopt. quia femina aliquem in potestate habere non poterat. Sed nos adoptiones non ex dominio aliquo vel patris, vel utriusque parentis, sed ex officio liberos educandi, eorumque actiones ad hunc finem dirigendi derivamus. Quod officium quum aliquando alii extranei rectius, vel saltim æque commode exsequantur, ac ipsi parentes: nihil obstat, quo minus hi illud alijs volentibus concedere, adeoque liberos iis in adoptionem dare possint. Nec quidquam refert, masculus adopter, an femina, nupta an inupta, quia hæc adoptio non imitatur naturam, sed parentum tantum officia. Et exstat sane hujusmodi adoptionis exemplum non modo apud Ægyptios Exod. II, 10. verum etiam apud Romanos, apud quos Valeriam Augustam non in solatium liberorum amissorum, sed ob sterilitatem, adoptasse Candidianum, refert Lactant. de mort. persecu. Cap. L.

§. LVI.

Quemadmodum porro hæc parentum potestas consistit in jure ea omnia agendi, sine
qui- Parentibus tribuitur jus jubendi,

prohi-
bendi,
castigan-
di.

quibus liberorum actiones ad obtinendum societatis hujus finem dirigi non possunt: (§. LIII. 11.) ita facile est ad existimandum, 21) parentibus licere & præscribere liberis, quæ agere eos oporteat, & 22) prohibere, quæ ab iis fieri nolint, & 23) immorigeros non modo objurgare, sed & 24) prout res exigat, castigare, & acrioribus remediis in ordinem cogere: modo 25) id prudenter fiat, statusque non modo & dignitatis familiæ, sed & 26) ætatis, *) reliquarumque circumstantiarum ratio habeatur.

*) Recte Grot. *de jure belli & pac. II, 5. 2.* & Pufendorff. *Jur. nat. & gent. VI, 2. 7. seq.* observant, majorem esse hujus potestatis vim in primæ ætatis liberis, quam in adultioribus. Quum enim tantum possit pater, quantum requirit finis hujus societatis, puta liberorum educatio, (§. LIII. 11.) liberi autem imperfecti judicii vix umquam, quid factu optimum sit, perspiciant: ipsa res exigat, ut parentes omnes eorum actiones dirigant, eos ad certam addiscendam artem, nec non ad amplectendam religionem, quam ipsi probant, compellant, immodestosque & immorigeros etiam virga scuticaque castigent. Id vero bonus pater non fecerit filio adultiori, quem, maturiore judicio præditum, auctoritate magis & rationum pondere, quam severitate ac rigidiori imperio, ad quævis honesta pertrahere studebit, nec temere quidquam, quod ad futuræ vitæ rationes pertinet, invito illi per modum imperii injunget, Sic e. g. puerum parentes recte adigent etiam invitum, ut scholam frequentet, et non recte adultum cogent ad ducendam uxorem, ad certum vitæ genus, a quo abhorret, eligent.

Cap. III. De officiis in soc. parent. &c. 425
gendum, cetera. Id quod observandum contra Casp. Zieglerum, qui hanc distinctionem non putat admittendam in Nois ad Grot. II, 5. 2.

§. LVII.

Ex eodem patet, 27) finem hujus societatis non exigere jus vitæ & necis in liberos, 28) nisi forte in statu naturali parentes diffusæ familiæ, tamquam capita, præfuerint: quamvis tunc magis ut principes vel imperantes, quam tamquam parentes, id jus exercuisse videantur.*) Hinc denuo colligimus, 29) non probare jus naturæ rigidum illud jus veterum Romanorum, quod ipsis postea Romanis displicuit, adeoque 30) vere docuisse Justinianum, *nullos esse alios homines, qui tali in liberos potestate utantur, quam si sint Romani. §. 2. Inst. de patr. pot.*

An & jus vitæ & necis?

*) Id vero vel inde patet, quod jus illud vitæ & necis magis patri proprium, quam utrique parenti commune fuisse, quin sese in ipsas uxores, & nurus etiam viduas porrexisse videtur. Exemplum sane posterioris observationis præbuit Judas, qui, quum intellexisset, scortatam esse Thamarum nurum: *Ducite eam, inquit, ut comburatur. Genes. XXXVIII, 24.* Ita & hodie Reges, quia in statu naturali vivunt, hoc jus vitæ & necis exercent in uxores, liberos, universamque familiam, idque & olim semper exercuerunt, non tamquam patres, sed tamquam supremi imperantis. Sic inter Perseum & Demetrium filios iudex sedit Philippus Macedo apud Liv. XL. 8. Sic a Valeria Messalina, uxore adultera, supplicium sumsit Claudius

dius Cæsar apud Sueton. in *Claud. Cap. XXVI.*
 ut jam non dicam de exemplis recentiori-
 bus, quæ jam alii cum cura expendunt.
 Add. Barbeyrac ad Pufend. de *jur. nat. &*
gent. VI; 2. 10.

§. LVIII.

An jus
 venum-
 dandi
 noxæve
 dedendi
 liberos
 per eos-
 que ad-
 quiren-
 di.

Multo minus ergo 31) illa parentum po-
 testas jure naturæ conjuncta est cum jure li-
 beros venumdandi, 35) delinquentes noxæ
 dandi, 33) omniæque, quæ liberis aliunde
 obveniunt, acquirendi, quamvis hæc omnia
 antiqua saltem Romanorum jurisprudentia pro-
 barit. Nihil enim horum ita comparatum est,
 ut sine eo obtineri nequeat finis hujus socie-
 tatis. (§. LIII. 11.) Attamen, quum hæc po-
 testas in facultate dirigendi liberorum actio-
 nes consistat: (§. LIII. 7.) 34) parentibus
 non deneganda videtur facultas, liberis pro
 conditione sua certas imperandi operas, ex
 iisque lucrum capiendi, immo & 35) admi-
 nistrandi ea, quæ liberis sive fortunæ, sive
 hominum beneficio obvenerunt.*)

*) Nam quum ipsi liberi, quamdiu imma-
 turum imperfectumque est eorum judicium,
 directioni parentum subsint: quidni & eorum
 res ab iis administrantur? An vero & fructua-
 ria est hæc administratio? Non dubito. Qui-
 buscumque rebus indigent liberi, eas a paren-
 tibus jure quodam suo exigunt, veluti cibum,
 potum, vestes, habitationem, sumtus disci-
 plinæ. Non ergo indigent fructibus, quibus
 maxime plerumque indigent parentes ad alen-
 dos educandosque liberos. Et qua fronte fru-
 ctus a parentibus repeterent liberi, quibus vi-
 cem

Cap. III. De officiis in soc. parent. &c. 427
 cem numquam reddere possunt, si se suaque
 omnia redderent? Ismene apud Sophoclem in
 Oedipo Colon. v. 523.

Φύλασσε πατέρα τόνδε τοῖς τέκνοις γάρ

Οὐδ' εἰ ποιεῖ τις, δεῖ πόνη μνήμῳ ἔχειν.

Patrem cura: nam parentum causa

Esti quis laborat, laborum tamen non me-
minisse debet.

§. LIX.

Sed hæc de potestate parentum dicta suf-
 ficiant. Quod ad OFFICIA eorundem attinet:
 ea intellectu facillima videntur. Etenim ex
 fine hujus societatis prono alveo fluunt. Est
 ille COMMODA LIBERORUM EDUCATIO, ac pro-
 inde nemo non intelligit, obligatos esse pa-
 rentes, ad ea omnia agenda, sine quibus fi-
 nis hujus societatis obtineri non potest, &
 ad ea omittenda, quæ cum fine illo pu-
 gnant. (§. XXV. 76. seq.) Itaque operæ pre-
 tium fuerit, educationis notionem evolvere
 paullo accuratius, ut ex ea officia, tum pa-
 rentum, tum liberorum, tanto facilius cer-
 tiusque eruantur.

Officio-
 rum pa-
 rentum
 erga li-
 beros fun-
 damentu-
 tum.

§. LX.

Obligationem ad educandos liberos paren-
 tibus ipsum amorem, quem illis natura inse-
 vit, inculcare, jam supra monuimus. (§.
 XXVII.) Quumque parentes liberos non alio
 AMORE, quam BENEVOLENTIÆ, complecti pos-
 sint, (Lib. I. §. LXXXV.) hic vero in eo
 consistat, ut entis inferioris atque imperfe-
 ctioris felicitate delectemur, eamque serva-
 re, &, quantum in ens illud cadit, amplifi-
 care studeamus: (ibid. §. LXXXVI.) conse-
 quens

Quid e-
 ducatio,
 & in quo
 illa con-
 sistat?

quens est , 36) ut & parentes liberos non modo conservare , sed & 37) felicitatem eorum amplificare teneantur : & 38) in hoc ipso consistat commoda EDUCATIO , per quam adeo 39) nihil aliud intelligimus , quam curam parentum , qua liberos suos & conservare , & felicitatem perfectionemque eorum amplificare , omni ope nituntur . *)

*) Quid enim adeo magnum est , procreasse liberos , nisi & conserventur ? & quid conservasse , nisi & ita instituantur , ut veræ felicitatis participes esse possint ? *Ad bene vivendum* , ait Seneca , *de Benef. III, 31. minima portio est vivere . Et paucis interjectis : Vis scire , quam non sis magnum beneficium , vitam sic dare ? exposuisse : nempe injuria erat , genuisse . Quo quidem colligo , minimum esse beneficium patris matrisque concubitum , nisi accesserint alia ; quæ prosequerentur hoc initium muneris ; & aliis officiis ratum facerent .*

§. LXI.

Parentum est liberorum vitam , sanitatem & integritatem membrorum conservare . . .

Quum ergo parentum sit , operam dare , ut conserventur liberi : (§. LX. 39.) consequens est , 40) ut non modo iis alimenta commoda , *) idest , victum ; amictumque , pro conditione sua præbere , sed & 41) eorum valitudinem curare , 42) corpus membræque ; quantum in se est , integra præstare , quin & 43) eos a luxu , ingluvie , lascivia , omnibusque vitiis , quæ sanitatem ac vires corporis animique prosternunt , avertere , ac proinde 44) non temere solos & sine custode relinquere , teneantur .

*) Ad quæ alimenta præcipue etiam pertinet pri-

primi lactis instillatio. Ad hanc enim ipsam matrem obligatam esse, vel hoc ipso eas natura admonet, quod illico a partu, ubera illius lacte turgescere incipiunt, & inexhaustus ille fons tamdiu plerumque hoc nectar sufficit, donec solidiorem cibum ferat infantuli stomachus. Vere ergo neglecti officii materni reas esse, quæ vel commoditatis suæ, vel formæ servandæ causa, eam operam nutriculis & scortillis delegant, ipsi pagani, ductu solius rationis, viderunt, multisque probarunt argumentis. Pertinent huc Plutarch. *de liber. educ. pag. 3.* Gell. *Noct. Att. XII, 1.* At, sicuti necessitas facile unumquemque solvit lege affirmativa: (Lib. I. §. CXIV. 59.) ita nec vitio vertendum fuerit matri delicatiori, infirmæ, lacte destitutæ: si nutrici commendet infantem. Qualis vero deligenda sit a proba & prudente matre, elegante epistolâ ad Phylida ostendit Myia apud Thom. Gale *Opusc. mythol. æb. & phys. pag. 750.*

§. LXII.

Huic ergo officio omnino adversantur 45) procuratio abortus, 46) expositio infantum, 47) eorundem, nihil tale meritorum, abdicatio vel exhereditatio, *) 48) alimentorum necessariorum denegatio, & similia, quæ fini hujus societatis repugnant, vitia. In primis 49) reprehensione dignissimi, indignique parentum nomine sunt, qui vel derelinquant liberos, vel 50) incuria sua efficiunt, ut vita, sanitas, sensus, membraque eorum aliquid capiant detrimenti. Quin 51) tanto detestabilior est hæc parentum impietas, quo magis sensus, sanitas, integritasque membrorum non solum ad con-

Quid huic officio adversetur?

fer.

fervationem , sed & ad felicitatem libero-
rum , pertinent .

*) Parum enim interest , sive quis occidat li-
beros , sive iisdem alimenta denegat . l. 4.
D. de agnosc. & alend. lib. Alimenta autem
liberis subtrahunt parentes , qui illos abdi-
cant vel deserunt , innocentessve exheredes
scribunt : immo ne ipsæ quidem leges re-
prehensione vacant , quæ parentibus tantum
indulgent , ut liberos suo arbitrio tractare
possint , vel saltem majorem patriæ potesta-
tis , quam æquitatis naturalis , habent rati-
onem . Quis enim non reprehendat Tar-
quinius leges , stare passas testamentum
Damarati , qui ignorans , nulum ventrem fer-
re , immemor in testamento nepotis decesserat ,
puero post avi mortem in nullam sortem bono-
rum nato , & postea ob inopiam Egerii nomen
ferente ? Liv. I, 34. Quis non laudet Augu-
stum , qui C. Tettium , infantem , a patre ex-
heredatum , in bona paterna ire decreto suo
jussit , patris patriæ nomine usus , quoniam
Tettius in proprio jure procreato filio summa
cum iniquitate paternum nomen abrogaverat ?
Valer. Max. VII, 7.

§. LXIII.

Libero-
rum per-
ficiendus
est intel-
lectus.

Quum vero præterea ad parentum offi-
cium pertineat , ut liberorum suorum perfe-
ctionem felicitatemque pro virili amplifica-
re studeant , (§. LX. 39.) ad perfectionem
vero eorum vel maxime pertineat intelle-
ctus excultus , & viva veri bonique cogni-
tione probe imbutus : (Lib. I. §. CXLVI.)
sane parentum erit , 52) liberis præcepta sa-
pientiæ rerumque divinarum & humanarum
scien-

scientiam a teneris unguiculis instillare, vel
53) eos idoneis magistris perpoliendos da-
re, 54) nullisque sumtibus parcere, ut &
ingenia eorum acuantur, & 55) ipsi ad
omnes honestas artes, pro conditione facul-
tatibusque suis, instituantur. Ex quo porro
colligimus, 56) parentes obligatos esse ad
explorandam liberorum indolem, honestum-
que vitæ genus, quod indoli, conditioni;
aliisque circumstantiis conveniat, eligendum,
eo verè semel electo, 57) nihil eos reliqui
facere debere, ut liberi personam, sibi im-
positam, in hoc mundi theatro aliquando
cum plausu agere possint. *)

*) Quumque unus homo plures plerumque
personas sustineat, ut singulari dissertatione
luculenter ostendit Hertius: educatio ita at-
temperanda est, ut liberi non modo ad vi-
tæ genus, quod electum est, apti sint, sed
& reliquas personas decore agant. Hinc quia
liberi aliquando non solum boni mercato-
res, artifices, opifices, sed & boni cives,
esse debent: educationem liberorum accom-
modandam etiam esse statui ac formæ repu-
blicæ patriæ, recte monet Aristoteles *Pol-
lit. V, 9.* addita ratione: *Ὁφίλοι γὰρ εἶναι ἢ δὲ
ὠφελιμωτάτων νόμων, καὶ συνδεδεγμένων ὑπὸ παί-
των ἢ πολιτευομένων, εἰ μὴ ἔσονται εἰδισμένοι καὶ
παιδευμένοι ἐν τῇ πολιτείᾳ· εἰ μὴ οἱ νόμοι δημο-
τικοὶ δημοτικῶς· εἰ δ' ὀλιγαρχικοί, ὀλιγαρχικῶς.
Εἰ περ γὰρ ἐστὶν ἐφ' ἑνὸς ἀρεσσία, ἐστὶ καὶ ἐπὶ πό-
λει.* Nullum enim emolumentum capitur ex
utilissimis legibus, & quæ probata sunt ju-
dicio cunctorum, qui dant operam resp. ni fue-
rint adsuæ & instituti, si leges sine popula-
res, populariter; sin oligarchica, oligarchi-
ce.

ce. Si enim est in uno mortali inconscientia, est etiam in civitate.

§. LXIV.

Et emen-
danda
volun-
tas.

Quumque voluntas sit vera illa amoris, quo cum bono, adeoque & cum felicitate conjungimur, sedes: 58) nihil agere videbuntur parentes, qui de perficiendo liberorum intellectu solliciti, nullam voluntatis rationem habent: nec non 59) qui non id agunt, ut liberorum suorum animos ad pietatis virtutisque amorem inflamment, sed 60) ut eos vel manifestis vitiis, vel 61) calliditati, avaritiæ, ambitioni, voluptati, (quibus ipsi prudentiæ, frugalitatis, erectioris animi elegantiaque velum prætendunt;) adsuæfaciant, qui denique liberis ad omnes scelus profligatis, 62) præunt exemplo, & sic ægrotos animos perpetuis vitiorum spectaculis turpiter corrumpunt. *)

*) Sunt hæc præcipua errata, quibus & optimam liberorum indolem in præcipitia abripi, animadvertimus. Quemadmodum enim nemo est tam existimationis suæ incuriosus, ut manifestis vitiis pollutus videri velit, ac proinde unusquisque sceleribus suis aliquod virtutis ac prudentiæ velum prætexit: ita & liberos suos ita instituere solent parentes, ut non tam honeste ac sapienter vivere, quam alios aliqua virtutum specie decipere discant, id est

Ut Curios simulent, & bachanalìa vivant.
Ad hoc eos præceptis, ad hoc exemplis suis instituunt. Quin si hi quadam naturæ bonitate ad veram laudem contendunt: eum impetum parentes turpi exemplo reprimunt.
Quem-

Quemadmodum enim, qui nocte illumi iter faciunt, facile a recto tramite aberrant, si præter facem passim oberrant ignes fatui: ita & præclara ingenia plerumque in transversum aguntur, si oculis quotidie obversantur prava parentum facinora, hique se ipsos liberis præbent inutilis disciplinæ exempla, parum memores incomparabilis illius sententiæ Juvenalis Sat. XIV. v. 44.

Nil dictu factum visuque hæc limina tangat,

Intra quæ puer est, procul hinc, procul inde puellæ

Lenonium, & cantus pernoctantis parafiti.

Maxima debetur puero reverentia. Si quid

Turpe paras, nec tu pueri contemseris annos:

Sed peccaturo obfistat tibi filius infans.

§. LXV.

Quum vero puerorum atque adolescentium indoli nihil magis adblandiatur, quam otium & voluptas: parentes operam dabunt, 63) ne nimis delicatam rationem in educandis liberis teneant, 64) neque eos otio obtorpescere patiantur, aut 65) nimis exquisito victu nutrant, sed 66) solem, frigusque ferre, ciboque parabili contentos esse, doceant. Ita enim dum educantur rusticorum liberi, dumque hi inter operas rusticas, pressumque lac, & cibos parabiles adolescent, eos & sanitate & robore ipsis plerumque nobilibus adolescentibus antecellere, docet experientia. *)

In primis a voluptate revocandus animus.

*) Exstat hanc in rem incomparabilis epistola Theanus, Pythagoreæ sapientiæ filiæ, ad Hein. de Jur. Nat. & Gent. T Eu-

Eubulen apud Thomam Gale *Opusc. mythol. Esbic. & phys.* p. 741. qua ex instituto demonstrat; διασπολὴν τῆ φύσεως εἶναι, ὅταν τὰ παιδία φιλέδωκα μὲθ ταῖς χυδαῖς ἡδοναδῶν δὲ τοῖς αἵμασι ῥυπῆται. *Corruptionem & perversiorem naturæ esse, (non educationem,) quum animi ad voluptatis amorem, corpora ad libidinem transferantur.* Nec minus graviter hæc præcepta passim inculcat Plutarchus toto illo aureo libello *de institutione liberorum.*

§. LXVI.

Nec non a pravorum consuetudine. Sed præcipue 67) juventutis animum pervertit consuetudo cum pravis hominibus: adeoque 68) nihil majore cura ac sollicitudine cavere decet parentes, quam ne liberi sibi malos sodales inveniant, sed 69) paribus & bene educatis colludere malint. Quum enim ad imitationem natura proclives sint tennelli eorum animi, *) cerei quippe flecti in vitium, monitoribus asperi: experientia docet, tanto facilius pueros adolescentesque abripi in quævis præcipitia, quanto minus adulatores & parasitos ab amicis, corruptores a bonis magistris, insigationes ad vitia a salubrioribus præceptis possunt discernere.

- *) Quam proclives sint pueri ad imitandum, argumento sunt illi, qui inter feras bestias educati, earum non modo victum & gressus, sed & gestus, vocem & ferociam ita paulatim adseiverunt, ut a bestiis vix discernerentur. Exempla dederunt auctor supplementorum Lamberti Schaffinab. ad ann. *MCCCXLIV.* Hartknoch. *de Polon. Lib. I. Cap. II.* p. 108. Bern. Connor *Evang. med. art. CXV.*

Cap. III. De officiis in soc. parent. &c. 435
 pag. 181. & de statu Polon. Part. 1. Epist.
 VI. pag. 388. Sic & puerum surdum & mu-
 tum, a parentibus in templum frequentius
 adductum, omnes gestus, quibus inter sa-
 cra alios uti viderat, tam accurate expref-
 sisse ferunt, ut non dubitarent clerici, quin
 aliquo religionis sensu tangeretur, quum
 tamen ubi auditum casu recepisset, & sen-
 sim cœpisset loqui, rei non meminerit, nec
 ullo indicio vel argumento colligi posset,
 eum religionis ideam ullam animo concepif-
 se. Vid. *Aët. erud. Lips. MDCCVII. pag. 507.*
 Si ergo homines in bruta veluti convertit
 solum cum brutis contubernium, & si homi-
 nem surdum & mutum religiosi gestibus im-
 buit solus aliorum religiose Deum colentium
 conspectus: quis miretur, & pueros aliam
 naturam induere ex consuetudine cum aliis,
 & veluti hausto Circes poculo in bestias
 transformari?

§. LXVII.

Quæ contra LIBERIS officia erga parentes Liberi
 incumbant: ex horum statu & jure, societa- parenti-
 tisque ipsius indole non difficulter intelli- bus de-
 tur. Quemadmodum enim parentibus est jus bent a-
 dirigendi liberorum actiones: ita inde patet, morem
 70) eos a liberis non aliter considerari pos- devotio-
 se, quam ut superiores & perfectiores, ad nis & o-
 eoque 71) amandos esse amore devotionis bedien-
 & obedientiæ, *) (Lib. I. §. LXXXV.) Ex tiz.
 quo porro sequitur, 72) ut liberi eos omni
 veneratione atque obsequio, (§. LXXXVI.)
 & 73) tali quidem veneratione, quæ eorum
 perfectionibus digna sit, (Lib. I. §. LXXXVII.
 51.) prosequi teneantur.

*) Hinc veteres omnes facti sunt, proximum

amoris gradum post Deum deberi parentibus, quibus nos ipsos debeamus. Sic Gell. *Noct. Att. IV*, 13. officia liberorum erga parentes primo loco ponit inter omnia, quæ aliis hominibus debeamus, auctoritate usus Catonis, Massurii Sabini & C. Cæsaris. Multo expressius aureorum Pythagoræ carminum auctor v. 1. seq.

Ἀθανάτους μὴ πρῶτα θεὸς, νόμος ὡς διάκεινται,
Τίμα· καὶ εἴβη ἔρκον· ἔπειθ' ἔρωας ἀγαυός.

Τύσπευ καυαχθονίης σέβη δαίμονας, ἐννόμα
ρίζων

Τύσπε γονεὺς τίμα, πῆς τ' ἀγχίς ἐκγεγας.

*Primum immortales Divos pro lege colunto
Et jusjurandum: heroas, clarum genus, inde.*

Demonēs hinc, terris mixti, sua jura ferunt.

Inde parentis honos sequitor: tum sanguinis ordo.

Quæ explicans suo more, Hierocles pag. 50. θεωρεῖν εἰκόνα Deo similem imaginem in parentibus agnoscit. Et Simplicius Comment. in *Epicteti Enchirid. Cap. XXXVII. pag. 199.* οἱ εἶπε παλαιότεροι ποῦντι τὴν γονίαν ἐσιφθῆναι, ὡς καὶ θεὸς αὐτὸς ὁρμῆσαι καλεῖν· διλαβηδόντες δὲ τὴν θεῖαν ὑπεροχὴν τὴν ἥδ' ὑπὲρ γονέων ἀδελφὸς θεὸς ἐκδύσασαι, εἰδείκνυμενοι ἢ πᾶξιν, ἢ τὴν γονίαν ἔχειν πρὸς τὴν παῖδας τὴν αἰωνίαν ὑπελάμβανιν. *Antiquiores (Romanis) leges ita veneratae sunt parentes, ut DEOS adpellare eos non dubitarent: divinam autem excellentiam reveritæ fratres patrum THIOS quasi DIVINOS adpellant, ut demonstrent, quam rationem parentum adversus liberos esse existiment.*

§. LXVIII.

¶ Veneratio parē-

Quia ergo veneratione prosequendi sunt paren-

parentes, & tali quidem, quæ eorum perfectionibus digna sit: (§. LXVII. 72. 73.) nemo sane dubitaverit, 74) quin liberi parentes aliis omnibus præferre, 75) cum iis, ac de iisdem, non nisi honorifice loqui, quin 76) & operam dare debeant, ne vel vulu-
lædatur pietas. Et quamvis contingere possit, ut in parente vel alterutro, vel utroque non reperiantur ex perfectiones, ut inde veneratio vel honor nasci possit: (Lib. I. §. LXXXVII.*) boni tamen filii est, 77) dissimulare illa parentum vitia, & 78) patienter potius ferre eorum injurias, quam quidquam eorum, quæ a liberis ipsa natura exigit, prætermittere.*)

tibus de-
bita.

*) Nam & mali parentes, parentes tamen, id est, uti eos recte vocat Simplicius *ibid.* p. 198. αἷτια μὲν διὸν τῷ εἶναι, existentiæ nostræ post Deum auctores, sunt: eaque perfectio vel sola nos ad concipiendam animo pietatem ac venerationem incitare debet. Epictet. *Enchir.* Cap. XXXVII, Ἀλλὰ πατὴρ κακός ἐστι. μή τι ἐν αὐτῷ ἀγαθὸν πατέρα φύσει ᾗτενός ἐστι ἀλλὰ πρὸς πατέρα. τῆρε τοιγαρὺν ἢ ἀρᾷν ἢ σιαντῶν πρὸς αὐτὸν, μηδὲ σκόπει, τί ἐκεῖνος ποιεῖ, ἀλλὰ τίσοι ποίῳσαι κατὰ φύσιν, ἢ οὐ ἔξῃ ἀποαίρεσις. At pater malus est. Numquid igitur natura cum bono patre conjunctus es? Non, sed cum patre. Tu ergo munus tuum erga ipsum tuere, nec, quid ille agat, considera, sed quibus rebus agendis tuum institutum naturæ futurum sit consentaneum.

§. LXIX.

Quumque parentibus competat potestas dirigendi liberorum actiones, eosque coer-

Itemque
metus
reveren-
tialis.

cendi castigandique: (§. LVI. 23. sequ.) consequens est, 79) ut parentes non modo amore devotionis prosequendi, sed & timendi sint. Ex quo amoris ac timoris temperamento quum nascatur *timor filialis*: (Lib. I. §. CXXXI. *) inde non possumus non colligere, 80) timorem illum solum cadere in pios liberos, adeoque 81) objurgationes castigationesque parentum non tam, quod doleant, metuendas, quam quod indignationis paternæ, suis vitiis provocatæ, sint argumentum.

§. LXX.

Nec non
obsequium.

Quandoquidem vero & obsequio prosequendi sunt parentes: (§. LXVII. 72.) non possent profecto reprehensionem effugere liberi, 82) nisi jussa eorum promte exsequerentur, ac 83) ne morositatem quidem eorum, & duriora imperia, sese ab officio dimoveri patiantur. Quia tamen vel ipsa recta ratio docet, quo major est entis alicujus perfectio ac sublimitas, eo majorem ei venerationem & obedientiam exhiberi oportere: (Lib. I. §. LXXXVII. *) consequens est, 84) ut, si turpe quid ac voluntati divinæ vel legibus adversum jubeant parentes, horum potius, quam Dei ac legum, jussa insuper sint habenda. *)

*) Quod enim de magistratuum jussibus dixerunt Petrus & Joannes, Apostoli: *Εἰ δὲ καὶ ἰσχύει ἡμῶν ἀντίκειναι μάταιον, ἢ τῷ θεῷ κριναί.* Justumne sit apud Deum, vobis potius, quam Deo, auscultare, ipsi judicate. *Ἀλλ.* IV, 19. Et paulo post *Ἀλλ.* V, 29. *Πειθαρχεῖτε δὲ τῷ θεῷ μάλλον, ἢ αἰσχροῖς.* Obedi-
dere oportet Deo potius, quam hominibus: idem

idem & ad parentum præcepta pertinet. Quamvis enim sanctissimum eorum sit imperium : sanctius tamen est ipsius Dei, nec eo usque porrigitur parentum potestas, ut liberos legibus, a summis imperantibus latis, possint solvere. (§. XXIV, 75.) Hierocl. ad autem Pythag. carm. v. 4. p. 53. Εἰ δὲ εἰσιν, ὅτι τῶ θεῶν νόμων ἀνέκους εἰσιν ἢ τῶ γονέω παύσεις, τί δὲ ποιῆν εἰς ἀτιμολογίαν ἐμπίστοντας τοιαύτως, ἢ τῷτο, ὃ καὶ ἐπὶ πολλῶν καθυκόντων ἐκ περιστάσεως εἰς ἐναντίωσιν ἐλθόντων προσηκε χυλάττειν; μεζόνων γὰρ καὶ ἐλαττόνων προκειμένων καλῶν, τὰ μεζόνων ἀπὸ τῶ ἐλαττόνων πείθεται δὲ, ὅταν μὴ ἀμφότερα ἐξῇ διασάξεν. εἴτε καλὸν μὲν τῶ θεῷ πείθεται, καλὸν δὲ καὶ τοῖς γονέσιν. εἰ δὲ ἀπὸς ταῦτα ἢ ἀμφότερων ἀγχι πείθεται, ἔρμαιον αὐτῶν καὶ ἀμαχον. εἰ δὲ ἀπὸς ἄλλα μὲν ὁ θεὸς νόμος, ἀπὸς ἄλλο δὲ οἱ γονεὶς φέρειν, μαχομένης δὲ αἰρέσεως τοῖς ἀμείνοσι πείθεται δὲ, ἀπὸς ταῦτα μόνον ἀπειθῆντας γόνεσι, ἀπὸς δὲ καὶ αὐτοῖς τοῖς θεοῖς νόμοις καὶ πείθονται. Si divinis legibus repugnat aliquando parentum voluntas : quid eos aliud facere oportet, qui in illam legum collisionem incidunt, quam quod in multis etiam officiis, quæ pro circumstantiarum ratione sibi adversantur, decet observare? Honestis enim duobus propositis, quod majus est, minori decet antepone, quum utroque frui non licet. Verbi gratia: honestum quidem est, Deo obedire: honestum vero & parentibus ipsis. Quod si te ad eadem ducat utriusque persuadendi vis: lucrum fuerit inopinatum, & sine controversia maximum. Sin autem ad aliud te trahat divina lex, ad aliud vero parentes: in hac voluntatum dissensione meliora sequi præstiterit, & in iis solum parentum jussa præterire, in quibus & ipsi divinis legibus non obediunt.

Ceterum uti ea est genuina potestatis parentum ratio, quod ad finem societatis hujus consequendum necessaria est facultas liberorum actiones ad hunc finem dirigendi : Quando solvatur parentum potestas. (§. LIII. 8.) ita nemo dubitaverit, 85) quin, obtento fine, & medium cessare oporteat, adeoque 86) illa parentum potestas non demum morte eorum, sed tunc illico exspiret, quando liberi masculi ejus ætatis atque ita instituti sint, ut ipsi sua quadra vivere, novamque familiam instituere possint, vel 87) si filia neptisve domo patriæ vel avita enubant, in aliasque transeant familias. 88) Ut jus naturæ non probeat rigorem illum juris veteris Romani, quod filios cum uxore & liberis per omnem vitam in patria potestate esse jubebat, nisi patres vel avi quosdam, ultro emancipatos, e sacris suis dimitterent.*)

*) Illud e dominio juris Quiritium, quod patri apud Romanos competiisse in liberos diximus, prono alveo fluere videbatur. Neque enim tempore finitur dominium, neque ullus eo sine facto suo excidere potest. Hinc & imaginariæ illæ venditiones in emancipationibus adhibitæ. Nihil enim analogiæ juris magis videbatur convenire, quam ut res mancipi, intercedente mancipatione, abalienaretur. Vid. V. A. Corn. van. Bynkershoek *de jure occid. lib. Cap. I. p. 145. seq.* Quum vero illud dominium in liberos, tamquam res mancipi, jus naturæ & gentium plane ignoret : (§. LV. *) illud etiam rigorem illum, quem in paragrapho descripsimus, ignorare certissimum est.

§. LXXII.

Quum vero potestas tantum parentum , Soluta
(§. LXXI. 86.) non item amor , quem ipsa paren-
natura iniecit parentibus , (§. XXVII.) libe- tum po-
ris e familia dimissis cesset : consequens est , testate
89) ut bonorum parentum sit , etiam sepa- bet cessa-
ratorum a se liberorum felicitate delectari , re amor .
90) eos ope & consilio pro virili juvare ,
91) & non minus his , quam in familia
perseverantibus , quantum honeste fieri potest ,
lucrari , 92) nihil denique reliqui facere ,
ut eos reddant quam felicissimos . Ex quibus
simul patet , 93) cur emancipati non minus ,
quam sui liberi , parentibus ab intestato me-
rito succedant . *)

*) Itaque ab æquitate naturali discessisse vi-
dentur gentes pleræque , quæ filias nuptu-
ras , oblata certa dote , contentas , exfor-
tesque esse jubebant paternæ hereditatis .
Equidem hæc lex justam habuit rationem
apud Hebræos , quorum rempublicam ita
instituerat supremum Numen , ut cuius tri-
bui sortem suam attribueret , cujus agros &
bona in aliam tribum transire noluerat .
Num. XXVII. Sed non æque laudaveris simi-
lem Syrorum morem , cujus vestigium ex-
stat Genes. XXXI, 14. sequ. nec non leges
Atheniensium , de quibus plura erudite dis-
seruit Jac. Perizon. de lege Vocon. p. 119. seq.
Quin multo minus æquam dixeris legem
Romanorum , de filiis etiam emancipatis a
paterna hæreditate excludendis , quum ipse
Prætor ejus rigorem , data illis bonorum
possessione , emolliendum , quin eam plane
abolendam dixerit Justinianus Novella CXVIII.
Emancipationem enim potestatem tantum

parentum tollere oportebat, non amorem, ex quo successionem ab intestato esse derivandam, suo loco ostendimus. (*Lib. I. §. CCXCV.*)

§. LXXIII.

An in parentum & liberorum arbitrio sit possum, quando potestas illa solvenda sit?

Ex quo porro colligimus, 94) nec in parentum positum esse arbitrio, liberosne cuiuscumque ætatis e potestate dimittere, an eosdem jam adultos invitos in familia retinere malint: nec 95) excusandos esse liberos, qui invitos parentes deserere, & fræna veluti mordere non dubitant. Quemadmodum enim injuste agunt parentes, qui quid eorum omittunt, sine quibus finis hujus societatis obtineri nequit: (*§. XXV. 76.*) ita liberi se, salva justitia, non possunt subducere parentibus, quia quod sibi quisque fieri non vult, id nec aliis facere debet. (*Lib. I. §. LXXXVIII. 54.*)

§. LXXIV.

Liberiorum obligatio soluta parentum potestate.

Quemadmodum porro parentum amorem extinguere non oportet liberorum discessu e familia: (*§. LXXII.*) ita 96) amorem illum venerationis, quo liberi illos prosequi tenentur multo minus tunc cessare debere verum est. Immo quum unusquisque ad amandum eum, a quo beneficiis ornatus est, obstrictus sit, (*Lib. I. §. CCXXVI. 37.*) isque amor erga benefactores vulgo GRATITUDO vocetur: (*ibid. §. CCXXVII.*) conequens est, 97) ut liberi, & finita parentum potestate, obligati maneant ad gratum illis animum quavis ratione ostendendum, 98) eorum benevolentiam verbis ornandam, 99) beneficia beneficiis

ficiis pensanda, nihilque, quod alicujus momenti est, & ad familiæ decus pertinet, (veluti conjugium,) sine eorum consilio suscipiendum: quin 100) & alimenta indigentibus suppeditanda. Quod genus gratitudinis, quamvis ad officia imperfecta referendum videatur, 101) ita tamen comparatum est, ut leges civiles liberos, officii sui imminores, jure meritoque in ordinem cogant.* (Lib. I. §. CCXXVII. 43. †)

*) Si vera sunt, quæ de ciconiis memoriæ prodiderunt veteres, eas parentes senectute confectos alere: etiam a brutis animantibus in ruborem dantur liberi beneficiorum immemores. Eleganter Ælian. *Hist. animal.* III, 23. Τρίφειν μὲθ' ἑαυτῶν πατέρας πηλαργοὶ γέγραφα κοίτας καὶ ἐθέλουσιν, καὶ ἐμυλίστησαν * κελθῆναι δὲ αὐτὰς νόμος αἰθροπικὸς ὅδ' ἔστι τὸ τοιοῦτον αἰτία τέτων φύσις ἀδαδν. *Magna cura ciconiæ exacta ætate parentes alunt, etsi humanis hoc facere legibus nullis jubentur, sed sola naturæ bonitate ad id impelluntur.* Annon vero recta ratio ad id impelleret homines, ad quod ipsa bruta impellit natura?

§. LXXV.

Si parentes, antequam liberi ad justam Tutorum & pupil-
lorum
mutua ob-
ligatio. ætatem pervenerunt, decesserint: res ipsa suadet, 102) ut eorum educatio demandetur aliis, quos Tutores vocant, adeoque 103) TUTELA nihil aliud est, quam potestas, actiones liberorum vice parentum dirigendi, eorumque bona administrandi tantisper, dum ipsi liberi justam ætatem attigerint, idoneique sint; ad se suaque rite gubernanda.* (§. LV. 19.) Ex qua definitione porro colli-

ligimus, 104) tutores eadem potestate uti , ac parentes , quatenus eam arctioribus limitibus non circumscripserunt leges civiles ; sed & 105) ad eandem fidem eademque officia , quæ parentibus incumbunt , teneri ; denique 106) pupillos non minus ad amorem venerationis , obsequium & gratitudinem , obstrictos esse , ac liberos : quin 107) hanc obligationem tanto esse strictiorem , quo majus est beneficium , ab iis præstitum , quos non natura , sed amor benevolentiae , ad benefaciendum excitavit.

*) Quamdiu pro impuberibus vel minorennibus habendi sint liberi , jus naturæ eo minus definire potest , quo magis diversæ sunt eorum indoles , quum in aliis sapientia ante pios , sit , alii sero , alii vix umquam sapiant . At quia tamen legislatores ad id , quod ut plurimum fit , merito attendunt : (§. XLV. 60.) recte atque ordine fecerunt , dum certos pubertatis ac minorennitatis definierunt annos . Quam variae vero hic fuerint eorum sententiae , repetitis ex omni ævo testimoniis , cum cura & ex instituto ostendit vir illustris , Jo. Petr. a Ludevigg. dissertatione singulari de *ætate legitima puberum & majorennium* .

C A P U T IV.

De Officiis , in societate herili observandis .

§. LXXVI.

Quid societas herilis , & quæ ejus ori-

Progredimur ad SOCIETATEM HERILEM , natura quidem non tam necessariam , ac illæ simpliciores , de quibus hætenus actum est ,

est, at inter homines tamen jam inde ab antiquissimis temporibus frequentissimam, per quam intelligimus societatem inter dominum dominamve & servos ac ancillas, in qua hi ad dominorum utilitatem operis suis promovendam, illi ad hos alendos, immo & aliquando ad certam mercedem præstandam obligantur. Quum enim ita comparatum sit, ut alter alterius opera indigeat, nec quidquam obstat, ut quod cuique deest, id ille alterius operis suppleat: (Lib. I. §. CCCXXV. 3.) consequens est, 1) ut aliorum operas, quocumque intercedente contractu, nobis recte stipulemur, atque ita 2) inter nos servosque & ancillas nasci possit HERILIS SOCIETAS, quam inæqualem vel rectoriam esse, facile patet. (§. XIX. 56.)

§. LXXVII.

Itaque per HERUM HERAMVE intelligimus personam, quæ aliorum operis ad suam utilitatem promovendam utitur, & his vicissim ad alimenta, vel insuper ad mercedem præstandam, obligata est. SERVI vero & ANCILLÆ sunt personæ, quæ ad dominorum utilitatem operis suis, vel pro certa mercede alimentisque, vel pro solis alimentis promovendam obstrictæ sunt. Ex qua definitione facile patet, 3) servitutem prioris generis esse MERCENARIAM, 4) ejusque fundamentum non aliud esse, quam locationem conductionem; 5) posterioris OBNOXIAM, *) 6) ejusque fundamentum esse dominium in ipsas personas servorum, justo titulo adquisitum.

Quid herus, vel hera, & servus, vel ancilla? & quotuplex servitus?

*) Uti

*) Uti placuit vocabulo , quo usus est Phædrus *Fab. Lib. III. præf. v. 34.*

Servitus OBNOXIA,

Quia quæ volebat, non audebat dicere,

Adfectus proprios in fabellas transtulit.

Uti enim hic *servitutem* dixit pro *servo*, *Æsopo*, ita eam *obnoxiam* vocavit, quasi *ὑποδουλον*, quia *Æsopus* hujusmodi servitutem *serviebat*. Græci *obnoxios δούλους*, mercenarios *οἰκίτας* vocabant, teste *Athen. Deipnops. VI, 19.* Ceterum utraque servitus antiquissima est. Quemadmodum enim *Abrahamum* jam quarto a diluvio sæculo multos servos *obnoxios* domi suæ aluisse, constat: *Genes. XI, 5. XIV, 14. XV, 3. 4. XVI, 1. seq.* ita *Jacobum* *Labano* mercenarias operas per multos annos præstitisse, notissimum est ex *Genes. XXIX, 15. seq. XXX, 28.* Equidem & *Noachus* jam *Genes. IX, 25.* mentionem facit servitutis *obnoxia*, cique *Chanaanem*, nepotem, ob illatas sibi injurias addicit. Sed prædictionem hanc esse eorum, quæ haud paulo post acciderunt, recte observavit *Jo. Clericus Comment. in Genes. p. 72.*

§. LXXVIII.

Obnoxia
servituti
quidam
jure sese
addicunt
ob hebe-
tudinem
ingenii.

Et de prioris quidem generis servitute nemo sanus dubitaverit, quin rectæ rationi æquitatque naturali non repugnet. At nec posteriorem esse contra naturam, vel inde patet, quod experientia docet, esse homines indole tam servili præditos, ut nec se familiamve regere, nec necessaria vitæ præsidia sibi suisque parare possint. *) Quum ergo unusquisque vitæ genus, cui idoneus est, eligere teneatur, (*Lib. I. §. CXLVII. 21. sequ.*) hi vero homines nulli alii vitæ generi idonei sint, quam ut aliis pro alimentis præstet ope-

Cap. IV. De officiis in soc. her. li observ. 447
 operas : 7) nihil sane faciunt contra officium ,
 si sese aliis in perpetuum hac conditione ad-
 dicunt .

*) Observaverat hoc Aristoteles , qui ideo
 quosdam homines *φύσει δούλους* , natura servos
 esse , observaverat *Polit. I, 3. seq.* Quod quam-
 vis recte refellat Pufendorffius *de jur. nat. &*
gent. III, 28. & VI, 3. 2. si ita accipitur philo-
 sophus , ac si stupidi illi homines ipso actu
 prudentiorum servi sint , vel quasi his jus
 perfectum sit , illos sine alia causa servitute
 opprimendi , quemadmodum Græci sibi hujus-
 modi jus in barbaros videntur adrogasse : ni-
 hil tamen absurdi inest huic sententiæ , si de
 indole servili , non de naturæ conditione , in-
 telligatur , uti illam intelligendam putavit
 Dan. Heinſius *in epist. ad Ge. Richterum* ,
 apud Jan. Rutgers. *Var. Lect. IV, 3.* Sic sane
 Asiaticos homines *ἐλευθέρους καὶ κακούς, δούλους*
δὲ ἀγαθούς , liberos malos , servos optimos esse ,
 observaverat Agellus , apud Plutarch. *apo-*
phth. Lacon. p. 190.

§. LXXIX.

Præterea alios , quantumvis haud ita stu-
 pidos , extrema paupertas calamitatesque vel
 publicæ , vel privatæ , subigere possunt , ut
 servire , quam fame perire malint . Quum
 enim homo ad vitam conservandam , evitan-
 damque mortem ac destructionem , omnino
 sit obligatus , (*Lib. I. §. CXLIII. 2. sequ.*)
 & imminentibus morte vel servitute , ipsa
 recta ratio e duobus his malis physicis , id ,
 quod minimum est , eligendum esse suadeat :
 (*Elem. phil. mor. §. CLII. **) sequitur sa-
 ne , 8) ut ei , quem in hoc articulo fortuna
 apprehendit , non sit vitio vertendum , si ,

Alii ob
 extremā
 pauper-
 tatem .

nullo alio honesto medio interitum evitandi sese offerente, servituti sese addicat.*)

*) Sic sane Regi sese tamquam mancipia addicebant Ægyptii, ne diuturna fame consumerentur, & beneficii loco habebant, quod Pharaoni servire liceret pro alimentis. Hinc, accepta servitutis lege, Josepho respondebant: *Tu nobis vitam dedisti, gratiam apud dominum inveniamus, & simus Pharaonis servi. Genes. XLVII, 25.* Sic & Thracicas mulieres, ingenue licet ortu, voluntaria tamen servitute victum sibi apud Brythæos quævisse, auctor est Pausanias *Lib. VII. Cap. V.* ut jam non dicam de Frisiis, de quibus Tacit. *Annal. IV, 72.* nec non de Gallis, de quibus Jul. Cæs. *de bello Gall. VI, 13.*

§. LXXX.

Denique servorum numerum 9) in immensum auxit bellorum furor. Quia enim hosti in hostem omnia licent; licebat etiam hostes acie victos occidere. (*Lib. I. §. CLXXXIII.*) Quum vero, qui vel sine aggressoris læsione, vel leviori malo illi repræsentato, periculo defungi potest, non debeat ad cædem temere provolare: (*ibid. §. CLXXXI. 20.*) non iniquum sane est, 10) victorem servare victos, in captivitatem abducendos, ne noceant, &, ne gratis alantur, in servitutem detrudendos: nec 11) reprehendendi sunt, qui ea lege vitam servare, quam perire, maluerunt,*) (*Elem. phil. mor. §. CLII. * 2.*)

*) Vere ergo & hæc societas nascitur ex consensu, quamvis non ultroneo, sed vi justa
ex-

Quidam bello capti hanc conditionem subeunt.

Cap. IV. De officiis in soc. herili observ. 449
extorto. (§. XVI. *) Vult enim victor vi-
ctum servare, sed ea lege, ut serviat. Vi-
ctus vult servire, ut servetur. Nam si noller,
nihil impediret, quo minus in victoris arma
irrueret. Duarum voluntatum conspiratio est
consensus: (Lib. I. §. CCCLXXXI.) So-
cietas ergo inter dominum & mancipia bello
capta ex consensu nascitur.

§. LXXXI.

Hæc vero servitutis obnoxie genera non
potuerunt non aliud producere, in quod Quidam
servi na-
scuntur.
quis ipsa nascendi sorte detruditur. Quia
enim servitutis obnoxie fundamentum est do-
minium, iusto titulo adquisitionum, (§. LXXVII.
6.) hos vero titulos omnes servos adquiren-
di iustos esse, hæcenus ostendimus: (§.
LXXVII. seq.) consequens est, 12) ut hi
omnes servi ancillave sint in iusto dominio
herorum. Quumque extra legitimum matri-
monium, (quale inter quosdam huiusmodi
servos vix locum habere poterat, *) partus
sequatur ventrem: (Lib. I. §. CCLII. 50.)
non mirum est, 13) partum ancillarum ob-
noxiarum, tanquam accessorium ventris,
eamdem cum matre subiisse conditionem.
Unde 14) ubique terrarum innotuit genus
servorum, quod VERNARUM nomine apud Ro-
manos venisse novimus.

*) Matrimonium est societas simplex personarum diversi sexus, procreandæ, educandæque sobolis causa inita. (§. XXVIII.) Qui in hunc finem consentiunt, eorum in arbitrio & potestate esse oportet, ut illum eligant, mediaque ad eum obtinendum necessaria adhibeant. At servorum ancillarumque
ob-

obnoxiarum in arbitrio potestateque non semper est potissimus finis, quomodo himirum liberos commode educare velint, sed ea res plane a dominorum voluntate pender. Inter quosdam ergo servos ancillasque vix locus est legitimo matrimonio. Inter quosdam tantum illi locum esse negamus, quos nimirum in eam conditionem fortuna detruxit, ut heri iis *Romanorum in morem descriptis per familiam ministeriis utantur*. Ubi enim suam quisque sedem, suos penates regit, quod apud Germanos observavit Tacitus *de more Germ. Cap. XXV.* ibi facilius matrimonio locus est, ceu & hodie docet experientia. At quamvis & hominibus propriis Germanorum sit jus connubii: manet tamen apud hos principium, quod servilis proles ejusdem cum parentibus conditionis sit, & quod partus ventrem sequatur: nisi quod quibusdam magis placet alterna vernarum partitio. (Lib. I. §. CCLII. *)

§. LXXXII.

Potestas
domini
in servū
mercen-
riam.

Positis vero his fundamentis, facile intelligitur, quanam sint in hac societate dominorum, servorumque officia, & , qualis dominorum in servos ancillasque potestas sit. Quod enim ad servos MERCENARIOS attinet, quum ii tantum ex locatō obligentur: (§. LXXVII. 4.) per se patet, 15) domino in hos non aliam potestatem competere, quam ut operas, sibi locatas, illis indicare, & 16) ex iis utilitatem capere, quin & 17) eos adigere possit, ut per tempus, quod initio placuit, serviant: non autem 18) domino licere alias, quam locatas, operas ab illis exigere, multoque minus 19) eos durius castigare, quamvis

20) si locationi non stet servus, cum dominus non modo mercede ejusve parte mulctare, sed & 21) inemendabilem abs re segregare omnino possit, (§. XXII. 70. sequ.)

§. LXXXIII.

Quemadmodum ergo DOMINI est, 22) le- Domini
servique
hujusmo-
di officia
mutua.
gi conductionis satisfacere, 23) a servo non nisi operas locatas exigere, 24) eique ali-
menta, qualia ejus sortis hominibus conveniunt, sufficienter præbere, denique 25) mercedem promissam non denegare: *) ita & SERVUS hujusmodi 26) domino, tamquam superiori, ad reverentiam & obsequium, 27) tamquam conductori ad operas conventas præstandas; denique 28) tamquam socio ad ejus utilitatem bona fide præmovendam est obligatus.

*) At nec alimenta non merces debentur, si servi culpa, vel casu, contingat, ut operæ locatæ non præstentur. (Lib. I. §. CCCLXI. 150.) Hinc quamvis laudanda sit humanitas domini, servum mercenarium, etiam ægro-
tantem, alentis: non tamen, quod jubet humanitas, illico jure perfecto potest exigi. Contra iniquitas maxima est domini, mercedem, præstitis operis, servo denegantis, vel eam contra leges contractus pro lubitu mutantis, quod decies fecisse Labanum, conqueritur Jacobus, Genes. XXXI, 7. Quod adeo Deo justissimo displicuisse novimus, ut auferret Labani opes, easque in Jacobum transferret. Genes. XXXI, 9.

§. LXXXIV.

Servos obnoxios in dominio esse diximus. Potestis
dominik
(§. LXXVII.

in ser-
vum ob-
noxium
ratione
liberæ
de eo di-
spositio-
nis.

(§. LXXVII. 6.) Quum ergo domino sit li-
bera de re sua dispositio : Lib. I. §. CCCVI.)
consequens est, 29) ut dominus servo quas-
cumque operas , quibus præstandis par est ,
imponere, 30) ex eo omnem utilitatem ca-
pere, 31) ejus quoque liberos sibi vindica-
re , & 32) ipsum vendere , 33) aliisque
quibufvis titulis alienare possit , nisi forte
34) servus , qui se ultro addixit domino ,
eam legem adjecerit, ne extra familiam , cui
sefe addixit, alienetur. Quod 35) & de ju-
re vitæ & necis videtur dicendum , quod do-
mino in hos servos competere posse , nemo
negaverit, (Lib. I. §. CCCVIII. 8.) nisi vel
conventio, vel lex obstet. Multo magis ergo
36) hujusmodi servus , prout res exigit ,
castigari & coerceri poterit, dummodo 37)
meminerit dominus , eum hominem , sibi que
natura æqualem esse , * (Lib. I. §. CLXX-
VII. 5.)

*) Quamvis enim fieri possit , ut dominus ser-
vo sit perfectior , nec negari possit , eum ser-
vo esse superiorem : illa tamen perfectionum
statusque diversitas nihil mutat circa hominis
essentiam , sed servus æque homo est , ac do-
minus . (Lib. I. §. CLXXVII. 5.) Parum
ergo humana est jureconsultorum vox , servo
non fieri injuriam , l. 15. §. 35. D. de injur.
Immo immanis plane illa dominæ apud Juve-
nal. Sat. VI. v. 223.

*O demens , ita servus homo est ? Nil fece-
rit : esto,*

*Sic volo , sic jubeo , stet pro ratione vo-
luntas .*

Non excusatius ergo peccat , qui servum ;
quam qui liberum hominem , injuria lædit .

§. LXXXV.

§. LXXXV.

Quumque domino & possessio rerum sua-
rum, & jus illas a quocumque vindicandi
competat. (Lib.I. §. CCCVI. 2. & 3.) ex
eo sequitur, 38) ut possit se in possessione
servi ancillæve quovis modo tueri, &, 39)
sive fuga eos aliquo abstulerit, sive 40) ab
alio injusto surrepti sint, a quocumque pos-
sessore cum accessionibus fructibusque pro qua-
litate possessionis vindicare, quin 41) priore
casu receptum fugitivum punire pro merito,
& 42) ne in posterum idem capiat consilium,
quovis licito modo prohibere: *) nisi 43) il-
li dominii effectus alicubi in civitatibus lege
restringantur. (Lib.I. §. CCCXVII.)

Ratione
possessio-
nis &
vindica-
tionis.

*) Hinc compedes, ergastula, carceres do-
mestici, & alia media, quæ vel necessitas
reperit, vel dominorum, omnia sibi in ser-
vilia corpora permittentium, truculentia.
Quamvis vero & hic habenda sit æquitatis
humanitarisque ratio: (§. LXXXIV, 37.)
ipsum tamen jus coercendi non adimendum
est dominis, maxime in servos, bello ca-
ptos, partim quod fugam anhelant, omnem-
que ad suos revertendi occasionem speculan-
tur, neque id illis adeo vitio verti potest,
ceu recte vidit Iorarius apud Plant. Captiv.
II, l. 7. 14.

LO. *At fusam fingitis. Sentio, quam rem
agitis.*

CAP. *Nos fugiamus? quo fugiamus? LO. in
patriam. CAP. apage! haud nos id decoat,
Fugitivos imitari. LO. Immo, adepol, si
erit occasio, non dehortor.*

Partim quod adhuc spirare videntur hostilem
animum, adeo, ut de his servis vel maxi-
me

me verum sit illud *Senecæ Epist. XLVII. & Festi in voce : quot servi. Totidem quemque domi hostes habere, quot servos.*

§. LXXXVI.

Officia
domino-
rum er-
ga ser-
vos hu-
jusmodi.

Præterea jam haud difficile fuerit, de mu-
tuis dominorum servorumque hujus generis
OFFICIIS judicare. Quia enim servus obno-
xius est in dominio, (§. LXXVII. 7.) ac
proinde herus ex eo omnem utilitatem ca-
pit, (§. LXXXIV. 30.) adeoque ille nihil
habet proprii: consequens est, 44) ut do-
minus obligatus sit ad alendum servum, 45)
eaque obligatio non cesset, si vel maxime ser-
vus operas præstare nequeat. *) Et quandoqui-
dem præterea servus, quod ad naturam at-
tinet, domino est æqualis: (§. LXXXIV. *)
facile intelligitur. 46) & peccare dominum,
si servum injuria lædat, & 47) maximam
humanitatis laudem ferre, si beneficiis po-
tius, quam trulentia, eum sibi reddat ob-
sequentiore.

*) **MERCENARIUS SERVUS** præter alimenta &
mercedem accipit, (§. LXXXIII, 25.)
adeoque habet, unde se alat, si morbo alio-
ve casu impeditus operas præstare non possit.
Quum ergo dominus illum alere non tenea-
tur, nisi ex locato: (§. LXXVII, 4.) ope-
ras non præstantem alere obligatione per-
fecta non tenetur. (§. LXXXIII. *) In ser-
vo vero **OBNOXIO** omnia se aliter habent.
Hinc enim non ob operas præstatas alitur,
sed quia in heri dominio est, & quia nec
mercedem accipit, nec quidquam aliud pro-
prium habet. Quumque & extraneo, ipsi-
que hosti, subvenire nos jubeat misericor-
dia & humanitas: (Lib. I. §. CCXIX. 16.)

qua

qua fronte servo nostro ægrotanti denegaremus alimenta, qui vires corporis nobis inserviendo derrivit? Hinc recte Claudius Imp. libertate donavit servos, qui ægrotantes expositi fuerant a dominis. Sueton. *Claud. Cap. XXV. l. 2. D. qui sine manum.*

§. LXXXVII.

Quumque tot jura domini, totidem OFFICIA SERVORUM tanquam correlatu, ponant: (Lib. I. §. VII.) sequitur, 48) ut servitus obnoxia servum ad quascumque operas, 49) utilitatemque dominis pro virili promovendam, 50) dispositionem ejus de se suisque, immo & 51) castigationem & coercitionem patienter ferendam obliget. 52) Ut contra officium faciat servus, si se subducatur domino, & furtum sui ipsius admittat, quum potius 53) manumissionem fide ac liberali servitute mereri, seque dignum tanto beneficio præstare deberet.

Servorumque erga dominos.

§. LXXXVIII.

Ex his omnibus porro intelligitur, quomodo finiatur herilis illa societas. MERCENARIA enim servitus, quum contractu locationis nitatur, 54) iisdem modis, quibus locatio conductio, & 55) in primis elapso tempore, in quod quis operas locavit, solvitur; OBNOXIA, 56) manumissione potissimum desinit. Quum enim quisque se dominio rerum suarum abdicare, vel eas derelinquere possit: (Lib. I. §. CCCIX. 11.) nullum est dubium, quin eidem liceat dominio in servum suum renunciare, quam renunciationem veteres MANUMISSIONEM vocarunt. Præterea quum renunciatio sit species alienationis, in re vero alienanda dominus

Servitus utraque quomodo finiatur?

nus sibi aliquid excipere & reservare possit : (Lib. I. §. CCLXXVIII. 41.) 57.) manumissionem quoque qualibuscumque honestis legibus ac conditionibus fieri posse, palam est.*)

*) Ita veteres Romani a servis manumittendis sibi stipulabantur operas fabriles, dona & munera *l. 3. pr. l. 5. l. 7. §. 3. D. de oper. libert.* Et maxime majores nostri, manumittentis servos, sibi pleraque, quæ ipsi servi, vel homines proprii dominis præstare soliti erant, reservabant, adeo ut, si ab adscriptitia conditione discesseris: vix ullum discrimen inter servos & libertinos intercedere videretur. Atque inde est, quod Tacit. *de mor. Germ. Cap. XXV.* scribit, *Libertos Germanorum non multum supra servos esse.*

§. LXXXIX.

Quid libertus?
ejusque officia.

Quicumque, quum antea justam servitutem servirent, a dominis manumittuntur, LIBERTINI, & manumittentis LIBERTI vocantur. Quum ergo hi summum, quod dari poterat, beneficium debeant manumittendi, unusquisque vero ad eum, a quo beneficiis ornatus est, amandum obstrictus sit: (Lib. I. §. CCXXVI. 37.) 58) ingratissimi mortalium essent liberti, nisi patronos, tanti muneris auctores, venerarentur perpetuo, & 59) non modo ea omnia, quæ sibi hi stipulati sunt, bona fide præstarent, (§. LXXXVIII. 57.) sed & 60) vicissim illos omni officiorum beneficiorumque genere prosequerentur, vel, 71) si desint vires, saltem gratum animum quavis ratione ostenderent. (* Lib. I. §. CCXXVIII. 47.)

*) Li-

*) Libertatem, datam servis, pro maximo beneficio imputabant veteres. Simo Terentianus Andr. I, 1. v. 10.

*Feci, e servo ut esses libertus mihi,
Propterea, quod serviebas liberaliter.*

Quod habui, summum pretium persolvi tibi.
Efficiebat enim hoc beneficio patronus, ut servus ex re fieret persona: adeoque loco patris esset liberto, qui ideo ejus nomen perinde, ac filius adsumebat. Lactant. div. inst. IV, 3. Hinc & egenti patrono alimenta non secus, ac filius, debebat, l. 5. §. 18. sequ. l. 9. D. de agnosc. & alend. lib. Et quemadmodum filius, quamvis alias imperfecta sic ad gratum animum obligatio, tamen patris beneficia beneficiis pensare, eique alimenta sufficere cogebatur: ita & libertus cogebatur, qui præterea ob ingratitude prægnantem in servitutem poterat revocari. §. 1. Instit. de cap. deminut. l. un. C. de ingrat. lib.

C A P U T V.

De societate composita, quam familiam vocamus, officiisque in illa observandis.

§. XC.

Quemadmodum ipsas societates minores Quid sit
familia?
simplicioresque in magis COMPOSITAS
coalefcere posse, observavimus: (§. XVIII.
50.) ita ejus rei exemplum præbent societa-
tes hæcenus recensitæ, quoties enim illæ in
majorem societatem consentiunt, nascitur in-
de FAMILIA, quæ est societas, ex conjugali,
paterna atque herili composita. *) Unde con-
juges, parentes, & domini dominique ra-
Hein. de Jur. Nat. & Gent. V tio-

tione hujus societatis PATRESFAMILIAS & MATRESFAMILIAS ; liberi FILII FILIÆVEFAMILIAS ; servi & ancillæ SERVI SERVÆVE FAMILIARES adpellantur.

*) Eodem fere redit definitio Ulpiani, l. 195. §. 2. D. de verb. signif. Jure proprio FAMILIAM dicimus plures personas, quæ sunt sub unius potestate, aut natura, aut jure subjectæ, ut puta patremfamilias, matremfamilias, filiumfamilias, filiamfamilias, quique deinceps vicem eorum sequuntur, ut puta nepotes & neptes, & deinceps. Attamen nos paullo latius accipimus vocabulum. Quum enim jureconsultus eo conjuges tantum, parentes, & liberos cujuscumque gradus, comprehendat: nos & servos ancillasque familiæ partem esse censemus, quos & ipse paullo post familiæ nomine venire, observat §. 3. *Servitium quoque solemus vocare FAMILIAS.* Alias veteribus FAMILIA proprie fuit servitium, quasi *famulia*, ceu ex instituto ostendit Claud. Salmas. *Exercit. Plin. p. 1263.* Parentes vero & liberi DOMUS vocabulo denotabantur: veluti apud Apulejum *Apolog. p. 336. edit. Græv. Elmenhorstii: Ipse domus tuæ rector, ipse FAMILIÆ dominus.* Nobis ergo FAMILIA esto, quidquid veteres domum & familiam vocabant.

§. XCI.

Quem
penes sit
in socie-
tate di-
rectio.

Quum vero, quo major est societas, eo minus fieri possit, ut tanta sociorum multitudo media necessaria communi consensu ac suffragio inveniat: (§. XIX. 57.) nemo non videt, 1) hanc societatem debere esse inæqualem & rectoriam, adeoque 2) uni ex his fociis merito deferendam esse potestatem, reliquo-

liquorum actiones ad societatis illius finem dirigendi. Quumque patrifamilias & tamquam marito potestas quædam competat in uxorem, (§. XLV. sequ.) & ejus, tamquam patris, imperium in dubio materno prævaleat, (§. LIV. 14.) & denique ejusdem, tamquam domini indubium sit imperium in servos cujuscumque generis: (§. LXXXII. & LXXXIV. fieri non potest, 3) quin potestatem actiones totius familiæ ad societatis hujus finem dirigendi PATRIFAMILIAS vindicemus, *) at ita tamen, 4) ut MATERFAMILIAS, tamquam utriusque fortunæ socia, illum ope ac consilio juvare omnino teneatur. (§. LXIII. 53.)

*) Enimvero id quoque intelligendum est de eo, quod sic regulariter. Alias enim id aliquando aliter se habere, jam supra ostendimus. (§. LXVII.) Quis enim negaverit, Reginam, quæ cui extraneo nupsit, esse caput familiæ suæ, maritique tunc non alias partes esse, quam quæ regulariter uxoris esse solent, nempe ut ope & consilio reginæ uxori adsit? Docent id exempla, quorum recens adhuc memoria est.

§. XCII.

Ceterum hujusmodi familia vel in statu naturali vivit, nulli mortalium obnoxia, (§. VI.) vel cum aliis in civitatem coaluit. Priore casu finis hujus societatis non modo fuit rerum, ad vitam commode tolerandam necessariarum, acquisitio, verum etiam mutæ adversus omnes hostes defensio: ac proinde eatenus recte rationes subduxerunt si, quæ hujusmodi familiam minoris cujusdam civitatis speciem præ se ferre existimant. *) Po-

Finis hujus societatis in statu naturali & civili.

steriore quia singulæ familiæ adversus concivium injurias judicium auxilio, adversus communes hostes reipublicæ viribus tutæ sunt, non alius finis esse potest hujus domesticæ societatis, quam acquisitio rerum, ad sustentandam beatiorēque reddendam familiam necessarium.

*) Ita vero rationes subduxit Aristotel. *Polit. III*, 6 ubi fatetur, patremfamilias singulos segreges uti τῶν ἰδίων οἰκίᾳ, ἀποπρὸ πόλεως, domo sua, tamquam civitate, & sibi ipsis, tamquam si socii bellorum essent, auxilium ferro contra injuriam inferentes. Nec aliter fere philosophatus est Hobbes. *Leviath. Cap. XX*. Quamvis vero proprie hæc non sit civitas, ceu ipse paullo post fatetur Aristoteles: ὅτι ἕως αὖ εἶναι δοκεῖ πάλιν τοῖς ἀνθρώποις θιασῶσιν. Ne sic quidem esse videretur civitas accurate rem contemplantibus: civitati tamen simillima est hujusmodi familia, quin sæpe, ubi in magnam hominum multitudinem excreverit, eam in civitatem vel rempublicam evasisse, tradit Plato in *Politico*, seu de regno Tomo II. Op. edit. Serrani.

§. XCII.

Potestas
patrisfamilias in
statu naturali.

Quum ergo in statu naturali finis hujus domesticæ societatis non solum sit rerum necessariarum acquisitio, verum etiam defensio adversus aliorum injurias: (§. XCII.) consequens est, 6) ut paterfamilias omnia jura, sine quibus hic finis obtineri non posset, exercere, adeoque 7) non modo rem familiarem, prout id commodissimum videtur, instituire, & 8) quid cuique in familia curandum administrandumque sit, præcipere, & quemque 9) ad rationes reddendas compellere,

lere, verum etiam 10) omnia principis jura in familia sua exercere, 11) leges ferre, 12) supplicia a fontibus sumere, 13) foedera cum aliis pangere, quin 14) & bellum gerere, 15) pacemque facere cum hostibus possit. *)

*) Exemplo erunt Abrahamus, Isaacus, Jacobus, qui tamquam principes familiarum se-
gregum, omnia hæc majestatis jura exercue-
runt. Sic Abrahamus, Lotho ab hostibus ab-
ducto, cum regibus victoribus justum bellum
gessit, junctis sibi aliorum patrumfamilias
foederatorum auxiliis. *Genes. XIV, 14. seq.*
& 24. Idem fœdus iniit cum Abimelecho,
Genes. XXI, 22. quod deinde renovavit Isaacus,
Genes. XXVI, 26. seq. Sed & Jacobus
eodem exemplo cum Labano fœdus percussit.
Genes. XXXI, 44. seq. ejusque familia bel-
lum, licet injustum, intulit Chamoræ, ejus-
que filio, Sichemo. *Gen. XXXIV, 25.* Sed
& legem de diis peregrinis amovendis fami-
liæ fert Jacobus. *Genes. XXXV, 2.* Judas ve-
ro, ejus filius, nurum ad vivicomburii sup-
plicium damnat. *Gen. XXXVIII, 24. 25.* Quo-
rum non ignarus Nicolaus Damascenus *Ex-*
cerpt. Periesc. p. 490. Ἀβραάμης ἘΒΑΣΙΛΕΥΣΕ
Δαμασκῆ, ἵππλους σὺν στρατῷ ἀφικνῆσθαι ἐκ τῆ γῆς,
τῆ ὑπὲρ Βαβυλῶνος Χαλδαίων λεγομένης. *Abraha-*
mus REGNAVIT apud Damascum, advena, ut-
pote qui cum exercitu venerit e regione super
Babylonem, quæ Chaldaeorum dicitur. Et Ju-
stin. *XXXVI, 2.* Post Damascum Arxelus, mox
Adores, & Abraham, & Israhel REGES fuere.

§. XCIV.

Contra ea quum familiæ, quæ cum aliis Itemque
in civitatem coaluit, non alius finis esse pos- in statu
sit, civili.

fit, quam rerum necessariarum adquisitio : (§. XCII.) facile patet, 16) tam eminentia jura hic non competere patribusfamilias, sed 17) ea tantum, sine quibus res necessarias acquirere non posset familia, quæque paullo ante (§. XCIII. 6. 7. 8. 9.) descripsimus; immo 18) hic etiam matrisfamilias aliquas partes esse, quum 19) ad ea jura, quæ patrisfamilias, tamquam familiæ suæ principi, competunt, eam vix concurrere patiatur verecundia sexus, patrisquefamilias præ illa eminentia.

§. XCV.

simplices so-
cietates compo-
sitæ huic
non de-
bent esse
impedi-
mento.

Quandoquidem vero porro in societatibus compositis simplicium vel minorum utilitas majorum fini non debet repugnare: (§. XXIV. 75.) facile patet, 20) societates conjugalem, paternam, & herilem, ita comparatas esse oportere, ut ne fini utilitatique totius familiæ sint impedimento: *) adeoque 21) hinc officia quædam nasci, societati huic compositæ propria, quorum alia PATERFAMILIAS & MATERFAMILIAS sibi invicem; alia UTERQUE reliquis familiæ membris; alia hæc familiæ membra patri matriquefamilias; alia denique hæc ipsa sibi invicem præstare tenentur. Cel. Volff. *de vita sociali hom.* §. CXCIV.

*) Quia enim unus homo hic plures personas sustinet (§. LXIII. *) idemque e. g. & patrisfamilias & domini, & patris, & mariti officio fungitur: diversa etiam sunt ejusdem jura diversæque obligationes. Quum vero ex omnibus his statibus composita sit societas, quam FAMILIAM vocamus: has diversas obligationes tales esse oportet, ut una
con-

consistere possint. At consistere non possunt, quæ sibi invicem repugnant. Non ergo diversæ obligationes debent sibi invicem repugnare.

§. XCVI.

Quum ergo in hac societate primæ sint partes patrifamilias, (§. XCI. 3.) sed ita tamen, ut materfamilias cum ope & consilio juvare teneatur : (Ibid. n. 4.) sequitur 22) ut PATRISFAMILIAS sit ; præcipere, quid factu opus sit, 23) familiam universam, & singula ejus membra, prout cujusque conditio exigit, alere, 24) eos, qui quid adversus familiæ decus communemque utilitatem admittunt, pro eo, ac societatis simplicioris jura id permittunt, coercere, 25) matrisfam. dignitatem auctoritatemque tueri : Hujus vero, 26) dare operam, ut a liberis servisque omnia ex præscripto fiant. *) 27) absente marito ejus vice fungi, denique 28) obsequii & venerationis exemplum præbere universæ familiæ, tanto majorem in domo habitura auctoritatem, quo magis mariti auctoritatem tueri atque amplificare studuerit.

Officia
patris
matris-
que fa-
milias,
tum mu-
tua, cum
erga fa-
miliam.

*) Socrates apud Xenophont. Oecon. Cap. III. §. XV. Νομίζω δὲ γυναῖκα κτιστόν τε ἀγαθὸν οἴκου ἔχειν, καὶ αἰτίρρουν εἶναι τῷ αἰδέει ὑπὲρ τὸ ἀγαθόν, ἔρχεται μὲν γὰρ εἰς τὴν οἰκίαν διὰ τοῦτο αἰδέος ἀρχίζων τὰ κτήματα, ὡς ἐπιτοπολὺ, δαπανᾷται διὰ τοῦτο τῇ γυναικὶς ταμιευμάτων τὰ πλεῖστα ἢ. δὲ μὲν τῶν γυναικῶν, αἰξόνται μὲν οἴκῳ, κακῶς δὲ τῶν ἀκαταμάχων οἱ οἴκοι μεῖννται. Existimo autem, uxorem, quæ in domo bona sit socia, tantumdem habere momenti ad utriusque utilitatem, quantum vir habeat. Nam plerumque viri opera facultates in domum veniunt, &

maxima pars, uxore promente, consumitur; Quæ quidem si recte fiant, amplificantur domus; si male, diminuuntur.

§. XCVII.

Officia
utriusque
ratione
societa-
tum sim-
plicio-
rum.

Quumque ita temperandæ sint societates simplices, ne universæ familiæ utilitati impedimento sint: (§. XCV. 20.) facile patet, 28) contra officium facere patremfamilias, si matremfam. officio suo in educandis liberis functuram, impediatur: 29) multoque minus hanc esse excusandam, si liberos parum morigeros indulgentia sua reddat deteriores: denique 30) utrosque peccare, si discordia sua efficiant, ut liberi parentum vel incuria, vel exemplo, corrumpantur. Similiter inde intelligitur, 31) male se habere societatem domesticam, si servorum ancillarumque curæ permittantur liberi, vel 32) cum his versentur pro lubitu, *) vel 33) servi ancillæque heris minoribus consilium auxiliumque ad quævis vitia impune præstare, vel 34) liberi hos atrocius tractare possit.

*) Quum enim plerique servi ancillæque ex sæpe hominum, ac proinde male educati sint, fieri non potest, quin liberi eorum exemplo corrumpantur. Immo aliquando adsentari eos videas liberis, & auxilio esse ad quævis nefanda, quales plerique servuli a Plauto & Terentio in scena sistuntur. Prudenter Plutarchus *de instit. lib. p. 4.* commendat proverbium, ὅτι αἱ χωλὴ παροικίη, ὑποσχάξεν μηδέν, si cum claudo habites, fore, ut subclaudicare discas. Ex quo colligit, plusquam deridiculum esse, quod plerisque usu veniat, parentes, quum servorum quos habeant probos, alios

alios agricultura, alios rei nautica, alios mercatura, alios administrationi rei familiaris, alios usurae exercendae adhibere: si quod vero inveniant mancipium ebriosum ac gulae deditum, & ad omnia inutile negotia, id eos liberis praeficere. Perinde vero esse, patet, siue liberis praeficiantur malae frugis homines, siue parentes eos cum illis familiariter versari patiantur.

§. XCVIII.

Ex eodem patet, 35) rem omnem redire ad ordinem, in universa familia cum cura servandum. Quum vero tunc omnia ORDINE fieri dicantur, si omnia fiant, iis observatis circumstantiis, quas negotii indoles exigit: consequens est, 36) ut singulis in familia certa munia deleganda, ab iisque 37) pensum severe exigendum, quin 38) singuli ita adfuescendi sint, ut partes suas non modo ea, qua par est, cura ac diligentia, verum etiam 39) iusto tempore, 40) locoque, quo decet, exsequantur; denique 41) ut quodlibet instrumentum & quaelibet supellex non modo nitida & integra sit, sed & 42) eo loco, quo oportet, reperiatur. *)

In familia bene constituta omnia redeunt ad ordinem.

*) Omnia haec ex instituto demonstravit Xenophon in aureo *Oeconomici* libelli, ubi sistit Ischomachum, de recta rem familiarem administrandi ratione cum uxore sermocinantem, & Cap. VIII. hanc facientem cogitationum suarum summam, quemadmodum in choro, exercitu, nave; ita & in societate domestica, primum, secundum, ultimum esse ORDINEM, ejus vero perturbatio omnia evertere omnia, quin & maximum rerum preciosissimarum adparatum inutilem reddere. Quo

in primis pertinent, quæ §. VIII. differit :
 Ἡ δ' ἀταξία ἐμοίκεται μὲν δονεὶ εἶναι, οὐδὲν περ εἰ
 γενησὶς ὁμῆ ἐμβάλοι κριθὰς, ἢ πυρὸς, ἢ ὀσπ-
 ρια· κάπειτα, ἐπὶ δέοι ἢ μάγας, ἢ ἀρτυ,
 ἢ ἕψα διαλέγειν δέοι αὐτῆς, ἀπὸ τῷ λαβόντα διδοῖ
 κερὶ κρήναις χρεῖσθαι. Ordinis autem perturbatio
 quiddam mihi simile videtur esse, ac si agri-
 cola eodem loco conjiciat hordenum, triticum,
 legumina. Deinde, si vel offa, vel pane, vel
 obsonio sit opus, necesse sit eum singula selige-
 re, pro eo, quod jam secreta sumere ad usum
 debebat.

§. XCIX.

Officia
 inferiorum
 me-
 brosum
 familiarum.

Denique ex his omnibus, quæ totius FA-
 MILIÆ officia sint, facile intelligitur. Quum
 enim omnes a paterfamilias expectent ali-
 menta, conditione sua digna: (§. XCVI. 23.)
 consequens est, 42) ut omnia ad utilitatem
 ejus referre, 43) quisque, quod sibi delega-
 tum est, diligenter curare, 44) patri matri-
 quefamilias reverentiam & obsequium præ-
 stare, &, 45) quod primum ac præcipuum
 erat, nihil agere debeant, quod vel conju-
 gum concordiam turbare, vel educationi li-
 berorum impedimentum obijcere, vel lucrum,
 quod ex fervorem operis jure expectare
 poterat paterfamilias, intervenire possit.

C A P U T VI.

*De Societatis civilis origine, forma
 & adfectionibus.*

§. C.

Status ci-
 vilis fere
 omnibus

Q Uamvis societates, quas adhuc descri-
 psimus, sufficere potuisse videantur ho-
 mini

minibus ad vitam bene beateque transigendam : fuit tamen hominibus ratio consultissima, cur in maximas illas societates, quas CIVITATES vel RESPUBLICAS VOCAMUS, coalescere mallent, consensuque tam communi hunc statum civilem præferrent naturali, ut vix ullam hodie reperiās gentem tam barbaram, apud quam non aliquod saltem civitatis vel reipublicæ simulacrum reperiās.*)

*) Testes sunt illi, qui terras olim ignotas, tum septentrionales, tum Americanas, lustrarunt, & plerasque in iis gentes vel regibus parere, vel communi consilio de negotiis publicis decernere animadverterunt. Quæ enim quidam auctores de Castris, populisque in monte Caucaso habitantibus, immo & insularis quibusdam Americanis narrant, (Vid. Herr. *Elem. prud. civ.* I, 1. p. 45. Bécmann. *Hist. geogr.* IX, 8.) ea ita sunt comparata, ut parum explorata retulisse videantur, nulla ibi imperia esse suspicari, ubi non viderent palatia regia, satellitia, aulaeque splendorem. Sane Castris Petrus Kolbius, qui diutius in illo Africae angulo commoratus est, descriptos esse ait in XVII. nationes, quarum singulis præsit princeps, quem *Kouqui* vocent, quemadmodum singulis pagis, quos *Kralle* adpellitent, aliquis præfici soleat, quem penes & jus sit delinquentes puniendi. Addit, de negotiis publicis omnes pagorum præfectos consulere in medium, præside principe nationis, qui & exercitui præesse soleat. Vereor, ne æque falsa sint, quæ de Aboriginibus & Gertulis refert Sallust. *Catil. Cap. VI.* & *Jugurth. Cap. XVIII.* De Numidis Strabo *Geogr. Lib. XVII. p. 1191. edit. nov. de Bebriciis*

Valer. Flacc. *Argonaut. Lib. IV. v. 102.* de Troglodytis Plin. *Hist. nat. V, 8.* de Siculis denique Homer. *Odys. Lib. decimo v. 112.* ubi & statum illum naturalem ita elegantissime describit:

Τῷσιν δ' ἔπ' ἀγοραὶ βεληφόροι, ἔτη δέ μιν ἰσιν *

Ἀλλ' οἷγ' ὑψηλῶν ὄρεων ναύσει καίθηρα

Ἐν σπείσι γλαφυροῖσι * θεμισθίαι δὲ ἑκάστος

Παίδων ἢ γ' ἀλόχων ἐδ' ἀλλήλων ἀλέγχει.

Nec fora conciliis fervent, nec judice: tantum

Antra colunt umbrosa: altisque in montibus
edes

Quisque suos regit uxorem natosque, nec
ulli

In commune vocat socias extendere curas.

§. CI.

Quamvis vero permulti sint, qui de civitatum & rerumpublicarum origine solliciti, rerum plurium indigentiam homines ad societates civiles ineundas impulisse, censeant: Plato *de rep. Lib. II.* vel ideo tamen id minus opinabile est, primo, quod civitatis vestigium jam *Genes. IV, 17.* existat, (§. XIII. *) quum nondum ea hominum multitudo impleisset mundum, ut adeo magna esse potuerit rerum necessariorum indigentia: deinde quod nihil obstitit, quo minus & extra civitates locus esset commercii: (§. XI. 30.) denique quod multo major rerum omnium indigentia fuit, ex quo, institutis civitatibus, luxus & libido gliscere coepit. *)

*) Sic Abrahamum, Isaacum, Jacobum, quos aliquamdiu extra societatem vixisse diximus, (§. XCIII. *) quamvis non nisi agriculturæ & rei

& rei pecuniariæ darent operam , commode tamen & suaviter vixisse , maximasque opes adquisivisse , nullaque re indiguiffe , animadvertimus. *Genes. XXIV, 35. XXXIII, 11.* Et sane quum satis maturæ familiæ etiam segrèges agros colere , vites plantare , quin & aurum , argentumve nosse , artesque utilissimas invenire cœperint , *Genes. XIII, 2. XXIV, 35.* quid desiderare ultra potuissent magnopere homines , etiam extra civitates viventes , si luxus abfuisset ?

§. CII.

Deinde elegantia vitæ morumque cultus homines priscæ frugalitatis vix potuit subigere , ut libertati naturali statum civilem præferrent . Præterquam enim , quod illa morum elegantia plerumque vanitatem sapit , & affectatum adulandi studium fere pro morum cultu venditatur : (§. XII. *) nihil etiam impedit , quo minus & homines , in statu naturali viventes , & rationem excolere , & morem ad elegantiam componere possint . Quin exempla Abrahami , Isaaci , & Jacobi , qui cum familiis suis suas sibi res soli habebant , nec in societatem civilem coaluerant , denuo docent , & in naturali statu viventes homines omnem barbariem deterfisse moribus , & decori fuisse observantissimos . *)

An ob vitæ elegantiam cultumque morum ?

*) Argumento esse potest morata Abrahami oratio ad Melchisedechum : *Genes. XIV, 22. seq.* ejusdem insignis humanitas in excipientibus hospitibus , *Genes. XVIII, 2. seq.* colloquium ejusdem plane insignæ cum filiis Chethi , *Genes. XXIII, 5. seq.* Quin & servos ita insti-

instituisse Abrahamum, ut decori morumque elegantiae essent studiosissimi, vel illa Eleazaris legatio ad Nachorem probat. *Genes. XXIV, 22. seq.* Nec barbarorum hominum est ille Jacobi, ex Mesopotamia redeuntis, cum Esau congressus, quando fratres inter se veluti certabant non modo verbis humanissimis, sed & donis, aliisque amoris significationibus. Si porro verum est, quod tradit Iosephus *Antiq. Jud. I, 9.* Abrahamum fuisse non modo arithmetices, verum etiam τὰ ἐπιστήμια ἑμπεριον, *federalis scientiae peritum*, nec non, quod alii addunt, οὐνεργετικὸν in familia ejus magnopere excultam, ac ad summam pæne perfectionem perductam esse: Vid. Suid. voce Ἀβραάμ. Justinus *Histor. XXXVI, 2.* nemo dubitaverit, quin artium ac scientiarum culturae etiam in statu naturali fuerit locus, neque ideo in civitates fuerit discedendum.

§. CIII.

An utilitatis justitiaque fruendae causa?

Tales & reliquae causae sunt, ob quas in civitates coaluisse homines, existimant. Nam quod alii justitiae fruendae causa Hesiod. *Theogon. v. 87.* alii τὸ συμπέποιτος χάριν, *utilitatis causa*, Aristot. *Ethic. VIII, 11.* alii denique veluti idem Aristot. *I, 1. & 2.* incitante natura, constitutas esse civitates, existimant: id omne ita comparatum esse, arbitramur, ut quidem aliquid ex vero trahat, nec tamen ἀμέσως impulsisse videatur homines, ad statum libertatis aequalitatisque cum civili commutandum.*)

*) Quid enim obstiteret, quo minus & patres familias segreges jus dicerent familiis?
(§. XCIII. 11. 12.) Deinde cur non ad
uti-

utilitatem sufficisse dicamus societates simpliciores, maxime quum liberum cuique esset, acquirere, quidquid vellent, & contra plane cessarent vestigalia, tributa, aliaque munera personalia ac patrimonialia, quæ nunc sæpe civium facultates exhauriunt? Et sane si natura a solitudine abhorret, eumque statum tamquam miserrimum depinxit Pufendorffius: an Abrahamum vixisse in solitudine, credimus, quem præter uxorem, pellicem, & utriusque liberos tam numerosa servorum caterva stipabat, ut trecentos & octodecim vernas armatos in aciem educere posset? *Genes. XIV, 13.* Sane si homines natura feruntur in societatem, non illico feruntur in societates illas maximas, quas multa habere, a quibus natura hominis quam maxime abhorret, ex instituto docuit Pufendorffius *de jur. nat. & gent. VII, 1, 4.* Verum tamen est, in statu civili & justiciam rectissime administrari, & eum ad publicam privatamque utilitatem, si bene ac prudenter sit institutus, permultum conducere, & hunc naturæ hominis quam maxime esse consentaneum. Sed hæc consequi magis hunc statum dixeris, quam ut ad causas *anarchicas* referri possint.

§. CIV.

Quare si rem omnem paullo accuratius, Vera
 adhibita in consilium ratione, consideres: caussa,
 idemum rem acu tetigisse videntur, qui quæ ho-
 improborum & originem & occasionem mines
 constituendis civitatibus dedisse statuunt. movit,
 Quum enim in statu naturali omnes sint æquales ac fuit via
 liberrimi, (§. V. & VI.) & ea tamen sit improbo-
 hominum improborum indoles, ut aliis do-
rum.
mina-

minari, eosque sub jugum mittere, rebusque spoliare, mirifice cupiant: 1) fieri profecto non potuit, quin plures patresfamilias ejusdem ingenii vires unirent, aliosque sibi obnoxios redderent. Quumque magna societas non possit non esse inæqualis & rectoria: (§. XVIII. 58.) consequens est, 2) ut illa latronum turba sibi ducem elegerit, certamque ei formulam imperii præscripserit, atque inde 3) nata sit SOCIETAS CIVILIS vel RESPUBLICA, *) quippe quæ nihil aliud est, quam insignis hominum multitudo, nulli alii mortalium obnoxia, & sub communi impetrante securitatis suæ causa certis legibus confociata.

*) Ita ipsa recta ratio nos ad civitatum originem inveniendam veluti manuducit. Sed ei maximum omnino pondus accedit ex antiquissima historia, quam e sacris litteris, tamquam ex limpidissimo fonte, hauriendam esse, inter omnes constat. Sane enim ante diluvium non אֱלֹדִים *filios Dei*, uti vocantur *Genes. VI, 1.* sed Caini posteros primos civitatem condidisse, satis manifestum est ex *Genes. III, 17.* Et si vel maxime largiamur Jo. Clerico *Comment. p. 40. tenuem* hanc fuisse *casarum collectionem, maceria forte, aut sepe viridi cinctam*, (quod tamen non adeo certum & exploratum est,) multarum tamen familiarum societas sine qualicumque civili regimine intelligi vix potest. Deinde post diluvium primus Chusi filius, Nimrodus, *in terris potens esse*, regnumque Babylonix condere, id est, alios opprimere, & ut imperata facerent, cogere cœpit, *Genes. X, 8. seq.* nec antiquioris regni apud Mo-

Mosen hic mentio, quum tamen aliquot sæculis post, Abrahami temporibus, plurium regum ac dynastiarum nomina ac res gestæ occurrant. Et quis dubitet, quin principio rerum ex violenta illa hominum oppressione nataræ sint civitates & respublicæ, quum id multo post sæpissime contigerit? Sane enim occasione latrociniorum potentissima regna nata esse, petitis ex omni historia exemplis, ex instituto demonstravit Hertius *Elem. prud. civ. I, 3. 4. p. 77. seq.*

§. CV.

Tot ergo conglobatorum veluti hominum vim metuentibus etiam justissimis patribus-familias, non aliud occurrere potuit remedium, quam ut vim vi repellerent. (§. X. 24.) Quumque ubi pauciores non sufficiunt fini obtinendo, ipsa necessitas hominumque malitia homines in societates coalescere cogat: (§. XIII.) consequens est, 4) ut & probos & justos patresfamilias, improborum metu, vires jungere, & sub communi imperio certis legibus consociari, adeoque 5) in societatem civilem, vel rempublicam coalescere oportuerit. * (§. CIV. 3.) Ex quo porro colligimus, 6) in statu integritatis nullas futuras fuisse respublicas, adeoque 7) nugas agere, qui vel tales futuras fuisse, tamquam ex tripode pronunciarunt. Vid. Becmann. *Meditat. pol. XI. 5. vel 8)* statum illum integritatis, tamquam principium juris naturæ & gentium obtrudere eruditis conati sunt. (*Lib. I. §. LXXIV. 26.*)

Quæ coe-
git & in-
nocentes,
ut & ipsi
consocia-
ti vim vi
repelle-
rent.

*) Facile ergo jam transigent, qui causam civitatum dicunt esse vim & metum, uti Bodin.

din. de rep. I, 6. II, 6. Hobes. de cive I. nec non qui, ut sua tenerent, homines civitates constituisse contendunt, veluti Cicero de Offic. II, 21. qui denique infirmitatem familiarum segregum homines putant subegisse, ut libertatem illam naturalem cum statu civili permutarent, quod in mentem venit Grotio de jure belli & pacis proleg. §. XIX. & Lib. I. Cap. IV. §. VII. Omnia enim hæc, licet verbis videantur discrepare, eodem tamen redeunt, hominesque metu hominum, & sui tuendi causa, civitates constituisse, satis perspicue ostendunt.

§. CVL

Duplex
civita-
tum ori-
go.

Itaque 9) duplex est civitatum origo. Aliæ enim 10) ad vim aliis inferendam, opprimendosque innocentes; 11) aliæ ad vim vi repellendam, civesque defendendos coarserunt. 12) Illarum finis injustissimus; harum justus est. Unde 13) illas rectius LATRONUM COETUM; has 10) JUSTAS RESPUBLICAS dixeris. Sed quemadmodum sæpe contingit, ut quarum rerum vitiosa origo est, ex deinde, animadverso errore, emendentur; & contra, quæ recte se habent, paulatim in pejus ruant; ita & fieri potest, 15) ut latronum coetus, posito illo alios opprimendi consilio, in justas respublicas; 16) hæc vero, relicta post tergum humanitate, in latronum coetus abeant: attamen 17) & in illis & in his, ratione civium finis idem sit, puta eorum SECURITAS. *)

*) Sic quamvis piraticæ illæ Afrorum respublicæ magis ad opprimendos spoliandosque alios, quam ad solam mutuam defensionem, sint

sint comparatæ, & eatenus parum a latro-
num cœtibus differant: tamen æque securi-
tatem civium, tamquam finem, sibi ponunt
ob oculos, ac aliæ justæ respUBLICÆ, ac pro-
inde non modo quævis præsidia sibi adversus
exterorum vim circumponunt, sed & lætis
jus dicunt rigidissime, pœnisque acrioribus
efficere conantur,

Ne vaga profiliat frænis natura remotis.

Itaque communis quidem hic finis est omnium
rerumpUBLICARUM, sed ita ut priores, si il-
lum finem obtineant, jus ac virtutem pa-
rum curent; hæ ideo finem illum inten-
dant, ut utroque bono sine impedimento
fruantur, vel, uti rem exprimit Apostolus,
*ἵνα ὑπὸ βασιλέων καὶ πάντων τοῦ ἐν ὑπεροχῇ ὄντος
ἡμῶν καὶ ἀντὶχίου βίου διαγώσωμεν, ἐν πάσῃ δουλεύοντες
καὶ σπουδάζοντες ὡς τοῖς κυρίοις* ut sub regibus, & omnibus in
eminentiâ constitutis, tranquillam & quietam
vitam ducant cum omni pietate & honestate.
I. Tim. II, 2.

§. CVII.

Quum ergo finis omnium civitatum re-
rumque publicarum sit SECURITAS civium,
(§. CVI. 17.) ex fine vero societatum de
mediis, ipsisque sociorum juribus & officiis
judicandum sit: (§. XV. 42. 43.) consequens
est, 18) ut ea omnia agenda sint ab iis,
qui in civitatem coalescunt, siue quibus fi-
nem illum communem, puta securitatem,
obtinere non possent. Quumque vis illa, se-
curitati inimica, in conglobatis improborum
hominum viribus consistat: (§. CIV. 1.) fie-
ri non potest, 19) quin & alii, qui se ad-
versus illos securos præstare cupiunt, vires
unire, adeoque 20) tot homines in societatem
majore

Finis ci-
vitatum
securitas
civium.

majorem ac maxime compositam coalescere debeant, quot probabiliter sufficere videantur, ad vicinorum vim vi justa repellendam. *)

*) Hinc otiosa quaestio, quot personae constituent civitatem vel rempublicam? Quamvis enim quindecim liberi homines populum constituere videantur Apulejo *Apolog.* p. 304. alii tres familias paullo diffusiores sufficere existiment ad rempublicam Valer. Max. IV, 4. 8. IV, 6. 5. auctores tamen harum opinionum vix rationem habuisse videntur finis civitatum, puta SECURITATIS ea vero, junctis personis quindecim, vix obinetur, sed numerus debet intendi pro multitudine eorum, a quibus nobis metuimus. Hinc & universa historia docet, initio minimas fuisse civitates, minima imperia, quae plerumque patriae limitibus finirentur. Neque enim in vicinia potentiora imperia erant, quae illis metum incuterent. Simul ac vero potentiores, oppressis vicinis, majora imperia constituerant: minores respublicae paulatim in systemata civitatum, vel majores respublicas, coecluerunt, ut pares essent vicinis potentioribus. Quod in Graecia post Persicam cladem; in Germania post Drusi & Germanici victorias contigisse, satis constat.

§. CVIII.

Respublica in hominum multitudine consistit.

Non ergo 21) civitas, seu recte animadvertunt Nicias apud *Thucydidem* VII, 14. & Themistocles apud *Justin. Hist.* II, 12. in territorio, urbibus, moenibus, tectis, sed in hominibus consistit: nec 22) opus est, ut integrae familiae, ex utriusque sexus personis com-

compositæ confociantur, sed 23) sufficit, si vires animosque jungant, plures, quibus vel satis virium sit ad hostes debellandos, vel satis ingenii ad eosdem circumveniendos: quamvis 24) negari nequeat, unius ætatis fore respublicas, quas non familiæ, sed personæ singulæ, quantacumque sit earum multitudo, constituunt.*) Flor. I. I.

*) Posse rempublicam sine territorio, urbibus, mœnibus, rectisque consistere, argumento esse poterit respublica Hebræorum, sine exemplo sanctissima, quæ quadraginta annos per deserta Arabiæ loca sine certâ sede, sine lare certo, sine mœnibus & rectis, oberravit, donec in promissa Palæstina certum veluti domicilium sibi constitueret. Num. XIV, 33. Deinde fieri posse, ut respublica sine familiis constet, nemo negaverit, qui monarchiam papalem, a Pufendorfio & Thomasio accuratissime descriptam paullo accuratius fuerit contemplatus. Neque enim ad Amazonum regnum jam provocare ausim, de quo, quæ dicuntur, pleraque multi gravissimi auctores in dubium vocant. Relinquitur ergo id unum, rempublicam constituere congruam hominum multitudinem, nec eam extinctam videri posse, occupato licet territorio, quamdiu populus, hostibus profligandis haud impar, superstes fuerit. Sic sane perstitit Atheniensium respublica, quamvis Attica terra universa a Persis teneretur, quoad perstitit classis, in quam sese Themistocles cum universo populo, omnibusque, quæ moveri possent, conrulerat. Nepos Themistocl. Cap. II. & stulta erat oratio Adimanti, jus dicendi sententiam adimentis Themistocli, ὅτι μὴ ἴσμεν παρ' αὐτοῦ, quip-

quippe cui non sit patria, quum contra recte responderet Themistocles, ὡς εἴη καὶ πόλις, καὶ γὰρ μίζων, ἥ περ κείνους, εἴς τι δεικνύσθαι νῆες σφίσι πειληρωμέναι. ἑδάμους γὰρ Ἑλλήων αὐτὸς ἐπ' ἅτας ἀποκρίσθαι. sibi esse & solum, & urbem multo majorem, quam illis, tantisper, dum essent illis ducentæ naves armatæ. Nullos enim ex Græcis illos invadentes posse propulsare. Herodot. *Hist. Lib. VIII. p. 305. edit. Henr. Steph.*

§. CIX.

Eam oportet consentire in finem & media.

Quum ergo civitas consistat in consociatione tantæ hominum multitudinis, cujus vires junctæ non sint impares vicinorum potentia, (§. CVI. 20.) sine consensu vero non intelligatur societas: (§. XIV.) consequens est, 25) ut & civitates vel respublicæ, interveniente pacto, constituentur, five 26) homines ultro in hanc societatem consenserint, five 27) is consensus initio vi fuerit extortus, five 28) aliqui constitutæ jam reipublicæ five ultro, five coacti, accesserint: five 29) prognati ex civibus, eo ipso dum in ea, tamquam parentibus aliquando successuri, educantur, consensisse præsumantur. * (§. XVII. 46. sequ.)

*) Sic Albanorum coloni & illa pastorum prædonumque colluvies, quæ Romulum sectata, juxta Tiberim tuguriola posuit, initio statim in hanc novam rempublicam ultro consensit. Dionys. Halicarn. *Antiq. Lib. I. p. 72.* Sic populo Romano, posteaquam jam instituerat reip. formam, ultro & per modum foederis accedere Sabini. Liv. I, 13. Inviti contra, diruta patria urbe, Romanam civitatem auxere

re Albani. Liv. l. 29. Nec postea umquam dubitatum, prognatos ex civibus Romanis cives esse, nisi vel ultro solum verterent, vel aqua & igni interdictis etiam invitis esset in aliam civitatem migrandum.

§. CX.

Ex eo ergo patet, 30) civitates quoque, uti alias societates, vel consensu ULTRONEO, vel VI & COACTIONE interveniente, five constitui, five augeri. (§. XVI.) 31) Ubi ultroneo consensu coalescit illa multitudo, fieri non potest, quin *primum* ac *præcipuum pactum* præcedere debeat, nempe quo omnes consentiunt in rempublicam aliquam seu civitatem constituendam. Quumque hoc pactum 32) & liberum esse debere, & 33) sub conditione iniri posse, nemo non intelligat: per se patet, 34) eum qui non consentit, vel cujus conditioni non satisficit, extra societatem hanc manere, resque suas sibi habere posse. *)

Forum;
qui ultro
civita-
tem con-
stituunt,
pactum
primum.

*) Id circa primum pactum & hodie observandum esset, si nova respublica per consensum constitueretur. At id paullo rarius, aliquem constituta jam republica sibi stipulari, ut ei cum familia rem suam sibi habere liceat, quia forma reip. democratica, quam ipse sua ferit, non placuerit. Exemplum tamen Oranis, Persæ, est apud Herodot. *Hist. Lib. III. p. 124.* Quum enim occisis Magis, qui furem regnarent, principes Persarum de republica consulerent in medium, & sententia Oranis de populari instituenda republica, reliquis omnibus displiceret: demum ita loquutus fertur: *Ἀνδρες ἑσθλῶταί, δῆλα*

δῆλα

δῦλα γὰρ δὴ ὅτι δεῖ ἵνα γέ τινα ὑμῶν βασιλείᾳ
 ᾔδῃται ἵτοι κλέμεν γε λαχόντων ἢ επιτραψαίνων
 τῷ Περσίων πλῆθει τὸν, αὐτοὶ ἐκείνοι ἔλονται, ἢ
 ἄλλῳ τινα μηχανώσθαι· ἐγὼ μόνῳ ὑμῖν ἐκ ἐξαγω-
 γιδύμαι, ὅτε γὰρ ἄρχειν, ὅτε ἄρχομαι εἰδέλω·
 ἐπιτέτω δὲ ὑπεξίσταμαι τῷ ἀρχῆς ἐπὶ ὅτι ὑπὸ
 ἀδινὸς ὑμῶν ἄρξομαι, ὅτε αὐτὸς ἐγὼ, ὅτε οἱ ἀπὸ
 ἱερῶν αἰεὶ γινώσκουσι. *Viri factiosi, quoniam con-*
stat; necesse esse, unum aliquem e nobis regem
fieri, sive per sortem, sive permissu Persarum
per multitudinis electionem, sive qua alia ra-
zione: equidem ego vobis non refragor, quip-
pe qui neque praeesse cupio, neque subesse. At
hac lege vobis jus meum imperii cedo, ut nul-
li vestrum aut ipse ego, aut ullus meorum,
subsit. Addit Herodotus, ceteros ejus postu-
latis adsensisse, & inde factum esse, ut sola
hæc familia inter Persas in statu naturali vi-
veret, nulli mortalium obnoxia: καὶ τῷ αὐτῷ
ἢ οἰκίᾳ διατελεῖ μὲν ἐλθόντι εἶσα Περσίων,
καὶ ἀρχεται ποσάτα ὅσα αὐτὴ δέλει, νόμος ἐκ
ὑπερβαίνουσα τὴν Πέρσιον. Atque ad hunc usque
diem sola hæc familia inter Persas libertatem
retinet, nec imperio, nisi quantum visum fue-
rit, paret, leges Persarum non transgrediens.

§. CXI.

Eorum-
 dem sub-
 sequens
 decre-
 tum.

Quum vero socios non modo in eundem
 finem, sed & in eadem media consentire
 oporteat, (§. XIV.) isque consensus in ma-
 gna hominum multitudine magnaue socie-
 tate sperari non possit, nisi sit rectoria, adeo-
 que regimen aliquod instituat, cujus a vo-
 luntate totius populi voluntas pendeat: (§.
 XIX. 38.) consequens est, 35) ut multi-
 tudo illa decernere debeat, quale sit futu-
 rum illud regimen, *) & 36) quamvis illi
 reti-

Cap. VI. De societatis civilis origine &c. 481
 reliquorum decreto stare non teneantur, qui
 sub conditione certi regiminis in futuram so-
 cietatem consenserunt, si alia reip. forma,
 quam velint, placeat populo: (§. CX. 34.)
 37) ii tamen, qui pactum illud primum pu-
 re inierunt, suffragiis plurium sese submitte-
 re omnino debeant.

*) Magnopere falluntur, qui tale decretum
 umquam factum esse negant. Nam hos vel
 sola Romanæ reip. origo erroris convincet.
 Quum enim inter illam urbis Albanæ sen-
 tinam, quam exhauriendam putabat Numi-
 tor, nec non pastorum & prædonum tur-
 bam, quæ se jam antea in Latio crebris ex-
 cursionibus locupletaverat, convenisset, ut
 in communem rempublicam coalescerent:
 Romulus, vocata concione, populum ro-
 gavit, æquam reipublicæ formam reliquis
 anteferendam existiment? Dionysius vero
 Halicarnasseus, qui rem omnem accuratissi-
 me descripsit *Antiqu. Rom. Lib. II. p. 80.*
 observat, populum, intellecto Romuli con-
 silio, illico respondisse: Ἡμεῖς πολιτείας μὴ
 καινῆς ἐγγὺν δεινόμεθα. ἢ δ' ὑπὸ τοῦ πατέρων δοκι-
 μαθεύσαι ἔσται κατ' ἑστῶν παραλαβόντες ἔ μεταπειθέ-
 μεθα, γνώμῃ τὴν ὑπόμνην τοῦ παλαιότερων, ἔς
 αὐτὸ μείζονος οἰόμεθα φρονήσεως αὐτῶν καταστήσα-
 σθαι καὶ τύχῃ ἀριστόμνην, ἣ γὰρ τιμῶδε μιμψάμεθα
 αὐτὴν εἰκότως, ἢ περισχὴν ἡμῖν βασιλευσύνῃς τὰ
 μέγιστα τοῦ ἐν αἰθρώποισι ἀγαθῶν ἰλδιδιείας τὸ
 καὶ ἄλλων ἀρχῶν περὶ μὴ δὴ πολιτείας ταῦτα ἐγνώ-
 καμεν. Nobis nova reipublicæ forma non est
 opus, nec a majoribus probata, & per ma-
 nus traditam mutabimus; sed & priscorum
 consilium sequemur, quos non sine insigni pru-
 dentia illam reip. formam instituisse credimus,
 & præsentī fortune contenti sumus. Cur enim
 illam incusemus, quum sub Regibus nobis
 Hein. de Jur. Nat. & Gent. X con-

482 *Jur. Nat. & Gent. Lib. II.*
contigerint bona, quæ apud homines habentur
præcipua, libertas, & imperium in alios? Et
hæc est nostra de republica sententia.

§. CXII.

Nec non
 alterum
 pactum.

Denique ubi de reip. forma convenit, 38) nihil populo deest ad perfectam rempublicam, quam ut eam easque personas, quas sibi imperare velit, eligat, *) & ei iisve 39) certam imperii formulam, jam tum superiore decreto expressam, præscribat, quæ formula tunc 40) recte LEGIS fundamentalis nomine venit, quum & ea, quæ pactis caventur, passim leges adpellentur, ac proinde 41) imperantes sive unum, sive plures, non minus, quam cives obligat, adeo 42) ut nihil actum merito censeatur, si quid contra legem hanc reipubl. primariam, vel *πρόλωσ σωμαθήκλω κοινώ*, actum sit.

*) Denuo hunc ordinem in instituenda Romanorum republica servatum esse, ex laudato Dionysii Halicarnass. loco intelligimus. Quum enim imperium regium, cui jam Albæ plerique adsueverant, retinere decrevissent: illi de eligendo Rege solliciti, subjiciunt: * *δὲ τιμὴ ταύτῃ ἐχ' ἑτέρῳ τινὶ μάλλον, ἢ σοί, προσήκειν ὑπολαμβάνομεν, τῷ δὲ βασιλεῖς γένους ἑνὶ καὶ ἀριτῷ, μάλιστα δ' ὅτι τ' ἀπικίας ἔγομόνι κεχρημένά σοι, καὶ πολλῷ σωσίῳ δεινότατα, πολλῷ δὲ σοφίᾳ καὶ λόγῳ μάλλον, ἢ ἔργῳ μαθόντις. Ceterum eum honorem non aliis magis, quam tibi, convenire persuasum nobis est, tam ob genus regium ac virtutem, tum vero maxime, quod te hujus colonie ducem habuimus, præsertimque in te gravitatem ac sapientiam*

tiam animadvertimus, non tam verbis, quam factis, edocēti. Similiter paulo post populo in curias & tribus descripto, electisque centum patribus, qui senatum & commune reipublicæ consilium constituerent, ipse Romulus, teste eodem, p. 87. inter eos ita partitus est reipublicæ administrationem, ut penes REGEM esset cura sacrorum, legum & consuetudinum patriarum custodia, judicia de criminibus gravioribus, jus referendi ad senatum, & populum in concionem convocandi, penes SENATUM jus, de rebus omnibus, quas Rex ad eum referret, de plurium sententia decernendi: denique penes plebem jus, auctore senatu, magistratus creandi, leges sancienti, & de bello, si Rex permitteret, decernendi. Ea formulam novi imperii, vel legem fundamentalem, quam accuratius, quam quisquam alius, descripsit auctor ΠΟΛΙΤΙΚΩΤΑΤΟΣ, quæque tamdiu Romæ viguit, donec Tarquinius adfectaret tyrannidem.

§. CXIII.

Hoc modo nasci oportet civitatem, quoties populus ultro illam instituit. Quoties vero ille, perdomitus a populo potentiore, cum illa victrice gente in unam rempublicam coalescit: 43) in primum quidem pactum de communi constituenda republica procul dubio consentit, quia, si dissentiret, non acciperet oblatas a victoribus condiciones, sed perire, quam sub jugum mitti, mallet: at 44) de forma reipublicæ vix audietur de dititiorum sententia, nec 45) in eligendis personis regnatricibus ullæ eorum partes sunt, quibus in solo obsequio gloria relicta est. *)

An eadem pacta interveniant, si coacti in civitatem coalescant.

- *) Res tamen omnis redit ad deditio-
 nes, quæ aliquando duriores, aliquando mi-
 tiores esse solent, prout vel certa, vel am-
 bigua est victoria. Ita sane quum Sabini &
 Romani æquo pæne Marte pugnassent, vi-
 sum est utriusque bellum fœdere finire, cu-
 jus leges has recenset Dionys. Halic. *Lib. II.*
pag. 111. Ut Romæ pari potestate parique ho-
nore regnarent Romulus & Tatius: ut urbs
deductum a conditore servaret nomen; & sin-
guli cives, Romani, sicut antea, vocarentur,
universi autem a Tatii patria, communi ad-
pellationis complexu Quirites denominarentur:
ut Sabinis jus civitatis Romanæ daretur, qui-
cumque id cuperent: utque hi cum suis sacris
reciperentur in tribus & curias. Tale fuit
hoc fœdus, ex cujus legibus Sabini & ad
constituendam rempublicam quodammodo ad-
mittebantur.

§. CXIV.

Nec non
 si Victor
 populo
 victo no-
 vam rei-
 publ. for-
 mam ob-
 trudit?

Aliquando 46) contingit, ut victo popu-
 lo nova obtrudatur forma reipublicæ, *) si-
 mulque 47) victor sibi stipuletur, ut hæc
 nova respublica, tamquam inæquali fœdere
 juncta, se comiter veneretur. Quo casu res
 ipsa docet, 48) & pacta illa, quæ supra
 descripsimus, (§. CX. CXII.) & decretum de
 reipublicæ forma, (§. CXI.) intervenire de-
 bere: at 49) populum victum non ultro,
 sed coactum, in hæc omnia consentire.

- *) Mos hic erat Atheniensium, ut civitati-
 bus omnibus, a se perdomitis, statum popu-
 larem; Lacedæmoniorum, ut regimen opti-
 matium obtruderent. Cujus instituti ratio-
 nem reddit Xenophon *de republ. Athen. Cap.*
I. §. XII. & Cap. III. §. X. sequens. Exem-
pla

plia passim collegit Ubbo Emm. vet. Græc. Tomo III. sed suffecerit unicum. p. 249. seq. Apud Samios statum popularem instituerant, eversumque aliquoties instauraverant Athenienses. A Lysandro vero, Lacedæmonio, expugnata urbe, pro populari imperio *δημοκρατία* illic instituta est. Quas fortunæ vicissitudines & aliæ viderunt Græcæ civitates, prout vel penes Athenienses, vel penes Lacedæmonios erat maris imperium. Id vero sine vi & coactione contingere non potuisse, facile unusquisque animadvertit.

§. CXV.

Ceterum quemadmodum omnium societatum una voluntas, unusque intellectus concipi debet: (§. XX. 59.) ita 50) idem dicendum est de civitate vel republica, ita constituta. Quum vero plures socii eundem finem eademque media intelligere & velle non aliter possint, quam si uni pluribusve id negotii detur, ut de fine, mediisque ad finem adsequendum necessariis dispiciant: (§. XVIII. 55. consequens est, 51) ut idem fieri oporteat in civitate.*) Denique quum aliis id negotium dare idem sit, ac VOLUNTATEM SUAM ALTERIUS vel ALIORUM VOLUNTATI SUBMITTERE: per se patet, 52) cives reipublicæ omnes voluntates suas uni pluribusve submittere debere, adeoque 53) eum eosve imperare, cui quibusve cives voluntates suas submiserunt.

Omne
cives vo-
luntates
suas sub-
mittere
debent
voluntati
imperan-
tium.

*) Non aliter fieri potest, ut plures idem velint, quam vel per CONSPIRATIONEM, ut omnes idem sentiant & velint, vel per SUBMISSIONEM, ut plures voluntates suas unius

vel plurium voluntati submittant. Prius numquam sperandum esse, facile ii intelligent, quibus perspecta sunt contraria hominum studia, ingeniorum stupor, diversæque voluntatum inclinationes. Seneca *Epist. CII. Putas tu, posse sententiam unam esse omnium? non est unius una.* Itaque superest modus posterior, ut plures voluntates suas alterius vel plurium voluntati submittant. Quemadmodum enim periret proculdubio navis, repleta quantacumque hominum turba, nisi illa multitudo communem salutem permetteret uni gubernatori, perito rei nauticæ, & omnia acturo, ut navem ex hieme marique scopuloso ferveret: ita fieri non potest, ut tot hominum myriades, quæ in tam magnam societatem coalescunt, ex tam gravibus procellis civilibus, quæ quotidie ingruunt, ad incolumitatem perveniant, nisi ab uno pluribusve regerentur. Recte ergo Arrianus *Diss. Epictet. I, 12. τὰς ἀγαθὰς πολίτας ἡ αὐτὴ γνώμῃ υποτάττειν τῷ νόμῳ ἢ πύλαις, bonos cives voluntates suas submittere legi civitatis, observat.*

§. CXVI.

Inde nascuntur respublicæ, vel monarchicæ, vel aristocraticæ, vel democraticæ.

Ex eo vero porro consequitur, ut, quum voluntates suas cives submittere possint vel UNI, vel PLURIBUS, vel UNIVERSE MULTITUDINI, §4) non possint inde plures, quam tres regulares reip. formæ nasci. Nam §5) quoties omnes cives voluntates suas unius personæ physicæ voluntati submitunt, nascitur inde MONARCHIA, REGNUM, vel PRINCIPATUS.*) Sin §6) plurium voluntati ac decreto, ARISTOCRATIA. Denique §6) si id, quod universa civium multitudo communi suffragio decrevit, pro totius civitatis vel reipublicæ volun-

Cap. VI. De societatis civilis origine &c. 487
 voluntate habetur, ea reipublicæ forma POPULARIS, vel DEMOCRATICA adpellatur.

*) Equidem Polybius *Hist. VI, 2.* distinguit inter μοναρχίαν & βασιλείαν, & utriusque differentiam ita describit: Πρώτη μὲν ἀκατασκευῆς καὶ φυσικῶς σκώσεται μοναρχία· ταύτη δ' ἔπεται, καὶ ἐκ ταύτης γινῆται μετὰ κατασκευῆς καὶ διορθώσεως βασιλεία. Prima, MONARCHIA sine ulla arte & naturæ impetu constituitur: hanc vero sequitur, atque adeo ex ea originem habet, quum accessit ars & emendatio, REGNUM. Sed quum ea, quæ magis minusve expolita sunt, specie non differant: id discrimen hic inculcare nihil attinet.

§. CXVII

Enimvero, quum, five unus, five plures, five omnes, imperent, non alio jure præsentur reipublicæ, quam quod reliqui cives eorum voluntati voluntates suas submiserunt: (§. CXV. 53.) consequens est, 58) ut injuste imperent, quibus suam voluntatem non submiserunt cives. Hinc 59) si unus injuste occupat rempublicam, monarchia in TYRANNIDEM; 60) si loco collegii optimatum pauci imperium invadunt, aristocratia in OLIGARCHIAM; denique 61) si loco totius populi turba quædam vel fæx hominum omnia pro lubitu decernit, democratia in OCHLOCRA-
 TIAM degenerat. *) 61) Quas reipublicæ formas vitiosas regularibus admodum similes esse, & proinde 63) has in illas facile degenerare, recte observavit Polyb. *Hist. 6. 1.* idque ipsa experientia fatis confirmat.

Quibus
 opponun-
 tur ty-
 rannicæ,
 oligar-
 chicæ &
 ochlo-
 craticæ.

- *) Id quoque eleganter vidit scriptor πολιτικά-
 τας Polyb. *ibid.* p. 629. Διὸ καὶ ἄνθρωποι μεθ' ἑ-
 αὐτοῦ ῥητίον ποιεῖν τρία μεθ', ἃ πάντες θρυλῶ-
 σι, καὶ γὰρ προσείρηται τρία δὲ τὰ τέτοις συ-
 μφῶν; λέγω δὲ μοναρχίαν, ὀλιγαρχίαν, ὀχλοκρατίαν.
Itaque genera rerumpublicarum statui sex de-
bent: tria quæ omnium ore jactantur, quæ-
que modo posita sunt a nobis: tria cognatæ cum
his naturæ, dominatum dico unius, pauco-
rum, & turbæ vulgaris. Pro tyrannide qui-
dem hic ponit monarchiam, quippe quam
illum a regno distinguere, diximus: (§.
*CXVI. *) sed ipse paulo post subjicit :*
μεταβαλλόντων δὲ βασιλείας εἰς τὰ συμφῶν κατὰ,
λέγει δὲ εἰς τυραννίδα, κ. τ. λ. Regnum ubi ad
congenita mala denegaveris, nempe TYRANNI-
DEM. Talis & reliquorum civilis prudentiæ
auctorum philosophia est, quam hic pluribus
inculcare non opus est. Cui non dictus Hylas?

§. CXVIII.

Quid ref-
 publica
 mixta?

Quum vero tres illæ regulares rerumpu-
 blicarum formæ intotidem vitiosas oppositas
 facillime degenerent: (§. CXVII. 63.) non
 mirum est, 64) paucissimas semper repertas
 fuisse civitates, quæ ex tribus illis unicum
 eligerent: sed 65) plerasque vel omnes il-
 las formas veluti in unam conflasse, *) vel
 66) duas certe ita commiscuisse, ut una al-
 teram veluti in officio contineret. Quumque
 67) a potiore fieri soleat denominatio: in-
 de non possunt non varia nasci regnorum,
 aristocratiarum, & democratiarum genera,
 quæ 68) RERUM-PUBLICARUMNE MIXTARUM, an
 irregularium nomine venire debeant, nostra
 parum refert. Add. HERT. *Elem. prud. civ.* I,
 II. §. p. 2320. *sequ.*

*) Et

*) Et hanc quidem optimam omnium rerum publicarum formam esse, observat Polyb. *Hist. I, 1. pag. 628.* Δύλον γάρ, ὡς ἀρετῶν μεθ' ἡγαθίων πολιτείαν & ἐκ πάντων τῶν ἀποπειρημένων ἰδιωμάτων σωσιῶσα. *Manifestum est, eam rempublicam censerī debere optimam, quæ ex omnibus istis, quas diximus, formis sit composita.* Et Cap. VIII. p. 638. magnopere laudat Lycurgum, quod ἡγάπλῳ ἰδίῳ μίμειδ' ἡ πολιτεία, non simplicem atque uniformem constituerit rempublicam: sed optimarum quarumque rerum publicarum virtutes omnes ac proprietates in unum copularit, ne, si quæ istarum supra modum augetetur, ad vitia congenita deflecteret; sed, dum cujusque vis mutuo omnium nisu in contrarium retrahitur, nulla pars illarum vergat usquam, aut nimium propendeat, verum æquis ponderibus librata & æquali lance suspensa quam diutissime respublica dureret, non secus ac fieri soleat in navibus, quas hinc inde par vis ventorum impellat. Sic & Dionys. Halicarnass. *Antiqu. Lib. II. p. 82.* ubi rempublicam Romanam a Romulo eodem fere modo institutam fuisse, refert, illam mixturam vocat κόσμον τῆς πολιτείας, additque: ὅτι ἐξ ὅλων πάντων ἡγαθῶν πολιτικῶν κόσμων ἀνταρκεσάτων ἐν εἰρήνῃ τε καὶ κατὰ πόλεμους. hanc ego concinnam resp. formam ceteris omnibus resp. constitutionibus præfero, ut paci æque, ac bello, idoneam. Omitto jam ejusdem generis testimonia Zenonis apud Laert. VII, 131. Ciceronis apud Non. Marcellin. de verb. propr. IV, 292. Tacit. *Annal. IV, 33.*

§. CXIX.

Denique quum & totæ societates in unam Quid civitatum systemata? majorem coalescere possint: (§. XVIII. 49.) ut & plures resp. ibli-
 X 5 cæ,

cæ, salva cujusque forma & independentia, iæto foedere, in unam majorem ita coalescere possint, ut, quæ ad communem omnium salutem securitatemque pertinent, communi consilio junctisque viribus exsequantur. *) Quales confociatæ respUBLICÆ 70) FOEDERATÆ, ACHAICÆ, itemque SYSTEMATA CIVITATUM adpellantur.

*) Pufendorffius tum singulari *de systematibus civitatum* dissertatione, quæ inter ejus *Diss. acad. selectas* p. 210. seq. occurrit dum de *jur. nat. & gent. VII, §. 16. seq.* existimat, civitatum systemata emergere vel mediante communi rege, quando plura separata regna vel ex conventionē, vel ex occasione matrimonii, hæreditatis, aut victoriæ unum & eundem habeant regem, ita tamen ut ideo in unum regnum non coalescant, sed singula juxta suas legēs fundamentales a communi rege administrantur, vel per fœdus: eademque principia fere sequitur Hert. *Elem. prud. civ. I, 12. §. 6. seq.* Enimvero aut unum regnum alteri ita subjicitur, ut in communi imperio nullæ sint ejus partes: veluti olim regna Macedonicum, Syriacum, Ægyptiacum, Romanis subjecta: aut suas quodlibet res sibi habet, ut hodie imperium Romano-Germanicum, Hungaria & Bohemia: aut ita coaluerunt, ut veluti unum regnum constituent, uti hodie Anglia & Scotia, Polonia & Lithuania. Præter casu regnum perdomitum in provinciæ formam redigitur, nec cum altero systema aliquod constituit. Nec altero casu dici potest, duo regna coaluisse in σύγκρα, quum nihil commune inter se habeant, sed princeps tantum duas personas sustineat. Superest ergo tertius tantum casus, ubi duo il-

la regna vel duo populi, quum voluntates viresque ad communem defensionem univerint, unam omnino societatem majorem constituunt, adeoque systematis nomen ob definitionem, hoc paragrapho datam, jure meritoque ferunt. Addatur G. G. ad Titius ad Pufend. de offic. hom. & civ. II, 8. 13. seq.

§. CXX.

Quum ergo MONARCHIA nascatur, quoties omnes cives voluntates suas unius personæ physicae voluntati submitunt: (§. CXVI. 55.) consequens est, 71) ut perinde sit, quo dignitatis vocabulo, Imperatoris, Regis, Ducis, an Principis utatur. 72) Ut quum neminem superiorem agnoscat, quaecumque dignitatis nomen recte de novo adsciscat, *) quamvis 73) non æque facile cogere possit externos reges ac respublicas, ut ei novum illud dignitatis nomen tribuant; adeoque 74) ipsæ prudentiæ regulæ suadeant, ut, priusquam majus illud *adignum* adsumat monarcha, aliorum regum rerumque publicarum audiat sententias, sibi que novos illos titulos honoris discrete stipuletur.

Monarcha ritulum quæcumque honoris recte adsciscit.

*) Quum enim summi imperantes secum invicem vivant in statu naturali, (§. IV. 3.) isque sit status libertatis & æqualitatis, (§. V. & VI.) sequitur, ut monarcha monarchæ sit æqualis, nihilque eum impediat, quo minus pari cum aliis dignitate in republica sua frui velle, adeoque novum titulum, cui tuendo se parem esse intelligit, adsciscere possit. Vidit nostra ætas duo exem-

pla, quæ & posteritas venerabitur, FRIDERICI I. Prussiæ Regis, & PETRI I. Russorum Imperatoris, quorum alter primus Regii nominis, alter Imperatorii dignitatem genti suæ intulit, uterque postea ab aliis Imperatoribus Regibusque his insignibus nominibus ornatus.

§. CXXI.

Jura omnia majestatis solus exercet.

Ex eodem patet, 75) monarcham omnia agere suo arbitrio, & 76) quamvis prudentiores merito adhibeat in consilium, eorum tamen suffragia non sententias, sed consilia esse. 77) Eundem agere ubique & semper, adeo, ut vere dici cœperit a temporibus Adriani Imperatoris: *ἐν ᾧ τῇ ἡ Πόλιν, ὅπου πῶτ' αὖ ὁ βασιλεὺς ἦ. Roma est, ubi Imperator est.* Herodian. *Hist.* 1, 6. 78.) Nullum denique esse jus majestatis, quod non exercent princeps: (§. CXII. 18.) immo 79) monarchiæ nomen vix rueri regnum, in quo ullus alius jus quodcumque majestatis independenter a rege exercet. *)

*) Reipublicæ enim, tamquam unius personæ moralis, unus debet esse intellectus, unaque voluntas. (§. CXV. 50.) Jam si præter monarcham alius quodcumque jus majestatis independenter a rege exerceret: non esset totius reip. unus intellectus & voluntas. Ergo nec futura esset respublica: sed resp. in republica. Salvum ergo fuit Meroveidarum imperium, quamdiu perstitit regum auctoritas. Ea subruta, & jus belli & pacis ad sese trahentibus majoribus domus, precario veluti inperabant reges, donec Pippino placuit regni decus genti suæ inferre. Adeo eo sensu verum est dictum Homeri *Iliad.* β.

Οὐκ ἀγαθὸν πολλοὺς ἐκτείνειν* εἰς κοίτην ἑσθλὴν,
Εἰς βασιλείαν.

Non bonum est multos imperare; unus esto
imperans,

Unus rex.

quamvis tyrannos sæpe eo abufos esse, non
ignoremus. Vid. Sueton. *Calig. Cap. XXII.*

§. CXXII.

Quamvis vero omnia suo arbitrio agat monarcha: (§. CXXI. 75.) non tamen agere aliud debet, quam quod finis civitatis, (§. CVII. 18) puta securitas civium, (§. CVI. 17.) requirit. Ex quo consequitur, 80) ut populi securitas, & salus suprema monarchæ lex esse debeat, 81) eoque ipso hic differat a tyranno, qui ad suam tantum securitatem utilitatemque omnia refert, 82) quumque scelere quæ sita bonis artibus retineri nequeant, parum pensi habet civium suorum perniciem, dum ipse statum suum conservet. *)

Quid inter sit inter monarcham & tyrannum?

*) Huc pertinent omnes artes tyrannicæ, de quibus accuratissime Aristor. *Polit. V, 10. seq.* Quum enim omnes tyranni, conscii sibi odii civium, meticulosissimi esse soleant; non possunt, quia omnem eminentem virtutem opprimant, virorum excellentium, tamquam eminentium papaverum, capita demerant; severissime animadvertant in innocentes sub obtentu læsæ majestatis, criminis ferre unius eorum, qui crimine vacant: inimicitias ac discordias inter cives ferant: litterarum omnem splendorem extinguant: peregrinos præferant civibus: hos denique dignitatibus, opibusque spolient, & redigant ad incitiam. Quæ omnia quam injusta, quamque fini civitatis contraria sint, facile unusquis-

quisque animadvertit . Unde recte Polyb. *Hist. II, 59. p. 202.* Αὐτὸ γὰρ τὸνομα (τυραννία) περιέχει ἃ ἀσεβείας τε ἔμφαντος καὶ πάσας περιέλαυνει τὰν ἐν αἰθρώποισι ἀδικίας καὶ παρανομίας . Nam ipsum tyranni nomen summa impietatis significationem conjunctam habet, injurias, sceleraque omnia complectent, quæ inter homines solent versari .

§. CXXIII.

Quomodo jura
majestatis exer-
ceantur
in aristo-
cratia ?

Deinde ex ARISTOCRATIAE definitione (§. CXVI. 56.) colligimus , 83) penes totum optimatum collegium esse debere majestatis jura omnia, eaque adeo 84) non aliter explicari posse, quam de communi totius collegii sententia . 85) Opus ergo esse certo loco , ubi frequentes conveniant, & de re publica consulant in medium, nec non 86) certo definitoque tempore , quo senatus ordinarius habeatur , nisi , 87) quæ quotidie ex improvviso incidere solent , negotia senatum extra ordinem indictum postulent . Præterea quum plurium consensus sperari non possit, nisi per submissionem : (§. XVIII. 55.) consequens est , 88) ut & in aristocratia pauciores se submittere debeant voluntati plurium , adeoque 89) plurium sententiæ vincant pauciores ; 90) in pari vero sententiarum numero , nihil actum videatur , nisi vel is, qui præsidet collegio , pondus addat alterutri parti , vel 91) talis sit causa , ut locus sit CALCULO MINERVAE . *) Denique , quum vitiosa forma , appositæ aristocratia , OLIGARCHIA vocetur, (§. CXVII. 63.) illaque in hanc facile degeneret : (ibid. n. 60.) res ipsa exigit , 92) ne quid decerni valide possit ,

fit, nisi maxima optimatum parte, e. g. duabus tertiis, præfente.

- *) CALCULUS MINERVÆ dicitur, quando in pari condemnantium atque absolventium numero reus a pœna criminis liberatur. Nam quum Orestes, parricidii accusatur, in Areopago causam diceret, iique, qui damnandum censebant reum, uno calculo vincerent absolventes, Minerva his unum calculum adiecit fingitur, ut in pari suffragiorum numero absolveretur. Quæ postea lex pæne omnibus gentibus placuit, uti prædixisse Minervam fingit Euripides in *Iphigen. Taur.* v. 1268.

Καὶ τοῖσι λοιποῖς ὁ δὲ νόμος τεθίσεται,

Νικᾶν ἴσους ψήφοις ἢ φοίγοντ' αἶε.

Et ceteris lex ista promulgabitur,

Ut usque paribus calculis vincas reus.

Conf. Boecleri *dissert. singulari de calculo Minervæ* & viri celeberrimi, Henr. Cocceji *diff. de eo quod justum est circa numerum suffragiorum*, & de calculo Minervæ, Cap. II. ubi vir doctissimus S. X. hanc naturalem adfert rationem hujus juris, quod prior rei status condemnatione mutetur, absolutione maneat, adeoque tunc vere nihil agatur. Quum ergo major tantum pars novi aliquid facere, & statum priorem mutare possit, sequitur, si pares sint, ut nihil agatur, sed prior rei status maneat, isque adeo absolvatur.

§. CXXIV.

Nec aliter sese res habet in DEMOCRATIA. Quomodo in democratia? Quum enim in ea, quod universa civium multitudo communi suffragio decernit, pro totius civitatis vel reipublicæ voluntate habeatur: (§. CXVI. 57.) sequitur sane, 93)

ut

ut majestas hic fit penes totum populum, isque 94) tunc omnia jura majestatis exerceat. Quumque id aliter fieri non possit, quam si populus confluat in comitia, & de negotiis obvenientibus consulat in medium: per se patet; 95) hic quoque certum locum, ubi coeat populus, 96) statosque dies, quibus comitia habeantur, definiendos esse, 97) ratumque haberi, quod populus sive curiatim, sive tributim, sive viritim, pluribus suffragiis decreverit. Denique 98) facile in OCHLOCRAIAM degeneraturam esse democratiā, *) si minori parti populi, absentibus vel exclusis reliquis, suffragii jus permittatur, ex ipsa ochlocratiae definitione (§. CXVII. 61.) facile intelligitur.

*) Tunc vero miserrima est reipublicae conditio, maxime si accedant demagogi, quorum incitata stimulis tribuniciis plebs furit, omniaque sursum deorsumque versat, donec demagogorum aliquis tyrannidem occupet, idemque contingat, quod Athenis contigisse refert Phædrus *Fab. I. 2.*

Athenae quum florent aequis legibus,

Procaz libertas civitatem miscuit,

Frantumque solvis pristinum licentia.

Hinc, conspiratis factionum partibus,

Arcem tyrannus occupat, Pisistratus.

Ceterum de demagogorum artibus videndus est Hertius *Elem. prud. civ. Part. II. sect. XXIV. §. XXIII. p. 496.*

§. CXXVI.

Quomodo in rebus publicis mixtis?

Quum vero & MIXTAE, quas vocant, reipublicae aliquando optimae, & ideo inventae sint, ut una forma alteram veluti in officio con-

Cap. VI. De societatis civilis origine &c. 497
 contineat: (§. CVIII.) res ipsa docet, 99)
 jura majestatis vel omnia, vel quædam, in
 his civitatibus ita communicari debere vel
 cum optimatum collegio, vel cum multitu-
 dine populi, ut ordo unus, inconsulto alte-
 ro, decernere nihil possit: non vero 100)
 ita dividi posse illud jurium majestatis exer-
 citium, ut unus, altero inscio vel invito,
 aliquid agat. Siquidem ita impediri non pos-
 set, quo minus respublica in republica na-
 sceretur. *)

*) Hinc informis omnino erat reipublicæ Ro-
 manæ status, quum eo delapsa esset, ut plebs,
 tribuniciis instincta furoribus, inconsulto re-
 liquo populo, leges ferre, & de capite ci-
 vium Romanorum jus suo arbitrio dicere,
 & omnia patrum magistratuumque decreta
 turbare posset, quum sine plebe populus nec
 leges ferret, nec judicaret, nec de bello ac
 pace decerneret. Quum vero, ubi locus to-
 tius populi turba quædam vel fæx hominum
 pleraque pro labitu decernit, in *ochlocratiam*,
 adeoque vitiosam reip. formam degeneret ci-
 vitas: (§. CXXIII. 61.) Romanam temp.
 tum parum ab ochlocratia absuisse, facile est
 ad intelligendum.

§. CXXVII.

Quod ad SYSTEMATA CIVITATUM attinet, Quomo-
 quum illa vel ex duobus pluribusve regnis, do in sy-
 quæ sub communi capite veluti in unum re- stemati-
 gnum coaluerunt, (§. CXIX. *) vel ex plu- bus civi-
 ribus civitatibus, foedere junctis, (§. cod.) tatum?
 oriantur: facile patet, 101) priore casu re-
 gna ista, nisi plane sint *παμβασλείαι*, præ-
 ter communem regem communia etiam ha-
 bere

bere debere comitia, 102) ad eaque utriusque regni ordines, certo numero, pro virium ratione esse evocandos. Posteriore vero casu 103) civitates singulas immanentia majestatis jura suo arbitrio; 104) transeuntia, quæ ad communem securitatem pertinent, communi consilio exercere, ac proinde 104) delegatos a singulis homines collegium aliquod, sive perpetuum, sive temporarium, debere constituere, quod de rebus ad communem securitatem pertinentibus consulat in medium, &, quid factu opus sit, re prius cum civitatibus suis communicata, decernat. *)

*) Talis olim Amphyctionum, nec non civitatum Achaicarum, senatus, de quo plura Boecler. diff. de *Amphyction.* & Ubbo Emm. *vet. Græc. Tom. III. p. 305.* Sed quum hodie exemplum hujusmodi systematis, senatusque in eo necessarii, præbeant florentissimæ Belgarum Helvetiorumque respublicæ, quas, Jos. Simlerus, Templeus alique viri docti accuratissime descripserunt: non est, quod hic ætium agere velimus.

§. CXXVIII.

Magna est systematum civitatum diversitas, Enimvero quum pleraque ad foederis leges, quibus coaluerunt, redeant: (§. CXIX. 69.) fieri non potest, 105) quin hæ respublicæ sint diversissimæ, 106) aliæque arctiores, aliæ paulo laxiore vinculo sint conjunctæ, 107) aliæ plus, aliæ minus inter se commune habeant: immo & 108) quibusdam communia æraria, officinæ monetariæ, armamentariaque sint; quibusdam non sint: deni-

Cap. VI. De societatis civilis origine &c. 499
denique 109) quædam præsidem quemdam,
communisque foederis veluti custodem, se-
natui præficient, aliæ ab hoc instituto abhor-
reant: denique 110) nec jus suffragii, nec
modus ea, quæ ad communem securitatem
necessaria sunt, contribuendi, nec reliqua
instituta eodem ubique modo sese habere
possint.

CAPUT VII.

*De summa potestate, eamque acquirendi
modis.*

§. CXXIX.

QUUM qui coalescunt in rempublicam an-
tea in statu naturali vixerint, (§. III.) Imperiū
omne ſū-
mum &
ἀντὶ-
δυνάμει.
isque fuerit status æqualitatis & liber-
tatis: (§. V. & VI.) consequens est, 1) ut
civitas & postea nemini mortalium subjecta
sit, 2) omniaque, quæ conservando statui
suo necessaria esse existimat, libere perage-
re, nec 3) ab alio in exercitio jurium suo-
rum turbari, vel 4) ad reddendas gestorum
rationes adigi possit. Quum ergo hæc omnia,
conjunctim accepta, vocentur IMPERIUM SUM-
MUM & ANTIETOTNON: consequens est,
5) ut in omni civitate vel republica sit im-
perium summum & ἀντὶδυνάμει. *)

*) Loquimur de REPUBLICA proprie sic di-
cta, quam supra definivimus, quod sit mul-
titudo hominum, nulli alii mortalium obno-
xia, & sub communi imperante securitatis
sue causa consociata. (§. CIV. 3.) Qua-
mobrem populus, ab alio victore in pote-
statem

statem redactus, non rempublicam constituit, sed PRÆFECTURAM vel PROVINCIAM, quia aliis est obnoxius. Ex eadem ratione non reip. sed MUNICIPII nomine venit multitudo, sub communi quidem imperante, consociata, sed regno tamen, vel reipublicæ majori subjecta. Unde quamvis jureconsulti municipia sæpe vocent respublicas, & hinc mentionem faciant reipublicæ Antiochenium, l. 37. D. de reb. aut. jud. possid. Heliopolitanorum, l. 4. C. qui pos. in pign. Thessalonicensium, l. 23. C. de evict. Tusculanorum, l. 38. §. 5. D. de legat. III. Sebastianorum, l. 21. §. 3. D. de ann. leg. Arelatensium, l. 34. D. de usu & usufr. leg. Sardoniorum l. 24. D. de ann. legat. tamen ubi accuratius loquuntur, eos, qui pro civitate legatione funguntur, negant REIP. causâ abesse, l. 26. §. ult. D. ex quib. caus. maj. Multum ergo refert, quo sensu accipias reip. vocabulum.

§. CXXX.

Monar-
choma-
chorum
error,

Quum ergo in omni civitate vel republica sit imperium summum & ἀντὶ δυνάμει (§. CXXIX. 5.) & cives tantum voluntates suas vel uni, vel pluribus, vel universo populo submiserint: (§. CXV. 52.) consequens est, 6) ut quibuscumque voluntates suas submiserunt cives ii, & imperio illo summo & ἀντὶ δυνάμει gaudeant, adeoque 7) illi a nemine, præterquam a Deo, judicari, multoque minus 8) a populo supplicio aliisque poenis adfici possint; adeoque 9) pestilentissimum sit illud dogma monarchomachorum, quod populus sit ipso rege vel principe superior,

Cap. VII. De summa potestate &c. 501
rior, & 10) penes illum *realis*; penes hunc
personalis tantum *majestas* reperitur.*)

*) Est hæc doctrina Franc. Hotomani, Stephani Junii Bruti, cujus sub nomine alii Hub. Languetum, alii Ge. Buchananum, alii alios latitare contendunt. Sidney, Althusius, Pareus, Jo. Mitton, & alii, de quibus præter *Obs. Halens.* VI, 1. legendus est Jo. Franc. Budd. *Hist. jur. nat. & gent.* §. LII. Ceterum *ἡγεμονία* illud *ἡγεμονία*, quo in transversum acti hi viri doctissimi populo omnia permittant in reges & principes, in eo consistit, quod constituentem semper superiorem esse existimant constituto, quodque adeo populus, qui sibi regem & principem constituerit, (§. CXII. 38.) non possit non rege vel principe illo a se constituto esse superior. Sed id non minus absonum est, ac si servus, qui se ultro domino alicui in servitutem obnoxiam addixit, (§. LXXIX. 8.) sese domino superiorem dicere veller, quia sibi ipse dominum constituerit. Vid. Grot. *de jure belli & pac.* I, 3. 8. V. A. Zach. Huber. *Diff. Lib. II. p.* 124. *seq.* Porius ratio ipsa satis agnoscit, cum non posse dici superiorem, qui alterius voluntati voluntatem suam ita submisit, ut voluntati suæ veluti renunciavit. Quod quum faciat populus, ubi coalescit in rempublicam: (§. CXXIX. 5.) qua, quæso, fronte is se rege superiorem dicet?

§. CXXXI.

At quia tamen eatenus tantum voluntati summorum imperantium voluntates suas submisserunt cives, quatenus id exigit finis societatis civilis, vel reipublicæ, (§. XV. 42. sequ.)

Necnon Machiavellistarum.

sequ.) id est, communis, ob quam potissimum in civitatem coaluerunt, securitas: (§. CVII.) non possumus non inde colligere, 11) nefarie illos blandiri summis potestatibus, qui illis persuadent, licere, quod libeat, 12) nec civibus ab imperantibus fieri posse injuriam, immo 13) illorum vitam, existimationem, facultates, ipsamque conscientiam, ita in principum potestate ac arbitrio esse, ut illis in solo obsequio relicta sit gloria. Ex quo fonte quum promanent omnia, quæ magna adseveratione humano generi obtrudere conati sunt Nic. Machiavellus, Thomas Hobbesius, & quicumque postea *obedientiam passivam* defenderunt in Britannia: *) 14) hæc principia omnia non minus pestilentia esse, ac monarchomacorum dogmata, nemo temere negaverit.

*) De Machiavello & Tho. Hobbesio omnia nota ac pervulgata sunt. Nec quisquam est, qui non meminerit, quid inter auctores librorum, quos *Julianum & Jovinianum* inscripserunt, aliosque viros doctos, contrariis studiis agitatum sit in Britannia. Quin & Grotium *de jure belli & pac.* I, 3. 8. *seq.* quodammodo prælusisse huic doctrinæ de passiva, quam vocant, obedientia, non pauci censent, quamvis secundum eum vindicias dederit vir laudatissimus, Zach. Huberus *ibid.* p. 222. *seq.* Sane sive vi aliquis sibi subjecerit populum, sive hic sibi imperantem ultro elegerit: nefas erit principi, injuriis adficere populum suum, cumque hostili animo opprimere. Priore enim casu, dum in deditionem accepit populum, hostilem animum deposuit. Posteriore nihil pote-
sta-

statis habet, nisi quantum ei in se detulit populus: quem sane principi dedisse facultatem, civibus, tamquam mancipiis abutendi, nemo dixerit. Nec jus sceleri datur loco I. Sam. VIII, 11. Sive enim illud *משפט דמלך* vel *jus regis*, de more & facto explices, uti *jus latronis*, l. 5. D. ad leg. Pomp. de parricid. sive de dominio eminente, quod magistri Judæorum faciunt, & cum eo celeberrimus Thomas. ad Huberi de jure civit. I, 2. 7. 13. pag. 58. sive denique de jure, eatenus obligatorio, ut illi resisti nequeat, uti jus accipit Paulus l. 11. D. de just. & jure, & hunc ipsam locum erudite interpretatur V. A. Zach. Huberus *ibid.* pag. 237. inde sane demonstrari non potest, jus tale esse imperantibus, quale illis Machiavellus & Hobbesius, eorumque imitatores, servum pecus, attribuere ausi sunt. Non sane tale jus sibi adrogabit princeps bonus,

Ὅτος ὁ δυνάστης ἔσχε μετ' ἡμετέρῃς τοκῶσιν,
Οὐδὲ πηλὰ πῆξας ἐξαΐσιον, ἔδ' ἔτι εἰπὼν
Ἐν δ' ἡμῶν, ἢ τ' ἐστὶ δύστην θείων αἰθεράων.

*Qualis apud veteres divus regnabat Ulysses,
Qui nulli civi dicto factove nocebat.*

*Scilicet hoc hominem Dis immortalibus
æquat.*

§. CCXXXII.

Quia ergo summi imperantes a nemine, Imperantes sacrosancti.
præterquam a Deo, judicari, multoque minus supplicio adfici possunt a populo: (§. CXXX. 6. 7.) merito inde colligimus, 15) sacrosanctum esse omne summum imperium, 16) sacrosanctos & ipsos imperantes; adeoque 17) maximum crimen merito habendum esse illud, quod perduelles, rebelles & fedi-

seditioni admittunt. Quin 18) quamvis forte in thesi concedendum sit, iis, qui hostilem animum adversus populum ostendunt, tamquam tyrannis, posse resisti: 19) in hypothesis tamen illam regulam fere inutilem esse, certissimum est, quia imperantes a nemine, præter Deum, judicari, adeoque & ab illo solo decidi potest, verene hostilem animum adversus populum gerant, nec ne.*)

*) Plura eam in rem dixit Thomas. ad Huber. *de jure civ.* I. 9. 2. 20. p. 316. *seq.* Exempla plurima demonstrant quam periculosum sit plebi judicium permittere de principum actionibus.

§. CXXXIII.

Nec tamē
quidquid
illis li-
bet, li-
cet.

Quum tamen nec omnia promiscue liceant principi; (§. CXXXI.) consequens est, 20) ut ille vim inferre non possit civium conscientis, nec 21) quidquam iis imperare, quod voluntati Dei, tamquam supremi legislatoris, refragetur. (Lib. I. §. LXXXVII.)*) 22) Nec jure suo aliquem injuste & sine prægnante ratione privare, quum cives potius rerum suarum secure fruendarum causa in societatem civilem cojerint. (§. CVI. 17.) 23) Ut civibus, in summa calamitate constitutis, liceat quidem omnia experiri, ut jus suum obtineant, immo &, 24) imminente majore periculo, patriam dulciaque linquere arva: (§. XXII. 71.) non tamen 25) arma corripere adversus principem vel reipublicam. (Lib. I. §. CCXXXII. 19.)

§. CXXXIV.

§. CXXXIV.

Quamvis vero hæc generatim de imperantibus dicenda sint: contingere tamen potest, 26) ut imperium alicui tradatur, certis pactis adstrictum, additaque lege commissoria, si pactis illis non satisfiat. Tunc vero 27) injuriam non fieri imperantibus, ubi subinde moniti civium libertatem opprimere non desinant, si illis abrogetur imperium: ex natura pactorum facile intelligitur, quemadmodum 28) & vitio non verti potest civibus, si eos, qui sibi imperium sine justo titulo adrogarunt, & quibuscum nondum transfegerunt, depactive sunt, *) imperare prohibeant.

Quid si
regnum
illis da-
tum sub
lege com-
missoria.

*) Hinc male Brutus & conjurati occiderunt Cæsarem. Quamvis enim hic imperium usurparet in civitate libera, idque sine justa causa extorsisset civibus suis: hi tamen jam pridem in eo adquieverant, ac veluti renunciaverant libertati suæ. Et sane quum Brutus ipse, apud Ciceronem *Epist. ad Brut. IV.* non audeat Antonium, hostilis animi erga rempublicam manifestum, præjudicare, reque ad suum arbitrium tracta, eum tanquam hostem adgredi: quo jure interimere potuit Cæsarem, quem tantum abest, ut senatus populusque Romanus hostem iudicaret, ut potius ei solemniter dederit fidem? Quare nec rectæ rationi satis convenit illud Cæsaris apud Lucan. *Pharsal. Lib. I. v. 351.*
Detrahimus dominos urbs, servire paratæ.
Si enim urbs, id est, tota civitas dominos habere cupit: quo jure Cæsari aut cuicumque alii civi licuit bello civili illi dominos detrahere?

Hein. de Jur. Nat. & Gen. Y §. CXXXV.

Impe-
rium se
exserit
per jura
majesta-
tis. Ea
quid ? &
quotupli-
cia ?

Quum vero omne imperium sit summum atque *ἀννωδύμων* : (§. CXXIX. 5.) con-
quens est , 29) ut cum illo conjuncta sint
omnia jura , sine quibus finis societatis civi-
lis , puta securitas , obtineri non posset , quæ
que conjunctim MAJESTAS , vel MAJESTATIS JU-
RA adpellantur . Quum vero duplex sit illa
securitas , INTERNA , qua cives a concivibus
securi præstantur , & EXTERNA , qua ab ho-
stium vi atque armis defenditur respublica :
facile patet , 30) duorum etiam generum es-
se jura majestatis , quorum 31) alia , quæ
ratione civium competunt , IMMANENTIA ; alia ,
quæ erga externos exerceri possunt , TRANSEUN-
TIA adpellantur . *)

*) Omnia hæc turbarunt prudentes nostri , qui
postquam ad jus publicum animum adpule-
runt , id sibi negotii crediderunt solum dari ,
ut tamquam coqui Plautini , diversissima ju-
ra miscerent . Quum enim II. Feud. 56. de
JURIBUS REGALIBUS , quæ cum feudis conjun-
cta esse solent , quædam legerent : eadem illa
esse existimarunt cum majestatis juribus ;
quum tamen multum intersit , utrum regalia
quis , tamquam vassallus , *dependenter* , uti
vocant : an jura majestatis , tamquam sum-
mus imperans , *independenter* exerceat . De-
inde , quum eo juris feudalis loco non omnia
jura , quæ alias ab imperantibus exercentur ,
recenseantur : crediderunt doctores , ibi tan-
tum agi de juribus , quæ salva majestate
communicari cum vassallis possint , atque
hinc ea vocarunt REGALIA MINORA , quibus
MAJORA , id est , uti illis visum , incommu-
nicabilia apposuerunt . Ita adhuc plerique
sub.

subdlexerunt rationes, quas solide refellit celeberrimus Thomas, ad Huberi de jure civ. I, 3.6. 3. p. 91. seq. Quum ergo hic non sit quæstio de jure clientelari, sed publico universali, seu gentium: satius visum est, cavere ab illa confusione JURUM MAJESTATIS & REGALIIUM, & naturam jurium majestatis eorumque diversa genera potius ex reipublicæ vel societatis civilis indole, id est, ex ipso fonte, quam ex Henningii Arnisæi, Regn. Sixtini, aliorumque ejusdem commatibus auctorum, lacunis derivare.

§. CXXXVI.

Si ergo INTERNA SECURITAS in eo consistit, Quædam
sint im-
manità? ut cives a civibus securi præstentur: (§. CXXXV.) necesse sane est, 32) ut cum summo imperio conjuncta sint jura LEGES FERENDI, 33) eademque ad facta adplicandi, quam SUPREMAM JURISDICTIONEM vocare licebit, nec non jus 34) iis, qui quid contra leges admiserunt, malum aliquod repræsentandi, vel poenas infligendi, 35) TRIBUTA & VECTIGALIA pro reipublicæ necessitate EXIGENDI, 36) ADMINISTROS & MAGISTRATUS CONSTITUENDI, denique 37) circa sacra æque ac 38) COMMERCIA aliaque, quæ ad decus civitatis pertinent, operam dandi, ne quid resp. detrimenti capiat.

§. CXXXVII.

Quumque & EXTERNAM SECURITATEM ab hostium vi & armis intendant ii, qui in communem coaluērunt reipublicam: (§. CXXXV.) Quænam
transcun-
tia? consequens est, 39) ut a summo imperio se-

Univerſum imperium pertinet, niſi de com-
muni Imperatoris, Electorum, Principum ac
Ordinum ſententia decerni, idemque fere in
Polonia, & hodie in Suecia obſervari, ſal-
vis tamen zuſtiffimo Imperatori regibuſque
potentiſſimis prærogativis, quæ in Germania
reſervata adpellantur, in vulgus notum eſt.
Immo in iſtis ſpecialibus Germanici imperii
rebuſpublicis ſimile quid obſervavit Hert. *de*
legib. conſultat. & judic. in ſpecial. Imp.
Rom. Germ. rebuſpubl.

§. CXXXIX.

Ceterum quia & forma reipublicæ initio
totius populi conſenſu conſtitutæ, & ipſæ
perſonæ imperantes ab eodem populo electæ,
iſſique certæ leges fundamentales præſcriptæ
ſunt: (§. CXI. ſequ.) facile patet, 46) ne-
minem acquirere ſibi imperium poſſe in re-
publica, niſi volente populo, & ſecundum
fundamentales reipublicæ leges. Secundum
eas vero 47) aut ELECTITIA eſſe imperia,
aut 48) SUCCESSIVA, 49) eamque diviſio-
nem non modo ad *monarchias*, ſed & ad
aristocracias & quodammodo ad *democratias*
pertinere.*)

Impe-
rium ad-
quiritur
vel per
electio-
nem, vel
per ſuc-
ceſſio-
nem.

*) Sic quando intra paucas familias, ita
veluti concluſum eſt imperium, ut illis ſo-
lis, qui ex illis prognati ſunt, jure ſangu-
inis competat juſ in ſenatu dicendæ ſententiæ:
ARISTOCRATIA illa procul dubio eſt ſucceſ-
ſiva. Quales aristocracias hodie fere Vene-
tiis, Januæ, Epidauri, Noribergæ, florere
obſervavit Hert. *Elem. polit. 1, 10. 16. p. 212.*
ſeq. Contra ſicubi optimates vel a populo
cum plena potestate eliguntur, vel ab ipſo
collegio cooptantur, ELECTITIA erit aristo-

cratia. Vid. Huber. *de jure civit.* l. 8. r. 18. p. 292. Sic & si in qua DEMOCRATIA non aliis jus suffragii daretur, quam civibus ORIGINARIIS, illa quodammodo successiva esset: sicut & *adscititiis*, ELECTITIE similis.

§. CXL.

Quid ju-
rum cit-
ca ele-
ctionem
imperan-
tis?

Imperium ELECTIVUM est, quando populus, incidente interregno, sibi imperantem creat, & in eum consentientem confert imperium. Quumque populus jus illud eligendi vel ipse in comitiis exercere, vel certis personis in perpetuum dare possit: consequens est, 50) ut is, qui ab illis, quibus eligendi jus est, pluribus suffragiis eligitur, pro legitimo imperante sit habendus, *) dummodo 51) oblatum sibi imperium accipiat, & 52) secundum leges fundamentales habilis sit ad regendam rempublicam, quin & 53) ipsa electio eo ritu ac ordine facta sit, quem leges publicæ vel mores civitatis ac reipublicæ exigunt.

*) Itaque vix legitimos dixeris principes, qui per seditionem a turba, vel ab exercitu, cui eligendi jus non est, ad imperium sunt eve-cti. Quod postremum rempublicam Romanam sæpenumero tantum non pessumdedisse, vel exempla Othonis, Vitellii, Vespasiani, nec non Pescennii Nigri, Clodii Albini, & Septimii Severi docent. Hinc Plutarchus in *Galba* p. 1053. loquutus de tempore, quo, ut ait Tacit. *Hist.* l. 4. *evulgatum fuerit imperii arcanum*, posse principem alibi, quam Romæ, fieri, qualis tamen, inquit, convulsamque tunc esse rempublicam Romanam, quasi fabulosis Titanum motibus, (*τῶν Λιχονόρων Τεταρταρῶν πᾶσι καὶ κινήμασι*) quum eodem

pæne tempore hinc inde transferretur principatus ex avaritia & licentia militum, qui largitione & præmiis corrupti imperatores imperatoribus, tamquam clavum clavo pepulerint. Vid. Petr. Cunæi *Orat.* IX. p. 188. Adeo multum interest reipublicæ, in qua electitium est imperium, personas eligentes, eligendasque, & ipsum modum formamque eligendi certis legibus ita definire, ne similia Titanicis illis motibus contingant.

§. CXLI.

Ex qua imperii electitii definitione (§. CXL.) porro patet, 54) in hujusmodi imperio toties incidere INTERREGNUM, id est, Quid interregnum in republica electitia? statum civitatis, a summo imperante ordinario destitutæ, quoties summus imperans vel moritur, vel ipse sese abdicat, vel a populo illi abrogatur imperium, 55) nisi populus, vivo ac volente imperante, alium elegerit, ipsi successurum. 56) Designatum illum successorem nihil juris habere vivo imperante, nisi quantum, volente illo, ei detulerit populus, vel 57) quantum ipse ei delegare velit imperans, siue absens, siue alia justa causa impeditus, quo minus ipse præsit reipublicæ.*)

*) Quum enim aliud sit, imperanti abrogare imperium, aliud, eidem successorem designare: fieri non potest, ut successori deferatur facultas imperium reipsa capeßendi, quin simul abrogatum eidem imperium videatur. Hinc animadvertimus regibus Romanorum, quos, vivo Imperatore, aliquando eligunt Germani, nihil potestatis

reipsa dari, nisi Imperatores absentes iis aliquam delegent, quod Carolus V. aliquando fecisse, novimus. Similis pæne est *coadjutorum*, quos vocant, conditio, quibus, vivis episcopis ac prælatis, nihil omnino potestatis competit, sed certum tantum tribuitur jus succedendi, si sedem vacare, uti loquuntur, contigerit, ut adeo coadjutorum nomen sine homine ferant. Illustr. Boehmer. *Jur. eccles. proæst.* III, 6. 23.

§. CXLII.

An tempore interregni adhuc supersit & publicus?

Quum vero hoc interregnum sit status civitatis, a summo imperante ordinario destitutæ, (§. CXLI. 54.) nec tamen populus tunc cessare velit rempublicam, dum de novo eligendo principe consultat: consequens est, 58) ut interea reipublicæ præesse debeant magistratus extraordinarii, quocumque nomine veniant, iique 59) vel nova electione, ordinum suffragiis, constituendi, vel, 60) quod consultius est, in antecessum lege publica designandi, 61) quorum tamen cessare oportere potestatem, novo imperante electo, facile unusquisque intelligit. Quum vero hi imperantium vice fungantur ad tempus: mirum omnino est, 62) disputare viros doctos, an tempore regni vera supersit civitas vel respublica? quæque illi forma assignanda sit? *)

*) Pufendorff. *de jure nat. & gent.* VII, 7. 7. de hoc statu ita philosophantur: Quia per posterius pactum, regem inter & cives initum, interna civitatis perfectio & summum imperium actu provehit: inde, subiecto proprio imperii sublato, ad imperfectam formam

regnum delabi, sic, ut primigenio tantum pacto cohereat, de quo supra pluribus dictum. (§. CX.) Illi tamen pacto tempore interregni non parum firmitatis addere vocabulum communis patriæ, simulque quod plurimorum fortunæ isti loco sint adnexæ. Itaque interregni tempore regnum recte quidem cum Livio I, 17. vocari posse *civitatem sine imperio*, & *quasi exercitum sine duce*: imperium tamen, (quod & a Grotio de jure belli & pac. I, 3. 7. observatur,) redire ad universum populum, adeoque formam quamdam democratiæ præ se ferre. Ita Pufendorffius, quem in plerisque & Hertius sequitur *Elem. prud. civ. I, 12. 14.* & Houtuyn. *Polit. gener. §. C. n. VI. seq.* Enimvero, quum plerumque vel in antecessum designatus sit interrex, vel aliquis, vel plures, communi ordinum suffragio eligantur, qui ad tempus eadem cum potestate, immo & aliquando multo majore, præsent reip. quam ipse imperans, juraque majestatis saltim ea, quæ circa res moram non ferentes versantur, exerceant: vix excogitari potest ratio, cur non perfecta dici possit hæc, licet temporaria, reipublicæ constitutio, & monarchica quidem, si uni, dyarchica, si duobus, aristocratica, si pluribus, tamquam principibus intercalariis, reipublicæ cura demandetur.

§. CXLIH.

SUCCESSIVUM imperium est, quando populi decreto electa est familia quædam regnatrici, ut ex ea persona aliqua semper præsit imperio, quamdiu ex posteris aliqua superest, quæ per leges publicas præesse possit. Quale imperium si constituere placuit: aut certum

Successio qualis in regnis, u. i. populus nihil in specie disposuit?

sum succedendi modum definivit populus, aut nihil ea de re disposuit. Posteriore casu 63) omnino præsumitur, eum jus commune de successione ab intestato probasse. At quia tamen nec tanta prudentiæ præsumptio cadit in feminas, quanta in masculos, (§. XLV. *) & præterea facile contingere posset, ut per feminas regnum, veluti dotale, ad extraneos perveniret: hinc sane 64) feminæ non nisi in subsidium, & deficientibus demum masculis, ad successionem vocandas patet. *) Denique quum & unitas voluntatis sit veluti vita & anima reipublicæ, (§. CXV. 50.) ea verò sperari non possit, si duo pluresve regnum monarchicum vel pro indiviso administrarent, vel illud inter se partiantur: consequens est, 65) ut e pluribus, regi ultimo æque propinquis, primogenitus vel primogenita prærogativa jure meritoque donetur. (Lib. I §. CCXCVII. *)

*) Sunt, qui feminas ad imperia plane inopras atque inhabiles existimant, veluti Joh. Bodinus, sed ex juris tantum Romani principiis, quæ non stringunt gentes liberas. Et sane quum in ipsa Hebræorum theocratia judicis officio cum laude functa sit Debora, & omnium fere gentium annales celebrent reginas, quæ sibi immortalem gloriam prudentia regnandi rerumque gestarum magnitudine pepererunt: quis feminas indignas habeat imperio? Attamen quum natura ut plurimum masculos pro feminis quadam prærogativa donarit: non absurdum est, existimare, has tantum in subsidium esse ad successionem vocandas. Aristotel. *Polit. I, 8.* τίνα γὰρ ἀρίστην φύσιν τῶν θήλειων ἵσταται

μνημόνεον, εἰ μὴ πρὸς σωίστην παρὰ φύσιν. Mas enim natura magis aptus est ad regnandum, quam femina, nisi in hac aliquid præter naturam extiterit.

§. CXLIV.

Ubi populus de successionis ordine dispositus, facile patet, 66) standum esse populi voluntati. (§. CXII. 39.) Et hinc 67) sive Francicam, quæ feminas excludit, 68.) sive CASTELLANAM, quæ easdem admittit in subsidium, præferat : 69) sive lineæ, sive 70) gradus propioris habere malit rationem : sive denique 71) extraordinariam plane & insolitam succedendi rationem lege publica firmet : *) rata erit populi voluntas, & sacrosancta habebitur lex illa fundamentalis & publica. Ex quo porro colligimus, 52) posse etiam populum imperanti potestatem facere, successorem, quem velit, sibi designandi, nec non, 73) gliscentibus de jure succedendi litibus, partes suas interponere : quamvis experientia doceat, de causa tam ardua plerumque, ut verbis Enii utamur, non in jure manum censerī, sed mage ferro rem agi.

Qualis
ibi, ubi
populus
dispo-
suit?

*) Exemplā quamplurima jam attulit Pufend. de jur. nat. & gent. VII, 7. 14. Modus tamen maxime regularis est linealis, ut patri succedat primogenitus, ejusque posterī primogeniti, quoad aliquis ex illa linea supersit. Hinc, extincta linea regnatrice, admittatur ex proxima primogenitus, & sic porro, quamdiu aliquis ex primi adquirentis posteris superest. Quæsitum etiam olim novimus, utrum is, qui primus liber

rorum, sed ante regnum natus est, annis, qui, jam regnante patre, in lucem prodit, primogenituræ juribus gaudere debeat? Sed quum in primogenitura tantum ordinis natalium habeatur ratio, nulla ratio est, cur frater natu minor ideo excludere debeat natu majorem, quod illum, vagientem in purpureis incunabulis, aula audiverit.

§. CXLV.

Interregnum ordinarium & extraordinarium.

Itaque per electionem tantum persona electa; (§. CXL.) ex jure successionis tota familia regnatricis jus regnandi consequitur. (§. CXLII.) Quumque adeo prius jus cum persona exspiret, posterius tamdiu duret, quamdiu durat regeneratrix familia: consequens est, 74) ut, extincta persona electa, INTERREGNUM ORDINARIUM; 75) extincta familia regnatrice, EXTRAORDINARIUM *) incidat, & tunc 76) in arbitrio populi sit, cui genti hoc decus de novo conferre, & 77) utrum illam iisdem legibus, imperio præhædere, an arctioribus limitibus succedendi ordinem, ipsamque imperantium potestatem, circumscribere malit.

*) Tale incidisse ferebant Franci post annum DCCCCLXXXVII. mortuis Lothario & Ludovico, Carolingæ stirpis regibus. Hinc teste Glabro Radulpho *Hist. II, 1. convenientes totius regni primates* Hugonem, Ducem Parisiensem, in regem ungi fecerunt. Add. Aimon. *de gest. Franc. V, 44.* Sed & Ruffi, extincta Joannis Basilidis prole, & principibus quibusdam tragicis, Borisio Gudenovio, Theodoro, Borisii filio, Demetriis falsis, & Joanne Zuskio, misere pereuntibus; electio-

tionē quoque Uladislai Poloni male cedente, novam elegerunt domum regnatricem Michaelis, Theodori, patriarchæ, filii, ex qua postea ad nostra usque tempora Alexius, Joannes, Petri duo & Anna, vastissimo illi imperio præfuerunt. Quod enim ad Catharinam imperatricem attinet, eam non successionis jure, sed extremo mariti Petri I. judicio ad illud fastigium erectam esse, nemo ignorat.

§. CXLVI.

Tales sunt imperium acquirendi modi, quoties ipse sibi populus imperantes constituit. Sape enim vi & armis sibi aliquis viam munit ad imperium. Quo casu 78) populus devictus, licet coactus, tamen in novum illud imperium procul dubio consentit: (§. XVI 45.) ac, 79) sive victor se eadem lege, qua antea principes usi sunt, imperium susceptorum, polliceatur, sive 80) novas sibi ac successoribus condiciones & plus potestatis stipuletur, sive 81) quædam, quæ sibi priores principes adrogarunt, victis remittat, id posteris pro lege esse oportet.*)

Quomodo
vi ad-
quiratur
imperium?

*). Hinc recte Grotius de jure belli & pac. III, 8. 1. 3. Potest, inquit, imperium victori acquiri, vel tantum, ut est in rege, vel alio imperante, & tunc in ejus tantum jus succeditur, non ultra: vel etiam ut in populo est, quo victor imperium habet ita, ut & alienare possit, sicut & populus poterat. Postremum tamen, quod de alienatione addit, paulo accuratorem meretur inspectionem. Nos dicimus, aut victorem cum rege tantum debellasse, aut cum ipso populo. Si prius: eum
in

in jura victi principis succedere, nihilque mutare debere circa formam imperii, quemadmodum ex. gr. Guilielmus Arausionensis, uxoris nomine bello cum Jacobo confecto, nihil circa formam regni Britannici mutavit. Sin posterius: eundem suo jure transigere cum populo perdomito, adeoque in ejus arbitrio esse, velitne civitatem in provinciae formam redigere, quod Romani plerumque faciebant, an ei duriori imponere jugum, an clementiae edere specimen, & quaedam iis remittere malit. Sic Alexander, clementissimus initio victor, Sidoniorum occupato regno, nihil mutavit circa imperii formam, illud Abdolomino restituisse contentus. *Curr. IV, 1.* Turcae contra perdomito a se imperio Byzantino, jure victoriae multo duriores conditionem imposuerunt, idem sentientes, quod apud Caesarem de Bello Gall. I, 36. Ariovistus, *jus esse belli, ut qui vicissent, iis, quos vicissent, quemadmodum vellent, imperarent.* Denique Agesilaus, teste Xenophonte de Agesilao Rege Cap. I. §. 22. *quascumque civitates in potestatem suam redigebat, iis adimebat ea, εσα δούλοι διαπόταται ὑπὸ μισθοῖς, quae servi dominis praestant, προσίταται, εσα ἐλεύθεροι ἀρχτοὶ πειδόνται.* eaque tantum imperebat, in quibus homines liberi magistratibus parens. Sed id quidem hodie rarissime fiet, multoque rarius id, quod de temporibus ante Ninum refert Justin. *Hist. I, 1.* eos qui bella gesserint, non imperium sibi, sed gloriam, quaesisse, & contentos victoria abstinuisse imperio.

§. CXLVII.

Divisio
regnorum
in patri-
monialia
& usufru-
ctaria.

Quae quum ita sint, omnes utique modi
adquirendi imperium a populi consensu, si-
ve ultroneo, sive vi, eaque vel justa, vel
inju-

injusta, extorto, pendent. Ex eoque recte colligere nobis videtur, 82) non adeo firmo iure stare distinctionem inter imperia PATRIMONIALIA & USUFRUCTUARIA. Quamvis enim eam primus invenerit Grotius de iura belli & pac. II. 6. 3. & I. 3. 12. eumque deinde magno agmine sequuti sint viri docti: tot tamen difficultatibus tota illa doctrina premitur, ut, quæ imperia sint patrimonialia, quæ usufructuaria, sciamus juxta cum ignarissimis, Vid. Thomaf. ad Huber. de jure civ. I. 3. 2. 15. pag. 69. seq.

§. CXLVIII.

Nimirum Grotius existimat, quædam regna ita esse in imperantium dominio, ut inter vivos, & mortis causa, libere possint alienari: eaque ille PATRIMONIALIA vocat. Quædam contra ita esse comparata statuit, ut illa alienandi facultas adempta sit imperantibus, quæ ipse USUFRUCTUARIA vocat, quamvis Thomafius Jurisprud. div. III. 6. 135. ea commodius FIDEICOMMISSARIA dici posse, moneat. Sed quum I) res, quæ in patrimonio alicujus est, non amplius sit communis, (Lib. I. §. CCXXXV.) adeoque nec publica, quippe quæ communionem, saltem positivam, ponit: (Lib. I. §. CCXXXVII. 13) facile patet, regnum desinere esse reipublicam, & in familiam degenerare, (§. XC.) si sit in unius dominio vel patrimonio. Præterea II.) quum omnes civitates non imperantis, sed securitatis communis causa sint constitutæ: (§. CVL. 17.) ex hac quoque causa regnum non potest esse patrimoniale, ut non statim desinat esse reipublica

An recte
se habeat
hæc divi-
sio?

publica . Vid. perillustis hujus provinciæ præsidis , Jo. Gothofredi de Coccejis , *disserzat. de testamentis principum Part. II. §. XVI. sequ.*

*) Itaque vere contradictionem involvit regnum patrimoniale , quia regnum species reipublicæ ; (§. CXVI.) regnum vero patrimoniale res privata est . At præterea plerumque in circulum abit illa tot virorum doctissimorum suffragio probata doctrina de regnis PATRIMONIALIBUS & USUFRUCTUARIIS . Si enim quæras , an princeps quidam gaudeat facultate alienandi imperium , nec ne ? respondent , petmultum interesse , sitne regnum *patrimoniale* an *usufructuarium* . At si porro instes , rogesque , quid sit *regnum patrimoniale* , quid *usufructuarium* ? per illud se intelligere , quod alienari possit , per hoc , quod non possit , respondent . Criterium vero certum , unde constet , quænam regna in patrimonio sint , quæ non sint , adhuc desideramus . Nam & despotica , & bello acquisita , inalienabilia esse , nihil vetat , cum recte observat Huber. *de jure civ. I, 3. 2. 18.*

§. CXLIX.

Regni
aliena-
tio, nisi
consen-
tiente po-
pulo, il-
licita.

Ex quo recte colligere nobis videtur ,
83) non posse ullum imperantem regnum
vendere , 84) donare , 85) permutare , 86)
dividere , 87) testamento alicui legare , vel
88) aliis modis , quibus alias de patrimo-
nio suo inter vivos & mortis causa dispo-
nere solent homines , in alios transferre ,
89) nisi vel consentiat populus , vel 90)
hic eam de regno disponendi illudque alie-
nandi

Cap. VII. De summa potestate &c. 521
nandi facultatem in regem vel principem dif-
ferre transtulerit. *)

*) Neque obstant exempla , quæ ex omnis
ævi historia magno numero adcumularunt
Grotius, Pufendorffius , & alii . Jam enim
alios regna divisisse, jam testamentis eadem
in alios transtulisse , legimus . Præterquam
enim , quod non exemplis , sed rectæ ra-
tionis principiis , æstimanda est harum alie-
nationum justitia : recte jam respondit peril-
lustris Baro de Coccejis de testam. princ.
Part. II. §. XVII. Vel effectum non habuere
illæ alienationes : vel cum consensu populi ,
sive tacito, sive expresso, factæ sunt : vel et-
iam vis prævaluit .

C A P U T VIII.

*De juribus Majestatis immanentibus, quidque
circa ea justum sit.*

§. CL.

JURA MAJESTATIS IMMANENTIA sunt jura , Securi-
cum summo imperio inseparabili nexu tas in-
conjuncta , & sine quibus cives a civibus terna in
securi præstari non possent . (§. CXXXVI.) justitia
Quum ergo illa securitas in eo consistat, ut externa
nemo ab altero cive lædatur , suumque cui- posita
que tribuatur , quod jure perfecto potest est .
exigi : consequens est, 1) ut ea præcipue
posita sit in JUSTITIA EXTERNA , per quam
intelligimus conformationem actionum ex-
ternarum cum lege : *) adeoque 2) non
male ratiocinentur ii , qui , civitates etiam
justitiæ fruendæ causâ constituta esse , con-
ten-

tendunt, ut data legibus vi, judiciis auctoritate, cultus agris, sacris honos, securitas hominibus, certa rerum suarum possessio cuique constaret: Vellej. Pat. Hist. II, 80. ac proinde 3) actum esse ajunt de republica, ex qua exsulat justitia, qua civitates continentur. Aristot. Polit. I, 2.

*) Quamvis enim nemo non fassurus sit, multo præstantiorem esse JUSTITIAM INTERNAM, quæ in constante ac perpetua lædendi neminem, suumque cuique tribuendi, voluntate consistit: eam tamen in tot hominibus, qui in eandem civitatem coalescunt optandam magis, quam sperandam, esse, facile est ad intelligendum. Suffecerit itaque, legibus ita in officia contineri homines, ut actiones externas ad legum normam componant, & nec alteri deneigent quidquam, quod jure perfecto possint exigere, nec ægre cuiquam faciant contra jus & æquum. Attamen nihil reliqui facere decet bonos imperantes, ut & internam justitiam accurata civium institutione ac disciplina promotum eant. Isocrat. in Areopagit. pag. 27. Δεῖ δὲ τὰς πολιτικὰς εἰς τὰς τοῦ νόμου ἐμπιπλᾶσαι γραμμάτων, ἀλλ' οὐ τὰς ψυχῆς ἔχειν τὸ δίκαιον. Οὐ γὰρ τοῖς ψυφίσμασιν, ἀλλὰ τοῖς ἔθουσιν, καλῶς ὀκνεῖσθαι τὰς πόλεις· καὶ τὴν κακῶς τετραμμένην καὶ τὴν ἀκριβῶς ἡδὲ νόμον αἰά- γεγραμμένην πολέμῳ παραβαίνειν. Τὰς δ' ἀσφαλῶς πεπαιδευμένης καὶ τοῖς καλῶς κειμένους θελοῦσιν ἐμ- μύειν. Decere prudentes magistratus, non porticus implere legibus, sed efficere, ut cives animis insitum habeant justitiæ studium. Non enim senatusconsulta & plebiscita, sed præclara instituta, felicem efficere civitatem. Nam homines male institutos leges etiam exquisitis-
simas

Cap. VIII. De jur. majest. imman. &c. 523
 finas negligere audere : recte autem educatos
 demum bonis legibus obtemperare velle.

§. CLI.

Quumque justitia externa , ad internam Hinc im-
 civium securitatem comparata, in conforma- peranti-
 tione actionum externarum cum lege consi- bus com-
 stat: (§. CL. 1.) consequens est, 4) ut ad petit jus
 officium summorum imperantium pertineat, ferendi
 bonis LEGIBUS amare reipublicam, adeoque leges
 5) illis non possit non competere jus vel
 POTESTAS LEGES FERENDI, 6) earundem susci-
 piendi custodiam, 7) quin & eas attempe-
 randi fini, formæ, utilitatique reipublicæ, *)
 adeoque 8.) aliquid iis adstruendi, demen-
 dive, quin & capita quædam vel plane ab-
 rogandi, vel saltem mutandi; prout id e re-
 publica futurum esse, animadvertunt : quod
 jureconsultis Romanis, formæ reipublicæ suæ
 stilum adcommodantibus, est ROGARE, OBRO-
 GARE, DEROGARE, ABROGARE, SUBROGARE .
 Ulpian. *Fragm.* 1, 3.

*) Quia enim in eo positum est juris natura-
 lis ac civilis discrimen; quod illud ad actio-
 nes natura bonas malasque, internas ac ex-
 ternas : hoc ad indifferentes atque externas ,
 quatenus salutis populi cujusque vel reipubli-
 cæ attemperandæ sunt, pertinet : (Lib. I.
 §. XVIII. 36.) fieri non potest, ut uniformes
 sint omnium gentium civitatumque leges .
 Et hinc judicatu difficillimum est, quænam
 diversarum gentium leges civiles sint reliquis
 præferendæ , & recte potius Herodotus ἀρι-
 στοβαιον *Serm.* XXI. pag. 180. Εἰ τις προδιδῶ
 πᾶσιν ἀνθρώποισιν ἐκλέξασθαι κελθόν νόμος τῶν
 καλλίστος, ἐκ τῶν πάντων νόμων διασκευάσθαι,
 ἀπολόατο ἕκαστος τῶν ἑαυτοῦ· ὅτω νυμίζουσι πολῦτα
 καλὰ

καλλίσυς τὰς ἐαυτοῦ νόμους ἰκαστοὶ εἶναι. Si quis omne genus legum proponeret hominibus, & optimas sibi, consideratis omnibus, deligere juberet: singuli suas recepturi essent. Ita quilibet, omnium longe præstantissimas suas esse leges, existimat. Quæ enim leges optimæ sunt uni genti pro suo fine, suæque reipublicæ forma: eæ alteri parum commodæ essent futuræ, & uni reip. noxiæ, alteri esse possent utilissimæ.

§. CLII.

Quid lex
civilis,
& quod
ejus ob-
jectum
sit?

Nimirum quum unum in republica intellectum, unamque voluntatem esse oporteat, (§. CXV. 50) tunc demum vero unus intellectus unaque voluntas sit, si omnes eundem finem eademque media perspiciant, ad eaque actiones suas referant, quod tamen pro ingenii humani indole aliter quam voluntatibus omnium imperantium voluntati submissis consequi non licet: (§. CXV. *) sequitur, 9) ut imperantem oporteat ostendere, ad quid suas actiones externas, alioquin indifferentes, referre, & ad quam normam eas componere debeant. Quod quum fiat præscriptis legibus civilibus: facile patet, 10) LEGES CIVILES esse præcepta generalia summi imperantis de actionibus externis indifferentibus, ad decus utilitatemque reipublicæ componendis: adeoque 11) potestatem illam legislatariam se eo usque non extendere, ut leges divinas evertere possit. (Lib. I. §. XVII. 33.)

§. CLIII.

Quid im-
peranti
liceat

Dicimus, leges civiles versari in actionibus civium externis ac indifferentibus ad decus

cus utilitatemque reipublicæ attemperandis. ^{circa leges divi-}
 (§. CLII. 10.) Quamvis enim sæpe ipsa ne- ^{nas?}
 cessitas jubeat, imperantem. 12) leges divi-
 nas, tum naturales, tum positivas, repetere,
 13) easque extendere, * 14) interpretari,
 15) contra illas læsis actiones & remedia
 civilia dare, immo & 16) poenas & suppli-
 cia comminari illis, qui leges ab ipso Deo
 immortali profectas, tam proterve violare
 ausi fuerint: res ipsa tamen docet, 17) tunc
 non ipsas has leges summo imperanti debere
 originem, sed hunc, 18) veluti custodem
 divinarum legum, dare operam, ut sancta sit
 earum in republica auctoritas.

*) Equidem legi divinæ & addi & detrahi
 quidquam vetuit ipsum summum Numen.
Deut. IV, 2. Sed prius intelligendum procul-
 dubio de laciniis legi divinæ contrariis, vel
 de *ἡμιθεοποιεῖα*, ad quam maxime proclivis
 erant Hebræorum ingenia. Id vero non im-
 pedit, quo minus imperans prohibitionem
 divinam possit ulterius ad casus, lege non
 expressos, proferre, ut veluti eo major cu-
 stodia circumponatur legi divinæ. Solent id
 Hebræorum magistri vocare *סיג לדור* *se-*
pimentum legis, quo longius arcentur homi-
 nes, legem violaturi, & ipsi veluti primi
 aditus occluduntur. De hoc legis sepimento
 vid. Schickard. *jur. reg. Cap. V. theor. XVIII.*
p. 391. & ibi Carpz. in *Notis Jo. Selden.*
de uxor. Hebr. I, 2.

§. CLIV.

Quum vero leges civiles sint præcepta Legis
 summi imperantis de civium actionibus ex- ^{Legis}
 ternis. ^{Partes.}

ternis indifferentibus, ad decus utilitatemque reipublicæ attemperandis, (§. CLII. 10.) tale vero sit hominum ingenium, ut sola obligatione interna parum moveatur: (Lib. I. §. VIII.) quin leges civiles, quæ ad actiones indifferentes pertinent, ne possint quidem internam obligationem producere: (Lib. I. §. VII.) consequens est, 19) ut omnes leges civiles sanctione quadam pœnali munitas esse oporteat, adeoque 20) duæ sint legis perfectæ partes, PRÆCEPTUM & SANCTIO pœnalis: 21) præmia autem legi parentibus a republica non deberi, nisi aliquid non omnibus promiscue civibus præcipiatur, sed quidam eorum lege excitentur ad aliquid, publico bono, extra ordinem faciendum. *)

*) Est hoc observandum contra Rich. Cumberlandum *de leg. nat. proleg. Cap. XIV. & Cap. V. §. XL.* ubi præmiorum promissionem non minus ad integritatem legis pertinere, statuit, quam comminationem pœnæ. At legislator non debet præmia iis, qui faciunt, quod sine crimine omittere non possent, sed iis, qui quid extra ordinem faciunt reipublicæ bono. (Lib. I. §. XCIX. *) Hinc frustra expectaret præmia, qui non occidit, adulterium non admittit, non furatur, quum id facientem pœna potius maneret. At jure exigat præmium, qui a legislatore, præmiis propositis, excitatus, comæctum navibus advexit, qui suis impensis novas fabricas armorum instituit, vel simile quid, ad quod non omnes & singuli tenentur, fecit. Ceterum inde insignis Dei clementia elucet, quod, quum suo jure uri,

ho.

Cap. VIII. De jurib. majest. imman. &c. 527
 hominibusque, legem suam transgressis, pœ-
 nam tantum minari potuisset, tamen & præ-
 mia polliceatur obtemperantibus, & quidem
 in mille generationes duratura. *Exod. XX, 6.*

§. CLV.

Quandoquidem porro per pœnam intelli-
 gimus effectum malum actionis legi repu-
 gnantis: (Lib. I. §. XCIX. 7.) 22) ille effe-
 ctus malus consistere potest non modo in ma-
 lo quodam passionis, quod vitam, sensum,
 existimationem, fortunasque hominis, adfi-
 cit, verum etiam 23) in nullitate actus, con-
 tra leges suscepti: immo & 24) in utroque:
 qualem legem, quæ & actum contrarium
 irritum pronunciat, & transgressori legis
 malum aliquod passionis irrogat, jureconsul-
 ti Romani solam PERFECTAM: 25) reliquas
 modo IMPERFECTAS, inodo MINUS, QUAM PER-
 FECTAS, adpellabant. *Ulpian. Fragm. l. 1.*
 Quum porro factum illicitum aliud determi-
 natum, aliud indeterminatum, & ob insi-
 gnem circumstantiarum varietatem diversum
 esse possit: (Lib. I. §. C. 9.) consequens
 est, 26) ut pœna vel DEFINITA esse possit,
 vel INDEFINITA, seu ARBITRARIA.

Quorum
 plex san-
 ctio illa
 pœnalis?

§. CLVI.

Quum vero frustraneæ futuræ essent leges,
 nisi applicarentur factis, id est, nisi inqui-
 ratur, imputandumne homini sit factum, nec
 ne: (Lib. I. §. XCV.) consequens est, 27)
 ut in republica esse aliquem oporteat, quem
 peres sit cognitio de imputatione actio-
 num. Et, quia hæc cognitio nihil aliud est,
 quam

Imperan-
 ti compe-
 tit etiam
 potestas
 judicia-
 ria.

quam judicium de aliorum actionibus: (Lib. I. §. XCVII. 3.) facile patet, 28) necessariam omnino in republica esse POTESTATEM JUDICIARIAM. Denique quia inter æquales, nec magistratus, nec poena intelligitur: (§. VI. 11. sequ.) 29) hæc potestas in republica competere non potest, nisi superiori, id est, summo imperanti, *) adeoque 30) illa inter immanentia jura majestatis recte refertur. (§. CXXXVI. 33.)

*) Equidem in statu naturali & patremfamilias jus dicere posse familiæ segregi, jam supra observavimus. (§. XCIII. 10. seq.) At in civitate id fieri non potest, nisi quatenus id patrifamilias indulgent leges. (§. XCIV. 16.) Comperit ergo in rebusp. judiciaria illa potestas summis imperantibus, quos etiam vel maxime ob id constitutos esse, observant veteres. Hesiod. *Theogon.* v. 88.

Τά τε καὶ γὰρ βασιλῆϊν ἰχίφρονεν, ἄνεια λαῶν.

Βλαπτομένους ἀγορεύει, μετὰ τροπὰ ἔργα τιλδοσί.

Hæc una reges sapienti lege creantur,

Dicere jus populis, injustaque tollere facta.

§. CLVII.

Quotuplex illa & quomodo exerceatur?

Quum vero judicis sit, leges ad facta adplicare, (§. CLVI.) facta vero, contra leges admissa, vel privatis, vel ipsi reipublicæ detrimentum inferant: sequitur, 31) ut omnia judicia vel PRIVATA, seu CIVILIA, vel PUBLICA seu CRIMINALIA sint, 32) illaque in distrahendis civium controversiis; hæc in puniendis maleficiis consistant: Cic. *pro Cacin. Cap. II.* Et 33) quamvis vitio verti non possit principi, si hanc judicandi potestatem viris prudentibus juriūque peritis

ritis (Lib. I. §. CI. 11. sequ.) demandet, adeoque ubique magistratus & judices constituat : semper tamen 34) ad imperantem iis patere oportet viam , qui , sese injusta sententia oppressos , conqueruntur , adeoque penes illum esse debet suprema caussarum dubiarum ἀνάληψις . *)

*) Hinc in rebus publicis MONARCHICIS ad reges & principes : in ARISTOCRATICIS ad senatum optimatum ; in DEMOCRATICIS ad ipsum populum provocandi jus est : nec temere constituendus est magistratus sine provocatione : quod ne in Regibus quidem dictatoribusque suis diu tulerunt Romani. Liv. I, 26. II, 8. III, 55. X, 9. Attamen , quum & provocatorum abusus haud exiguus sit : non mirum videri potest , varia inventa esse remedia , quibus nimia provocandi temeritas coerceretur . Qualia sunt privilegia de non adpellando , quibusdam magistratibus concessa , certa summa , quam adpellabilem vocant , lege definita , jusjurandum calumniae , pecunia quaedam , a provocante in casum , si succubuerit , deponenda , & similia , quæ an prosint reip. magis in civili prudentia , quam in jurisprudentia naturali , disquiritur .

§. CLVIII.

Quia judicis est , leges factis adplicare , & , an factum aliquod facienti imputandum sit , disquirere , (Lib. I. §. XCV.) imputatio vero consistit in declamatione , utrum effectus , quem lex actioni adsignat , locum habeat , nec ne : (Lib. I. §. XCIX.) sequitur sane , 35) ut imperanti , cui summa est potestas
Hein. de Jur. Nat. & Gent. 2 testas

Itemque
 jus pœ-
 nas infi-
 gendi ,

testas judiciaria, competat etiam JUS POENAS INFLIGENDI. Et quandoquidem negari nequit, ei, qui legem fert, jus etiam esse, eidem ob justas causas derogandi, quin eam plane abrogandi: (§. CLI. 8.) magis 36) eidem licebit, aliquem delinquentem ob justas & graves causas ita lege solvere, ut ei gratiam poenae faciat. *)

*) Negabant id Stoici, quorum pervulgatum erat illud dogma: *μὴδὲ τὸτε συγγνώμῃ εἶχειν ἃ σέβειν*. Sapiensem non dare veniam, nec ignoscere. Diog. Laert. VII, 123. Senec. de clement. II, 6. 7. Sed quum & Deus ipse, justissimus, gratiam delictorum faciat, salva justitia: quidni & sapiens? quidni & imperans, qui, uti leges poenales fert, ita eas plane tollere, ac proinde & uni alterive veniam dare poterit? Sed ob justas causas: quum, quemadmodum non nisi ob graves justasque causas leges feruntur, ita nec, nisi ob justas causas, quidquam contra illas indulgeri possit. Quid vero, si poena sit jure divino constituta? Tunc, si probetur, talem legem poenalem exstare, in eam principi nihil licere, non diffitemur. (Lib. I. §. XVII. 33.) An vero exstet de eo dudum certant viri docti, & adhuc sub judice lis est. Vid. Thomasi Diff. de jure ad grat. princ. circa caenam homicid.

§. CLIX.

An hoc
jus & in-
ter pares
obtineat?

Ex eo vero porro colligimus, 37) inter pares nullum esse jus puniendi, *) & 38) nec integritatem vitae, nec 39) alterius inveteratam peccandi consuetudinem ulli æquali jus dare poenas infligendi, adeoque 40) naturam poenæ non exhaustire definitio-

tio-

tionem vel Grotii, cui POENA est malum passionis, inflitum ob malum actionis, vel Becmanni, qui per illam dolorem propter delictum illatum, intelligit: immo 41) non poenam, sed vindictam privatam esse malum illud passionis, ab ipso læso inflitum; 42) lationem, si a tertio, non superiore, infligatur. 43) Neutrum vero permittendum esse in statu civili, vel inde patet, quod potestas judiciaria soli imperanti, iisque, quibus hic illam demandavit, competat. (§. C. LVI. 29. §. CLVII. 33.)

*) Loquimur enim hic de POENA CIVILI, proprie accepta, & ex lege irroganda, adeoque non de *conventionali*, ad quam se quis ipse sua sponte obligat: nec de *ultione*, qua quis alterum ob flagitia beneficiis privat, ei amicitiam renunciat, ab ejus familiari consuetudine se segregat: nec de *malis naturalibus*, quæ sibi quisque peccando suo jumento invenit, veluti de morbis, doloribus, infamia. Denique multum interest inter *castigationem*, quam infligendi jus & parentibus, & aliquando marito, ac domino, concedunt leges. Hæc enim ex arbitrio, per modum disciplinæ; poena proprie sic dicta ex præscripto legum, per modum jurisdictionis, irrogatur. Inde vero sua sponte consequitur, ut par parem punire nequeat, sed is qui fert legem, eamque factis applicat. Quod quum solus imperans faciat: (§. CLIII. & CLVI.) huic quoque soli puniendi jus esse, manifestum est. Mira ergo est philosophia Grotii de jure belli & pac. II, 20. 3. 1. satis indicare naturam, convenientissimum esse, poenas exigi a superiore, non tamen demonstrari posse, hoc

esse necessarium, nisi vox *superioris* eo sumatur sensu, ut is, qui male egit, eo ipso se quovis alio inferiorem censeatur fecisse, & quasi ex hominum censu detrulisse in censum bestiarum, quæ homini subjacent: quod a theologis quibusdam sit proditum. Quasi vero superioritas vel præstantia quædam moralis ulli mortalium det jus puniendi, ac non potius exigatur superioritas imperii. Thomas. *jurispr. div. III, 7. 31.* Quare si lædens punitur a læso, non poena hæc est, sed vindicta, si a tertio, est nova læsio. Utramque vero in statu civili prohibitam esse, ipse non diffitebitur Grotius. Quanto rectius ergo apud Terentium *Adelph. II, 1. v. 34.* Sænio, leno:

Leno sum, fateor, perniciēs communis adolescentium:

Perjurus, pestis: tamen tibi & me nulla orta est injuria.

§. CLX.

Quotuplex poenarum finis?

Nec difficile erit, ex ipsa poenarum inventarum ratione de fine earundem judicare. Quum enim poena proprie dicta nata sit, statu civili invecito, (§. VI. 12.) & jus illam infligendi, inter jura majestatis immanentia sit, (§. CXXXVI. 34.) quorum non alius finis est, quam securitas civium: (§. CXXXV.) consequens est, 44) ut idem sit poenatum finis. Quum vero securi præstentur cives, sive eo redigantur peccantes, ut nolint amplius delinquere, sive, ut non possint, id est, sive illi emendentur, sive in posterum iis adimatur peccandi facultas: facile patet, 45) priorem finem intendere poenas, quæ, salva vita, infliguntur, 46) posteriorem

sup-

supplicia, quæ cum animæ amissione conjuncta sunt, *) uti loquitur Justinianus §. 11. *Inst. de pub. jud.* Et quia non consultum esset securitati reipublicæ, si ii tantum, qui deliquerunt, delinquere desinerent, ab aliis vero idem esset metuendum: facile patet, 46) eadem opera & alios hoc exemplo moneri, ut delinquere vereantur, ac proinde 47) publice sumenda esse a fontibus supplicia, nisi alia gravior causa id impediatur.

*) Hinc ad pœnas humanas non pertinet finis, quem vulgo jactant, expiatio puta reatus & satisfactio, quam justitiæ divinæ fieri debere, ajunt. Neque enim crudelitatis absolveris Phalaridis similes, qui ideo tantum delinquentes puniunt, ut miseri dolores sentiant. Nec justitiæ divinæ infinitæ satisfaceret nocentis hominis doloribus, nisi illi alia vere infinita ratione fuisset satisfactum. Sed talia qui jactant, vix rationem habere videntur pœnarum originis, quippe quæ eas in statu tantum civili necessarias esse visas, abunde doceret, immo nec inter justitiam divinam & humanam, pœnasque civiles & sempiternas, quæ impiis imminet, satis videntur distinguere.

§. CLXI.

Quibus positis, facile etiam intelligitur, ^{An delinquens obligatus sit ad pœnam?} an in delinquente sit obligatio ad pœnam subeundam? Quum enim, qui in republica vivit, ad ea omnia obligatus sit, sine quibus reipublicæ finis, id est, publica securitas, sperari non posset: (§. CVII. 18.) procul dubio 48) & delinquens obligatus erit

ad poenam, quam lex definivit, subeundam, sed non ad seipsum puniendum, adeoque 49) non tenetur quidem quisquam, ut atrocissimis suppliciis sponte sese offerat, *) nec tamen 50) ei fit injuria, si convictus peccati justas det poenas, nec 51) fas ulli est, resistere potestati supremæ, poenam ex legis præscripto irrogaturæ.

*) Immo quum poena sit malum passionis, æ quo natura omnium hominum abhorret, ne poena quidem foret, quæ volenti infligitur. *Quintil. Declam. XI. Fallitur, quisquis humana tormenta sola nominum atrocitate metitur: nulla pena est, nisi invito. Non habemus ullum, nisi ab impatientia, dolorem, & ut aliquid crudele scævum sit, metus facit. Supplicium quisquam vocat, ad quod proficitur? quod exposcitur? Illo trahite damnatos, quo non sequuntur. Hinc barbarus mos est, cogere homines, ut ipsi sibi manus inferant, abdomen incidant, venenum sumant, vel aliud quodcumque mortis genus eligant. Non enim ad quod malum æquo animo patiendum obligatus sum, id mihi statim ipse ultra arcessere jubeor.*

§. CLXII.

Ex fine vero poenarum (§. CLX.) colligimus, 52) poenas attemperandas esse finis reipublicæ, ac proinde 53) ita comparatas esse debere, prout eas esse jubet interna civium securitas. Ex quo porro sequitur, 54) ut imperans, ad ea delicta punienda sit obstrictus, quæ securitatem reipublicæ turbant, aut efficiunt, ut cives commode & tranquille secum invicem vivere nequeant: non ve-

ro

gn: deli-
cta om-
nia, &
quæ pu-
nienda
sunt.

ro 55) puniri necesse sit actus vitiosos mere internos, 56) nec lapsus minutissimos, a quibus nemo fere mortalium immunis est, 57) nec omissionem officiorum humanitatis, nisi 58) hæc omnia in dedecus ac periculum reip. vergant, ac proinde ipsa necessitas & hæc vitia coerceri jubeat. *)

*) Sic sane in crimine majestatis vel solam cogitationem & scientiam; apud gentes quasdam & inhumanitatem, veluti inhospitalitatem, punitam animadvertimus. Exempla quædam jam supra vidimus (Lib. I. §. CCXVI. *) Jam addimus, & Germanos quondam humanitatem erga peregrinos legibus poenalibus sanxisse. Sunt sane sanctiones tales in *lege Burgund. XXXIII, 1. Capitular. I, 75.* quibus trium solidorum multa irrogatur iis, qui hospiti adveniienti rectum forumve negaverint. Quin Gothi ædes eorum, qui viatores recto ter arcuerant, ex legis præscripto flammis consumebant, teste Joanne Magno *hist. Goth. IV, 1. Add. Elem. jur. Germ. I. 18. §. 420. *)*

§. CLXIII.

Ex ipsa porro poenæ definitione (Lib. I. §. XCIX.) satis patet, 59) puniendos tantum esse, qui malum actionis commiserint, 60) non eorum heredes, 61) multo minus totas familias, *) vel 62) vades, qui se ad supplicium pro alio ferendum præter jus & fas obligarunt. (Lib. I. §. CXLVI. 15.) Denique quum totæ societates unam veluti personam moralem constituent, (§. XX. 60.) adeoque & eas obligent leges, civibus reliquis

Qui puniendi.

præscriptæ: (§. XXIV. 75.) nemo non videt;
 63) universitates quoque & societates delin-
 quentes posse puniri, quamvis 64) ipsa hu-
 manitas suadeat, poenam ita temperari, ne
 eadem sit noxiorum & innocentum conditio,
 & 65) ne ex infirmitate consilii vel per er-
 rorem lapsi eandem imperantium severita-
 tem sentiant, ac ii, qui faces ac tubæ fue-
 runt eorum tumultuum. Quin 66) in poenis
 universitatum, ne remedium ipso morbo sit
 gravius, id in primis agendum esse, *ut me-
 zus ad omnes, poena ad paucos perveniat.*

*) Fuit hæc Persarum truculentia, de qua ex
 instituto Barn. Briffon. *de regno Pers.* II, 227.
 p. 591. *seq. edit. Lederl.* Ejus vestigia etiam
 exstant *Dan. VI, 24. Esther IX, 14.* Sed &
 hodie hanc crudelitatem passim imitari gen-
 tes orientales, jam pridem observatum est ab
 iis, qui illarum mores ac instituta paulo ac-
 curatius descripserunt. Enimvero uti hic mos
 rectæ rationi omnino refragatur; ita caveri
 nulla prudentia potest, quo minus indirecte
 poena, parentibus inflicta, etiam liberis detri-
 mento sit, maxime si bona ex lege publicen-
 tur. Quod & movisse arbitramur legislatores
 humaniores, ut rarissime locum esse voluerint
 huic poenæ, & non nisi in crimine majestatis
 bona omnia a fisco occupari jusserint, ut,
 quantum in ipsis esset, ne indirecte quidem
 poenam ad liberos innocentes proferre viderentur.

§. CLXIV.

Funda-
 menta de
 quanti-
 tate pœ-
 narum
 definien-
 da.

Quales denique & quantæ irrogandæ sint
 poenæ, ex fine poenarum satis patet. Quum
 enim ille in securitate civium positus sit:
 (§. CLX.)

(§. CLX.) consequens est , 67) ut tantam esse oporteat poenam , quanta sufficit ad metum hominibus incutiendum , reprimendamque peccandi libidinem . Quumque ea sit ingenii humani indoles , ut infixæ pectoribus cupiditas non aliter , quam proposito majore malo bonove , cohibeatur : (Lib. I. §. LII. 45.) merito inde colligimus , 68) metum non incussuram esse sanctionem poenalem , nisi majus malum judicent homines , poenam legibus propositam subire , quam delictum omittere , voluptateque vel lucro , quod inde sperant , carere . *)

*) Exemplo esse poterit poena injuriarum , legibus XII. Tabularum sancita , quæ tam parum metus incutiebat hominibus protervis , at bene nummatis , ut voluptatem , quam ex aliorum contumelia capiebant , tam tenui multa libentissime redimerent . Rem omnem refert Gellius *Noct. Attic. XX, 1.* quem locum , utut longiusculum , hic totum legisse non poenitebit ; Nonne tibi quoque nimis videtur esse dilutum , quod ita de injuria puniendi scriptum est : SI INJURIAM FAXIT ALTERI , VIGINTI QUINQUE AERIS POENÆ SUNTO ? Quis enim erit tam inops , quem ab injuriæ faciendæ libidine XXV. asses deterreant ? Itaque Q. Labeo quoque vester in libris , quos ad XII. Tab. conscripsit , non probaret . Quidam , inquit , L. Neratius fuit , egregie homo improbus atque immanis recordia , is pro delectamento habebat , os hominis liberi manus suæ palma verberare , eum servus sequebatur , crumenam , plenam assibus , portans , & quemcumque depalmaverat , numerari statim secundum XII. Tab. viginti & quinque asses jubebat . Propterea , inquit , Prætoris postea

hanc abolescere & relinquere censuerunt, injuriisque aestimandis recuperatores se datos, edixerunt. Tantum ergo abest, ut hujusmodi dilutor sanctio hominum vecordiam cupiditatemque reprimat, ut eam irritet magis, & ad peccandum veluti invitet.

§. CLXV.

Conclu-
siones in-
de elici-
untur.

Ex his, vero principiis jam porro colligimus, 69) non ferre reipublicæ securitatem, ut poena talionis peccantibus irrogetur, *) adeoque 70) nec sufficere regulam, poenarum debere esse proportionem cum delictis, nisi illa non tam de ipsis factis illicitis, quam de libidine hujusmodi facinora patrandi intelligatur. Præterea quum unum delictum altero magis noxium sit reipublicæ, unumque altero magis gliscat in dedecus publicum: facile reddideris rationem, 71) cur, quo magis delictum lædit securitatem publicam, eo actionibus poenis ab eo deterreantur homines, & 72) cur, gliscente delicto, poena quoque intendi soleat.

*) Probasse talionem videtur ipse Deus, *Exod. XXI. 23. Lev. XXIV, 50. Dent. XIX, 19.* Notum quoque est illud Decemvirorum: *SEMEMERUM RUPSIT, NI CUM EO FACIT, TALIO ESTO*, apud Gell. *Noct. Attic. XX, 1.* Sed uti legem divinam ipsi Hæbræorum magistri ita interpretantur, ut tales noxas pecunia potuisse explari contendunt: Conf. Joseph. *antiqu. Jud. IV, 8.* ita & apud Romanos hanc legem umquam in usa fuisse, negat Cæcilius jureconsultus apud Gellium *ibid.* Et sunt fortassis talia *παρρησιασθέντες*, quibus indicatur, non fieri injuriam illi, qui, qua-

quale alteri intulerit, tale ipse quoque malum ferat, quamvis non semper idem sustineat. Vid. Jo. Cleric. ad Exod. XXI, 12. Quo sensu & Pythagoras poenam ἀντάποιός seu *parem passionem* esse dicebat. Utcumque sese res habeat, rationem non semper locum habere, inde probatur, 1) quod aliquando vix poenae nomen meritura sit hujusmodi ratio, e. g. si ei, qui mihi decem nummos in via publica vi rapuit, totidem nummos rapere jubeat: si homo nullius dignitatis, qui magistratum percussit, ipse quoque percutiatur. 2) Quod aliquando ne fieri quidem possit, ut idem patiatur delinquens, quod fecerat, e. g. si luseus alteri utrumque oculum exclusit. 5) Quod aliquando ita servari non possit æqualitas, ut non plus patiatur qui deliquit, quam is, in quem delictum admissum est. Sic e. g. scio, noctuvagum occurrenti sibi homini ita gladium adegisse per corpus, ut cuspis ex tergo emeretur, & hunc tamen, nullo intestino læso, brevi convalescere. An vero vel omnes medici junctis consiliis ita gladio trajecissent illum hominem, ut salvus evaderet?

§. CLXVI.

Quandoquidem tamen, ut in reliquarum actionum humanarum, ita & in delictorum imputatione, omnium circumstantiarum habenda est ratio, earumque una sæpe totam rem mutat: (Lib. I. §. C. 8. 9.) contingere sane potest, 73) ut ob idem delictum in unum gravius, quam in alterum animadvertatur, adeoque 74) in definienda poena ratio sit habenda non modo personae delinquentis, sed & 75) ejus, cui delicto nocitum est, item-

In poenis definiendis circumstantiarum habenda est ratio.

12 6 que

quæ 76) objecti, 77) effectus, immo & 78)
loci, temporis, similitudinumque *περὶ ἀλλοτρίων*. *)

*) Sic quod ad personam delinquentem attinet, majorem omnino pœnam meretur is, quem cognatio, prudentia, officium, ætas, dignitas a delicto revocare debuisset, quam extraneus, stupidus, nullo speciali vinculo obstrictus, puer vel adolescens, plebejus. (Lib. I. §. CXIII. 52.) Majorem quoque pœnam ferret robustus, quam infirmior, &, si multa irrogatur, plus merito imperandum erit homini pauperi, quam pecunioso alicui Neratio. Ita & si personæ in dignitate constitutæ, vel ipsi magistratui, illata sit injuria, quis eam severius vindicandam neget, quam si quis ex sæce hominum contumeliosius habitus sit? Præterea si privati res lucrificandi causa contrectare delictum est, pœna dignissimum: quanto magis, peculatum admittere, vel sacrilegio sese polluere? Ita acrius puniri animadvertimus desertionem militis, e statione sese proripientis, quam ex hibernis aufugientis ob effectum tristiores. Denique injuriam, alicui in templo & inter sacra illatam, deteriorem videri, quam quæ in loco privato alioque tempore facta sit, omnes æqui rerum arbitri censent. Ut adeo non sit publici saporis dogma illud Stoicorum, *ἵσα τὰ ἀμαρτήματα εἶναι* omnia delicta esse paria. Cic. *Paradox.* III. Diog. Laert. VII, 120. Contra quos disputans Horat. *Serm.* I. 3. v. 115.

*Non vincet ratio hæc, tantumdem ut peccet,
idemque,*

*Qui teneros caules alieni infregerit horti,
Et qui nocturnus divum sacra legerit. Adsit
Regula, peccatis quæ penas irroget æquas:
Ne sentica dignum horribili sectere flagello.*

§. CLXVII.

Sed ne id quidem præternittendum vide-
tur, quod, quum non omnes poenæ ad de-
struendum hominem facinorosum sint compa-
rata, sed sæpe & id agatur, ut, qui deli-
quit, emendetur, & cautius mercari in po-
sterum discat, (§. CLX. 45.) caveri debeat,
79) ne omnes, qui poenas dant delictorum,
infamia notentur, siquidem eo ipso fit, ut
non amplius idonea reipublicæ membra ha-
beantur, adeoque illis vix occasio sit, vi-
ctum amictumque sibi honestis artibus com-
parandi.

Poenæ
emenda-
tionis
causæ
infligen-
dæ non
debent
famosæ
esse.

§. CLXVIII.

Inter immanentia majestatis jura est etiam
JUS TRIBUTA & VECTIGALIA imperandi civi-
bus, quin & eorum bona, exigente necessi-
tate, reipublicæ usibus adplicandi, quod jus
DOMINIUM EMINENS adpellare mos est. *) Quum
enim ea omnia licita esse oporteat summis
imperantibus, sine quibus finem reipublicæ,
puta internam externamque securitatem, ob-
tinere non possent, (§. CXXXV. 29) securi-
tas autem illa obtineri vix posset, nisi cives
conferrent pecunias, ferendis reip. communis
oneribus necessarias, & aliquando eorum bo-
nis uterentur imperantes: consequens est,
80) ut imperantibus competere debeat jus
exigendi collatitiam pecuniam, & 81) do-
minium aliquod eminens exercendi.

Principi
competi
jus im-
petrandi
tributa,
& domi-
nium ali-
quod e-
minens.

*) Fatemur tamen, non satis commode hoc
adhiberi vocabulum, quum diversi sint DO-
MINII & IMPERII conceptus, & non illud,
sed hoc competat imperantibus. Unde, quod
Grotius de jure belli & pac. I, 1. 6. primus
voca-

vocavit *dominium eminens* : id Seneca de *benef. VII, 4.* rectius denominavit *potestatem*. Ad Reges, inquit, *POTESTAS omnium*, ad singulos *proprietas pertinet*. Add. V. A. Corn. van Bykersh. *Quaest. jur. publ. II, 15. p. 290.* Hinc non male quidem VVittebergenses Jcti potestatem illam ex imperio, non dominio quodam, derivandam esse contendunt adversus Jo. Fr. Hornium : (Vid. Guil. Leyseri collectionem scriptorum eristicorum, quam pro imperio contra *dominium eminens* inscripsit, ediditque VViteb. MDCLXXIII.) Sed dum lis est de vocabulo reiue origine, & de ipso jure imperantium bona civium urgente necessitate reip. usibus adplicandi, nemo dubitat : cur vocabulum semel receptum plane proscribendum putaremus, nullam omnino idoneam rationem vidimus.

§. CLXIX.

Jus ejus
circa bo-
na civiū
in statu
reip. or-
dinario.

Quia ergo imperanti competit jus bona civium, urgente necessitate, reipublicæ usibus adplicandi : (§. CXXVIII. 81.) facile intelligitur, 82.) eidem etiam, nondum urgente necessitate, jus esse, custodiam veluti suscipiendi honorum privatorum, *) ut illa, urgente necessitate, in promptu sint, sufficientque reipublicæ : adeoque 83.) & jus leges ferendi de bonis recte utendis, transferendis, & alienandis, (Lib. I. §. CCCXVII.) & 84.) commercia tum foederibus firmandi, tum 85.) certis legibus, prout e reipublica esse videtur, restringendi, quin &, 86.) quæ exportari e territorio, quæque invehī liceat, definiendi, 87.) leges sumtuarias ferendi, 88.) opificia provehendi, 89.) agendique omnia,

omnia, quibus effici possit, ut gliscant opes civium, & reip. usibus sufficiant.

*) Quo fundamento etiam nititur jus imperantium supremum, ut & tutores curatoresve constituere pupillis, minoribus, morbo aliquo fontico laborantibus, furiosis, prodigis, absentibus, feminis, deinde his administratoribus certas leges præscribere, eos ad rationes reddendas adigere, & non ex fide gerentes remove-re possint. Interest enim reipublicæ, rem horum hominum, qui ipsi superesse rebus suis nequeunt, salvam esse. Unde Plato de Legib. Lib. XI. pupillos non ad privatorum, sed publicam civitatis curam pertinere scribit, eosque vocat *παρὰ τὰ δύναντα μεγίστω ἔς τε πόλιν*, depositum maximum & sacratissimum reipublicæ. Quin ea re factum est, ut Germani jam inde ab antiquissimis temporibus ipsis imperantibus & magistratibus vindicarent supreniam aliquam tutelam, de qua nos olim differere meminimus in exercitatione de *suprema principum & magistratuum tutela*.

§. CLXX.

Et talia quidem sunt jura, quæ imperanti in statu reipublicæ ordinario competunt. Quum vero dominium illud eminens potissimum sese exserat in statu extraordinario, vel urgente necessitate: (§. CLXVIII.) consequens est, 90) ut imperanti fas sit, tempore belli privatorum agros castris occupare, 91) iisdem munimenta operaque publica imponere, l. 9. C. de oper. public. 92) segetes pabulando colligere, 93) vias publicas novas, deficientibus vetustioribus, per civium fundos

544 *Jur. Nat. & Gent. Lib. II.*
 munire l. 14. §. 1. D. *quemadm. serv. amitt.*
 94) ædes suburbanas, ubi Hannibal ante
 portas est destruere, & quæ sunt hujus ge-
 neris alia.

§. CLXXI.

Quando
 dominio
 illi sit
 locus.

Quandoquidem vero id fieri tantum pot-
 est, urgente NECESSITATE, (§. CLXVIII.)
 necessarium vero est, sine quocumque reip.
 salus, quæ suprema lex esse debet, (§. XXV.
 78.) libertas, & securitas, salva esse non pot-
 est: merito inde colligimus, 95) hanc po-
 testatem non solum sese exferere, si quando
 id extrema reipublicæ *necessitas* exigit, ve-
 rum etiam, 96) quoties id vere est reipu-
 blicæ *utile*: maxime quum plerumque utili-
 tas in necessitatem incidere soleat. V. A. Corn.
 van Bynkersh. *ibid.* p. 292. Attamen 97) ei
 juri vix locus est, quando privata tantum
 principis utilitas in eo vertitur, si alicui jus
 quæsitum auferatur, multo minus, 98) quan-
 do aliquid non necessitatis utilitatisque, sed
 voluptatis causa, occupatur. Quin 99) hoc
 ipsum jus domini eminentis ita comparatum
 est, ut bonus princeps facile patiat, ejus
 fines regi, & illo non nisi modestissime uti
 velit.*) Bynkersh. *ibid.*

*) Limitationes has merito adjunximus, ne
 hoc jus habeat in summam injuriam. Hinc gra-
 viter Deum indignatum esse animadvertimus
 Achabo Regi, Nabotho extorturo vineam,
 tanquam palatio proximam, tantum ut eam
 in hortum olitorium converteret. I. Reg. XXI,
 2. Nam & ad privatum regis improbi com-
 modum, & ad voluptatem magis, quam ad
 utilitatem, pertinebat illa postulatio. Sed
 & Se-

Cap. VIII. De jurib. majest. imman. &c. 545

& Senatus Romanus litem secundum Prætores, & contra M. Licinium Crassum, dare noluit, quum illi per hujus fundum derivare vellent aquæductum, qui ornatus & voluptatis magis, quam utilitatis, causam habere dicebatur. Liv. XL, 51. Ita sane causam repræsentavit Marc. Zuer. Boxhorn. *Disquisit. polit. casu XXXI.* Et tamen laudatissimus Bynkershoek attulit diploma Guilielmi Arau-
saci, quo magistratui Leidensi facta est potestas, areas privatorum, soluto possessoribus pretio, occupandi, & quidem non modo necessarias, sed &, quæ ad ornatum ædium academicarum, voluptatemque studiosorum facere videantur, (*tot cieraat derzelve, en de recreation der Studentem eenig sints dienlyk.*) Ubi tamen vir illustris prudenter addit: *Hac juris publici prudentia ego non uterer, nec usus est Senatus Romanus in causa Crassi, nec etiam usus esset Augustus, de quo Sueton. Aug. Cap. LVI. Forum angustius fecit, non ausus extorquere possessoribus proximas domos.*

§. CLXXII.

Enimvero quum communis reipublicæ onera communibus erogantibus ferenda esse, ipsa æquitas doceat: (§. CLXVIII.) consequens est, 100) ut unus civis præ reliquis non sit onerandus, adeoque 101) ei, cui re sua communis salutis utilitatisve causa carentium est, ex arario vel arca publica satisfieri debeat, *) &, 102) si vel maxime id non in continenti fieri possit, id tamen postea suo jure exigant illi, qui re sua exciderunt, nisi forte 103) contra legem prohibitivam ædificaverint, & ædificium illud, vel quale-
cun-

Qua com-
ditione
illo uti
possint
imparen-
tes.

cumque opus, urgente reipublicæ utilitate, destructum sit. Tunc enim tantum abest, ut pretii refusionem recte petant, ut & in pœnam incidant, legibus expressam. V. A. Corn. van Bynkesh. *ibid.* p. 297.

*) Agnoscunt hoc Grot. *de jure belli & pac.* II, 19. 7. Pufend. *jur. nat. & gent.* VIII, 5. 7. Hubert. *de jure civil.* I, 3. 6. 44. & quicumque de hoc dominio paulo fufius egerunt, inter quos palmam merito concedimus laudatissimo Corn. van Bynkersh. *ibid.* qui & Romanos id principium sequutos esse, probat ex Tacito *Annal.* I, 75. & l. 9. C. de oper. publ. Et sane pro eo eadem militat æquitatis ratio, quam pro lege Rhodia de jactu profert Paulus l. 1. D. ad leg. Rhod. ut omnium contributione sarcitur, quod pro omnibus datum est.

S. CLXXIII.

An illud & ad res extero-
rum non
hostium
proferri
possit?

Præterea ex eadem definitione patet, 104) jus hoc tantum exercendum esse circa civium bona, non 105) circa bona extraneorum, non hostium, apud nos reperta, adeoque 106) vix excusandos esse principes, qui amicarum etiam gentium rebus & mercibus manus injiciunt, 107) dominos invito ad pecunias sibi credendas adigunt, 108) naves amicorum, in portibus suis repertas, sistunt, iisque ad trajiciendas copias suas, vel commercium avehendum, utuntur. Quamvis hæc angariationes, quas vocant, & frequentes sint, & eo colore excusentur, quod naves etiam alienæ, in alterius principis imperio repertæ, quodammodo subditæ sint, *) exque angarientur ex recepta palam consuetudi-

Cap. VIII. De jurib. majest. imman. &c. 347
tutine, qua. civitates & imperia continen-
tur.

*) Quo colore quum ne uti quidem possent
Græci, a Cyri expeditione reduces, eorum
facinus tanto videtur iniquius, quamvis id
improbare non videatur Grotius *de jure belli*
& pac. II, 2. 10. Auctor militibus fuerat Xe-
nophon, uti ipse testatur, *de expedit. Cyri V,*
1. 6. ut acceptis a Trapezuntiis navibus lon-
gis, subducerent naves transcentes, easque,
detractis gubernaculis, custodirent, donec
tantum habeant illorum numerum, ut iis ve-
hi possint, ita tamen, ut ii, quos cum navi-
bus subducturi essent, communi impensa ale-
rentur, quamdiu militum causa manserint,
& mercedem pro vectura acciperent. Quod
sane facinus quodammodo excusasset necessi-
tas, si publicis auspiciis militassent. Jam ve-
ro vix ullam perspicere possum rationem, ob
quam hujusmodi jus competere potuerit ma-
nu: militum, qui, invitis civitatibus suis,
expeditionem cum Cyro fecerant, rebus po-
rius præclare gestis, quam justitia causæ me-
morabilem.

§. CLXXIV.

Hæc de DOMINIO EMINENTE. Ad TRIBUTA
& VECTIGALIA quod attinet, reipublicæ du-
pliciter interest, quam maximam pecuniæ
vim in propectu esse: primum ut non desit,
unde imperantes pro dignitate sustententur:
deinde ut & belli & pacis temporibus sup-
petat pecunia, nervus rerum gerendarum,
quo adeo opus est, ut sine eo fiat nihil, quo
opus est. Itaque in rebus publicis duplex es-
se solet arca publica, in quam opes publi-
cæ influant, quarum altera pecuniam impe-

Quid si-
tis &
eratum.

rantium destinatam sustentationi continens ;
FISCUS , altera , pecuniæ publicæ destinata ,
ÆRARIUM adpellatur , *) quam utramque esse
 quam locupletissimam , reipublicæ omnino
 interest .

*) Merito hæc discernimus , quamvis aliquando
 in monarchiis adeo sibi omnia vindicare so-
 leant principes , ut inter **FISCUM** & **ÆRARIUM**
 vix discrimen aliquod deprehendas . Auctor
 sane est Dio Cass. *Hist. LIII. p. 506.* Augu-
 stum & pecuniam & milites in potestate ha-
 buisse , addita ratione : *Δόξα μὲν γὰρ τὰ δη-
 μόσια ἀπὸ τοῦ ἐκείνῃ ἀπεκρίματο, ἔργῳ δὲ ταῦτα
 τοῦ & γνώμῃ αὐτοῦ ἀλλοτρίετο .* Nam licet pe-
 cunias suas dicis causâ ab ærario separatas
 haberet : re ipsa tamen his quoque suo arbitrio
 utebatur . Sed quum hic non , quid fiat , di-
 spiciamus , sed quid fieri oporteat : merito di-
 stinguimus utramque arcam publicam , quam
 & in aristocratiis , aliisque rebuspublicis , ac-
 curate discerni , animadvertimus .

§. CLXXV.

Quid ad
 locuple-
 tandum
 fiscum
 excogita-
 rum ?

Quum ergo in **FISCUM** inferantur pecuniæ ,
 imperantium sustentationi destinatæ : (§. C-
 LXXIV.) æquum visum est gentibus plerif-
 que , 109) non modo certa prædia , certo-
 que terrarum tractus , assignari imperantibus ,
 e quorum redditibus dignitatem tuerentur ,
 quæ hodie vocant **DOMANIA** , vel **DOMANIA-**
LIA , verum etiam 110) iisdem relinqui por-
 toria aliaque vectigalia : at 111) præcipue
 omnia *ἀδέσποτα* , intra reipublicæ territo-
 rium , cedere imperantibus (Lib. I. §. CC-
 XLIII. sequ.) Quam postremam fiscum lo-

cu-

cupletandi rationem eo magis placuisse animadvertimus plerisque gentibus, *) quo minore cum singulorum dispendio est conjuncta.

*) Maxime gentes originis Germanicæ, de quibus Grot. de jure belli & pac. II, 8. 5. Germaniæ populi, quum principibus ac regibus bona quedam essent designanda, unde dignitatem suam sustinerent, sapienter existimarunt, ab illis rebus incipiendum, quæ sine damno cujusquam tribui possunt, cujusmodi sunt res omnes, quæ in dominium nullius pervenerunt. Quo jure usos & Ægyptios video. Nam & ibi Regum procurator, quem ἰδὴν λόγος vocabant, vindicabat res ejus generis. Enimvero quæ de Ægyptiis refert Grotius, petita ex Strabon. Geogr. Lib. XVII. p. 1148. edit. noviss. ea non tam ad Ægyptios, quam ad Romanos, Ægyptiorum dominos, pertinent. ἰδὴν enim λόγος non alius est, quam procurator Cæsaris, vel rationalis, & de eo refert Strabo, αὐτὸν ἦν ἀδιοπάτωρ, ὃς εἰς Καίσαρα πίπτει ὁφειλούμενον ἐξίτασθαι εἶναι. illum in ea inquirere, quæ in nullius dominio sint, & seorsum Cæsari cedant, id est, in bona caduca & vacantia, ceu recte ad eum locum notavit Casaubonus.

§. CLXXVI.

Quandoquidem ergo bona domanialia ad tuendam imperantium dignitatem sunt comparata: (§. CLXXV. 109.) facili intelligitur 112) ea esse inalienabilia, ac proinde 113) alienata a successore, sive universali, sive singulari, posse revocari, nec 114) quidquam interesse, sive pro parte, sive universa ad alios privatos translata sint, siquidem, quod nostrum non est, ejus nec exiguam

Jura bonorum domanialium.

par-

partem alienare possumus, uti recte ait Grot. *de jure belli & pac.* II, 6. 11. ubi tamen 115) alienationes illas, cum consensu populi factas, subsistere, *) & 116) fructus hujus patrimonii ab ipso patrimonio distinguendos esse, recte monet.

*) Sive initio consenserit populus, sive alienationem postea demum ratam habuerit. Cujus rei exempla innumera vidit Germania nostra. Quum enim tam profusa fuerit veterum Imperatorum & regum liberalitas in bonis domanialibus maxime in ecclesias transferendis, ut ex iis hodie vix quidquam superfit: nemo tamen dixerit, licere imperatori, ea vindicare, quum eas alienationes jam pridem ratas habuerint Imperii ordines. Immo quamvis Imperator promittere soleat, se Imperii jura & redditus recuperaturum, *Capit. Caroli VI. art. X.* id tamen ita intelligendum esse, monent ii, qui jus publicum Imperii Romani Germanici exponunt, ut id salvis legibus publicis fiat, & male res cessit plerisque, qui de recuperandis imperiis solliciti fuerunt, imperatoribus & regibus, veluti Henrico V. Rudolpho I. Alberto I. & aliis. *Conf. Schvveder Diff. de dominio imperii.*

§. CLXXVII.

Jus fi-
sci circa
ἀδίστονα
92.

Quia præterea & ἀδίστονα imperantibus assignare placuit: (§. CLXXV. 111.) non difficile erit, reddere rationem, 111) cur fiscus ubique pæne sua esse contendat ea, quæ jure Romano vel communia, vel publica habentur, veluti 116) marium, quæ territorium adluunt commoda, *) 117) flumina,

na,

na, 118) silvas majores, adeoque 119) & jura piscandi, venandique, nec non 120) jus fodiendi mineralia & metalla, 121) bona vacantia occupandi, 122) gemmas & lapillos mari ejectos colligendi, 123) adluviones, 124) novas insulas, 125) alveos derelictos, quin alicubi 126) & thesauros, 127) & erroneas ac spurios vindicandi. Tametsi hæc omnia secundum usus gentium aliter aliterque sese habere, recte observet Huber. *de jur. civ.* II, 4. 4. 48. p. 468.

*) Nota sunt, quæ inter viros doctissimos Hug. Grotium, Jo. Seldenum, Rob. Jonstonum, Petr. Baptistam Burgum, Guil. VVelvodum, Jo. Isaacum Pontanum, Theod. Granſvinckelium, & novissime inter Pufendorffium, Hubertum, Jac. Gothofredum, Jo. Henr. Boeclerum, Corn. van Bynkershoeck & Christ. Thomafium, aliosque de dominio maris disceptata sunt, quæ jam repetere nihil attinet. Nos, uti mare nullius esse nemo negat, ita quin illud occupari possit, occupantique cedat, nulli dubitamus. (Lib. I. §. CCXLI. 17.) Maxime quum id & olim esse factum, & hodie fieri, ipsa nos convincat experientia. At quum occupari non soleant res inexhausti usus, nec earum usu alios excludere fas sit: (Lib. I. §. CCXXXV. 9.) in mari vero quædam sint exhausti usus, veluti captura piscium majorum, & unionum, vestigalia, similiaque emolumenta: quædam inexhausti usus, veluti navigatio: illis alios excludi posse, his non posse, merito statuimus. Multo magis ergo iis, qui certas terras transmari-
nas, tamquam suas, possident, licebit alios navigatione, quam vel occupationis, vel
com-

commerciorum causa eo suscipiunt, excludere, nisi pactis & foederibus aliud cautum sit, quum unicujusque gentis in arbitrio sit positum, utrum commercia cum extraneis permittere velit civibus, nec ne. At navigatione, quæ ad provincias transmarinas, non nostras, commerciorum causa instituitur, non magis quis alios sine injuria prohibere potest, quam usu viæ publicæ, nisi navigantibus obstant pacta & foedera. Talis est nostra de quaestione illa sententia, qui tamen suoquentique sensu abundare facile patimur, maxime quum de maris dominio armis potius & solida vi, quam verbis & argumentis, disciprari soleat. Adeo verum est, quod cecinit Horat. *Carm. I, 3. v. 21.*

*Necquidquam Deus abscidit
Prudens Oceano dissociabiles
Terras, si tamen impia
Non tangenda rates transiliunt vada.
Audax omnia perpeti
Gens humana ruit per vetitum nefas.*

§. CLXXVII.

Alia fisci jura.

Quum porro omnino intersit reipublicæ, fiscum esse quam locupletissimum. (§. CLXXIV.) non mirum est, 128) & alia jura, quæ ad quaestum, conservationemque rerum pertinent, fisco concedi, in primis 129) jus cudendæ monetæ, 130) jus multas, 131) commissas, & 132) quævis scelere quaesita occupandi, & quæ sunt hujus generis alia, quæ vulgo licet parum commode, regalibus minoribus accensentur, (§. CXXXV. *) At hic quoque mores variant, prout quævis civitas plus minusve concedit impe-

Cap. VIII. De jurib. majest. inman. &c. 553
 imperantibus suis, vel hi plus minusve longo usu sibi adrogarunt.

§. CLXXIX.

Quod ad *ÆRARIUM* attinet, illud fere tributis & vectigalibus locupletatur, nisi tantum sit agri publici, ut ejus fructibus respublica possit sustineri. Quum enim (per §. CLXXIV.) imperantes nihil sine pecunia pace belloque recte gerant, Tacit. Hist. IV, 74. &, non sufficiente agro publico, illa non aliunde, quam a civibus peti possit; consequens est, 133) ut rectores civitatum possint civibus imperare tributa & vectigalia, 134) sive soli, sive reliquorum ordinum consensu, prout id reipublicæ forma exigit. 135) Ut ea possint imponere personis, fundis, mercibus importandis, & exportandis, rebus fungibilibus, opificiis & commerciis, prout id commodissimum videtur, 136) dummodo & facultatum habeatur ratio, *) & 137) cives non ita opprimantur, ut se tamquam servos, omnia imperantibus non sibi, adquirere, jure conquerantur.

Ærarium
 locuple-
 tant tri-
 buta &
 vectiga-
 lia.

*) *Æquissimum* hoc visum est Ser. Tullio, Romanorum regi, quem magnam eo ipso gratiam a populo iniisse novimus, quod apud Dionys. Halic. *Antiq. Rom. Lib. IV. p. 215.* promissurum se negaret, pauperes tributorum gravatos onere, æs alienum contrahere cogi, ac proinde se potius censurum bonæ omnium, & pro suo quemque censu conferre jussurum, prout in magnis & bene institutis civitatibus fieri soleat, addita ratione: *Διχαλόντις ἡ σύμφορος τῇ κοινῇ τὸ αὐτὸ ἡγεῖσθαι, τὸς μὲν πολλὰ κινεῖσθαι πολλὰ εἰσφέρειν,*
Hein. de Jur. Nat. & Gent. Aa τῇ:

πὺς δ' ὀλὺγα ἔχοντες, ὀλίγα. *Iustum enim existimo, & reipublicæ utile, ut, qui multum possident, multum conferant, parum vero, qui sunt in re tenui.*

§. CLXXX.

Quid circa illa iustum sit?

Quod si ergo in imperandis tributis & vengalibus facultatum habenda est ratio, nec cives his oneribus sunt plane opprimendi; (§. CLXXIX. 136. sequ.) per se profecto patet, 138) non exigi debere, quod a civibus præstari nequit, nec 139) eos pacis temporibus ita enervandos esse, ut in re trepida nihil conferre possint: præterea 140) nemini temere concedendam esse immunitatem, nisi tanti sit ejus opera, ut hæc pars publici oneris illa facile pensetur. Denique 141) collatitiam istam pecuniam & sine nimia acerbitate colligendam, & 142) bona fide administrandam, & 143) iis rebus, quibus destinata est, impendendam esse, vel ipse finis, ad quem comparata est hæc collatio, satis ostendit.

§. CLXXXI.

Jus principis constituendi ministros & magistratus.

Porro inter jura majestatis immanentia etiam est JUS ADMINISTRANDI & MAGISTRATUS CONSTITUENDI. (§. CXXXVI.). Ubi per ADMINISTRANDI intelligimus, qui partem reipublicæ sibi creditam, nomine imperantium administrant: per MAGISTRATUS, qui illam partem, nomine proprio, at dependentem a summo imperante, administrant. Quum ergo & administrandi vice imperantium; & magistratus dependentem ab iis rempublicam capebant: consequens est, 144) ut ii a solo impe-

imperante constituendi sint, 145) nisi hic vel aliis eligendi præsentandive, vel 146) integro collegio cooptandi jus dederit, 147) Ut eidem obligentur speciatim, ac proinde 148) illi & rationes reddere teneantur, & 149) si male fungantur munere, ab eo dignitate merito priventur, quin & 150) pœnas dent, pro eo, ac merentur, si doli culpæve majoris rei sint. *)

*) Non vero puniendum consilium non fraudulentum, quod eventus destituit, quum hunc nemo præster. Nec pœnam meretur, qui principis suis aut reipublicæ mandatum exsequutus est, si illud in se justitiæ, aut bonis moribus, non repugnat. Conf. V. A. Corn. van Bykershoek *Quæst. jur. publ. II. 2. p. 196. seq.* Barbarus ergo mos fuit Pœnorum, præstantissimos duces mittentium in crucem, si quid præter animi sententiam accidisset. Nec minus detestabilis est Turcarum aliarumque gentium orientalium consuetudo, qui & ipsi consilium ex eventu æstimantes, capitis dampnant omnes, quorum consilium caruit eventu. Quin non modo justis regulis refragatur hæc truculentia, verum etiam prudentiæ. Si quis, inquit vir laudatissimus, rebus in arduis consilium desideret: plures sunt, qui dare possunt, sed nemo unus eventum præstiterit: si & hunc exigas: ecquis erit, qui consilio suo tibi adesse velit? vel duo, vel nemo.

§. CLXXXII.

Quemadmodum vero administris æque, ac magistratibus, pars aliqua reipublicæ creditur: (§. CLXXXI.) ita 151) & principis erit virtus maxima, nosse suos, & dare ope-

ram, ut non nisi idoneos munerique pares eligat : 152) civium contra, non ambire munera, quibus sese impares esse intelligunt, multoque minus 153) ea largitionibus aliisque turpissimis artibus aucupari, nisi 154) ipsis imperantibus e republica videatur, ut & officia sint in commercio. Præterea res ipsa docet, 155) quemlibet administrum & magistratum omnem fidem ac diligentiam præstare, & reipublicæ salutem sibi supremam legem ducere debere : tantoque magis 156) in eam curam incumbere decere administrum summum ac primarium, cujus humeris imperans universam reipublicæ molem imposuit.*)

*) Vocari hi solent MINISTRISIMIS, & de iis quæri solet, primum an e republica sit, universæ reipublicæ curam uni demandari? deinde, an id salvo jure fieri possit? Prior quæstio ad prudentiæ civilis scriptores pertinet, inter quos hic legi merentur Hert. *Elem. prud. civ.* I. 10. 11. nec non Guil. Schroeteri & Jac. Thomasi singulares de eo argumento dissertationes. De posteriore facile transigent, qui juris gentium principia paulo accuratius expendierint. Quum enim nihil vetet, quo minus aliis mandemus id, cui ipsi nos non sufficere animadvertimus: quidni & princeps vices suas aliis mandet, maxime quum ætas, imperii magnitudo, aliæque justæ causæ, eum ad id faciendum impellere possit? Et si in se injustum non est, tutorium esse aliquod regnum, quando rex per ætatem illud capeßere nondum potest: cur injustum sit, illud administro summo demandari? Attamen injuste agere princeps,

Cap. VIII. De jurib. majest. imman. &c. 557

ceps, si ideo constitueret talem administrum, ut genio tantum indulgeat, nullamque reip. curam animum subire patiatur, quum illo tamquam administro uti, non ipsum imperium in eum transferre, debeat. Præclare hoc mihi videntur vidisse Persæ, dum primarios rerum administratos eleganter τὸς βασιλῆως ἐφθαλμῶς, καὶ τὰ βασιλῆως ὄτα, & oculos, & aures Regis adpellarunt, teste Xenoph. *Cyropæd. XIII. 2. 7. p. 483.* de quibus plura Barn. Briffon. *de regno Pers. Lib. I. §. CXC. p. 264.*

§. CLXXXIII.

Inter præcipua quoque majestatis jura, quæ summum imperans intra reipublicam exercet, est etiam **JUS CIRCA SACRA**, seu circa **ECCLESIAM** particularem, per quam hic intelligimus societatem seu collegium, religionis gratia initum. Quum itaque omnia collegia & societates simpliciores magis compositis ita sint subordinata, ut nihil, quod majori illi societati manifesto refragetur, agere, salva justitia, possint: (§. XXIV. 66.) consequens est, (157) ut & ecclesiam subordinatam esse oporteat reipublicæ: adeoque (158) imperanti etiam competere debeat jus dirigendi res ecclesiæ. *) Quod & inde solide probatur, quod reipublicæ unam esse voluntatem oporteat. (§. CXV. 50.) Talis vero non esset futura, si ecclesia particularis non subesset imperio, sed singuli, alias imperio subjecti, eo ipso, dum in hanc societatem coalescunt, collegium liberum, & a summo imperante independens, constituere possent. Accedit, quod quum ea omnia jura cum majestate conjuncta sint, sine quibus

bus securitas civium obtineri non posset ,
 (§. CXXXV. 29) experientia vero doceat ,
 securitatem hanc, tum internam , tum exter-
 nam , vel maxime turbasse homines obten-
 tu religionis : quis principi denegat jus sa-
 cra ita moderandi , ne quid respublica de-
 trimenti capiat ?

*) Apud Romanos vigeat hoc jus majestatis ,
 quo uno titulo credebatur *jus publicum et-
 iam in sacris, & sacerdotibus consistere* , ut
l. 1. §. 2. D. de just. & jure . Nunc vero
 caute accipiendum jus hoc majestatis , caute
 asserenda subjectio hæc Ecclesiæ ob directio-
 nem necessariam Reipublicæ , quæ subjecitur
 imperanti summo sacrorum jurium legislatori
 supremo, qui *Episcopos cæterosque ministros*
suos constituit, ut regerent Ecclesiam Dei ,
quam acquisivit sanguine suo. Act. Ap. cap. 2.
vers. 28.

§. CLXXXIV.

An illud
 se exse-
 rat circa
 articulos
 fidei?

Religio, ob quam hominem in societatem
 illam, quam ecclesiam vocamus, coalescunt,
 (§. CLXXXIII.) duobus constat capitibus :
 priore, ut rectas de Deo habeamus senten-
 tias : Lib. I. §. CXXVII. 16.) posteriore ,
 ut eundem perfectissimo amore prosequa-
 mur : (ibid. §. CXXX. sequ.) Inde facile pa-
 tet, 159.) circa prius caput nihil potestatis
 competere summo imperanti, quum intelle-
 ctus cogi nequeat : (Lib. I. §. CXXIX. *)
 adeoque 160) eo usque non porrigendum ef-
 se illud jus, ut imperans civibus novos fi-
 dei articulos imperare, veteresque proscri-
 bere, id est, 161) ipsis conscientiis jugum
 imponere possit : *) quamvis, 162) ut illa,
 quæ

quæ rationi & revelationi consentanea esse credit ecclesia, recte doceantur, & potius ad pietatem adplicentur, quam 163) in ferales lites & jurgia convertantur, nec non 164) ut ne hujusmodi lites in reipublicæ ecclesiæque detrimentum evadant, omnino curare debeat.

*) Procul dubio ergo proscribendum est Machiavelli & Hobbesii dogma pestilentissimum, quo ipsa religio & conscientia imperantium arbitrio subjicitur. (§. CXXXI.) Ut enim non urgeamus, quod paulo ante diximus, intellectum, utpote necessariam potentiam, coactionem non admittere, eique non magis imperari posse, ut, quod non credit, credat, quam oculo, ut, quod non videt, videat: quis non videt, quantam lanienam excitatura sint hæc principia; si Nero aliquis, aut Domitianus, aut Diocletianus, rerum potia-
tur, qui sibi persuadeat, religionem Christianam minus prodesse reip. quam paganam, aut Mahumedanam, aut qui aliam plane novam comminiscantur? Immo quis non videt, eam doctrinam, insuper habito vero religionis sine, eam in instrumentum dominationis convertere?

§. CLXXXV.

Quod vero ad cultum divinum attinet, An circa illum supra vel INTERNUM, vel EXTERNUM esse, observavimus. INTERNUS quum ex ipsis Dei attributis, adeoque ex recta ratione, pronotalveo fluat, (Lib. I. §. CXXX. sequ.) ita comparatus est, 165) ut in eum nihil ulli mortalium liceat, (Lib. I. §. XVII. 32. seq.) ac proinde, 166) ne imperans quidem illum vel mutare legibus, vel abrogare possit: quam-

vis, 167) quum omnes homines ad gloriam summi numinis pro virili provehendam obstricti sint, (Lib. I. §. CXXVIII. 31.) nec principi denegandum sit jus & officium curandi, ut cives præclara illa doctrina de interno Dei cultu imbuantur, errantes reducantur in viam, impii, quoad ejus fieri potest, ad concipiendam summi Numinis reverentiam solidis demonstrationibus & cohortationibus excitentur, immo & 168) dandi operam, ne vel atheismus vel superstitio gliſcat in republica.

§. CLXXXVI.

An circa
externi?

EXTERNUS cultus in actionibus externis, partim ex amore, timore, ac fiducia erga Deum profectis, (Lib. I. §. CXXXV.) partim in actionibus arbitrariis, (ibid. §. CXXXVIII. 58) consistit. Priorum eadem est ratio, ac cultus interni, (§. CLXXXV. 165. sequ.) adeoque 169) in eum sibi nihil potestatis arrogabat bonus princeps: præterquam 170) quod eum pro virili provehere studebit. *) Posteriores, 171) quum a ratione nec improbentur, nec præscribantur, (Lib. I. §. CXXXVIII. 61.) omnino subjectæ sunt imperantium arbitrio, adeoque 171) ea omnia his circa illas licita sunt, quæ nec rationi, nec revelationi refragantur. Habenda ratio legis naturæ sacrorum Librorum, & Canonum, quinimo legitimæ quoque traditionis ab Ecclesia ad nos usque transmissæ, & approbatæ.

*) Hinc princeps non potest prohibere, quominus homines de Deo colloquantur, eundem

Cap. IX. De juribus majest. transeunt. 561
 dem hymnis celebrent, preces ad eundem
 fundant, cetera: at potest præscribere, quo
 ordine, quaque ratione id publice fieri de-
 beat. Hinc absurda erat lex Darii Medi,
 ne quis intra triginta dies aliquid petere au-
 deat five a Deo, five ab hominibus: *Dan.*
IV, 7. at non absurda cura Davidis, alio-
 rumque piorum regum, ita instituentium
 cultum externum, ut nec hymnis carerent,
 nec eos cum gravitate decantandi rationem/
 ignorarent.

§. CXXXVII.

Quum ergo circa actus cultus divini ex-
 terni arbitrarios licita sint imperantibus, quæ
 nec rectæ rationi, nec revelationi refragan-
 tur: (§. CLXXXVI. 171.) consequens est,
 172) ut principi competat jus reformandi
 eatenus, ut ritus arbitrarios in melius forma-
 re, & abusus; vere tales, tollere possit, qua-
 tenus ei leges publicæ vel conventiones non
 obstant. 173)

Juris cir-
 ca sacra
 præcipua
 capita.

§. CLXXXVIII.

Ecclesiæ æque, ac ministrorum & magi-
 stratum, quin & aliorum bonorum civium
 seminaria sunt SCHOLÆ atque ACADEMIÆ,
 quippe quarum iste finis est, ut juvenes ad
 omnes honestas artes, quibus aliquando il-
 lis in variis vitæ generibus opus futurum est,
 nec non ad probitatem, moresque elegan-
 tes, solide instituantur. Ex quo fine conse-
 quitur, 174) ut principis sit, hujusmodi ly-
 cea instituere, 175) ea bonis legibus orna-
 re, 176) cathedris viros, solide doctos di-
 ligent-

Jus im-
 peran-
 tium cir-
 ca scho-
 las & a-
 cademias

ligentes, munerique suo pares præficere, 177) dare porro operam, ne doctrinæ reip. noxiæ inculcentur, 178) disciplinæ curam gerere, & 179) prudenter cavere, ne turbulenta ingenia lites ex litibus ferant; *) idemque contingat in academiis, quod de Megaricorum schola dicere solebat Diogenes, eam esse ἡ γὰρ σχολή, ἀλλὰ χολή, non *scholam*, sed *meram bilem*. Diog. Laert. VI. 24.

*) Dici non potest, quanto eum studiorum ipsiusque reip. detrimento conjuncta sint bella illa scholastica. Plerumque enim ea movent homines insulsi & inertissimi, quibus aliorum doctrina & industria est sudes in oculis. Hi enim quo doctiores sunt, eo magis ab illis litibus abhorrent. Res deinde geritur calumniis, conviciis, insidiis, accusationibus, quibus id se consequuturos esse sperant, ut vel opprimant hostem, vel eum suspectum reddant auditoribus. Hinc porro evenit, ut doctores bonas horas, quas auditorum studiis consecrare debebant, scribendis libellis eristicis impendant, ut auditores quoque, sæpe totius controversiæ ignaros, trahant in partes, & sic in sectas abeat ille litigandi pruritus, aliquando etiam in pugnas & verbera. Quæ omnia quam facile evertere possint scholas etiam florentissimas, nemo est, qui intelligat.

§. CLXXXIX.

Ius eorundem circa commercia. Supereſt ius imperantium circa commercia. (§. CXXXVI. 38.) Quum enim sine illis subsistere vix possit genus humanum, nedum respublica: (Lib. I. §. CCCXXV. 4.)

facile patet , 180) in eam quoque curam incumbere debere rectores reip. ut & flo-
reant commercia , & 181) recte omnia cir-
ca illa fiant . Et quandoquidem iis jura om-
nia competunt , sine quibus finem obtinere
non possunt : (§. CXXXV. 29.) consequens
est , 182) ut possint illi leges de commer-
ciis , opificiis , exportandis importandisque
expungendis accurate nominibus , re quoque
monetaria , ferre , 183) negotiis instantes
privilegiis ornare , 184) mercatoribus pere-
gre negotiantibus foederibus armisque secu-
ritatem præstare : 185) societates mercato-
rum majores munire privilegiis , & 186)
generatim ea omnia agere , quibus foedera
& pacta , cum aliis principibus rebusque pu-
blicis inita , non refragantur . *)

*) Totum hunc paragraphum mirifice illu-
strabunt binæ dissertationes , altera Jo. Fidr.
L. B. Bachovii ab Echt de eo quod justum est
circa commercia inter gentes , quæ prodiit Je-
næ MDCCXXX. altera viri celeberrimi Jo.
Jac. Mascovii de foederibus commerciorum Li-
pſiæ MDCCXXXV. Quibuscum si junxeris
ſcripta eristica , quibus de controversia , in-
ter Batavos & Belgas , augustæ domui Au-
ſtriacæ ſubjectos , de societate mercatoria
Oſtendenſi diſceptatum , in primis *la Reſu-
tation des argumens , avances de la part de
Mrs. les Directeurs des Compagnies d'orient
& d'occident des provinces-unies contre la li-
berte du commerce des habitans des Pais-bas .*
Hagæ MDCCXXIII. & V. C. Jo. Barbeyrac
*Deſenſe du Droit de la compagnie Hollandoiſe
des Indes orientales contre les nouvelles preten-
ſions des Habitans des Pays-bas Autrichiens :*

nihil erit; quod hujusmodi de quaestionibus
possis magnopere desiderare.

C A P U T IX.

De juribus majestatis transeuntibus.

§. CXÇ.

bellum
gerere om-
nino li-
citum.

Quia omne imperium est summum atque
ἀνυπλάθων: (§. CXXIX.) sequitur,
ut & plura imperia vel respublicæ
nemini mortalium subjecta sint. (§. eod.)
Quumque, qui in communi societate civili
non vivunt, in statu naturali vivere dicantur:
(§. IV. 3.) consequitur sane, 1) ut
imperia & respublicæ inter se invicem vi-
vant in statu naturali, adeoque 2) in statu
æqualitatis, & libertatis. (§. V. sequ.) Et
quia porro in hoc statu læsis nullum, nisi in
se ipsis, præsidium esse potest, ac præinde
unicuique jus est, vim omnem atque inju-
riam a se propulsandi, idque, quod alter
jure perfecto debet, vi extorquendi: (§. X.
24. sequ.) nemo non videt, 3) cuivis im-
perio ac reipublicæ **JUS BELL**i omnino com-
petere. *)

*) Potest id & aliunde luculenter probari.
Ipsa enim natura non modo hominibus, &
brutis animantibus indidit cupiditatem, se
suaque vi tueri, sed & hæc armis quibus-
dam ad vim propulsandam instruxit. Horat.
Serm. II, 1. v. 50.

*Ut, quo quisque valet, suspectos terreat ;
utque*

*Imperet hoc natura potens, sic collige mecum
Den-*

*Dente lupus; cornu taurus petit. Unde, nisi
intus*

Monstratum?

Qualia veterum testimonia complura collegit
Grot. *de jure belli & pac.* I, 2. 1. 4. Deinde
quum ipsis, qui in societate civili vivunt,
privatis ideo jus sit, se suaeque vi tuendi,
quod ipsis in promptu non est aliud praesi-
dium: (Lib. I. §. CLXXXI. 18.) multo ma-
gis id licebit populo libero, quum in statu
naturali nullus sit communis laedentis & laesi
magistratus, a quo defendi possit. (*ibid.*
§. CLXXXIII.) Plura juris bellandi argumenta
ex scriptura sacra opposuerunt veteris eccle-
siae patres, uti Tertull. *de idolol.* Cap. XIX. &
de coron. milit. Cap. XI. Origen. *Lib. VIII.*
adv. Celsum p. 425. Erasmus in *Milite Christia-*
no, & *Adagior. Chil. IV. Cent. I. adag. I.* nec
non postea anabaptistae, de quibus Arnoldus
in *Hist. eccles. & haeret. Part. II. Libro XVI.*
Cap. XXI. n. XXIV. Sed horum argumenta suo
more profligarunt Grotius *ibid.* §. V. seq.
& Huber. *de jure civ.* III, 4. 4. 6. seq.

§. CXCI.

Per BELLUM vero intelligimus statum libe-
rarum gentium vel hominum, in statu natu-
rali viventium, juris sui persequendi caus-
sa vi dolove concertantium, propositumve
concertandi retinentium. *) Ex qua defini-
tione patet, 4) bellum non in ipso tantum
certandi actu, sed & in hostili statu cer-
tandique proposito consistere, adeoque 5)
& inducias non ad pacis, sed ad bel-
li, statum esse referendas: 6) non belli
vero, sed tumultus, vel vis publicae priva-
tae, nomine venire concertationem homi-
num,

Quid
bellum?

num, qui non suæ potestatis, sed sub imperio sunt.

*) Ita definire visum est bellum, quamvis alii definiant aliter. Ciceroni *de Offic.* I, 11, omnis certatio per vim est bellum. At Grotius *de jure belli & pac.* I, 1. 2. I. observans, usu obtinuisse, ut non actus, sed status, belli nomine veniat, eam Ciceronis definitionem ita emendat, ut bellum vocet *statum per vim certantium, qua tales sunt.* Sed quum hæc definitio æque in tumultum vel vim publicam privatamque, ac in bellum, cadat: paulo melior est illa Alberici Gentilis *de jure belli* I, 2. cui bellum est *publicorum armorum justa contentio*, omnium optima vero ea, quam dedit V. A. Corn. van Bynkersh. *Quæst. jur. publ.* I, 1. *Bellum est eorum, qui suæ potestatis sunt, juris sui persequendis ergo, concertatio per vim vel dolum, quam, quod ad sensum attinet, totam retinimus.*

§. CXCII.

Cui competit jus belli, & in quo consistat? Quum ergo bellum gerant liberæ tantum gentes, iique homines, qui in statu naturali vivunt: (§. CXCI.) consequens est, 7) ut jus belli posteriore casu sit promiscue omnibus, quippe inter se æqualibus; (§. V. & X.) 8) priore non nisi summis imperantibus: (§. CXXXVII. 41.) adeoque horum sit 9) milites legere, vel conducere, *) 10) urbes & castra munire, 11) ærarium militare pecunia; 12) armamentaria tormentis & armis; 13) granaria comæatu, 14) navalia navibus replere; 15) bellum decernere, 16) milites hosti, etiam cum summo periculo. oppo-

opponere, 17) leges de disciplina militari ferre, & similia. Quum enim finis & hujus juris sit securitas externa, (§. CXXXVII) & imperantibus omnia jura competant, sine quibus finis obtineri non posset: (§. CXXIX. 19.) jura hæc omnia cum jure belli conjuncta esse oportere, facile unusquisque intelligit.

*) Notum est, MILITIAM aliam LECTAM esse, quando unusquisque civis patriæ militat, qualis olim Græcis civitatibus, ipsisque Romanis, libera adhuc civitate, placebat, hodieque placet Helvetiis: aliam MERCENARIAM, quando miles, etiam extraneus, certa mercede conducitur, quam Augustus ex politicis rationibus lectæ præferēbat, consilio Mecænatis apud Dionem Cass. *Hist. Lib. LII. p. 482.* & quam hodie probant monarchæ omnes, quibus non adductius est imperium: aliam denique SOCIAM, quando respublicæ foederatæ vel clientelares certum copiarum numerum submittere tenentur, qualia olim erant Latinorum auxilia, Romanis submittenda: de quibus militiae generibus legenda Herm. Conringii *dissertatio singularis*. De mercenaria incidit quotidiana quæstio, an fas sit principi amico in imperio populi amici militem conducere? Quod adfirmandum esse, nisi obstat interdictum speciale, & nisi conducticii illi jam patriæ sacramentum dixerint, erudite nuper defendit V. A. Corn. van Bynkersh. *Quæst. jur. publ. I, 22.*

§. CXCIII.

Ex eadem belli definitione (§. CXCI.) satis perspicuum est, 18) bellum decernere non

An &
magistra-
tus bel-

Ium in-
ferre pos-
sit?

non posse magistratum, provinciæ cuidam vel munimento præfectum, quamvis 19) eum urbem provinciamque, cui præest, in repentino tumultu, etiam sine jussu speciali, adversus quemcumque adgressorem defendere debere, nemo dubitet. Immo & contingere potest, 20) ut provincia quædam tam sit dissita a republica, ut præses nonnisi tardius de imminente periculo certiores facere possit imperantes. Quo casu, si jus decernendi bellum generali mandato præsidii datum est, hunc recte etiam injussu superiorum bellum gerere, extra omnem dubitationis aleam positum videtur.*)

*) Hinc injustum erat bellum, quo Cn. Manlius Gallogræcos adgrediebatur. Ob quam causam etiam triumphum illi negatum esse, refert Liv. XXXVIII. 45. addita ratione, quod quum nullam ibi causam belli inveniret, quiescentibus regiis, circumiegerit exercitum ad Gallogræcos, cui nationi non ex Senatus auctoritate, nec populi jussu, bellum ab eo inlatum, quod quem unquam de sua sententia facere ausum? Præterea notum est, parum abfuisse, quin Senatus Germanis dendum censeret Julium Cæsarem, quod injussu populi illis bellum intulisset. Sueton. *Jul. Cap. XXIV.* At, qui, ab Hispanis, Lusitanis, Belgis, cum summa potestate in provincias Indicas & Americanas mittuntur, ii fere cum liberrima facultate belli pacisque mitti solent, adeoque sæpe contingit, ut prius de confecto, quam de inchoato bello, nuncius domum perveniat.

§. CXCV.

An priva-
tis sit jus
belli?

Præterea ex hac definitione discimus, 21) inju-

injustum esse omne singulare certamen, nisi jussu summorum imperantium initum: *) adeoque 22) distinctionem Grotii inter bellum PUBLICUM & PRIVATUM otiosam esse, nec veræ belli definitioni quadrare. 23) Multo minus justî belli nomen mereri illud, quod cives inter se, vel cum ipsa republica gerunt, quodque vulgo BELLÏ CIVILIS nomine venit. Denique & 24) vim, quam piratæ & prædones veluti universo generi humano inferunt, non bellum esse, sed funestissimum latrocinium, adeoque 25) hoc omnes homines non juribus belli perfrui, sed 26) tamquam securitatis publicæ turbatores puniri debere.

*) Tale enim singulare certamen est BELLUM REPRESENTATIVUM, quo veteres utebantur, dum selectos quosdam ex utroque exercitu homines mittebant, stipulati sibi imperium in hostes, si victoria penes suos stetisset. Complura hujus generis exempla supeditant veteres annales, quæ jam collegerrunt Grot. *de jure belli & pac.* III, 20. 43. seq. qui tamen, iniqua esse illa certamina, existimat, quia nemo sit vitæ membrorumque suorum dominus. Sed quum imperanti liceat, totos exercitus opponere hosti: quidni & unum vel paucos? Alia est quæstio, an civilis prudentiæ regulis consentanea sint bella hæc repræsentativa? De eo enim vel ideo licebit dubitare, quod ita aleæ exponitur universa respublica, nec viribus reliquis novam fortunam experiri licet, ceu malo suo experti sunt Albani apud Dionys. Halicarnass. *Antiq. Lib. III.*

Causæ
belli ju-
stificæ.

Deinde quum juris sui persequendi causa bellum gerant gentes liberæ : (§. CXCI.) consequens est , 27) ut non nisi dux sint CAUSÆ BELLI JUSTIFICÆ : altera , si quis populus extraneus populum alterum injuste lædat , vitæque , libertate , & opibus spoliare velit ; altera , si jus perfectum deneget . *) 28) Ut prior sit justa causa belli DEFENSIVI ; posterior OFFENSIVI , adeoque 29) tertia causa , quam commentus est Grotius *de jure belli & pac. II, 1. 2. 1.* puniatio nimirum scelerum , eo minus videatur admittenda , quo magis constat , parem a pari , adeoque gentem a gente , puniri non posse . * (§. CLIX. 37.)

*) Nec aliud evincit ratio Grotii *ibid. n. 1.* Ac plane , quos actionum forensium sunt fontes , totidem sunt belli : nam ubi judicia deficiunt , incipit bellum . Dantur autem actiones aut ob injuriam non factam , aut ob factam . Ob non factam , ut , qua petitur cautio de non offendendo , item damni infecti , & interdicta alia , ne vis fiat . Ob factam , ut aut reparetur , aut ut puniatur , quos duos obligationum fontes recte distinguit Plato , nono de legibus . Quod reparandum venit , aut spectat id , quod nostrum est , vel fuit , unde vindicationes & conditiones quædam , aut id , quod nobis debetur , sive ex passione , sive ex maleficio , sive ex lege , quo referenda , quæ quasi ex contractu & quasi maleficio dicuntur , ex quibus capitibus nascuntur conditiones ceteræ . Factum , ut puniendum , parit accusationem & judicia publica . Hactenus Grotius . Sed quemadmodum a statu natu-

naturali ad civilem vix licet ducere argumētum : ita non magis illud procedit , si quis statum naturalem ex civili æstimare velit . Gens delicto suo aut gentem lædit , aut non lædit , e. g. si idola colat , carne humana vescatur . Priore casu gens læsa delinquentem justo ac pio bello adgreditur , non tamen *punitivo* , sed *defensivo* . Posteriore nullum plane jus est belli gerendi , quia punire delinquentem non potest , nisi superior .

§. CXCVI.

Quemadmodum vero juris tantum perfecti denegatio justam belli causam præbet : §. CXCIV. 27.) ita sua sponte inde sequitur , 30) ut , ob jus imperfectum vel officium humanitatis denegatum , arma corripere non liceat , (§. X. 25.) adeoque 31) non sint hæ justæ belli causæ , si quis alterius exercitui transitum neget , novas sedes quærentes nolit admittere , commerciorum libertatem petentibus det repulsam , belligerantibus hospitia , com meatum , pecuniam sufficere nolit , nisi 32) talia vel ex pacto antecedente , vel 33) in extrema necessitate , petantur , vel ita sint innoxia , ut sine omni detrimento præstari possint . * (§. X. 27. sequ.) Talium enim denegatio omnino in læsionem incidit , ac proinde defensio causam suppeditat justissimam . (§. CXCIV. 28.)

An jure
geratur
bellum
ob deue-
gatum
jus im-
perfectū?

*) Id raro contingit . Periculum enim , vel ab ipso transiente imminet , vel ab hoste , qui victoria potitus , malam gratiam referet vicino , qui transitum concessit . Si tamen ve-

re innoxius sit transitus, quem quis petit, isque tam necessarius, ut alia via non pateat: is omnino laedere videtur, qui iter facientibus resistit. Et huc referimus bellum ab Israelitis jussu Dei gestum. *Num. XXI, 21. 22.* At Idumæos ob eandem causam bello non petierunt. *Num. XX, 21.* sive quod non æque innoxius futurus fuisset ille transitus, sive quod non æque videretur necessarius, quum alia via Kadesum pateret.

§. CXCVII.

An recte
geratur
pro aliis?

Quum vero aliquando perinde sit, sive nos ipsi laedamur, sive per latus alterius petamur, itemque sive nobis jus perfectum denegetur, sive aliis, quibus vel ex pacto, vel nostrum causa ad opem ferendam obstricti sumus: recte inde colligimus, 34) posse etiam pro aliis sociis & foederatis bellum geri, immo & 35) pro vicinis, si certis argumentis, aut non levibus certe indiciis, constet; illorum ruinis & nos oppressum iri. Quis enim vitio vertat vicino, properanti ad restinguendum incendium, dum proximus ardet Ucalegon? Quis non verissimum putet illud vetus: *Tunc tua res agitur, paries quum proximus ardet?* At, quum ne pro nobis ipsis quidem justum bellum geramus, nisi justa belli causa sit: (§. CXCV. 27.) 36) multo minus sanctum piisque erit bellum, quando aliorum causæ injustæ patrocinium suscipimus.

§. CXCVIII.

Soli colores non
justifican-
t bellum.

Ceterum quamvis hæ causæ facile discernantur a coloribus, quibus & ii, qui injustissima bella suscipiunt, utuntur: his tamen ple-

plerumque plus, quam illis, deferunt homines, qui utilitatis potius suæ, quam justitiæ, habent rationem. Quandoquidem tamen solæ, quas supra adduximus, (§. CXCV.) belli causæ pro justis habendæ sunt: facile patet, 37) injusta contra esse bella, quæ vel sola invitante occasione, vicino quippe imperato, vel 38) ob utilitatem quamdam insignem, vel 39) ob gloriam rerum gerendum, 40) parandumque amplissimum imperium, vel 41) odio religionis, sine alia justa causa, suscipiuntur.*)

*) Et nescio sane, an non jure huc referri possint bella ista cruentissima, quibus medio ævo Mahumedanos laceſcebant Christiani, quibusque postea Americanos, gentem imbellem, & Europæis nulla injuria cognitam, opprimere Hispani non dubitabant. Illis sane non quidquam prætexebatur aliud, quam quod loca sacra, & Hierosolymam imprimis, illi homines, a Christiana pietate alieni, injuste possiderent, interessetque Christianæ religionis, eam hoc modo conservari ac propagari. His, quod idololatria, immo dæmolatria, sese polluisſent gentes impiæ. Sed quum religionem Christianam armis propagare, locaque, quæ sacra tantum videntur hominibus, bello vindicare, nec ratio nec revelatio jubeat: & præterea omnia bella, pœnæ causa indicta, injusta sint: (§. CXCV. 29.) hæc quoque bella injustissima fuisse, statuendum est. Unde recte Herm. Conringius ad Lampad. pag. 242. *Quantumvis interea temporis quamplurima fortissime etiam gesta sint, quæque æternam xeli pariter ac animositatis mereantur gloriam: si tamen, quod res est, fateri licet, non possunt non-expeditiones*

nes illæ omnes summæ ejus ævi regum principumque & imprudentia, & injustitia, & superstitionis jure merito notari. Add. Jo. Franc. Buddei exercit. de expeditionibus cruciatis §. V. seq. Sed & Hispanorum sententiam de Mexicanis, ob delicta adversus naturam admissa, jure punitis, cujus ipse Grotius de jure belli & pac. II, 20. 40. sequ. patrociniū suscipit, ipsi rejiciunt doctores Hispani, Victoria, Relat. I. de Indit. n. XL. Vasquius Controvers. illustr. I, 25. Azorius, Molina, & alii.

§. CXCIX.

Distin-
ctio belli
solemnis
& minus
solemnis
otiosa.

Semel decretum bellum solemniter esse indicendum, pluribus gentibus visum est, ac proinde notissima est distinctio belli in SOLEMNE, vel JUSTUM, & MINUS SOLEMNE, vel INJUSTUM; quorum illud ex plerorumque sententia est, quod a liberis gentibus, prævia solemnī indictione; hoc, quod ab eo, cui jus belli non est, suscipitur, nec indicitur solemniter. Enimvero uti facile largimur, id fere in mores gentium ivisse, splendidioremque plerisque videri victoriam, quæ prævia denunciatione, vel proposito edicto, vel per faciales, vel aliis ritibus facta, obtineatur: ita, quia ritus & solemnitates ab arbitrio hominum pendent, nec mores hujusmodi jus gentium constituunt. (Lib. I. §. XXII. *) inter bella quoque INDICTA, & NON INDICTA, quod ad effectum attinet, nihil omnino interest, 42) hanc divisionem nullius momenti esse, merito arbitramur. *)

*) Magni hanc distinctionem faciunt Grot. de jure belli & pac. III. & Alberic. Gentil.

til. de jure belli II, 1. quos deinde Pufendorfius, Huberus & alii sequuti sunt, duplicem interferentes causam, alteram, quod ex hac interpellatione constet, alio modo fieri non posse, ut nostrum aut nobis debitum consequamur: alteram, quia ita constet, non privato ausu, sed voluntate utriusque populi capitum, geri bellum. Enimvero hæ rationes, utilem & honestam esse indicationem, probant, non item, eandem esse necessariam, quia de utroque & alio modo, quam solemniter facta denunciatione, constare potest. Recte itaque Dio. Chrysostom. orat. ad Nicomed. etiam ex-juris gentium principiis: πόλεμοι ὡς ἐπὶ τὸ πλεῖστον ἀκέραιοι γίνονται. Pleraque bella sine indicatione suscipiuntur. Causam jam perorantur Thomas. ad Huberum de jure civit. III, 4. 4. 27. &, qui de moribus etiam Europæorum novissimis erudite disseruit, V. A. Corn. van Bynkersh. Quæst. jur. publ. I, 2. pag. 5. sequent.

§. C C.

Id vero ipsa recta ratio suadet, 43) non illico prouendum esse ad arma, sed tum demum, quando populus hostilem animum adversus nos ostendit. (Lib. I. §. CLXXXIII. 25.) Quum vero is hostilem adversus nos animum ostendat, qui omnes æquas pacis conditiones pertinaciter respuit: (§. eod. *) merito inde colligimus, 44) priusquam res manu ferroque geratur, rem, quam nobis abesse, vel deberi credimus, repetendam, 45) causam dubiam, propositis utrimque argumentis, ad liquidum perducendam, 46) omniaque media bellum impediendi tentanda

Causas belli oportet esse liquidas.

da esse. *) Quo facto, 47) is procul dubio jure arma corripit, qui justis propositis causis, nihil æqui ab hoste impetravit.

*) Quorum mediorum tria potissimum commendant Grot. *de jure belli & pac.* II, 23. 7. seq. & Pufendorffius *de jure nat. & gent.* V, 13. 3. & VIII, 6. 3. colloquium, seu disceptationem amicam, provocationem ad arbitros, & sortem. Sed sortis quidem in causis publicis, præterquam si res dividenda sit, rarissimus usus est, nec solent facile principes & respublicæ jura sua fortunæ arbitrio permittere. Reliqua media & inter gentes receptissima, & rectæ rationi admodum consentanea sunt, quia nemo sapiens vi & cum periculo repetere vult id, quod sine vi consequi posset: (Lib. I. §. CLXXXI. 20. *) ut adeo recte, quamvis ridicula occasione, dicat miles Terentianus:

Omnia prius experiri, quam armis, sapientem decet.

Quis scis, an, quæ jubeam, sine vi faciat?
Ad eundem finem comparata sunt scripta publico nomine edita, quæ hodie vocant *Deductiones* & *Manifesta*, quamvis posteriora plerumque, ubi jam veluti intra teli jactum ventum est, non tam declinandi, quam indicendi justificandique belli causa, publicari soleant. Vid. Jo. Henr. Boecleri *Exercit. de clarig. & manifestis.*

§. CCI.

Quid hosti in hostem liceat?

Quandoquidem vero juris sui persequendi causa bella gerunt principes & gentes liberæ: (§. CXCV.) consequens est, 48) ut hosti in hostem liceant omnia, sine quibus ille jus suum obtinere non posset. Id vero
quum

quum obtinere numquam possit, nisi hostem in eum statum redigat, ut vel non possit, vel nolit amplius hostilem animum ostendere: 49) hostem quisque suum & vi, & dolis, recte adgreditur, 50) sternit, 51) spoliat personis rebusque qualibuscumque, 52) cessantibus omnibus officiis humanitatis, quibus hostis noster adversus nos fieri posset validior. (Lib. I. §. CCVIII. 14. *) Quin 53) ne injustum quidem dixeris hostem, veneno utentem, vel percussores immittentem, quamvis illum contra mores gentium humaniorum, quos RATIONEM BELLII vocant, egisse, recte dixeris. *)

*) Dissentit quodammodo Grotius de jure belli & pac. III, 4. 15. & XVIII. Sed non statim, quæ magnitudinis animi laudem ferunt, ita sunt comparata, ut omissa pro injustis habeantur. Venenis non uti solent gentes humaniores: at utuntur Turcæ, Tartari, alique populi orientales, qui tela & sagittas venenis inficiunt. Hos ergo parum humanos, at non ideo injustos dixeris, quia hosti in hostem omnia licent. Ita recte ad animi magnitudinem refertur, quod Coss. Romani ad Pyrrhum regem scripserunt: *Nobis non placet pretio, aut pramio, aut dolis pugnare.* Gell. Noct. Attic. III, 8. At ideo non dixeris injustum facinus Ehudi, percutientis Eglonem, Jud. IV, 20. seq. vel Jaelis, tempora Sisaræ clavo transigentis, Jud. IV, 21. vel Judithæ, Holofernem obtruncantis. Præterea mores gentium, quæ reliquis humaniores videri volunt, aliquando parum absunt ab adulatione. Qua de re illustr.

Hein. de Jur. Nat. & Gent. Bb Byr.

Bynkersh. *Quæst. jur. publ.* I, 3. p. 17. Adeo adulandi ferax fuit sæculum præteritum, & hoc nostrum, ut principes neque adulationis obliviscantur inter ipsa arma. Unde nunc hostes hostibus precantur omnia prospera, seque invicem vocant amicos, & hostium damno quasi indolent. Atque ita est in Epistolis Ordinum generalium ad Angliæ Regem 10. Jul. 16. Sept. & 26. Nov. MDCLXVI. & rursus Angliæ regis ad Ordines generales. 4. Aug. & 4. Octob. MDCLXVI. Quamvis autem utrique tunc temporis in mutuam perniciem accingerentur: attamen inter jus belli & officia amicitiae satis convenire scribunt Ordines, d. epistola 10. Jul. 1666. Quin & Gallorum rex, qui tunc quoque bellum gerebat contra Anglorum Regem, anno 1666. ad eum misit legatum, qui conflagrationi urbis Londinensis indoleret. Humanitatem, clementiam, pietatem, ceterasque animi magni virtutes in bello exercere gloriosum est, sed oppido putidum, solis verbis ludere. Quid enim, nisi verbis ludis, quum indoles conflagrationi urbis, quam ipse cuperes incendere? En egregia humanitatis specimina. An ideo his injustiorem dixeris C. Popilium Lænatem, qui salutaris ab Antiocho rege, eum, nisi amicum, resalutare voluit, & ne dextram quidem a Rege hoste porrectam prehendere noluit? Polyb. *Excerpt. legat. Cap. XCII.* Liv. XLV, 12. Duriuscula hæc sunt, at non injusta tamen, immo aliquanto minus indecora, quam hostiles illæ blanditiæ.

§ CCII.

An hostes fœderibus, & pacis decipere liceat?

Quum vero adversus hostem tantum vi & dolis uti liceat: (§. CCI. 49.) consequens est, 54) ut idem non liceat adversus eum, quo-

quocum paciscimur, quippe cui tunc, non tamquam hosti, sed tamquam paciscenti nobiscum, fidem damus.*) Ex quo patet, 75) turpissimam esse eorum perfidiam, qui inducias, sive breves, sive diuturnas, tempore nondum elapso, rumpunt: quamvis 56) interea actus mere defensivos recte suscipere utramque partem, omnino verum sit. Pufend. de jure nat. & gent. VIII, 7. 10. Nec magis 57) excusanda est eorum perfidia, qui leges deditionis, vel 58) pacta de securo comineatu, vel 59) quæ de redimendis captivis ineuntur, turpiter violant, hic quoque hosti in hostem omnia licere, stolide persuasi.

*) Recte ergo dolum bonum, quo hostes circumveniuntur, a perfidia discrevit Agesilaus apud Plutarchum in vita pag. 600. ubi hoc elegans ejus edictum memoratur: ὅτι τὸ μὴ σκεπτεσθαι μὴ ἀδικεῖν ὅτι θνήσκῃ ἐς καταφρονεῖν· ἐν δὲ τῷ παραλογίζεσθαι τὰς πολυμίαις, ἢ μόνον τὸ δίδουσι, ἀλλ' ἢ δόξα πολλὰ, καὶ τὰ μὴ ἴδουσι κερταίνειν ἐνέσι. Fidem in fœdere fallere, nihil aliud esse, quam Deos contemnere: hostium vero circumventionem non cum justitia modo, sed & cum laude, & jucundo conjunctam esse compendio. Quid si vero hostis antea fidem fefellerit; an non licet, data occasione, pari referre? Non videtur. Quamvis enim perfidia paciscentis unius alterum obligatione liberet: (Lib. I. §. CCCCXIII. *) id tamen intelligendum est de eodem pacto bilaterali, cujus conditioni alter ex sua parte non satisfecit. Si vero cum eo, qui pacto non stetit, de novo paciscor: tunc remisisse videor priorem perfidiam, ac proinde obligatus sum ad fidem servandam.

§. CCIII.

Quid li-
ceat ad-
versus
alios non
hostes.

Ex eodem axioma colligimus, 60) non posse quemquam jure belli adversus amicos uti, eo obtentu, quod periculum sit, ne hostis ejus castella, munimenta, portus, sit occupaturus: 61) nec magis licere hostes vel eorum naves intra territorium, vel portus amici populi cadere, vel capere, si hi non data opera illis receptum dent, quia hæc vis cum injuria populi amici, cujus territorium vel portus vi introitur, conjuncta est. V. A. Corn. van Bykershoek *Quæst. jure publ.* I, 8. Contra 62) nihil ob stare, quo minus eos, qui hostem nostrum armis, comæatu, tormentis, similibusque rebus juvant, vi prohibeamus, & res istas pro commissis habeamus: *) Idem *ibid. Cap. IX. sequ.* quamvis 63) ipsa omnino æquitas suadere videatur, ne promiscue merces licitæ cum illicitis, res amicorum cum hostilibus, in commissum cadant. Idem *I, 12. sequ.* quocum jungenda dissertatio nostra *de navibus ob mercium illicitarum velturam commissis.*

*) Concedit hoc & Grotius *Lib. III. Cap. XVII. §. III.* sed addita restrictione, nihil facere debere eos, qui a bello abstinere, quo validior fiat is, qui improbam foret causam, aut quo justum bellum gerentis motus impediantur. Sed quum is, qui neutrarum partium est, quæstionem hanc, uter justum, injustumve bellum gerat, non possit trahere ad arbitrium suum, & veluti Judex sedere, contra ea vero is, qui neutrarum partium est, nullatenus interponere se debeat bello. Liv. XXXV, 48. facile patet, huic restrictioni-

Cap. IX. De jurib. majest. transeunt. 581
Etioni locum non esse. Vid. V. A. Corn. van
Bynkersh. *Quaest. jur. publ.* I, 9. p. 69.

§. CCIV.

Supra ostendimus, hostem ab hoste & per-
sonis & rebus jure spoliari. (§. CCI. 51.) Quomo-
do ad-
quiratur
per bel-
lum?
Ex eo vero patet, 64) victoris in arbitrio
esse malitne personas captas in servitutem
rapere, an, quod hodie plerumque inter gen-
tes Europæas observari novimus, tamdiu cu-
stodiantur, donec vel permutentur cum aliis,
vel, solute lytro, redimantur. 65) Res quo-
que hostium, tum mobiles, tum immobi-
les, tum corporales, tum incorporales ce-
dere victori, & 66) mobiles quidem simul
ac in præsidia victoris perlatae 67) immobi-
les & reliquas, ex quo occupatae fuerint ;
quamvis 68) firmam harum non esse posses-
sionem, priusquam super illis, inita pace,
fuerit transactum, 69) mobiles vero æque
ac personas & fundos, recuperatos, vel in
pristinam libertatem sese vindicantes, jure
postliminii gaudere, facile unusquisque in-
telligat. *)

*) Multæ hic occurrunt quæstiones speciales
apud Grot. III, 5. sequ. Pufend. de jur. nat.
& gent. VIII, 6. 20. sequ. veluti, quomodo
res bello captæ adquirantur ? an & incorpo-
rales ? an & actiones & credita ? quomodo
recuperentur ? an & quibusnam in rebus lo-
cus sit juri postliminii ? Sed quum pleraque
hæc potius ex moribus gentium decidi so-
leant, quædam etiam ex principiis hætenus
explicatis facile possint explicari: illis inmo-
rari nolumus. Solide suo more & hæc tar-

§. CCV.

Quid re-
pressalia?

Sic justum bellum est, quoties gentes liberæ inter se, juris persequendi causa, violenter certant, vel propositum certandi retinent. (*Lib. I. §. CCXCV.*) Itaque 70) si non inter ipsas gentes & civitates incidit controversia, sed, ob denegatam civi nostro justitiam, personis aut rebus alterius reipublicæ, alias amicæ, civium manus injicimus: hoc non belli sed REPRESSALIARUM*) nomine venit: quamvis, 71) quum hujusmodi exsecutio facile possit bello occasionem dare, eam non a quovis privato, sed ex decreto summorum imperantium, fieri debere, nec 72) ulterius extendendum esse, quam ut civi nostro, cui jus dictum non est, satisfiat, facile unusquisque intelligat.

*) Ita vocari coepit illud jus, ex quo invaluit. Veteres enim id ignorarunt, adeoque nec vocabulum suppeditat Latina lingua, quod ejus indolem exprimat. V. A. Corn. van Bynkersh. *ibid. I, 24.* Ejus æquitatem ex jure pignorandi, quod singulis competere existimant, ostendere conantur Grot. *de jure belli & pac. III, 2. 7. 3.* & Bodin. *de Reip. I, 10.* Sed hanc sententiam jure merito rejicit Hert. ad Pufend. VIII, 6. 13. & ante eum Ziegl. *de jure majest. I, 34. 8.* ubi hic §. XXXII. jus illud magis ex jure belli derivari posse, existimat. Et sane si respublica injuriam sibi, civibusque illatam, bello recte vindicat: (§. CCCXLV.) poterit etiam pro-

procul dubio ob injuriam uni alterive civium illatam manus alterius rebus injicere, nisi existimare velis, non id, quod minus est, licere reipublicæ, quum plus omnino liceat.

§. CCVI.

Ceterum, quum in statu naturali defensionis jus tantisper duret, dum hostis animum hostilem nondum deposuit, (Lib. I. §. CXXXIII. 25.) eum vero non deposuisse videatur, qui eo se adduci non patitur, ut nobiscum redeat in gratiam, sed qualvis honestas pacis condiciones respuit: (ibid. *) 73) injuria sane non fit victo, si persequatur jus suum, donec debellatum sit, 74) ipsumque sibi imperium in victos vindicet, illudque 75) suo arbitrio constituat, (§. CXLVI.) & 76) tamdiu exerceat, donec vel inita pace certi quid statuatur, vel 77) gens, vi oppressa, re nondum composita, se se in pristinam libertatem vindicet, vel a priore imperante liberali causa manu adferatur. *)

An & quomodo imperium in victos adquiretur?

*) Et tunc quoque utroque casu æquissimum est, ut urbes, provinciæ, gentesque recuperatæ gaudeant jure postliminii: (§. CCIV. 69.) adeoque priora jura recipiant, si illis nulla culpa, cur in hostium potestatem pervenerint, possit imputari, aut certe non admodum liquidum sit, an hosti acius resistere potuissent. Hinc quum reipublicæ Ultrajectinæ, discedentibus Gallorum præsidis, de jure *postliminii* controversia mota esset a Frisiis, eo quod illa sese ultro dedidisset

se diceretur: Ultrajectini tamen priorem locum & statum recuperarunt. Huber. *Prælect. ad Digest. Lib. XLIX. tit. XV. §. IX.* Aliud tamen dicendum omnino videtur, si urbs vel provincia, quæ immemor fidei, imperantibus datæ, ad hostes ultro desciverat, armis recuperetur. Tunc enim indigna omnino esset hoc beneficio, ac proinde victoris in arbitrio est, cujus illam conditionis esse velit. Tale exemplum a Romanis factum novimus in Brutios, Lucanos, Campanos, qui ad Hannibalem defecerant, & maxime in Capuam, quæ tantum abest, ut pristina jura receperit, ut jure municipii, magistratibus, agro privata, in præfecturæ formam redacta sit. Liv. *XXVI, 16. seq.*

§. CCVII.

Quid fœdus, idque vel æquale vel inæquale.

Alterum jus majestatis, quod transeuntibus accenseri potest, est JUS PANGENDI FœDERA, per quæ intelligimus conventiones gentium liberarum de rebus, ad utriusque, vel alterius reipublicæ utilitatem pertinentibus. Ex qua definitione satis patet, 78) eorum alia esse ÆQUALIA, in quibus par est omnium fœderatorum conditio: alia 79) INÆQUALIA, in quibus non par & æquum jus omnibus tribuitur, sed alius fœderatus deterioris, alius melioris conditionis est: id quod 80) tum ratione PRÆSTANDORUM, tum ratione MODI PRÆSTANDI, contingere posse, exempla quamplurima docent.*)

*) Sic sæpe fœderatus potentior minus potenti promittit subsidia pecuniaria, vel certum copiarum, vel navium, & classiariorum numerum, & sibi vel nihil, vel parum restipulatur.

tur. Tunc inæquale est fœdus ratione PRÆSTANDORUM. At sæpe fœderibus cavetur, ut respublica una alteram comiter veneretur, ne cui bellum injussu alterius faciat, ne classem habeat, ut tributum annuum pendat, ne fabros habeat, neque ferro, nisi in agricultura, utatur. I. Sam. XIII, 19. 20. Quod & in primo fœdere Porſenæ cum populo Romano expressum esse, monet Plin. Hist. nat. XXXIV, 14. Quæ omnia sunt fœdera inæqualia ratione MODI PRÆSTANDI, siquidem alter fœderatorum alterius veluti clientem se hoc præstandi modo proficitur.

§. CCVIII.

Quumque gentes liberæ de rebus omnibus, quæ ad unius, vel utriusque reipublicæ, utilitatem pertinent, pacisci possint: (§. CCVII) sequitur, 81) ut & ea, quæ jam antea ex juris naturæ præscripto debentur, sibi stipulari queant gentes & respublicæ: quæ fœdera SIMPLICIA vel AMICITIÆ vocare licebit, *) & 82) alia, ad quæ præstanda alia gens genti non esset obstricta: qualia fœdera SINGULARIS PRÆSTATIONIS adpellamus: Et 83) priora quidem ideo non sunt frustranea, quod & non alia est certa ratio alterum ad præstanda officia humanitatis obligandi, quam per pacta, (Lib. I. §. CCCLXXXVI. 2.) & sæpe contingit, ut per bellum cessent officia humanitatis, (§. CCI. 52.) adeoque vel maxime necessarium est, ut per pactationes & fœdera redintegretur amicitia.

Itemque
vel simplex
amicitiæ vel
singularis
præstationis.

*) Ad hæc fœdera Grotius de jure belli & pac.
Bb 5

pac. III, 150 §. refert etiam ea, quæ de jure hospitii, & de mutuis commerciis ineuntur, quatenus gentes utraque sibi invicem jure naturali debeant. Enimvero quum jus hospitii plura complecteretur officia, quæ ex solo jure naturali non debebantur, de quibus accurate, suo more egit Jo. Schilkerus *de jure hospitii diff. II.* utrum vero extraneis, & quæ commercia, concedenda sint, in cujusvis reipublicæ summorumque imperantium arbitrio positum sit: (§. CLXXXIX. 186.) vix est, ut umquam hæc fœdera ad ea referri queant, quibus sibi gens a gente nihil aliud, quam quod jure naturali debetur, stipuletur. Sane de nullis fœderibus difficiliorem esse consultationem, quam de fœderibus commerciorum, exemplo ex Jac. Basnagii *Hist. Belg. Tom. I. pag. 51. & 439.* ostendit vir celeberrimus, Jo. Jac. Mascov. *diff. de fœder. commerc. §. VI.* & fœderum istorum memoriam in nummis consecrarunt Athenienses, Smyrnæi, Ephesini & Alexandrini, ceu idem vir doctissimus probavit ex Ezech. Spanh. *de usu & prast. numism. Diff. III. p. 143. & Diff. XIII. num. IV.* nec non ejusdem *Orbe Rom. Cap. IV.* Vaillantio *de nummis Imp. Græc. p. 221.* Quis vero fœdus simplex amicitiz diuturnam consultationem requirere, aut dignum videri, quod his monumentis æternitati consecratur, dixerit?

§. CCIX.

Fœdera
quidam
pacis tē-
pore in-
euntur.

Utile alicui genti aliquid esse potest vel pacis, vel belli tempore: ex eoque consequitur, 84) ut fœdera alia ad PACEM, alia ad BELLUM pertineant. Quumque plerumque interfit reip. & pacem quam maxime stabilem

lem & diuturnam esse, & cives fructum inde capere quam uberrimum: ad priorem finem merito referimus 85) foedera fidejussoria, quibus, pacis leges sancte servatum iri, fide sua promittunt, auxiliumque parti laesae pollicentur sponsores pacis: *) 86) foedera item de munimentis novis non extruendis, vel 87) praefidiis nostris in munimenta quaedam tuendorum finium causa admittendis, quae vocantur *barriere-tractaten*: 88) de subditis militibusque fugitivis non recipiendis: 89) de receptu hostibus non dando, & similia: ad posteriora 90) foedera, quae commerciorum mutuorum causa ineuntur.

*) De his foederibus legi meretur Ultr. Obrechtii *diff. de sponsore pacis*, quae inter academicas septima est, & Henr. Cocceji *de guarantee pacis. Francof. juxta Viadr. MDCCII.* Praecipua, quae hic moveri solet, quaestio haec est, an qui pro pace tuenda spondiderunt, generatim ad ineundam belli societatem obstricti sint, ex quacumque causa pacis leges violentur? Id quod recte jam pridem negavit Pufendorffius *de jure nat. & gent. VIII, 8. 7.* si ex nova causa pax rumpatur. Ubi enim omnes fidejussiones sunt stricti juris, & absurda futura esset creditoris postulatio, qui a fidejussore exigeret debitum, quod post fidejussionem demum contraxerit debitor principalis: ita non magis justa esset postulatio principis, vel reipublicae, urgentis, ut pacis sponsor arma corripit, si bellum ex nova plane causa exarserit. Neque enim iste spondit, nisi in eum casum, si pax conventa rupta fuerit. Pax autem, ceu recte observavit Grotius *de jure*

belli & pac. III, 20. 27. seq. tunc demum rupta censetur, si aliquid factum est vel contra id, quod omni paci inest, vel contra id, quod pacis legibus expressum est, vel contra id, quod ex cujusque pacis natura debet intelligi. Res procul dubio verissima est, quod ad thesin attinet: quamvis, ubi in hypothesi quaeritur, siue hic *casus foederis*, nec ne? tota hæc quaestio innumeris implicata sit erroribus, ceu exempla recentissima satis superque ostendunt.

§. CCX.

Quædam
tempore
belli.

Sed & belli temporibus varia foedera utilitatis suæ causa pangunt gentes liberae, siue cum AMICIS, siue cum ipsis HOSTIBUS. Uti enim cum illis paciscuntur, modo 91) de jungendis adversus communem hostem viribus; qualia sunt illa, quæ vocantur *ofund defensiv-allianzen*, modo 92) de libero transitu per territorium, & comiteatu concedendo, modo 93) de se bello non interponendo, quæ foedera dicuntur *neutralitatis tractaten*: ita cum his sæpe convenitur, modo 94) super tributis pendendis, 95) vel dedendis urbibus, modo 96) de captivis redimendis permutandisve, de quibus foederibus, quæ vocantur *carrels*, ex instituto egit Hert. *diff. de lyro*: modo 97) de induciis aliquot horarum, dierum, vel mensium, concedendis, *) & similibus, quæ in bello incidere solent, negotiis.

- *) Ubi quaeri solet, a quo momento tempus illud currat? Equidem Grot. *de jure belli & pac. III, 5.* a quo die mensura aliqua
tem-

temporis incipere dicatur, eum diem intra mensuram non esse statuit: sed eum jam solide refellit Pufendorff. *de jure nat. & gent. VIII, 7. 8.* Itaque rectius ac simplicius creditur, si induciæ placuerint a Kalendis Juliis ad Kalendas Septembris, utrasque illas Kalendas comprehendi: itemque, si a Kalendis Juliis per triginta dies factæ sint, Kalendas Julias primum illarum diem esse, & pridie demum Kal. Augusti jus arma corripiendi reviviscere.

§. CCXI.

Præterea utilitas illa, ob quam foedera iniri solent, vel ad personam imperantis pertinent, vel ad ipsam rempublicam. Ex quo sequitur, 98) ut foedera alia PERSONALIA, alia REALIA sint, & 99) illa cum persona exspirent: hæc, extinctis etiam populi rectoribus, qui illa inierunt, perdurent. Ex ipsis vero definitionibus, hoc paragrafo datis, facile intelligitur, 100) foedera omnia, quæ ad conservandum tantum principis vel familiæ statum sunt comparata, personalia; quæcumque vero ad ipsius reipublicæ utilitatem facta sunt, realia esse.*) Ad quam unicam regulam ea omnia, quæ Pufendorffius *de jure nat. & gent. VIII. 9. 6. sequ.* disseruit, quam commodissime referri possunt.

Quædam
persona-
lia, quæ-
dam rea-
lia sunt.

*) Aliquoties hæc quæstio incidit, imperio Regibus a Romanis abrogato. Quum enim Sabinis foedus intercessisset cum regibus: statu reip. in popularem commutato, negarunt Sabini, Romanos ex foederibus illis, cum Tarquinio initis, fructum capere posse, bellum-

Imque indixerunt Romanis, ὡς λελυμένων σφίσι
 τὸ σπονδῶν, ἐπειδὴ βασιλῆς παρκυνίος ἐξέπεσεν
 ἡ ἀρχή, τοὺς ἐν ἐποιήσαντο τοὺς ὅρκους. *quasi so-*
luto fœdere, post ejectum regno Tarquinium,
quocum fœdus ictum fuerat. Dionys. Halic.
Ant. Lib. V. p. 307. Idem postea anno ab U. C.
 CCLXVII. caussati sunt Hernici, negantes,
 fœdus sibi umquam intercessisse cum populo
 Romano: quod autem cum Rege Tarquinio
 ictum sit, se jam finitum existimare, quum
 is imperio exsitus in exilio sit mortuus.
 Dionys. *Lib. VIII. p. 530.* Sed quum uterque
 populus, armis Romanorum victus, fœdas hoc
 iniisset, (Vid. Dionys. *ibid. Lib. IV. p. 252.*
seq.) nemo dubitare poterat, quin id non
 cum solo Tarquinio, sed cum ipsa republica
 Romana esse initum, adeoque illud, & pul-
 so Tarquinio, perdurare oporteret.

§. CCXII.

An fœde-
 ra & fo-
 cius proe-
 dent.

Quod reipublicæ utile est, id & fociis
 fœderatisque illius reip. prodest: ac proin-
 de 101) fœderibus non modo nobis, verum
 etiam fociis & fœderatis, consulere solemus,
 102) siue illorum generatim fiat men-
 tio, siue speciatim & nominatim expriman-
 tur. Ubi res ipsa docet, 103) posteriore ca-
 su non ad alios proferendum esse fœdus,
 quam qui nominati sunt in fœderis legibus:
 104) priore autem illud omnibus fociis pro-
 desse, qui tempore icti fœderis focii fuerunt,
 105) non illis, qui postea demum adsciti
 sunt, *) quum pacta ad ea, de quibus non
 fuit cogitatum, non sint producenda. (Lib. I.
 §. CCCXCIII. 21.)

*) Ex

*) Ex facto hæc incidit quæstio, quum Hannibal Saguntum obsidione premeret. Romani enim, Hannibalem eos injuste adortum, querebantur, quia ex isto cum Carthaginiensibus fœdere, & a sociis Romanorum abstinere teneantur Carthaginienses. Hi fœdere comprehendendi negabant Saguntinos, quia eo tempore, quo fœdus esset initum, nondum fuerint socii. Polyb. *Hist.* III, 29. Liv. XXI, 19. Sed quamvis Romanorum causam tueatur uterque scriptor: non dubitarem tamen ego accedere Grotio, qui *de jure belli & pac.* II, 16. 13. & Carthaginiensibus non obstitisse illud fœdus existimat, quo minus Saguntinis bellum inferrent, & Romanis jus fuisse, novos socios adsciscere, eosque adversus Carthaginiensium vim defendere, statuit. Nam nec Romani futuri sociis diserte caverant, adeoque exigere a Carthaginiensibus non poterant, ut ea, quæ expressa non fuerant, & de quibus cogitare vix poterant, subintelligerent: nec Carthaginienses sibi stipulati erant a Romanis, ne novos socios adsciscerent, ac proinde nec obistere poterant Romanis, novorum etiam sociorum causam suscipientibus.

§. CCXIII.

Ceterum per se patet, quia fœdus est liberarum gentium vel rerumpublicarum conventio, (§. CCVII.) 106) fœdus neminem pangere posse, præter eos, quibus ut ita paciterentur, vel expresse, vel tacite, vel præsumptive, mandatum sit. Quare 107) quod ministri summæ potestatis, sine ejus mandato, promiserunt, ratificatione non sequuta,

Quid sponsiones, & quid circa eas justum sit?

non foederis, sed sponsionis nomine venit. Hinc certum quidem est 108) rempublicam non teneri, ut ratum habeat pactum, injussu suo idem: 109) certum quoque, ministrum reipublicæ, quacum pactus est, ad satisfactionem esse obligatum, quæ ex faciali Romanorum jure in eo consistebat, ut nudus, revinctis in tergum manibus, dedere-tur: *) at 110) certum quoque est, ple-rumque cavillationem sapere exceptionem non dati a republica mandati, quum respu-blica, quæ civem summa cum potestate præ-fecit exercitui vel provinciæ, eidem merito omnia censeatur mandasse, sine quibus exer-citus, vel provincia, immo ipsa respublica, servari non posset.

*) Exempla duo illustria sunt apud Roma-nos, sponso puta Caudina, & Numantina, apud XIV. IX. §. *sequ. LV, 15.* Et Romani quidem tum irritum esse volebant foedus, quo Postumius Cos. & alii duces, exercitum ex Farculis Caudinis expederant, quemad-modum nec ratum habebant turpem Hostilii Mancini pactionem cum Numantinis, caus-fati, utramque conventionem suo injussu fa-ctam esse. Sed quis dubitet, quin, exercitu in ancipiti periculo constituto, ducibus o-mnia concessa sint, sine quibus periculo ex-plicari non posset, & quæ tum e republica, tum e re militum esse, animadvertant? Omnino ergo aut ratæ habendæ sponsiones illæ, aut res in illum statum, in quo ante sponsionem fuerat, restituenda fuisset, si fi-dei servantiores, quam in excogitandis ca-villationibus ingeniosiores esse voluissent Ro-mani. Vid. omnino Christ. Thomasi & Ge. Beye-

§. CCXIV.

Quia porro foedera ineunt gentes liberae : (§. CCVII.) facile intelligitur, nihil interesse, nostrane religioni addicti sint, an alii, quam nos pro impia vel detestabili habemus : quia, quemadmodum privato non turpe est, cum alio, a religione sua alieno, pacisci & contrahere : ita nec reipublicae, vel ejus rectoribus, vitio jure vertitur, si cum infidelibus ita paciscantur, prout id exigit reipublicae utilitas. Nec jure divino *) quidquam circa hanc veritatem, rectae rationis principiis subnixam, mutatum esse, erudite ac solide demonstravit Grot. de jure belli & pac. II. 15. 9. seq.

*) Sic sane constat, ante legem Mosaicam foedera cum Abimelecho contraxisse Abrahamum & Isaacum, cum Labano, quem idola coluisse certissime constat, Jacobum Gen. XXI, 12. seq. XXVI, 26. XXXI, 44. Nec legem Mosaicam, jam latam, obtulisse novimus Davidi & Salomoni, quo minus foedus cum Hieromo, Tyrionum rege, facerent. II. Sam. V, 11. I, Reg. V, 12. Et quis, quæso, ignorat foedera συμμαχία Abrahami cum Escole & Anerō? Gen. XIV, 13. Davidis cum Achiso, rege Philisthæorum? I. Sam. XXVII, 2. seq. & cum Thoi, rege Hemathensium? II. Sam. VIII, 10. Assæ cum Benadado? I. Reg. XV, 18. seq.

§. CCXV.

Officia
circa fœ-
dera.

Ceterum quum fœdera sint conventiones : (§. CCVII.) consequens est , 112) ut omnia , quæ supra de pactis diximus , etiam circa fœdera habeant locum : 113) Ut adeo nihil fœderibus debeat esse sanctius , 114) nihil fœdifragorum perfidia detestabilius . 115) Ut tamen , quia nulla societas alienam utilitatem suæ anteponere tenetur , (§. XXIII. 74) nec respublica fœderata alteri ex fœdere subvenire cogatur , si id ejus rationes non ferant , e. g. si ipsa bello prematur , vel alio modo periclitetur : *) nec 116) unquam fœderatus ad bellum injustum , pro socio suscipiendum , sit obligatus .

*) Attamen id tum demum justam rationem habet , si verum est periculum , non , si hujusmodi causa perfidiæ tantum obtenditur . Id vero plerumque fieri , tum inter rectores civitatum , tum inter privatos , quotidiana querela est : eamque amicorum cessationem ac tarditatem elegantissima fabula de cassica , avicula , in segete nidulante , repræsentavit Æsopus apud Gell. *Noct. Attic. II*, 29. qui ideo monet , unicuique in se ipso potissimum præsidium esse debere , non in amicis & sociis , hominibus , inani sæpe opera , philosopha sententia , qui aureos montes plerumque polliciti , vix minima præstent . Quod & Ennius in satiris monuit apud eundem Gellium , ubi hæc ejus servatur sententia :

Hoc erit tibi argumentum , semper in promptu situm :

Ne quid exspectes amicos , quod tute agere possis .

§. CCXVI.

§. CCXVI.

Hæc de foederibus generatim: quorum nobilissima procul dubio species est pactum, quo bella inter gentes finiuntur, quodque FOEDERIS PACTIS nomine venire solet. Quin vero pax sit status reip. ordinarius, ac veluti naturalis, bellum status extraordinarius, & præternaturalis: nemo non animadvertit, 117) imperantes & ad conservandam tuendamque pacem, & ad illam 118) si forte rupta sit, quamprimum reformandam teneri: adeoque 119) ferina esse bella, quæ non geruntur propter pacem, quæ una triumphis innum-
Jus sum-
morum
imperan-
tium cir-
ca pacē.

§. CCXVII.

Per FOEDUS PACIS intelligimus conventionem inter gentes, bello mutuo implicitas, qua controversiæ per modum transactionis finiuntur. Ex qua definitione patet, 120) pacem omnem sua natura esse debere perpetuam, adeoque, 121) si tantum ac certum tempus, quantumvis longum, transigatur, non pacem iniri, sed inducias tantum, *) quia ita nec controversia, quæ gentes illas colligit, finitur, & manet adhuc certandi propositum: qualem statum non ad pacem, sed ad bellum pertinere, jam supra observavimus. (§. CXCI.)

Quid fœ-
dus pa-
cis?

*) Et tamen sæpe hujusmodi induciæ pacis nomen adsumunt, quia interea non solum actus belli, sed & status, plane videtur cessare, perinde ac si hostilem animum plane deposuissent belligerantes. Ita Lacedæmonios

nios in annos L. Romanos in annos C. pacem fecisse novimus. Justin. *Hist.* III, 7. Liv. I, 15. Sozom. *Hist. Eccles.* IX, 4. Recentiora exempla Hispanorum & Lusitanorum, Succorum & Danorum, Anglorum & Scotorum, Venetorum & Turcarum, qui vix aliter quam ad certum tempus de pace cum Christianis conveniunt, collegerunt Pufendorff. *de jure nat. & gent.* VIII, 7. 4. & ibi Hertius p. 1249.

§. CCXVIII.

An ei
obstet ex-
ceptio
læsionis ?

Quum ergo pax coalescat per modum transactionis: (§. CCXXIII.) consequens est, 122) ut fiat dato aliquo, vel retento, vel promissio: nec 123) in pacis conditione requiratur æqualitas: neque adeo 124) alteruter paciscentium jure conqueri possit de læsione, quantumvis enormissima: quum plerumque victor victo conditiones qualescumque ferat, & ita natura eveniat, ut hic duriores quosdam conditiones admittere, quam plane perire, malit.*)

*) Dummodò ex ipsis pacis legibus, victum has conditiones vere admisisse, constet. Si enim per cavillationem calumniosamque interpretationem, aut plane per vim apertam, duriores conditiones, in quas numquam consensit, victo obtruduntur: jure hic, sibi injuriam fieri, conqueritur. Sic insignis cavillator erat Q. Fabius Labeo, qui, quum Antiochus rex dimidiam partem navium Romanis tradere deberet, omnes ejus naves productas medias dissecuit, ut Antiochum tota classe spoliaret. Valer. Max. VII, 3. quam decipiendi artem fortassis a Campanis didicerat,

cerat, quod ipsos quoque arma, ab hostibus pro parte dimidia tradenda, dissecuisse, memorizæ prodidit Polyæn. *Stratagem. VI, 15.* Et quis non detestetur apertam vim, qua victis Romanis, quibuscum transegerant tamen, insultabant Galli Senones, quum illis mille pondo auri ex fœdere adpendentibus, hi non modo pondera iniqua adferrent, sed & ponderi adderent gladium, dicerentque: *væ victis esse.* Liv. V, 48.

§. CCXIX.

Multo minus ergo 125) paci, paulo durioribus conditionibus initæ, recte opponitur exceptio metus. Neque enim illi exceptioni unquam locus est, si jus cuidam fuit, alterum ad dandum aliquid faciendumque cogendi. (Lib. I. §. CVIII. 42.) Bellum autem inter gentes æque justum est cogendi medium, ac. judicis auctoritas inter ejusdem rei publicæ cives. (§. X. 24.) Neque obstat, bellum injustum alterum gessisse, adeoque vel eo nomine vim injustam adhibuisse, videri victorem, victo durissimas condiciones extorquentem. Præterquam enim, quod judicium de justitia belli neuter belligerantium sibi jure adrogat, quippe in sua causa iudex futurus: remisisse omnino injuriam illam videtur victus, dum cum victore transigit, & ad *ἀμυνσίαν*, quæ omnibus hujusmodi fœderibus inferi solet, se obligavit. *)

Nec non
exceptio
quod
metus
causa,

*) Et ita facile intelliges, quid reponendum sit Pufendorffio, qui, huic exceptioni locum esse, contra Gentium (Lib. II. Cap. XVII. §. XX. & Lib. III. Cap. XIX. §. XI. de-
fen-

fendit *in jure nat. & gent. VIII, 8. 1.* Aliud enim est, exceptionem quod metus causa paci opponere; aliud, ideo bellum redintegrare, quia pars victrix, usa occasione, vi aliquid contra pacis leges egerit. Posteriore enim casu justam belli causam nasci, facile largimur: (§. CXVIII. *) prius autem fieri posse negamus. Et hæc tamen parum distinxisse videtur Pufendorffius. Immo rem illud ipsum exemplum, quod ibi allegat, satis illustrat. Quærit Polybius *Hist. III, 30.* an justum fuerit bellum Punicum secundum, quod adversus Romanos suscepissent Carthaginienses? Idque non obscure affirmat, ex ea ratione, quod Carthaginienses καὶ πειθύντες ἡμῶντο τὴν οὐκ αὐτῶν βλάβητας, occasione invitati, ultum iverint eos, qui per occasionem temporum ipsis nocuerint. Quod perinde est, ac si scripsisset, prodesse Pœnis debuisse exceptionem quod metus causa, quia Romani quondam, iis inter res domi ancipites versantibus, Sardiniam magnamque vim pecuniæ extorserint. Sed sane in pacis legibus inter Romanos & Carthaginienses de Sardinia nihil fuerat cautum, ac proinde injuste, & contra pacis leges, eam occupaverant Romani, sola invitante occasione, quod Carthaginiensibus domi esset, quod agerent, ceu ipse fatetur Polybius *I, 88.* Quare non paci, qua bellum Punicum primum compositum, exceptionem metus opponebant Carthaginienses, sed, pacem illam a Romanis ruptam esse, occupata per occasionem Sardinia, conquerebantur.

§. CCXX.

An & pax
cum ci-
vibus re-

Quærent Grot. *III, 19. 6.* & Pufendorffius
de *jure nat. & gent. VIII, 8. 2.* an & pax,
cum

cum civibus rebellibus inita, servanda sit: bellibus
 Id quod contra Boxhornium *Inst. polit. I, 14.* servandis
 19. & Lipsii sententiam recte adfirmant. Quum
 enim pax coalescat per modum transactionis,
 (§. CCXVII.) is vero, qui cum eo, a quo
 læsus est, transigit, remisisse illi injuriam,
 censeatur: sequitur sane, 126) ut & impe-
 rantes his hominibus immorigeris gratiam
 fecerint delicti, adeoque 127) pax illa, ni-
 si ex nova causa, salva justitia, rescindi non
 possit, præterquam, 128) si illa ob insignem
 rebellium dolum, vel statum principis, cum
 illis paciscentis, ab initio non constitit.*)

*) Ita quum anno MCCCCLXXXVIII. Bru-
 genes Maximilianum I. Regem, ad se in
 urbem invitatum, inaudita pæne perfidia,
 cepissent, & ad pactionem satis turpem ade-
 gissent, tantum abest, ut illa postea rata esse
 videretur Friderico Imp. ut Mechliniæ in
 procerum conventu decerneretur, Maximilia-
 num promissis illis non teneri. Jo. Joach.
 Muller. *Reichs tags-Theatr. in Maximil. I.*
Aff. I. Cap. VIII. Et sane quum dolo malo
 injustissimaque vi principem in captivitatem
 redegissent cives, eumque non prius dimitte-
 rent, quam omnia ex eorum sententia promi-
 sisset: promissum hoc vi injustissima extortum
 fuit, adeoque obligare illum non magis po-
 tuit, quam quod nobis latro aliquis extor-
 quer.

§. CCXXI,

Ceterum, quemadmodum aliorum foede-
 rum, (§. CCXV. 13.) 129) ita & pacis
 leges

Obliga-
 tio tum
 paciscen-
 tium.

tum me-
diatorum
& sponso-
rum.

leges summa religione servandas, ac proinde 130) & tempus, intra quod illas impletum iri, promissum est, stricte interpretandum, & 131) ne moram quidem purgare licere, facile patet. Vid. Grot. III, 20. 25. Sed & id nemo non intelligit, 132) **MEDIATORES**, qui officium conciliandæ inter belligerantes pacis in se susceperunt, & **SPONSORES**, qui veluti pro paciscentibus sponderunt, ex pacto obligari paciscentibus, *) siquidem, dum illi in se receperunt id officium, etiam ad id, quod exigit hoc officium, sese obstrinxisse censentur. Ex quo porro colligimus, 133) mediatorum esse, non uni parti favere præ altera, sed 134) utriusque causam sine amore vel odio expondere, 135) & æqua quævis, atque utilissima utrique suadere: 136) sponzorum vero, dare operam, ut pacis legibus ex utraque parte satisfiat, & 137) illi parti, quæ contra illas læditur, ope, ac consilio, quin & copiis promissis, subvenire.

*) Idem dicendum de **OBSE**IBUS, id est, personis, pro fide paciscentis reipublicæ veluti oppignoratis, sive ultro & sua voluntate accesserint, sive ab eo, qui imperium habet, dati sint. Grot. *de jure belli & pac.* III, 4. 14. Priore enim casu ex suo consensu obligantur; posteriore ex conventionne inter imperantem suum, & alterum, quocum pax coaluit, intra. Hinc vero colligimus, 1) non esse obsidum fugere, nec 2) reipublicæ, obsides veluti postliminio recipere. Unde Cælia obside fugiente, recte poscebat Porfena, ut obses dedatur, si non deducta fuerit, pro rupta se foedus habiturum, inter-

Cap. XI. De juribus majest. transeunt. 601
 interminatus. Recte etiam Romani hoc pi-
 gnus pacis ex foedere restituerunt. Liv. II,
 13. 3.) Obsides non esse pro servis aut bel-
 lo captis habendos, adeoque 4) nec bona
 mortuorum, tamquam intestabilium, fisco
 posse vindicari, quamvis duro illo ac aspero
 jure uterentur Romani, l. 31. D. de jure fi-
 sci. 5) Eorum obligationem cum persona
 extinguere, ac proinde uno obsidum mortuo,
 pro altero tantum *ἀντὶ* deberi. 6) Pace
 rupta, obsides in vinculis haberi libertate-
 que & bonis spoliari posse, quamvis durius
 sit, eosdem occidere, si pax, sine eorum
 culpa, rupta sit. Sed de his plura Grotius
de jure belli & pacis III, 20. 52. seq. Pufend.
de jure nat. & gent. VIII, 8. 6. Schilter,
 opusculo singulari *de jure obsidum*.

§. CCXXII.

Quum imperantibus competat jus parti-
 gendi foedera, & pacem cum hostibus re-
 dintegrandi, (§. CXXXVII. 39. 42.) id ve-
 ro sine interjunctis fieri non possit: conse-
 quens est, 138) ut iisdem competere de-
 beat JUS MITTENDI LEGATOS. Et quum is,
 qui legatos alterius recipit, eo ipso illis li-
 berum accessum reditumque promittere me-
 rito censeatur: (Lib. I. §. CCCXCL. 10.)
 consequens est, 139) ut legati & apud ho-
 stes debeant esse sacrosancti, & non modo
 140) jurisdictione ejus, ad quem missi sunt,
 exempti, qua de re egregia sunt, quæ com-
 mentatus est V. A. Corn. van Bynkersh. li-
 bello eximio, *de foro legatorum*, verum
 etiam 141) facultate præditi, ea omnia lo-
 quendi, scribendi, agendique, quæ respu-
Hein. de Jur. Nat. & Gent. Cc bli-

Jus mit-
 tendi le-
 gatos,
 eorum-
 que san-
 ctimo-
 nia.

blica loqui, scribere, agere iussit, dumne-
142.) hostilem animum adversus principem
vel rempublicam, ad quam venerunt, osten-
dant. *)

*) Hujus hostilis animi si luculenta argumen-
ta existent, nec princeps vel respublica lega-
tum admittere cogitur, & finibus excedere
eum jure meritoque jubet, quod & tunc fie-
ri solet, quando, rupto foedere, bellum cum
iis, qui illum miserunt, exardescit. Neque
enim tenemur hostem intra fines, & veluti
domum nostram, recipere, adeoque nec ejus
ministrum vel mandatarium.

§. CCXXIII.

Reliqua, quæ de legatis dici poterant, &
prolixissime traduntur a Marselario, Vicque-
fortio, & aliis, aut ex paucis his principiis
fluunt, aut ad mores potius gentium, quam
juris gentium præcepta, pertinent. Qualia
sunt, quæ de legatorum jurisdictione in fa-
miliam suam, de eorumdem sacris domesti-
cis, immunitate, ædibus, earumque jure asy-
li, itemque de solemnī eorum receptione &
dimissione, de salutationibus eorum, ipsi-
que variis eorum ordinibus, honorum titu-
lis, similibusque quæstionibus, disputantur:
nec non quod vulgo in mores ivit, ut tem-
pore belli inviolabilitate gaudeant tubicines
& tympanotribæ, quemadmodum apud Græ-
cos, κήρυκες, quorum jam apud ipsum Ho-
merum *Odyss.* x. v. 59. & 102. & 7. v. 244.
& *Iliad. Libro decimo* v. 14. & 178. sæpius fit
mentio. Sed iis nos quidem hic jam immo-
rari nolumus.

CAPUT X.

De Officiis Civium.

§. CCXXIV.

Quid juris summo imperanti tum in republi- Offici-
cium
vel gene-
ralia vel
specia-
lia.
lica, tum extra illam, competat, plu-
ribus haftenus diximus. De CIVIUM OFFICIIS
nobis eobrevioribus esse licebit, quo facilius
illa ex ipsis imperantium juribus, tamquam
correlata illorum, (Lib. I. §. VII.) derivan-
tur. Nimirum quum cives, vel tamquam ci-
ves, vel prout aliquæ partes, reipublicæ illis
creditæ sunt, considerari possint: 1.) eorum
OFFICIA vel GENERALIA sunt, vel SPECIALIA,
quorum *illa* ex communi obligatione, qua
summo imperio obstricti sunt, *hæc* ex pecu-
liari, quo in republica funguntur, munere
prono alveo fluunt.

§. CCXXV.

Officia generalia debentur vel ipsi reipubli- Genera-
lia offici-
erga rem
publi-
cam.
cæ, vel ejus rectoribus, vel reliquis, quibus-
cum in societate vivunt, *civibus*. Quum enim
tota RESPUBLICA sit societas, unusquisque verò
socius obligatus sit ad actiones suas commu-
ni societatis fini attemperandas: (§. XXII. 65.)
sequitur, 2) ut civis securitate ac salute pu-
blica nihil prius, nihilque antiquius habere,
& 3) nec vitam, nec opes ea chariores ha-
bere, *) sed 4) ejus commodis, quavis ju-
sta honestaque ratione, studere debeat.

*) Est hæc illa obligatio erga patriam,
quam eo usque produxerunt veteres, ut eam
omnes omnium charitates complecti, nemi-

nemque pro eâ mortem oppetere dubitare debere, tradant. Cic. de offic. I, 17. III, 23. Nam notum est *πλευδύνειν* illud: Dulce esse, pro patria mori. Quod exagitans Jo. Clericus *Art. crit.* II, 2. 5. 16. nescire ait homines, quid per vocabulum istud patriæ intelligant. Reipsa enim, inquit, quid erat patria Atheniensi aut Romano? Si solum intelligas, Italia & Attica; pro quibus cur pulcrum sit mori, nulla ratio est, potius quam pro Africa, aut pro Asia. Non magis enim ad te pertinet gleba, in qua natus sis, quam alia quævis, in qua commode vitam degere queas: stultumque adeo est, mori pro agello in occasum, aut in septentriones spectante, potius, quam vitas, in alio, qui magis ad orientem solem, aut ad meridiem vergat. Si homines malis: quæ fuerunt respublicæ Atheniensi & Romana, præter societates latronum, si eas probe introspeciamus? Itaque qui pro his moriebantur, latro erat, qui pro latronum globo vilem animam profundebat. Ac inania hæc sunt, & de quibus vere dicas:

Nil intra est oleam, nil extra est in nuce duri.

Patriam enim nec agellus constituit, ad orientem vel occidentem situs, nec cœtus hominum, qua hominum, cui plures inesse poss. n. latrones, nebulones, & stolidi; sed ipsa illa societas civilis, a cujus salute nostra omnium salus pendet. Unde satius omnino est, salva republica mori, quam ruptum videre illud societatis vinculum, quo solo vita, libertas, dignitas, & fortunæ nostræ continentur. Sane Jeremias propheta, aliter philosophatur, quam Jo. Clericus. *Utilitati*, inquit, *studete illius civitatis, in quam ego Deus vos abduci passus sum, & orate pro ea ad Jehoyam. Si enim illi bene est, & vobis*

vobis bene erit . Jerem. XXIX, 7. Nonne & hi captivi reponere potuisset? an studeamus nos utilitati agri illius potius, quam alterius cuiusvis? An oremus pro tot latronibus, idololatriis, impuris, lascivis, quibus civitas illa Babylonica diffusa est? Sed non eos jubet Deus studere utilitati agri Babylonici, nec hominum, illum colentium, sed reipublicæ, qua salva, & ipsi salvi futuri sint.

§. CCXXVI.

Deinde quum in eo posita sit veluti vita reipublicæ, ut cives omnes voluntates suas voluntati summi imperantis submittant: (§. CXV. 52.) consequens est, 5) ut boni cives SUMMIS IMPERANTIBUS, tamquam superioribus, obligentur ad amorem venerationis & obedientiæ, (Lib. I. §. LXXXVI.) adeoque 6) non modo summa reverentia eos prosequi, *) sed & 7) eorum legibus & jussibus promptum obsequium præstare, nec 8) eos, tamquam sacrosanctos, verbis factisvelædere (§. CXXXII. 15. sequ.) debeant. Quumque præterea illis ex pacto sint obligati, (§. CXII. 38.) facile intelligitur, 9) cives imperantibus obstrictos esse ad fidelitatem, iisque incumbere, 10) ut nec statum reipublicæ convellant, nec 11) novis rebus studeant, nec 12) ulli alii magis, quam imperantibus suis adhæreant.

Erga
summas
imperantes.

*) Eaque non modo interna, sed & externa, quæ in certis honorum titulis gestibusve, in quavis republica receptis, consistunt. Ita apud Persas cives oportebat *αρχων*, reges appellare *βασιλεα βασιλειω*, iisdem ac-

clamare: *Vivas æternum cetera*. De aliis honorum titulis, gestibusque, ex instituto egerunt alii, in primis Beermann. *Notit. dignit. diff. VI.* Quamvis vero ut his ritibus verbisque honoris utantur cives, jure exigant imperantes: non tamen ulla est ratio, quamobrem ad eadem cogi possint extranei, veluti legati principum & rerumpublicarum, qui, si ex suæ gentis ritu reverentiam exhibuerint principi extero, officio suo omnino videntur defuncti. *Conf. Corn. Nep. Canon. Cap. III.*

§. CCXXVII.

gacon-
ves.

Præterea quum sociorum sit, ita vivere cum sociis, uti id communis societatis finis exigit: facile pater, 13) bonorum civium esse cives suos amare, 14) cum iisdem pacifice vivere, 15) & non modo suum cuique tribuere, sed & 16) civibus plus humanitatis, quam extraneis, exhibere: denique 17) non obrectare inter se, aut invidere aliis, quos aut natalium splendor, aut imperantium benevolentia, aut eximia quædam merita ad sublimiorem dignitatem evererunt, aut 18) qui eminent virtutibus, *) aut qui denique 19) in colligendis opibus fortunam paulo benigniorem, quam alii, experti sunt.

*) Est hoc vitium potissimum democratiis admodum familiare: quippe quæ nec vitia pati, nec virtutes eminentiores ferri possunt. Hinc ferale illud Ephesinorum decretum, quod quod eos dignos esse ajebat Heraclitus, ut omnes adulti morerentur: *Ἡμῶν μέν ἐστιν ὁ νόμος ἵστω. εἰ δὲ τις τοῦτο, ἀλλοτρίῃ καὶ μετ' ἀλλῶν. Nostrium nemo meritis excellat,*
quo-

quoniam, si quis erit talis, alibi degat, & cum aliis. Diog. Laert. IX, 2. Quot viri præclari Athenis labefactati sunt illa testula, quam *ὀσπασίον* vocabant, ex historia eorum satis notum est. Vid. Corn. Nep. *Themistocl.* Cap. VIII. *Aristid.* Cap. I. *Cimon.* Cap. III. *Sigon. de republ. Athen.* II, 4.

§. CCXXVIII.

SPECIALIA civium officia omnia ex fine illius muneris, quo in republica funguntur, fluunt: ac proinde 20) res ipsa docet, singulos obligatos esse ad ea omnia faciendā, quæ fini muneris sui conveniunt, 21) eaque omnia omittendā, quæ fini illi muneris sui repugnant: sed & 22) ad nullum ambiendum munus, cui se impares esse intelligant. 23) Ex quibus paucis regulis, quæ sint officia ducum, consiliariorum, legatorum, quæstorum, magistratuum, judicum, ministrorum ecclesiæ, professorum & doctorum, militum, *) facile unusquisque intelligit.

Speci-
flum of-
ficiorum
funda-
menta.

*) Itaque non necessarium fuerit, ad singulorum officia specialia descendere. De iis tamen satis prolixè egit Pufendorf. *de offic. hom. & civ.* II, 18. 7. seq. quem hic consuli velim ab iis, qui talia requirunt.

§. CCXXIX.

Ceterum 24) officia civium generalia tamdiu durare, quamdiu cives sunt, 25) specialia tamdiu, quamdiu certis muneribus præfunt, facile intelligitur. Civis autem aliquis esse desinit variis modis. Quum enim respublica constet ex hominum multitudine, (§. CVIII. 23.) quam *populum* adpellamus: sequitur, 26) ut, extincto dispersove po-

Civis
aliquis
esse del-
nit, eve-
sa repu-
blica.

pulo, (quod terræ motu, bello, inundationibus, similibusque calamitatibus publicis contingere potest,) pauci superstites cives esse desinant, nisi hi statum suum tantisper tueantur, dum in justī populi numerum iterum excreverint: *) 27) non autem desinere quem civem esse, si populus debellatus alii civitati, tamquam provincia, adcreseat, quia tunc alterius civitatis fit civis, nec 28) si formam mutet respublica, quia tunc idem populus manet.

*) Paucos illos superstites ad modum privatorum sibi adrogare posse dominium rerum, quas antea populus possederit, non autem imperium illius populi, censet Grot. *de jure belli & pac. II, 9. 4.* Sed quamdiu superstites manet animus, habendi communem imperantem, ei submittendi voluntates suas, viresque omnes securitatis externæ internæque causæ uniendi: quidni maneret respublica? Ita sane mansit Atheniensium respublica, quando prælio perditis & desperatis rebus, ad tantam inopiam redacti fuerant Athenienses, ut, consumpta militari ætate, peregrinis civitatem, servis libertatem, damnatis impunitatem darent, & libertatem suam vix tueretur illa hominum colluvies. Justin. *Hist. V, 6.*

§. CCXXX.

Quum ergo mutata reip. forma idem maneat populus: (§. CCXXIX. 28.) consequens est, 29) ut salva illi maneant fœdera realia, quæ populo illi antea cum aliis civitatibus intercesserant: (§. CCXI. 99.) 30) salva etiam sint pacta publica, priore adhuc subsistente reipublicæ forma, cum privatis inita:

Non mutata reipublicæ forma.

inita: 31) saluæ denique obligationes populi istius, qui mutavit formam reipublicæ. Non autem 32) cives teneri ex factis eorum, qui injuste invaserint rempublicam, vel 33) contra leges fundamentales aliquid egerint, *) vel inde patet, quod in horum imperium numquam consenserunt.

*) Hinc Athenienses, excusso triginta tyrannorum imperio, legem condiderunt: ὁ ὅπῃ ἐστὶ τῆς τριακονταρχίας, ἢ δίκης ἐδικάσθῃ, ἢ ἰδία, ἢ δημοκρατία, ἀκούει εἶναι. Ut quæcumque sub triginta tyrannis acta, aut iudicia facta sint, siue privatim, siue publice irrita essent. Demosthen. in Timocrat. p. 782. Et similem fere Honorii Imperatoris constitutionem de actis Heracliani tyranni damnandis habemus in l. 13. C. Theod. de infirm. quæ sub tyrann. Attamen moderanda hæc videntur, 1) si obligatio e re nascatur, & populus inde fructum cepit, vel in rem ejus versum sit; 2) si per errorem quis imperium tenuerit, a populo electus, arg. l. 3. D. de offic. præst. in quam legem dissertationem elegantem de electione magistratus inhabilis scripsit Jac. Gothofredus, 3) si quis initio justum tenuerit imperium, & postea demum tyranni personam induerit, quo refero l. 2. & l. 3. C. Theod. eod. ubi Constantinus Magnus legitime gesta & rescripta Licinii rata esse jubet.

§. CCXXXI.

Præterea ex eodem principio (§. CCXXVIII. 28.) colligimus, 34) non desinere aliquem civem esse, si per divisionem ex una civitate plures fiant, vel 35) plures in unum systema coalescant: quamvis 36) prior casu contingere possit, ut quis non

An si divisionem imperii, vel in coloniam quis adscriptus?

prioris, sed novæ civitatis, civis sit. Si coloniam deducere decrevit respublica: permultum interest, qualis illa sit colonia. Quum enim aliæ ita exeant majore patria, ut singularem constituent rempublicam, ad nihil aliud obstrictam metropoli, nisi ut eam comiter venerentur: aliæ, ut pars civitatis matricis maneant: *) facile patet, 37) priore casu idem contingere, quod, diviso imperio, fieri diximus, 38) posteriore autem nullam mutationem circa obligationem priorem civium, qui coloniis adscripti sunt, fieri.

*) Tales colonias mittere solebant Græci veteres. Unde apud Thucydidem *Lib. I. p. 25.* Corcyrei: Οὐ γὰρ ἐπὶ τῇ δούλῳ ἀλλ' ἐπὶ τῷ ὄμῳ τοῖς λειπομένοις εἶναι ἐκπέμπονται. Neque enim coloni in colonias emittuntur, ea conditione, ut sint servi: sed ut iis, qui in antiqua patria relinquuntur, pares sint. Quibus respondent Corinthii apud eundem *p. 28.* Ἡμεῖς δ' ἐπὶ αὐτοῖς φαρμὴ ἐπὶ τῇ ὑπὸ τέτῳ ὑβρίζοντα κατοικήσας, ἀλλ' ἐπὶ τῇ ἡγεμονίᾳ τε εἶναι καὶ τὰ εἰκότα τιμᾶσθοντα: αἱ γὰρ ἄλλαι ἀποικίαι τιμᾶσιν ἡμᾶς καὶ μάλιστα ἀπο ἀποίκων σιτηρόμεθα. Nos vero respondemus ne nos quidem idcirco ipsorum coloniam collocasse, ut ab ipsa contumelia adficeremur, sed ut ipsorum duces essemus, ac conveniens nobis honor ab illis redderetur. Ceteræ enim colonie nos comiter venerantur, & ab iis maxime diligimur. Itaque colonorum horum tantum erat τιμᾶν τὴν μητρόπολιν, καὶ ἐν παντὶ ὄψεσθαι καὶ ποιᾶν γένη καὶ νομιζόμενα δίδόναι, comiter venerari metropolim, eique in solemnitatibus consuetos honores dare, uti idem loquitur Thucydides *ibid. p. 18.* addens, quod & scholiastes monet, in eo præcipue constitisse

καὶ γὰρ, ut in publicis sacrificiis, distribuentes viscera, civibus metropoleos primam partem, vel καταρχὰς darent. Plura de honore, quo hujusmodi coloni antiquæ patriæ cives prosequabantur, dixit Henr. Vales. not. ad *Excerpta peiresc.* p. 7. At alia omnia observabant Romani, quorum coloniae jura institutaque omnia populi Romani, non sui arbitrii, habebant, teste Gellio Noct. Attic. XVII. quum tamen ipsi, Albanorum coloni, plane sui juris ab ipsa origine fuissent, & non tantum non comiter venerarentur veterem patriam, sed & plane sub suam redigere potestatem, non dubitarent. Quod ipsis merito exprobrat Metius Fufetius apud Dionys. Halicarn. *Antiq. Roman. Lib. III. p. 143.*

§. CCXXXIII.

Denique quum civis quis sit ratione reipublicæ, quam cum aliis constituit, vel in quam se ultro contulit: (§. CIX. 26. & 28.) sequitur sane, 39) ut civis quis esse designat, simul ac civitate patria ultro eo consilio emigravit, ut in alterum sese civitatem conferat, ibique constituat Lares fortunæque domicilium, 40) nisi leges publicæ vel migrare cives plane vetent, veluti apud Argivos, apud quos, ut ait Ovid. *Metamorph. Lib. XV. v. 28.*

An per migrationem.

Prohibent discedere leges,

Pœnaque mors posita est patriam mutare volenti.

vel 41) eam libertatem, non nisi deducta certa bonorum parte, indulgeant, quod apud plerasque Europæ gentes in mores ivisse, novimus. Ut 42) civitatem quidem,

at non obligationem erga patriam mutant
 ii, qui ad hostes transfugiunt, ac proinde
 43) retracti ex fuga jure puniantur.

§. CCXXXIV.

*An per
 exilium.* Denique quum eos, qui in societate ali-
 qua vivunt, nec sese societatis legibus ac-
 commodant, recte abs se segregent reliqui
 socii: (§. XXII. 70.) 44) idem & civibus
 procul dubio licebit, adeoque 45) malis
 civibus exilium jure irrogatur: eoque fa-
 cto, 46) illi procul dubio cives esse desi-
 nunt, quod tamen 47) non perinde dicen-
 dum videtur de relegatis, maxime, qui ad-
 huc fundos possident in republica, nec non
 48) de interdictis, qui in certum locum,
 reipublicæ nostræ subjectum, deportantur,
 ut ibi vitam insuavem ducant, vel certas
 operas præstent. Quin 49) generatim exi-
 stimarim, eos, qui ob delictum jure civita-
 tis excidunt, privilegiis quidem civium pri-
 vari, non autem eo ipso liberari ab obli-
 gatione erga patriam rempublicam, eatenus
 saltem, 50) ne illi ægre faciant, aut Co-
 riolanum inutari cives suos infestis armis
 persequantur. Liv. II. 35. sequ

F I N I S.

INDEX

INDEX RERUM ET VERBORUM.

Numeri Romani librum ; Arabici paragraphum ;
Asterisci * scholia indicant .

A

Academie . Circa illas
jus principis . II. 188.

Acceptatio an necessaria ? L. 284. quotuplex ? *ibid.*

Accessio quid ? L. 250. Quid
naturalis , industrialis ,
mixta ? *ib.* naturalis fun-
damentum . L. 251. indu-
strialis inducit commu-
nionem positivam . L. 256.
257. fortuita species oc-
cupationis . L. 250. *

Accessorium an semper se-
quatur principale ? L. 258.

Acclamations faustæ ple-
rumque in adulationem
abeunt . L. 205. *

Achaica civitates quæ ? II.
18. II. 119.

Actio quid ? L. 25. bona vel
mala . L. 1. L. 116. inter-
na & externa . L. 25. hu-
mana , naturalis , libera ,
necessaria . L. 29. spon-
tanea , invita , ultronea ,
coacta , mixta . L. 58. ju-
sta & injusta , honesta ,
inhonesta , turpis , inhu-

mana . L. 118. quæ ob-
jectum juris naturæ ? L.
28. seq. an externa tan-
tum ? L. 193. * quæ im-
putetur ? L. 112. an invi-
ta & coacta ? L. 109. an
urgente temperamento ,
adfectu , consuetudine
edita ? L. 110. an de alio-
rum actionibus judicare
sit cujusvis ? L. 97. * an
quædam sua natura ju-
sta ? L. 70.

Addictio in diem quid . L.
357.

Adversus sibi vindicant im-
perantes . II. 175. quid
circa ea justum ? 177.

Adfectionis ratio habetur
in accessione industriali.
L. 258. præium quid ?
L. 332. ejus quando ra-
tio habeatur in satisfac-
tione ? L. 212.

Adfectus an impediunt li-
bertatem voluntatis ? L.
55. quibusnam facilius
resistatur ? L. 110. * a ra-
tione regendi . L. 149.

Adferruminatio quid ? L. 260

Ad-

- Adgratiandi jus principi* competens. II. 158.
- Adgressorem* quando occidere liceat? **I. 185.**
- Adjunctio* quid? **I. 260.** cui res, cui quid adjunctum, adquiratur? **I. 260.**
- Administer* quis? II. 181. circa eum quid juris sit principi? II. 181.
- Adoptio* an juris naturæ? II. 55.
- Adpellatio*, vid. *provocatio*.
- Adplumbatura*, quid circa eam justum. **I. 260.**
- Adprobatio* subsequuta pro consensu est. **I. 263.**
- Adquirendi modi originarii*. **I. 239. derivativi. I. 240**
- Adscendentium* successio. **I. 301.**
- Adsecuratio* quid? **I. 203.** quid circa eam justum? **I. 204.**
- Ædificium* cuius sit, in alieno solo, vel aliena materia constructum? **I. 261.**
- Æqualitas* hominum, fundamentum officiorum erga alios. **I. 272. quænam** servanda in societate? **I. 381.**
- Æquitas* quid? **I. 103.** fundamentum interpretationis restrictivæ. **I. 103.**
- Ærarium* quid? II. 174. in illud influunt tributa & vectigalia. II. 179.
- Agentis* conditio consideranda in imputatione. **I. 113.**
- Agerè* homo semper cupit bene. **I. 3.** cur æque facile male, ac bene agat? **I. 3.**
- Agri* arcifinii & limitati. **I. 254. ***
- Aliena* res domino restituenda. **I. 323.** quid si ejus dominus non adpareat? **I. 324.**
- Alienatio* quid? **I. 267. necessaria** & voluntaria, pura & conditionalis. **I. 267. 278. *** præsens & futura. **I. 268.**
- Allinæzen*, fœdera offensiva & defensiva. II. 210.
- Alluvio* cui adquiratur? **I. 254.**
- Alvens derelictus* cui adquiratur? **I. 255.**
- Ambigue* quando loqui liceat? **I. 204.**
- Amnestiæ* lex omni paci inferi solet. II. 219.
- Amor* quid? **I. 80.** quatuorplex? **I. 82. & 85.** justitiæ. **I. 82.** humanitatis & beneficentiæ. **I. 83.** devotionis & obedientiæ. **I. 86.** seq. amicitiae. **I. 86. 88.** benevolentiae. **I. 86. 89. purus quid? I. 130. *** erga Deum. **I. 91. & 130.** erga seipsum. **I. 136.** seq. erga alios. **I. 1724**

B

L. 172. nostri, non debet major esse amore Dei. **L. 155.** principium est juris naturæ. **L. 79.** ejus objecta. **L. 90.**

Angariationes inter gentes an justæ? II. **173.**

Animalia quando fiant capientium. **L. 246.** vulnerata an intercipi possint? **L. 246.** *

Antichresis quid? **L. 369.** quid circa eam justum? **L. 372.** **283.**

Ἀντιπρόσθετος qui? **L. 33.** *

Arbor in confinio posita: ex ea quis fructus adquirat? **L. 265.**

Aristocratiae origo. II. **116.** quomodo in ea exercentur jura majestatis? II. **123.** in ejus Senatu sententiæ plurium vincunt pauciores. II. **123.**

Atheismi & superstitionis comparatio otiosa. **L. 133.** * ejus plures falso suspecti. **L. 129.** *

Atheus an juste agere possit? **L. 14.**

Auctio quid? **L. 359.**

Aversatio quid? **L. 52.**

Aversio per illam quando contrahatur? **L. 359.**

Ἀντιπρόσθετος. vid. mors voluntaria.

B *Arriere--Tractaten.* II. **209.**

Bellum gerere licet. II.

190. quid? II. **191.** cui ejus jus? II. **192.** an & a magistratu recte indicatur? II. **193.** an & a privatis? II. **194.** an recte dividatur in publicum & privatum? *ibid.* quid civile? *ibid.* quid repræsentativum? *ibid.* ejus causæ justificæ, II. **195.** defensivum & offensivum. *ibid.* punitivum an detur? *ibid.* an ob jus imperfectum denegatum possit indici? II. **196.** an pro aliis recte suscipiatur? II. **197.** injusti ejus colores. II. **198.** solemne & justum, vel minus solemne & injustum. II. **189.** causæ ejus liquidæ esse debent.

II. 200. *BELLI RATIO* (*la raison de guerre*) quid? II. **201.** * per illud quomodo adquiratur? II. **204.** ejus jus. I. **183.** in statu naturali omnibus competit. II. **10.**

Benedictio quid? **I. 203. 205.**

Beneficentia. Ad eam obligatio. **L. 221.** quid?

L. 122.

I. 122. unde proficisci debeat? **I.** 223.

Beneficentia amor. **I.** 83. ad eum quomodo obligemur? **I.** 84.

Beneficia quid? **I.** 113. * **I.** 222. sapienter dispensanda. **I.** 224. necessitati & conditioni alterius attemperanda. **I.** 225. in iis observandi gradus necessitudinis. **I.** 226.

Blasphemie crimen. **I.** 128. inexcusabile. **I.** 160. *

Bruta an jure naturæ obligentur? **I.** 20. an ab hominibus jugulari queant? **I.** 232. * aliquando digna amore benevolentia. **I.** 90. *) an iis certa officia debeamus? **I.** 90.

Buccinatores in bello inviolabiles. **II.** 223.

C

Cadaverum oppignratio. **I.** 384. *

Calibatus an contra J. N. **II.** 34.

Calculus Minervæ quid? **II.** 123. *

Calumniæ quid? **I.** 154. an eam refellere debeat vir bonus. **I.** 154.

Capti bello in servitutem non injuste detrudun-

tur. **II.** 80.

Carne humana an vesci liceat in extrema necessitate? **I.** 166.

Carnifex an vi coactus recte occidat innocentem? **I.** 168.

Cartel quid? **I.** 210.

Castigationis 2 pœna differentia. **II.** 159. *

Casum fert dominus. **I.** 211.

Causa actionis physica & moralis quid? **I.** 112.

Cauterio ulla cur dicatur conscientia? **I.** 48. *

Cessio quid? 266. ejus differentia a delegatione. **I.** 418. aliquando latius accipitur. **I.** 266. rei communis quid? **I.** 273. quid circa eam iustum? *ibidem*.

Cives voluntates suas submittere tenentur imperantibus. **II.** 115. **in eorum** bona quid juris imperanti? **II.** 169. sequ. officia eorum generalia & specialia. **II.** 224. generalia erga remp. **II.** 225. erga summos imperantes. **II.** 226. erga concives. **II.** 227. specialia. **II.** 228. Quando esse quis definat? **II.** 229. seq.

Civitates quomodo oriuntur?

- tur ? II. 18. * earum
 systema quid ? II. 119.
 vid. & *Respublica*.
Coacta actio. *L. 58.* est actio
 voluntaria. *L. 59.* vo-
 luntas nihilominus volun-
 tas. *L. 59. L. 109.* *
Coactio quando jure fiat ?
L. 109. *
Cogitatione etiam lædi quis
 potest. *L. 193.*
Collateralium successio. *L.*
302.
Coloniarum varia genera.
 II. *231.* *
Commercium circa ea jus im-
 perantium. II. *169.* II.
185. eorum origo. *L.*
325. * necessitas. *L. 326.*
 quid ? *L. 327.* per con-
 tractus tantum potuerunt
 institui. *L. 327.*
Commissaria lex. *L. 357.*
130. an jure nat. illicita
 in pignore ? *L. 373.*
 sub ea & imperium da-
 ri potest. *L. 134.*
Commixtio qualis modus
 acquirendi ? *L. 263.*
Commodantis officia. *L. 349.*
Commodataris officia. *L. 343.*
Commodatum qualis contra-
 ctus ? *L. 342.*
Communio quid ? *L. 231.* po-
 sitiva & negativa, æqua-
 lis, inæqualis, perfecta,
 imperfecta. *L. 231.* positi-
 va unde nata ? *L. 237. in*
negativa initio fuerunt
 omnia. *L. 138.* quæ in
 ea permanserint, intro-
 ducto dominio ? *L. 235.*
 cur ex ea discetum ? *L.*
234. cur & ex positiva ?
L. 238. bonorum inter
 conjuges. *L. 238.*
Communis res dividua vel
 individua. *L. 270.* in
 commune poscebantur
 res inventæ. *L. 248.* *
Compensatio quid ? *L. 409.*
 quid circa illam justum ?
L. 410. locum tantum
 habet in debitis liquidis.
L. 410.
Concilia de rebus ecclesia-
 sticis. II. 187.
Concubina a pellice diver-
 sa. II. *50.* *
Conditio quid ? *L. 401.*
 cur impossibilis & tur-
 pis jure Rom. in ulti-
 mis voluntatibus pro non
 adjecta habeatur ? *L.*
402. * ea non existen-
 te, obligatio solvitur.
L. 414.
Condonatio quid ? & quo-
 modo fiat ? *L. 408.*
Conductoris officia. *L. 362.*
Confusio, modus acquiren-
 di. *L. 263.*
Conjugium societas licita,
 & simplicissima. II. *26.*
 ejus finis. II. *27.* quid ?
 II. *28.* an in eo certos
 gra-

gradus prohibeat jus naturæ? II. 41.

Conjugum habilitas ratione ætatis. II. 31. eorum officia ex fine matrimonii derivata. II. 44. nec non ex pacto. II. 43.

Conscientia quid? I. 33. seq. bona & mala. I. 35. antecedens & consequens. I. 36. tenera. I. 37. inflexibilis, revocans, admonens. I. 38. recta, erronea. I. 39. probabilis, I. 40. dubia vel scrupulosa. I. 51. libera, minus libera. I. 42. dormitans, exasperata, cauterio ulla, I. 43. tranquilla, remordens, irrequieta, *anxia*, I. 44. remordens an ex metu supplicii? I. 44. * an actionum humanarum norma? I. 45. an, dubia illa, actus suspendendus? I. 46.

Consensus omnium gentium non semper iustitiæ argumentum. I. 71. * nec principium juris naturæ. *ibid.* quid sit? I. 263. * paciscentium. I. 396.

Conservare hominem quid dicatur? I. 2.

Conspiratio. Per eam an consensus civium sperandus? II. 115. *

Contractus quid? I. 385. & 405. onerosi, benefici, & aleam continentes. I. 328. * a quibus ineantur? I. 384. de quibus rebus? I. 384.

Cordi inscriptum cur dicatur jus naturæ? I. 15. *

Corpus ad hominis essentiam pertinet. I. 141. * æque, ac mens, perficiendum est. I. 142. 150. ejus exercitationes an apud omnes eadem? I. 150. * alterius non laudandum. I. 190.

Correalis obligatio quid? I. 374. ejus effectus. I. 377.

Corruptio quid? I. 189.

Creatæ res, in eas quod jus habeant homines? I. 332.

Cultus Dei externus an ex ratione demonstrabilis? I. 135. * fluere ille debet ex amore Dei. I. 136. ex timore ejus. I. 137. nec non ex fiducia in Deo collocata. I. 138. publicus qualis? I. 138. vid. & *Dei cultus*.

D

D *Amno* cum alterius nemo debet fieri locupletior. I. 257. * damnum quid? I. 321. *

De-

Debitoris obligatio. [I. 366.](#)

Decipere quid? [I. 199.](#) hostem licet, falso rumore sparso. [I. 200.](#) *

Deductiones quid? [II. 202.](#) *

Defensio sui cur licita? [I. 182.](#) ejus requisita. [I. 184. seq.](#) pro quibus rebus permessa? [I. 286.](#) seq. vid. & *Moderamen inculpatæ tutelæ.*

Deformitas an & quando imputetur? [I. 106.](#) *

Defraudatio quid? [I. 322.](#)

Dejectio violenta. [I. 321.](#)

Delegatio quid? & quid circa illam juris? [I. 321.](#)

Delicta an omnia puniendæ? [II. 162.](#)

Delinquens an obligatus ad pœnam? [II. 161.](#)

Demagogi qui? [II. 124.](#) *

Democratia quomodo oritur? [II. 116.](#) in ea quomodo exerceantur jura majestatis? [II. 124.](#) ea in ochlocratiam facile degenerat. [II. 117. & 124.](#)

Deponentis officium. [I. 349.](#)

Depositarii officia. [I. 345.](#)

Depositum qualis contractus, & quid in eo iustum? [I. 344.](#)

Destruere quid dicatur hominem? [I. 2.](#)

Deus. Ad ejus agnitionem sibi comparandam omnes obligati. [I. 126.](#) de ejus

existentia gentes omnes persuasæ. [I. 126.](#) de eo recte sentiendum. [I. 127.](#) ejus unitas. [I. 128.](#) * ejus gloria provehenda. [I. 129.](#) quomodo colendus? [I. 135. amandus? I. 91, 125. I. 130.](#) ei obsequendum. [I. 131.](#) Idem timendus. [I. 131.](#) in eo collocanda fiducia. [I. 134.](#) auctor est juris nat. [I. 7.](#) ejus jus in res creatas. [I. 10.](#) * eo non existente, futurum non esset jus naturæ. [I. 14.](#) cogitationes etiam hominum perspectas habet. [I. 98.](#)

Dispositio libera, effectus dominii. [I. 306.](#) ejus effectus. [I. 307.](#)

Dissensus mutuus, modus solvendi obligationes. [I. 412.](#)

Dissimulatio quid? & an licita. [I. 199.](#)

Divinatio an licita? [I. 133.](#)

Divisio rerum quid & quomodo fiat? [I. 266. I. 269.](#) seq. cur ad eam quilibet recte provocet? [I. 269.](#) ea vel æqualis, vel inæqualis. [I. 271.](#) an aliquis condominorum in ea sibi præcipuum recte petat? [I. 271.](#) rerum imperfectæ communium divisio

visio quomodo fiat? **I. 272.**

Divitiæ quid? & an ad eas querendas quis sit obligatus? **I. 151.**

Divortium an, & quando licitum? **II. 49.**

Dolores an morte a se amoliri liceat? **I. 165.***

Domania quid? & cur inventa? **II. 175.**

Dominium quid? **I. 231.**

communione negativæ oppositum. **I. 234.** cur introductum? **I. 235.**

aliud in communione positiva, aliud in proprietate consistit. **I. 235.**

& **237.** plenum & minus plenum. **I. 280.** directum & utile. **ib.** minus pleni species. **I. 281.** triplex domini effectus. **I. 306.**

aliquando per leges civiles restringuntur. **I. 317.** itemque per pacta & dispositiones priorum dominorum. **I. 318.** emnens quid? **II. 168.** quando ei locus sit? **II. 161.**

& **172.** an & ad res exterorum non hostium porrigatur? **II. 173.**

Dominus omnem ex re sua utilitatem merito capit. **I. 307.** eam & destruere & corrumpere potest. **I. 308.** itemque alienare.

I. 309. & possessionem adprehendere & retinere.

I. 310. nec non vindicare. **I. 311.** quatenus sibi vindicet accessiones & fructus? **I. 312.** seq. in usu rerum suarum non est impediendus. **I. 319.**

Dominus qua potestate gaudeat in servos mercenarios? **II. 82. 83.**

qua in servos obnoxios? **II. 84.** seq. ejus officia erga servos mercenarios. **II. 83.** & obnoxios. **II. 86.**

Donatio quid? **I. 383.** inter vivos & mortis causa. **I. 222.**

Dotium origo. **II. 48.***

E

Ebrietas quæ imputetur? **I. 106.**

Ebrius an recte paciscatur? **I. 392.** an delinquens duplicem mereatur poenam? **I. 50.***

Educatio liberiorum finis conjugii. **II. 27.** qualis esse debeat? **II. 60.**

Elargiri quando dicamur beneficia? **I. 221.**

Electio imperantis. Quid circa eam justum? **II. 140.**

Electissimum regnum. **II. 139.**

Eman-

Emancipatio liberorum qualis apud Romanos? II.

71. *

Emphyteuticum jus. I. 281.

Emtio venditio in usu esse cœpit, invento nummo.

I. 350. in ea neuter contrahentium lædendus.

I. 352. an illam vitiet error. I. 352. ei quævis pacta recte adjiciuntur.

I. 357. in ea & quidvis recte excipitur.

I. 358. potest sub quacumque conditione fieri.

I. 358. per auctionem, sub hasta, per averfionem, spei. I. 359.

Enchiridia quid veteribus?

I. 106.

Error quid? I. 17. an omnis culpabilis? I. 18.

cum ignorantia ratione imputationis convenit.

I. 107. juris vel facti quando imputetur? I. 108.

an pactum vitiet? I. 393. an emtionem. I. 352.

Vid. & *Ignorantia*.

Evictio debetur socio. I. 271. ut & *emtori*. I. 356.

Exhereditatio quando iusta? I. 62.

Existimatio quid? I. 153. ad eam tuendam, amplificandamque obligati sumus. I. 153. an vi de-

fendi possit? I. 187. alterius non lædenda. I.

191. simplex & intensiva. I. 191.

Exponere infantes impium. II. 63.

Expromissor quid? I. 374. ejus obligatio. I. 378.

Exsecratio quid? I. 203. ea uti non licet. I. 205.

F

F*abulis* quando uti liceat? I. 200.

Facti circumstantiæ in imputatione considerandæ.

I. 100.

Facultates quæ dicantur? I. 151.

Falsiloquium quid? I. 201. eo quando uti liceat? I. 200.

Famam tueri quisque tenetur. I. 153.

Fames extrema an det homini jus carne humana vescendi? I. 166. an

res alienas contrectandi? I. 170.

Familia quid? II. 90. quem penes ejus directio sit?

II. 91. ejus finis in statu naturali & civili. II. 92.

ei impedimento esse non debent societates simp-

pliciores. II. 95. in ea quæ officia patrisfamili-

as? II. 96. & reliquorum.

rum.

- rum. II. 88. in ea omnia redeunt ad ordinem. II. 98.
- Felicitas* in quo consistat? I. 79. nostram intendit Deus. I. 77. ad eamque nos obligat. I. 78.
- Fendi* origo. I. 281.
- Fictio* quid? I. 201. quando ex uti liceat? I. 200.*
- Fidejussio* quid? I. 374. pro quibus rebus admittenda. I. 375.
- Fidejussorum* obligatio. I. 376. eorum beneficia an juris nat. I. 376.
- Fiducia* in Deo collocanda. I. 134. ejus iudicium apud Romanos famosum. I. 204.*
- Filia* nuptæ & dotatæ an jure excludantur hereditate paterna? II. 72.
- Filius familias* quis? II. 90.
- Finis* Dei in creatione hominum. I. 77.
- Fiscus* quid? II. 174. eum quid locupletet? II. 175. ejus jura circa *adoptionem*. II. 177.
- Fluminis* vis qualis adquisitio? I. 254.
- Fœdus* quid? II. 207. æquale & inæquale. *ibid.* inæqualia quoruplicia? II. 207. simplicia & singularis præstationis. II. 208. belli & pacis tempore inita. II. 209. seq. personalia & realia. II. 211. an ea & sociis, & quibus, profint? II. 212. an parere liceat cum infidelibus? II. 214. circa ea officia. II. 217.
- Fœdus* pacis, vid. *pax.*
- Fatura* animalium modus adquirendi. I. 252.
- Fructus* ex arbore in consensio posita cui adquirantur? I. 265.
- Fuga*, ad eam num quis obstrictus sit, qui se adversus adgressorem defendit? I. 185.
- Fugienti* an liceat proterere obstantem? I. 169.
- Fungibiles* res quid? I. 364.*
- Furtum* quid? I. 321. an & ab eo admittatur, qui urgente extrema necessitate, aliquid contrahat? I. 170.*

G

- G** *Enere* in eodem reddere, quid? I. 364.*
- Gestibus* quoque nemo lædendus. I. 195.
- Gradu* non modo, sed & linea, propiores in hereditate præferendi. I. 296.
- Gratitudo* quid? I. 227.
ad

ad eam obligatio. *ibid.*
de ea regulæ. I. 228.
Guarantia pacis. II. 209.

H

H *Eredes* necessarii an
jure naturæ? I. 304.
eorum successio in jura
& obligationes defuncti.
I. 305. propiores non
modo ratione gradus,
sed & ratione lineæ ha-
bentur. I. 296. *

Hereditas. De ea quatenus
disponere liceat jure na-
turæ? I. 291. an sibi de-
stinatam heres accipere
teneatur? I. 284.

Herilis societatis origo.
II. 76.

Herus & *hera* qui? II. 77.

Homo homini natura æqua-
lis. I. 72. ergo æquali-
ter tractandus ab aliis.
I. 177.

Honor quid? I. 87. * an
vi defendi possit? I.
187.

Hospitiis jus an ad fœde-
ra amicitiae referendum?
II. 208. *

Hostiles res per fictionem
pro nullis habebantur
apud Romanos. I. 247. *

Hostis. Quid illi in ho-
stem liceat? II. 201. an
fœderibus & pactis de-

cipi possit. II. 202. an
ei debeantur humanita-
tis officia? I. 218.

Humana carne an vesci li-
ceat in extrenia fame?
I. 166.

Humanitatis amor quid?
ejusque differentia ab
amore justitiæ. I. 83. an
& amicis & quibus præ
reliquis debeat? I. 220.
ad eum quomodo obli-
gemur? I. 84. hostibus
denegari potest, si nobis
inde damnum imminet.
I. 218.

Hypotheca quid? I. 283. I.
369. quid circa illam ju-
stum? I. 283. & 369. an in
territorio constitui possit
agentibus liberis? I. 371.

I

I *Actus* mercium aliena-
rum quando licitus? I.
170.

Ignorantia quid? I. 47. an
omnis culpanda? I. 48.
I. 107. voluntaria, in-
voluntaria. I. 107. 150.
juris & facti. I. 108.
vincibilis & invincibilis.
I. 50. I. 107. juris natu-
ræ quando non impu-
tetur? I. 47. principio-
rum boni & mali inex-
cusabilis. I. 49. ex ea
sape

- sæpe aliquid boni sit .
L. 16.
- Immunitas* a tributis non temere pluribus concedenda . **II. 24.** *
- Imperantes* ut eligantur ? **II. 40.** sunt sacrosancti . **II. 132.** iis tamen non, quidquid libet, licet . **II. 133.** eorum officium circa ministros, & magistratus . **I. 182.** jus circa sacra . **II. 183.**
- Imperium* quomodo adquiratur . **II. 146.** & **239.** an recte distinguatur in patrimoniale & usufructuarium ? **II. 147.** seq. alienari nequit, nisi populo consentiente . **II. 149.** In eo etiam jus naturæ observandum . **II. 21.** * in omni republica est summum, & *αὐτοκράτωρ* . **II. 179.** ejus vis sese exserit per jura majestatis . **II. 135.** vel electitium vel successivum . **II. 139.**
- Impietas* quid ? ea recte rationi repugnat . **I. 128.**
- Imputatio* quid ? **I. 95.** seq. quomodo differat a conscientia ? **I. 97.** fit vel in foro divino, vel in humano . **I. 98.** ejus effectus meritum . **I. 99.** quando habeat locum . **I. 100.** quando cesset . **I. 105.** Quæ actiones imputentur vel non ? **105. seq.** quid in ea spectandum ? **I. 113. seq.** omissionis actionum . **I. 115.**
- Impudentia* vitanda . **I. 106.** *
- Incestus* quis juris gentium ? **II. 41. 47.**
- Inclusio*, species accessionis . **I. 260.**
- Inducia* ad statum belli pertinent . **II. 191.** & **210.** quomodo earum tempus computandum . **II. 210.** *
- Industria* . Ad eam unusquisque obligatus est . **I. 152.**
- Infamia* non omnia delicta sequi debet . **II. 167.**
- Ingratitudo* simplex & prægignans . **I. 227.** * an ob eam detur actio forensis ? **I. 227.**
- Inimicis* non deneganda humanitas . **I. 219.**
- Injuria* quid ? **I. 191.** ea læditur alterius existimatio . *ibid.*
- Insula* nova cui adquiratur ? **I. 253.**
- Intellectus* quomodo ad actiones humanas concurrat ? **I. 30.** & **32.** ejus imbecillitates . **I. 47.** sequ. ad ejus culturam

- ram unusquisque obligatus. I. 146. seq. alterius non est lædendus. I. 188.
- Interpretatio legis* an in J. N. necessaria? I. 101. * ejus fundamenta. I. 102. restrictiva, extensiva, declarativa. I. 103. authentica, usualis, doctrinalis. I. 104.
- Interregnum* quid? II. 142. ordinarium & extraordinarium. II. 145. an eo durante subsistat respublica? II. 142.
- Intextura species accessio- nis*. I. 260.
- Inventio rerum nullius*. I. 248. & pro derelictis habitarum. I. 249.
- Invita actio* quæ? I. 58. eadem ac involuntaria. 159
- Inundati agri dominium* non exstinguitur. I. 255.
- Judicia privata & publica*, II. 157.
- Judiciaria potestas* jus majestatis. II. 156.
- Jurare* qui & quomodo debeant? I. 207.
- Jurisprudentia naturalis* quid? I. 12. eadem & divina recte dicitur. *ibid.*
- Jus & obligatio correlata*. I. 7. pro lege acceptum quid. I. 9. sine Hein. de J. N. & G.
- lege concipi non potest. I. 9. *
- Jus vivile*, quomodo differat a naturali. I. 18. utilitati reip. attemperandum est. I. 36. * in eo maxima juris naturæ utilitas. I. 19.
- Jus gentium* quid? I. 21. an a jure naturæ diversum? I. 22. an ex moribus gentium æstimandum. *ib.* *
- Jusjurandum* quid? I. 203. ejus usus. I. 206. variae species, *ibid.* cujuscvis religioni est attemperandum. I. 207. ex mente deferentis interpretandum. I. 208. an servandum semper ab eo, qui juravit alterum nullius rei a se repulsam laturum. I. 208. * ejus effectus. I. 209. an ei per cavillationem satis fiat? I. 209. *
- Jus majestatis*, vid. Majestas.
- Jus Naturæ* quid? I. 12. ejus auctor Deus. I. 10. ejusdem norma recta ratio. I. 11. an ad actiones tamquam externas pertineat? I. 193. * homines & in statu naturali obligavit. II. 7. præceptivum & permissivum. I. 13. an futurum esset, Dd si non

si non existeret Deus ?

I. 14. cur dicatur cordibus hominum inscriptum ?

I. 15. an & in infantibus reperiatur ? I. 15. ejus

harmonia cum S. S. I. 16. est immutabile . I. 17.

quomodo differat a jure civili ? I. 18. & a jure gen-

tium . I. 22. an ex utili- tate nascatur ? I. 18, an

& bruta obliget ? I. 20.

Jus omnium in omnes, an principium juris Natu-

rae ? I. 73. an omne ex pacto oriatur ? II. 9. per-

fectum & imperfectum . I. 197. * talionis . I. 190.

vita & necis an compe- rat parentibus in libe-

ros ? II. 57. an dominis in servos ? II. 84.

Justitia quid ? I. 220. di- stributiva . I. 279. * in-

terna & externa . II. 150. in hac consistit securitas

reipublicae interna . II. 150. expletrix & attri-

butrix . I. 119.

Justitiae amor quid ? I. 82. ad eum perfecte obliga-

mur . I. 84. divinae & humanae fundamentum

est voluntas Dei . I. 65. divinae & humanae dif-

ferentia . I. 66.

Justum natura tale . I. 12. * quid ? I. 12.

K

K *Αδίκον* quid Stoicis ? I. 119. *

Κήρυξ sacrosancti & in- violabiles apud Græcos .

II. 223.

L

L *Abor* : ad eum obliga- ti sumus . I. 152. ab

immodico tamen absti- nendum . I. 145.

Ladens tenetur ad satisfac- tionem . I. 210.

Ledere quid ? I. 175. nemo lændendus . I. 128. 78.

193.

Largitas quid ? I. 221. *

Legatos mittendi jus . II. 222. eorum jura . II. 222.

223. an indemnes illi præstandi si quid casu

damni passi sint ? I. 349. *

Leges ferendi potestas jus majestatis . II. 151. ci-

viles quid ? II. 152. cir- ca divinas quid liceat

imperanti ? II. 153. ea- rum sepimentum quid ?

II. 153. * perfectæ, im- perfectæ, minus quam

perfectæ . II. 155. huma- nae an admittant excep-

tionem necessitatis ? I. 159, in divinis affirmati-

va ?

va? **I. 159.** an divinæ ne-
gantes? **I. 161.** seq. di-
vinæ quid & quocupli-
ces? **I. 64.** naturales
Deum auctorem habent.
I. 10.

Lex imputaturo actionem
perspecta esse debet. **I.**
100. & rite interpretan-
dā. **I. 101.** ejus, si per-
fecta si, quor partes,
& quæ esse debeant?
II. 154. ei aditæ san-
ctio pœnalis definita,
indefinita, arbitraria.
II. 155. fundamentalis
reip. quid? **II. 212.** si-
ne ea boni fuisse dicun-
tur primævi homines.
I. 8. *

Liberi parentibus debent
amorem devotionis. **II.**
67. 68. 70. erga eos of-
ficia parentum. **II. 66.**
eorum obligatio erga
parentes, soluta horum
potestate. **II. 72. &**
74. eorum successio in
bona parentum. **I. 297.**
seq.

Libertas quid? **I. 4.** **II.**
6. * **virtute** præditorum.
I. 42. * voluntaris. **I.**
53. seq. naturalis, po-
litica, vel civilis, &
juris gentium. **II. 6.** *

Libertus quis? **II. 89.** **ejus**
officia. *ibid.*

Licita non omnia honesta.
I. 38. *

Linea facit heredes pro-
prios. **I. 296.** *

Litteris loco sermonis uti-
mur. **I. 195.** *

Locatio conductio invento
nummo, invalida. **I.**
350. I. 360. quid circa
eam justum? **I. 360.** seq.

Locatoris officia. **I. 361.**

M

Macchiavellistarum prin-
cipia. **II. 131.**

Magia supersticiosa fugien-
da. **I. 133.**

Magistratus qui? **II. 181.**
quid circa eos justum?
ibid. & seq.

Majestas realis an penes
populum in monarchia,
personalis penes princi-
pem. **II. 130.** ejus ju-
ra quis in monarchia,
aristocratia, & demo-
cratia exerceat? **II. 123.**
seq. quis in rebus pub.
mixtis? **II. 125.** quis
in systematibus civita-
tum? **II. 126.** ejus jura
quid? **II. 135.** an ea-
dem ac regalia? **II.**
135. * intinentia &
transcuntia. **II. 136.**
seq. an sint dividua?
II. 138.

Maledictio quid? I. 203.
illicita. I. 205.

Mandantis officia. I. 349.

Mandatorii officia. I. 347.

Mandati contractus, ejusque indoles. I. 346.

Manifesta, scripta, quid? II. 200. *

Manumissio quid? II. 88.

Mare an in dominio? II. 177.

Mariage de conscience. II. 50. *

Maritalis potestas qualis? II. 46. an pacto mutari aliquid circa illam possit? II. 47.

Maritus an castigare possit uxorem? II. 46. onera matrimonii ferre tenetur. II. 48. an gaudeat imperio in uxorem? II. 45.

Masculi an feminis in successionebus præferendi? I. 297.

Mater obligata est ad infantes lacte suo alendos. II. 61. *

Materfamilias quæ? II. 90.

Matrimonium quatenus imperfectum, putativum. II. 50. senum veluti dissolubile? II. 49. in-honorarium. II. 32. extra id omne genus libidinum veritum? II. 35. ejus onera ferre

tenetur maritus. II. 48.

Mediatorum pacis officium. II. 221.

Membrum an abscindi possit vitæ servandæ causâ? I. 165.

Mendacium quid? 199. quomodo a falsiloquio differat? I. 201.

Mens perficienda pro virili. I. 350.

Meritum effectus imputationis. I. 99.

Metalla nobiliora cur adhibita, ut pretio emittente fungerentur? I. 335.

Militia lecta, mercenaria, socia. II. 192. *

Milites an quidam fugientes excludi possint castris, ne simul hostes irruant? I. 167. *

Ministrissimus quis dicatur? II. 182.

Missilia cui adquirantur? I. 249.

Mixtæ actiones an dentur? I. 58.

Moderamen inculpatæ tutelæ quid? I. 163. 166. & 180. ejus limites. I. 181. adversus quos eo uti liceat? I. 182. quamdiu ei locus sit in statu naturali? I. 183. & civili? I. 184.

Monarcha quemvis honoris

ris titulum sibi recte ad-
sciscit. II. 120. in mo-
narchia solus exercet
jura majestatis. II. 121.
quomodo a tyranno dif-
ferat? II. 122.

Monarchiæ origo. II. 116.

Monarchomacorum error.
II. 130.

Monetam cudendi jus ad
fiscum pertinet. II.
178.

Mores quid? I. 155. an li-
bertatem voluntatis im-
pediant? I. 55.

Morganatica lex. I. 50.

Mori quid? I. 143.

Mors quando intrepide
obeunda? I. 143. vo-
luntaria semper injusta.
I. 144.

Multæ ad fiscum perti-
nent. II. 178.

Municipium an sit respu-
blica? II. 129. *

Musshirung quid? I.
270. *

Mutuum quid? I. 364. in
eo transfertur dominium.
I. 365.

N

N*aufragium.* In eo
quid justum pro vi-
ta servanda? I. 167.

Necessitas an habeat legem?
I. 155. ejus favoris quod-

nam fundamentum sit?
I. 156. quid & quotu-
plex? I. 157. quæ fa-
vorem mereatur? I. 158.
regulæ de favore neces-
sitatis. I. 159. seq. an
ea urgente quis contre-
ctare vel perdere possit
res alienas? I. 170.

Negotiorum gestoris offi-
cia. I.

Negotiorum gestio. I. 346.
ejus, cujus negotia ge-
sta, officium. I. 349.

Nepotes quomodo avibus suc-
cedant? I. 299. seq.

Neutralitas. Tractaren.
II. 210.

Noachi præcepta an nor-
ma J. N. I. 16. & 72.

Nobilitatis gentilitiæ ori-
go. I. 105. *

Nolle & non velle an sy-
nonyma? I. 52.

Norma actionum an indi-
geat homo? I. 4. quid?
I. 8. ejus requisita. I. 5.
seq. juris naturæ an
eadem cum ejusdem
principio? I. 60. non
in nobis ipsis, sed ex-
tra nos querenda. I.
61. an illa sit voluntas
Dei? I. 62.

Novatio. I. 389. quid sit?
I. 418.

Nummi definitio *Aristote-*
lica. I. 321. * *ejus loco*

variis rebus usæ sunt alia
gentes. I. 335. * quan-
tum illi pretii statuen-
dum? I. 336. eo nondum
invento, quale commercii
genus in usu fuerit? I. 337.

Nuptias facit consensus.
II. 29. an iis ritus quos-
dam desideret J. N. II.
42. qui eas facere pos-
sint? II. 32. seq.



Obedientia quid? I.
87. *

Obligatio quid? I. 6. ex-
terna & interna. I. 7. ejus
correlatum jus. I. 7.
species obligationis no-
bilissima est interna, at-
tamen jus naturæ & ex-
ternam desiderat. I. 8. *
& 9. perfecta & imper-
fecta. I. 9. solvitur va-
riis modis. I. 406. solu-
tione. I. 407. compen-
satione. I. 409. condo-
natione. I. 411. mutuo
dissensu. I. 412. tempo-
ris lapsu & non existen-
te conditione. I. 414.
morte. I. 425. status mu-
tatione. I. 416. rei inte-
ritu. I. 417. novatione
& delegatione. I. 418.

Osequium erga Deum
quid? I. 131.

Obsidum jura & obligatio-
nes. II. 221. *

Occasio quid? I. 114. * pec-
candi vitanda. I. 114. *

Occidendum non est. I. 179.

Occupatio quid? I. 222. quo-
modo fiat? I. 242. per
universitatem, & per
fundos. I. 243. bellica

unde derivanda? I. 147.

Ochlocratia. In eam facile
degenerat democratia.

II. 117. I. 4.

Odium quid? I. 80.

Officiofitas quid? I. 222.
ad eam obligamur. I.
229.

Officium quid? I. 113. 120.

172. perfectum & im-

perfectum. I. 173. seq.

absolutum & hypothe-

ticum. I. 175. funda-

mentum perfectorum of-

ficiorum. I. 75. hy-

potheticorum. I. 176.

imperfectorum. I. 214.

imperfecta aliquando in

perfecta transeunt. I.

216. naturalia, Chri-

stiana, civilia. I.

123.

Oligarchia. In eam dege-

nerare potest aristocratia.

II. 117. 123.

Opium. Ad id eligeri-

dum sumus obligati. I.

92. * I. 181. *

Ordo in familia bene con-

sti-

stituta præcipuum. II.

98. naturæ an principium juris naturalis?

I. 76.

P

Pacis externæ studium an principium juris Naturæ? I. 73.

Paciscentium. consensus mutuus esse debet. I. 396.

Pacisci qui possint? I.

392. an & pro aliis liceat? I. 403.

Pactum. Ex eo officia hypothetica. I. 176.

quid? I. 385. a contractu quomodo differat? I. 385. an utile,

quod initium ex ignorantia vel errore? I. 393.

an, quod dolo malo elicitum? I. 394. an, quod

vi extortum? I. 395. an quod factum de rebus

impossibilibus? I. 397. vel de turpibus? I. 398.

an, si conjunctum sit cum alterius detrimento?

I. 399. cur pacta sint necessaria? I. 386.

maxime in statu naturali. II. 11. ea servanda. I. 387. sequ. alia

unilateralia, alia bilateralia, alia obligatoria, alia mixta. I. 389.

Hein. de J. N. & G.

& nuda obligant. I.

390. alia expressa, alia tacita: I. 391. alia pure,

alia sub conditione, alia ex die vel in

diem incuntur. I. 401. sub conditione impos-

sibili vel turpi inita non valent. I. 401. seq.

Pactum de successione an valeat? I. 192. reddenda vicissitudinis quid

I. 341. de commodando. I. 357. protimi-

seos, de evictione præstanda, vel poena in casum poenitentiae solvenda. I. 357. de retroven-

dendo. I. 357. antichreticum. I. 369. de rebus factisve alienis. I. 400.

Pagus qualis societas? II. 18. *

Parentes jure divino an ad successionem vocati? I. 301. * inter eos

& liberos societas. II. 51. eorum potestas, in

liberos unde, & quanta sit? II. 53. 361 sequ.

quibus competat? II. 54. sequ. an & jus vitæ

& necis comprehendat? II. 57. an jus venundandi noxæve deden-

di? II. 58. officia eorum erga liberos. II. 58.

seq. iis quid debeant li-

be-

D d 4

beri? II. 67. sequ. potestas eorum quomodo solvatur? II. 71. sequ. an ea soluta consent liberorum officia? II. 72. 74.
Passio quid? L. 25. an eam dirigat jus naturæ? L. 27.
Paterfamilias quis? II. 90. ejus potestas in statu naturali. II. 93. & civili. II. 94. ejus ac matrisfamilias officia. II. 96. sequ. in statu naturali jus dicitur familiæ. II. 93. II. 156. *
Patriæ quid debeamus? II. 225. an dulce pro ea mori? *ib.* *
Patriæ potestas, vid. *Parentes.*
Paupertas an recte imputetur? L. 152. eam bonus vir æquo animo ferre debet. L. 52. *
Pax quid? II. 217. circa eam jus imperantium. II. 216. ei an obstat exceptio læsionis. II. 218. nec non exceptio quod metus causa. II. 219. an & cum rebellibus inita valeat? II. 220. ejus sponsores quinam? II. 209. 221.
Peccatum exiguum nullum putat virtutis studiosus. L. 37. * quid? L. 117.

Pecunia pretium eminens. L. 329. ejus definitio Aristotelica. L. 329. *
Pellex quid? II. 50. *
Perfectionis definitio. L. 2. *
Perficere quid dicatur hominem? L. 2.
Perfidia an obligationem perimat? L. 443.
Periculo sese offerre improbum. L. 155. * alterum exponere sine ratione, injustum. L. 79.
Periculum rei venditæ & nondum traditæ quem penes esse debeat? II. 353.
Permutatio, antiquissimum commercii genus. L. 333. * contractus antiquissimus. L. 337. apud omnes gentes recepta. *ibid.* quid sit? L. 338. vel simplex, vel æstimatoria. L. 338. quid circa utranque iustum? L. 339. sequ. æstimatoria quomodo differat ab emptione venditione? L. 350. *
Phariseorum vita austera, jejunia, largitiones, actiones bonæ? L. 116. *
Pignoris jus quid? L. 293.
Pignus, quid circa eum contractum iustum? L. 370. an, eo intereunte, liberetur debitor? *ib.* *
Piscatio, species occupationis. L. 244.

Plantatio species accessio-
nis, & quid circa eam
justum sit? *L. 264.*

Pana quid? *L. 99.* ejus de-
finitio Grotiana. *II. 159.* vel naturalis, vel
positiva. *L. 66.* conven-
tionalis. *II. 159.* * eam
aliquem meruisse de-
claratur per imputatio-
nem. *L. 99.* qualem
transgressoribus mine-
tur jus naturæ. *L. 66.*
eam infligere an possint
pares? *II. 159.* eam irro-
gandi jus est penes im-
perantem. *II. 158.* qui
& gratiam ejus facere
potest. *L. 158.* ejus finis.
II. 160. an ad illam obli-
gatus sit delinquens? *II. 161.*
quanta ea esse de-
beat? *II. 164.* sequ. an
famofam eam esse expe-
diat? *II. 167.*

Πολυανδρία apud omnes
gentes prohibita. *II. 36.*

Πομπη an licita? *II. 36.*
sequ. pro ea qui scrip-
serint? *II. 37.* *

Possessio quid? *L. 231.* effe-
ctus dominii. *L. 306.* do-
mini a nemine debet in-
terverti. *L. 320.*

Possessor bonæ fidei loco
domini est. *L. 312.*
quos fructus percipiat?
II. 314. sequ. malæ fi-

dei quos fructus resti-
tuat? *L. 316.* etiam ca-
sum ferre tenetur. *L. 317.* *

Praefectura an respublica?
II. 129. *

Premium an & quando
quis mereatur. *L. 99.* *

Præscriptio an præsidium
reperiat in jure nat. &
gentium. *L. 323.* *

Pretium quid? *L. 328.* vul-
gare & eminens. *L. 329.*
quomodo vulgare defi-
niendum? *L. 330.* sequ.
adfectionis quid? *L. 332.*
eminens cur in-
ventum? *L. 333.* ejus
requisita. *L. 334.* sequ.
vulgare *vel* *gremium*,
vel conventionale. *L. 345.* *

Primogenitus an natu mi-
noribus præferendus in
regno? *L. 297. II. 143.*

Princeps, vid. *imperans.*

Principium juris naturæ
quid? *L. 60.* * *L. 67.* ejus
requisita. *L. 68.* non
consistit in sanctitate
Dei. *L. 69.* nec in in-
terna actionum justitiæ.
L. 70. nec in consensu
omnium gentium. *L. 71.*
nec in septem Noachi
præceptis. *L. 72.* nec in
jure omnium in omnes.
L. 73. nec in pacis ex-
ter-

ternæ custodia. *ibid.*
 nec in statu integritatis. *L. 74.* nec in socialitate. *L. 75.* nec in ordinaturæ. *L. 76.* nec in utilitate humani generis. *ib.* nec in theocratia morali. *ib.* sed in amore. *L. 79.* idque est principium verum, evidens, & adæquatum. *L. 94.*
Probabilissimi lubricum fundamentum. *L. 40.*
Promissio perfecta & imperfecta: an illa tantum obliget? *L. 389.**
Promittere an possimus pro aliis? *L. 403.*
Proprietas quid? *L. 231.* ejus origo. *L. 237.*
Provincia an sit respublica? *II. 129.**
Provocatio ad quem suprema dirigenda sit? *II. 159.**
Propter Græcis & mendacium & falsiloquium denotat? *L. 201.**
Pudiciam an vi liceat defendere? *L. 186.* alterius non laedenda. *L. 192.* ejus sollicitatione a quibusdam gravior poena proposita, quam stupro violento. *L. 192.**
Pupillorum & tutorum matris obligatio. *II. 75.*

Puniendi qui sint? *II. 163.* an & universitates? *II. 163.*

R

Rapina quid? *L. 321.*
Raptorem inter & raptam an nuptiæ ratæ sint? *II. 29.*
Recht quid Germanis? *L. 9.**
Reformandi jus impetanti competens. *II. 187.*
Regalia quid? *II. 135.** majora & minora. *ib.*
Regnum, vid. *Imperium*. An a monarchia differat? *II. 116. hereditarium* ejus sit originis? *L. 105.**
Religio non consistit in sola probitate vitæque integritate. *L. 127.**
Relocatio tacita. *L. 363.*
Remissio quid? & quomodo fiat? *L. 411.*
Representationis jus acquiriti naturali consentaneum. *L. 299.* ei an & inter collaterales sit locus? *ib.*
Repressalia quid? & quid circa eas justum sit? *II. 205.*
Reservationes mentales respicit jusjurandum. *L. 208.*
Res nullius quænam? *L. 241.*

241. amiffæ & furtim ,
vel vi furreptæ manent
in dominio prioris do-
mini . I. 241. alienæ do-
minis reftituendæ . I.
323. dividuæ & indivi-
duæ quomodo dividen-
dæ . I. 276.

Reſpublicæ quomodo orian-
tur ? II. 18. & 194. ſequ.
Achaicæ . II. 119. cur
inſtitutæ ? II. 106. quo-
modo juſtæ a latronum
cœtibus differant ? II.
106. earum finis . II. 106.
ſequ. mixtæ quid ? II.
118. earum forma quæ
veteribus viſa ſit optima ?
II. 118. * ſœderatæ quæ ?
II. 119. quot perſonæ
conſtituant rempublicā ?
II. 107. ſequ. an ſine
territorio conſiſtat ? II.
108. pacta & decretum ,
per quæ populus coale-
ſcit in rempublicam . II.
109. ſequ. ejus formam
novam aliquando victo-
res victis obtrudunt .
II. 114. in omni rep. eſt
imperium ſummum &
ἀντὶ τοῦ παντός . II. 129. ea
everſa , cives eſſe defi-
nunt . II. 229. an & for-
mæ priore mutata . II.
230.

Reſtitutio rei alienæ, quan-
do neceſſaria, vel non ?

I. 423. ſequ.

Retrovenditionis pactum .

I. 357.

Reus ſtipulandi vel promit-
tendi . I. 374.

S

Sæcra . Circa ea jus ma-
jeſtatis . II. 183. in
quonam illud conſiſtat ?
II. 184. ſequ.

Sanctitas Dei non eſt ju-
ris naturæ principium .
I. 69.

Sanitas alterius non læ-
denda . I. 179.

Satio , ſpecies acceſſionis .
I. 264.

Satisfactio quid & quotu-
plex ? I. 211. quomodo
præſtanda ? I. 212.

Scholarum cura pertinet ad
principem . II. 175.

Scotatio , ſpecies traditio-
nis ſymbolicæ . I. 276.

Scriptura ſacra an princi-
pium cognoscendi J. N.
I. 16.

Scriptura loco ſermonis eſt
I. 195. quid circa eam
juſtum ? I. 262.

Scrupuloſa cōſcientia quid ?
I. 41.

Scrupulus quid ? *ibid.* *

Securitas civium , finis re-
rumpublicarum ? II. 107.
in quo conſiſtat . II. 150.

- Senes* an recte contrahant nuptias? II. 32.
- Sermonem* homo præ brutis peculiarem habet. I. 194. Quid sit sermo? I. 195. quomodo illo utendum? I. 196. sequ.
- Servi* mercenarii cujus conditionis? II. 82. itemque obnoxii? II. 84. sequ. utrorumque officia erga dominos. II. 87. familiares qui? II. 90.
- Servilis* hominum vitiis deditorum status. I. 42. *
- Servitus* in re aliena quid? I. 282. personalis & realis. I. 282.
- Servitus* hominum obnoxia an sit contra jus naturæ? II. 78. an quis in eam se ipse addicere possit? II. 79. quomodo finiat? II. 88. quotuplex? II. 77.
- Servus* quis? II. 77.
- Socialitas* an principium J. N. I. 75.
- Societas* contractus. I. 363. *
- Societas* quomodo constituitur? II. 13. quid? II. 14. ratione finis diversæ sunt societates. II. 15. aliæ justæ & licitæ, aliæ injustæ & illicitæ. II. 15. aliæ ultroneæ, aliæ coactæ. II. 16. simplices aliæ, aliæ composi-
tæ. II. 18. æquales vel inæquales. II. 19. initur consensu. II. 17. habeatur pro una persona. II. 20. Ejus obligationes eadem, ac singulorum hominum. II. 21. quales illæ sint ratione sociorum? II. 22. ratione aliorum. II. 23. 24.
- Societas* contractus. I. 379. ea est vel universalis, vel generalis, vel singularis. I. 380. sequ. an ea liceat excedere invito socio? I. 382. conjugalis. vid. *conjugium*: paterna. vid. *parentes*: herilis. vid. *servitus*: familiæ. vid. *familia*.
- Sociorum* officia. II. 25. sibi invicem tenentur ad præstandam evictionem. I. 274.
- Solutio* quid? & quid circa eam justū sit? I. 407. sequ.
- Somnia* an imputentur? I. 106. *
- Specificatio*, species accessionis, & quid circa illam justum sit? I. 259.
- Sponsalia* quid? II. 30.
- Sponsio* quid, & quid circa eam justum sit? II. 213.
- Sponsoris* patris officium. II. 209. 221.
- Spontanea* actio quæ? I. 58.
- Spontaneitas* quid? I. 53.

Status quid? II. 2. phylicus & moralis. II. 2. naturalis & adventitius. II. 3. naturalis an hic opponatur statui brutorum? II. 4. est status æqualitatis. II. 5. & libertatis. II. 6. in eo vigere debuit jus naturæ. II. 7. non ergo in eo jus omnium in omnes. II. 9. in eo viventibus jus belli est. II. 10. pacta in illo maxime necessaria. II. 11. an tanta ejus miseria, quanta vulgo illi tribuitur? II. 12. ei cur statum socialem prætulere homines? II. 13. socialis quid? II. 14.

Status integritatis an principium juris naturæ? I. 74. civilis omnibus fere gentibus placuit. II. 100. vera ejus rei causa. II. 101. sequi.

Status mutatio modus solvendi obligationes. I. 416.

Submissio voluntatum quid. II. 115. *

Sucessio testamentaria an & quatenus juris naturæ? I. 268.

Sucessio ab intestato, ejus fundamentum. I. 285. seq. liberorum. I. 297. seq. adscendentium. I.

301. collateralium. I. 302. seq. qualis in rebus successivis obtineat? II. 142. sequi. Francica & Castellana. II. 143.

Sucessivum imperium quid. II. 143.

Superficii jus. I. 281.

Superstitio quid? I. 132. ejus effectus & cum atheismo comparatio. I. 133. *

Suum quid, quisque dicat? I. 175. 231.

Συναλλαγή, σύμβολα, συμβολαία. commercia cur Græcis dicta? I. 128.

Systema civitatum quid? II. 18. * II. 129. istorum diversissimæ species. II. 128.

T

T *Acere* quando liceat interrogari. I. 200.

Taciturnitas quid? I. 201.

Talionis jus an locum inveniat? II. 165.

Temperamentum an impediat libertatem voluntatis? I. 54.

Territorium occupatum ejus sit? I. 243.

Testamentum. vid. *Sucessio*. Ejus origo. I. 268. quid sit? *ibid.* & 286. an ex jure naturæ? I. 287. sequi quid

quid ex mente Grotii ?
I. 290.

Theocratia moralis an principium juris naturæ ? I. 76.

Thesaurus inventus cui cedat ? I. 249.

Tignum junctum an solvi queat ? I. 261. *

Timor Dei quid ? I. 131.

Tractatus quid ? I. 389. *

Transitio quid ? I. 266. an ad transferendum dominium necessaria ? I. 275. quocuplici modo fiat ? I. 276. & 284. symbolica . I. 276. quis per eam transferre possit dominium ? I. 277. ex qua causa per eam transferatur dominium ? I. 278. seq. fieri debet accipienti . I. 284. ante eam cuius in venditione sit periculum ? I. 353.

Transactio quid ? 389. II. 75.

Tributa indicere jus majestaticum . II. 168. quid circa ea justum ? II. 179. sequ.

Tutela quid ? I. & quamdiu duret ? II. 75. suprema jus imperantium . II. 169. *

Tutorum & pupillorum mutua obligatio . II. 75.

Tyrannis quid ? II. 117.

inter eam & monarchiam quid intersit ? II. 122.

Tyrannica artes . II. 122. *

V

V *Aletudinis* cura uni cuique incumbit . I.

44.

Vestigalia . vid. *tributa* .

Venatio , species occupationis . I. 244. sequ.

Vendita , & nondum traditæ rei penes quem periculum ? I. 353.

Venditor emptori rei venalis qualitates indicare debet . I. 351. ad evictionem præstandam est obligatus . I. 356.

Veneratio quid ? I. 87. *

Veracitas quid ? I. 202.

Verbis nemo lædendus . I. 193. eorum notione recepta utendum . I. 197.

Veritas quid ? I. 202.

Verna quis ? II. 87.

Victi . in eos quomodo acquiratur imperium ? II. 206. iis victor aliquando novam imperii formam obtrudit . II. 114.

Vindicans rem quid b. f. possessori restituat . I. 311.

Vindicatio effectus domini . I. 306. 311.

Vis externa an impediatur
li-

libertatem voluntatis ?

I. 56. quando illi cedendum ? I. 111.

Vita : ejus servandæ causa an membrum abscindere liceat ? I. 165. ad eam servandam unusquisque est obligatus. I. 143. seq.

Vitia, ad ea omnino evellenda unusquisque obstrictus est. I. 149.

Ultronea actio quid ? I. 58.

Universitates an puniendæ ? II. 163.

Vocatio divina specialis quid ? I. 147. *

Volenti an fiat injuria ? I. 399. *

Voluntas quid ? I. 51. nihil decernit, nisi prælucente intellectu. I. 30. ejus actus & natura. I. 52. spontaneitas & libertas. vid. *libertas*, antecedens & con-

sequens. I. 57. efficax & inefficax. I. 112. excolenda est. I. 148. & emendanda. I. 149. alterius non lædenda. I. 189.

Voluntas Dei, norma actionum humanarum. I. 62. seq. eadem est justitiæ divinæ fundamentum. I. 65. nihil aliud intendit, quam felicitatem nostram. I. 77. seq. *Urbs* qualis societas. II. 18. *

Usucapio an juris naturæ ? II. 323. *

Usuræ quid ? I. 267. an jure naturæ licitæ ? I. 368.

Utilitas an fons juris ? I. 76. 78.

Uxor an ad majorem, quam maritus, obstricta sit castitatem ? II. 44. in eam an marito imperium competat ? II. 45. seq.

ΠΑΝΤΑ ΚΑΛΩΣ ΕΣΤΑΙ.

NOI

NOI RIFORMATORI

Dello Studio di Padova.

A Vendo veduto per la Fede di revisione, ed approvazione del Padre Fra Paolo Tommaso Manuelli Inquisitore nel Libro intitolato: *Heineccii Elementa Juris Naturæ & Gentium, &c.* non esservi cos' alcuna contro la Santa Fede Cattolica, e parimenti per attestato del Segretario nostro, niente contro Principi, e buoni costumi, concediamo Licenza che possi esser stampato, osservando gl'ordini in materia di stampe, e presentando le solite Copie alle Pubbliche Librerie di Venezia, e di Padova.

Dat. li 20. Agosto 1740.

(Gio: Pietro Pasqualigo Riform.

(Gio: Emo Proc. Riform.

Agostino Bianchi Segr.

Adi 25. Agosto 1740.

Registrato nel Magistrato Eccellentissimo degli Esecutori contro la Bestemmia.

Vettore Gradanigo Segr.

20048



